

續修四庫全書

《續修四庫全書》編纂委員會編

續修四庫全書



上海古籍出版社

五〇二・史部・詔令奏議類

左恪靖侯奏稿初編三十八卷 左恪靖侯奏稿續編七十六卷 左恪靖侯奏稿三編六卷

(初編卷一至卷三十七) (清)左宗棠撰……………

264/02

左文襄公  
奏疏

左恪靖侯  
奏稿初編  
十八卷

初編 勦匪三十八卷

咸豐十一年十一月起  
同治五年十一月訖

續編 討捻  
平回七十六卷

開疆  
同治五年十二月起  
光緒八年八月訖

三編 督江  
防海六卷

光緒八年八月起  
光緒十一年六月訖

都百二十卷

序

同治四年冬恪靖伯少保左公龕定東南之亂聚粵寇  
嘉應殲焉明年春至師凱旋閩中武備久弛吏治失修  
公還銳意興復以初為因不數月百度維新秩秩咸理  
頑廉懦立風俗一變其年秋

天子以西陲師久無功

詔公提得勝師移營陝甘行次漢陽得

旨佩欽差大臣印乘節制兩省兵平賊向讀歐陽文忠

外制集序敘慶歷之際朝廷信任韓范二公入則參知

初編序

一

政事出則經略邊陲許為聖賢相遺萬世一遇以今方  
之又豈有異哉方公之西也大春適奉

命權提福建陸路軍事而公又以損兵益餼事勲勲相

屬致不果從回憶辛酉壬戌之交全浙河決魚爛時公

以太常卿督師先掃平江皖乃移軍三衢既乃被巡撫

浙江之

命大春正以浙事奉

嚴旨褫職待對簿於衢公以嚴州士民之請為上於

朝俾効力行間以順前負自後大軍規金嚴規甯紹規

杭湖每戰皆捷大春率一旅之師無不皆從列郡珠還  
鐫級洊復起罪廢之餘其獲有今日者公一人力也故  
每讀當時薦牘感

朝廷棄瑕錄用格外矜全與公為國憐才維持調護苦

衷輒令人且感且泣豈然不知涕之從落也浙事既平

餘燄熾開廣交公聞警先以三路兵分水陸倍道赴援

自帥中軍繼之十餘年劇寇是役草薶禽獮幾於無有

子遺所漏網者汪海洋之黨而已及公節制三省之

命下首定長圍困賊之策以為一鼓成禽計鮑提督超

初編序

二

者徇將也向提數萬眾獨當一面以善戰名江楚間聞  
公大舉深入自上疏請以所部聽指揮於此見公用兵

之神一時名將傾倒敬服類如此又奚怪乎旌旄所指

迅奏膚公偶有緩急

廟堂之上輒相需如左右手也在公忠誠貫日月義氣

薄雲漢苟利國家外此百所弗計故雖兵間積苦從未

嘗以况瘁形於詞色窮冬苦寒風雪交作窮廬積霰高

與身等公擁緇布絮裘據白木案手披圖籍口授方略

自晨至於日昃矻矻不少休息軍事旁午官書山積亦

必一一省治最下裨校寸稟尺牘皆手自批答示其要  
領蓋公之忠勤本出性生而天賦精神才力又足以副  
之以大春所見其刻苦往往有窮措大所不能堪者而  
公處之晏如也然在局外觀之終不能無耿耿耳矧夙  
蒙國士之知如大春者乎聞得西來消息聞回捻交註  
戎事孔棘則愀然以憂蹶然而起深夜披衣以興往往  
至於三四及王師屢捷好音迭來則又不禁心焉以喜  
出門西望所然而笑仿佛置身百二山河間聽壯士長  
歌入四扇潼關也究其憂喜之端自亦有莫測其故者

初編序

三

待罪於茲忽忽三載編閱無事金革不興治兵之暇稍  
及文事因出公生平奏議而卒讀之庸自課焉其在張  
駱兩大司馬尊所著湘中兩湖二稿已刊諸福州矣集  
同治紀元己後訖丙寅秋得廿八卷謀請諸梨棗以廣  
其傳幕下客徐都司葆函推究心於古人之文嘗謂輒  
近章疏庸淺俚俗去古彌遠唐宋以奏議名家者首推  
陸宣公蘇文忠觀其所上萬言書疏牋表劄子非不敷  
陳時務條其利病其引古也經經而緯史文而不流於  
迂其論事也剴切而詳明質而不流於俗以古人之筆

行今人之文不辭而人於古求之當代大人先生某得  
二人焉一則大中丞幼丹沈公其一則左公也蓋沈文  
如懸崖峭壁蹊迥獨別其妙處得古人之高而公文則  
長江大河一波未平一波復起其妙處得古人之大不  
知者以公功在社稷名列旂常疑其文章或為勳業所  
掄要之珠光劍氣固各有不可磨滅者在也梓而行之  
固夙被恩知者所宜有事亦使後世讀公之書得以想  
見公之爲人而公頻年馳驅戎馬衝犯鋒鏑一片忠君  
愛國之懷亦遂昭然顯揭於天壤之間豈不偉哉豈不

初編序

四

偉哉大春避其言因即屬以編校之役始丁卯秋九月  
六閱月而劄劄者以訖工告既喜燦然成帙有以公諸  
同好而垂示永永也其政以不文辭而遂嚶嚶已乎夫  
公以名孝廉起家戎器抱不世出之才會國家多事之  
秋不十年位躋封疆任隆師係分茅昨土異數酬庸可  
謂極千古文人之榮遭際之隆所謂韓范者或威名事  
業堪與相埒而君臣之際旋旋交乘旋用旋已在歐公  
推崇本朝措詞不得不爾以云一德之盛則復乎遠矣  
粵寇金田倡亂流毒海內垂二十年

朝廷宵旰憂勤命將出師力痛財殫天下之大已漸成瓦解土崩之勢以視韓范當日所處難且十倍自楚軍出兵威日振寇燄因之日衰凡以三湘七澤之雄得名行間其後秉鉞登壇經略數省豐功偉烈至今赫赫照人耳目者不一而足要皆公贊襄帷幄所汲引提挈為多蓋楚軍之用舍實粵寇成敗盛衰一大關鍵惟楚有材得以空羣竭澤畢出以供國家之用卒收東南糜爛之局又公一人實為之關鍵觀人當於其大然則謂粵寇之平始終皆公一人力焉可也彼拘墟者囿於一隅

初編序

五

之見震於目前之功其又烏足與語公之深哉集成輒書所見并諸簡端以質海內之讀公書者若夫行文之法固未知其於行兵何如若仍不外乎奇正變化從衡離合虛實擒縱之奇照應起伏之妙則大春觀公行文之日久矣雖陸蘇復生政恐未必多讓同治七年歲次戊辰花朝後十日署福建陸路提督銜福甯鎮總兵官衝勇巴圖魯舊部黔中羅大春謹序

左恪靖侯奏稿初編總目

卷一

督辦浙江軍務據探省城失守現辦情形摺  
請催調各路營勇來浙並進發捐輸部照片  
請速令劉總兵募勇來衢設立水師署衢鎮片  
補授浙江巡撫謝 恩摺  
奏官軍由徽入浙三獲大捷衢屬開化肅清摺  
覆奏駐軍開化馬金街正可兼顧衢城摺  
附奏官軍入浙應設糧臺轉運接濟片

初編總目

十一

叙保軍中尤為出力官員以資贊助片  
請迅敕催調所知各員速來軍前差委片

卷二

進攻遂安克復縣城摺  
覆奏籌畫進取情形摺  
回援衢州江山兩城圍解摺  
遂安官軍兩次擊賊獲勝立解城圍摺  
李楊兩遊擊現籌進剿情形摺  
瀝陳餉項支絀籌辦艱難情形摺

查抄革員張景渠原籍資產摺

甄汰安越軍存留五營片

保奏材堪司道等員摺

訛明王履謙貽誤情形據實參奏摺

卷三

衢州東南北三路一律肅清摺

探報湖州府城失守片

道員籍差回籍延不歸營請旨革職片

查明浙江失事文武各員片

初編總目

二

甯口郡縣克復溫郡漸就肅清摺

請援照湖北米捐減成章程收捐以濟軍食摺

蠲免浙省錢糧敬陳辦理情形摺

請飭催道府各員迅速赴浙摺

馳援遂安擊敗大股逆賊摺

總兵請假回籍遊員接署摺

查造衢防兵勇片

查辦失守文武先將情罪較重之員定擬摺

卷四

寬免處分謝恩摺

遵旨將已革藩司提督正法片

審擬秦遊擊債事緣由片

進攻龍游截剿大股逆賊獲勝摺

收復郡縣查悉賊情布置大概片

訪聞已革道員資財寄頓片

保獎迭次打仗出力員弁兵勇摺

攻剿迭勝克復縣城要隘情形摺

請以秦提督署浙江提篆赴甯波片

初編總目

三

請飭崇副將順解馬匹赴浙片

遴升赴口員馬懇准免稅片

浙江藩司請仍交道員代理片

查參道鎮知縣各員摺

失事弁兵母許收伍片

卷五

逼攻龍湯縣城賊壘情形摺

發給勅伯勒東劄憑片

派兵駐防徽休地方片



已革道員督緝擊問片

遊員接署甯波知府片

攻剿嚴州克復郡城摺

附陳賊情並監放炸礮片

請將知府留浙補用片

請飭部續發米捐執照片

會銜奏官軍會剿竄微之賊克復績溪等城摺

請應題應咨各件督緝辦理片

卷六

初編總目

四

圍攻龍湯兩城截剿金蘭援賊情形摺

定海兵團會同輪船擒捕海盜情形片

查明副都統圍門殉難情形摺

請將陣亡參將 賜卹片

查明失事可原各員懇請免罪摺

請將殉難知縣 賜卹片

懇准已革總兵留營差遣片

連復郡縣生擒首逆摺

請將高總兵仍留浙江軍營片

查辦浙省失事各員分別定擬摺

卷七

奏報連復六縣布置情形摺

分別審辦龍游首逆片

遞陳餉項支絀緣由片

請將楊知府開缺以道員用片

奏報克復郡縣城池布置情形摺

遞陳浙省殘黎困敝情形片

浙江初次米捐援例請獎摺

初編總目

五

請將初次米捐照常嚴獎片

陳明紹興蕭山克復詳細情形摺

查明法國參將陣亡請 卹摺

浙江甯波新關經費請作正開銷摺

甯波新關另設巡船經費請於洋稅項下開銷片

卷八

奏報富陽皖南兩路獲勝情形摺

請調京員並即用縣之新進士赴浙差委片

請飭道員兼督松所盛務片

進剿富陽按賊大獲勝仗情形摺

奏報馳剿徵徐賊匪獲勝情形摺

請卹抗湖殉難文武大員摺

恩蠲浙省錢漕請於二年之上冠以同治二字欽遵片

劣紳偷勢壓民請先革職嚴辦片

奏復進剿那騷賊匪克復縣情形摺

陳明溫州海關改由溫處道就近徵解片

請卹浙江殉難文武官紳摺

卷九

初編總目

六

補授閩浙總督謝恩摺

奏報截剿富陽新城按賊大勝小挫情形摺

覆陳裁汰閩軍並臺灣等處軍情片

附陳訪獲盜首顏馬登等斬梟片

奏報浙師越皖援江迭獲勝仗情形摺

軍中患疫擬俟秋涼力圖進取片

請將已革道員勒追京米捐款再行捐輸賑米片

請設閩浙總糧臺派員總辦摺

請將貪橫不法之員提督革職查抄摺

遴員委署提督篆務片

卷十

請將克復金湯龍蘭及肅清浙東郡縣出力人等獎敘摺

摺

奏報迎剿竄夥股匪獲勝收復縣情形摺

剿辦奇田土匪事竣首犯就擒緣由片

甯關洋稅動撥有由俟浙西肅清再行解京片

浙師援江獲勝江境肅清回徽防剿摺

附陳石太無糧可據賊難久踞情形片

初編總目

七

嘉義勇勇潰散請將貽誤提督革職查辦摺

請將援剿遷延之物備革職分別查辦片

奏報克復甯波慈谿等府縣弁請獎敘鎮海出力人員摺

摺

外國官兵助剿出力請酌賞物件片

請卹上虞縣殉難紳士片

秋審人犯請展來春補辦并解由巡道勘審片

陳明浙海關備照成案扣足接徵摺

請將鼠賊不屈之監生議卹片

卷十一

奏報克復富陽縣城情形摺

水師將弁陳懇展緩保奏片

請將前克復績出力浙軍人員獎叙摺

桂臬司徐縣令循聲卓著懇下史館立傳表彰摺

陳明仍駐嚴州相機布置及病愈摺

閩省陸路千把總請仍復舊例摺

進攻杭州餘杭疊獲勝仗情形摺

浙師截剿皖南賊匪疊獲勝仗情形摺

初編總目

奏報捕獲溫台金錢會匪首要各逆辦理緣由片

陳明代統老湘軍之王道請假回籍省親片

臬司在營開計丁憂請 旨遵辦摺

請准浙省拔補武弁暫免挨查缺次並免回避片

卷十二

奏報截剿甌浙逆匪收復四縣迭勝情形摺

稟陳大皖浙軍應調回進剿及籌兼顧情形片

攻剿杭州餘杭踞逆迭勝擊斃首逆情形摺

覆陳杭嘉湖滅漕情形摺

陳明劉臬司丁憂回籍治喪情形片

陳請紹屬四縣本年應徵錢糧分別緩徵片

請議卹餘姚縣殉難之紳士片

攻剿餘杭踞逆大獲勝仗情形摺

援剿江皖出力人員請獎摺

覆陳籌辦軍事情形片

卷十三

敬陳閩浙提鎮司道府各官年終考語摺

攻剿餘杭踞逆兩勝一挫情形摺

初編總目

奏報收復海甯州城摺

瀝陳分別剿撫相機辦理片

奏報賊由蘇皖突竄浙境截剿迭勝摺

奏報收復桐鄉縣城摺

附陳近日軍情片

請飭張臬司帶勇赴任劉臬司募勇助剿片

陳明酌擬 頒賞洋將人等物件片

卷十四

奏報浙師獲勝並會蘇師攻克嘉興府城摺

援軍請將人蔡元吉賞保文職片

附陳湖州餘杭攻剿情形片

奏報攻克杭州餘杭兩城摺

詳陳攻克杭州餘杭兩城實在情形摺

陳明錢黃德事前途款貸其一死片

洋將助克杭城出力擬請 獎賞片

奏報克復武康德清石門三縣摺

陳明進駐省垣設局賑撫籌辦情形片

截剿竄賊兩獲大捷并規湖州情形摺

初編總目

十

陳明嚴減紹興府屬洋收錢糧摺

卷十五

浙省餉項支絀陳請照常收捐摺

奏報進規湖州迭勝並攻克孝豐生擒首逆摺

附陳江省近日追剿汪丁二逆獲勝情形片

附陳閩邊軍情片

陳明嚴減甯波府屬洋收錢糧摺

陳明江省減成米捐已飭停止裁撤片

卷十六

攻剿湖州安吉踴進迭次苦戰情形摺

進規湖州迭次苦戰獲勝情形摺

附陳日月山等處踴進收復湖州城片

卷十七

查明浙省失事應辦武員分別定擬摺

截剿竄賊大獲勝仗情形摺

奏報截剿竄賊獲勝全浙肅清情形摺

附陳起獲黃逆屍首梟示情形片

附陳杭城餘匪竄出情形片

初編總目

十一

浙餉支絀欠解甘餉無從籌撥摺

浙軍出境追剿連獲勝仗情形摺

附陳提訊忠逆之子李士貴口供賊情片

覆陳杭州殉難大員死事詳細情形摺

乍浦頭圍二口未能收效微情形摺

擬請湖州關稅暫由溫處道徵解摺

議請兩浙商鹽試行運票摺

奏報賊竄閩疆撥兵援剿摺

請飭浙江撫臣速赴本任片

附陳庫賊雖退龍巖應速撥片

懇准提督回籍調養傷疾摺

陳明浙江提督委員署理帶兵接閱片

卷十八

奏報臬司受傷遊員接署赴閩會勘摺

浙餉維艱陳請抵解甘餉摺

請將本任廉銀作為京俸報解片

附陳運司未能赴任懇請開缺片

臬明全浙浙浙廣東協餉停止片

初編總目

十二

寬免歲處謝 恩摺

高慶克復杭州等城出力將士摺

請獎外國助餉出力員弁片

附陳所保員弁免其加考毋庸核減片

議裁抗嘉湖三屬漕糧太繁情形摺

請將北新關暫緩開設由釐捐撥抵關稅摺

敬陳粵東人材摺

卷十九

錫封伯爵敬懇允收成命摺

奏報交卸赴閩督師勦賊摺

援閩軍餉出浙籌撥解應片

郵篆後啟陳浙江應辦善後事宜片

密陳記名提鎮切實考語摺

直陳李卓司被參情節摺

覆陳被參鄧道巡禦不力請革職片

奏報督師行抵浦城見籌餉辦情形摺

請將丁憂臬司開缺幫辦軍務片

政剿漳汀匪逆及見籌餉辦情形摺

初編總目

十三

查參畏賊玩法之將弁片

再陳懇辭伯爵摺

卷二十

密陳提鎮司道府年終考語摺

查明臬司刑難詳細情形請卹摺

連城漳州進剿獲勝情形摺

附陳逆賊鼠陷長泰縣城旋即收復片

李同知陷賊不屈請免議并前議卹註銷片

瀝陳閩省因敵情形請調員差承摺

再請濟州新餉仍如數籌撥片

錫封一等伯爵謝恩摺

奏報進剿獲勝會克永定龍巖情形摺

卷二十一

汀連龍潭分軍進剿大捷情形摺

請禁駐廈洋官私交髮逆摺

追剿獲勝汀連肅清現籌辦理情形摺

吳批督履船來閩會剿請帶員弁差遣摺

兩路進剿疊勝現籌辦理情形摺

初編總目

十四

附陳蘇軍到閩日期片

請卹全家殉難之詔安趙知縣片

舟師緝獲通賊洋匪解滬訊辦摺

請將會辦進逆洋匪之中外出力各員獎勵片

陳請浙省應解甘餉仍飭改撥摺

卷二十二

分路進剿疊勝現籌辦理情形摺

附陳七湘營會攻賊壘情形片

請將庸劣之鎮將知縣分別摘頂革職片

水師搜獲濟逆西洋人船軍火請獎各員弁

請將庸劣之鹽道革職清完交代賭項片

進逼漳州大捷現籌辦理情形摺

奏報攻克漳州府城南靖縣城情形摺

附陳攻拔苦竹賊壘情形片

閩省腹地未清未能先顧鄰省片

卷二十三

奏報追剿賊匪獲勝連克浦寧和三城摺

收復詔安首逆乞降截剿逸賊疊勝情形摺

初編總目

十五

附陳攻克南靖縣城詳細情形片

奏報在閩肅清現飭越境追剿摺

請將剿賊大勝殲除要逆之康道等獎卹片

附陳待逆業已伏誅片

請調撥閩得力之軍回蘇聽候調派摺

陳明調派水師沿海巡緝片

奏報攻毀匪巢餘逆淨盡摺

附陳下府民俗并辦土匪情形片

請將閩營人餉停募兵餉摺

卷二十四

閩商船被賊請准予改限帶完摺

浙陳閩離越請試行粟運摺

閩省商疲課細懇請減免積欠帶輸銀兩摺

附陳分派師船巡緝閩浙洋面捕盜片

越地剿賊迭勝並擊退閩邊竄賊情形摺

附陳剿辦下游土匪情形片

恭報蘇軍回滬日期并請應否派署提篆摺

請將老湘營官熊參將詳職祭閭片

初編總目

下六

懇將克遂接江前清衙門各員照原請給換摺

特參年力就衰之司道摺

卷二十五

閩軍剿賊獲勝現籌辦理情形摺

附陳湘軍索餉爭鬧情形片

浙省庫款支絀請免撥添協餉餉摺

擊賊獲勝各軍分道進剿摺

請將救拔不力之將備革職摺

分路進剿大勝現籌辦理情形摺

奏報克復鎮平縣城追剿獲勝情形摺

附陳鮑提督所部仍請由該員自為主持片

覆陳查明侍逆已為汪逆所殺情形片

陳請准將曾道留閩俟補缺後送部片

克復武康等城暨截剿竄賊出力員弁請獎摺

請給楊臬司三代二品封典以示優獎片

請將助剿出力洋將給予加銜翎頂片

查明迭次打仗陣亡傷故員弁請議卹摺

卷二十六

初編總目

七

追剿竄賊大捷現籌辦理情形摺

附陳土匪搶奪官軍輜重軍火情形片

截剿獲勝現籌辦理情形摺

官軍追剿逆匪被黃陂墟一帶土匪搶殺片

請將病故道員從優議卹片

懇請收回節制三省各軍成命及近日賊情摺

官運幫額不敷現飭疏銷籌補摺

浙軍援江克復縣城出力員弁併案請獎摺

覆陳廣東軍務貽誤情形摺

陳請改派訪查事件及應行回避摺

附陳軍營染患時疫情形片

剿辦土匪情形并請將疏縱知州革職留任摺

卷二十七

賊踪竄粵現擬相機防剿布置情形摺

保奏人員先後異職請交部察議片

籌調官軍分路進剿布置情形摺

覆陳廣東李藩司粉飾軍務情形片

附陳督署事件委藩司代拆代行片

初編總目

六

瀝陳開鹽試行票運情形摺

請將陣亡之何副將等議卹片

師船獲盜出力員弁陳請獎勵摺

卷二十八

漸逼嘉應現籌合圍情形摺

瀝陳廣東兵事餉事情形片

剿辦龍溪縣屬土匪殄除殆盡摺

請將侵挪軍米之知縣革職等因片

附陳鮑提督親喪服闋在籍請制期滿片

奏報席應東路痛剿大勝首逆伏誅摺

請將焉賊殲難之遊擊優卹建祠片

閩省鹽場繁缺陳請暫歸部選摺

卷二十九

奏報收復嘉應州城餘孽蕩平摺

請給劉幫辦三代一品封典片

陳明鞠詵偽總統胡瞎子凌遲處決片

奏報粵東軍務速戡班師回閩摺

請將歸誠之黃朋厚免罪給守備銜片

初編總目

九

軍務完竣提臣應令各赴新任摺

陳明劉幫辦劉鎮康道回籍省親省墓片

陳明入粵助剿各軍分起回江西日期片

附陳派員查辦汀漳興泉永一帶土匪片

瀝陳仍檄高提督帶所部赴任片

恩免蔡議謝恩摺

卷三十

奏報齋匪闖入崇安建陽旋即收復情形摺

恭報回省日期及沿途察看情形摺



陳明譚體元伏誅緣由片

陳請撫臣暫緩北上片

陳明浙江協濟關餉停其委解片

請將已革吳副將開復原官留閩補用摺

賞戴雙眼花翎謝 恩摺

補陳閩浙提督司道府各官年終密考摺

軍功武職復中武科應否註冊註銷陳請核議摺

卷三十一

剿辦齋匪越境追剿淨盡情形摺

初編總目

三

馬副將好學知書陳懇改用文職片

陳明續辦上下游各屬土匪情形摺

克復紹興等城出力各員請照原請給獎摺

附陳張補用總兵更各福齊片

卷三十二

擬購機器催洋匠試造輪船先陳大槩摺

閩商應帶完課銀兩歸票運收算摺

請將前保各員仍准開復原官片

閩餉支絀仍請接撥關稅銀兩接濟摺

卷三十三

錫爵恪靖伯謝 恩摺

浙省建祠合祀陣亡將士請入祀典致祭摺

閩鹽票運成效截敷造報擬請著為定章摺

閩省催出師馬匹請免造扣乾銀摺

請給出力洋將功牌翎頂金牌片

陳明捕治興泉汀漳各處土匪情形摺

按治土匪出力人員陳請可否保獎片

懇免現商帶輪俾顧課釐摺

初編總目

三

閩商力顧票運課釐懇免兼徵務息摺

卷三十四

請派幫辦軍務大員以資資助摺

請派重臣接管輪船周務摺

肅清全閩築保出力人等請獎摺

請加周藩司吳道二品頂戴摺

請補陝甘總督謝 恩摺

請擬減兵加餉就餉練兵摺

添建水師弁兵駐守緜五店地方摺

請移營駐紮滬洲口等處摺

臺灣更事均宜及早綢繆摺

釐定閩屬進出款項停止攤捐另籌公費摺

卷三十五

閩省官吏應攤張丙夷務銀兩請免摺摺

籌款購買輪船機器請令沈前撫仍管船政摺

陳明酌增省標兵丁折色米價摺

請將傷歿身故之副將從優議卹片

徵收起運 銷茶稅木能定額情形摺

初編總目

三二

擬辦軍需支收款目總數章程摺

保獎克復鎮平嘉應縣平髮逆出力員弁摺

請將出力洋弁優加守備銜片

保獎定宇全軍出力員弁摺

查辦辦致餘匪搜捕事竣地方安謐摺

卷三十六

陳明籌撥鹽課銀兩批解京餉摺

驗商欠款設措賠完請開復原資摺

鹽務各賠課銀兩分別請豁摺

民欠坵折普育賑引各款懇一體豁免摺

閩省吏事需才請飭署藩司久任經理摺

陳請停止閩省武職捐例片

調回親兵隨征并分辦各土匪大致統緒摺

停止勸捐運本陳報收捐銀數摺

卷三十七

給兵司票請改勸釐收買摺

統擬暫停借給兵丁穀價銀兩片

請將金門鎮總兵改為副將摺

初編總目

三五

恭報交卸克期啓行並留軍駐鎮上下游摺

陳明籌通閩省綠營兵額餉項摺

卷三十八

詳議創設船政章程購器募匠教習摺

船局事件仍必會銜具陳以昭大信片

鐵船槽多用銀兩擬就續撥關稅內提用片

附陳胡道往來照料聽候差遣片

咨送有碑船政官紳交船政大臣差遣片

恭報西征起程日期摺

附陳劉幫辦親喪服闋片

覆陳業經交卸閩浙督篆情形片

請撥西征餉以措危局摺

在浙送保各員陳請仍照原單給獎摺

初編總目

三

左恪靖侯奏稿初編總目終

恪靖奏稿初編卷一日錄

督辦浙江軍務據探省城失守現辦情形摺

請催調各路營勇來浙並迅發捐輸部照片

請速令劉總兵募勇來衢設立水師署衢鎮片

補授浙江巡撫謝 恩摺

奏官軍由徽入浙三獲大捷衢屬開化肅清摺

覆奏駐軍開化馬金街正可兼顧衢城摺

附奏官軍入浙應設糧臺轉運接濟片

叙保軍中尤為出力文員以資臂助片

初編卷一日錄

請迅敕催調所知各員速來軍前差委片

督辦浙江軍務據探省城失守現辦情形摺

奏為遵

旨督辦浙江軍務現據探報浙江省城失守敬陳辦理情形恭摺奏祈

聖鑒事竊臣於十一月二十六日江西廣信營次准兩

江督臣曾國藩恭錄咨會兵部火票遞到咸豐十一年

十月十八日內閣奉

上諭欽差大臣兩江總督曾國藩著統轄江蘇安徽江

西三省并浙江全省軍務所有四省巡撫提鎮以下各

初編卷一

二

官悉歸節制浙江軍務著杭州將軍瑞昌幫辦并著曾

國藩速飭太常寺卿左宗棠馳赴浙江勦辦賊匪浙省

提鎮以下各官均歸左宗棠調遣欽此同日欽奉

上諭前因浙江情形喫緊奉

旨令左宗棠統帶所部馳日援浙旋經曾國藩覆奏以

左宗棠方回救西路未能分身須俟湖北江西攻剿得

手或安慶克復再與左宗棠力謀援浙茲據瑞昌王有

齡奏江皖攻剿得手浙省賊勢披猖請飭左宗棠督辦

浙江軍務等語逆首李秀成大股及江西湖坊等賊盡

驅入浙加以偽侍王李世賢大股盤踞金華一帶現已

攻陷嚴州府城及浦江義烏東陽餘杭新城等縣勢必

直撲省城旁竄甯紹幾於全浙糜爛浙省不保則金陵

蘇常甯廣之賊得以進退自如且徽州廣信必遭肆擾

其害曷可勝言本日已明降諭旨令曾國藩節制浙江

全省軍務並令江蘇安徽江西浙江巡撫提鎮以下各

官悉歸節制該大臣自不能不統籌兼顧况安慶已經

克復湖北江西軍情亦有起色將次肅清自不至有顧

彼失此之虞著曾國藩即飭左宗棠帶領所部兼程赴

初編卷一

二

浙督辦軍務浙省提鎮以下統歸調遣迅奏膚功以圖

挽救東南大局左宗棠入浙之後所需糧餉軍火浙江

力難猝辦著毓科先行籌撥銀十萬兩解交應用於浙

江代墊江西援軍口糧項下如數劃還並著慶端瑞璜

按月籌銀十萬兩同軍火等項一併源源接濟毋許遷

延推諉致誤事機欽此又同日准兵部火票遞到議政

王軍機大臣字寄咸豐十一年十月廿三日奉

上諭浙省待援孔亟急盼左宗棠一軍迅速趕到方能

挽救大局著曾國藩仍遵前旨迅飭左宗棠帶領所部

星馳赴浙督辦軍務毋稍延緩所撥江西軍餉十萬兩  
即由左宗棠催提應用以利師行欽此跪誦之下感陳  
難名伏念臣一介寒儒未請戎務仰蒙

先皇帝特達之知由舉人疊次

拔擢補授太常寺卿幫辦軍務每思殫誠盡瘁以圖一  
報茲復蒙

皇上恩命督辦浙江軍務雖目恨才力庸下未能匡時  
濟變仰副

恩知然當全浙鼎沸之時又何敢稍事諉延自干咎戾

初編卷一

三

十一月二十六日准曾國藩恭錄

諭旨咨會之後即宣示各營嚴裝以待一面飛咨江西

撫臣速清臣軍積欠之餉以利師行咨閩浙督臣籌備

餉需俾免臨時掣肘正料理間二十九夜忽接徽州防

軍副將張運桂馳報逆首偽輔王楊輔清糾合大股由

浙回竄突犯徽州界口深渡等處據生擒賊供楊逆意

在擾徽郡以犯江西臣以徽郡為皖南江西大局所關

且係臣軍入浙後路斷不可任其滋蔓立派九營交花

翎直隸州知州劉典督帶於十二月初二三等日馳赴

婺源督同臣所部留防婺源之四營相機援剿扼其奔  
衝如可迅速蕩事各營即由婺源入浙路徑亦不為迂其

隨臣留駐廣信各營共三千人擬即進駐玉山一俟江

西欠餉解到散給口糧迅即啟行以圖進取惟浙江全

省自金華嚴州處州失守後紹興甯波台州相繼淪陷

局勢全非由江西入浙之道遍地賊氛逆賊每陷一城

即分黨踞守並盤踞村莊設立卡隘勢非節節攻剿不

能深入節節攻剿又恐曠日持久餉竭兵疲先已自困

勢非乘虛蹈瑕誘賊野戰不可以東南現在大局言之

初編卷一

四

湖北江西一律肅清皖北逆氛漸熄羣賊悉萃江浙兩

省如各路統兵諸臣登勢聯絡能力保完言之區以規

進取則江西湖北安徽數省生民稍得蘇息錢漕釐稅

徵收日廣從此漸逼漸進庶可作士氣而掃賊氛利戎

機而速戡定以江浙現在局勢言之皖南守徽池以攻

甯都廣德浙江守衢州以規嚴州閩軍嚴遏其由浙竄

閩以統犯江西之路然後餉道疏通米糧軍火接濟無

悞諸路互相知照壹意進剿得尺則尺雖程功迂緩實

切可期此固一定之局也正在籌畫布置忽接署金衢

嚴道江允康等片報浙江杭州城外營盤逃出把總王祖達稟稱十一月二十八日辰刻見逆眾在鳳山望江兩門扒城而進城中各處火起杭城登時失陷現在潰兵紛紛四散等語臣維杭城被圍日久外援不至卒有此變臣與閩浙督臣均奉

旨援浙之人坐視列郡淪胥生民塗炭罪何可道惟事勢業已如此則援浙之局應即通盤籌畫從新整理以圖恢復查浙江軍務之壞由於歷任督撫全不知兵始則竭本省之餉以濟金陵大營皖南各軍圖藉其力以

初編卷一

五

為藩蔽而於練兵選將之事漫不經心自金陵皖南大局敗壞之後又復廣收潰卒糜以重餉冀其復振卒之兵日增而餉日絀軍令有所不能行以守則逃以戰則敗思不知感威不知懼局勢愈益渙散決裂而不可復支矣臣奉

命督辦浙江軍務節制提鎮非就現存兵力嚴為挑汰束以營制不可非申明賞罰予以實餉不可非另行調募預為換補不可然欠餉日久則有不能汰遣之患餉需不繼則有不能調撥之患經費不敷則有不能募補

之患名為節制提鎮實則營官哨長亦且呼應不靈不得其臂指之助而徒受其迫促之擾雖有能將無餉何以馭兵雖有謀臣無兵何以制賊此事之應辦而不能辦者奉

旨令江西撫臣籌解軍餉十萬兩以速師行現在江西悉力供支留國藩大軍臺庫蕩然實形拮据撫臣毓科於軍餉事頗肯留心然江西已積欠十餘萬兩其奉

旨籌撥之項恐一時難以解齊至慶端前此奏請

初編卷一

六

飭催軍人浙時已預將軍之餉護之江西以後祇有咨催公牘私函於軍餉需從無一字說及雖奉

旨按月籌撥十萬兩同軍火接濟臣比恭錄

諭旨咨商請派寶缺司道設立糧臺督臣即派署浙江金衢嚴道江允康辦理頃據江允康等稟翻向臣請領米糧軍火子藥明知軍人浙以後餉需浩繁兵勇即有饑饉難事同兒戲軍人浙以後餉需浩繁兵勇即有饑饉之時軍火即有缺乏之慮縱令竭力圖維何從措手可否請

旨勅下部臣查明各省應協濟浙江之款開省及各省奉

旨撥解援浙軍餉各款趕緊運解廣信府交臣後路糧臺以應急需一面由部開單知會到臣如各省撥解逾延及委員遲遲貽誤應由臣隨時咨明部臣查取藩司及委員銜名參奏候

旨是否可行之處并候

聖裁再此次拜發摺片係借用廣信府印入浙以後軍行靡定可否准用木質關防

初編卷一

七

奏報之處并祈

訓示所有遵

旨赴浙線山謹專摺由驛馳

奏伏祈

聖鑒訓示施行謹

奏 咸豐十一年十一月十五日

議政王軍機大臣奏

旨月有旨欽

請催調各路營勇來浙並迅發捐輸部摺片

再用兵之道選將為先臣自上年襄辦軍務即募勇丁五千餘訓練兩月率以東行轉戰江皖之間尚能得力曾國藩屢次面商請募足萬人臣以謀餉為難人才難得未敢徑諾現在陸續增加尚止八千餘人除留防婺源四營外能隨臣出戰者不滿七千兩浙為賊淵藪遍地賊氛占地千數百里賊眾數十萬近則裹脅益眾為數愈增臣以孤軍轉戰而前有守城之兵即無進剿之兵有攻城之兵即無截剿援賊之兵有攻剿一路之兵即無牽制各路賊勢之兵又加之各將領從征日久除

初編卷一

八

傷亡外有積勞致疾而殞者有因事請假而歸者局勢益寬人才日乏殊為可危廣西臬司蔣益澧才氣無雙任事勇敢本年春間以臣軍太孤願率所部助臣討賊臣比函商曾國藩

奏訓赴皖尚未具奏旋蒙

簡放廣西臬司廣西巡撫劉長佑新授貴州巡撫江忠義湖北巡撫李續宜署四川布政使劉蓉皆臣同鄉素挾氣類相許之人所部素多勁旅江忠義亦曾函商願為募選將士助剿劉長佑已擬派副將戴盛寬挑勇

丁五百名前來尙未見到湖南撫臣毛鴻賓憐臣軍餉  
苦者願助臣每月一營五百人之餉現在浙江全局已  
壞急應及早從新布置以期挽救東南應請

旨勅下廣西撫臣劉長佑速催蔣益澧統帶所部挑募  
勇丁合成數千並飭副將戴盛寬速帶所募一營星速  
前來以當一路其江忠義李續宜劉蓉軍務方殷需才  
亦急未能多所分撥惟浙江全省決裂時局攸關不得  
不先其所急應請

旨勅下各臣令其精選一營兩營前來又

初編卷一

九

欽差大臣貴州提督田興恕所部亦多驍勇之士應併  
請

旨令其遴選勇丁千名派提督銜總兵沈宏富管帶前  
來由臣調遣藥品既備攻達自神壁壘一新軍威自肅  
所有上項請調各營蔣益澧所部應請

勅下兩廣督臣勞崇光籌給行資其由湖南江西經過  
各營行資應由湖南江西撫臣發給臣現咨商毛鴻賓  
毓科派所屬籍隸浙江道府各員勸諭浙江流寓之官  
紳商募捐輸軍餉并請

勅下戶部速發職官花翎藍翎部照及封典虛銜監生  
從九執照配搭一千張分交湖南江西撫臣飭司轉發  
以期迅速集事其部照未到之前即由湖南江西撫臣  
挪墊開銷將來即歸入兩省援浙捐輸款內造報是否  
如斯統候

皇上訓示謹

奏咸豐十一年十二月十五日

議政王軍機大臣奉

旨另有旨欽此

初編卷一

十

請速令劉總兵募勇來甯設立水師營備鎮片

再浙省局勢僅存衢州一府城衢州地勢爲江西福建  
樞紐又浙省水陸通途本關緊要現在衢州鎮總兵李  
定太所部八千五百人兵力不爲不厚然兩次大股賊  
匪經過李定太僅守一城未能截阻衢屬各縣任賊縱  
橫毫無布置現署衢州鎮總兵崇志聞其技藝尙優然  
未經戰陣不知可恃與否新授總兵朱品隆隨征皖南  
勢難赴任臣查有前授浙江處州鎮總兵劉培元現在  
湖南帶勇久經戰陣該員熟諳水戰機宜亦能陸戰恢



復浙江局勢必須於衢州設立水師以為陸軍之助惟劉培元人地相宜可否請

旨勅下湖南撫臣速令劉培元募勇三千來衢即署理衢州鎮總兵以資得力其劉培元未到署任以前衢州防務應即責成李定太經理倘敢仍前玩泄再有貽誤即據實嚴參請

皇上治以應得之罪是否可行伏乞

聖鑒訓示謹

奏 咸豐十一年十二月十五日

初編卷一

二

議政王軍機大臣奉

旨另有旨欽此

議政王軍機大臣 字寄同治元年正月初四日奉

上諭曾國藩左宗棠各奏浙省圍通籌全局以圖補救並請調各路兵餉各摺片當即降旨均照所請分別辦理矣曾國藩自請嚴議之處前因浙省失陷已將該督交部議處毋庸更議當茲事勢危殆該大臣受國重任惟當與左宗棠同心戮力宏濟艱難力圖恢復以挽東南全局方為不負委任不在區區小節引咎自責也

浙蘇兩省膏腴盡為賊有窟穴既成根柢已固賊號稱數十萬亂民潰勇裹脅日多勢將上竄皖南內犯江西以擾我軍後路全浙所存雖有湖郡海甯州兩城又孤懸城中獨衢州一府尚可圖存如該大臣所議左宗棠一軍惟有擇要於衢徽與廣信三府相機調度飭令衢州各軍堅守與徽信相為犄角先據形勝以固江西皖南邊防一俟徽圍得解即當調齊各軍分路進取其所謂調之將益禮各軍業經寄諭劉長佑即飭該員迅率所部與戴盛寬帶勇五百速赴浙營並諭李續宜江忠

初編卷一

三

義及路乘章傳諭劉蓉均各精選一兩營之兵田興恕派令總兵沈宏富帶勇千名赴浙助剿所過江西湖南地方亦諭毛鴻賓李桓支應以利軍行由部發給空白執照交該撫等速籌辦理將益禮之軍即飭勞崇光等給行資俾速就道惟該員等所部各軍均恐一時難以速到事機如有可乘該撫務當及時進取諒不至於坐待濟師轉滋貽誤江蘇按察使湯雲松久病廢事現已勒令休致即將陳士杰簡放斯缺並寄諭毛鴻賓飭令該員帶領桂勇四千速赴安慶交曾國藩調遣所請浙

省各官選賜簡放即日已將蔣益澧簡放浙江布政使曾國荃簡放浙江按察使曾國荃回籍募勇即可到營該員久歷戎行與該大臣講求親切庶足與左宗棠指臂相聯以期有濟蘇浙糜爛省分人皆視為畏途誠如該大臣所奏惟有選擇能戰之文員以補兩省之實缺或能漸集乃事亟著曾國藩左宗棠隨時訪查將能勝蘇浙兩省監司道府之員保奏前來以備簡用閩浙總督慶端自閩浙警即飭督師援剿屢次遷延弗進迭經嚴加訓飭並將該督革職暫留本任姑照曾國藩四條

初編卷一

三

內所議諭令該督駐師浦城與左宗棠等軍聯絡第恐該督未必得力其於福建本省吏治官常不能振作早有所聞亟著曾國藩詳加訪察如閩浙督撫均屬未能勝任即行據實奏參毋避嫌疑致滋貽誤並將能勝該省督撫之員採訪確實列名具奏浙省軍情萬緊餉需自不能不寬為籌備前因薛煥奏杭城危急曾照王有齡所籌將廣東每月協浙餉銀五萬兩江西湖南湖北每月協浙餉銀各三萬兩均由上海豫納中外商人貨稅給單執赴各省抵匯浙餉即由薛煥收集此項抵餉

設法運浙奇諭各該督撫遵照辦理其各省如有海道及他路可通浙省者均即各將應協月餉分途解運本日又經寄諭各該省即遵前旨妥辦接濟左宗棠軍營並將曾國藩所請福建閩海關撥濟浙江月餉三萬兩諭慶端等撥解交左宗棠軍營廣東粵海關撥解浙江月餉十萬兩諭勞崇光等或由江西轉解左宗棠軍營或由海道駛運上海由曾國藩轉解左宗棠軍營總期得以迅籌接濟俾利軍行因思上海雖僻處一隅勢如累卵而該處華洋商賈輻輳餉源甚裕近聞兩月之間

初編卷一

古

洋稅已收八十萬兩如能協力保全得人而理於餉需籌濟定屬有裨且能緩急就近應手著曾國藩左宗棠悉心籌畫於將來進攻蘇常一路亦必有益現在各省協餉斷難得濟滬關釐稅兩項自有盈餘即著該大臣等先行提用浙餉緊急本日已諭令薛煥先行酌撥接濟並著曾國藩查明如有收集前項抵匯浙餉一併催提以濟急需各省團練大臣均已陸續撤回龐鍾璐晏端書兩員此時恐尚各有經手事件著曾國藩仍遵前旨催飭李鴻章帶領所部前赴鎮江將江南北各事宜

奏為接辦一面迅速具奏昨據袁甲三奏六合縣城已克復則天長自可得手李鴻章到鎮後可與都興阿聯絡聲勢商進剿豈宜屆期即可將龐鍾璐等撤回劉培元所部已諭毛鴻賓速飭該員帶領赴衛一俟到防該督即行馳奏以便降旨令權備州總兵即可將李定太酌撤其未到以前仍舊將帶防責成李定太妥為經理毋任貽誤左宗棠雖經簡放浙撫一切進兵機宜仍著與曾國藩通籌大局不可以身任地方為職守所牽稍涉拘泥蘇常為財賦之區如果兵力可以規復即著

初編卷一

五

會商辦理毋失機宜慶端派所轄臺之署金衢嚴道江允康如不得力即著左宗棠將該道撤去糧臺嚴督奏並派員接辦以資得力曾國藩節制四省昨又簡授協辦大學士其敷乃腹心弼予部治朕實有厚望焉苗練應期情形即飭多隆阿等軍迅克廣州方可與袁甲三合力進剿浙省圖防印信業經飭部頒鑄左宗棠所請刻用木質關防即著暫行照辦將此由六百里加緊各諭令知之欽此

補授浙江巡撫謝

恩摺

奏為恭謝

天恩事同治元年正月十七日浙江開化張村行營承准議政王軍機大臣字寄咸豐十一年十二月二十五日奉

上諭左宗棠已授浙江巡撫刻下計已抵浙著即會合閩師分道進攻曾國藩飭令鮑超進攻甯國以便進規浙省為左宗棠後路聲援是為至要欽此跪誦之下感悚難名伏念臣湘水庸材韜鈴未習屬以羣盜縱橫勉

初編卷一

七

襄戎事寸功未立遽忝膺班茲復蒙

恩旨昇以危置重寄自付才識庸闇末由圖報涓埃

寵命驟頒感慚曷既現在兩浙糜沸時事艱危謹當殫

誠盡瘁奮勵戎行隨同兩江督臣曾國藩妥慎辦理稍

求仰答

高厚鴻慈於萬一所有微臣感激下忱謹具摺附驛恭

謝

天恩伏乞

皇上訓示謹

奏同治元年正月二十九日

議政王軍機大臣奉

旨知道了欽此

初編卷一

七

奏官軍由徽入浙三獲大捷衢屬開化肅清摺

奏為官軍由徽入浙截剿巨股賊匪三獲大捷衢屬開化肅清恭摺奏報仰祈

聖鑒事竊賊首偽輔王楊輔清率大股賊眾回撲徽州均由嚴州府屬之遂安踰嶺而入一蔓延徽州府屬之屯溪宣墩嚴寺潛口等處揚逆率之以窺徽郡一蔓延徽州府屬開化之張村中村馬金高坪高環徐塘口秧坂明連等處賊日熾大義鍾明佳理天義藍以道等率之以窺婺源兩股合計人數不下十萬其奸謀在深入

初編卷一

一

江皖腹地阻我援浙之師以合圍帶郡臣於上臘派花翎候選直隸州知州劉典率各營由廣信間道馳赴婺源擬回婺以援徽事竣後即由此入浙業經奏報在案十二月十五日拜摺後劉典械報鍾逆及各股匪盤踞張村中村等十餘處將由濟黃大鋪諸嶺犯婺臣以賊勢趨重婺源我軍併留防婺源之兵僅五千餘不敷防剿婺源地勢居安徽徽州江西廣信兩郡之中北可禦圖犯安徽徽郡之賊南可遏分竄江西饒州廣信之賊中可截浙江開化遂安之賊地勢在所必爭十九日親

率留駐廣信之親兵營老湘營拔營入發行抵德興飭  
辦理老湘營營務擬保運司銜花翎補用道王開來率  
老湘七營赴德發交界之白沙關臣自率親兵營五百  
餘人進發督勦賊目鍾明桂已遣零騎分犯大鋪嶺  
濟甯嶺源守嶺丁紛紛告急劉典派隊下嶺擊  
卻之二十六日劉典率各營由江灣過大鋪嶺進勦擬  
保花翎同知直隸州知州朱明亮帶桂營由左路進中  
營三哨繼之擬保副將銜花翎參將黃少春帶左營由  
右路進擬保花翎同知直隸州知州張聲恒繼之擬保

初編卷一

元

參將花翎遊擊黃有功擬保副將花翎參將睦金城擬  
保遊擊花翎都司楊和貴帶前左右三旗由中路進中  
營兩哨繼之擬保花翎遊擊銜都司馬德順擬保副將  
銜參將楊芳桂各率馬隊出中路步隊之後相機抄擊  
朱明亮恃勇先進四鼓列炬直摩張村賊壘賊倉卒迎  
拒勢已不支忽嶺上瞭望之賊見官軍深入吹角擂鼓  
四路包抄而下擬保訓導廩生陳修匹馬衝突手刃數  
賊力竭陣亡勇丁從死者二十六名朱明亮領隊左右  
衝突正危急間黃少春張聲恒率所部從右路石佛嶺

馳下賊分途迎拒黃少春張聲恒整隊衝殺斃賊數  
百名忽曾村賊從後路抄至黃少春張聲恒併力分堵  
楊和貴帶所部緣崖馳下劉典率中營中後二哨及黃  
有功睦金城等急進馬德順楊芳桂率馬隊斜出抄之  
逆賊數路俱敗各營分途躡蹤猛追至厚山始收隊踰  
嶺而還此去臘二十六日進勦開化張村中村等處賊  
巢克獲大勝之實在情形也是役連破賊卡賊巢十餘  
處陣斬應天福李逆及大小賊目五十餘名斃賊一千  
數百名奪獲大小偽印五百餘顆生擒長髮賊百五十

初編卷一

三

餘名拔出難民男婦幼孩數千名奪獲賊馬四十餘匹  
刀矛鎗礮約二千餘件兵勇陣亡者其三十七名受傷  
者至百三十餘名之多蓋亦血戰矣鐘逆敗後退至馬  
金街老巢是日嶽防副將張運維督皖南鎮總兵唐義  
訓衢州鎮總兵朱品隆會擊嚴寺灣口之賊亦獲大捷  
賊巢一空餉道無梗偽輔王楊朝清遂於二十九夜喪  
膽鼠竄徽郡解嚴而發源之防亦固自二十六夜子刻  
大雪至除夕止巖壑皓素漫漫不辨行徑元日天氣晴  
霽旬有餘日冰凍尚未全消嶺路艱阻同治元年正月

十五日始率七營由江口踰大鋪嶺進劉典率五營  
由江灣臨濟嶺進先飭王開來率老湘七營由白沙關  
進駐篁岸兼扼開化華埠之衝十七日臣部前隊甫抵  
篁岸忽報逆眾數千先夕五更捲旂蛇行由銀坑出張  
村曹門而至石佛嶺楊和貴等前驅遇賊即與之戰賊  
由石佛嶺分路包圍楊和貴分路禦之擬保遊擊銜都  
司張人和派隊助剿正鏖戰間王開來令參將羅瑞山  
郭德馨趙仁和副將王明輝等率所部分由篁岸左右  
衝出幫辦潘謨康榮詔等率所部由中路繼之賊不意

初編卷一

三

官軍突至駭而奔官軍乘勝逐之愈戰愈猛斬賊無數  
進至張村始收隊而還臣於十八日率各營進駐江村  
沿途按視戰地見滿山賊尸懸列山谷提訊所獲生賊  
知鍾逆自退竄馬金老巢後糾約竄踞遂安之偽大佐  
將理天義藍逆及桂逆等挑選悍賊突襲篁岸營壘遇  
官軍大至遂致敗潰其計斃悍賊近千生擒百餘陣斬  
黃馬褂賊目及偽統領偽將軍等十數名奪獲偽印十  
餘顆旂幟器械無算此正月十七日迎剿開化張村銀  
坑石佛嶺賊克復大捷之實在情形也十八日臣率

各營官兵張村劉典率各營進至何村兩路相距三十  
餘里於十八日糧約期分路進剿皆以七成隊出戰三成  
隊守營賊於馬金街高環霞山厚山徐塘口秧坂等處  
據險為營而於近巢數里十數里山凹遍立卡棚及梅  
花格層層密布守禦甚固十九日周覽地勢直逼賊卡  
始進其夜臣傳知各營二十日黎明派隊由嚴坑出口  
先攻高坪一路賊卡劉典率各營先攻高環一路賊卡  
兩路各分數枝正兵遙張撲卡之勢不令遽進奇兵捲  
旂登嶺度行過賊卡始揚旂發鼓乘之嚴申不准拾取

初編卷一

三

賊賊不准散隊之禁剽掃除賊巢乃許收隊違者斬反  
刻黃少春張聲恒帶所部由何村出竹嶺之右攻高環  
劉典督親兵及中營三哨繼之虎營馬隊隨後策應候  
選知縣陶鴻勛貴州文生鄭錫澤督中營二哨及擬保  
遊擊余萃隆之新前旗別克滿徑由橫嶺出大蘇坑逕  
抵高環後嶺出賊不意賊擊之賊見正兵先出悉力憑  
卡堵禦忽嶺後號鼓齊鳴奇兵突出賊不知所措棄卡  
狂奔劉典黃少春張聲恒楊芳桂分四枝循嶺包抄而  
下遮賊去路縱橫痛擊適張村各營已攻破高坪賊卡

擬保記名總兵崔大光朱明亮各率所部登嶺急進擬保同知銜卽選知縣劉琰候選主簿楊鼎助同知銜候選知縣李耀南率親兵及擬保參將李世顏前補用參將彭定太楊和貴張人和馬德順等各率所部分途追剿前來與河村各營會合立將馬金霞山厚山徐塘口斫岸各處十餘賊巢掃蕩一空兩路分途搜剿共計斃長髮悍賊五千餘生擒賊二百餘名奪獲偽印大小九十餘顆解散裹脅難民數千拔出被擄婦女幼孩數百奪獲旂幟刀矛鎗礮牲畜不可勝紀敗賊或竄遂安或

初編卷一

三

竄常山地界均棄械狂奔經各鄉民沿途截殺者亦不下千餘名藍逆以道據生擒賊供已於高環卡破時被官兵陣斬併獲其馬然未得其屍不敢信以為實種逆聞高坪卡破已單騎先遁此外大小賊目如偽丞相檢點等偽官之被戮者約百餘名得偽照百二十餘紙皆五六年老賊此正月二十日官軍攻破開化馬金等處賊卡賊巢之實在情形也現在衢州府屬開化縣境一律肅清臣飭老湘營進駐開化縣城親率各營進駐馬金街相機再進探報遂安縣城尚有賊踞而衢州探報

龍游蘭溪逆賊有上犯江山縣境之耗大約與此股暗約會圍衢城今此股既經掃蕩江皖邊境無虞衢州後路自固臣營確探賊蹤相機援剿務保完善之區以剿鴟張之寇斷不敢藉口調兵未集坐失事機至此次臣所部由廣信赴婺出嶺除開化巨股惟前營留婺未調餘皆隨臣轉戰而前三獲大捷將士踴躍隨征冒雪馳驅著有勞績可否由臣擇尤保獎之處出自天恩至陣亡之擬保訓導陳修都司銜藍翎守備朱三和藍翎守備歐光保藍翎千總羅朝松藍翎把總會義

初編卷一

三

成外委嚴福保舉朝棟可否請旨飭部照例給予卹典所有進剿浙江開化各股匪獲勝緣由謹會同協辦大學士兩江督臣曾國藩恭摺具奏伏候聖鑒訓示施行謹奏 同治元年正月二十九日 議政王軍機大臣奉旨另有旨欽此 覆奏駐軍開化馬金街正可兼顧衢城摺

奏為遵

旨覆奏事竊臣於正月二十一日開化馬金街營次承准議政王軍機大臣字寄咸豐十一年十二月二十九日奉

上諭統帥奏浙逆竄近江境現飭各軍嚴防並募楚勇防堵石逆等語據稱壽昌龍游股匪竄臨衢州府城十餘里之烏頭一帶遂安踞逆又竄至開化之華埠地方均距玉山不遠意在回窺江西其首逆楊輔清一股夥黨十餘萬自浙下竄有欲取徽休並由婺源出江西之

初編卷一

三

信左宗棠現已分撥各軍赴婺源一帶迎勦前往華埠駐守等情前因浙省軍務緊要疊經諭令左宗棠赴浙援剿昨杭城失守復明降諭旨將左宗棠補授浙江巡撫並諭令會合閩省援師進取杭省力圖收復現據統帥所奏左宗棠僅分撥各軍往徽浙兩處防剿是該撫尙在江境並未親督兵勇入浙於浙省軍務仍屬無涉此時浙省逆餓方張勢將延及江境與其堵禦於廣饒境內不若乘賊未至以前迎頭截擊以固江省藩籬著左宗棠迅即督率所部兵勇親赴衢郡將開化及附近

衢城股匪力行掃蕩並會合閩省援師及李元度進攻龍游之師節節進勦為收復金嚴之計倘金嚴一經收復則官軍進攻杭郡自可杜賊匪由浙竄徽之路左宗棠身任浙省封圻責無旁貸自當力籌進取毋得再事遷延致滋貽誤近日一切軍情及如何布置並著左宗棠迅速覆奏至由浙竄徽之楊逆一股現經左宗棠撥兵赴婺源迎勦若即飭令帶兵名員奮力截擊俟該匪擊退後即飭此路兵勇由徽入浙會合進攻以厚兵力而分賊勢將此由六百里加緊諭令知之欽此跪誦之餘莫名震悚竊臣前奉

初編卷一

三

諭旨督辦浙江軍務甫三日即接徽防副將張運桂等首逆楊輔清率大股賊眾犯徽之稟臣以楊逆兇狡黨夥眾多必將分犯徽婺源州僅張運桂一軍五千人婺源僅臣留防之一千六百餘人以之當大股十萬之寇未免太單深恐徽婺稍有疎虞則江西饒廣腹地防不勝防而衢州又成孤注上軍入衢後路將梗不得已派各營馬步三千餘交劉典率以赴婺為固婺援徽之計擬徽事竣竣此軍即由徽入浙臣由玉山之浙率以進



勦去臘十五日拜摺後十七夜復接各路探報大股賊數萬已由遂安踞開化張村中村馬金街一帶與徽郡屯溪望墩之賊相為首尾蔓延百數十里逼近婺東大鏞嶺濟嶺山脚勢又出官軍之後臣以衢州城堅易守雖開省援師已經調回然李定太兵勇八千餘李元度所部安越軍七千餘又奉慶端檄調自龍游回衢兵力較厚暫可無虞逆賊每遇堅城必取遠勢包圍待其自困而後陷之頻年東南賊蹤驗之歷歷不爽辦賊之法必避長圍防後路先為自固之計然後可以制賊而不

初編卷一

三

為賊所制臣若先入衢城無由不能固江皖邊圍亦且不能壯衢城聲援一隨逆賊長圍詭謀又成糧盡援絕之局故決計率親兵營由歙入浙先勦開化之賊以清徽郡後路飭所部老湘營由白沙關漸進扼華埠要衝以保廣信而固衢城幸三次克獲大捷開化肅清婺源無恙饒廣兩郡相苾以安而楊逆又屢為徽軍所創敗潰霄遁臣軍可無須遠赴徽援尤非意想所及臣雖未親赴衢郡而開化賊巢掃蕩無餘臣軍現駐開化縣城馬金街兩處正可兼顧衢城未敢稍事遷延自干咎戾

臣奉 諭旨督辦浙江軍務又奉

恩命巡撫浙江浙事成敗利鈍臣一身任之無可委卸謹當盡瘁圖之冀有尺寸之補惟師行荒僻之鄉又正值戎馬倥偬之會有時奏報稍遲或思慮未周奏報未及詳盡伏乞

皇上鑒臣愚衷

垂念 微臣 才力不逮

曲賜鑒原不勝惶悚感激之至所有遵

初編卷一

天

旨覆奏緣由謹具摺附陳伏乞

皇上聖鑒訓示謹

奏 同治元年正月二十九日

附奏官軍入浙應設糧臺轉運接濟片

再臣軍業已入浙所有餉需一切自應設立糧臺轉運以資接濟衢州偏於一隅難期應手現擬暫於江西廣信府設立糧臺為收支軍餉子藥總匯再於玉山縣設立轉運局隨時轉運以利師行所有廣信糧臺查廣信府知府江西補用道鍾世楨精明幹練久歷戎行堪以

委辦其玉山轉運局即由臣委隨征局員會同署玉山縣知縣章徵潛為經理均可無悞惟此後各處兵勇調集臺局事務益繁又師行日遠勢非逐漸擇地移設不可鍾世楨等徵係江西守令職任攸羈臣軍隨征之員無多委實無可調遣查有湖南候補道籍隸浙江之王加敏自咸豐四年以來在湖南辦理軍需糧臺從無貽誤事無鉅細均必躬親所辦軍裝子藥費省工良遠勝各省該員樸謹耐勞臣所深悉又聞籍隸浙江之江西候補道胡墉急公慕義勤幹有為現已行抵江西堪以

初編卷一

无

委辦臺局各務該兩員均以浙江之紳辦浙江之事情形既熟呼應較靈若令過赴臣營聽候差委必有裨益合無仰懇

皇上天恩勅下湖南江西撫臣查照臣奏飭催各該員迅速遵辦俾臣得收指臂之助豈意進勤庶於軍務有裨謹附片請

旨 同治元年正月二十九日

議政王車機大臣奉

旨另有旨欽此

敘保軍中尤為出力文員以資贊助片

再杭城之陷失事各文武多由海道奔赴上海縱令繞道馳赴臣軍多係應行查辦之員未敢驟混收錄將來克復城池即需委員經理而臣軍差遣之員現在奏調各員又難刻期趕到計惟有將臣軍尤為出力應保之各文員先行甄敘花翎候選直隸州知州劉典謀勇兼優材堪重任應請以知府留於浙江補用並

賞加道銜花翎同知銜即選知縣楊昌濬廉明篤實曉暢戎機請以同知留於浙江補用候選主簿楊鼎勳深

初編卷一

三

明方畧勇敢有為應請以知縣留於浙江補用並

賞加同知銜擬保同知銜知縣劉瑛樸勇善戰純律嚴明應請以同知留於浙江補用並

賞戴花翎擬保知縣即選府經歷縣丞陶鴻勳敏練勇往血性過人應請以知縣留於浙江補用並

賞加同知銜貴州廣生廬錫澤膽氣甚優不避艱險應請以知縣留於浙江補用

賞戴藍翎同知銜即選知縣李耀南久歷戎行勇敢樸練應請以同知留於浙江補用五品銜即選縣丞李壽

榮勤懇篤實應請以知縣留於浙江補用文童朱鈺勤  
幹漢誠應請以縣丞留於浙江補用五品銜卽選知縣  
陳盛治精細幹練應請留於浙江以知縣卽補俟補缺  
後以同知升用以上各員隨臣辦理軍務已久臣深知  
其性情才具迥異流俗伏懇

皇上天恩俯准所請俾臣得收指臂之助於浙省吏治  
軍政必有裨益謹附片請

旨 同治元年正月二十九日

議政王軍機大臣奉

初編卷一

三

旨另有旨欽此

請迅收催調所知各員速來軍前差委片

再浙江列郡淪胥大局糜爛吏治軍事需材孔殷非加  
意搜羅量材器使不足以宏濟時艱共持危局以臣所  
知漢軍正白旗兵部候補主事李雲麟剛明耐苦在湖  
北帶勇有年曾立戰功毫無遺囑營氣實地實地造就  
湖南在籍員外郎候選知府鄧輝留心經濟立志不苟  
江西丁憂在籍兵部主事夏獻綸安詳練達器識宏遠  
湖南候補同知謝大舒曾在江西蕩蕩本籍辦理團練

出力品正才長湖南平江縣在籍五品銜候選知縣張  
岳齡湖南告假在籍湖北候補知府周開錫才識均優  
饒有吏幹湖南湘鄉縣五品銜候選教諭成果道甯鄉  
縣在籍光祿寺署正銜候選訓導魏良湘澤縣在籍候  
選主簿吳國佐鄒壽璋廉明勤幹志趣甚正湖南澁浦  
縣舉人嚴成抱負甚偉饒有識畧湖南臨湘縣舉人陳  
友詩候選訓導田鈺性行純樸才具亦長候選訓導葛  
鉞候選從九未入夏鴻先遇事勇敢膽氣殊優安徽桐  
城縣文生世襲雲騎尉馬壽華才氣豪邁節操卓然湖

初編卷一

三

南湘鄉縣候選縣丞易方候選光祿寺典簿陳夔爵沈  
綬有為深明方畧以上各員請

飭下正白旗漢軍都統江西安徽湖南各撫臣迅速催  
令前赴臣軍聽候差委將來卽請留於浙江按照資階  
酌量委署序補伏候

聖鑒訓示謹

奏 同治元年正月二十九日

議政王軍機大臣奉

旨另有旨欽此

議政王軍機大臣 字寄同治元年二月十七日奉

上諭左宗棠奏督軍入浙截勦巨股賊匪疊勝衢屬開  
化肅清並請飭派辦糧臺獎敘隨征出力飭調走浙差  
委各員等摺片當即明降諭旨准其奏保出力員弁將  
陣亡之擬保訓導陳修等議卹卹中李雲麟等飭令赴  
浙直隸州知州劉典等分別獎敘並寄諭沈葆楨毛鴻  
賓卽飭廣信府知府鍾世楨等將糧局各事宜遵照辦  
理矣惟所請調王加敏一員前經毛鴻賓奏參湖南現  
辦軍需報銷該員經用各款尙未造報率稱並無經手

初編卷一

三

未完之件請咨回籍恐其有心脫卸別有侵冒等情請  
暫行革職責成在局查辦舊案報銷當經允准茲據左  
宗棠奏該員樸謹向在湖南辦理軍需從無貽誤懇飭  
前赴浙江經理臺局各務以收指臂之效等語已寄諭  
毛鴻賓酌量如可移緩就急卽飭先行赴浙以資委用  
其湖南舊案應作何辦理仍飭王加敏聽候查辦左宗  
棠之軍入浙所辦尙爲得手現在衢州所屬開化縣境  
肅清衢郡後路可期穩固該撫率部進駐馬金街相機  
進剿遂安之賊婺源既已無警饒廣兩郡亦相庇以安

江皖邊境不須回顧該撫胸有成竹定能步步爲營一  
意進取務當隨時與會國藩通籌大局毋失事機所請  
調之李雲麟一員除諭知正白旗漢軍都統查傳外昨  
經官文以襄陽勦捻保獎恐該員此時尙在湖北著左  
宗棠一面咨行官文調取赴浙更爲妥速將此由六百  
里諭令知之欽此

同治元年二月十七日內閣奉

上諭左宗棠奏請將隨營出力各員先行獎敘等語浙  
省杭城失陷後失事文武均係應行查辦之員其將來

初編卷一

三

經理地方及現在軍營差遣在在之員自應照該撫所  
請將隨營出力各員先行獎敘以資得力知州劉典著  
以知府留於浙江補用並賞加道銜知縣楊昌濬著以  
同知留於浙江補用主簿楊鼎勳著以知縣留於浙江  
補用並賞加同知銜知縣劉致著以同知留於浙江補  
用並賞戴花翎卽選府經歷縣丞陶鴻勳著以知縣留  
於浙江補用並賞加同知銜廩生鄭錫澤著以知縣留  
於浙江補用並賞戴藍翎知縣李耀南著以同知留於  
浙江補用縣丞李壽榮著以知縣留於浙江補用文童

朱銓著以縣丞留於浙江補用卽選知縣陳盛治著留於浙江以知縣卽補俟補缺後以同知升用以示鼓勵該部知道欽此

同治元年二月十七日內閣奉

上諭左宗棠奏浙江吏治軍事需材孔殷請飭調各員赴營差委等語漢軍正白旗候選郎中李雲麟湖南在籍候選知府鄧繹江西在籍兵部主事夏獻綸湖南候補同知謝大舒湖南在籍候選知縣張岳齡候補知府周開錫候選教諭成果道候選訓導魏良候選主簿吳

初編卷一

三

國佐鄒壽璋舉人嚴成陳友詩候選訓導田銓葛鏡候選從九品未入流夏鴻先安徽桐城縣文生馬壽華湖南候選縣丞易方候選光祿寺典簿陳夔爵著正白旗漢軍都統江西安徽湖南各督撫飭令各該員前赴左宗棠軍營聽候差委催令迅速起程勿稍遲緩並准其將來留於浙江補用按照資階酌量委署請補欽此

奏稿初編卷二目錄

進攻遂安克復縣城摺

覆奏籌畫進取情形摺

回援衢州江山兩城圍解摺

遂安官軍兩次擊賊獲勝立解城圍摺

李楊兩逆遁竄現籌進剿情形摺

浙陳餉項支絀籌辦艱難情形摺

甄汰安越軍存留五營片

查抄革景張景渠原籍資產摺

初編卷二目錄

保奏材堪司道等員摺

訊明三履謙始悞情形據實參奏摺

進攻遂安克復縣城摺

奏為官軍進攻遂安克復大捷立復縣城恭摺馳報仰  
祈

聖鑒事竊臣軍由婺入浙三戰連捷開化肅清時即接  
前衢州鎮總兵李定太署浙江藩司李元度等咨稟金  
華龍游之賊紛紛上竄距衢州府城江山縣城皆祇數  
十里正擬親往援剿前隊甫行抵常山縣境璞石地方  
忽接探報首逆李世賢嗾令壽昌關溪各賊目完天安  
廬有成幅天安黃文政譚世得陳老北等糾約踞遂安

初編卷二

縣城賊首恭天義賴連繼窺犯開化馬金為長圍困我  
之計以衛城有李定太一軍八千餘人江山常山有  
李元度一軍八千餘人進攻不足守自有餘軍若急  
赴衢州江山則開化已復之地不可保衛郡局勢日迫  
而江皖邊界均危不如趁勢先攻遂安乘援賊未集之  
先剿之庶奸謀窮而兇賊自熄乃決計撤隊回攻遂安  
二月初五日由馬金鎮調回援衢各營率之前進初七  
日駐營遂安之橫沿百畝畝墩南諸處距縣城二十餘  
里次日周覽地勢見城西二十餘里楊村一帶皆聚賊

壘賊踵至者尚絡繹不絕城北一帶山雜路歧難容大  
隊是日城賊列隊大路口山岡似防官軍攻剿逾時始  
收隊入城是夜傳令遊司銜花翎即選道王開來率所  
部老湖營自墩南進攻楊村之南擬保道銜花翎知府  
劉典督中營左營桂營及虎營馬隊由百畝畝進攻楊  
村之西擬保花翎同知劉墩督親兵營三哨及石營順  
營馬隊由中路攻楊村之西北擬保同知李耀南同知  
銜知縣楊鼎勳督親兵左哨及前旂新前旂後旂各營  
明隊北路山岡遙作撲城之狀以疑之飭勿妄進黎明

初編卷二

二

三路均玉楊村既見官軍軍即列隊相抗各村皆負山  
依水賊沿兩岸而下呼聲震山谷花翎同知直隸州知  
州張聲恆率右營鬼水而過出賊之後劉政擊敗東岸  
之賊繼之劉典率親兵及中營前左中三哨督同左營  
營官副將銜花翎參將黃少春桂營營官同知直隸州  
知州朱明亮各率所部橫截而出擬保同知銜浙江知  
縣陶鴻勳擬保浙江知縣鄭錫深督中營右後兩哨及  
右旂花翎都司楊和貴翻嶺而下出楊村之後記名總  
兵丁長勝副將喻勝榮參將羅瑞山郭德馨等各率所

部老湘營自墩南馳至遊擊街花翎都司馬德順副將  
銜參將楊芳桂各率所部馬隊由東岸衝過西岸截賊  
去路各營奮威衝殺刀矛並舉斃賊約數千陣斬賊目  
完天安盧有成而奪其馬楊村水西一股逆賊得脫者  
不過數騎耳各營急循兩岸窮追至縣城南數里始收  
隊還營約計殺斃溺斃之賊殆以萬計拔出難民男婦  
數千其登時解散者不計其數生擒偽符天侯羅音等  
及偽檢點將軍等逆目數十名訊明斬決奪獲禧天福  
賴鷹揚濯天燕賴近光樸天孫賴龜佑匾天侯易德等

初編卷二

三

大小偽印百數十顆刀矛鎗械旗幟以數千計而我軍  
陣亡者一人受二等三等傷者不過三十餘名而已是  
夜四鼓派隊攻城城賊已四散逃竄老湘營馬隊合追  
二十餘里及其尾隊僅斬落後賊數百名遂安縣城卽  
時克復據生擒賊供賴逆連綿已經官軍擒斬其餘各  
逆目伏誅者多然亦未能確指不敢信以為真有此一  
戰賊膽盡喪不獨江皖邊界無虞聞人卽竄攻衢城江  
山之賊亦失勢而不敢逞臣於十二日入城安撫居民  
布置城守事宜畢十三日留老湘營二千五百人守城

卽拔營馳援衢郡十五日已行抵常山縣璞石地方相  
機進剿此次將士奮勉用命克獲全捷迅復堅城斃賊  
極多於江浙皖大局頗有關係可否仰懇

皇上恩施准併入開化三捷案內從優保獎之處伏候  
聖裁謹會同協辦大學士兩江督臣曾國藩據實馳奏  
伏乞

皇上聖鑒訓示施行謹

奏 同治元年二月二十日

議政王軍機大臣奉

初編卷二

四

旨另有旨欽此

覆奏籌畫進取情形摺

奏為遵

旨覆奏事同治元年五月三十日衢州府開化縣馬金  
鎮行營二月十一日嚴州府遂安縣行營兩次欽奉  
寄諭以近日布置及進取情形未克隨時速奏致勞  
聖慮踴聆之餘莫名感悚竊臣於軍旅一切向雖研求  
其理未嘗練習其事近年親履行陣於軍情賊勢地形  
刻意講求頗有所悟然所當者一路之任所統者數千

之師故勉竭駑駘俛免疎失茲疊蒙

新命督辦軍務巡撫浙江鉅任驟膺時危正迫夙夜憂

思深懼無以仰副

九重倚注之

恩下慰兩浙士民之望除現在攻克馬金肅清開化接

攻遂安立復縣城先後馳報仰慰

聖懷外所有將來籌畫進取情形謹為我

皇上陳之查浙省大局披離恢復之效未可驟期進兵

之路最宜詳審浙省列郡僅存衢州温州其湖州一府

初編卷二

五

海南一州孤懸賊中存亡莫卜此時官軍從衢州入手

則堅城林立既阻其前金嚴踞賊復撓其後孤軍深入

餉道中梗斷無自全之理毋論首逆李世賢正圖窺犯

衢州江山軍已由遂安回援目前不能舍衢前進也

金華界衢巖之中城堅賊眾軍若由金華進攻則嚴

州之賊必由清壽一帶潛出包抄亦非善策善奕者置

子四旁漸近中央未有孤立賊中而能善其後者似

軍救浙必須依傍徽郡取道嚴州較為穩妥惟浙西皖

南一帶山鄉瘠薄產米無多尋常無事之年民食尚須

從江西之饒州廣信糧買搬運現在軍食米亦係從

饒廣採購轉運而來勞費殊多師行不能迅速此餉事

之難也軍除已募未到外不滿九千除分守遂安開

化外隨出戰者不過五千有奇此外如徽信兩處防

軍雖經會國藩毓科奏明歸調遣然兩處正須戒嚴

未可調以入浙其衢州之李定太一軍八千餘江山之

李元度一軍八千餘雖人數與軍相等然均未足深

恃此次李世賢入犯李定太僅守衢城李元度分扼江

常而皆迫切呼援備備不能自保亦未敢責其遠離

初編卷二

六

城池以戰求勝致損軍威此兵事之難也前蒙

皇上天恩准調轉江廣兩軍來浙尚未接有蔣

益澂等確報蔣益澂一軍負欠之餉非兩廣督速為

清給難以成行到培元新募經費非湖南撫速為發

給亦難集事相距二千餘里恐須四五兩月乃能取齊

已迭次檄催伏懇

皇上勅下兩廣督湖南撫速清兩軍欠餉發給經

費行資俾得過越我機是為至幸至浙東一帶郡縣均

為賊氛所隔勢難迅速馳援能從海上山師乃為便捷



昨接會國藩抄錄正月二十一日

上諭因杭州甯波等府失守沿海各口宜防

諭令迅速購買洋人船礮以資攻剿

聖慮周詳實深欽服 臣等將來轉戰而前必可終資其

力所有現在籌畫進取情形謹據實覆陳伏乞

皇上聖鑒訓示謹

奏 同治元年二月二十日

議政王軍機大臣奉

旨另有旨欽此

初編卷一

七

同治元年三月初八日內閣奉

上諭左宗棠奏官軍克復遂安縣城懇請獎案優獎一  
摺浙江省自開化肅清後左宗棠即統率各軍行抵遂  
安之楊村逆匪列隊抗拒勢甚猖獗該撫即飭同知直  
隸州知州張聲恆等分路進攻各營奮勇衝殺斃賊數  
千名陣斬賊目完天安盧有成其楊村水西一股殲除  
殆盡得脫者不過數騎各營沿岸窮追至城南數里始  
行收隊約計殺斃溺斃賊匪萬餘救出難民男婦數千  
名生擒偽符天候羅音等及偽檢點將軍等逆目數十

名奪獲大小偽印百數十顆刀矛鎗械旗幟數千件官  
軍乘夜進攻城內賊已逃竄復經追殺二十餘里又斬  
尾隊及落後之賊數百名當將縣城克復所有在事出  
力員弁著准其併入開化三捷案內擇尤保奏候朕施  
恩欽此

議政王軍機大臣 字寄同治元年三月初八日奉

上諭左宗棠奏官軍進攻遂安克復縣城即拔營馳援

衢州請將出力將士彙案保奏並陳籌畫進取情形各

一摺已明降諭旨准其將此次出力將士併入開化捷

初編卷二

八

案保獎矣據稱規復浙省大局若由衢州入手則孤軍  
深入恐有餉道中梗之虞若由金華進攻亦恐嚴州之  
賊由壽昌一帶潛出包抄必須依傍徽郡取道嚴州較  
為穩妥現時軍米係從饒廣購運不能迅速兵勇除分  
守遂安開化外不過五千有奇李定太李元度兩軍均  
未足恃請飭廣東湖南速給蔣益澧劉培元兩軍欠餉  
行資俾得遄赴戎機等語並據沈葆楨奏稱衢州被圍  
城外四面皆賊並有諸營從逆之匪首何文慶力任破  
衝巨逆楊輔清李世賢外率眾合圍玉山接濟之米石

軍火等項皆為所阻上台等處亦皆有賊蹤各等語左宗棠於開化肅清後乘勢進克遂安甚得先發制人之策惟浙省全局糜爛進軍之路最宜詳審金衢嚴皆屬上游衢州為江閩浙三省咽喉關係甚鉅沈葆楨所稱衢州江常一帶時有股匪游奕意圖乘左宗棠東下窺伺信防斷其後路並圖繞竄閩境必廣信衢州一帶先無意外之虞再由金嚴規取杭州方無絕我糧道阻我援師之慮與左宗棠所奏大略相同現在金衢賊氛滋蔓驟難越取省垣左宗棠已由遂安回援衢州目前亦

初編卷二 九

自未能舍衢前進左宗棠所籌依傍徽郡取道嚴州之策自係實有見地即著相機迅解衢圍即圖進取毋令賊蹤躡阻並勿蹈輕進之失方為妥善將益禮一軍前據劉長佑奏業經令該司部署起程劉培元亦經毛鴻賓催令剋期起程赴浙所有兩軍欠餉行資本日復寄諭兩廣湖南各督撫迅速辦理於江西玉山廣豐等處逼近賊氛防務倍形喫重著沈葆楨嚴飭各屬將弁認真防剿以固藩籬肅清左宗棠後路其左宗棠所設廣信後路其臺應行協解餉項軍火並著設法源源籌解

毋令缺乏昨因浙江按察使簡用乏人降旨令會國藩左宗棠酌保數員左宗棠接奉此旨即著於平日所知酌量保奏候旨簡用將此由六百里各諭令知之欽此

初編卷二 十

回援衢州江山兩城圍解摺

奏為官軍回援衢州江山兩城疊獲勝仗兩城圍解臣  
逆敗遁現在力籌攻剿情形恭摺奏祈

聖鑒事竊臣軍攻克遂安時偽侍王李世賢率巨股由  
金華龍游上犯衢城於東南路之大洲全旺等處連營  
數十里將以長圍困之前衢州鎮總兵李定太署衢州  
鎮總兵崇志署金衢嚴道江允康署衢州府知府吳艾  
生等嬰城固守二月十八日臣率各營馳抵常山縣水  
南地方探聞該逆分股竄距招賢一帶衢州與常山江

初編卷二

十一

山道路中梗糧運隔絕衢州將成坐困之勢臣於是夜  
派道銜知府劉典督同都司張人和楊和貴副將銜參  
將楊芳桂等各率所部由左路進同知李耀南同知銜  
知縣楊鼎勳率親兵三哨及副將銜參將黃少春參將  
黃有功同知直隸州知州朱明亮遊擊銜都司馬德順  
各率所部由右路進同知劉璣率親兵一哨及同知直  
隸州知州張聲恆遊擊銜都司余萃隆各率所部相機  
接應十九日黎明各路齊抵招賢該逆不及列隊棄械  
狂奔我軍奮力追殺斬馘二百餘級生擒數十名拔出

難民以千計於是衢城糧路始通賊之犯江山縣城者

屯踞北路大溪灘栢竹街四都一帶東路塘源毛村一  
帶署藩司李元度率安越軍嬰城固守據生擒賊供侍  
逆李世賢由大洲竄至江山調金華巨股前來臣當飛  
檄李元度嚴密堵禦一面派隊分兩路至四都栢竹街  
截擊三月初一日甫行抵大陳地方該逆偵知大軍將  
至卽於是夜遁走其塘源毛村之賊屢犯江城俱經李  
元度擊退斬獲尙多復據李元度稟稱三月初三日親  
率十營分路進剿毛村賊巢行抵碗窰地方偽主將譚

初編卷二

十二

星率眾萬餘列隊抗拒遊擊喻科癸參將鍾志瑞彭寶  
三等首先衝入賊勢不支參將李正盛遊擊吳桂庭王  
運發縣丞陳純鎮復率所部從左路抄出遊擊徐國香  
率所部從清湖繞出賊後賊卽奪路狂奔各軍乘勢追  
擊忽小清湖賊萬餘過河來犯李元度卽率各軍回援  
喻科癸李正盛大呼迎擊遊擊易成臨艾錦清都司張  
騰飛知州李積經主簿李鉅縣丞鍾昌柄等分路齊進  
立斃悍賊百餘名追殺六七里申刻收隊是日兩獲全  
勝殺斃溺斃數百名陣斬偽丞相指揮等賊目十餘名

奪獲旗幟百餘面初五日該逆復糾黨上竄撲犯峽口  
關軍營盤閩軍先勝後挫退回浦城賊遂於該處屯紮  
肆行焚掠下自清湖花園港石門江郎街等處上至峽  
口鳳林等處連營數十里勢甚猖獗臣以其地可達福  
建之浦城浙江之處州龍泉江西之廣豐玉山倘此路  
有失不獨臣軍後路可虞大局必不堪問當飭劉典督  
帶四營先行並派李元度安越軍大營會剿初七日劉  
典等行抵江山縣新塘邊適賊前隊亦至劉典當派各  
營三成隊追剿殺賊數十名直至河邊該逆處水而遁

初編卷二

三

詔知侍逆竄踞花園港結壘自固初八日分三路進攻  
花園港賊巢劉典自率中營并馬隊由中路進殺賊數  
百燒賊兩壘進逼侍逆李世賢之壘李世賢騎黑馬而  
遁正擬乘勢進攻適大雨如注收隊而還臣因賊勢趨  
重於此隨督各軍繼進十五日進紮江山縣石笏地方  
是日探報侍逆帶騎賊數百由小清湖過河窺探路徑  
並有步賊數百散居村莊臣一面調防江西玉山仁右  
營副將顧雲彩八百人助剿一面飭劉典於十六日督  
同黃少春黃有功余萃隆各率所部至清湖一帶搜剿

甫抵該處賊見我軍旗幟紛紛潰走乘勝追殺殲斃殆  
半忽花園港石門出悍賊萬餘排列禮賢上下一帶山  
岡而以數千人涉淺過河徑撲安越軍營壘當令安越  
各營並未明亮桂勇飛赴河邊堵截斃賊數十名賊勢  
少却劉典率各營馳至大呼殺入該逆奪路狂奔我軍  
復追殺二十餘里斬賊數百級其鳳林股匪至毛坂冀  
襲我軍後路者亦經顧雲彩李世賢擊走之十八日分  
路進攻石門花園港等處賊巢臣親督同知楊昌濬楊  
鼎勳率親兵營並張人和楊和貴李世賢遊擊張志超

初編卷二

四

顧雲彩馬德順等所部由右路進劉琰陶鴻勳張聲恒  
黃少春余萃隆安越軍親右營遊擊徐國香由中路進  
劉典黃有功朱明亮楊芳桂由左路進李耀南鄭錫溥  
會同安越軍營務處知府李元嘉率安越六營排列河  
邊扼剿臣軍由右路進者黎明至江郎街賊望風而潰  
卽飭各軍節節搜剿而進連破石門賊十數重直搗入  
賊巢追殺十餘里至午刻抵花園港各營畢集三面環  
攻拔開花籬直逼城壘該逆見我軍銳氣百倍堅匿不  
出穴牆開礮抵死抗拒我軍於鎗礮如雨之中排隊屹

立踰越重壕肉薄壘下有礮壘先登而墜者有入壘被  
斫而死者前者被創後者復進相持三時之久賊壘垂  
破復完乃收隊而還賊之潛伏清湖者伺官軍收隊突  
起抄我歸路經安越軍於河邊扼擊擒斬百餘鼠竄而  
去是日殺賊不過數百而我軍之陣亡者三十餘名帶  
重傷者至二百七八十名之多蓋攻堅之難如此二十  
一日偽主將翟逆復於石門前面山岡築壘七座探報  
李世賢潛約偽對王洪逆糾大股賊黨又由衢州西北  
而來計期數日可到臣以賊援將至而花園港老巢未

初編卷二

七

破我軍將有腹背受敵之虞廿二日黎明仍飭各營三  
路進攻賊巢楊昌濬督各營至石門直逼新壘李世賢  
磨敵猛撲賊眾披靡各營繼進遂將新壘七座次第踏  
平斃賊無數餘逆翻山鼠竄不暇跟追隨與劉典等逼  
攻花園港老巢將竹牌柴草填濠直進施放火箭火彈  
延燒賊柵正在得手之際忽北風斗轉大雨傾注逆賊  
一面撲救一面出壘死拒副將銜參將黃少春身受三  
創屹立不退哨官李裔輝簡桂林伍先申周春農等均  
裹創血戰始徐徐收隊而還是日破賊壘七座殺賊數

百名奪獲旗幟鎗礮數百件而舊壘仍垂破復完二十  
二日李定太江允康等據報偽對王洪春元率黨數萬  
已至雙橋廿五日我軍移營進紮以便一面攻撲老巢  
一面迎剿援賊而該逆卽於是夜向上台毛村一路潛  
遁查竄擾浙江賊酋本止李世賢李秀成兩股楊輔清  
一股從而和之自迭陷名城後兇賊更張兩浙逼遭茶  
蕩李秀成一股已由浙入吳楊輔清一股時往來於檇  
州甯國嚴郡之間與李世賢互相首尾臣所剿開化逆  
安之賊卽楊輔清之黨見剿衢州江山之賊卽李世賢

初編卷二

夫

此逆爲賊中渠魁兇狡特甚臣之注意於此原冀殲除  
此股則餘賊震慄浙事可望轉機自回援衢州以來賊  
黨望風而靡雖未及痛剿然已散竄潛逃不敢抵拒惟  
該逆負隅自固於形見勢迫之餘猶復堅忍相持拚死  
抗拒又糾合巨股來援意在闖入江西今爲臣軍所阻  
潛遁同去或由衢州仍回大洲全旺老巢或由遂昌而  
竄龍泉均屬未定臣現留安越軍八營及江西仁右營  
副將顧雲彩長左營卽補道王德榜等照舊駐守與江  
山各營聯絡一氣以固江西藩籬一面飛飭駐防馬金

記名總兵崔大光等四營回軍華埠相機要擊臣自率各營即日由常山跟蹤追剿務期悉數殲旃免致流毒他方終成不了之局所有迭次獲勝及現在布置情形謹會同協辦大學士兩江督臣曾國藩恭摺馳奏伏祈

皇上聖鑒訓示施行謹

奏 同治元年三月二十七日

議政王軍機大臣奉

旨另有旨欽此

初編卷二

七

同治元年四月十四日內閣奉

上諭左宗棠奏官軍自援衢州江山兩城圍解一摺逆匪偽侍王率巨股圍撲浙江衢州府城總兵李定太等嬰城固守二月十八日左宗棠馳抵常山水南地方調派知府劉典等督率兵勇分路進攻十九日齊抵招賢該逆不及列隊棄械狂奔官軍奮力追殺斬擒二百數十名衢城糧道遠迫其撲犯江山之賊屯踞大溪灘毛村一帶已革臬司李元度率安越軍駐守三月初三日李元度親率十營進剿毛村賊匪大獲全勝該逆糾黨

上竄撲犯峽口左宗棠復飭劉典督率所部會合李元度各營攻剿連日鏖戰斬獲甚多十八日進攻石門花園港賊巢該逆抵死抗拒賊壘垂破復完二十二日分三路直逼石門新壘奮勇攻撲賊眾披靡遂將新壘七座踏平餘逆翻山鼠竄官軍乘勢逼攻花園港賊勢不支乘夜向上台毛村潛遁剿辦甚屬認真著左宗棠督飭各路官軍跟蹤追剿務令悉數殲除勿留餘孽欽此

初編卷二

六

回援衢州江山兩城圍解各一摺覽奏均悉慶端所奏已革臬司李元度進剿毛村賊巢獲勝情形與左宗棠所奏大略相同惟逆黨上竄峽口撲犯閩軍營盤閩軍先勝後挫退回浦城賊遂於該處屯紮肆行焚掠下自清湖上至峽口等處連營數十里勢甚猖獗已經左宗棠據實馳陳而慶端則但稱逆匪來逼峽口副將曾元福整隊迎敵將賊擊退殺賊甚多復令都司楊鳳元等由小路進剿斃賊無算兵勇亦有傷亡復稱侍逆大股突至峽口各營虛寡不敵稍有挫失等語不但閩軍收

退情形語多含混即該督指內所陳各節前後亦自相  
矛盾慶端以獲咎留在之員自當激發天良力圖補救  
乃奏報軍情竟敢任意欺飾而於將領中之挫敗無能  
者並不即時參劾實屬情同擊走現在左宗棠督率各  
軍已將石門花園堡等處賊匪擊贖該逆向土台毛村  
一路潛遁著左宗棠嚴飭在事文武員弁跟蹤追剿乘  
其喘息未定悉數殲除第浙軍攻剿得手則閩境更覺  
可虞瑞安景甯雲和等處之賊雖報擊退難保不去而  
復來突入閩境慶端務當督飭閩省能事將領會同添

初編卷二

九

軍將峽口鳳林等處賊營併力剿洗嚴杜浙賊入閩之  
路以期稍贖前愆儻再不知愧奮在令賊匪竄入閩疆  
或闖入江境該督恐不能當此重咎也懍之再慶端奏  
總兵李定太總統諸軍克保危成請以提脩遇缺題奏  
副將崇志知府江允康兩次保守郡城均請免議失守  
處分已明降諭旨交左宗棠查明是否得力另行具奏  
著該撫確切查明毋稍遷就將此由六百里各諭令知  
之欽此

遂安官軍兩次擊賊獲勝立解城圍摺

奏為遂安官軍兩次獲勝解圍恭摺奏祈

聖鑒事竊臣於二月初十日攻克遂安縣城時賊首偽

侍王李世賢率巨股圍撲衢州府城臣即於十三日率

軍回援令運使銜即選道王文瑞王開來率所部二千

五百人留遂安駐守旋據王文瑞等飛稟二月二十三

十一等日有巨股賊由清安竄逼城東五十里梓桐瀝

城北二十里墩頭圍撲城垣二十二日賊分兩路撲城

王文瑞等飭各營堅壁勿出靜以待之該逆旋即退去

初編卷二

三

廿三日東路之賊忽蜂擁直逼城外營壘並攜帶木梯  
布袋意圖填濠攻城王文瑞令總兵丁長勝參將郭德  
馨率所部分伏左右親督副將銜參將王萬友副將喻  
勝榮趙仁和羅瑞山各率所部由中路奮擊令康榮詔  
潘謨率親兵相機策應副將王明輝率後旗相形扼要  
以防北路之賊中路各旗哨奮勇衝殺斃賊多名該逆  
拚死抗拒正鏖戰間康榮詔潘謨等繼至丁長勝郭德  
馨復率伏兵由左右兩路橫截而出該逆紛紛敗潰我  
軍猛追十餘里始行收隊甫近城壘忽北路之賊又乘

虛來犯王明輝督各哨極力堵禦康榮詔潘謨王萬友與羅瑞山等分路擊之王文瑞率郭德馨趙仁和等從中路迎擊喻勝榮丁長勝率所部翻山而下我軍奮威衝殺勇氣百倍賊又大敗斃賊約八九百名是日兩戰約共殺賊二千餘人陣斬偽檢點黃德貴劉世學偽指揮黎文明偽丞相劉正順汪定遠李世源等奪獲本梯百餘架騾馬器械無算此廿三日大獲勝仗之實在情形也廿七夜探報另股援賊由東亭前來北路敗賊亦於是日歸併東路廿八日辰刻該逆擁眾五六萬直至

初編卷二

三

城東築壘密布竹籤花籬以防我軍衝突王文瑞憑牆穩守待至未刻見賊勢稍懈卽飭丁長勝郭德馨率所部從城北小路抄出賊壘之後趙仁和王明輝從中路之右進擊王文瑞自率親兵由中路之左進擊康榮詔潘謨率親兵與喻勝榮由東路河邊橫擊我軍分三路進攻該逆亦分三路拒賊雖斃悍賊多名而該逆自恃人數眾多畧無退怯迨見丁長勝郭德馨等由後路抄出始各散歸壘中施放鎗礮拒守我軍隨將壘外竹籤花籬拔葉殆盡直撲壘下羅瑞山首先躍入立斬悍賊

數名各勇繼進乘勢連破計壘該逆四散狂奔我軍兜剿追殺賊屍枕藉不可勝計拋棄劍鏢鎗礮旗幟刀矛無算餘逆一由清安港日竄嚴州一由濟嶺竄徽州屯溪休甯而去此廿八日獲勝之實在情形也 臣前接遂安告警之信慮該處防兵不敷分布當檄商徽軍布政使銜福建臬司張運蘭酌派數營馳援並令記名總兵崔大光等四營由開化進剿以保馬金糧路兼爲遂城聲援及徽軍副將張運桂率老湘八營抵馬金而城圍已解因卽折回查遂安路途四達賊雖暫退威坪一股

初編卷二

三

仍於梓桐源一帶往來窺伺有糾合輔逆楊輔清來攻遂城竄擾江西之說已飭王文瑞嚴密守禦並令崔大光等四營相機應援務期力扼要衝所有此次陣亡之藍翎守備廖有貴軍功擬保把總陳子春均請 飭部照例議卹謹會同協辦大學士兩江督 臣曾國藩 恭摺 奏伏乞

皇上聖鑒訓示施行謹

奉 同治元年三月二十七日



議政王軍機大臣奉

旨另有旨欽此

同治元年四月十四日內閣奉

上諭左宗棠奏遂安官軍兩次擊賊獲勝立解城圍一  
指浙江遂安縣城自二月間攻克後復有股匪分東北  
兩路竄擾逼城經道員王文瑞等督軍奮擊斃賊甚多  
該逆抵死抗拒總兵丁長勝等率伏兵齊出左右橫截  
東路各賊紛紛敗潰我兵追殺十餘里北路之賊乘虛  
來犯副將王明輝等併力堵擊官軍分路接應奮勇衝

初編卷一

三

殺賊復大敗兩次共殺賊二千餘名陣斬偽檢點偽指  
揮偽丞相多名奪獲木梯百餘架驟馬器械無算敗賊  
糾合援賊歸併東路擁眾復來撲城官軍分三路進攻  
復分兵由後抄出賊始敗退我軍乘勝連破賊壘逆眾  
四散狂奔官軍兜剿追殺賊屍枕藉不計其數拋棄器  
械多件餘賊逃竄剿辦甚為得手仍著左宗棠督飭諸  
軍將敗殘各匪悉數殲除毋留餘孽陣亡之廖有貴疑  
保把總陳子春均著交部照例議卹該部知道欽此

李楊兩逆遁竄現籌進剿情形摺

奏為兩路逆首均已遁竄現籌進剿情形恭摺馳奏仰  
祈

聖鑒事竊首逆李世賢於江山花園港敗遁臣由常山  
追剿已經奏報在案臣軍行抵常山時李世賢已繞由  
衢南回竄龍游令賊黨堅踞龍游縣城及衢南之石室  
街並竊壽昌縣逆分竄衢州東北之蓮花一帶脩築堅  
壘以抗追師而自率諸賊回竄金華府城老巢其另股  
由塘源溪口繞竄遂昌龍泉邊界者經兩縣鄉團及福

初編卷一

三

廷記名總兵林文察截擊斃賊約二千餘名餘匪由松  
陽遁走遂昌龍泉兩縣肅清賊之大勢均趨重金華而  
倚龍游壽昌兩溪三縣賊巢為犄角之勢臣本擬先剿  
衢北之賊以攻龍游忽接駐守遂安之鹽運使銜卽選  
道王文瑞等飛報首逆偽輔王楊輔清率大股分由瀆  
安縣之嚴坪梓桐源港口而來圍撲遂安以擾江西而  
竄南自鮑超等連破克捷收復城池後各處敗匪亦由  
甯國轉竄而至前隊已抵遂安之界首東亭一帶賊館  
連聚四五十里臣以李世賢甫經敗遁兇愆已衰勢必

不敢上竄楊輔清一股久圍越竄江皖遂安防軍單薄  
開遂一帶歧徑最多分駐馬金街之四營亦難通行扼  
截遂令道銜留浙補用知府劉典率各營由華埠馬金  
以抵昏口臣率親兵及各營由常山進駐開化相機圖  
之四月十三十四等日劉典率各營由昏口進紮百畝  
販記名總兵崔大光等四營亦到首逆楊輔清聞官軍  
大至十五夜乘雨霽月明全股捲旗宵遁遲明王文瑞  
劉典派隊追剿沿途僅殺斃落後長髮老賊百數十人  
追至淳安縣城賊已奔竄昌化難民乘機逃出者絡繹

初編卷二

三

不絕探報楊輔清竄昌化後又向甯國竄去臣已飛咨  
皖南各軍嚴行戒備矣李逆之黨踞壽昌龍游者見臣  
軍已赴開遂一路遂日漸上竄衢郡南北又形喫緊臣  
拜摺後卽由華埠出常山赴衢州剿之已調劉典崔大  
光等各營陸續撤回侯玉山婺源德興各處採購之米  
解判卽裹糧而起相機辦理所有近日軍情謹會同協  
辦大學士兩江督臣曾國藩恭摺奏報伏乞  
聖鑒訓示謹  
奏同治元年四月二十四日

議政軍機大臣奉

旨另有旨欽此

准陳餉項支絀籌辦艱難情形摺

奏爲滙原餉項支絀籌辦艱難情形恭摺奏祈

聖鑒事竊浙江全局潰裂軍餉無從籌措全在各省接

月協撥情形久在

聖明洞鑒之中臣軍未入浙之前已欠餉六箇月有奇

僅恃兩江督臣曾國藩所撥景德鎮河口鎮釐金婺源

樂平浮梁三縣錢漕及江西奉

初編卷二

三

旨協撥一款陸續彌補欠數尙多入浙後轉戰開遂江  
常之交四月以來積欠又二十餘萬兩從前李元度一  
軍李定太一軍月餉係由閩省酌發雖所欠甚鉅然每  
月尙各有二萬兩略資點綴自正月以後兩餉稀至賊  
氛更緊曾國藩發給備防李定太一軍銀二萬兩米三  
千石臣亦發給備防銀二萬兩又撥給李元度一軍閩  
餉銀五萬兩買米銀八千兩米一千三百餘石昨奉  
諭旨甄汰李元度一軍現擬撤遣十營又由臣發給勇  
丁長夫一月口糧銀三萬四千兩以作行資而臣軍之

餉又挪空兩月有餘合之舊欠仍六七個月不等所有奉

旨協撥浙江軍餉各省以粵東每月十萬兩為大宗頃接督臣勞崇光來械備言粵省支絀情形將來縱微有接濟亦斷難如期如數而現在則并無委解之耗閩海關協浙之款從前每月五萬兩近奉

旨每月協撥三萬雖已委解在途而李元度李定太兩軍每月由閩領餉者今因閩不給餉并向臣處索取即令閩餉三萬按月解到臣按月酌給兩軍而亦不敷其

初編卷二

三

鉅此外湖北按月協餉一萬兩僅止委解一次湖南按月協餉一萬兩除給劉培元一軍行資及臣軍增募勇丁經費並軍火帳棚等項此時亦無應解之款總計各省奉

旨協撥浙江之款除福建解過五萬湖北解過一萬外別無解款現據劉培元蔣益澧咨稟所部一萬三千二百人於四月初旬由粵西湖南分隊啟行大約五六月均可陸續到浙臣所調募各營亦約於五月內可到計每月兵餉又須增十三四萬兩合之臣軍及李定太一

軍李元度汰存之軍每月餉需共須二十四五萬兩即令福建湖北湖南廣東各省如數如期源源委解每月亦不過十五萬兩尚有十萬兩虛懸無著而各軍舊欠之餉尙未暇計也浙省膏腴之壤盡為賊踞衢嚴一帶山鄉瘠薄素鮮蓋藏頻年屢遭兵燹小民死喪流亡田荒屋燬臣軍行所至目覩災民男婦露宿野處道殣相望有數日不得一食者有一家餓斃數口者近復疫氣流行十人九病而浙之殘黎幾於靡有孑遺矣不獨捐輸釐金無從籌辦即錢糧正賦亦且催督難施縱使仰

初編卷二

三

仗天威所至堅城速下而軍中食米必賴隣省轉輸即此等垂盡飢民亦何忍任填溝壑日夜思維憂心如搗伏懇

皇上天恩勅下廣東福建湖北湖南督撫諸臣自奉旨之日起將應解浙江協餉按月委解臣軍一面咨報戶部以備查核如有延誤即由部臣查明將各該藩司指名參

奏以重兵食而速戎機庶解款不致久絀兵事得免遲

滯臣惟有殫盡血誠壹意攻剿以求仰副

高厚鴻慈於萬一再正月初四日奉

上諭前因薛煥奏浙省危急請照王有齡所籌前經准撥之廣東每月協餉銀五萬兩江西湖南湖北每月協銀各三萬兩均由滙口豫納商人貨稅給單執照赴各該省抵匯浙餉一節當經諭令各該督撫遵照辦理其各省如有海道及他路可通亦省者均卽各將應解每月協餉分途撥運並諭薛煥收集前項抵匯餉銀卽行設法運往浙省止滙餉源寬裕並著薛煥於抵匯餉銀

初編卷二

三

道外先行設措接濟左宗棠軍餉並按月源源解往毋許推諉欽此薛煥奉此次

諭旨後自應欽遵辦理數月以來未據該撫臣咨會所有前項抵匯餉銀已收若干臣與會國藩距滙甚遠無從查悉薛煥亦並無先行設措接濟奉

旨允行之件竟漠不關心實不可解相應請

旨飭令薛煥恪遵前

旨迅將各省抵匯浙省餉銀委解會國藩大營俾臣得就近迎提以資接濟是否有當並乞

訓示施行謹

奏 同治元年四月二十四日

議政王軍機大臣奉

旨另有旨欽此

查鈔革員張景渠原籍資產摺

奏爲遵

旨查抄革員張景渠原籍資產恭摺覆奏事同治元年三月初五日常山縣水南行營准兵部火票遞到議政王軍機大臣字寄二月初四日奉

初編卷二

三

上諭護理浙江提督參將陳世章等前因甯波失守業經降旨擊問茲據陳世章奏稱甯波等城失守以後該參將與甯紹台道張景渠均遇英法兩國人救護退駐定海等語其爲畏葸逃避顯而易見陳世章張景渠均著左宗棠遵照前旨嚴行審訊張景渠經手關稅其扣歸洋人二成稅銀共計若干并著研取確供迅速知照薛煥與洋人駁對日來風聞張景渠並有於甯波失守後將關稅銀二百萬兩載赴定海藏匿之事是否確實並著會國藩左宗棠秉公設法密查具奏毋任隱匿欽

此嗣又於三月二十六日欽奉二月二十七日  
上諭前因已革道員張景渠經手關稅並風聞有於甯  
波失守後將關稅銀二百萬兩載赴定海之事諭令會  
國藩左宗棠查奏茲據總理各國事務衙門奏據薛煥  
咨稱張景渠於應交英法國第四結扣款違行挪用並  
甯波失守又以該郡紳富遷避上海飭捐歸款一再延  
宕以致各該領事催索各情請飭查抄該革員貲財備  
抵等語浙海關扣款係交涉外國之項張景渠何得擅  
自挪用且欲令由甯搬遷赴滬之紳富捐輸歸款尤出

初編卷二

三

情理之外亟應嚴行懲辦著會國藩薛煥左宗棠將該  
革員張景渠寄居處所及原籍貲財先行查抄並查明  
該革員有無另行寄頓之處一併查抄備抵仍嚴訊該  
革員於浙海關第四結應交英法國二成銀及庫存各  
款確切查明若有虧短挪用情弊即照數嚴追勒繳毋  
稍瞻徇其浙海關第三結收稅銀若干應交英法國二  
成銀若干及會否解滬清交之處並著薛煥查明覆奏  
欽此 臣 遵即密飭甯浙升用同知陳盛治會同江西廣  
信府知府鍾世植遵帶丁役至張景渠上饒縣原籍任

字逐細搜查抄出金銀洋錢衣服等項約值七千餘兩  
田地房契約值三千餘兩並提該革員之子張廷斌再  
四研訊委係別無寄頓稟覆前來 臣 查張景渠身任監  
司六員海疆重地既已貽誤於前外國扣款復敢挪用  
於後核其情節實屬法所難寬除該革員原籍資財已  
由 臣 派員查抄外其寄居處所准兩江督 臣 曾國藩咨  
據署江蘇布政使吳煦等稟稱遍查上海縣境內並無  
張景渠寄居處所亦無寄頓貲財風聞該革員自甯波  
失陷後業經退守定海廳等語查定海孤懸海外 臣 處

初編卷二

三

相距寫遺無從查辦應請  
旨飭下江蘇撫 臣 薛煥就近派員前往密訪查抄俾昭  
核實所有查抄張景渠原籍財產衣物等項謹開列清  
單附呈  
御覽此項作何抵撥之處并候  
訓示施行謹  
奏 同治元年四月二十四日  
議政王軍機大臣奉  
旨另有旨欽此

議政王軍機大臣 字寄同治元年五月初十日奉  
上諭左宗棠奏兩路逆首均已遁竄現籌進剿情形一  
指據傳逆首李世賢圖竄衢州等處擊敗後偽輔王揚  
輔清復糾眾圖撲遂安該撫親赴開化督剿逆眾宵  
遁而李逆餘黨踞壽昌龍游者復竄衢郡該撫現前往  
督剿壽昌逆賊肅浙東圖竄江閩蓄志已久衢郡爲  
江閩門戶左宗棠自應親往督剿以扼要隘惟該撫所  
部本單而賊計詭譎堵此竄彼殊形勞苦甚爲慮念蔣  
益澧劉培元所部已報四月初間起程該撫卽派員迎

初編卷二

三

提以厚兵力現在鮑超進攻甯國指日必可得手敗匪  
上竄亦在意中該撫前擬由辰規杭賊勢浩大難期得  
力若候蔣益澧等軍分道進進始無掣肘之虞該撫於  
擊退圖竄衢城逆賊後酌量情形相機辦理斷不可輕  
率前進江西防兵無多而沈葆楨尙能布置惟閩省之  
兵多不得力該撫仍當與廖端者商戰守機宜庶  
免賊匪乘虛抄襲查該道員張景深家產甚屬認  
眞所有該革員資產均著變價提充該撫兵餉其餘零  
星物件卽著賞給營中出力兵弁所請飭催湖北等省

軍餉已諭官文等迅速撥解矣將此由六百里諭令知  
之

甄汰安越軍存留五營片

再三月二十六日江山縣石笏營次准兵部遞到議政  
王軍機大臣字寄同治元年三月初七日奉

上諭李元度於失陷徽郡獲咎後不候會國藩審訊徑  
自募勇赴浙捏報克復義甯等城迨由江西援浙復節  
節逗遛以致抗城失陷厥咎甚重本日已明降諭旨將  
李元度革職交左宗棠差委以觀後效該革員治軍一

初編卷二

四

味寬續所部勇丁多用親族子弟卽著左宗棠會商會  
國藩嚴加甄汰分別去留欽此 查李元度一軍上年  
入浙轉戰於龍游壽昌之間彼時逆賊已深入腹地散  
踞各城所有赴杭路徑均皆梗塞李元度一軍由衢州  
取道而前勢難遽達實非有意逗遛昨次逆首李世賢  
大股來犯李元度固守江山縣城分撥八營隨同 軍  
出戰 留心察看所部能戰者實不乏人惟李元度平  
日馭勇過寬上卒知感而不知畏又安越一軍營制營  
官之外復有幫帶會辦之名哨官之外復有哨長專權

不一號令不專各勇丁多平江一縣之人取材既隘又狃於寬慢之習驟難以法繩之計該軍共十五營現今李元度撤去十營存留五營改照 臣軍營制由 臣給餉仍歸李元度調遣務收餉節兵精之效其軍欠餉已五六箇月經李元度再四勸諭由 臣發給一月口糧散遣歸籍各弁勇隨征日久心懷李元度舊恩尚未敢堅持異論此奉

旨甄汰安越一軍撤去十營酌留五營之實在情形也李元度於咸豐四年入曾國藩營襄治軍書 臣時在前

初編卷二

三

湖南撫 臣駱秉章署中佐理軍務即識其人知其性情純篤不避艱險厥後軍事方殷帶勇剿賊轉戰江西皖浙之交飽經憂患以軍事時有利鈍兩被吏議私懷倍深慙憤而報

國之志未衰該革員年甫四十有一頻年馳驅戎馬鬚髮盡白無替厥勤在時流中亦為難得之選茲蒙

恩命免其治罪交 臣差委以觀後效 臣惟有隨時助勉箴其闕失以副我

皇上愛惜人才至意儻再不知振作頽廢日甘亦惟有

批實嚴參不敢以私廢公也謹將甄汰安越軍存留五營原委據實附片陳明至李元度所署藩司一缺本任蔣益澧到浙需時所有藩司事務查有現署杭嘉湖道蘇式敬堪以代辦除檄飭以遵照外合併聲明伏乞

聖鑒訓示謹

奏 同治元年四月二十四日

議政王軍機大臣奉

旨知道了欽此

初編卷二

三

保奏材堪司道等員摺

奏為遵

旨保奏材堪司道等員仰祈

聖鑒事竊臣前於三月初八日欽奉

諭旨蘇浙糜爛省分人皆視為畏途惟有選擇能戰之

文員以補兩省之實缺或能漸集乃事并著曾國藩左

宗棠隨時訪查將能勝蘇浙兩省監司道府之員保奏

前來以備簡用三月二十六日復奉

上諭浙江按察使現在簡用乏人著曾國藩左宗棠於

初編卷二

三

平日所知擇其材堪勝任並嫻軍務者不拘資格酌保

數員候旨簡放復奉

上諭昨因浙江按察使簡用乏人降旨令曾國藩左宗

棠酌保數員左宗棠接奉此旨即著於平日所知酌量

保奏候旨簡用欽此跪誦之下敬仰我

皇上俯念危迫原商材後至意臣謹就平日所知現能

赴浙者酌保數員開列清單詳其行實恭呈

御覽其材堪保薦而現官要地不能赴浙者不復開列

請會同協辦大學士兩江督臣曾國藩恭摺具

奏伏乞

聖鑒於行謹

奏同治元年四月二十四日

議政王軍機大臣奉

旨留中欽此

謹將擬保堪勝浙江司道各員繕列清單敬呈

御覽

按察使銜即選道江忠澂

該員係前安徽巡撫廬州殉難江忠源之弟江忠源在

初編卷二

三

日曾與臣言諸弟中惟該員才具最優但未知於兵事

何如嗣該員帶勇赴廬州海軍知府回籍後帶勇防

剿是粵之匪保升道員並加臬司銜該員性情醇厚有

治事之才於兵事亦頗練習現在湖南新甯本籍

按察使銜記名道趙煥聯

該員由湖南舉人管帶湘勇海保今職於兵事頗稱稱

練所部多能戰之士為人警敏有識才具優長現在湖

南省城充撫臣營務處

道銜留浙補用知府劉典



該員與前甯紹台道武昌殉節羅澤南相處在師友之  
間請練兵事善審地勢廉幹有為現在 臣軍總理營務  
留所補用同知楊昌濬

該員師事羅澤南與已故記名道王壽前浙江藩司三  
河鎮殉節李績賢及現在安徽巡撫李績宜為友均曾  
殫辦各該營軍事性情恬裕屢辭保薦廉明篤實曉暢  
戎機現在 臣軍總理營務

以上四員均曾與會國藩械商彼此意見相同堪膺保  
薦

初編卷二

完

即選員外郎林聰彝

該員係故雲貴督 臣林則徐之子性情醇厚議論軒爽  
雖未知其於兵事何如然觀其遇事留心實有幹器不  
愧名父之子現在福建本籍

即選員外郎吳大廷

該員前官內閣中書才識明敏志趣甚正 臣雖未與謀  
面然書札往返甚相契合現在李績宜軍營擬暫假回  
湖南沅陵本籍

以上兩員係 臣近時思索所得尚未與會國藩械商然

曾國藩亦頗知其入其林聰彝一員胡林翼亦曾保薦  
及之

同治元年五月十一日內閣奉

上諭安徽布政使著江忠濬署理欽此

同日內閣奉

上諭浙江按察使著劉典補授欽此

同治元年九月二十四日內閣奉

上諭浙江衢州府知府員缺著楊昌濬補授欽此

初編卷二

畢

訊明王履謙貽快情形據實參奏摺

奏為遵

旨訊明王履謙貽快情形據實參奏仰祈

聖鑒事竊副都御史王履謙奉

旨幫辦團練紹興失守王履謙赴閩藉詞諉罪欽奉

諭旨革職拏問交臣就近審訊按律治罪經督臣慶端

將王履謙委員押解前來臣比欽遵

諭旨逐一研訊如瑞昌王有齡原奏飭甯紹台道張景

渠嚴防甯紹王履謙議格不行又復袒庇紳富致捐借

何編卷二

四

俱前一面據王履謙供稱革員自揣不諳軍旅張景渠

辦捐苛刻未洽與情會商請前撫院派令鹽運司莊煥

文候補道彭斯舉來紹會辦嗣莊煥文彭斯舉所帶八

槳礮船十隻兵二百名閩勇八百名來紹未及半月兵

勇因口角私鬪殺傷七人各散彭斯舉即回省城莊煥

文移紮義橋是王履謙以張景渠辦理紹郡捐輸彼此

參商因咨調莊煥文彭斯舉赴紹辦防原奏張景渠嚴

防甯紹王履謙議格不行自係指此而言又原奏署紹

興府知府廖宗元等力籌布置以違王履謙不願設防

之意人遂誣以通賊因而痛毆王履謙從旁袖手比及

城陷而走廖宗元殉難紹甯連陷貽快全局一節臣查

江蘇撫臣薛煥咨據廖宗元之姪從九品廖承澤稟稱

廖宗元自八月二十七日履紹興府署任竭力籌防因

兵餉兩窮稟請林藩司調撥張田二軍兵勇二千名及

何柄謙礮船四十隻來紹守禦王履謙聽信局紳張存

浩張桂芬等情捐不發兵餉廖宗元向張存浩嚴追張

存浩抗捐不繳迨何柄謙在蕭山陣亡所剩礮船退至

紹郡廖宗元出城安撫時該紳富等揚言知府通賊喝

何編卷二

四

令水龍勇黃頭勇將廖宗元嚴毆頭面帶傷尤重王履

謙置之不理二十七日諸暨不守二十九日紹興連陷

廖宗元陣亡懇請優卹等因又准湖南撫臣毛鴻賓咨

據廖宗元之姪過徵卹遺從九品廖承澤稟稱廖宗元

履署任六日浦江失守義烏東陽相繼告陷賊逼諸暨

岷縣離紹不過百里王履謙意以兵勇接民不如以民

自守致防務未設廖宗元請調外江礮船入內港時值

兵餉告罄嚴催富戶捐輸紹郡紳民均稱不便廖宗元

極力整頓事多掣肘九月二十三日賊由富陽南岸奪

外江船渡臨浦港以陷蕭山諸暨防共於廿四日概行  
退保杭城無一兵至紹二十五日賊由蕭山逼犯紹郡  
破船接仗失利何柄謙陷於城中餘剩破船駛至稽山  
門外紹郡團練呼為逃勇且謂賊渡臨浦係得外江破  
船而渡遂誣內港破船通賊局與破勇相聞廖宗元  
出城彈壓局紳張存浩等糾眾揚言破船通賊廖  
宗元不應庇護將廖宗元親兵殺斃十二人並傷廖宗  
元頭額王履謙時曾出城勸解二十九日賊匪攻城各  
團全潰士履謙亦走廖宗元督親兵十餘人禦賊殉節

初編卷二

聖

懇移咨查明請

嗣兩軍同意互有出入而廖永澤所稟較為核實原奏  
廖宗元力籌布置以進上履謙不願設防之意人遂誣  
以通賊因而痛毆王履謙縱旁袖手似團勇毆傷廖宗  
元係由王履謙主唆所致王履謙於廖宗元被毆時亦  
似有意縱容且維紹郡紳民因捐輸頗數意存慳節又  
以兵勇擾民而不能殺賊遂謂用兵不如用團固已併  
為一談牢不可破王履謙時方請前撫臣調兵助防紹  
郡原無不願設防之心紹郡紳民因廖宗元所調管帶

破船之何柄謙收陷賊中遂疑退回破船通賊殺斃廖  
宗元親兵並傷廖宗元頭額比時王履謙出城勸解亦  
實無從旁袖手之事原奏得之一時傳聞目難據以定  
讞惟王履謙以在籍三品大員奉

旨幫辦團練事前既不能與地方文武和衷商榷共圖  
保衛之方事後復不能與同里士民竭力綢繆共思恢  
復之策王有齡廖宗元於城陷之時慷慨赴難大節凜  
然王履謙雖訊無棄城先遁情事然既倉皇出走忍恥  
偷生復藉口王有齡所調破船通賊及廖宗元調處不

初編卷二

周

善佈詞廣陳希圖凌罪律以謀人軍師敗則死之之義  
即請

行立正典刑亦屬情浮於罪惟該革員究係本籍幫辦  
團練之神與地方官吏及帶兵文武有間律無治罪專  
條且該革員賦性迂愚暗昧名情多由受人指嗾所致  
可否將該革員發往新疆効力贖罪之處伏候  
聖裁至署紹興府知府廖宗元以力籌防守嚴催富戶  
捐輸致紳富張存浩等誣共所調破船通賊殺斃該故  
員親兵並傷該故員頭額旋帶勇守城禦賊捐貲廖宗

元當艱苦窘迫之時堅貞自矢孤忠大節凜凜如生應請

旨照知府例從優

賜卹並建祠紹興府城以妥忠魂而昭獎勵其紹興四品封職張存浩等因廖宗元催捐嚴緊挾忿懷私胆敢誣稱廖宗元所謂破船通賊糾眾殺斃親兵十二人並傷廖宗元頭額罪不容誅應俟收復紹興府城後嚴拏到案盡法懲處所有誣明王履謙貽慢情形謹據實直陳抄錄王履謙親供附呈

初編卷二

聖

御覽並請

旨優卹廖宗元各緣由伏候

皇上聖鑒訓示施行謹

奏 同治元年四月二十五日

議政王軍機大臣奉

旨留中欽此

同治元年五月十一日內閣奉

上諭前因浙江紹興等府縣相繼失陷王履謙以幫辦團練大員倉皇出城猶復藉詞諉罪當降旨將該員革職

職擊問交曾國藩查辦旋以該革員於紹興失守後航海赴閩復降旨改交左宗棠擊問嚴訊茲據左宗棠奏訊明王履謙於甯紹喫緊時已咨請督運使莊煥文等助防紹郡尙無不願設防之舉署紹興府知府廖宗元所謂管帶破船之何柄謙收發賊中紹郡紳民遂疑退回之破船通賊致將廖宗元毀傷甚重王履謙曾出城勸解亦無從旁袖手之事惟臨難出走飾詞諉罪咎無可辭請將該革員發往新甞等處王履謙以在籍幫辦團練大臣雖無築城先遞情事惟事前既不能與

初編卷二

聖

地方文武和衷布政事後復倉皇遠遁藉口破船通賊及廖宗元調處不善等詞希圖諉罪於人左宗棠所稱卽予立正典刑亦屬咎有應得持論亦尙平允惟該革員究係本籍紳士辦理團練之員與地方官吏職任守土者尙屬有間王履謙若卽照履歷在新甞効力贖罪以爲紳士貽誤取巧者戒其署紹興府知府廖宗元以力籌防守嚴催富戶捐輸致被紳富張存浩等誣毀並毀斃親兵十二名旋復禦賊捐軀城亡與亡實屬大節凜凜深堪嘉憫廖宗元著照知府例從優議卹於紹

興府城建立專祠以彰忠盡其挾忿誣捏糾眾妄殺之紳士張存浩等並著左宗棠於克復紹興府城後嚴拏到案盡法懲治以儆兇頑欽此

初編卷三

三

恪靖奏稿初編卷三目錄

衢州東南北三路一律肅清摺

探報湖州府城失守片

道員請差回籍延不歸營請旨革職片

查明浙江失事文武各員片

甯台郡縣克復溫郡漸就肅清摺

請援照湖北米捐減成章程收捐以濟軍食摺

漏免浙省錢糧敬陳辦理情形摺

請飭催道府各員迅速赴浙摺

初編卷三目錄

馳援遂安擊敗大股逆賊摺

總兵請假回籍遴員接署摺

資遣衛防兵勇片

查辦失守文武先將情罪較重之員定擬摺

衢州東南北三路一律肅清摺

奏為官軍攻剿衢州東南北三路賊壘地方一律肅清現籌進取情形恭摺奏祈

聖鑒事竊臣前因衢州南北兩路與緊由開化回軍五月初四日馳抵衢州西北路沐塵地方詢知侍逆李世賢糾集賊目馮谷勝陳壽偽主將賴逆偽佐將林逆駱逆等由龍游龍溪壽昌上犯於北路峽口蓮花童村裏外黃五坦洋塘盈川一帶聯營三十餘座並盤踞杜澤雲溪璋塘等處村莊又令偽設天義李逆敵天義侯逆

初編卷三

於南路石室街築四壘聯為一大壘東路大洲全旺安仁埠等處各築數壘相為犄角臣禁北路地勢緊連遂安開化常山賊勢亦較重於東南兩路前處州鎮總兵劉培元一軍入浙後臣即飭其進紮常山適江西撫臣念軍兵力單薄調信防屈蟠王德榜兩軍赴浙會剿臣并飭其會合劉培元一軍進駐江西縣屬後溪街以防石室街之賊而自率各軍由北路進剿其東南安仁街一帶之賊檄李定太飭總兵郭啟舉等憑河堵截以防橫竄十二日派各營分九路並進甫抵雲溪賊見我

軍旗幟不及列隊紛紛奔潰我軍猛躡之僅擒斬百餘人而還十三日臣率各軍進紮雲溪十五日分三路進攻裏外黃蓮花等處賊巢楊昌濬張聲恒楊和貴督各營出右路進劉典楊鼎勳朱明亮余萃隆黃有功馬德順督各營由中路進李耀南陶鴻勳鍾南英李良平烈光明張人和邢得督各營由左路進崔大光李世顏楊芳桂督各營從後接應我軍左路甫至艮山涼亭而蓮花洋塘盈川等處之賊先已列隊田壠並挑悍賊數千過河而陣張聲恒率勇先進甫列陣悍賊數十躍馬而

初編卷三

來步賊繼之張聲恒令鎗礮排擊賊敗追至田壠賊復張兩翼來抄對岸之賊亦紛紛踴過河張聲恒悉力抵禦正鏖戰間楊和貴馬德順及兵兩哨先後馳至斃騎馬賊目數人賊勢稍却乘勝追至河邊侍逆李世賢張紅蓋坐山巔麾騎賊向前衝突楊昌濬率親兵往來堵禦刀矛緊接斃悍賊數十人我軍陣亡及受傷者亦以數十計相持兩時之久適我軍由左路進攻峽口者斃賊二百餘人破賊壘三座楊鼎勳復出蓮花過河燒賊大壘一座殺悍賊數十名侍逆偵知中左兩路俱敗

不敢戀戰紛紛遁走我軍復追數里始整隊而還此十  
二十五兩日攻勦獲勝之情形也嗣大雨連旬溪流暴  
漲我軍距賊巢前阻二溪不能覓水出隊至六月初五  
日天霽水退初七日即飭劉典督同各營旗由左路進  
攻裏外黃之賊楊昌濬督同各營旗分列良山涼亭一  
帶會攻蓮花洋塘盈川之賊我軍左路行抵童村山上  
瞻見外黃村莊甚大後崙山一帶賊壘亦極堅固劉典  
遂麾中營各哨嚴陣村前河干同李良平楊和貴伏童  
村下山內黃有功邢得伏童村上山內遣親兵數十人

初編卷三

三

至村前挑戰外黃之賊見我兵下多蜂擁而來劉典飭  
各哨聽站勿動令黃有功邢得由上邊覓水過河繞出  
賊後裏黃壘中之賊大隊來援劉典即率軍過河接戰  
楊芳桂馬隊繼之外黃壘中之賊見我軍過河亦覓水  
來鈔後路李良平楊和貴於林內突起擊之各路齊進  
呼聲動天無不以一當百賊敗退入營燃放鎗礮我軍  
奮勇直前拔開花離地刺輪滾而入賊勢不支適楊鼎  
勳劉光明張志超所部由峽口繞至外黃後巔搖旗搥  
鼓而下羣賊驚駭不知所措棄械狂奔中右兩路見左

路烟燄蔽空知我軍得手即分路乘勢進攻蓮花壘中  
之賊亦悉數遁走追奔二十餘里將沿途賊壘一律踏  
平是役斃悍賊數百名生擒六十名拔出難民男婦以  
數千計下自盈川上至裏外黃一帶數十里間賊壘三  
十餘座一律踏燬淨盡奪獲偽印十餘顆軍械鎗礮旗  
幟無算其南路石室街東路大洲之賊聞北路賊巢既  
破驚怖殊甚初九日卯刻劉培元李定太會同江西派  
委援勦之屈蟠王德榜等各率所部由南路進勦賊聞  
官軍大至棄壘狂奔各營急起追之比至大洲大洲賊

初編卷三

四

亦棄壘遁沿途斃賊百數十名所有衢州東南兩路賊  
壘亦一律踏燬淨盡此六月初七初九兩日剿平衢郡  
東南北三路賊巢實在情形也現在各敗賊紛竄龍游  
亦有竄至蘭溪者臣俟軍米運齊即督各營相機攻勦  
竊維浙江賊數雖數十萬之多而皆聽首逆李世賢一  
人之指喉該逆自江山擊敗後即由遂昌邊境繞道回  
踞龍游而倚金華為老巢嚴處為犄角蘭溪壽昌湯溪  
宣平松陽等縣皆分布賊黨并死抗拒五月十五日該  
逆經官軍擊賊後是夜由龍游退回金華嗣竄永康近

又有竄揚溪縣境之賊賊倏忽席常其注意仍在抄襲臣軍後路臣先擬衢州江山兵刀足資堵截即當由壽昌泊安直搗嚴州以現省會近探杭州守賊無多賊之大勢趨重金華自應併力先將龍游壽昌蘭溪湯溪等處次第攻剿撤其藩籬犁其巢穴然後分兵嚴處感之以取破竹之勢蔣益澧五月初七日自廣東省城發稟尚無啓行確期所部十七營已早飛札催之大約到浙當在七月臣相度形勢似宜先金華而後嚴處拜摺後即當進圖龍游壽昌節節搜剿冀於全局有尺寸之

初編卷三 五

補軍新募之勇已陸續前來到培元所部三千二百名已於五月初一日到浙臣正遣船調礮添設水師一俟就緒相機布置亦可稍資陸路兵力而護運軍食軍火乃能免遲滯而速戎機所有攻剿獲勝衢州東南北三路一律肅清緣由謹會同協辦大學士兩江督臣曾國藩恭摺由驛馳奏伏乞皇上聖鑒訓示施行謹奏 同治九年六月十六日

議政王軍機大臣奉

旨另有旨欽此

探報湖州府城失守片

再臣頃據江蘇候補知府趙炳麟自安慶發稟稱接上海來械探聞湖州府城已於五月初三日失守其詳細情形尚候續探稟報查湖州府城孤懸城中紳民苦守數月之久卒以糧盡無援致有此變臣忝膺疆寄不能迅速接剿咎無可辭應請

旨將臣交部嚴加議處其一切詳細情形容俟查明具

初編卷三 六

奏理合先行附片請

旨 同治九年六月十六日

議政王軍機大臣奉

旨另有旨欽此

道員藉差回籍延不歸營請 旨革職片

再甯紹台道梁恭辰上年八月在杭經前撫臣王有齡飭令赴閩催餉迄今尙未來浙亦未稟報催提何款及有無著落臣查該員赴閩正浙事孔亟之會閩省有餉可催則應解餉赴浙閩省無餉可催亦應赴臣營另候



差委乃該員籍差回福建原籍在彼逗遛七八月之久坐視浙事之成敗以便進止之私圖其居心實不可問若再任其濫廁監司殊不足以端表率應請

旨將該員革職永不敘用以爲屬吏規避取巧者戒至前署甯紹台道張景渠已奉

旨革職等因現在台州甯波相繼克復員缺未便久懸查有委用道史致諤前在江西南昌知府任內辦事實

心頗洽輿論現飭赴上海勸辦捐輸於甯紹情形亦尙熟悉所有甯紹台道一缺應檄飭該員署理並請另行

初編卷三

七

簡放以重職守是否有當伏乞

聖鑒施行謹

奏 同治元年六月十六日

議政王軍機大臣奉

旨另有旨欽此

查明浙江失事文武各員片

再浙省失守文武各員應奉

諭旨交臣查辦現已革總兵米興朝羅大春布政使林

福祥織造恒起俱先後赴營投到此外尙有升用總兵

副將余永椿署杭嘉湖道劉齊昂金華府知府王桐署金華府知府徐慮善皆係失事之員亦陸續自行來營呈遞親供均已飭交代辦藩司陳式敬署衢州府知府吳艾生派員看守訊取供詞統候分別情罪輕重定擬另行具奏請

旨其逃赴上海之已革總兵况文榜吳再升副將陳步高貴廷芳等迄今尙未解到應請

飭下江蘇撫臣仍遵前

旨派員將該革員等迅速解赴 臣營歸案審辦所有遵

初編卷三

八

查失事各員理合先行附片陳明伏乞

皇上聖鑒謹

奏 同治元年六月十六日

議政王軍機大臣奉

旨另有旨欽此

甯台郡縣克復溫郡漸就肅清摺

奏爲台州甯波郡縣克復溫郡漸就肅清現籌辦理情

形奏祈

聖鑒事竊定海解圍後克復鎮海甯波及慈谿奉化等

縣均經前江蘇撫臣薛煥及署撫臣李鴻章先後奏報  
台州郡縣全境以民團之力克復溫郡亦漸次肅清均  
經督臣慶端奏報數郡皆遠在海隅臣由開遂江常以  
進衢州相距千餘里中隔賊氛得報稍遲據各處文報  
證以所聞畧悉梗概台郡地瘠民強上年逆首李世賢  
竄陷後分遣逆黨散踞各縣為縱橫海上之計李世賢  
旋以官軍入浙急思抗拒乃由台州還竄金華賊目李  
鴻釗李元徠李向揚等在台大肆淫掠士民不堪其毒  
因倡義討賊各相糾率出賊不意擊之旬日之間連復

初編卷三

九

郡邑賊五六萬賊目皆就擒斬臣獲棧天義羅賊教  
李世賢偽言台事甚詳其畏仙居上民尤甚論台黃  
出力士紳以在籍江蘇補用道蔭鏡蓉為最仙居出力  
士紳以副貢生吳琮為最而吳琮以其父被害殺賊報  
仇英烈之風尤定衿式郡里為可嘉也定海擊賊解圍  
後復克鎮海厥後隨同外國兵船東渡波多得布良  
有布良帶等之力布良有在洋橫行有年熟習海上情  
形前任浙江臬司段光清撫而用之以護商旅司巡緝  
加意羈縻始就安帖此次陳世章張景渠用之亦得其

力甯波既克敗賊遁入紹興台郡既克敗賊萃於處郡  
溫郡之賊畏台郡上民之鈔其後則由處郡以回竄金  
華就現在局勢言之賊賊中央絕其紛竄似亦浙事一  
大轉機而臣愚竊不能無慮也台郡之克全藉民團齊  
波之克半資外國而官軍會無一旅與之周旋無論外  
國助剿非由義憤所激雖可偶用其長未可常恃其助  
也即台郡士民一時借作同仇無良將吏為之主持終  
慮情渙氣衰難以持久臣現飭代理台州府嚴州府同  
知臬齡於赴任之後詳察各處情形及實在出力士民

初編卷三

十

分別安撫獎勵蔭鏡蓉吳琮等五卅聯給以收眾志  
成城之效檄飭委署甯紹台道史致謬先由安慶雇坐  
輪船駛赴上海由定海鎮海以抵甯波察看情形並經  
理稅釐事務是百堪以養兵若干隨時馳稟以便核酌  
一面札調前浙江臬司段光清甯波紳士陳政衛令其  
隨同經理以資得力一俟臣處所調兵勇到齊餉項有  
出再斟酌辦理如屆時處州已復則分撥之軍當由處  
州台州陸路以達甯波否則須俟助攻處郡得手然後  
可無中梗之患頃奉

寄諭選調得力員弁帶領兵勇航海赴甯協同華爾常  
勝軍七百名聯絡守禦

聖意淵深莫名欽佩 臣維兵勇航海不由安慶僱輪舟  
赴滬則必由閩海僱船赴鎮海如僱輪船則費用不貲  
此時實無從籌措如僱閩船則船隻頗少不能一次取  
齊且由此陸行至安慶至福建省城較自處州台州直  
達甯波道里相等正不必迂道航海徒滋勞費惟臣軍  
欠餉已七箇月轉盼新軍到浙需餉更多無以為計又  
師行台處之間所過皆殘破之餘無米可買最為難處

初編卷三

七

容侯察酌情形再為籌辦至英國所稱調印度之兵秋  
間才大舉助剿一說或係該公使等懸擬之詞不必實  
有其事聞英國兵餉最重亦頗以調發之煩為苦調兵  
必俟其國主之命非該公使等所能專印度兵船距中  
國五六萬里亦非一時所能驟集也至諸暨縣民包立  
生聚眾殺賊頗著戰功然傳聞異詞未敢遽信其真可  
倚在容侯察明隨時復  
奏所有籌辦原由謹據實馳陳伏乞  
皇上聖鑒訓示謹

奏

同治元年七月二十六日丙閣奉

上諭左宗棠奏官軍攻剿衢州東南北三路賊壘地方  
一律肅清並紳民兵勇克復台州甯波郡縣情形各一  
摺逆首李世賢糾黨由龍游等處上竄經左宗棠督軍  
分路進剿先將蓮花洋塘等處賊壘攻破逆匪敗遁六  
月初七日臬司劉典等分道並進復將裏外黃等處賊  
匪擊敗追殺二十餘里賊黨悍賊數百名生擒六十名  
救出難民數千名踏燬賊壘三十餘座其南路石室街

初編卷三

七

東路大洲賊匪復經劉培元等會同江西會剿之師節  
節進剿該逆棄壘狂奔沿途斃賊百數十名衢州東南  
兩路賊壘亦一律踏燬地方肅清勦辦尙屬得手著左  
宗棠親督各軍由龍游等處進剿次第克復各城其台  
州紳民倡義討賊旬日間連復郡縣斃賊五六萬名賊  
目李鴻劍等悉就擒斬該紳民等敵愾同仇深知大義  
殊堪嘉尚著左宗棠傳旨嘉獎甯波郡縣各城克復情  
形前據李鴻章處端先後馳奏茲據左宗棠派員前往  
卽著飭令在事員弁迅速進攻所有台州等處出力紳

民兵勇並著查明酌保候旨施恩用昭激勸欽此  
議政王軍機大臣 字寄同治元年七月二十六日奉  
上諭據左宗棠奏攻剿衢州三路賊壘地方肅清並台  
州甯波郡縣克復溫郡漸次安堵各一摺覽奏甚為欣  
慰已明降諭旨宣示矣逆首李世賢自江山擊敗後倚  
金華爲老巢嚴處爲犄角該撫本擬由嚴州進規省垣  
現因龍游等處賊黨分布擬先撤其藩籬犁其巢穴然  
後分兵於嚴處以收破竹之效隨機決策甚合機宜卽  
著由龍游等處進剿若金華克復則規取省城自屬更

初編卷三

三

易得手惟將益禮所部尙在湖南本日已諭毛鴻賓速  
備餉需催令赴浙並著左宗棠催提其劉培元一軍抵  
浙後正在造船調礮添設水師亦屬軍行必不可少卽  
檄令妥爲辦理該撫本擬令劉培元署理衢州鎮現在  
是否派令署理總統衛防卽著酌量辦理台州各屬士  
民深明大義奮勇殺賊前已降旨褒獎該撫旣知蘇鏡  
蔡吳琮最爲出力布與有等頗能勸賊不妨奏請獎敘  
藉以收拾人心不致氣竭情渙甯波雖地處海濱而於  
籌餉尙足取資本日已將史致謬簡放甯紹台道卽著

飭令悉心將稅釐事務妥爲經理前據慶端奏稱甯波  
克復係道員張景渠知府林鈞會同辦理張景渠旣經  
革職擊問林鈞尤不協民情著一併革職查辦另委賢  
員接署得與紳民聯絡於籌餉防守更爲可恃儻餉項  
可籌卽將楚軍酌派前往以資進剿另片奏米興朝等  
到營分別審辦並湖州失守自請嚴議等語米興朝等  
逃竄滋擾各情已屬罪無可逭而林福祥以方面大員  
靦然投賊尤爲罪不容誅著左宗棠於審明後應正法  
者一面傳旨先行正法一面奏聞庶喪心昧良之員不

初編卷三

西

致久稽顯戮以肅軍律而慰人心陳步高貴廷芳經李  
鴻章解交會國藩軍營審辦如應有質訊之處卽行咨  
詢毋庸解赴浙江况文榜吳再升二員已諭李鴻章訊  
解浙營湖州雖係該撫統轄之地而隔於形勢無從救  
援情屬可原所請交部嚴議之處著加恩寬免其失守  
情形並趙景賢等下落卽著查明具奏再該撫此摺於  
六月十六日拜發遲至四旬始行遞到已面諭兵部堂  
官嚴查著該撫一併詳查參奏以免稽遲將此由六百  
里諭令知之欽此

同治元年七月二十六日內閣奉

上諭左宗棠奏道員藉差回籍延不歸營請旨革職等語浙江甯紹台道梁恭辰於上年八月間經前任巡撫王有齡飭赴福建催餉輒敢任意逗遛至七八月之久延不回浙亦未將催提何款有無著落詳細稟報實屬規避取巧梁恭辰著即行革職永不叙用以示懲儆欽此

同治元年七月二十六日內閣奉

上諭浙江甯紹台道員缺著史致諤補授

初編卷三

五

請援照湖北米捐減成章程收捐以濟軍食摺

奏為軍食匱乏請援照湖北米捐減成章程以濟饑軍以支危局仰祈

聖鑒事竊浙江此次之變膏腴之鄉盡為賊踞而上年逆首李世賢李秀成先後竄浙正值農民分秧割稻之時舊穀被掠新穀無收不但軍食無從採辦即遺黎僅存者率皆饑疲不堪而無人色甚則槁死破屋之中鹵鹵縱橫無人收殮疫氣流行田土荒廢皆由於此臣軍行所至目睹此狀無淚可揮經過開化馬金蓮安西安

初編卷三

六

等處皆曾勻撥錢米交地方官紳酌量俵分聊紓災民旦夕之死過後則又不知作何光景矣臣軍食米在遂安馬金開化一帶則從江西之景德鎮樂平縣各處採負舟運婺源江灣德興航頭等處陸運遂安及開化之華埠而後達於行營在衢州西安江山一帶則從江西之廣信玉山各處採買舟運七十里陸運常山而後達於行營所經河道則灘高水淺逆流挽運一船數石十數石不等陸路除玉山至常山路為平坦可通小舟外餘皆攀崖踰嶺頂踵相接每人每日負不過三四斗

行走不過數十里而已力盡筋疲勞費不可勝計以故  
運購總不能多兵勇常憂缺食每追勅迎擊事機喫緊  
之際輒以食米無措不能迅赴戎機軍事難以稱意亦  
由於此近時各省協浙之餉解到寥寥採辦苦無糴本  
朝不謀夕尤覺不支江西撫臣沈葆楨及布政使李桓  
深知軍餉困情形慨然思所以拯之於江西省倉撥  
米穀二萬石陸續委解廣信交臣後路糧臺動碾接濟  
復飭江西現任各官捐輸浙餉並各捐廉以爲之倡其  
爲浙省軍民計者實已無微不至然爲數無多不過暫

初編卷三

七

時敷衍轉輸

奏調各軍齊至何以備之臣忝任危疆自恨一籌莫展  
憂灼何言因思前湖北撫臣胡林翼當鄂餉支絀之時  
有減成收捐之請先經部臣奏駁上年九月十八日始  
奉  
旨允行鄂省大局藉以支持亟應仿照辦理查湖北奏  
准原案凡捐實職虛銜照籌餉例統減四成升銜加級  
各項向減四成者准再遞減三成於水陸通區設局收  
米捐米一石加耗米一斗五升運腳費三錢五分准作

捐例銀五兩其有陸路遙遠運米維艱者准交折色每  
米一石連折耗運費兌交庫平足紋二兩五錢其飯銀  
照費仍照例交納均以庫平足紋上登概不准搭交錢  
鈔餉票等項其應歸京銅局收捐各條並補交四成實  
銀者仍不准收以裕京餉業經行之有效臣維湖北減  
成收捐之請在全省漸次肅清之日丁漕鹽釐等項尙  
不致涓滴全無祇以餉事維艱尙蒙  
俞允浙省軍民現在餓困情形奚啻十倍於鄂而米價  
之昂水陸運腳之多又較鄂爲甚額懇

初編卷三

六

皇上天恩特恩准准湖北減成捐案凡浙江紳商  
之流寓他省者一體遵照捐輸其江西湖南兩省業經  
奏請

頒給部監執照者應自奉

旨允行之日爲始由該兩省藩司查照減成新例填給  
執照其皖南各屬向因連年防堵耗浙餉近千萬之多  
此時浙省軍食無資應令一體捐輸以明施報之誼其  
廣東一省經前撫臣王有齡委員帶照前往勸諭浙人  
捐輸臣近今採購洋燄火藥爲配鴉兵船之用亦應查

照米捐派成章程收捐以期速效此外如有非浙籍而情願捐輸者亦聽其便所有前撫臣王有齡奏請部監執照三千四百張已於五月廿一廿三等日由驛遞到詳擬將此項執照均勻酌搭先發各省以憑趕緊收捐接濟恐尚不放應請

飭下戶部再行加發各項職銜及貢監生等照五千張迅速由驛飛遞前來俾裕軍食而利戎機伏乞

皇上聖鑒施行謹

奏 同治元年六月十六日

初編卷三

五

議政王軍機大臣奉

旨以旨欽此

同治元年七月二十六日內閣奉

上諭左宗棠奏請援照湖北米捐減成章程收捐一摺浙江軍務方殷左宗棠添調各軍陸續可到需餉官屬浩繁著准其按照湖北米捐減成章程收捐浙江紳商之流寓各省者准其一體捐輸其江西湖南兩省業經由部頒給執照者著自奉旨之日為始由各該省藩司查照減成新例填給執照其有並非籍隸浙江情願捐

輸者亦准一例照辦惟若戶部再行發給各項職銜及貢監等執照五千張迅速由驛遞至浙江交左宗棠接收餘著照所議辦理該部知道欽此

初編卷三

五

獨資浙省錢糧敬陳辦理情形摺

奏為浙省同治元年錢糧欽遵

恩旨豁免敬陳辦理情形以廣

皇仁專竊維浙江一省自被逆賊竄擾以來郡縣城池之僅存者惟衢州溫州及附郭之西安永嘉麗縣城池之僅存者惟定海石浦龍泉慶元泰順而衢州一城以外均徧遭蹂躪溫州則先被會匪闖入繼遭髮逆肆擾鄉村幾無完土統計被禍之烈實為各省所無五月初十日臣於行營准戶部咨開江南司案呈咸豐十一年

初編卷三

三

十二月二十日奉

上諭近年江蘇安徽浙江地方被賊蹂躪小民流離失業慘不忍言迭經降旨蠲免冀蘇民困現在該三省失陷城邑多未攻克即令漸次規復而田廬半遭兵燹耕作未免失時朕眷懷南服深用惻然所有江蘇安徽浙江失陷郡縣明年錢糧漕米著一概蠲免以紓民力該督撫即刊刻諭黃徧行曉諭務使實惠均霑毋使吏胥舞弊用副朕加惠窮黎至意欽此臣比飭司刊刻諭黃徧行曉諭在案惟查各處情形除定海麗石浦廳及龍

泉泰順慶元三縣未被賊擾外其現已肅清地方有城池倉庫未久旋即收復鄉村間有未被擾者有城垣幸存而鄉村受害轉甚者本年錢糧均應在

恩旨蠲免之列而各該縣上年應完錢糧有地方正辦防勦甫經開徵者有從前官軍經過就近徵糧准抵正賦者辦理情形殊非一律伏釋

恩旨錢糧漕米一概蠲免係指同治元年攻克郡縣而言其受害較輕地方咸豐十一年應徵錢糧自不能援照蠲免惟民力有充紓之殊受害亦有輕重之別合無

初編卷三

三

仰懇

皇上天恩俯准將咸豐十一年分被擾各縣應完錢糧實欠在民者分別徵蠲務期允協其同治元年錢糧未奉到

恩旨蠲免之例前已經完納者准留抵同治二年新賦其為數較多者如願改作捐輸門按照數目給予獎敘以昭公允庶徵蠲並行辦理可與畫一而公私咸濟貧富共戴

天恩是否當伏候



皇上訓示施行謹

奏 同治元年七月初九日

議政王軍機大臣奉

旨另有旨欽此

同治元年閏八月初二日內閣奉

上諭前因浙江被匪竄擾民困未蘇將該省同治元年錢糧漕米一概蠲免茲據左宗棠奏稱查明該省情形請將被擾各縣應完錢糧分別徵蠲等語著照所請所有咸豐十一年分被擾各州縣應完錢糧實欠在民者

初編卷三

三

著該撫查明分別徵蠲勿稍牽混其同治元年錢糧未奉到恩旨蠲免之前有已經完納者准留抵同治二年新賦其為數較多者如有願改作捐輸即按數照章給予獎敘以昭公允餘著照所擬辦理欽此

請飭催道府各員迅速赴浙摺

奏為請

旨飭催道府各員迅速赴浙以資差委恭摺摺馳

奏仰祈

聖鑒事竊維浙省自上年被賊竄擾列郡淪胥所有地方各員非避匿無蹤即例應查辦遇有克復郡邑及地方應辦事件差委無人茲據代辦布使使蘇式敬詳稱查有金衢嚴道恒山於咸豐十年九月分補授處州府知府劉熙盛於咸豐十一年十一月分選補迄今尙無

初編卷三

請

到浙之員應請

旨飭下各省督撫查明該員等在何處逗遛飭令迅速赴浙又金華府知府徐寶治於咸豐十一年六月奉

旨簡授現據該員稟稱尙在上海措資應請

飭下江蘇撫臣催令迅速起程不得藉端延擱再滋贖

悞此外州縣各缺由吏部已經並補者並請

飭部查明催令迅速前來如逾限一年例應革職者即

由部查明開缺竊維地方已經克復固需實缺人員以

資治理地方未經克復該員等或由京曹外放或由吏

部銓選分發多係未請軍務之員正宜隨營差遣以資學習乃近來軍務省分實缺人員及分發人員往往因規避本省干求各省督撫奏留差委或藉稱道梗或藉稱患病或藉稱備資并延不赴任迨地方稍靖則又紛至沓來似此觀望取巧志趣可知即當無事之時一官一邑亦斷難期稱職應請嗣後凡升調選補及分發浙省各員概不准他省奏留以為規避取巧者戒是否  
有當伏乞

皇上聖鑒訓示施行謹

初編卷三

三

奉同治元年七月初九日

議政王軍機大臣奉

旨另有旨欽此

同治元年閏八月初三日內閣奉

上諭左宗棠奏請飭催道府各員迅速赴浙一摺浙江實缺人員延不到省現值差委需人豈容隨處逗遛藉資延宕金衢嚴道恒山處州府知府劉熙盛著各省督撫查明該員等現在何處逗遛即著飭令迅速赴浙金華府知府徐寶治前經李鴻章奏留差委浙江現既需

人仍著該署撫飭赴本任毋任延悞此外浙江州縣各缺由部選補者著該部查催即速赴任如逾限不到即著照例參辦近來軍務省分實缺分發人員往往規避本省干求各省督撫帶兵大臣奏留差委延不到省觀望取巧殊堪痛恨著俟此次奉旨之日起凡升調選補及分發各省人員均著催令速赴本任不准藉端遲延各省督撫等亦不得違例奏留致干懲處欽此

初編卷三

三

馳援遂安擊敗大股逆賊摺

奏為官軍馳援遂安擊敗大股逆賊現籌進取情形仰祈

聖鑒事竊臣軍攻剿蓮花峽口裏黃外黃一帶賊壘肅清三衢本擬進攻龍游壽昌以規金華前經奏明在案六月十一十二等日先後撥兵龍游對岸兼察地勢城賊鼠伏不動臣竊料其必有詭謀十五日遂安謀報有大股賊由嚴州潛安而來前隊至遂安東亭四都地方沿途賊館亘數十里其來迅速臣以逆首李世賢最稱

初編卷三

三

終悍此次賊數眾多賊蹤飄忽必此逆親來無疑當飛飭防守遂安之鹽運使銜即選道王文瑞率所部老湘營嚴守城壘密飭新授臬司劉典率馬步九營即夜由嶺路借道馳援與王文瑞併力截剿一面飛飭由湖南調來之即選知府魏翰義率桂勇二千由常山取道華埠馬金扼賊唇口防其上竄又飛飭江西遣令赴援之即選道屈蟠王德榜等由西安常山出華埠截之蓋以李逆詭計始終以就糧江皖斷吾餉道為主雖經屢次痛創其奸謀未嘗息也十八日李逆世賢率悍賊數萬

分兩路攻撲遂安縣城王文瑞飭各營穩守待賊撲近始令楊海秦康光耀等驟發大砲飽以羣子轟斃騎馬賊目十餘名賊勢轉而南趨適赴援之左營所部三哨先由僻道馳至賊見官軍旗幟從嶺巔倏來不測援師多寡驚駭而奔左營三哨時因晝夜趨行已忍飢日半矣王文瑞開壁迎之營畢合隊由西門出擊縱橫擄決斃賊不計其數賊之列隊對岸者復開礮抗拒我軍亦用鎗砲排擊莫隆貴身中砲傷力戰不退東路之賊見我軍由西路出擊渡河來撲東門復經康榮詔等擊退

初編卷三

三

兩戰計斃悍賊一千餘名奪獲旗幟鎗二百餘件少頃援師大隊畢至始各收隊而還此十八日獲勝之實情形也二十日劉典督名營出遂安南路進剿行至三多麥田地方李逆出悍賊千餘接戰餘賊盡伏於對岸山內圍俟我軍過河即分路夾抄劉光明李世顏黃大玉馬德順等督隊迎戰傷李良平從後接應楊鼎勳楊和貴率所部防東岸之賊糜戰四時之久斃賊數十名賊猶拚命抗拒後路之賊復蜂擁而至中營哨長郭文彬力戰死之官軍勢漸不支李良平楊鼎勳楊和貴

率所部橫截而出立營滿長賊數十名賊始敗遁官軍躡蹤緊追沿途約斃悍賊二百餘名日晚乃徐徐收隊而還李世賢自十八二十日兩次擊敗之後知遂安城守嚴固援師腐集遂於廿二日鼠竄而去探報大股由壽昌回金華劉典派馬隊追剿僅斬其拒後悍賊三十餘名其中鎗砲子傷不能行動者不下數百則悉斬之解散者從約數千計據生擒賊供稱李逆妄冀官軍進攻龍游喉各賊持牛月楸潛從蘭溪嚴州潛安徑撲遂安為乘虛襲遂安分撥江皖之計不料遂安城守

初編卷三 完

嚴固援師速至復為所敗搜獲賊中五月廿四日偽文言金陵須援救然必先將衢州官軍擊退始可前往現探該逆回竄金華修濬城河盡調各路悍賊歸併金華湯溪蘭溪龍游武義等處拚命抗拒臣於拜摺後即率各營進攻龍游蘭溪湯溪等處規復金華仍飭王支瑞嚴守遂安魏喻義仍駐街口以防旁竄所有是戰及前此江山縣花園港諸戰皆以數千之眾擊退侍逆數萬數十萬之賊力竭兇鋒保全江皖邊圍諸將士奮勉用命備極勞瘁可否由臣擇其尤為出力者附入開化

遂安三捷案內保奏之處出自

恩施謹會同協辦大學士兩江總督臣曾國藩恭摺由驛馳奏伏乞

皇上聖鑒訓示施行謹

奏 同治元年七月十二日

議政王軍機大臣奉

旨另有旨欽此

同治元年七月二十九日內閣奉

上諭左宗棠奏官軍馳援遂安擊退大股逆賊一摺浙

初編卷三 手

江逆賊由嚴州潛安竄至遂安東亭四都地方經左宗棠飭令防守遂安之即選道王文瑞嚴守城壘並分派將領倍道馳援六月十八日逆首李世賢率悍賊數萬分撲遂安縣城王文瑞待賊撲近驟發大砲擊斃賊目十餘名賊勢欲退適值援軍由僻道馳至匪眾駭奔王文瑞開門與援軍合隊縱擊斃賊不計其數東路來援之賊亦經我軍擊退斃悍賊一千餘名奪獲旗幟鎗砲三百餘件其對岸山內伏賊復經臬司劉典等分飭所部剿擊各有斬擒斃賊甚多賊始敗遁官軍跟追沿途

共斃悍賊三百餘名餘賊逃山崎窟回金華著左宗  
棠督飭各將士乘此聲威分路進攻金華毋令逆匪久  
踞所有尤為出力員弁著准其彙案保奏欽此

初編卷三

三

總兵請假回籍遊員接署摺

奏為總兵請假回籍現在遊員咨署恭摺奏祈  
聖鑒事竊臣接准署衢州鎮總兵李定太咨呈定太於  
道光三十年由行伍奉派出師廣西轉戰數省受傷四  
次疊擢今職上年正月間奉檄辦理衢郡防務本年四  
月內奉委署理衢州鎮篆涓埃未報悚惕殊深伏念定  
太生母於咸豐元年在湖南常德原籍身故因家無次  
丁向浮屠未葬兼之生父年逾七十老病侵尋祇緣軍  
務倖德未敢陳情省視茲幸大軍臨蒞業將衢郡南北

初編卷三

三

數十里賊壘一律蕩平防務稍鬆用敢瀝情請假六箇  
月俾得回籍安葬母喪並以省視父病略盡烏烏私情  
一俟假滿仍否來浙備員報效之處悉聽裁酌等因前  
來臣維總兵李定太自道光三十年出師從征至今十  
有三載身經百戰以榮積疊奉

恩命薦擢總兵自上年辦理衢州防務以來守禦嚴密  
尙無貽誤該員明白幹練與臣共事數月遇事認真  
無訛謹茲據咨請給假六箇月回籍葬母省視父病並  
面陳各情至為懇切現值衢州防務稍鬆所部兵勇又

經資遣回籍歸伍該總兵請假六箇月事尙可行將來  
假滿應否咨調募勇赴浙屆時仍由臣奏明請

旨至責任衢州鎮總兵朱品隆現在皖南帶勇防剿暫  
難赴任查有奏調來浙之前處州鎮候補總兵劉培元  
現在衢州以之接署衢州鎮篆可期無悞理合具奏伏  
乞

皇上聖鑒訓示施行謹

奏 同治元年七月十一日

議政王軍機大臣奉

初編卷三

旨李定太著賞假六箇月欽此

資遣衢防兵勇片

再署衢州鎮總兵李定太所部兵勇五千餘均由前撫  
臣王有齡收輯金陵大營及皖南軍營弁勇陸續歸併  
交其統帶營名既多冗雜太甚又從征日久欠餉過多  
除由會同藩協撥餉銀二萬兩米三千石勉資日食外  
積欠餉銀尙有三十七萬餘兩銳氣銷磨士無鬪志李  
定太亦深以為慮維現在浙省餉源已竭無可虛糜  
若不急籌遣撤則餉欠愈增軍情愈渙匪特不能得其

力並將受其累臣竭力搜括得銀四萬三千兩交李定

太按名散遣每員弁酌給四十日薪水每兵勇長夫酌

給四十日口糧臣復傳集各隊目剴切曉諭令其安靜

回籍歸伍該員弁兵勇亦均知臣糧台存項蕩然無可

希費積欠之餉概不索取據報現已分起行走出境查

衢防尙有衢州鎮標兵丁一千餘名勇丁五百名應由

接署總兵劉培元挑次募補務期漸次整理克收實效

所有資遣衢防兵勇緣由理合附片陳明伏乞

皇上聖鑒謹

初編卷三

奏 同治元年七月十二日

議政王軍機大臣奉

旨知道了欽此

查辦失守文武先將情罪較重之員定擬摺

奏為遵

旨查辦失守文武謹將情罪較重之員先行定擬具奏

請

旨以肅法紀而昭炯戒事竊浙江省城失守列郡淪亡

失事文武各員紛紛逃匿屢次欽奉

諭旨交臣查辦該員等先後赴營投到呈遞親供業經

附片奏明在案據已革布政使林福祥親供該革員

自咸豐十一年五月帶勇入浙時金華蘭溪均已失守

初編卷三

三

該革員剿賊蘭溪獲勝六月廿日會同羅大春克復嚴

州七月初四初八等日擊退桐廬賊匪八月十九日奉

前撫臣檄進省城接藩司印二十七日奉檄赴諸暨九

月十六日擊退諸暨賊匪二十三日城圍省城二十八

日該革員還救紫營江口次日帶中營親兵入城十月

初二日賊眾大至合圍益密江口營盤均已隔絕城中

乏食十一月二十八日賊眾四面乘城省垣遂陷先十

日前撫臣密札該革員及麟趾以杭城糧盡援絕事無

可為惟况副將江口水陸各營尚有一萬數千人查該

司所部營盤尚在江口城陷之後應即設法出城收集

潰散會合援師迅圖恢復並會同杭州將軍瑞昌以帛

書奏件交該革員與麟趾奏呈

御覽杭城破時該革員及織造恒起已革總兵米興朝

同入滿城十二月初一日滿城又陷該革員同米興朝

恒起等由錢塘門繞出武林門至海塘五堡地方聞知

江口營盤又已潰散初九日由五堡小路繞道而行十

六日至餘杭德清交界之處二十六日抵桐鄉二十八

日至屠田鎮同治元年正月十六日由屠田奔至江南

初編卷三

美

提督曾秉忠五索營盤二十五日到上海三月二十八

日由上海起程五月二十七日抵衢州赴行營竊懇奏

請從重治罪據已革總兵米興朝呈遞親供該革員於

道光三十年出師粵西濬升福建汀州鎮總兵加提督

銜十年二月因浙江省城失守救援不力奏參革職留

營効力四月因克復臨安孝豐廣德建平四城奉

旨暫署浙江提督旋因廣德復失奉

旨撤任十一年三月因在浦被陷奉

旨發往軍臺暫留軍營効力贖罪七月內准前撫臣咨

調防守義烏八月浦江失守義烏亦失前撫臣咨調回省養傷十月初二日杭城望江候潮鳳山各門外營盤均破逆賊踏毀內外隔絕革員裹傷登陴二十八日賊由鳳山候潮等門上城餓軍不能抵禦杭城遂陷革員與林福祥同入滿營十二月初一日滿城又陷革員由錢塘門繞至武林門展轉至桐鄉縣屬之屠田鎮由周莊繞至毛灘洛港適遇江蘇副將李恒松游擊李思彪礮船革員即在水營調治同治元年正月二十八日行抵上海三月初八日由上海起程五月二十六日到浙

初編卷三

三

願懇奏請從重治罪臣查林福祥以本任藩司募勇赴浙賊未圍杭之前未能扼賊奔衝賊既圍杭之後未能背城一戰徒藉前撫臣十一月十八日設法出城收輯潰卒一札預爲逃免之計後十日杭城陷巡撫主有齡死之林福祥不死復入滿營十二月初一日滿城陷將軍瑞昌副都統榮純死之林福祥不死江口營盤潰卒不可得而收矣海甯湖州不可得而幸矣出浙一步便非死所矣猶復展轉逃匿始奔江南提督曾秉忠營繼奔江南上海時逾四月而後行抵衢州幾志其身爲浙

江方面大員幾忘當官有死事之義主兵有失律之誅竟忍死偷生希求苟免至此咸豐四年武昌失守巡撫青麐率潰軍至湖南繞道荊州府奉

旨正法

文宗顯皇帝非不知鄂省撥盡食絕青麐之情亦有可原祇以名義攸關紀綱所繫未可屈法宥之

聖懷惻然千載如見至已革總兵米興朝由干總出師擢至總兵記名

簡放提督十年二月救援省城不力被參革職後復奉

初編卷三

三

旨暫署浙江提督

天恩高厚何以復加乃旋以廣德失守撤任復以乍浦被陷發往軍台留營効力旋守義烏以勦金華而義烏復又失守迨前撫臣咨調回省省城陷後逃入滿營滿城陷後復又逃至上海該革員身獲重咎不思奮勉圖功屢次失利杭城滿城陷後尙復忍恥偷生展轉逃匿且咸豐十年二月浙江省城之失米興朝擁兵不前至今浙人談之猶有餘恨此次省城之失該革員復希圖苟免核其情罪實無可原相應請



旨將已革浙江布政使林福祥已革總兵米興朝立正  
典刑以肅法紀至前織造恒起本非守土之官亦無領  
兵之責罪宜末減應請

旨發任軍台効力贖罪以昭平允此外失事各員容俟  
另案擬結是否如斯伏乞

皇上聖鑒訓示施行謹

奏 同治元年七月十二日

議政王軍機大臣奉

旨另有旨欽此

初編卷三

三

同治元年七月二十九日內閣奉

上諭左宗棠奏遵查失守文武情罪較重之大員先行  
定擬請旨遵行一摺據稱已革浙江布政使林福祥於  
到任後紮營江口迨檄調入城省垣被爾林福祥避入  
滿洲營嗣滿洲營又隨該藩司展轉逃至江南提督曾  
秉忠營盤旋即逃赴上海已革提督米興朝於杭城失  
陷後亦復繞由桐鄉等處逃至副將李恒松等營內本  
年正月間逃至上海所供逃避之情形歷歷如繪請旨  
辦理等語林福祥米興朝以文武大員疊受

交宗顯皇帝厚恩不效年間擢任提督布政使該革員  
等苟天良未泯自應於杭城失陷時即行奮烈捐軀乃  
巡撫王有齡將軍瑞昌皆先後殉節而該革員等自觀  
情形恬不知恥仍復展轉逃匿忍辱偷生希求苟免若  
不從嚴懲辦何以肅軍律而正人心林福祥米興朝即  
著在滿洲軍營正法免致久稽顯戮已革杭州織造恒  
起雖非守土之員而隨同避匿罪實難辭左宗棠所奏  
發往軍台効力尙覺寬縱恒起著改為發往新疆充當  
苦差用示衡情執法辟以止辟之意欽此

三

三

恪靖奏稿初編卷四目錄

寬免處分謝 恩摺

遵 旨將已革藩司提督正法片

審擬秦遊擊債事緣由片

進攻龍游截剿大股逆賊獲勝摺

收復郡縣查悉賊情布置大概片

訪聞已革道員資財寄頓片

保獎迭次打仗出力員弁兵勇摺

攻剿迭勝克復縣城要隘情形摺

初編卷四目錄

請以秦提督署浙江提篆赴甯波片

請飭崇副將順驛馬匹赴浙片

遵弁赴口買馬懇准免稅片

浙江藩司請仍交道員代理片

查參道鎮知縣各員摺

失事弁兵母許收伍片

寬免處分謝

恩摺

奏為恭謝

天恩事竊 臣前因湖州府城不守附片

奏請將 臣交部嚴加議處茲於八月二十七日承准

議政王軍機大臣 字寄同治元年七月二十六日奉

上諭湖郡雖係該撫統轄之地而隔於形勢無從救援

情屬可原所請交部嚴議之處著加恩寬免其失守情

形並趙景賢等下落即著查明具奏欽此跪誦之下感

悚難名伏念 臣才識庸愚忝膺疆寄湖郡困守數月未

初編卷四

能遣一旅之師由間道馳援卒致失陷負疚滋深迺蒙

聖恩不加嚴譴寬免處分深荷

逾格之鴻慈益覺消埃之難報惟有督率所部迅掃賊

氛以冀稍贖前愆仰紓

宸廑所有 微臣感激下忱理合繕摺具

奏伏乞

皇上聖鑒謹

奏 同治元年閏八月十六日

議政王軍機大臣奉

旨知道了欽此

旨將已革藩司提督正法片

再臣遵查失守文武情罪較重之大員先行定議請

旨遵行嗣於八月二十七日戌刻龍游縣潭石望行營

准兵部火票遞到同治元年七月二十九日內閣奉

上諭林福祥米興朝即著在衢州軍營正法免致久稽

顯戮欽此臣當即恭錄

諭旨飭擬保參將都司劉明燈齋赴衢州府城會同代

辦藩司蘇式敬署金衢嚴道江允康署衢州府知府吳

初編卷四

二

父生監提已革布政使林福祥已革提督米興朝於二

十八日遵

旨准在衢州府城正法理合附片

奏

聞 同治元年閏八月十六日

議政王軍機大臣奉

旨知道了欽此

審擬秦遊擊債事緣由片

再同治元年三月初六日內閣奉

上諭慶端奏請將違令債事之遊擊革職發遣仍留營  
差遣等語浙江逆匪窺伺衢州經總兵李定太飭令諸  
軍嚴陣以待乃管帶礮船之遊擊秦國勝不遵號令輒  
將所部礮船四隻駛過黃灘致被賊搶順流下駛陣亡  
受傷水勇多名實屬違令妄動債事失機僅予革職發  
遣不足蔽辜秦國勝者即行革職拏問交慶端左宗棠  
將該軍員債事情形嚴行審訊從重定擬欽此欽遵恭  
錄照行衢州鎮總兵李定太金衢嚴道江允康審訊開  
錄親供聽候核辦在案嗣據金衢嚴道詳覆前來核與

初編卷四

三

原參不遵號令擅將礮船駛過黃灘情節不符又經照  
行衢州鎮總兵李定太確查具覆並行藩臬兩司審辦  
去後茲據代辦藩司署杭嘉湖道蘇式敬臬司劉典審  
擬詳解前來 臣親提審鞫緣秦國勝籍隸湖南乾州廳  
由軍功在江西北等處軍營打仗出力洵升遊擊於  
十一年七月隨營調赴浙江是年七月派防衢州九月  
奉統帶衛防兵勇總兵李定太委帶延字營礮船紮護  
浮橋同治元年二月初九夜奉令將礮船四號停泊蘇  
不灘防賊偷渡秦國勝遵即駛赴扼守次日黎明西此



面山後突出賊匪千餘排列山土旋合馬步隊至蘇木  
灘下游半里之黃灘灘淺過河秦國勝督率各船開放  
鎗礮將岸土賊眾擊退順流壓下甫經下灘賊眾憑岸  
俯擊我軍連開大礮均因兩岸高仰不能取中陣亡水  
勇十四名受傷十餘名逆逼愈近秦國勝且戰且走因  
土灘風逆水淺人力難施賊在土游涉淺斷我歸路與  
賊交刃失足落水李定太急帶隊伍接應甫經趕到礮  
船業已被奪飭隊往追用火箭噴筒燒燬一隻尙有三  
隻被賊駛放樟樹潭以下李定太以秦國勝違令妄動

初編卷四

山

賜經督臣慶端

奏請將該員發往新疆効力贖罪仍暫留軍營遣用以  
觀後效欽奉

上諭以秦國勝違令妄動偵事失機革職發遣不足蔽  
辜著革職擊問嚴行審訊從重定擬臣嚴加覆詰矢口  
不移案無遁飾查已革遊擊秦國勝由陸路勇丁出身  
水戰本非所習此次管帶礮船停泊蘇木灘防堵因賊  
在黃灘過河夾攻駛往堵禦以致傷亡水勇被奪船隻  
究其進駛之由是因被賊夾攻力圖堵禦與妄動失機

及臨陣退縮者有間應請仍照前擬將秦國勝請

旨發往新疆効力贖罪毋庸留營差遣以示懲儆其所

失之戰船三隻當被賊燒燬所失銅礮大小七尊業經

臣於攻毀蓮花賊巢時奪回所有訊明秦國勝偵事一

案緣由理合據實覆陳伏乞

皇上聖鑒施行謹

奏同治元年閏八月十六日

議政王軍機大臣奉

旨另有旨欽此

初編卷四

五

同治元年十月初十日內閣奉

上諭前日慶端奏參遊擊秦國勝違令妄動降旨交左

宗棠嚴訊定擬茲據奏稱訊明秦國勝統帶礮船拒守

蘇木灘委因賊在黃灘過河夾攻駛往堵禦以致挫敗

與妄動失機臨陣退縮者尙屬有間請仍照慶端原擬

發往新疆効力毋庸留營等語秦國勝著發往新疆効

力贖罪毋庸留營差遣以示懲儆欽此



進攻龍游截勦大股逆賊獲勝摺

奏為官軍進攻龍游截勦大股逆賊獲勝現籌辦理情形恭摺奏祈

聖鑒事竊臣將援剿遂安各營調回後即與署衢州鎮總兵劉培元分路進規龍游縣城周覽龍游地勢東南北三面依水西面一望平曠城小而堅一時難以猝拔並調知偽侍王李世賢自遂安擊敗後復糾合金華巨股並調溫處及各路悍賊於南岸湖鎮羅埠北岸蘭溪縣屬之永昌鎮太平祝家諸葛村孟塘油埠裘家堰等

初編卷四

六

處屯踞連營數十里意在俟官軍深入即乘虛襲我後路臣當飭劉培元一軍於龍游城西十里之圭塘山地方駐紮並派臣軍副將駐金城等四營助之又調江西會勦即選道屈璠王德榜兩軍扼紮全旺以為劉培元後路聲援飭記名總兵崔大光率四營於龍游城北對河之茶圩地方駐紮臣率親兵各營駐離城十五里之潭石望地方為兩路策應另飭臬司劉典率馬步十一營駐龍游屬之高橋專事截勦援賊七月十六日各營行至東門橋適遇侍逆李世賢率賊千餘前來探路楊

鼎勳朱明亮率所部攔橋截擊互有殺傷賊見我軍後

隊踵至始遁據生擒賊供賊天義劉逆積仕叔天義李逆撫天義楊逆眾共數萬皆侍逆黨分踞油埠高園等處十七日分路進攻油埠賊巢劉典由中路進行至高園遇賊數十楊芳桂率馬隊盡殲之隨令各營擣鼓猛進張聲恆黃有功余萃隆齊蘭禮率所部出油埠之右賊不虞我軍猝至棄巢敗歸中路朱明亮劉光明整隊迎擊鏖戰逾時張聲恆等馳至兩路夾擊楊芳桂率馬隊橫衝而出賊勢不支紛紛潰走左路之賊雖從旁來

初編卷四

七

抄經楊鼎勳李耀南李良平突出擊之遂皆分路狂奔我軍三路齊進追殺十餘里共獲長髮悍賊千數百名生擒百餘名陣斬賊天義劉積仕賊天燕廖得書等賊目數十名奪獲偽印五十餘顆旗幟鎗礮計二百餘件此十七日攻勦油埠賊巢克獲全勝之實在情形也賊自油埠擊敗後退踞太平祝家裘家堰孟塘等處結壘自岡廿七日劉典率所部從中右兩路進楊昌濬督同親兵營左營湘營並江忠義派來之精捷營副將陳希祥劉榮合從左路進前隊甫抵蓮塘適李世賢擁眾土

犯圖撲我軍高橋營壘楊鼎勳李良平揮兵接戰斃悍賊數十名各營催隊繼進賊遁走會日暮不及窮追廿四日我軍由右路進者先燒燬賊巢五處直撲裴家堰賊巢該逆出隊抗拒劉典揮令各營奮力齊進賊敗入壘環攻兩時壘已垂破忽後路援賊麇至李良平身受礮傷裹創力戰劉典率中營各哨扼堵斃當先大旗賊數名賊仍退併入壘我軍由右路進者行近孟塘賊分數路抗拒我軍亦分三路迎剿李耀南率所部當先衝殺楊鼎勳繼之鏖戰兩時斃龍旂賊目數名賊少却忽

初編卷四

八

另股從左右兩路抄來楊昌濬一面分軍堵禦一面令楊鼎勳督隊向前力戰相持數時之久正鏖戰間適有路各營甫經收隊聞左營礮聲大震星速馳援賊仍縮退我軍亦收隊而還臣查太平祝家裴家堰一帶地勢平澗村房稠密該逆盤踞於此與南岸羅埠湖鎮之賊相為犄角意在死守金華蘭溪湯溪諸城以阻我軍進攻之路臣軍戰船尚未造齊不能扼截金華河路攻北則南岸之賊來應攻南則北岸之賊往援暫尙未能制賊死命侍逆李世賢屢經剿敗已衰入夥數年之

死黨難獲請速者實不下一二千之多而新擄之衆則逃散不止萬計近以金陵首逆屢召赴援因臣軍苦與相持未能猝脫如果蔣益澧一軍數日內趕到必可痛與殲除臣之一軍除防守遼安昏口分布徭防逼攻龍游縣城外其足供截剿援賊者僅五千有餘近為疾疫所苦前物故者多每接仗不能派六成之隊而各路賊營乃源源而來人數之多奚止數倍官軍自不得不憤以圖之所有近日勦辦情形謹會同協辦大學士兩江督臣曾國藩恭摺馳

初編卷四

九

奏伏乞

皇上聖鑒訓示謹

奏 同治元年八月二十日

收復祁縣查悉賊情布置大概片

再慮州府城已於七月十九日收復業經慶端耆齡奏報餘姚縣城亦據張景棠稟報克復臣查溫台處之賊盡聚金華一郡而逆首李世賢挑其悍黨屯踞蘭溪屬之浦寧永昌鎮太平祝家等處近日因與廣東賊不睦令其分踞嚴郡日昨又隄新到之賊分踞壽昌近城各

鄉賊之蹤跡偏重北路李逆世賢兇狡素著其詭計似阻我師進攻金華而覓路竄皖南以赴金陵賊渠之召臣已密致督國藩預飭甯甯守將嚴為扼截並飭即選道王文瑞即選知府魏喻義嚴扼遂安一路以撓其謀一面飛飭蔣益澧督所部星速赴浙以便分道截剿蔣益澧聞於八月初二日始自長沙啓行其前隊於七月初九日啓行計此時已行抵廣信臣飛調其速赴常山聽候調遣所有近日賊情及布置大概理合附片陳明伏乞

初編卷四

十

皇上聖鑒謹

奏 同治元年八月二十日

訪聞已革道員資財寄頓片

再已革紹甯甯道張景渠重資寄定海之說臣詳加察訪未得端倪近始聞浙江候補通判鄭壽南籍隸廣東香山雍籍鄉上年有雇坐火輪船同張景渠家人載銀數十萬運赴廣東香山地方之事聞其銀亦非張景渠一人所有然張景渠既有家人同其護送則該革員資財自亦寄頓其中可否

甯甯道張景渠及外端書查傳鄭壽南到案嚴記確情據實具奏請

旨核辦之處出自

聖裁臣既有所聞理合據情密陳伏乞

皇上聖鑒施行謹

奏 同治元年八月二十日

初編卷四

十一

保獎迭次打仗出力員弁兵勇摺

奏為遵將迭次打仗九為出力員弁兵勇請

旨獎敘以勵戎行事竊 於同治元年三月初四日欽

奉二月十七日

上諭左宗棠奏官軍由徽入浙截剿巨股逆匪迭獲大

勝開化肅清一指在事出力文武員弁並著左宗棠查

明擇尤保奏候朕施恩欽此又於三月二十六日欽奉

三月初八日

上諭左宗棠奏官軍克復遂安縣城懇請彙案優獎一

初編卷四

三

摺所有在事出力員弁著准其併入開化三捷案內擇

尤保奏候朕施恩欽此竊 臣奉

命入浙督率所部由開化遂安轉戰而前幸皆仰仗

天威所至克捷厥後援剿衢城江山擊退逆首李世賢

大股嚴守遂安擊退偽輔王楊輔清偽對王洪春元大

股嗣勒衢州城外之賊肅清東南北三路復勒李世賢

大股於遂安大小數十戰該將士等於軍餉匱乏之時

踴躍用命閱時既久出力頗多應彙案分別獎敘以昭

激勸除已奉

旨允准保奏外其餘次援勒江山衢州固守遂安各案

內凡為出力弁勇應併請歸入此案內量為優保其出

力稍次者由外記名咨部註冊所有節次打仗陣亡員

弁併請

飭部從優議卹以慰忠魂理合分別開單敬呈

御覽 伏乞

皇上聖鑒施行謹

奏同治元年八月二十日

議政王軍機大臣奉

初編卷四

三

旨另有旨欽此



攻勦迭勝克復縣城要隘情形摺

奏為官軍攻勦龍游湯溪蘭谿逆賊連獲大勝並攻克壽昌縣城及各要隘情形恭摺奏祈

聖鑒事竊臣於七月十六廿四等日將蘭谿縣屬油埠太平祝家踞逆擊敗後逆首李世賢擊匿不出妄意官軍方力攻北路南路之備必虛賊能游城內賊酋遊天義陳廷香楊天義李國榮等於八月十五十九等日撲犯城西圭塘山若衢州鎮總兵劉培元等營壘均經劉培元等擊退屢有擒斬二十九日龍游城賊萬餘撲近

初編卷四

古

圭塘山劉培元與副將曉金城等整隊迎敵總兵崔大光潛由北岸渡河衝賊陣之背賊駭而奔劉培元率各營乘勝壓擊迨至城邊燒賊卡一座適時金城楊和貴張人和王樹棠大隊齊至賊繞城而走我軍由西門迨至南門斃悍賊二百餘名城上矢石雨下我軍仰攻逾時始收隊還三十日逆首李世賢遣巨目忠神朝將李尚揚及樓天義胡明順昆天義張逆等由蘭谿永昌鎮湯溪湖鎮率悍賊五六萬人分三路來撲劉培元營壘城賊於西門北門列隊牽制我軍上下重疊排列十餘

里勢甚張劉培元飭各營鎮靜以待一面飛報立派親兵並劉榮合賴錫光精捷兩營馬德順馬隊一營馳往令劉琰率所部伏於河邊林內令崔大光嚴扼下游防賊偷渡布置甫定中路之賊挑騎賊數十步賊數千撲近劉培元營外濠邊劉榮合賴錫光率所部從左路繞出中路大呼殺入槍礮齊施刀矛並進賴錫光腹中礮傷猶裹創力戰賊勢不支劉培元飭各營空壁而出楊昌濬等率親兵繼至從山坡壓下將士無不踴躍爭先以一當百中路之賊由左路敗走楊和貴張人和復

初編卷四

古

率所部從左路邀之馬德順率馬隊從兩旁抄擊該逆大敗狂奔拋棄旗幟器械無數有路之賊見中路賊敗仍蜂擁而來適江西撫臣所派會勦之屈蟠王德榜兩軍從右馳至中路官軍會合併力痛擊鏖戰兩時斃龍旂賊口十餘名賊復潰走我軍三路縱擊斃賊千數百名生擒百餘名陣斬橫大義胡明順及泗天福邱逆偽檢點黃逆偽指揮吳逆偽統制李逆等賊目數十名奪獲龍旗百餘桿槍礮器械千餘件其伏於西門之賊經駐金城王樹棠擊退北門河邊之賊經劉琰崔大光擊

退亦斬殺百餘名此八月廿九三十兩日勦龍游南路  
援賊克震全勝之實情形也賊不得逞於南路復糾  
巨股萬餘人由蘭谿永昌鎮竄歸壽昌縣城另分悍黨  
由壽昌出上方嶺以該處地勢緊接遂安西可以竄  
開化常山南可以竄衢州非將此股殄滅則南路各軍  
斷為賊所牽制而衢州西北一帶亦在在堪虞適新  
授藩司蔣益澧前隊記名總兵高連陞帶所部甫抵衢  
州即飭其由雲溪進駐蘭谿之高園與劉典合圖表  
家堰太平祝家之賊聞八月初六日蔣益澧率全軍行

初編卷四

六

抵衢州分遣副將熊建益所部三千人往扼上方嶺一  
路總兵高連陞所部三千人由梅嶺往攻壽昌縣城聞  
八月十三日高連陞行至距壽昌縣城八里地方紮營  
自率馬隊至城邊察看地勢賊見官軍猝至擁眾出城  
直撲營壘高連陞分副湘前左兩營由左路進副湘右  
後兩營由右路進自率正湘左營由中路進鏖戰三時  
賊屢却屢前官軍三路齊進呼聲震天立斃先鋒悍賊  
數十名賊遂倉皇遁走迨至城邊乘勢殺入復斃悍賊  
數百名餘賊由南門奪路而走復追殺十餘里遂將壽

昌縣城克復得報後即密飭蔣益澧劉典由蘭谿西  
鄉共圖待逆所踞太平祝家老巢待逆聞壽昌被官軍  
攻克恐官軍由小方嶺出襲其後十四夜竄赴裴家堰  
結七大壘背道而陣及蔣益澧率所部馳至僅斬落後  
滿髮悍賊數十名隨與劉典督率各營躡蹤追至距賊  
巢二三里紮營約期十八日會勦劉典率各營先進鏖  
戰逾時賊穩踞壘猝不可拔蔣益澧率大隊急進合  
圍二壘高連陞與所部副湘四營首先踰濠而入連破  
中路賊大壘二座壘中之賊盡殲僅數騎得脫而已劉

初編卷四

七

典防擬保知府朱明光與副將劉清亮奮攻第三壘破  
之其斃悍賊一千數百名陣斬元天福萬興仁魏天福  
劉茂林等賊目多名生擒蓋天福王得勝等二百餘名  
拔出難民數千餘逆宵渡而竄溺斃者不計其數奪獲  
偽印百餘顆旂幟數百面槍礮軍器無算此攻克壽昌  
縣城肅清蘭谿西路之實在情形也蘭溪肅清後賊之  
屯踞於南岸羅埠湖鎮五星街等處者仍不下數萬眾  
而其地適當龍游湯溪之衝為賊所必爭隨飭蔣益  
澧全軍渡河節節攻勦劉典一軍仍駐汕埠為蔣益澧

後路聲振正布置間適羅垵踞逆偽王宗茂天義李世祥遣人詣將益澄軍前乞降將益澄密飭李世祥相機丙應二十六夜率各營偃旂息鼓疾起乘之平明行近賊壘號礮一聲官軍由外殺入李世祥率黨千餘由壘中殺出各賊猝不及助棄壘狂竄官軍乘勝追殺斃賊七八百名生擒三百餘名將賊壘五座一律踏毀湖鎮之賊亦於二十七夜聞風而遁劉典與副將熊建益各營追至僅斬尾賊數十名是日龍游之賊正運糧至五星街總兵崔大光偕李世顏邢得率各營潛由北岸涉

初編卷四

末

後而過出賊不意擊之將五星街賊壘踏毀殺賊五六百名此攻奔龍游湯溪各要隘之實在情形也龍游踞逆經南路各軍於閏八月二十二二十九等日奮力攻擊該逆堅固不出具城壘均占地勢難以力爭攻臣於九月初五日移紮距龍游城五甲之新涼亭飭各營修築長濠移營逼之飭將益澄一軍由羅垵進攻湯溪飭劉典一軍營紮油埠湖鎮以防蘭溪金華援賊九月初一日湯溪逆見官軍逼近擁眾出城直撲高連陞熊建益營軍經高連陞熊建益率所部擊敗斃賊數百餘

傷者不計其數初二日將益澄率隊攻湯溪北門高連陞率隊攻湯溪東門劉典會師攻湯溪西門圍城數匝倉礮連施城逆穴竄開礮抵禦官軍踰濠肉薄城下前者被創後者復進相持至暮始收隊還初三初五等日誘賊出戰痛勦兩次復獲賊數百名而官軍連日陣亡者三十餘帶傷者三百餘蓋亦血戰矣搜獲賊中告急偽文龍游湯溪之賊皆勢窮力誑求援於金華守賊並求侍逆迅速回援而龍游湯溪赴金華之路自羅垵湖鎮五星街等處要隘經官軍攻克後道路隔絕城賊

初編卷四

末

之勢已孤督臣書齡復派知府康國器率勇三營至湯溪會勦兵力益厚惟兩城之賊附城築壘堅固異常恐未免曠日持久致滋戎機據投誠李世祥供稱侍逆李世賢由太平祝家宜赴婁家堰之時擬乘間從分水桐廬取回溧陽護其眷屬然後由溧陽回援金陵留偽朝將李尚揚李泳旺偽王宗李遇茂劉天義劉政宏遊天義陳廷香助天義等率悍賊十餘萬分守金華龍游湯溪等處城壘以阻我師若將此數兇殄滅以下堅城當亦不難迎刃而解臣惟當督同劉培元蔣益

禮劉典迅以圖之軍中搜獲李世賢偽文諄囑諸賊死守龍游湯溪金華四十日即行折回並言逆春在深陽為各偽王欺陵不能不為料理之狀查賊中偽王可數者共三十餘惟偽忠王李秀成偽章王林紹璋與李世賢尚稱投合餘則彼此猜疑勢不相下金陵逆首洪秀全之兄偽勇王洪仁達尤為各賊所恨似從前楊韋兩逆互相吞噬之事不久必將復見而李秀成嗾各賊圖犯皖南意在緩浙軍之攻而抄浙軍之後其謀甚狡臣擬俟龍游湯溪攻克後攻金華急攻嚴州相機辦理

初編卷四

三

以圖共捕狂氣此後軍行分合進止蓋難預定臣惟有隨時與曾國藩熟籌大局機宜期於共濟所有連獲勝仗情形謹會同協辦大學士兩江督臣曾國藩閩浙督臣曾齡據實馳

奏伏乞

皇上聖鑒訓示施行謹

奏 同治元年九月初九日

議政王中樞大臣奉

旨另有旨欽此

請以奏提督著浙江提督赴甯波片

再正拜摺間適接甯紹台道史致諤稟該員於八月二十五日到任據報慈谿縣城失守縣丞薛世奎被害副將華爾敷於忠憤率所部進攻於廿七日卯刻立將縣城克復華爾敷受傷次日身故其嵊縣新昌之賊於二十七日竄攻奉化縣之漣公嶺二十八日奉化縣城被陷史致諤督同中外各軍固守甯波府城一切情形已就近馳報著江蘇撫臣李鴻章詳已奏報臣維甯波一府遠在海疆中隔賊氛藉藉外國兵力暫保孤城主

初編卷四

三

弱客強終非長久之計而彼中兵事冗雜每月糜餉不八萬餘兩之多人不敷出又正當廣勇與外國兵頭角鮮之時誠恐外侮內江阻乘而起致有疏失前次欽奉諭旨飭臣派軍赴甯波防守臣原擬俟新軍到齊酌派一軍取道溫台前往業經覆

奏茲聞偽忠王李秀成及各大股賊匪分撲金陵大營及甯南甯南竄入江西以緩浙軍之攻而抄浙軍之後臣軍應隨時相機調撥兵力苦軍勢難分赴甯波查護浙江提督陳世章失事後督新任提督鮑超現在皖南

其員缺前經慶端奏委葉炳忠護理應即催令迅赴  
波以重職守臣已咨商督臣耆齡尙未准其咨請  
葉炳忠即由台郡赴甯波部曲無多恐難得力現在  
處台三郡新就肅清雖有零星賊匪竄擾邊界並非  
緊記名提督秦如虎本係宿將所部在閩粵各軍中  
稱能戰近因攻處城曾受微傷回溫調治而所部現  
台州由台州赴甯波路甚近捷若蒙  
恩旨令其署理浙江提督迅帶所部由奉化赴甯波較  
之葉炳忠更期得力而甯波必可無虞現已咨商督

初編卷四

三

諭矣可否請

旨以記名提督秦如虎署理浙江提督迅帶所部赴甯  
波之處候

皇上訓示施行謹

奏 同治元年九月初九日

議政王軍機大臣奉

旨另有旨欽此

同治元年九月二十四日內閣奉

上諭浙江提督耆秦如虎署理欽此

請將崇志副將願解馬匹赴浙片

再前署衢州鎮總兵蕭建延平協副將崇志本年四月  
間丁父憂回籍守制時駐軍開化未及接見聞該員  
操守廉謹血性過人質地實堪造就惟未曾經歷戰事  
未知臨陣何如可不請

旨飭令該員前赴軍學習戰事並請

飭調口外應壯戰馬二百匹交該員崇志管解來浙由

軍挑選勇丁操習馬隊以利攻剿是否有當伏候

訓示施行謹

初編卷四

三

奏 同治元年九月初九日

議政王軍機大臣奉

旨另有旨欽此

同治元年九月二十四日內閣奉

上諭左宗棠奏請調員差委等語丁憂福建延平協副

將崇志著即赴浙江軍營交左宗棠差遣委用欽此

同治元年九月二十四日內閣奉

上諭左宗棠奏官軍勦辦龍游等處逆賊獲勝並攻克

壽昌縣城一招蘭溪踴逆經官軍擊散後逆首李世賢

復喚令龍游城內逆賊避天義陳廷香等連日撲犯城  
西圭塘山總兵劉培元等營壘均經官軍擊退屢有新  
擒劉培元等承勝進至城邊燒毀賊卡一座殺斃悍賊  
二百餘名八月三十日李世賢由蘭溪永昌鎮等處率  
悍賊五六萬人分路來撲經左宗棠派隊設伏分投馳  
勦鏖戰兩時之久逆賊奪路狂奔官兵會合併力縱擊  
殺斃及生擒賊目多名閏八月初六日總兵高連陞率  
隊進攻壽昌縣直逼城下賊衆出城迎踞官軍三路齊  
進呼聲震天賊勢披靡官軍乘勝殺入城中餘賊由南

初編卷四

雷

門倉路進窺富將壽昌縣城克復侍逆竄赴袁家墩背  
河結壘蔣益澧等督隊攻拔賊壘多座盡獲壘中之賊  
餘賊渡河宵窺蘭溪西路肅清其南岸羅埠湖鎮五星  
街等處賊壘亦經剷削等督軍攻毀賊壘多名攻奪要  
隘多處官軍修築長濠移營近備龍游其湯溪隰匪前  
經官軍連日圍攻誘賊出散餘孽甚多勦辦甚爲得手  
著左宗棠迅即乘此聲威督飭各軍合力進剿將龍游  
湯溪等處賊匪次第掃蕩勿留餘孽欽此  
議政王軍機大臣 字寄

欽差大臣協辦內閣大學士兩江總督曾國藩閩浙總  
督耆齡浙江巡撫左宗棠同治元年九月二十四日奉  
上諭左宗棠奏官軍攻勦龍游湯溪逆賊叠獲大勝攻  
克壽昌縣城及各要隘情形並請將秦如虎署理浙江  
提督各摺片本日業將秦如虎等處獲勝及克復壽昌縣  
城明降諭旨宣示矣逆首李世賢等率其醜類堅踞龍  
游湯溪蘭溪各城並遣悍賊攻撲總兵劉培元營壘經  
左宗棠督飭各軍痛加勦擊破賊龍游南路之援蔣益  
澧之軍甫到即能率其前部高連陞等軍攻拔壽昌並

初編卷四

雷

會合劉典之兵破賊袁家墩及羅埠湖鎮五星街等賊  
壘均係龍游湯溪蘭溪要隘各城之賊其勢已窮所辦  
甚合機宜侍逆李世賢雖留悍賊李尙揚等死守金華  
龍游等城壘該撫督同劉培元蔣益澧劉典等軍乘銳  
進攻將此數兇殄滅以卜堅城節節進勦自當所到迎  
刃而解浙江軍情漸捷旨著左宗棠現擬俟龍游湯溪  
攻克緩攻金華急攻嚴州緩急之間自必權衡至審惟  
摺內有李世賢將由分水桐廬竄回溧陽回援金陵之  
語金陵逆援甚衆叠經曾國藩及邵興阿等奏聞節次

諭令曾國藩督勇曾國荃等竭力固守先保已成之功  
再圖進取昨據曾國藩奏微甯軍情亦甚緊要已與左  
宗棠商調將前總一軍馳赴皖南接辦甯國軍務即可  
抽出鮑超一軍馳援金陵刻下浙省軍務得蔣益澧之  
軍助勦正當得手此軍若已調赴皖南則浙軍未免又  
虞單薄前據曾國藩奏飭令林文察率所部六千赴龍游  
會剿本日左宗棠摺內稱曾國藩復派知府康國器率勇  
勇三營至湯溪即著左宗棠迅即催提並著曾國藩飭  
各軍星速前往趁此龍游湯溪踞賊與金陵援賊道路

初編卷四

美

斷絕迅將龍游湯溪合力攻克以成破竹之勢李世賢  
竄往溧陽能否派兵乘間邀截俾不得與忠逆合兵亦  
陵致曾國荃之軍更形喫重諒曾國藩慮左宗棠隨事  
商畧定能籌及也李世賢遁者既在溧陽為尋逆所欺  
不能不急回料理該逆偽文所述斷非無因是賊中擊  
醜立相猜嫌其勢已成逆首洪秀全之兄洪仁達尤為  
各賊所恨從前楊韋兩逆交相吞噬之事必將復見如  
其有隙可乘該大臣督撫等諒亦必能用間出奇疏機  
應變江浙各營疫氣其否全消並著隨時具奏以慰馳

系奏如虎已有旨著理浙江提督即著左宗棠飭令由  
台州奉化速赴甯波防守另片奏請調戰馬及崇志赴  
營等語業經寄諭慶昫等於察哈爾選調馬二百匹派  
員解赴該撫軍營並已有旨令丁憂副將崇志赴浙江  
軍營聽候差遣多隆阿一軍飭赴陝西勦辦回逆昨據  
成名及善桂等報同州一帶回逆勢甚猖獗潼關被圍  
守將哈連陞被擄後因諭令多隆阿即由浙川迅赴潼  
關扼勦前將此軍不能折回江皖之處寄諭該大臣等  
刻下計已接奉矣將此由六百里各諭令知之欽此

初編卷四

毛

遴弁赴口買馬懇准免稅片  
再南方征勦之利馬步水三者缺一不可臣軍向無馬  
隊前經曾國藩撥交一營共馬百數十匹頻年馳驅轉  
戰勞傷甚多雖迭經陸續添買尚不足兩營之數現在  
攻勦喫緊選地勢平衍堪以馳驟及追逐包抄必須馬  
隊之處輒苦不敷分布已札飭擬保遊擊馬德順遴派  
把總王應山赴張家古北口等處購買戰馬二百匹餘  
馬二百匹由鐸遞護來營以資攻勦查湖北軍營出口  
買馬具經奏准免稅在案臣軍採購戰馬事同一例相

應仰懇

聖恩俯准飭部知照各處一體按數查驗免稅放行俾無遲滯感荷

鴻慈實無既極謹附片具

奏伏乞

聖鑒施行謹

奏 同治元年九月初九日

議政王軍機大臣奉

旨著照所請該部知道欽此

初編卷四

彙

浙江藩司請仍交道員代理片

再新任藩司蔣益澧於同治元年閏八月初六日帶所部行抵衢州初八日單騎赴營與商酌兵事後即赴北路辦賊屢獲勝仗現在逼攻湯溪縣城軍務方殷師行靡定所有藩司本任事務較繁未能兼顧應請仍交按察使銜署杭嘉湖道蘇式敬代為辦理俾得專心討賊以速戎機現在杭城未復該藩司無任可到可否即以到衢之日作為到任日期理合附片陳明伏乞皇上聖鑒訓示謹

奏 同治元年九月初九日

議政王軍機大臣奉

旨依議欽此

初編卷四

彙



查參道鎮知縣各員捐

奏為遵

旨查明據實參奏事竊臣於七月二十四日龍游潭石望行營承准議政王軍機大臣字寄同治元年六月十八日奉

上諭有人奏浙江署金衢嚴道江允康吸食鴉片不理公事與李定太在城外船上挾妓飲酒募勇數百冒稱數千從中漁利西安縣知縣丁壽宸藉捐肥已擅用非刑上年九月間該縣下鄉以捐穀為名逐戶勸捐無得

初編卷四

三

免者民既捐穀復令改交番銀展轉折變以飽其私囊又於署前設籠捐不如數即將捐戶鎖置籠中非刑逼勒滿欲而後止等語浙省被匪蹂躪民間瘡痍未復文武各員宜如何認真防勤加意撫循以蘇民困而安疆圉江允康等身任地方李定太係屬帶兵大員前據左宗棠陳奏該二員本不得力所參各款定非無因亟應從嚴懲辦著左宗棠將該員被參各款秉公確查據實參奏毋得稍有徇庇將此由五百里諭令知之欽此臣查署金衢嚴道本任衢州府知府江允康被參各款

未入浙之前即有所聞比復留心察訪如原奏該員與李定太在城外船上挾妓飲酒一節查浙江向有一種花船專載客商供其游燕船戶時蓄歌妓陋俗相沿由來已久亂後船多被擄景况蕭條此風不禁自息間有未經被擄船隻亦均改裝貨物人去船空聞李定太上年秋間邀同江允康閱看水操一次曾於此等空船搭架官棚外間喧傳挾妓飲酒之事即由此而起實則飲酒之事容或有之妓則無可挾也至原奏江允康募勇數百冒稱數千一節查衢防兵勇從前八千有奇除慶

初編卷四

三

端調去副將周萬遠所帶勇丁八百名外李定太所部兵勇五千餘員名衢鎮四營及楓嶺營兵丁千餘員名遊擊程紹鸞所帶安勇三百二十名遊擊黃高本所帶親兵二百名水勇一百七十餘員名皆歸李定太統轄此外惟衢州府壯勇三十名以備巡查自臣以次裁撤後僅留衢鎮四營兵丁九百六十九名汛兵一百三十五名安勇親勇五百二十名分防城堞臣因兵力太單加派所部兩小營入城助守除兩小營外現計每月健需餉銀及委員薪水共四千三百二十四兩零錢四千

二百六十三千零食米一百六十餘石此有冊可稽有名可點者江允康實無募勇數百冒稱數千之事又原奏江允康吸食鴉片一節臣無所聞接見時留心察看面貌氣色亦不似有癮之人惟該員性習浮偽辦理地方諸事未洽輿情應請

旨將該員革職以肅官常署西安縣知縣丁壽宸藉捐肥已擅用非刑各款臣留心察訪並無實據惟該員於逆賊甫退之後即催徵錢糧臣駐軍雲溪時曾有民人徐姓控告該縣丁書之件當飭署衢州府知府吳艾生

初編卷四

三

嚴提懲辦又該署令於五月內因催徵新賦詳請斥革生員程德基衣頂臣以有意苛求駁斥銷案此外並無控告之件至外省各州縣近因嚴治土匪間設木籠意在示威非因催征錢糧而設如果該署令敢用非刑逼勒必有受害之人臣軍行所至無日不接見士民延訪疾苦並無呼訴及此者惟丁壽宸才庸識闇遇事玩泄難期振作應請一併革職以示懲儆江允康所署金衢嚴道一缺現本任金衢嚴道恒山業已赴營稟到當即檄飭赴任其江允康本任衢州府知府查係請

旨之缺應請開選

賜簡放所有遵

旨查明參奏緣由理合據實直陳伏乞

皇上聖鑒訓示施行謹

奏同治元年九月初九日

議政王軍機大臣奉

旨另有旨欽此

同治元年九月二十四日內閣奉

上諭前因光祿寺卿潘祖蔭奏參浙省署金衢嚴道衢

初編卷四

三

州府知府江允康吸煙廢公募勇漁利西安縣知縣丁壽宸藉捐肥已擅用非刑各款當經諭令左宗棠確查具奏茲據奏稱查明知府江允康募勇每月所需餉銀等項皆有冊可稽並無募勇數百冒稱數千及吸煙各情惟性喜浮偽辦理地方諸事未協輿情知縣丁壽宸亦無藉捐肥已擅用非刑實據惟才庸識闇遇事玩泄難期振作請一併革職等語署金衢嚴道江允康西安縣知縣丁壽宸均著革職以示懲儆餘著照所議辦理該部知道欽此

失事弁兵毋許收伍片

再杭城失陷列邪淪胥失守之文武員弁兵勇除陣亡外均經潰逃四散現在甯波台州處州各郡縣以次收復潰卒陸續歸營臣維失事各文武吏譏基嚴帶兵將弁既應查參潰逃兵丁豈可濫行收伍擬即咨照各提鎮查明失事弁兵嚴行汰革毋許收伍統俟事平再於出力勇丁內挑補足額以收實效而節虛糜並可安插勇丁令有歸著以便鈐束是否有當理合附片陳明請旨同治元年九月初九日

初編卷四

議

議政王軍機大臣奉

旨知道了欽此

恪靖奏稿初編卷五目錄

逼攻龍湯縣城賊匪情形摺

發給勒伯勒東割憑片

派兵駐防欽休地方片

已革道員曹綬筆問片

遴員接署甯波知府片

奏辦食劣知縣摺

攻剿嚴州克復郡城摺

附陳賊情並監放炸礮片

初編卷五目錄

請將知府留浙補用片

請飭部續發米捐執照片

督銜奏官軍會剿竄徽之賊克復績溪等城摺

請應題應咨各件暫緩辦理片

逼攻龍湯縣城賊壘情形摺

奏為官軍逼攻龍游湯溪縣城及附城賊壘並分剿金華蘭谿嚴州等處援賊疊獲勝仗兩城尚未克復現籌攻取情形恭摺奏祈

聖鑒事竊臣自將油埠袁家堰羅埠湖鎮五星街各要隘奪獲後令蔣益澧圍攻湯溪劉典駐油埠兼扼湖鎮親督各營於龍游西南兩門外開掘長濠引小溪之水灌之又以東門外寶塔嶺俯瞰賊巢地勢在所必爭九月初十日商之劉培元槍紮三小壘並派各營列隊以

初編卷五

一

防城壘之賊中刻新畢成各營甫收隊還該逆忽分股急撲意在乘我之倦劉培元親率弁勇極力堵禦臣復飭各營回擊賊大敗走追近畢前城賊復出官軍於昏夜之中混戰逾時約斃賊百餘名鎗礮傷者不計其數賊敗入城乘勢進至城下轟攻良久乃還日寶塔嶺三小壘成賊始奪氣以後併不敢出城拒敵矣是役劉培元督戰甚力所部勇士守備師有勝熊得先手刃數賊皆誤中洋鎗殞命殊為可惜合計斃悍賊三百餘名而弁勇陣亡者十五名受傷者七十餘名十七夜四鼓臣

派各營分攻城壘五鼓楊昌濬虞紹南率親兵營劉璈率副中營旂攻傍城一壘出賊不意疾趨而前拔開花籬地刺堆草填濠而進連拋火彈適著賊約筒火起賊亂官軍乘勢肉薄而登其驍勇者直從砲眼鑽入立破堅壘一座壘中之賊數百僅漏逸三四十名賊目忤天安任方海等十餘名均斬擒淨盡奪獲偽印三十餘顆旂幟鎗礮刀矛馬匹悉為官軍所獲而紅網蜈蚣形畫龍旂多至二百三十餘面其餘各壘經各營猛攻數時前者中傷後者繼進屢攻五時之久四壘垂破復完城

初編卷五

二

賊旋由東門出經王德榜劉璈等截擊斬大旂賊數百餘敗入城仍固匿不出各營奮力猛攻卒以賊礮鎗礮太密壯士受傷過多不得已仍收隊而還計是役陣亡者八十餘名受傷者竟至七百餘名之多為臣軍向來未有之事蓋攻堅之難如此十月初二日復派親兵營副中營旂專攻第一賊壘置各壘不攻以誘其出殊猶賊仍堅伏不出惟穴牆環開鎗礮無隙可乘久之壘中悍賊少許各持洋鎗躍出官軍截擊斃其數十而還而官軍陣亡者已十餘名受傷者又五十餘名各營哨官

受傷者共七名副中營游擊瞿端明創重殞命尤為可惜此九月初十八及本月初二日逼攻龍游縣城破一壘壘殺悍賊近千攻城未克之實在情形也蔣益澧一軍派副將熊建益劉清亮謝永祐等與督臣派來助剿之康國器所部分布四門合圍湯城以廣西左江鎮總兵高連陞防金華援賊蔣益澧自駐羅埠防蘭谿援賊東門外山頭賊壘一座堅固異常難以仰攻經蔣益澧派兵逼築與之相持開挖地道數處分取城壘九月初十等日蘭谿賊目偽天將譚星率黨萬餘上犯圖援

初編卷五

三

龍湯盤踞江坑花園一帶結壘八座上下十餘里村庄皆為賊據直至羅羅埠三里外一帶焚掠兇殘甚張十二日蔣益澧督總兵銜副將劉清亮副將銜參將周廷瑞曹魁甲各率所部及馬德順馬隊由左路進同知銜知縣楊道治五品軍功李世祥各率所部由右路進副將何萬華已革都司銜守備徐文秀各率所部由中路進蔣益澧自率親兵策應諸路誘戰良久該逆不出審視各處賊壘惟江坑二座較同餘皆易得手遂令楊道治李世祥率制江坑之賊壘中左兩路急進沿途焚賊

館十餘處先破賊小壘一座各壘賊出援經兵奮擊斃悍賊廿餘名賊敗歸壘我軍乘勢猛撲王東林何萬華徐文秀等於砲石中大呼躍入立將三壘蕩平該逆紛紛遁竄經我軍截殺逼之落水共斃賊六七百名生擒八十餘名奪獲牛馬數十鎗礮旂幟刀矛無算救出老幼男婦以千計追奔至離蘭谿五里又破賊壘二座賊匪甚多申刻收隊向餘江坑二壘未破查係譚星自帶死黨屯紮蔣益澧卽於是夜械約劉典於次日分路往攻十三日黎明蔣益澧各營齊抵江坑四面圍撲劉典

初編卷五

四

率所部自伍家圩過河來會併力破其後壘賊不少餘匪見水逃竄被我軍抄擊或死於刃或死於水鮮得脫者計斃賊近千名生擒百餘名獲騾馬二十餘匹大小旂幟數百面軍械無數後壘既破合攻前壘我軍氣勢愈加拔簽椿數丈踰濠二道擁至壘前將火箭火蛋拋入正在得手之際忽蘭谿援賊廣至當派高連陞劉清亮徐文秀馬德順楊芳桂等率馬步迎剿斃賊數十名賊敗退乘勝追至蘭谿縣城對岸沿途賊巢悉數焚燬復斃賊百餘溺死者無數申刻仍歸大隊奮力攻撲

數次該逆抵死抗拒卒未能下乃收隊而回是夜該逆亦焚壘遁去蔣益澧派兵追之斬殺及溺死者約數百名自羅埠至蘭谿之路一律肅清十一十二等日探報金華援賊竄至湯溪城東二十里之白龍橋一帶延燒村房烟燄四起當經劉典高連陞出隊往剿賊自駭卻十五日蔣益澧復派高連陞熊建益率隊潛往搜捕適賊由金華運糧至官軍出不意擊之斬殺多名餘眾竄走高連陞等率馬隊追殺直至距金華府城十里而返沿途復斃賊數十名生擒四十六名湯溪城賊連夜出

初編卷五

五

撲官軍營盤經熊建益劉清亮及康國器等擊却之屢有擒斬十月初三夜城逆復於東門外槍斃二壘南門城根槍斃一壘意在逼城壘之氣而留竄金華之路初四日黎明蔣益澧即督高連陞熊建益會同康國器所部飛虎軍何勇楊陽勇昭武軍力攻三時始將賊壘悉數踏燬共殺賊二百餘名陣斬偽級天義李占魁生擒十六名奪犬旗五十餘面鎗礮器械二百餘件比蔣益澧會督湘軍圍攻湯溪及與劉典會剿蘭谿金華援賊獲勝之實在情形也蘭谿譚逆自江坑敗遁後

於近城一帶築壘固守並時至溪西虹霓山施家灘厚仁寺女埠等處往來剽掠二十四日劉典督黃少春朱明亮楊鼎勳楊芳桂等馬步四營會合白露山民團進剿該逆見我軍至即紛紛退走過河我軍乘勢追擊至樟木村地方賊入壘拒守黃少春督勇從壘後斬關直入楊鼎勳督隊截其前門登時踏破該逆踰牆而出者陷於濠坑籬橋之中皆殲焉約斃賊六七百名時上下村壘復出賊千餘來援經朱明亮楊鼎勳等分路迎擊賊大潰追殺至近蘭谿城邊斃賊約又數百日暮敗隊

初編卷五

六

過河譚逆復率黨千餘合敗賊來犯劉典飭各營扼河堵禦令朱明亮率隊從左路截殺鎗傷先鋒悍賊十餘名賊眾奔竄溺死者又數十人計此次共斃賊千餘名內有偽侯十一名生擒三十餘名內偽丞相六名奪偽印三十顆偽官照七張騾馬五十餘匹旗幟器械無算該逆經此痛剿復糾合義烏浦江及嚴州分來之賊於金華江蘭江西岸潛修堅壘意圖抗拒十月初二日蔣益澧劉典各派兵分途往攻未能得手雖截殺蘭谿援賊百數十名而蔣益澧所部副將等營共陣亡八十三

名受傷者數十名緣地曠路歧收隊時為伏賊所害也賊目譚星之弟譚富擁眾萬餘屯踞嚴州府城並於近城數十里內節節設卡河下安泊戰船阻我進攻之路候補知府魏喻義率所部二千人自遂安移紮淳安縣銅關及壽昌縣城攻破洋溪賊卡斬逆目黎滿志餘眾悉降十月初三日復會合紳團攻破嚴州北路三卡賊匪數百名奪偽印四顆初四日嚴城匪分股竄至南路黃山頂一帶將合蘭谿賊上犯當即派隊合民團擊敗之擒斬頗多此到典魏喻義分勦蘭谿嚴州賊匪獲

初編卷五

七

勝之實在情形也總計龍游湯溪蘭谿嚴州諸處大小數十戰攻破城壘賊卡三十餘處殺悍賊六七千名大小賊目近百名戰事尚順惟各城及附城諸壘堅不可拔每猛攻一次將士之奮勇最著者多帶鎗礮子傷或登時殞命緣猶賊知官軍不可力敵遂以死守城壘穴牆開礮為得計城壘之外濠溝深濶木椿地針環濠數十丈遍地密布不能容趾官軍逼攻愈猛傷亡愈多而龍游湯溪兩城為金華要道必兩城下後路清而後可攻金華蘭谿一水直達嚴州必蘭谿下餉道通而後可

攻嚴郡此三城者如骨在喉非採取之不快而各營業已逼近賊之城壘相距不過一里半里勢亦難舍此他圖臣前奏所以慮其為曠日持久之局者此也屢據逃出賊供龍游城壘油鹽薪炭俱缺見已拆屋為炊賊數雖有兩三萬之多除老弱患病不計外能戰者實不過數千人所以窘逼至此猶忍死待援者意在戀其輜重婦女又恐棄城壘而逃眾心渙散官軍追殺斷難倖免耳湯溪賊情賊勢亦同臣現密飭各營於賊所可竄之路分起放哨設伏一斷其接濟一截其去蹤一面調取

初編卷五

八

大礮購覓炸彈轟攻城壘免致多傷精銳湯溪只一城一壘尚有可開地道之處蔣益澧現已設法趕辦劉典駐軍太平祝家及湖鎮之間專備截剿嚴州蘭谿援賊如逆首李世賢果由金陵回援則應由臣軍及蔣益澧派隊助剿魏喻義所部二千人仍分駐淳安西銅關及壽昌縣城以防嚴州蘭谿之賊內犯飭前駐遂安之王文瑞率所部老湘營全軍踰嶺過婺源進駐歙休交界之阜市嶺以固婺而援徽而諭江西撫臣派來助剿之同知王沐一軍二千人代守遂安以扼江皖之衝俟龍

游湯溪兩城有一克復則局勢稍活其布置分合之宜當隨時會商辦理所有疊獲勝仗及現在布置情形謹會同兩江督臣曾國藩閩浙督臣耆齡據實陳奏伏乞皇上聖鑒訓示施行謹

奏 同治元年十月二十二日

議政王軍機大臣奉

旨另有旨欽此

發給勒伯勒東劄憑片

再 臣奉

初編卷五

九

寄諭法國因甯波海口突緊願將伊國副將勒伯勒東權受中國職任帶兵防剿現由總理各國事務衙門與之定議該國情願以勒伯勒東權受中國職任聽浙江巡撫及甯波道節制著薛煥李鴻章左宗棠將該副將在甯波所練中國兵丁一千五百名應給餉項即行按照舊章支放並據恭親王等奏稱以該副將既歸該省大員節制即應由該大臣巡撫給付劄憑以一事權即著薛煥李鴻章左宗棠悉心妥籌或由李鴻章或由左宗棠發給勒伯勒東劄付既須事權歸一又須力能控

制方免紛歧遲誤該副將既受中國職任之後即應一視同仁遇事持平辦理一切按照中國法制不得稍存偏倚亦不得稍有寬縱史致謬甫到甯郡未知於該處情形及駕馭事宜能否諳悉薛煥等務即督飭該道於該副將所領之軍及甯郡兵勇賞功罰罪以及稟報戰守各情務令秉公核實其支放錢糧尤不得有絲毫扣減浮冒等弊致為外國人所輕視至籌防一節先經法國公使欲統歸勒伯勒東辦理復經總理各國事務衙門與之再三講論始願歸甯波道督辦惟上年甯郡失

初編卷五

十

事英國人在京歸咎於中國官不肯照伊布置辦理以致誤事此次該副將有所籌商務飭該道員與之和衷共濟不得稍有齟齬致誤機宜一俟左宗棠克復金華兵力足以兼顧甯波一帶即行察看情形將勒伯勒東撤回法國仍用中國官兵防守毋庸俟浙省全行平靖方令撤回等因欽此旋經薛煥李鴻章恭錄移咨到臣李鴻章傲史致謬給與勒伯勒東照會咨臣給與劄憑臣初以甯波距上海近距臣軍遠中隔賊氛暫難兼顧且李鴻章威名至著中外咸知非臣所及臣於甯波兵



事既屬史致諤就近稟承則勒伯勒東劄憑應由李鴻章就近發交方資控制繼思法國之請以勒伯勒東權受中國職任總撫臣及甯波道節制自係就轄境而言洋將之受中國職任本是偶爾權宜異時更易撤留仍須由浙主政自宜先正其名已繕備勒伯勒東署理浙江總兵劄憑由安慶輪舟遞交史致諤轉發並咨薛煥李鴻章知照矣臣維人無中外好惡同則其情理一忠信篤敬鑾船可行內治克脩遠人自服如貨功罪罪不秉大公諱取攘功不務核實以及冒銷錢糧侵扣馬餉

初編卷五

十一

皆主兵者所最忌有一於此部曲尙且離心况以之施諸荒遠內附之人乎史致諤人尙明白或不至此臣亦當隨時誥誡期免意尤惟是沿海各郡自五口既開之後士民嗜利忘義昔尙日非又自海上用兵以來至今未覩戰勝之利於是妄自尊薄爭附洋人其黠者且以通洋語悉洋情狎致富貴遺利如鷲舉國若狂自洋將教練華兵之後樂為者多投入其中挾洋人之勢橫行鄉井官司莫敢詰治近聞甯波提標兵丁之稍壯健者且多棄伍籍而投洋將充勇丁以圖厚餉此常勝一軍

所以增至四千五百人也若不稍加裁禁予以限制則客日強而主日弱費中土至艱之餉而貽海疆積弱之憂人心風俗日就頹靡終恐非計臣擬熟察情形俟浙江局勢稍有轉機再與曾國藩李鴻章徐商妥策所有發給勒伯勒東劄憑及覆陳情形謹據實附片具

奏伏乞

皇上聖鑒謹

奏 同治九年十月廿二日

議政王軍機大臣奉

初編卷五

十一

旨另有旨欽此

派兵駐防欽休地方片

再蔣益澧一軍屢奉

寄諭因羣賊撲犯金陵大營

飭調赴援臣亦屢接曾國藩檄咨頻催蔣益澧率所部

馳援皖南以便鮑超赴金陵之援維時蔣益澧已於羅

埠攻剿得手後徑逼湯溪縣城連紮十餘營距賊不及

半里宵柝相聞一時不能即撤而賊首李尙陽因猝被

蔣益澧猛攻緊逼勢頗窘蹙蔣益澧意此城且夕可下

一第... 續修四庫全書 史部 詔令奏議類

不欲乘垂成之功且以此間局勢論之湯誤不拔則龍  
游之賊時通金華蘭谿之援臣軍之圍龍游者亦將四  
面受敵正躊躇間續准會國藩咨械會國荃頻獲勝仗  
連破賊壘金陵大營局勢漸臻穩固鮑超張運蘭刀禦  
甯國之賊無須馳援金陵將益漣得壹意攻剿洵為意  
外之幸惟甯國之賊意在乘閒突犯江西則安徽池  
兩郡各屬為其必經之地池州在山外非臣力所能及  
而由婺源出歙休之間過賊犯江西景鎮樂平德興一  
面之衝此則臣軍頗年苦戰之地地利尚習義不容辭

初編卷五

五

臣已調駐守送安之布政使衙即選道王玄瑞督所部  
全軍二千五百人踰大鋪嶺其至歙休婺源三界之草市  
地方結壘扼守賊如入顧可相機臣之其送安一縣介  
江皖之邊亦須調兵接防以壯王文瑞後路聲援而彌  
江皖隙隙則調江西撫臣派來助剿之同知王沐帶所  
部三千人移駐其間已各報到防矣理合附片具陳仰  
懇  
慈履伏乞  
皇上聖鑒訓示謹

奏 同治元年十月廿二日

議政王軍機大臣奉

旨另有旨欽此

已革道員暫緩開片

再臣接據甯紹台道史致壽稟據甯波紳士陳政鏞等  
呈稱甯紹防剿一切喫緊已革道員張景渠執器情形  
可否留甯會辦軍務等情並准江蘇撫臣轉咨到臣  
維已革甯紹台道張景渠係送奉

諭旨軍閫之員未便仍留甯波會辦軍務惟該革員經

初編卷五

五

手事件尚未結算清楚而此次克復甯波匪海慈船餘  
姚奉化等城雖是因入戍事亦實著有微勞可否暫緩  
軍閫之處出自

天恩理合附片陳明伏乞

皇上聖鑒訓示謹

奏 同治元年十月廿二日

議政王軍機大臣奉

旨另有旨欽此

同治元年十一月初十日內閣奉

上諭在案李鴻章奏中外官軍攻克上虞縣城一摺並李鴻章奏遵查會秉忠等恭欵催調常勝軍前進左宗棠奏官軍進攻龍游湯溪等城及給發勒伯勒東劄付並請將張景渠暫緩擊問派兵駐防歙休地方各摺片已明降諭旨將克復上虞情形宣示矣惟據法國哥士者函致總理各國事務衙門言及克復該城係先在城外踏毀賊營奪橋焚卡中國官兵以少勝多頗稱得力惟蘇城竟日而城中絕無動靜遣人往視始知賊已宵遁等語與此次所奏官兵奮勇登城賊由西南逃竄

初編卷五

五

情形不符與外國人共事全在乎以誠信若稍有粉飾卽爲所笑史致謬等稟報軍情沾染軍營惡習必須嚴加訓飭庶可以挽頹風並飭令嗣後務須據實詳報不得一字虛假以杜外國口實張景渠前此棄城而逃並有侵帑情事此時豈得遮諱暫緩擊問准令留營仍著李鴻章左宗棠查明該革員隨同克復各城是否認真出力及從前甯波失守情形據實具奏江南大股逆匪會合九洲踞匪出竄江北屯紮於江浦浦口一帶其勢甚張昨已諭令會國藩等妥籌防剿並令常勝軍協

力戰守現在自齊文已由甯波帶勇回至松江卽著李鴻章催令趕緊調齊人數兼程進發迅速入江如能將九洲等處克復不獨江浦之賊不剿自退卽長江亦可疏通於大局甚有裨益勒伯勒東業經左宗棠發給劄憑令其統率一軍惟以洋人教兵領隊流弊極多朝廷早已慮及是以前次有准減不准增之諭左宗棠所陳各情與朝廷之意昭合想該撫等必能遵旨妥辦也會秉忠既已漸知儆畏並無縱兵逼賊情事著准其暫留滬防協同黃翼升實力防剿至滬上釐捐事務經李

初編卷五

六

鴻章派令王大經等認真整頓每月所入可得二十餘萬而各軍賴以接濟具見該撫辦事實心綜覈精當仍著隨時聲劄令稅務日見其增庶於餉精有裨金鴻保既知刻厲自新卽照該撫所請暫留釐局仍著留心查察如有貪婪確據卽予嚴參龍游湯溪等城攻剿叠獲大捷而城壘尙堅每戰必傷精銳左宗棠擬一面斷其接濟一面調取大礮購置炸彈轟攻城壘所籌甚是卽著相機妥辦於上海甯波設法購買運往應用制賊死命湯溪地道是否趕辦完竣如能迅下兩城則金華蘭

鄒一水可達方有延兵之路此時上虞既復嵊縣新昌亦相繼而下浙東大有轉機清在宗棠飭令史致諤等會合中外各軍迅速進兵規復金華紹興各郡縣以旁厥勢該撫謀各處安於進止一切機宜必能調度合宜也後防關係緊要王文瑞駐守草市一軍及王沐駐防連安一軍仍當嚴飭該員等實力扼守隨時策應以爲該撫此路聲援毋稍疎懈將此由六百里各諭令知之欽此

遴員接署甯波知府片

初編卷五

七

甯波知府林鈞業經革職應俟查辦所有員缺亟應遴員接署據甯波知府道史致諤稟查有現辦局務之新授嘉興府知府邊葆誠堪以接署已就近稟請署江蘇撫臣給札速赴署任下查新授嘉興府知府邊葆誠因本任地方尚未克復無任可到前經湖南撫臣奏調尚未稟報起程下雖未曾接見然聞其爲人操守謹飭本學官場積習現在甯波吏治民風急需整飭非廉靜之吏不足以端表率而挽頹風應請以該員邊葆誠署理甯波知府俾資贊助臣與江蘇撫臣各商酌

見相同除檄飭遵照外理合附片陳明伏乞

皇上聖鑒訓示謹

奏同治元年十月廿二

議政王軍機大臣奉

旨知道了欽此

初編卷五

六

攻剽嚴州克復郡城摺

奏為官軍攻剽嚴州踞逆克復郡城恭摺馳奏仰祈

聖鑒事竊逆賊以金華為老巢恃嚴州為犄角嚴州地勢外通皖南徽甯兩郡內達杭州形勢尤重臣初入浙原擬先克此郡以速戎機嗣因賊勢趨重三衢希圖越犯江西斷我餉道不得不先扼此路以保完善之區然於嚴州則未嘗須臾忘也前因羣賊窺犯甯國臣即決計縱龍游湯溪克復亦須急攻嚴郡緩攻金華會經奏

初編卷五

光

明在案屢飭布政使銜卽選道王文瑞卽選知府魏喻義合圖嚴郡嗣因皖南之賊漸逼徽州不得已調王文瑞駐遂安一軍入婺援剿所恃以圖嚴州者僅魏喻義之一軍二千人而又分駐嚴之銅關與壽昌縣城兩處兵力甚單臣飭臬司劉典一軍力攻蘭谿一路冀分嚴郡賊勢而陰飭魏喻義相機克復嚴州并飭駐壽昌之一千人併歸大隊以厚其力蓋逆賊逆目譚富與蘭谿逆目譚星為兄弟均是廣東著名悍賊彼此互相首尾逆首李世賢賊其合勢以拒我軍者也故欲攻嚴郡

則必先攻蘭谿以分其勢魏喻義既駐軍銅關據險設卡召集清民團令其協力謀之逆目譚富於十一月初八九等日糾集桐廬浦江各逆疊次來犯均經我軍擊退擒斬頗多民團之氣亦振城中被脅難民時謂賊動靜語營密告魏喻義得以先事制之賊恃其眾不介意也十一日譚逆傳偽令將於十三日傾巢來撲銅關營壘魏喻義聞之十二日已刻率所部掩旗息鼓赴洋溪二鼓潛趨鐘嶺脚分路設伏布置甫定少頃先鋒悍賊五百餘行過伏前伏軍驟起四面圍殺無一脫者後隊

初編卷五

平

萬餘見前賊破鐵營京同城魏喻義令揚旗發號佯退洋溪以弛其備十三日晡間魏喻義令諸營各昇攻具以備登城令所造礮船直下南門大河斷其水道馬隊由北路繞過東門斷其下竄桐廬之路飭我軍開礮即奮勇奔登魏喻義督率親兵於夜半時潛抵西北兩門擊立雲梯號礮營前營藍翎同知銜通判李昌彩藍翎千總李光彩藍翎守備劉華汜左營花翎遊擊銜都司黃占庵外委楊信誠軍功雷繼表邱奪才中營花翎遊擊銜都司魏光諒花翎都司周世運藍翎守備王宗高

軍功駱輝能蕭孝前郭玉發石營花翎都司魏發沅藍翎千總胡世忠藍翎把總魏名璋軍功李玉春後營花翎恭將銜遊擊許成化軍功李得勝鳳冠林等首先登城各勇一擁齊上殺斃巡夜守城之賊百餘正欲下攻城內悍賊分段擁上洋鎗如雨我軍奮威衝殺火毬火彈連環拋擲自亥至丑鏖戰三時之久殺賊二千餘人賊屍紛紛下降城上肅清始令下城巷戰賊愈集愈多我軍愈戰愈勇轉戰至前門大街各營畢集斃賊不知其數餘賊數千望東南狂竄城門鍵閉牢固猝不及

初編卷五

三

啟其逼由城壕躍下墜死者亦約百餘其河下賊船經五品軍功李本鴻督帶敵船搶下蘭谿港口轟擊焚燬殆盡見水各匪率皆淹斃越城脫者沿河既被炮轟至東路又被花翎都司銜守備林德元藍翎守備魏光翰率馬隊追殺千餘時已響晨各路團丁畢集零匪無路可遁殺過仍回東門城下拋置器械伏地投誠十四日已刻收隊本地難民及投誠餘黨數百概令薙髮分別安撫遣散嚴州府城立即克復計共殺賊萬餘焚溺無數焚燒賊船二百餘隻搜獲偽印二百九十三顆奪

賊馬二百餘匹偽文旗幟軍械無算至偽朝將譚富足否死於亂及死於焚溺無從查確惟驗所獲畫龍大纛及黃緞繡龍袍靴黃緞龍帽各件則皆偽賊物也官軍陣亡十八名受傷者一百七十五名是役仰仗皇上福威克復名城羣巢掃穴擒斬極多實非始願所及花翎副選知府魏喻義檣前廉謹平時治軍嚴肅每戰身先士卒能以寡勝眾實屬文職中兼通方畧之員合無仰懇

初編卷五

三

皇上天恩以道員留於浙江補用並賞加勇號以勵戎行同知銜藍翎副判李昌彩請以同知留浙儘先補用並請賞換花翎花翎恭將銜遊擊許成化請以副將留浙補用花翎遊擊銜都司黃占倫魏光讚請以恭將留浙補用花翎都司周世選魏發沅請以遊擊留浙補用並賞加恭將銜花翎都司銜守備林德元請以都司留浙補用並賞加遊擊銜藍翎守備魏光翰劉華汜王宗高均請以都司留浙補用並

賞換花翎藍翎千總李光彩胡世忠均請以守備補用

並

賞加都司銜藍翎把總魏名璋五品軍功李本鴻均請以守備補用外委楊信成軍功雷繼裘邱奪才駱輝能

難孝前郭玉發李玉春李得勝鳳冠林均請以千總拔補並

賞戴藍翎其餘在事出力弁兵紳勇可否由部核明保獎之處出自

初編卷五

三

土兩江督臣曾國藩閩浙督臣耆齡恭摺奏報伏乞

皇上聖鑒訓示施行謹

奏 同治元年十一月廿三日

議政王軍機大臣奉

旨另有旨欽此

同治元年十二月初八日內閣奉

上諭左宗棠奏官軍攻克嚴州府城一摺浙江遊擊守嚴州府城查次糾黨出擾均經官軍擊退十一月十二日知府魏倫義偵知賊欲傾巢出犯先令官軍設伏

以待是晚該遊擊率隊與賊鏖戰地方伏兵齊起四面圍殺賊五百餘名無一脫者後隊驚竄回城十三日

夜半魏倫義親率諸軍潛抵郡城西北兩門豎立雲梯

通判李昌彩等首先登城官兵一擁齊上殺斃守城之

賊百餘城內悍賊分段擁上洋鎗如雨官兵奮勇衝殺

拋擲火球火彈鏖戰三時之久殺賊二千餘人旋復下

城巷帶斃賊不知其數餘賊望東南狂竄城門猝不及

起山城墜躍下墜死者約百餘名其河下賊船撞破船

轟擊焚毀將盡越城脫者復被馬隊追斬千餘名殘匪

初編卷五

三

無路可遁棄械投誠立將嚴州府城克復共計殺賊萬

餘焚溺無數焚燬賊船二百餘隻捷獲條印二百九十

三顆奪獲馬匹旗械無算剿辦甚屬得手所有尤為出

力之知府魏倫義著以道員留於浙江補用並賞加振

勇巴圖魯名號通判李昌彩著以同知留於浙江儘先

補用並賞換花翎遊擊許成化著以副將留於浙江補

用都司黃占龍魏光讚均著以參將留於浙江補用周

世運魏發元均著以遊擊留於浙江補用並賞加參將

銜守備林德元著以都司留於浙江補用並賞加遊擊

銜魏光翰劉華祀王宗高均著以都司留於浙江補用  
並賞換花翎千總李光彩胡世忠均著以守備補用並  
賞加都司銜把總魏明璋軍功李本鴻均著以守備補  
用外委陽信成軍功雷繼裘邱秀才駱輝能蕭孝前郭  
五發李玉春李得勝鳳冠林均著以千總拔補並賞戴  
藍翎其餘出力弁兵紳勇著准其擇尤保奏陣亡弁兵  
並著查明請卹該部知道欽此

附陳賊情并監放炸礮片

再甯波中外各軍會克上虞後新昌嵊縣之賊均竄諸

初編卷五

五

暨其東陽義烏之賊均紛紛西竄據金華神團探報  
賊屬聚金華屯紮數十里不知其數意在援救湯溪諸  
游然徘徊不敢遽進龍湯兩城之賊揚言逆首李世賢  
已至徽州紛諸賊固城實則核濟已斷外援不來諸賊  
亦自相猜貳屢據賊中逃出賊目及搜獲偽文所言窘  
蹙情形相同其偶爾衝出零星小股均經各營隨時擊  
退每次擒斬數十百名然賊壘極堅攻撲多傷精銳一  
時未能述下 臣聞江西所存五千斤木壳銅心大礮能  
發三十七八斤重炸彈其製與洋人落地開花礮略同

臣於調取到時兩次親自監放並籌議規測馳先發之  
六顆均近城而墜次將礮擊移近隙間有先炸數顆外  
餘均墜入城中始行炸裂雖坍房屋炸斃逆賊料亦不  
少然賊之穩踞尚如故可見西洋所恃為利器者亦祇  
能驚可動之眾無備之城無他謬巧也現在嚴郡既克  
金華石管已斷如能速克蘭溪則嚴州之水運通金華  
孤而杭州亦震龍湯兩城之克亦當不遠 臣惟有盡瘁  
圖之不敢稍有懈忽至 臣軍自夏徂秋為疾疫所若弁  
勇故者至四千餘之多入冬以來漸次痊可前此欽奉

初編卷五

五

恩諭垂詢及之 臣比恭錄行知並傳各營官稍官剴切  
宣示諸將士亦知感荷

皇仁雖缺餉七八箇月之久未忍言去即病弱稍能起  
立者亦未忍求假 臣賞其誠而亦未嘗不憐其苦也所  
有龍湯蘭各賊情形應俟續報以慰

蒸履理合附片陳明伏乞

聖鑒謹

奏 同治元年十月廿三日

議政王軍機大臣奉



旨另有旨欽此

請將知府留浙補用片

再分發湖南候補知府劉汝璆籍隸江西十年九月請

咨赴部道過杭州經前撫臣王有齡奏留奉

硃批著照所請軍務稍平即給咨赴部不准奏留欽此

查浙江現在府縣之員臣所奏調各員尙多未到日下

差委需人該員劉汝璆人尙樸實浙兩年前於地方情

形頗為熟悉亦並無失守查辦處分可否仰懇

天恩將該員仍留浙江補用俟軍務稍平給咨送部引

初編卷五

五

見之處出自

聖裁伏候

訓示施行謹

奏 同治元年十一月廿三日

議政王軍機大臣奉

旨著照所請該部知道欽此

請飭部續發米捐執照片

再臣軍所部二萬七千餘人現在的餉銀僅敷發至本年

四月欠發已近八箇月且下造員向楚添募勇丁長夫

又在溫台兩府挑選壯健勇丁來營補充病故病弱空  
缺請飭日禁各省每月協餉均難如數解濟臣前請奏  
開米捐蒙

准飭部頒發各項空照臣接收後分途勸辦頗有成數

尙未取齊而存照業已無多合無仰懇

天恩飭部再配發各項執照共一萬張交臣照辦於軍

精不無稍補又本年五月接准咸豐十一年十一月初

六日由部頒發空照三千四百張內收戶部貢照二百

七十張其國子監貢照二百七十張未准配發又續接

初編卷五

五

准十一年十二月二十日由國子監發空照二千二百

三十四張其戶部頒發各項空照二千四百張內只有

監照七百張短配發監照一千五百三十四張又奏准

米捐案內於閏八月初六日由部頒發各項執照五千

張內收貢照五百張監照二千張其國子監貢照五百

張監照二千張未准回發以上三起貢監各照業經

咨催未准補發請一併

飭部迅速補頒由驛飛遞前來以憑搭配勸捐莫可稍

濟饑甯伏乞

皇上聖鑒施行謹

奏 同治元年十一月廿三日

議政王軍機大臣奉

旨另有旨欽此

同治元年十二月初八日內閣奉

上諭左宗棠奏請飭部續行配發執照並從前未發貢監各照迅速補頒等語浙江軍營需餉孔亟前經左宗棠奏開米捐由部頒發執照分途勸辦現已著有成效著戶部再行配發各項執照壹萬張迅即遞交左宗棠

初編卷五

五

軍營以濟軍情至上年十一月國子監短發貢照二百七十張十二月戶部短發監照一千五百三十四張又本年閏八月國子監短發貢照五百張監照二千張並著該衙門迅速補行發給毋再稽延其上下次頒發部監各照因何參差未齊未能一律配發之處著該衙門一併查明辦理欽此

會銜奏官軍會剿賊之賊克復績溪等城摺

奏為官軍會剿賊之賊克復績溪祁門兩城恭摺具

奏仰祈

聖鑒事竊皖南告警 臣等調駐守遂安之布政使司銜

即選道王文瑞所部全軍於九月駐紮歙休婺三界之草市地方相機援剿業經奏明在案十月旌德告警正擬援旌而旌圍旋解時有股匪由昌化闖入徽郡地界糾合旌德股匪於前十月二十五日突陷績溪王文瑞即會同皖南鎮唐義訓援之師進臨溪二十八日王文瑞前隊遇賊生擒數十人二十九日賊復來犯擒斬百人十一月初一日官軍分三路擊賊唐義訓由左路進王文瑞由中右兩路進賊撲中路甚猛我軍奮擊斃先

初編卷五

五

鋒悍賊數十人騎馬黃衣賊口一名營官楊海泰與賊貴王明輝等怒馬陷陣賊勢稍却羅瑞山郭德馨等復從山凹橫截賊陣大亂朱連芳陳清泰葛蘭世賀章彬鍾邦林方有才等奮威衝殺中路之賊大奔唐義訓朱聚賢從左右截之各有斬獲計殺賊千餘名生擒二百餘解散千餘奪獲賊馬二十餘匹洋鎗洋炮二百餘件所械刀矛無算本擬乘勝攻城因雨收隊是夜三更城賊驚寒竄遁迨至叢山關而還沿途殺賊頗多績溪縣城於初二日卯刻收復訊據賊供賊目為巢姓洪姓陳

姓洪逆已經擊斃兇鋒大挫徽休局勢無虞王文瑞於初五日仍回草市旋報古逆率賊約萬人由旌北竄入太平縣之黃花嶺初六日王文瑞冒雨拔隊山休甯前進初七日駐師漁亭甫到即聞駐柘之良字兩營出嶺接仗主文瑞以良營兵單不守而戰殊為可慮乃星夜馳往援之行至離柘二十五里地方探報良營已被衝散賊已入城其時兵勇連日奔馳山路滑澀軍火在後地境生疏欲乘夜進攻轉恐失利仍暫回漁亭會商唐義訓合力併進臣宗棠聞柘門既失衛郡糧路被截饒

初編卷五

三

景堪虞因於無可抽換之中札調臬司劉典一軍暫罷蘭溪不攻由華埠趨婺越境助剿十九日啓行即接據稟報初九日午刻唐義訓王文瑞由漁亭進紫花橋比即挑勇數十名持火箭火彈號鼓於近城山頭施放城中賊匪大震因更後由西門逃竄柘城於初十日收復官軍分路跟追殺尾賊二三百人王文瑞以柘城雖復恐賊繞竄浮梁景鎮即派隊出桃樹店截之此際軍會剿皖南竄賊收復績柘兩城實在情形也現准江西撫臣來咨調回援浙之即選道王德榜一軍及接守遂安

同知士林一軍直趨玉山景鎮一帶防守江西兵力較前稍集遂安要地無人防守臬司劉典應即暫緩發兵之行擇駐清遂兩縣適中地方以資兼顧所有此次會克績溪並收復柘門出力弁勇可否由臣等酌核保獎之處出自

天恩伏乞

皇上聖鑒訓示謹

奏 同治元年十一月廿三日

議政王軍機大臣奉

初編卷五

三

旨另有旨欽此

議政王軍機大臣 字寄同治元年十二月初八日奉 上諭左宗棠奏官軍克復嚴州並湯溪龍游賊情請飭部再行頒發指照各摺片本日已明降諭旨將出力之魏翰義等照所請獎勵並飭部即行頒發各照矣嚴州克復殺賊逾萬餘賊膽已寒著即迅催劉典二軍趁勢規復如蘭谿可克則嚴州之水運通金華賊勢遂孤杭亦將震動剿辦更易得手龍游湯溪賊援已斷諸賊自相猜忌正可設計攻拔各處剿辦情形並著隨時

奏聞以紓南顧之憂各營自夏徂秋為疾疫所苦近雖  
痊可而缺餉數月仍能耐苦力戰覽奏實深屢念已催  
令沈葆楨晏端書迅籌撥餉接濟該撫仍即策勵諸軍  
舊勉圖功以期節節肅清同膺懋賞另摺奏浙軍會剿  
竄微之賊克復績溪祁門等語官軍克復績溪等處前  
據曾國藩奏報已將出力之王文瑞等分別獎勵其餘  
出力弁兵著曾國藩左宗棠會同查明分別酌量保奏  
石埭太平一路尚虞匪蹤竄越昨諭曾國藩嚴飭朱品  
隆等分路剿擊肅清徽境毋使已復各城再有他虞諒

初編卷五

該大臣已遵旨辦理其界連江西浙江之處並著左宗  
棠派兵會同防剿毋令闖入知府劉汝瑛已准其留浙  
補用矣將此由六百里各諭令知之欽此

請應題應咨暫緩辦理片

再浙江此次之變除現存之府廳縣外各衙門文卷冊  
籍成案檔冊一概蕩然無存幕友書吏流亡轉徙無從  
尋覓臣自蒙

恩補授巡撫以來均在行營辦事尋常例案幕友固以  
艱險之地裹足不前本衙門舊有書吏亦並無一名來

又者軍事而外一切昭例

題奏及應咨應行公牘均須一手具稿而又苦無例案  
可準即司道以下各員亦多新進不諳體式思欲一一  
遵照舊章實非此時所能驟致可否仰懇

皇上天恩垂念浙省事皆新造與各省情形不同凡照  
例應題各件及照例應咨各部公牘均暫緩辦理俟杭  
省克復再議遵照舊章以免疏悞是否有當伏候

訓示施行謹

奏 同治元年十一月廿三日

初編卷五

五

議政王軍機大臣奉

旨著照所請該部知道欽此

恪靖奏摺初編卷六目錄

圍攻龍湯兩城截勦金蘭援賊情形摺

定海兵圍會同輪船接捕海盜情形片

查明副都統關門殉難情形摺

請將陣亡參將 賜卹片

查明失事可原各員懇請免罪摺

請將殉難知縣 賜卹片

懇准已革總兵留營差遣片

連復郡縣生擒首逆摺

初編卷六目錄

請將高總兵仍留浙江軍營片

查辦浙省失事各員分別定擬摺

圍攻龍湯兩城截勦金蘭援賊情形摺

奏為官軍圍攻龍湯兩城截勦金華蘭溪援賊情形獲勝仗見籌辦理情形恭摺奏報仰祈

聖鑒事竊自官軍進攻龍游湯溪蘭溪全浙之賊亦併力西趨堅固抗拒湖紹兩郡之賊偽戴王黃呈忠偽首王范汝增偽梯王練業坤各率其黨麇聚金華自賊西至甯坊開化村白龍橋一帶連營數十里其新昌嵒縣諸暨浦江各縣之賊與蘭溪踞匪譚星合勢自縣北將軍嚴大慈嚴南至溪西一帶亦連營數十里意在急解

初編卷六

兩城之圍而城賊及附城各壘之賊固匿不出雖時出零賊潛赴各村往來掠食思以窺探援賊消息然見官軍至輒縮退城壘施放槍礮十一月十三二十三二十四及十二月初十等日龍游各營截擊城壘潛出之賊約共斃賊數百名而已其蔣益澧圍湯溪一軍十一月二十二日會督臣所派康國器各營迎勦逆首范汝增練業坤於白龍橋殺賊約一千餘名生擒百餘名奪獲賊馬二十六匹旗幟無算二十四日湯溪城賊知援賊且至兩次出城撲我營壘均經副將熊建益擊退是日

蘭溪之賊亦渡河而來蔣益澧派隊擊之陣斬逆賊二百餘名生擒十七名二十六日蔣益澧劉典康國器分攻醴坊援賊陣斬數百名十二月初八日蔣益澧因所關地道無成憤攻湯溪賊壘竟日斃賊約數百名而副將何萬華守備賀啟泰日險登壘中噉陣亡勇士之亡傷者又三百餘人壘仍未破也十四日蔣益澧劉典康國器會勦援賊於開化村亦斃賊數百而蔣益澧所部遊擊彭承壽復以征攻賊壘中破陣亡此蔣益澧一軍戰事情形也其劉典一軍除會勦金華援賊外十一月

初編卷六

二

二十五日會蔣益澧所部擊逆首譚星於羅埠附近地方殲斃悍賊六七百名生擒三十名是役幾生獲譚星因賊之洋槍隊蜂擁護之該逆易馬而遁僅奪其馬二十六日魏喻義潛搗蘭溪北境將軍嚴之賊焚賊七營獲賊三百餘名十二月初十日同知劉璈率所部三百人會署蘭溪縣知縣江紹華夜攻溪西賊壘中伏而敗遊擊銜都司李錦棠守備賀秩成譚永和把總劉德明侯忠信且堵且衝力戰陣亡勇丁團丁之亡傷者百六十餘人然賊中巨首孟姓當經官軍陣斬其悍賊之經

官軍擒斬者亦二百餘名副將黃有功復於收隊時悉力勦逆斃騎馬賊目三名陣斬悍賊百餘名死傷之亦略相當矣劉典料賊必由西路上犯約蔣益澧派隊助勦十一日夜帶所部伏馬公嘴近村以待次日賊果蜂擁而至劉典俟其深入始斜出抄之四面縱擊斃賊七八百名內有譚逆之姪譚榮生擒百餘名獲馬十餘匹二十一日夜劉典率水陸各營進攻蘭溪城壘賊仍固圍不出僅斃其放哨之賊數十奪賊船八隻而還賊目張成功乘間率其黨五百餘詣蔣益澧軍前乞降

初編卷六

三

此劉典一軍戰事情形也見在龍湯兩城之賊窘感益甚雖各路援賊大至均因官軍處處阻截未能會合米糧子藥接濟早斷勢難久存惟局勢有不容不慮者賊勢西趨雖圖解龍湯兩城之圍然其詭計則似恐官軍由西而東日進日逼妄思乘間西竄爲出死入生之謀見在甯波官軍漸逼曹娥江距紹興府城僅五十里而首賊梯三逆未嘗回顧是賊之注意西竄亦可驟見且軍以江皖爲後路蘭溪之賊可由壽昌間道出常山而入江亦可由遂安而入皖金華之賊可由松陽遂昌出

山以入江亦可由龍泉以入閩此數縣者皆斷難任其侵軼惟有勉力圖維隨時咨商閩浙督臣江西撫臣力保完善之區以制方張之寇斷不敢稍有疏懈致誤戎機留有戰事實任情形及豫籌辦理大槩謹會同協辦大學士兩江總督臣曾國藩閩浙總督臣耆齡恭摺具奏伏乞

皇上聖鑒訓示謹

奏同治元年十二月二十八日

議政王軍機大臣奉

初編卷六

四

旨另有旨欽此

定海兵團會同輪船接捕海盜情形片

再甯波府定海廳洋面遼闊島嶼紛岐素為盜賊出沒之所本年夏秋間廣東盜船蟻聚該廳岑港洋面伺劫商賈意在久踞聞八月二十四日花旗國副將法爾師德輪船到定海時署定海同知劉國觀及團紳林正盛陳裕權等與法爾師德商添雇輪船四隻會同官兵民團合勒二十六日護定海總兵印務鎮海營參將袁君榮署定海廳劉國觀率民團同法爾師德等擊賊於

岑港破之賊之逃匿海界者經民團擒斬殆盡共獲盜匪七百餘名兵勇陣亡五名團勇陣亡四十一名連日接捕洋面安靜商民稱快此次勦捕洋盜弁勇民團尚為出力可否擇尤酌保數名之處出自

聖裁所有定海兵團會同花旗國輪船接捕海盜情形理合附片陳奏伏乞

皇上聖鑒訓示謹

奏同治元年十二月二十八日

議政王軍機大臣奉

初編卷六

五

旨另有旨欽此

議政王軍機大臣 字寄同治二年正月十三日奉

上諭左宗棠奏官軍圍攻龍游湯溪兩城截斷金華蘭溪接賊營獲勝仗具籌辦情形一摺官軍進攻龍游湯溪全浙之賊亦併力西趨堅固抗拒湖紹兩郡賊首偽效王等各率其黨圍聚金華城外連營數十里新昌等處之賊與蘭溪匪譚星合勢亦連營數十里十一月十三至十二月初十等日龍游各營截擊出城之賊約幾數百名將金華圍湯溪等軍自十一月二十二日

至十二月二十一日一月之中盛有新復官軍因攻壘未下亦有傷亡向未能十分得手見在龍湯之賊接濟已斷勢難久存著左宗棠督飭將益澧劉典等軍乘勝攻拔無稍鬆勁該逆等注意西竄欲抄官軍後路不可不嚴為防範常山江山等處路路可通著即飛飭閩浙總督江西巡撫一體派兵嚴防左宗棠亦應豫為部勒於賊竄江皖道路嚴密布置毋任乘間竄突甯波官軍漸信曹娥江距紹興府城僅五十里如漸信漸緊該逆等亦未必不分兵回援該撫務當激勵中外各軍實力

初編卷六

六

進初以牽賊勢近日軍情仍著隨時稟奏以慰慮外另片奏定海總洋面盜船蟻聚上年閏八月間署同知劉國觀等與花旗國副將法爾師德籌商添雇輪船會同鑄盜七百餘名請將出力擇保數員等語定海兵團會同花旗國輪船接捕海盜倘屬認真若准其擇尤酌保數員以示鼓勵前據李鴻章等奉英國提派自齊文法思爾德會帶常勝軍法思爾德見往甯波防勦等語是否即法爾師德該國副將見在何處防勦能否得力並著左宗棠查明具奏已故副都統傑純知縣吳保豐已

照左宗棠所請明降諭旨分別賜卹建祠已革總兵羅大春已革知縣許瑋光等亦俱降旨准其留營效力矣將此由五百里諭令知之欽此

初編卷六

七



查明副都統關門殉難情形摺  
奏為遵

旨查明乍浦副都統在杭城陣亡關門殉難情形懇  
恩賜卹恭摺仰祈

聖鑒事竊本年三月二十七日奉

上諭薛煥奏訪聞杭城殉難各員情形等語副都統傑  
純確已死難屍骸均無可查各情薛煥是否所聞確實  
著交左宗棠詳細查明迅速分別請卹等因欽此臣聞  
傑純為人忠直壯烈出於性生前咸豐十年三月杭城

初編卷六

本

已陷旋即克復實傑純力戰之功其時傑純長子滿蘇  
鏗死於陣而傑純未嘗回顧也解嚴後日以練兵習戰  
為事六月十月兩次力捍危城厥功亦偉十一年九月  
大股逆賊復圍杭城紹興又陷糧乏援絕至十一月二  
十八日省城失守十二月初二日未刻駐防之城始隨  
之而陷昨嚴郡克復後杭城避難上民有陸續逃來者  
臣莫詳加訪問據稱十一年九月廿四日城外岳墳之  
戰一十六等日城外六橋之戰十一月初二日鳳山  
門之戰皆傑純血戰之功其時外間傳聞杭城屢獲勝

似者以此而六橋之戰斃賊尤多一十八日辰刻杭城  
陷時傑純退守內城已知事無可為猶縱橫血戰不已  
迨十二月初一日未刻內城陷傑純始磨其次子固魯  
經出城自與賊巷戰於北市營左肩右骸均為槍礮所  
洞力竭捐軀固室舉火自焚據固魯經所稟伊父傑純  
殉難情形與臣所聞相符臣痛其死事之狀與疊次血  
戰之功當時未得詳請奏請深恐史臣無從紀述或致  
忠烈之實掩抑不彰謹據實稟陳伏懇

皇上天恩將杭州殉難乍浦副都統傑純

初編卷六

九

飭部照都統例從優議卹

予諡並宣付史館詳摺事實立傳表揚以昭忠節傑純  
屢次力捍杭城士民言之猶有餘痛應請

旨准其於杭州乍浦建立專祠以順輿情其長子前次  
殉節之滿蘇鏗及此次同殉之子婦鈕呼嚕氏赫舍哩  
氏孫男六品藍翎匠役崇翰步甲崇勳再勝孫女庚姑  
辰姑僕洪邦興僕婦吳氏王氏楊氏婢女增祿桂香等  
共十三人可否懇

恩議卹共附入傑純專祠之處伏候

聖裁其次子固魯鏗係江蘇補用直隸州知州聞見赴京師可否交部帶領引

見出月

天恩所有查明副都統傑純在杭州陣亡暨闔門殉難請

旨賜卹各緣由恭摺具奏伏乞

皇上聖鑒施行謹

奏同治元年十二月二十八日

議政王軍機大臣奉

初編卷六

十

旨另有旨欽此

同治二年正月十三日內閣奉

上諭左宗棠奏遵旨查明副都統陣亡並闔門殉難情

形懇恩賜卹一摺乍浦副都統傑純於咸豐十年三月

浙江杭州省城失陷後殺賊血戰伊長子訥蘇鏗死於

陣前數日內省城藉以克復解嚴後日以練兵習戰為

事六月十月兩次力保危城十一年九月以來岳墳六

橋鳳山門等處之戰疊獲勝仗皆該副都統血戰之功

十一月二十八日因糧盡援絕杭城復陷傑純猶復退

守內城縱橫血戰迨內城又陷復與賊巷戰於花市營

力竭捐軀並闔室舉火自焚一門忠烈可嘉可憫傑純

著加恩照都統例從優議卹准其予諡並將死事情形

宣付史館於杭州乍浦建立專祠伊長子訥蘇鏗子婦

鈕呼魯氏赫舍哩氏孫六品藍翎匠役崇綸步甲崇助

再勝孫女庚姑辰姑僕洪邦興僕婦吳氏王氏楊氏婢

女增祿桂香均著分別旌卹並附入傑純專祠伊次子

江蘇補用直隸州知州固魯鏗著該部帶領引見以示

篤念忠藎至意欽此

初編卷六

十一

將陣亡參將

賜卹片

再臣軍見進壽昌蘭溪延訪士民從前軍務得失據蘭

溪紳士僉稱上年四月初間壽昌失守時前撫臣王有

齡派參將王浮龍帶奮武軍一千名赴蘭溪防堵仍歸

張玉良節制張玉良將該參將之兵分為三起以三百

守蘭城以三百守界址嶺止留四百名交王浮龍帶駐

小丁嶺以扼壽昌之衝至二十三日蘭溪失守張玉良

之兵失退嚴州王浮龍腹背受敵仍率數百人會同團

練慶戰於小丁嶺屢次殺賊至五月初五日賊眾盡聚

勇團俱潰王浮龍猶縱橫血戰不退一步卒以眾寡不敵力竭捐軀其時蘭溪河西百姓全未遷移幸王浮龍以孤軍捍禦十餘日之久居民奔避他鄉不死於賊手上年蘭溪團練與張玉良其勇構釁自相戕殺惟王浮龍所部獨與百姓相安百姓見其號衣腰牌無不互相救護其感人之深又如此惜其先未能以專任而盡其長繼以分兵而孤其勢卒致身殉為可哀也其死事情形前撫臣未及奏報孤忠偉節掩抑堪傷查該參將王浮龍係直隸宣化府人由武進士出身曾以援剿甯國

初編卷六

三

衢州屢著戰績擢至參將應懇

天恩准將參將王浮龍照參將陣亡例

賜卹以慰忠魂是否有當伏乞

聖鑒訓示施行謹

奏 同治元年十二月二十八日

議政主軍機大臣奉

旨王浮龍著照參將陣亡例交部議卹欽此

查明失事可原各員懇請免罪摺

奏為查辦失事守土人員擬將官聲素好情節可原各

員開單請

旨仰祈

聖鑒事竊浙省自咸豐十年十一年以來羣賊蟻聚各州縣紛紛告陷失事各地方官疊奉

諭旨嚴行查辦臣入浙以來細心訪察凡失事各員委

員行營擬逐一查訊分別定擬斷不任其巧為趨避復

查咸豐六年二月欽奉

初編卷六

三

上諭嗣後失守城池各員仍著照本例定擬罪名必實

係遇賊接仗身受重傷或真能督率兵勇隨同克復城

池情節實有可原者方准奏明請

旨等因欽此十一年十月奉

上諭嗣後各路統兵大臣各直省督撫於地方失守人

員均著照例核辦非素得民心及實能奮勇殺賊者槩

不准率請留營效力等因欽此此次浙江失事人員其

聞警先逃棄城不守者自當嚴為發辦以昭警戒惟是

浙江各郡縣多遭淹陷守土各員亦實有官聲素好

禦賊受傷及刑任未久隨同克復地方情節可原者若  
駁予嚴議既無以昭明罰勅法之公而人才實難亦無  
以收宥過策功之效况新復之地在在需材得一熟習  
地利民情之員以供差委較之新進者尤為有益謹擬  
於失事各州縣中擇其情節尤有可原者五員詳陳事  
實繕具清單可否仰懇  
皇上天恩准將開單各員革職免其治罪留營差委之  
處出自  
鴻施理合恭摺具奏伏乞

初編卷六

丙

皇上聖鑒訓示謹

奏同治九年十二月二十八日

謹將查明失守各員內情節可原各街名事由繕具清  
單恭呈  
御覽

補用知府候補同知署諸暨縣事甯海縣知縣許瑤光  
查該員在浙多年歷任均著賢聲上年在諸暨任內九  
月初五日賊由甯江竄撲縣城該員帶團守城二十餘  
日屢獲勝仗旋因賊繞越諸暨突陷蕭山官兵退保杭

州賊復分股回撲諸暨二十六日城陷該員帶勇巷戰  
頭額頂共受重傷七處百姓搶護得生臣稔其賢調  
赴營中醫治驗視傷痕宛然見在軍中幫辦營務  
代理海甯州事海甯州判宋昭綸

查該州於上年杭省被陷之後八日猶力守孤城以待  
援師卒以力竭被賊於十二月初五日攻陷該員左肩  
及腰肋均被鎗矛中傷登時暈絕賊棄擲城外百姓昇  
歸將養得該員平日官聲素好其由州判代理海甯  
州事亦由士民稟保所致

初編卷六

亥

奉化縣知縣徐傳冕

查該員由部選到浙於上年十月十六日接印縣城即  
於二十四日失守該員到任未及十日倉卒被陷非意  
料所及人尚樸謹堪以造就見在甯波軍營  
補用同知代理平湖縣事汪元祥

查咸豐十一年三月海鹽乍浦俱失時該員力守數月  
屢挫兇鋒五月間會同江蘇之金山奉賢華亭各縣民  
團與賊打仗曾經江蘇撫臣奏報有案旋因四面皆賊  
遂致失守該員平日官聲甚好深得民心

升用同知餘姚縣知縣陶雲升

查該員平日官聲甚好人亦正派上年十月縣城失守

見在隨同收復功過尙可相抵

議政王軍機大臣奉

旨另有旨欽此

同治二年正月十三日內閣奉

上諭左宗棠查明失守城池之情節可原各員開單懇

請以罪留營一摺咸豐十年十一年間賊匪竄擾浙省

畧諸暨縣知縣許瑤光等失陷各城例有應得之罪惟

初編卷六

六

據該撫聲稱各該員或到任未及數日倉卒被陷或不

日官聲素好臨時殺賊受傷或事後隨同收復城池雖

罪有應得而情尙可原與間營先逃棄城不守者究屬

有開所有單開之補用知府候補同知署諸暨縣甯海

縣知縣許瑤光代理海甯州知州海甯州州判宋昭綸

奉化縣知縣徐傳冕補用同知代理平湖縣知縣江元

祥升用同知餘姚縣知縣陶雲升均著革職免其治罪

准其留營差委該部知道單併發欽此

請將殉難知縣

賜卹片

再署仁和縣知縣吳保豐係河南開封府祥符縣舉人

分發到浙十年十月署仁和縣事十一年九月杭省被

圍該員隨同守城十一月二十八日城陷時該員衣冠

乘馬與賊巷戰在板兒巷地方中鎗墜馬罵賊不屈遇

害家丁李升潛為收葬乘間逃出在福建呈報經福建

撫臣轉咨前來臣訪悉該員平日居官廉謹死事最烈

仰懇

天恩准將知州銜署仁和縣知縣吳保豐照知州例俯

准賜卹入祀杭州昭忠祠以慰忠魂伏乞

初編卷六

七

聖鑒施行謹

奏同治元年十二月廿八日

議政王軍機大臣奉

旨另有旨欽此

同治二年正月十三日內閣奉

上諭左宗棠奏請將殉難知縣賜卹等語浙江署仁和

縣知縣吳保豐十一年間杭州省城被圍時隨同守城

城陷後與賊巷戰中鎗墜馬罵賊不屈遇害殊堪憫惻

知州銜署仁和縣知縣吳保豐著照知州例交部議卹

並准其入祀杭州昭忠祠以慰忠魂該部知道欽此

總准已革總兵留營差遣片

再已革記名總兵羅大春上年杭城失陷奉

旨革職交臣提訊該革員於今年二月到衙業經具

奏在案伏查該革員於道光廿九年隨征粵西疊次打

仗出力府擢總兵上年六月克復嚴州戰功亦著繼因

各軍潰退該革員固守嚴州八十餘日糧盡被陷始率

所部進援杭州並掃城事急總兵文榜受傷上年十

一月廿六日前撫臣始檄該革員接統其軍時距杭城

初編卷六

七

之陷僅二日耳以爲法受過而論固屬法無可寬以原

情定制而言實則情有可恕昨據嚴州士民稟請該革

員留帶團練臣察其情詞極爲真切查該革員年青力

壯膽技尙優若遂照例擬以發遣甚屬可惜可否仰懇

天恩准將已革總兵羅大春暫行留營差遣由臣隨時

訓督以觀其能如所不知愧厲自當

素請從重治罪斷不敢稍事姑容自蹈欺罔之咎理合

附片具陳伏乞

聖鑒訓示施行謹

奏同日元年十二月廿八日

議政王軍機大臣奉

旨另有旨欽此

同治二年正月十三日內閣奉

上諭前因杭州失陷當經降旨將守城總兵羅大春革

職交左宗棠提訊茲據奏稱該革員於道光年間隨征

粵西打仗出力上年克復嚴州戰功亦著迨嚴州以糧

盡被陷經前任浙江巡撫調援杭州接統况文榜之重

該革員到杭城時距城陷僅止數日一切不及布置情

初編卷六

七

有可原業經該撫查明並據嚴州士民稟請留帶團練

懇暫留營差遣各等語已革總兵羅大春著加恩准其

暫留左宗棠軍營差遣以觀後效倘再不知愧奮即著

嚴參從重治罪欽此

逆後郡縣生擒首逆摺

奏為官軍連克馮溪龍游蘭溪縣城金華府城生擒首逆恭摺仰祈

聖鑒事竊湯溪踞逆經官軍逼圍日久窘蹙益甚蔣益澧於城外加掘重濠疊次擊敗金華援賊時復射示城中曉以禍福賊目偽胡將彭萬蘭遂於正月初九日遣人請蔣益澧軍前乞降蔣益澧隨令副將劉樹元守備徐文秀軍功李世祥等至城邊與之約彭萬蘭於初十日亥刻甫將偽忠神天將李尙揚偽瀛天義張公慶

初編卷六

三

喻天義劉明榮慈天義李加斌等賊目八名誘至濠邊劉樹元徐文秀等出其不意擒解回營蔣益澧見巨寇就縛比夜飛飭各營分攻城壘自率親兵於西門策應并約督臣所派助剿之道銜知府康國器率閩軍攻南門彭萬蘭見官軍大至疾趨西門徐文秀四馬衝入劉清亮曹魁甲周廷瑞賀國輝王東林率所部繼之槍賊齊施刀矛並舉該逆無路奔逃併力巷戰約一時許斃賊三千餘名適余朝貴丁賢發亦率所部梯城而入遇賊即殺又斃賊二千餘名城內各處火起賊屍枕藉號

吳聲聞數里各悍賊奪門出走自相蹂藉死者不知其數聞有跳越重濠者經高連陞謝永祐楊道洽各率所部截殺康國器復督越軍於南門擊之又斃賊四千餘而城中之賊盡矣其東門壘中之賊見城破火起即棄壘驚竄亦被高連陞等分投擊殺淨盡登將城壘攻克時已天明蔣益澧飭高連陞熊建益即率各營乘勝進擊援賊逆首偽戴王黃呈忠偽首王范汝增偽梯王練崇坤等正思逃竄見官軍大隊擁至紛向白龍橋金華府一帶狂奔高連陞熊建益督各營乘勢掩殺斃賊二

初編卷六

三

千餘名接斬各村餘逆數百名自臨坊開化村至白龍橋等處賊壘數十座一律焚毀奪獲輜重器械軍火馬匹偽印不計其數此十一日克復湯溪縣城首逆就擒並追勦援賊大獲全勝之實在情形也龍游踞逆負隅不出已久官軍大小槍礮備極晝夜不息仍忍飢頑踞如故除夕四更微雨初止有賊數千突出撲東門官軍噴筒火箭近射營壘劉培元飭官兵憑壘轟擊斃賊約數百名侵曉仍遁伏舊巢元日馬德順率馬隊巡哨至城東南五峰廟殺掠食之賊數十生擒二十八名以歸

嗣是駐營湖鎮之崔大光駐營張家埠之劉光明余萃  
隆等皆有擒斬難民之藉挑食野菜逃出者日以數  
十計也知城賊將遁矣初九日江西撫臣所派助勦之  
道員王德榜憤請率所部再於城南移築三小壘偪之  
臣會商劉培元並飭各營列隊以待賊意官軍盡趨東  
南忽出悍黨千餘撲西路營壘參將余佩玉督新練溫  
州勇丁奮擊斃賊約數百名劉明燈張人和劉明珍亦  
率所部衝殺賊入城官軍於其入城之時開放劈山  
礮轟斃紅衣騎馬賊目數名是夜城中賊自相鬪人

初編卷六

三

聲鼎沸初十一兩日城賊昇其輜重出屯城外壘中  
諸營皆知其竄必速調察益嚴臣復射示城中諭以湯  
溪已克李尙揚已擒之故十二日酉刻賊乘月色朋澈  
居然啓東門向湯溪大路竄赴金華蓋猶不信湯溪之  
已克也臣與劉培元先已派定水陸馬步各營分路截  
擊並飛飭蔣益澧康國器等整兵以待是時劉培元王  
德榜陳希祥賴錫光劉榮合毛正道賴長等各率所部  
入城壘將餘逆勦盡一面整隊跟追城中賊目羅天燕  
張可成蔡廣元率黨千餘款營乞降楊和貴受之仍派

隊追剿賊之前隊竄及張家埠劉光明李世顏橫出截  
之水師礮聲震城迅竄湖鎮崔大光余萃隆橫出擊  
之劉培元復督所部劉明珍梁雲山黃本富及鍾南英  
劉明燈楊和貴張人和簡桂林各營與馬德順馬隊繼  
之楊昌濬虞紹南李光榮許瑤光余佩王大 臣標親兵  
營旂傍向遂昌一路搜剿而進賊且拒且走官軍或遮  
其前或躡其後或撓其旁層疊截殺自東門至湯溪一  
路中間山谷坡地賊屍駢列斃賊約近萬餘沿途棄械  
逃散及難民乘機逃去者不知其數陣斬首逆陳廷香

初編卷六

三

李國羣獲其偽印偽令與其眷屬是夜自酉刻至十三  
日卯刻追近湯溪縣城蔣益澧康國器早率所部挺矛  
以待賊至卽擊又斃數千追過湯溪大路以趨金華餘  
賊無幾高連陞熊建益是日辰刻已克復金華府城復  
派隊邀之鮮有脫者頃據劉培元馬德順鍾南英追賊  
至金華凱旋面告據生擒賊供賊曰李學金羅萬友梁  
雲摩已經高連陞擒獲臣已飭查覆若果如此則龍游  
一城五壘之賊無一漏網者矣奪獲軍械旗幟偽印馬  
匹不可數計此十二日克復龍游縣城之實在情形也



蘭溪之賊經劉典擊敗後先已分竄浦江城賊無多惟馬公嘴溪西兩堅壘負固以拒官軍聞湯溪破十二日分兩路逃走劉典飭黃少春李耀南黃有功楊芳桂率各營及羅啓勇水師會同蔣益澧所派各營追勦斬賊數百名是夜劉典復飭各營跟追三十餘里又斃賊五六百名解散者不計其數奪獲輜重軍火甚多此則十一日同時克復蘭溪縣城之實在情形也臣見三城已復正擬南取永康武義北取浦江為進搗金華之計適接蔣益澧飛檄據稱十二日高連陞熊建益督率十一

日高連陞

詔

營旗進紮白龍橋賊首黃呈忠等恐怖殊甚急思奪路他竄金華府城踞逆劉政宏見黃呈忠等遁走率黨出東門逃竄高連陞熊建益等乘勢奪門而入殺賊約二千立將府城克復金華府城最得地勢城垣堅固異常考歷代浙中兵事均以此為關鍵攻取之難十倍他郡此次乘勝而克實非愚臣意料所到此皆仰仗皇上天威諸文武將士殫忱竭力得以迅速奏功浙事轉機或在於此其李尙揚一犯自道光二十九年即入粵西會匪與賊首蕭朝貴李來芳李世賢等為死黨偽

官于忠禛天將所部老城多至十數萬巨逆李世賢赴深陽倚其固守金華為老巢密屬其以龍蘭湯三城為犄角嚴處為爪牙力抗大軍者也臣於提訊後召集各將士數其罪狀殊之人心稱快此次三日之內連克府縣四堅城在事文武均屬著有微勞布政使蔣益澧功績卓著應請

旨交部從優議敘或懇

天恩頒賞物件以示優異廣西左江鎮總兵高連陞應請以提督交軍機處記名遇缺題奏副將熊建益應請

初編卷六

聖

以總兵

記名簡放署衢州鎮總兵劉培元應請

賞給勇號並加提督銜已革按察使銜花翎副選道王

德榜應請開復革職處分留於浙江補用並

賞給該員父母二品封典道銜江西補用知府康國器

應討以道員仍歸江西儘先補用其餘在事員弁兵勇

實在出力者甚多可否由臣查明彙保出自

恩施所有克復湯溪龍游蘭溪縣城金華府城緣由謹

會同協辦大學士兩江總督臣曾國濟閩浙總督臣耆

翰恭摺馳

奏伏乞

皇上聖鑒施行謹

奏同治二年正月十五日

議政王軍機大臣奉

旨另有旨欽此

同治二年二月初一日內閣奉

上諭左宗棠奏攻克湯溪龍游蘭谿三縣及金華府城

一摺與本日耆齡所奏情形大略相同浙江金華踞逆

初編卷六

美

恃湯溪龍游蘭谿為犄角官軍圍攻湯溪疊次擊敗拔

賊逆勢窮蹙正月初十日藩司蔣益澧密約投降賊目

彭禹蘭內應將偽忠神天將李尙揚等賊目八名誘擒

旋啟四門官軍衝入該逆無路奔逃巷戰逾時先後斃

賊五千餘名其奪門越濠逃出者復經知府康國器擊

斃四千餘名城中之賊殲除殆盡當將湯溪縣城克復

城外賊壘同時攻克援賊由金華一帶狂奔總兵高連

陞等督軍乘勢掩殺斃賊二千餘名自甯坊開化村至

白龍橋等處賊壘數十座一律焚毀龍游之賊屢經官

軍擊敗初九日忽出悍賊千餘名圍撲官軍營壘參將

余佩玉等督軍奮擊斃賊數百名餘賊敗入城中十二

日賊開東門向湯溪大路竄赴金華總兵劉培元一面

攻復城池按捕餘逆賊目張可成等率黨千餘名款營

乞降一面派隊追勦竄賊沿途截殺斃賊約近萬餘名

十三日追近湯溪復經蔣益澧等擊斃數千名餘賊得

免者無幾蘭谿之賊先經臬司劉典擊敗其勢已孤十

二日分兩路逃走劉典派兵追勦先後斃賊千餘名當

將蘭谿縣城克復金華府城踞逆劉政宏見官軍進紮

初編卷六

美

白龍橋遂於十二日率黨由東門逃竄高連陞等乘勢

奪門而入殺賊二千餘名立將金華府城克復金華等

處逆賊負嵎已久此次官軍連克四城生擒首逆洵足

以寒賊膽而快人心左宗棠調度有方深堪嘉尚仍著

督飭各軍節節進勦並殲醜類浙江布政使蔣益澧戰

功卓著著賞給小卷江綢袍料一件江綢馬褂料一件

白玉翎管一枝白玉搬指一箇大荷包一對小荷包兩

箇並交部從優議敘其尤為出力之總兵高連陞著以

提督交軍機處記名遇缺題奏副將熊建益著以總兵

記名簡放署總兵劉培元著賞給銳勇巴圖魯名號並  
賞加提督銜已革按察使銜即選道王德榜著開復革  
職處分留於浙江補用並賞給該員父母二品封典知  
府康國器著以道員仍留江西儘先補用其餘在事出  
力員弁兵勇著左宗棠查明保奏耆齡另摺奏把總鄔  
勝高儘先外委周進鏐勦賊陣亡深堪憫惻著部從  
優議卹該部知道欽此

議政王軍機大臣 字奇同治二年二月初一日奉

上諭左宗棠奏攻克湯溪等縣並金華府城生擒首逆

初編卷六

奏

耆齡奏克復湯溪三縣城池各摺片湯溪龍游之賊被  
圍日久勢極窮蹙經官軍於正月十一十二兩日將該  
二縣城池先後攻克生擒首逆李尙揚等正法逆黨殲  
除無遺其蘭谿金華兩城之賊聞風畏懼棄城逃竄亦  
經官軍截殺甚多於十二日同時將城池克復覽奏具  
勝欣慰金華等府縣四城地踞上游最為扼要且為大  
股賊匪屯聚之所見已同時攻拔賊之精銳亦為官軍  
殲盡下游杭紹諸逆亦必聞而喪膽耆齡左宗棠務當  
乘此破竹之勢會督閩浙諸軍星夜進搗杭州為一鼓

殲除之計一面分軍規取永康武義以清後路並著嚴  
飭浙東兵勇迅速攻拔紹郡及所屬各縣城以期節節  
進剿為四面合圍杭城之舉毋稍延誤左宗棠所保出  
力之蔣益澧等本日明降諭旨均著照所請給予獎敘  
矣前據朱蘭奏稱包立身謝敬兩軍可與官軍犄角克  
復紹興並保舉餘姚縣生員朱榮等會經諭令左宗棠  
分別籌辦察看並將原片二件鈔閱該京卿所保尚有  
前任浙江候補同知劉書田一員見雖告病回籍而從  
前所歷諸暨等縣各任治績者何必有輿論可采著左

初編卷六

奏

宗棠一併查奏包立身所部鄉團是否業已遣散該團  
首見在避居何處其領隊之陳紹堂並餘姚紳士謝敬  
力戰情形均著左宗棠按照朱蘭原片所陳詳細查奏  
將此由六百里各諭令知之欽此

請將高總兵仍留浙江軍營片

再記名總兵高連陞向隨蔣益澧出師粵西屢立戰功  
擢保今職前恭閱邸鈔同治元年八月二十六日奉  
上諭廣西左江鎮總兵著高連陞補授欽此查高連陞  
自隨蔣益澧抵浙以來克復壽昌湯溪金華三城樸誠

奮勇實為將領中不可多得之員見值浙省軍務方殷需材孔亟應請

旨仍留浙江軍營隨同蔣益澧勦賊以資得力俟浙江全境肅清再請

旨陞見馳赴新任理合附片具陳伏乞聖鑒施行謹

奏同治二年正月十五日

議政王軍機大臣奉

旨著照所請欽此

初編卷六

三

查辦浙省失事各員分別定擬摺

奏為浙省失事應行查辦文武各員先行分別定擬具

奏仰祈

聖鑒事竊維浙省此次被擾殆遍各郡縣或被匪久踞或曾經竄擾所有失事地方各員自應一律查辦除未經投到各員容俟查明辦理外其已經來衢投到者理合先行分別定擬據代辦藩司蘇式敬臬司劉興逐一研訊取其各該員親供詳勘前來臣復細加察核謹酌其情罪重輕分別定擬開單恭呈

初編卷六

三

御覽伏候

訓示施行謹

奏同治二年正月十五日

謹將審擬失事各員罪名繕列清單恭呈

御覽

已革署杭嘉湖道劉齊昂

該革員於咸豐十一年九月接印十一月杭城失陷雖訊無帶兵專轄之責且署事未久情節尚輕惟省垣陷後展轉偷生難從未減應照已革織造恒起例請

旨發往新疆充當苦差

已革鹽運使銜記名道金華府知府王桐

該革員於咸豐十一年三月到任五月郡城失陷查金

華府城堅固易守該革員於賊未至之先到任兩月如

果守禦嚴密何至一攻即陷雖訊因存城兵勇無多復

以張玉良大橋兵潰致守城兵勇驚潰失守該革員當

時亦曾受重傷究屬罪無可道應請

旨發往新疆充當苦差

已革留浙補用副將余永椿

初編卷六

三

該革員於咸豐十一年帶勇七百名駐紮龍游縣前以

顧通衢要道龍游失守八月復調赴嚴州行至威坪被

賊包抄勇丁傷亡不少所部止贖二百餘人雖無聞警

先潰之事然打仗不力屢次挫退咎實難辭應請

旨發往軍臺效力贖罪

革職留任署於潛縣事候補知縣包容

查該縣本無城郭杭城既陷勢不能支第責重守土咎

無可辭應請

旨發往軍臺

前署安吉縣事候補知縣周冕

查該員委署在兩次失守之後又無防兵力難措禦惟

據稱失守之時係奉調進省意圖掩飾應請

旨革職發往軍臺

前署新昌縣事候補知縣楊詩益

查該縣本無防兵賊至時率團抵禦尚無棄城先走之

事惟責重守土咎無可辭應請

旨革職發往軍臺

前署甯海縣事候補知縣黎定攀

初編卷六

三

查該縣防兵本屬單薄縣城失守實因眾寡不敵所致

應請

旨革職發往軍臺

前署雲和縣事候補知縣柯沅

查該縣本無城池賊於上年三月由景甯竄至南鄉集

圍守禦致被擄入縣治應請

旨革職發往軍臺

前代理龍游縣事衢州府經歷朱毓榮

查龍游本當賊衝該員委代在失事之後城中又無官

兵駐守城池失陷情節尙輕惟備禦不嚴致以堅城資  
賊應請

旨革職發往軍臺

前署金華府事候補知府徐慮善

查該員接署金華知府已在府城失事之後其回杭州  
係奉前藩司林福祥札調在城外辦理支應於失事本  
案情節最輕惟據藩府印被搶刷雖尋獲呈繳究屬咎  
有應得應請

旨革職毋庸留營效力

初編卷六

壽

議政王軍機大臣奉

旨另有旨欽此

同治二年二月初一日內閣奉

上諭左宗棠奏浙江失事應行查辦文武各員先行分  
別定擬開單呈覽一摺浙江各府縣或被賊入踞或會  
經竄擾該地方失事各員均應一律查辦見經該撫訊  
明已革署杭嘉湖道劉齊昂雖無帶兵專轄之責惟杭  
州省城陷後展轉偷生難從末減已革金華府王桐乃  
賊匪未至之先業經到任兩月該府城堅固易守如果

布置嚴密何至一攻卽陷雖因兵單失守該員亦曾受  
重傷究屬罪無可追劉齊昂王桐均著發往新疆充當  
苦差已革副將余永椿雖無開警先逃情事惟打仗不  
力屢次挫退著發往軍臺效力贖罪革職留任署於潛  
縣知縣何容該縣本無城郭杭城既陷勢實難支節責  
重守土各無可辭著革職發往軍臺前署安吉縣知縣  
周克委署在兩次失守之後又無防兵力難堵禦至據  
稱失守之時係奉調進省實屬意圖掩飾前署新昌縣  
知縣楊詩益該縣本無防兵賦至時尙無棄城先逃之

初編卷六

壽

事前署甯海縣知縣黎定禁於縣城失守實因慮不  
敵所致前署雲和縣知縣柯沅該縣本無城池致被擱  
入前代理龍游縣知縣衢州府經歷朱毓榮委代在失  
守之後城中又無官兵駐守失陷情節尙輕惟以上五  
員均有守上之責豈可稍涉寬縱周冕楊詩益黎定黎  
柯沅朱毓榮均著革職發往軍臺前署金華府知府徐  
慮善於失事本案情節最輕惟府印被搶實屬咎有應  
得著革職毋庸留營效力該部知道單併發欽此

恪靖奏稿初編卷七目錄

奏報連復六縣布置情形摺

分別審辦龍游首逆片

瀝陳餉項支絀緣由片

請將楊知府開缺以道員用片

奏報克復郡縣城池布置情形摺

瀝陳浙省殘黎困敝情形片

浙江初次米捐援例請獎摺

請將初次米捐照常覈獎片

初編卷七目錄

陳明紹興蕭山克復詳細情形摺

查明法國參將陣亡請 卹摺

浙江甯波新關經費請作正開銷摺

甯波新關另設巡船經費請於洋稅項下開銷片

奏報連復六縣布置情形摺

奏為官軍連復武義永康東陽義烏浦江諸暨等縣城見籌布置情形恭摺馳

奏仰祈

聖鑒事竊龍游湯溪蘭谿等城經官軍攻克後金華賊與首梯戴三逆由義烏竄赴諸暨譚星率蕪谿敗賊竄赴浦江臣比飭蔣益澧分軍由武義永康義烏進剿劉典由浦江進剿合攻諸暨適據督臣調攻武義之總兵林文察署永康縣知縣程陶成馳報武義永康之賊

初編卷七

於十三日同時遁走林文察督軍追殺當復武義程陶成率團收復永康復據探報東陽義烏之賊亦聞風向諸暨一帶潰竄劉典急率各營進逼浦江該處踞逆正思逃走十八日劉璈黃少春等率所部馳至斬殺數百名追至離城五十里之白馬橋始收隊還當將縣城收復劉典即飭各營乘勢偪攻諸暨黃少春黃有功李耀南喻可宗楊芳桂率所部出牌頭以攻諸暨之南劉璈朱明亮齊蘭禮率所部由草塔以截賊出路該處民團見官軍至無不踴躍爭先願為前導廿二日四更黃少

春等督隊行至距城二十里地方出賊不意擊之擒斬數百賊敗入城官軍齊抵城下民團復於四面喊殺奮力圍攻城賊千餘驚慌無措遣人詣黃少春等軍前乞降黃少春等受之二十三日遂率官軍團勇入城當將縣城收復其投誠之賊經劉典飭令薙髮遣散歸籍見據各路稟報金華敗賊與首梯戴三逆竄赴諸暨後聞官軍將至復向義橋竄遁其意在回竄杭州可知諸暨逆匪聞已回竄紹興蓋自龍游湯溪蘭谿金華四堅城破後羣賊喪膽一聞官軍蹙蹤追至即奪路狂奔走無

丁巳年六月二

停趾惜前途無兵阻截未能聚而殲旃其粵賊譚星一股由浦江敗竄聞為李秀成之黨所阻不敢回竄杭州見已竄近桐廬臣已飭蔣益澧一軍乘勢進攻紹興劉培元率所部水師順流而下會魏喻義所部合擊桐廬之賊遇其西趨臣已移軍蘭谿俟將金華等處布置稍定即親赴嚴州調度一切其劉典一軍仍須由嚴赴徽為肅清皖南之計必俟皖南局勢漸定江皖邊圍又安然後臣軍無後路之慮方可一意進取至督臣派來援剿之康國器一軍及閩粵各軍臣已飭商督臣飭其暫

駐東陽縉雲一帶以壯蔣益澧後路聲援暫緩前進因昆當進攻紹興之際甯波之軍已早抵北官渡署總兵勒伯勒東傷後洋將買武勒繼之上年粵勇與洋兵構隙已深康國器所部多是粵勇用之紹興恐非所宜即蔣益澧進規紹郡臣亦密屬其豫飭諸將如與洋將共事惟守禮示信勿計功攘利致啟爭競之端所有連復六縣及見籌布置情形謹會同協辦大學士兩江督臣曾國藩閩浙總督臣耆齡恭摺馳奏伏乞

初編卷七

三

皇上聖鑒訓示謹

奏同治二年正月二十七日

議政王軍機大臣奉

旨另有旨欽此

同治二年二月十二日內閣奉

上諭左宗棠奏官軍連復武義永康等縣城一摺前據耆齡奏林文察等軍攻克武義永康兩縣並東陽義烏等縣賊匪被擊潰竄情形業經明降諭旨宣示茲據左宗棠奏稱官軍攻克武義永康兩城後東陽義烏之賊



聞風向諸暨一帶潰竄按察司劉典督率各營進逼浦注該處踞逆正思逃竄正月十八日劉琰等率所部馳至殺賊數百名迨至離城五十里之白馬橋始行收隊當將浦江縣城收復劉典復督飭各營乘勢進逼諸暨分道進攻該處民團踴躍前導二十二日黃少春等督隊行至距城二十里地方出賊不意擒斬數百名賊敗入城官軍民團齊抵城下奮力圍攻城內餘賊千餘人窮蹙乞降官軍於二十三日整隊入城當將諸暨縣城收復其投誠之賊經劉典飭令薙髮遣散歸籍勦辦甚

初編卷七

四

屬得手著左宗棠督飭劉典等軍迅即乘此聲威將諸暨等處逆匪悉數殲除並會合閩軍進規紹興等城以靖地方欽此  
議政王軍機大臣 字寄同治二年二月十二日奉  
上諭昨據耆齡奏報克復永康武義兩縣詳細情形當經明降諭旨宣示茲復據左宗棠奏官軍連復武義永康東陽義烏浦江諸暨等城一摺復經明發諭旨將各城收復情形宣示矣前經疊次寄諭耆齡左宗棠以浙境軍聲丕振勢成破竹即當乘勢進取紹興以復浙東

並令耆齡仍駐紮浦城以防賊復竄由皖入江西滋擾令左宗棠仍當分兵嚴州以清皖境而顧全局見在金華敗賊竄赴諸暨後聞官軍將至復向義橋遁走自係回竄杭州其諸暨逆匪已回竄紹興著左宗棠飭令蔣益澧之軍乘勢進攻痛殲醜類速復紹城粵賊譚星一股由浦江敗竄為李秀成之黨所阻不敢回杭而竄桐廬即著飭令劉培元迅率所部水師順流而下會同魏喻義所部合擊之以遏西趨左宗棠見在移軍蘭谿擬俟金華等處布置稍定即親赴嚴州調度其劉典等軍

初編卷七

五

仍須由嚴赴徽肅清皖南俾左宗棠無後顧之虞方能一意進取所論甚合機宜著即照所擬辦理昨據李鴻章等奏中外官軍進攻紹興法國兵官中槍陣亡洋將買忒勒繼之見當進攻紹興之際耆齡所派赴浙援勦之康國器一軍及閩粵各軍著即飭令暫駐東陽縉雲一帶以壯蔣益澧後路聲援傳聞紹興已有克復之信各軍均屬在事出力自可同膺懋賞又聞上年粵勇與洋兵構隙頗深自當豫為防範毋令糅雜以致別滋事端並著該督撫密飭諸將與洋兵共事總須守禮示信

勿許計功獲利致啟爭競之端且爲外國人所竊笑也  
紹城克復及籌定戰守各情仍著隨時速奏另摺奏請  
飭催各省欠餉已照所請寄諭粵等省迅籌撥解楊  
昌濬本日已照左宗棠所請明降諭旨開缺留營以道  
員補用衢州府一缺已簡放林聰彝該員前係左宗棠  
所保見在是否在籍抑在該撫軍營著左宗棠催令迅  
速赴任勿少遲延將此由六百里各諭令知之欽此

分別龍游首逆片

再龍游首逆陳廷香李國羣臣前次奏報業經官軍陣

初編卷七

六

斬項據蔣益澧將李國羣並偽唐天義萬連勝燕天安  
陳其得文軍政司洪葦義等押解前來臣詳加審訊據  
供陳廷香實經官軍在白龍橋地方殺斃該逆等逃至  
湯溪官軍前後緊逼率其死黨乘閒翻山竄逸至蘭背  
源復遇參將化儒之軍阻截因下馬投降詭稱李懷忠  
希圖免死其偽印偽令係交賊目裴天福劉洪飛帶護  
同行已經龍游追軍擒斬奪獲矣訊以賊中之事據供  
待逆李世賢因上年夏間與偽對王洪春元在浙江爭  
鬪洪逆歸訴金陵賊渠洪秀全乘侍逆同時即將其鎖

禁自上年九月以來並未接待逆偽文等語是金陵羣  
賊自相猜忌亦可概見臣查李國羣在賊中最高悍  
茲當勢窮力竭之時始乞命投降復詭易本名希圖免  
死與尋常畏罪輸誠者有閒自不便任其漏網惟連日  
接獲逆犯甚多應暫留質認俟事畢即當處以極刑用  
中  
國法其萬連勝陳其得兩犯從賊已久身面創痕宛然  
訊畢即予正法彙示理合附片聲明伏乞  
聖鑒謹

初編卷七

七

奏同治二年正月二十七日

議政王軍機大臣奉

旨知道了欽此

滙陳餉項支絀緣由片

再臣軍餉銀軍火本省無從籌措支絀情形久已仰邀  
洞鑒見因復地漸廣需兵愈多臣軍添募及臬司劉典  
所募新勇合計四千餘名轉瞬到齊庫庫早空無以爲  
計此外尚須添造戰艦雇募水師亦因經費無出暫未  
舉辦而見在各軍之餉積欠已九箇月忍飢力戰雖未

遞至譁潰而兵增餉絕大局堪虞計各省奉

旨協撥之餉自上年正月起到十二月止廣東每月十

萬兩除抵撥蔣益澧一軍行費十二萬兩僅收過釐餉

十萬兩尚欠一百零八萬兩福建自上年正月解過五

萬兩以後每月三萬兩僅收過十九萬兩尚欠十七萬

兩湖北每月一萬兩僅收過三萬三千四百兩尚欠九

萬九千六百兩除湖南江西撫臣於臣軍餉事最肯關

心解款撥項未經截算外其粵閩湖北等省積欠如此

之鉅在各該省或因動撥頻仍不無為難之處然以浙

初編卷七

八

省數之緩急懸殊相應懇

天恩飭下廣東福建湖北將軍督撫迅速籌辦大批以

資接濟如再逾延即將各該省藩司從嚴參處其湖南

江西兩省亦請

飭下以後仍須源源接濟俾得拯此飢軍感荷

鴻慈實無既極所有滙陳餉項支絀緣由謹附片具

奏伏乞

聖鑒施行謹

奏同治二年正月二十七日

議政王軍機大臣奉

旨另有旨欽此

同治二年二月十二日內閣奉

上諭左宗棠奏兵增餉絕大局堪虞各省奉撥協餉自

上年正月起到十二月止廣東每月十萬兩除抵撥蔣

益澧一軍行費十二萬兩僅收過釐餉十萬兩尚欠一百

零八萬兩福建自上年正月解過五萬兩以後每月三

萬兩僅收過十九萬兩尚欠十七萬兩湖北每月一萬

兩僅收過三萬三千四百兩尚欠九萬九千六百兩請

初編卷七

九

旨飭催等語浙省腹地漸廣需兵愈多添募新勇轉瞬

到齊軍庫早空無以為計此外尚須添造戰艦雇募水

師亦因經費無出未能舉辦且積欠各軍之餉已九箇

月時有譁潰之虞亟應速籌接濟以拯飢軍而利攻勦

著官文嚴樹森文清耆齡徐宗幹晏瑞書黃贊湯迅速

籌撥大批解赴左宗棠軍營以後仍著將各該省應撥

協餉按月報解如再遲延即由左宗棠將各該藩司從

嚴參辦浙省軍務見在極為得手儻因停兵待餉致誤

戎機恐該將軍督撫等不能當此重咎也毛鴻賓沈葆

損於浙省軍餉頗能不分畛域竭籌協濟嗣後仍著該撫等源源報解以贍軍食是為至要欽此

請將楊知府開缺以道員用片

再浙江補用同知楊昌濬向在臣軍辦理營務上年九月奉

旨簡放衢州府知府臣因軍務喫緊仍暫留營差遣未經飭赴新任見在金華克復事務倍繁而一切進止機宜及帶隊接仗非深明方略之員不足以資贊畫而利戎機該員此次克復各堅城勞績卓著可否仰懇

初編卷七

十

天恩俯准將楊昌濬開缺以道員留於浙江補用俾臣得收指臂之助如蒙

俞允衢州府缺即請另行

簡放以重職守伏乞

聖鑒施行謹

奏 同治二年正月二十七日

同治二年二月十二日內閣奉

上諭左宗棠奏請將知府開缺留營陞補等語浙江衢州府知府楊昌濬辦左宗棠營務尚屬得力著准其

開缺留營並以道員留於浙江補用欽此

初編卷七

十一

奏報克復郡縣城池布置情形摺

奏為官軍克復紹興府城桐廬縣城見籌布置情形恭摺

奏仰祈

聖鑒事竊浦江諸陸等城經劉典攻克後逆賊何文慶率黨三千餘人由紹興竄至徑撲城下適高連陞熊建等已率所部於廿三日馳抵諸暨縣城當即督隊迎擊焚賊三四百名生擒數十名餘賊仍向紹興一路逃竄廿四日各營正擬移紮城下適東陽永康敗匪萬餘又

初編卷七

七

紛紛竄至高連陞熊建益黃少春李耀南合兵縱擊大敗之殺賊近千名拔出難民數千奪獲旗幟器械無算劉典復率各營追至應店街斃賊數百名首梯賊三逆因官軍追躡其後率黨由富陽西渡人多船重沿江溺斃者不計其數將益豐正飭劉清亮率五營繼進乘勢規取紹興適接高連陞等飛稟紹興府城已於正月廿六日經署提督葉炳忠等督甯波諸軍收復城由臨浦義橋渡江而遁其桐廬地方先有賊目賴姓踞守復添紹興敗匪萬餘於沿江修築石壘勢頗猖獗廿八日劉

培元派水師副將楊政謨率舳板師船駛往下游截獲賊船一號廿九日該逆見官軍無多悉眾來撲經楊政謨督隊奮擊燒燬賊船百餘號奪獲礮船數號民船二十餘號將沿江賊壘一律焚毀斃賊數千溺斃無數餘賊悉竄伏城中是夜楊政謨會合魏喻義所部陸軍併力攻圍遂將桐廬縣城克復臣維紹郡既克浙東郡縣已一律肅清桐廬克復杭郡上游全為我有劉典一軍追賊已抵富陽縣境當杭州之西南距省城僅八十里將益豐所部高連陞熊建益等已飭由臨浦義橋蕭山

初編卷七

七

而前當杭州之南距省城亦不過百餘里若遂乘勝長驅杭州糧少城孤似亦無難速克惟粵匪譚星一股已與花旗賊合股由於潛昌化竄入皖南必將勾結太平石埭諸賊擾我後路臣前奏劉典一軍仍須由嚴越徽為肅清皖南之計者此也其偽王黃呈忠等逆聞已由富陽渡江意在與首逆李秀成合勢以犯江北查杭紹嘉湖為李秀成分地紹克杭允李逆或以此暫輟北犯之謀亦未可定臣見飭蘇益豐率所部全軍規取杭州臣所部除分駐金華外均隨臣進嚴郡而催劉典一軍

仍由諸暨浦江回嚴州以漸向皖南其劉典回湘新募之勇計此時已行過章門臣已飛飭江西廣信府暫行截留聽候劉典隨時調遣以重江西邊圍之防劉典未回嚴州之先臣見檄劉培元率所部三營前赴開化縣之馬金街會合王德榜一軍相機截剿再由臣軍分撥八營扼紮淳安縣港口茶園以遏潛逃之衝一面檄飭各營勿貪克復省城之功冒進而忘大局勿憚江皖迂阻之勞就易而昧戎機將來杭州克復皖浙肅清臣擬額懇

初編卷七

十四

天恩無論曾否克復省城總以殺賊之多寡爲勞績之高下一體錄敘以昭獎勵庶人心競奮大局易就救平臣惟當慎以圖之以求仁答

慈廩所有克復各城勞績最著之按察使劉典請

旨交部從優議敘保記名總兵副將熊建益楊政謨

總兵銜副將黃少春副將楊芳桂董有功知府朱明亮

均請

賞加勇號總兵銜副將劉清亮請交軍機處記名遇有

總兵缺出請

旨簡放副將銜參將周廷瑞請以副將留於浙江補用花翎遊擊鄧受福請以參將留於浙江補用花翎都司銜守備徐文秀請以遊擊留於浙江補用均並請

賞加勇號花翎都司李運榮請以參將補用並加副將

銜藍翎都司翁桂秋請以遊擊留於浙江補用並

賞換花翎都司銜花翎守備余朝貴請以遊擊留於浙

江補用藍翎守備賀國輝請以都司留於浙江儘先補

用並加遊擊銜

賞戴花翎五品軍功記保千總張志公請以都司儘先

初編卷七

十五

補用並加遊擊銜

賞戴花翎記保千總丁賢發王宗元請以守備儘先補

用並加都司銜

賞戴花翎五品軍功李世祥請以守備留於浙江補用

並加都司銜

賞戴花翎已革都司銜花翎守備王東林請開復原官

以都司留於浙江補用並

賞加遊擊銜知府銜候選同知陳璠請以知府留於浙

江補用並

賞加道銜同知銜湖南補知縣吳作梁請免補本班以直隸州知州仍歸湖南儘先補用並

賞加知府銜其餘出力員弁兵勇可否歸併克復金華等城案內從優保獎之處出自

天恩謹會同協辦大學士兩江總督臣曾國藩閩浙總督耆齡恭摺馳

奏伏乞

皇上聖鑒訓示施行謹

奏 同治二年二月初四日

初編卷七

去

議政王軍機大臣奉

旨另有旨欽此

懇陳浙省殘黎困敝情形片

再浙江此次之變人物彫耗田土荒蕪彌望白骨黃茅炊煙斷絕見屆春耕之期民間農器毀棄殆盡耕牛百無一存穀豆雜糧種籽無從購覓殘黎喘息僅屬者書則緣伏荒畦廢圃之間掘野菜為食夜則偃枕頽垣破壁之下就土由以眠昔時溫飽之家大半均成餓莩瘡愁至極並其樂生哀死之念而亦無之有骨肉死亡在

側相視而漠然不動其心者哀我人斯竟至於此臣於去冬曾籌補救十二條刊發各屬見復籌採買豆穀種籽購辦耕牛招集鄰省農民來浙耕墾冀將來或有生聚之望惟浙省被難地方極廣巨富紳民早已避地遠徙捐無可捐臣軍之餉積欠太久日食尙艱雖所過地方每與各統領營官哨弁共圖分食煮粥俵散錢米所獲賊中穀米亦酌量賑糶煮粥暫救目前然涓滴之施無裨大局且距新熟之期太遠災民朝不保暮難冀生全查有籍隸浙江之富紳楊坊俞斌毛象賢等十數員

初編卷七

七

身擁厚貲坐視邦族奇荒並無拯卹之意且有乘機賤置產業以自肥者為富不仁莫此為甚見飭速措巨款廣購米石運回辦賑以濟阡危而昭任卹之誼理合將地方實在困敝情形附片陳明伏乞

皇上聖鑒訓示謹

奏 同治二年二月初四日

議政王軍機大臣奉

旨另有旨欽此

同治二年二月十九日內閣奉

上諭左宗棠奏官軍克復紹興桐廬府縣城池一摺浙江自攻克浦江諸暨等城後逆匪何文慶率黨由紹興北竄諸暨縣城經高連陞等率兵馳至督隊迎擊賊眾敗遁而東陽永康等處敗匪復紛紛竄至官軍合隊縱擊殺賊甚多救出難民千餘名奪獲器械無數劉典率各營追殺賊渡江逃遁溺斃不計其數乘勢規取紹興署提督葉炳忠等已於正月二十六日督甯波諸軍將紹興府城收復敗匪萬餘與桐廬踞賊合併沿江修築石壘圖抗官軍劉培元派令副將楊政謨率師船駛往

初編卷七

六

下游賊悉眾來撲官軍奮力擊敗燒燬賊船百餘號奪獲礮船多隻沿江賊壘一律焚毀斃賊至數千餘賊竄伏城中我軍水陸併力圍攻遂將桐廬縣城克復辦理甚為得手仍著左宗棠飭令蔣益澧劉典各軍分道進攻肅掃妖氛此次出力之浙江按察使劉典著交部從優議敘副將熊建益著賞給銳勇巴圖魯名號楊政謨著賞給壯勇巴圖魯名號黃少春著賞給強勇巴圖魯名號楊芳桂著賞給勦勇巴圖魯名號黃有功著賞給振勇巴圖魯名號知府朱明亮著賞給衝勇巴圖魯名

號副將劉清亮著交軍機處記名遇有總兵缺出請旨簡放並賞給靖勇巴圖魯名號參將周延瑞著以副將留於浙江補用並賞給策勇巴圖魯名號遊擊鄧受福著以參將留於浙江補用並賞給技勇巴圖魯名號守備徐文秀著以遊擊留於浙江補用並賞給卓勇巴圖魯名號都司李運榮著以參將補用並賞加副將銜翁桂秋著以遊擊留於浙江補用並賞換花翎守備余朝貴著以遊擊留於浙江補用賀國輝著以都司留於浙江儘先補用並賞加遊擊銜賞換花翎五品軍功記保

初編卷七

五

千總張志公著以都司儘先補用並賞加遊擊銜賞戴花翎記保千總丁賢發王宗元均著以守備儘先補用並賞加都司銜賞戴花翎五品軍功李世祥著以守備留於浙江補用並賞加都司銜賞戴花翎已革花翎都司銜守備王東林著開復原官以都司留於浙江補用並賞加遊擊銜同知陳璠著以知府留於浙江補用並賞加道銜湖南卽補知縣吳作梁著免補本班以直隸州知州仍歸原省儘先補用並賞加知府銜其餘出力員弁兵勇著左宗棠併入克復金華等城案內奏請獎



敘該部知道所有攻克紹興府城詳細情形仍著左宗棠查明具奏欽此

議政王軍機大臣 字寄同治二年二月十九日奉

上諭左宗棠奏克復紹興桐廬浙東肅清並飭富紳措貲辦賑沈葆楨奏浙東敗逆西趨派兵嚴防要隘各摺片已明降諭旨將肅清浙東出力之臬司劉典等從優獎勵矣前因浙東軍務得手杭城不難攻復第取之雖易守之甚難不如先清皖南勦辦較易得手曾經諭令曾國藩左宗棠妥籌辦理此次左宗棠摺內所陳乘勝

初編卷七

三

長驅杭城無難速克惟逆首譚星一股已由於潛昌化竄入皖南必將句結太平石埭諸賊擾我後路偽王黃呈忠等聞已由富陽渡江欲與李秀成合勢北犯見飭蔣益澧規取杭州而催劉典一軍回嚴以向皖南並飭劉培元率所部三營前赴開化會合王德榜全軍相機截剿又分撥八營扼紮清遠之衝各等語所籌與前旨大略脗合卽著照所議妥爲辦理至檄飭各營勿貪克復省城之績勿憚江皖迂阻之勞將來總以殺賊之多寡爲勞績之高下尤屬洞中窺要並著隨時策勵各軍

迅奏膚功同膺懋賞見在浙東敗賊竄入績溪並句結大股聚於石埭意圖西趨劉典一軍旣已赴徽援剿江西廣信尙可無虞惟該逆若橫竄建德則與饒九等處接壤不可不豫爲之防沈葆楨已飭段起等嚴扼景鎮湖口並令韓進春偵賊所向迎頭截擊卽著督飭該員等嚴密防剿毋稍疏虞浙江此次之變吾民顛沛流離千里赤地朝廷軫懷民瘼哀憫殊深左宗棠見擬散錢煮粥拯救飢民招集流亡給貸耕種具見該撫能體朝廷德意惠我災黎而富紳楊坊俞斌毛象賢等十數員

初編卷七

三

非但膜視邦族不加拯卹且欲乘機賤置產業實屬忍心害理爲富不仁著照左宗棠所擬飭富紳楊坊等力措鉅款廣購米石迅救卹危如敢不遵卽行嚴辦沈葆楨奏遵保賢員一片著留中將此由六百里各諭令知之欽此

浙江初次米捐援例請獎摺

奏為浙江初次米捐援例請獎仰祈

聖鑒事竊於同治元年七月二十六日奉

上諭左宗棠奏請援照湖北米捐減成章程收捐一摺  
浙江軍務方殷左宗棠添募各軍陸續可到需餉實屬  
浩繁著准其按照湖北米捐減成章程收捐凡浙江紳  
商之流寓各省者准其一體捐輸其江西湖南兩省業  
經由部頒給執照者著自奉旨之日為始由各該省藩  
司查照減成新例填給執照其有並非籍隸浙江情願

初編卷七

三

捐輸者亦准一例照辦並著戶部再行發給各項職銜  
及貢監生等執照五千張迅速由驛遞至浙江交左宗  
棠接收餘著照所議辦理該部知道欽此臣遵即檄委  
江西藩司李桓委用道沈元泰於江西省城設局勸辦  
並遴員分赴廣信饒州等處勸諭一體捐輸茲據江西  
藩司李桓等詳稱江西省局共收過折色銀二萬四百  
七十兩合捐例銀四萬九百四十兩浙江代辦藩司蘇  
式敬詳稱各局共收過折色銀八萬九千五百十七兩  
合捐例銀十七萬九千三十四兩均已隨時解到臣軍

廣信糧道支發兵餉並據開具各捐生姓名請獎前來  
臣細加覆覈捐數均屬有盈無絀除捐虛銜封典各員  
已填給執照咨部註冊外其捐實職之豐應齡等七十  
六員合無仰懇

天恩飭部覈給獎敘以昭激勵理合繕列清單恭呈

御覽伏乞

皇上聖鑒施行謹

奏同治二年二月十三日

議政王軍機大臣奉

初編卷七

三

旨戶部覈議具奏單並發欽此

請將初次米捐照常覈獎片

再臣於同治元年十二月二十七日准戶部咨開同治  
元年十一月初七日內閣奉

上諭捐輸章程除雲南貴州兩省准其照常收捐其餘  
報捐京外文武各官止准捐足三班其分發指省銀兩  
應歸銅局上兌及各項捐復人員一併令其赴京呈交  
銀兩尙屬可行均著照所議辦理欽此臣自應欽遵辦  
理惟浙省米捐自上年七月奏准之後即委員分赴江

西湖南各處勸辦所捐銀兩俱已隨時解交臣軍廣信糧臺支發兵餉上年秋冬之閒臣軍得以勉強敷衍者僅賴此涓滴之入見在部議新章外省不准指捐分發原為籌備京餉起見部臣籌畫之苦臣豈不知惟是損輸事例愈推愈廣原以示簡便而速招徠前此各處捐生往往報捐數年始赴京引

見驗看故雖事例頻開減成不止一案而羣情樂其便利尙復爭趨若必槩以到京指捐分發之例相繼恐該捐生因道途遠遼觀望不前外省既苦勸辦之艱京局

初編卷七

臣

亦難收挹注之效臣擬嗣後浙省米捐仍聽各捐生指捐分發將所收指捐分發折色銀兩隨案聲明俟湊成鉅款由臣委員或解京銅局或解戶部彈收伏候

諭旨遵行至初次米捐內所收指省分發銀兩均在未奉

諭旨之前合無仰懇

天恩俯念浙省情形與他省不同准將此次米捐均照常撥與俟二次再將指省分發銀兩另款報解是否可行伏乞

聖鑒訓示施行謹

奏同治二年二月十三日

議政王軍機大臣奉

旨著照所請戶部知道欽此

初編卷七

謹

陳明紹與蕭山克復詳細情形摺

奏為查明紹興蕭山克復詳細情形恭摺具

奏仰祈

聖鑒事竊紹興府城於正月二十六日克復業經臣奏  
明在案茲據護提督葉炳忠甯紹臺道史致諤等稟稱  
中外官軍進攻紹興府城自達耳地福陣亡後葉炳忠  
添派外國師惠南及王維圻所帶常安軍王錫馴所帶  
定勝軍馳往援剿迭獲勝仗正月十九二十兩日蕭山  
義橋臨浦一路竄來援賊復經張景渠督率中外各軍

初編卷七

三

攻剿一勝於下方橋再勝於安昌擒斬多名嗣是英國  
總兵味樂德克復由滬解來大礮稅務司日意格調來  
法國洋兵陸續到營急擬乘勢環攻適逆黨楊應柯密  
遣難民持信赴張景渠營中乞降願為內應二十五夜  
城中火起張景渠約會各軍齊進首逆周姓率眾開積  
山門向蕭山而遁官軍一面追剿一面登城當於二十  
六日已刻將紹興府城收復其蕭山之賊聞官軍已臨  
蹤追至亦於初二夜棄城潰走經守備張其光遊擊李  
光等收復竊維浙事之轉以金華為一大關鍵金華未

復之前甯波各軍力攻紹興未能猝拔迨十三日復金

華二十三日復諸暨二十六日紹興即隨之而下見在

浙東肅清規取杭垣自宜由富陽前進而東路亦未可

鬆防除蔣益澧所部高連陞熊建益已取道進規富陽

蔣益澧督隊繼進其蕭山臨浦一帶已飭葉炳忠張景

渠督紹興各軍嚴為防守義橋仍暫由蔣益澧分兵扼

紮所有克復紹興蕭山詳細情形理合據實馳陳伏乞

皇上聖鑒訓示施行謹

奏同治三年二月二十五日

初編卷七

三

議政王軍機大臣奉

旨覽奏均悉欽此

查明法國參將陣亡請卹摺

奏為查明法國參將打仗陣亡懇

恩優卹以昭激勸事竊據甯紹臺道史致謬稟稱上年勒伯勒東傷故後法國參將權受中國副將職任達耳地福卽買武勒來甯接帶該營兵勇十二月二十四日英國總兵哇樂德克親運大礮到營籌勦紹郡賊匪比商進兵之策張景渠議分攻稽山五雲昌安三門達耳地福哇樂德克議攻西郭門張景渠恐有疏失飭各軍分路接應本年正月初一日哇樂德克達耳地福帶領

初編卷七

奏

洋兵花綠頭各勇車輪大礮徑攻西郭門王維圻帶常安軍攻昌安門謝國恩帶信義軍攻五雲門張景渠楊叔擇督隊由南路兜勦圍攻竟日轟塌西門城堞丈餘至酉刻始收隊還初二日復攻西郭門連開洋礮轟塌城垣十餘丈斃賊無算達耳地福獨立橋上揮兵登城該逆拚死抗拒正相持間突有黑洋人五六十名助賊施放洋槍彈入達耳地福腦左登時殞命同時陣亡外國兵頭一人洋兵四人勇丁三十餘人帶重傷者數十人伏查達耳地福自上年八

月到甯管帶花頭黃頭兩隊勇丁教練洋槍防守餘姚明退各鄉逆股上虞之捷亦與有力此次經該國提督伏恭派委接帶勒伯勒東舊部抵營未及一月忠義奮發恭謹有加茲以急攻紹城身先士卒臨陣捐軀實堪憫惻合無仰懇

天恩將法國參將權受中國副將達耳地福照副將例從優議卹其一切身後事宜已飭甯紹台道史致謬照華爾勒伯勒東例妥為辦理其中外傷亡兵勇應給賞卹養傷銀兩亦併飭史致謬查明分給以示體卹所有

初編卷七

奏

法國參將打仗陣亡緣由理合恭摺具

奏伏乞

皇上聖鑒施行謹

奏同治二年二月二十五日

議政王軍機大臣奉

旨已有旨將達耳地福照總兵陣亡例從優議卹矣欽此

浙江甯波新關經費請作正開銷摺

奏為浙江甯波新關經費請作正開銷並洋稅折耗銀兩仍援照江海關章程銷算恭摺

奏祈

聖鑒事竊照甯波海口自咸豐十年十一月開設新關一切章程均查照江海關辦理上年八月甯紹台道史致諤抵任後臣即飭其將海關應行事宜分別覈辦茲據詳稱江海關每年關署關卡共須經費銀六千五百餘兩今甯波新關徵收稅數雖遠遜於上海而額設書

初編卷七

三

役巡捍各有專責未便棄裁應減作銀三千八百八十八兩八錢請於洋稅項下作正開銷又每年新關房租銀一千二百六十兩鎮海房租銀五十兩北卡房租銀三十兩均請暫行作正開銷俟起建關屋即行停止又外國司稅人等新俸工食等項查江海關奉總理衙門頒發定章每月給銀二千零五十兩今每月撥節銀二千兩由司稅分別給發又甯波新關銷算洋稅折耗銀兩咸豐十一年經戶部奏駁飭照三口通商例每兩止准開銷折耗銀一分二釐查從前浙海關徵收洋稅成色

低微因為數無多折耗銀兩即由關道賠補見江海關

海等關既奉部覆每兩准銷折耗銀二分此次甯波開設新關亦係照章辦理事同一律應請援照江海關海關成案按所收洋稅銀數每兩准銷折耗銀二分自咸豐十年十一月關期起在於徵收各國洋稅銀兩內作正開銷如有不敷仍由關道賠補以示限制等因具詳請奏前來臣覆覈無異理合會同閩浙總督臣耆齡恭摺具

奏伏乞

初編卷七

三

皇上聖鑒施行謹

奏同治二年二月二十五日

議政王軍機大臣奉

旨該衙門覈議具奏欽此

甯波新關另設巡船經費請於洋稅項下開銷片再據甯紹台道史致諤詳稱甯波開設新關徵收洋稅各商船從鎮海縣之招寶山進口距甯波港面六十里支港紛歧商船沿途每多偷漏是以設立大號巡船二隻中號巡船十二隻自鎮海口門至甯波港分段梭巡

惟招寶山外沿海各口均屬浙界如象山縣之象山石浦等口鎮海縣之穿山新碇小港等口慈谿縣之嶼浦口以及乍浦澉浦溫臺各屬沿海口岸均係不准通商之口而各商船私往貿易不特違犯定章且於關稅大有虧損該道函商司稅另設夾板大船一隻僱募外國巡丁選派精壯水手專巡浙江沿海不通商口岸以嚴洋禁惟此項丁役辛工飯食軍火月需銀三百餘兩如以修葺添配經費每年共約需銀五千餘兩一時無款可籌擬請於洋稅項下每年支銀六千兩專為沿海口

初編卷七

三

岸巡查之費如開銷不及六千仍歸還洋稅項下以示限制等因前來臣體察沿海情形添設巡船實不可少除飭該道嚴密稽查外理合附片陳明伏乞

聖鑒謹

奏同治二年二月二十五日

議政王軍機大臣奉

旨該衙門知道欽此

恪靖奏稿初編卷八目錄

奏報富陽皖南兩路獲勝情形摺

請調京員並即用縣之新進士赴浙差遣片

請飭道員兼督松所鹽務片

進剿富陽援賊大獲勝仗情形摺

奏報馳剿徽休賊匪獲勝情形摺

恩蠲浙省錢漕請於二年之上冠以同治二字欽遵片

劣紳倚勢壓民請先革職嚴辦片

請卹杭湖殉難文武大員摺

初編卷八目錄

奏報進剿祁夥賊匪克復夥縣情形摺

附明溫瑞海關改由溫處道就近徵解

請卹浙江殉難文武官紳摺

奏報富陽皖南兩路獲勝情形摺

奏爲水師進攻富陽陸軍防剿皖南克獲大勝現籌辦理情形仰祈

聖鑒事竊桐廬既克杭州上游關鍵祇富陽縣一城而浙江自桐廬七里龍以下地勢漸平江面漸闊縣城背江面山右阻一溪形勢完固賊自踞杭後於此修築城壘雉堞一新當官軍克復桐廬之時杭屬新城之賊亦以前年所奪戰船溯流上拒臣飭水師營官副將楊政謨都司羅啟勇等先率所部師船前往察看形勢二月

初編卷八

初八日楊政謨師船自桐廬擊楫而下遙見賊船數百號排列城下前後均有礮般護之遂傳令師船作兩層排齊疾進頭隊繞向南岸直攻其中俟賊礮船上犯則我後隊師船應之百礮齊轟江流鼎沸火箭噴筒迸注賊船頃刻延燒殆遍賊之礮船復爲我後隊師船擊敗其從前官軍之被賊逼脅者以其礮船來投羅啟勇亦適帶所部師船駛至遂並受之返礮轟擊賊大慌亂遂併棄船人壘官軍亦上岸蹙之踏平堅壘二座殺賊甚多奪獲旗幟鎗礮無算日暮收隊而還計是役燒賊船

數百號奪礮船十數號民船數十號斃賊約以千計楊政謨等即駐營富陽城南岸逼之現在蔣益澧將臨浦義橋一帶布置略定即飭高連陞熊建益馳赴富陽蔣益澧亦率後隊繼進現已由南岸渡江臣飭魏喻義率所部由桐廬前進適與之合探報有賊約數千自杭城來援現擬先勦援賊以忱之如富陽堅城不可驟拔擬即飭蔣益澧分兵助魏喻義扼要立營以綴城賊而自率所部由富陽而下以撼杭城再由嚴州撥兵駐新城護以師船以遏賊援而通餉運此現在攻富陽窺杭城

初編卷八

二

之情形也其屯踞皖南之賊約有三起一爲胡黃古賴諸逆即踞甯國太平石埭旌德者也一爲花旗賊此股係廣東無賴匪徒前年由廣東湖南江西入浙皖者也人數最多無甚伎倆爲金陵賊黨所不齒時尾賊後遊行掠食踪跡靡常一爲賊首譚星即前踞蘭谿抗官軍者也此股自蘭谿敗竄浦江諸暨經劉典及各營躡踪緊追直至富陽江邊其黨除殺斃溺斃及解散外存者不及三分之一臣於正月二十七日奏報連復武義永康東陽義烏浦江諸暨等縣城摺內即言劉典一軍仍



須由嚴赴徽爲肅清皖南之計其時譚逆尙止竄近桐  
廬現亦趨併皖南矣太平石埭之賊時窺黟縣祁門邊  
界二月初一初二等日經分駐漁亭之總兵丁長勝副  
將王明輝等擊敗之初十日賊從藍湖米坑而來將窺  
祁門北界布政使銜新授江西吉南賴甯道王文瑞飭  
郭德馨楊海泰羅瑞山喻勝榮等迎擊之半途卽與賊  
遇郭德馨怒馬衝入賊中連斫賊數十後隊奮威衝殺  
賊大敗潰官軍蹙踪緊追北近藍湖賊復回拒藍湖之  
左有數賊張蓋騎馬突出屠羣賊向前迎敵郭德馨馳

初編卷八

三

斬其一各勇丁挺矛刺之數賊俱殲餘賊翻山竄逸適  
喻勝榮羅瑞山從兩路馳至痛加截殺與郭德馨合隊  
緊追過米坑十餘里沿途賊尸枕藉約共斃賊千餘生  
擒七十餘內有偽軍政司蘇四達黃齊升美天福張北  
湖被天福張小滿賜天燕易明陽偽丞相王大吉謙天  
福鍾有朋等賊目十數名其墜崖落澗死者則無數可  
紀也奪獲抬鳥鎗百數十桿旗幟三百餘面刀矛無數  
騾馬十三匹有此一戰胡古兩逆之勢頓衰祁黟當可  
無事惟微休之賊日聚日多其花旗之賊已經合併而

譚星一股聞已由昌化過千秋關竄逼徽州徽防官軍  
紛紛告警計劉典一軍此時亦已由威坪至屯溪臣又  
催飭其新募之勇由廣信趨婺源機勢湊拍或可力遏  
奔衝此現在攻勦皖南一路之情形也規杭郡可以綴  
賊竄擾江北之謀勦皖南可以遏賊突犯江西之路爲  
大局計卽所以爲浙計臣惟有勉竭駑鈍慎以圖之以  
求仰紓

慈廩所有兩路獲勝情形謹據實奏報伏乞

皇上聖鑒訓示施行謹

初編卷八

四

奏同治二年二月二十五日

議政王軍機大臣奉

旨另有旨欽此

請調京員并卽用縣之新進士赴浙差委片

再浙省軍務吏治需材孔亟上年奏調各員有來浙者  
有因他省咨留未能赴浙者現在復地日廣差委之員  
茲查有戶部候補員外郎顧菊生安詳練達留心幹濟  
湖南在籍戶部主事謝寶鏐志趣甚正饒有才識湖南  
在籍內閣中書吳士邁才品優長辦事勤懇可否仰懇

天恩將該員等發往浙江交臣差遣按照資階酌量改補外職再本年癸亥

恩科會試取中進士有應分發各省以知縣即用者并懇

飭下吏部於定例分發外多掣十數員來浙俾得隨時察看訓勉委署序補是否有當伏乞

訓示施行謹

奏同治二年二月二十五日

議政王軍機大臣奉

初編卷八

五

旨另有旨欽此

議政王軍機大臣 字寄同治二年三月十四日奉

上諭左宗棠奏水師進攻富陽陸軍防剿皖南獲勝並

沈葆楨奏汀省官軍連日在休甯縣境截剿獲勝各一

摺浙省官軍剿賊得手羣賊鼠竄恆欲由皖南就食江

西現在太平石埭之賊時窺夥縣門邊界為總兵丁

長勝等軍擊敗並經道員王文瑞等各軍於藍湖米坑

等處痛加截殺胡古兩逆之勢已衰那夥可以無事惟

休甯尚未解圍徽境之賊日聚日多據左宗棠奏稱花

旗之賊業經合併而譚星一股亦已由口花過千秋關

竄逼徽州與沈葆楨摺內所稱同知王沐等於嚴寺等

處擊走之賊皆為花旗廣匪正相符合草市地方既為

休葵藩離王沐等所部僅二千人防剿殊形單薄此次

雖由屯溪一路擊賊獲勝尚足以固軍心仍著沈

葆楨督飭該文武等實力嚴防毋稍鬆懈不得以甫經

獲勝致或疏虞為賊所乘劉典一軍據沈葆楨奏已由

威坪抵大川口經左宗棠復飭其催新募之勇由廣信

以趨婺源是以繞出賊前機勢湊拍定能力過奔衝以

初編卷八

六

解休甯之圍江省信防足資穩固即著左宗棠督飭劉

典等乘機妥辦並與江省官軍隨時聯絡互為防勦以

全大局桐廬既克杭州上游關鍵祇富陽一城業經左

宗棠飭令水師大加轟擊並踏平江岸堅壘軍聲日振

著飭令蔣益澧所部之高連陞等及魏喻義等軍水陸

會合將自杭來援之賊擊斷進拔堅城或令蔣益澧分

軍自率所部由富陽下撼杭城以規杭郡即可緝賊竄

擾江北詭謀均著左宗棠相機辦理另片奏請調顧菊

生等各員本日業經明降諭旨允准惟由外補一節須

俟各該員到浙後由該撫察看隨時奏明請旨此時未便概行照准致恐效尤而生奔競衢州府屬雖未失陷而鄉村半遭蹂躪殊可矜憫昨經明降諭旨一體蠲免二年漕糧以蘇民困浙省在籍紳士陶慶章前經王有齡奏參革職永不敘用昨據沈葆楨奏據其家人呈稱於紹興失陷時力戰受傷積勞身故亦經明降諭旨令左宗棠查奏矣將此由六百里各諭令知之欽此

同治二年三月十四日內閣奉

上諭左宗棠奏浙省軍務吏治需才孔亟請調京員赴

初編卷八

七

浙差委並請將即用知縣之本科進士多掣十數員赴浙等語戶部候補員外郎顧菊生湖南在籍戶部主事謝寶鏐內閣中書吳士邁均著發往浙江交左宗棠差遣委用並着吏部於本科進士引見後將即用知縣人員於定例分發外多掣十數員分發該省以資差委欽此

請飭道員兼督松所鹽務片

再浙江餉源以鹽務為大宗所有行鹽引地上自徽州廣信下及松江共設三十六場分隸杭紹嘉松四所除

杭嘉引地尚未規復紹所亦甫離兵燹商甯散正課虛懸應俟妥籌辦理外惟松所引地如上海最稱旺銷其華亭婁縣南匯奉賢金山等縣亦早一律肅清銷數自暢乃各場大使並不將每年應納鹽課錢糧若干新舊草蕩沙蕩實額若干及連年所徵鹽課錢糧解交何處據實稟報其意存欺隱可知非委明幹大員嚴為釐剔不足以除夙弊而濬利源現浙江無員可委且隔省查辦呼應不靈惟現任江蘇蘇松常鎮太道郭嵩焘勤懇篤實公正廉平與臣生同里閩最所深悉以之督辦

初編卷八

八

松所鹽務可資整飭又新授金華府知府徐寶治聞其人尚謹飭堪令隨同郭嵩焘經理可否仰懇

皇上天恩俯念浙餉甚絀急須籌措飭下江蘇撫臣轉飭郭嵩焘兼督松所鹽務出自

鴻慈謹附片請

旨 同治二年二月二十五日

議政王軍機大臣奉

旨另有旨欽此

同治二年三月十四日內閣奉

上諭左宗棠奏請飭江蘇道員督辦松所鹽務等語浙  
江鹽務惟松所引地最稱旺銷現在所屬之華亭等處  
早經一律肅清據該撫奏稱各場大使並不將每年應  
納各課新舊蕩額及連年所徵竈課錢糧據實稟報其  
爲意存欺隱已可概見著派蘇糧道郭嵩壽妥爲經理  
督同金華府知府徐寶治就近將松所引地查明務使  
各項弊端逐一釐剔以重鹽務而裕餉源欽此

初編卷八

九

議政王軍機大臣 字寄同治三年三月十八日奉  
上諭本日文清奏請陛見一摺業經准其來見明降諭  
旨將耆齡補授福州將軍左宗棠補授閩浙總督仍兼  
署浙江巡撫曾國荃補授浙江巡撫萬啟琛補授江蘇  
藩司馬新貽補授安徽臬司並已諭令耆齡接奉此旨  
即將所辦閩浙兩省防勦事宜及所部各軍移交左宗  
棠接辦左宗棠接辦後耆齡即赴福州將軍之任左宗  
棠現駐浙省軍務正當緊要其浦城防所應即遴委大  
員前往抑當如何接辦之處即由左宗棠酌度奏明辦

初編卷八

十

理閩浙兩省軍務兵勇均歸左宗棠節制耆齡所部廣  
勇並著左宗棠於閩浙軍營內選擇善於駕駛之員派  
令統帶如廣勇實係不能得力有害無利即著左宗棠  
酌量撤遣浙省係左宗棠兼轄省分既兼署巡撫尤責  
無旁貸曾國荃即著仍統前敵之軍駐紮雨花臺一意  
相機進取以圖金陵毋庸以浙事爲念此時曾國藩巡  
江諒已旋至安慶仍著隨時與曾國荃熟籌戰守機宜  
東南軍務惟在該督撫等戮力同心通籌全局共圖挽  
救國家異數酬庸尤爲地方擇人起見該督撫等諒能

益矢公忠以副委任也福建地方一切應辦事宜即著徐宗幹認真整頓妥為經理左宗棠身任兼圻遇有地方公事應行兼顧者與徐宗幹隨時咨會辦理將此由五百里各諭令知之欽此

同治二年三月十八日內閣奉

上諭閩浙總督著左宗棠補授仍兼署浙江巡撫欽此

初編卷八

七

進剿富陽援賊大獲勝仗情形摺

奏為官軍進剿富陽援賊大獲勝仗現籌剿辦情形恭摺

摺馳

奏仰祈

聖鑒事竊富陽踞逆經水師副將楊政 等於二月初六日擊敗後伏匿城中於西門修卡安設大礮援賊復踞富陽城東北之新橋相為犄角蔣益澧由南岸渡江二十二日即飭高連陞熊建益兩軍移駐新橋迫之築壘未竟援賊分股來撲官軍開放大礮轟斃數十人賊

初編卷八

七

勢積卻官軍一鼓齊進賊即退回村壘據生擒賊供偽天將謝逆偽朝將汪逆偽主將汪逆於杭嘉等處挑選悍黨四萬餘已至新橋左右築壘數座偽聽王擁眾續至屯于後山村莊穩固抗拒新授溫處道魏喻義率所部會同總兵劉清亮逼圍富陽縣城廿四日蔣益澧率親兵及左右後二旅移駐新橋田壠與賊隔水而營飭高連陞一軍由右路進熊建益一軍由左路該逆即出大隊先撲左路熊建益嚴陣以待開礮轟擊斃賊數十名賊仍蜂擁而來熊建益大呼陷陣王聯芳李運榮李

世祥翁桂楊道洽分左右兩路擊之王東林率所部復由田壠橫截而出城市敗走後隊之賊又進能建益等奮力衝殺斃大旂悍賊數名始大敗狂奔陣斬悍賊四五百名奪馬三十六匹當左路酣戰之時賊分兩支撲犯中右兩路蔣益澧令徐文秀鄧受福率所部掩旂設伏低田飭周廷瑞賀國輝余朝貴等迎敵佯敗誘之賊至伏發駭而奔蔣益澧縱兵擊之斬賊無數賊遂敗歸右路高連陞督率所部迎敵斃騎馬賊目數名大旂悍賊數十名賊敗走官軍乘勢猛進賊復分股抄襲

初編卷八

七

官軍勢幾不支蔣益澧急揮徐文秀鄧受福等馳往攔擊賊愈戰愈眾張志公王宗元匹馬衝入賊中手刃數賊王中元忽中洋槍登時陣亡張志公亦身被數創正相持間蔣益澧率親兵及張會充馬隊馳至高連陞等復挺矛回關立斃悍賊百餘名賊始大潰官軍齊隊跟追賊之墮港被斃死者又不下二百餘名其富陽城中踞逆見官軍進剿援賊突出二千餘人乘虛逕撲西門官軍營壘酋甲憑壘施放槍礮劉清亮督隊從旁抄殺斃賊數十名賊敗過石橋副將楊政謨都司羅啟勇

等率戰船山河邊進排礮轟之又斃賊多名此二十四日大獲勝仗之實在情形也伏查此股援賊均係首逆李秀成之黨自杭嘉糾合而來勢頗兇悍經蔣益澧等此次痛擊克敵稍衰惟戰地遼闊前阻小溪自上月十五日至今陰雨彌月溪流暴漲泥淖甚深難以趨戰或者誘賊厚聚此間致力於此即可收功於彼臣惟飭諸軍相機圖之富陽以下潮汐甚大舢板不能壓潮現製長龍戰船尚未就緒已調甯波水師布與有等艇船並由甯紹臺道史致諤僱募白鼈壳船十二號由鼈子門

初編卷八

七

駛進錢塘江助勦其新城縣城已飭遊擊賴錫光等帶所部精捷營駐守桐廬縣城以知縣楊鼎勳帶所部湘營駐守以通餉運而壯後路之勢所有此次力戰陣亡之都司銜守備王宗元應請

旨交部從優照遊擊例議卹以慰忠魂理合恭摺馳奏伏乞

皇上聖鑒訓示施行謹

奏 同治二年三月十八日

奏報馳剿徽休賊匪獲勝情形摺

奏為官軍馳剿徽休賊匪疊獲大勝現籌辦理情形恭摺馳

奏仰祈

聖鑒事竊臬司劉典一軍調回嚴州後臣即飭其馳赴皖南二月二十一日行抵屯溪適接徽防總兵唐義訓駐營草市知州王沐械稱賊已迫近徽城由嚴寺街上至萬安街北至許村南至東關四十五里地方賊蹤密布並據生擒賊供偽金王鍾逆偽平東王何逆及偽梁王等踞潛口偽謝天軍主將賴逆踞嚴寺街偽襄王劉

初編卷八

五

官方及偽孝王康王等踞長林萬安街等處眾約十餘萬劉典以逆賊未知我軍突至利在速攻即於二十四日分四營進紮梅林以防賊由休甯南路繞竄並約唐義訓王沐兩軍剋期會剿二十五日飭黃少春張聲恆率所部攻嚴寺街李耀南黃有功朱尊賢率所部攻長林劉典率中營及楊芳桂馬隊從萬安街搽剿而下賊方一意上竄忽觀浙軍驟至即大潰退追過河西始結陣回拒身股由山谷中竄出抄我後路劉典一面分軍截剿一面率親兵從中橫擊朱尊賢黃有功復督隊猛

進賊大敗向山路狹附而遁時黃少春張聲恆由右路進攻嚴寺街已奪據街後山梁適王沐繼率營馳至並力夾擊喻可宗齊蘭禮扼卡截殺爭先過橋人眾橋狹自相蹂藉及逼溺而死者不可勝數橋洞為積屍所塞河水斷流追至潛口始收隊還約計斃賊近萬獲賊馬三十餘匹生擒悍賊三百餘名餘逆退往徽州北路之許村箬嶺以至藍田一帶而偽金王康王糾合偽天將鍾王等逆復進踞潛口劉典以藍田可北趨黟縣西出漁亭僅總兵丁長勝副將王明輝兩營駐守漁亭倘嫌

初編卷八

六

單薄即飭王沐移紮九龍橋飭張聲恆朱尊賢填紮草市以固徽州西南之防三十日劉典移營進紮辰刻昏霧四塞大雨如注急令收隊而前隊已至長林者猝不及收該逆分三路來撲劉典即率親兵馳往策應甫將隊伍收過小港賊騎數十環繞而前相距不過數丈劉典劉文謨劉敬廷數騎左右衝突相持數刻賊不敢近適黃少春李耀南黃有功各率所部馳至賊始敗走是役殺賊僅百餘名奪獲賊馬六匹而參將張顯榮守備金友成左副明均以深入力戰陣亡所部弁勇陣亡至

八十餘名之多至爲危險蓋因沈霖暴雨瞭望不及所致也三月初一日僞金王鍾逆率悍賊萬餘來撲梅林營壘中路官軍俟賊迫近疾起擊之左右兩路從山谷中抄出賊大敗狂奔官軍追殺十餘里斃賊數百名生擒百餘名初五日鍾逆賴逆又糾賊數萬來撲營壘劉典筋左右兩路掩旂分伏壘外飭李耀南楊在田楊芳桂等由中路誘賊賊見官軍無多降擁而至中路屹立不動賊分股抄我右路官軍亦佯爲不知俟左路各營繞出賊後中右兩路始發號擂鼓乘之賊喪膽狂竄追

初編卷八

七

殺十餘里陣斬瓏天義黃宗保等賊目多名斃悍賊數百名生擒百餘名初七日黃少春黃有功等五營由東關出潛口之右劉典率中後兩營前左右後四旅由長林出潛口之左賊見官軍至隔岸遙放槍礮劉典知其怯也麾軍猛擊賊卽棄械狂竄追過潛口十餘里沿途斬賊數百生擒數十名解散脅從不知其數河潛口街市賊屍駢死詢獲生擒賊供該逆於初五日擊敗後驚怖異常初六夜謠傳官軍大至昏夜自相截殺死者又數百人逃者尤眾現已竄往太平縣而去劉典已飛

飭黃少春等兩營四旂及楊芳桂馬隊馳赴漁亭會同王文瑞王沐剋期進剿縣此劉典一軍力戰微休之間疊獲勝仗微休解嚴實在情形也其駐防祁門之江西吉南贛甯道王文瑞於二月十三日分遣總兵丁長勝等出嶺擊敗藍湖之賊二十五六等日賊首劉官方僞天將劉官福等復竄至藍田湖村山坑一帶二十七日漸迫漁亭丁長勝王明輝鄧榮達周玉南莫坤和等督隊迎剿王明輝手斬先鋒悍賊數名賊大敗官軍乘勢追殺斃賊三四百名生擒四十餘名二十九日該逆

初編卷八

六

率眾來撲直迫街口對岸之賊已抄過漁亭之後鄧榮達周玉南等卽由街口殺出王明輝率所部從右繼之河水陡漲迤左山如壁立鄧榮達等繞出賊後奮力截勦該逆墮河溺斃者約數百名適丁長勝將其抄後一股斬殺殆盡賊膽愈喪奪路狂奔丁長勝王明輝鄧榮達等四面蹙之斃賊千數百名陣斬僞天將劉官福等大小賊目數十名生擒二百六十三名奪獲旗幟槍礮馬無算餘逆竄回黟縣糾合僞對王洪春元僞顧王吳如孝僞普王楊輔清之黨圍竄祁門初二等日



直至柏溪距祁門僅二三十里初三日王文瑞進剿行近柏溪適與賊遇奮力衝擊賊始潰亂官軍蹙跡緊迫追出嶺外日暮遇雨而還計是役往返百二三十里殺賊數百名生擒五十七名署皖南道葉兆蘭分撥團練伏於山坳者搽斬餘賊亦不下二三百名此王文瑞一軍力戰祁門漁亭之間疊獲勝仗實在情形也其劉典未到之先力戰草市屯溪之間疊獲勝仗者為江西撫臣所遣王沐一軍戰事情形也江西撫臣奏報徽發士民亦深感之臣維各股逆賊應聚於徽休祁門一帶原

初編卷八

九

圖由此越竄江西幸王文瑞王沐力扼祁門草市漁亭劉典一軍迅赴屯溪得救徽休之危扼其上竄而現在賊賊多趨黟縣與祁門緊接劉典一軍必殲除此股而後可無後顧之虞頃接探報寧國有另股賊匪續竄績溪其竄國旌德太平石埭等縣仍為賊踞劉典擊敗之賊又已竄入池州屬之建德縣逆氛漸趨江西景德鎮之防殊為喫緊臣前飭王德榜一軍由白沙關速回浮景莫可稍遏奔衝惟賊數太多占地太廣浙軍未免為所牽綴前此劉典赴徽時臣面與籌商亦曾以援皖得

手賊必由池建竄越江西浮景仍為可慮屬其無分江皖相機援剿以收夾擊之功如果皖事漸緩浙軍可敷分撥自當星馳入江共圖掃蕩斷不敢稍事遲回仰煩聖慮所有此次力戰陣亡之花翎參將張顯榮都司銜守備左萬明守備金友成三員皆係臣部壯士四載相從不辭艱險一旦深入中伏捐軀實為痛惜合無仰懇天恩交部從優議卹以慰忠魂謹會同協辦大學士兩江總督臣曾國藩恭摺馳奏伏乞

初編卷八

十

皇上聖鑒訓示施行謹奏 同治二年三月十八日 議政王軍機大臣 字寄同治二年四月初七日奉 上諭左宗棠奏官軍進剿富陽拔賊大獲勝仗並勦辦徽休賊匪疊獲大勝沈葆楨奏老湘營迎勦祁西巨股獲勝及韓進春等軍在陳家嶺一帶擊敗賊匪各摺片隨奏均悉首逆李秀成之黨白杭嘉糾合醜類援救富陽經藩司蔣益澧等痛加勦擊兇醜稍衰左宗棠現在添造長龍戰船並檄調甯波水師駛進錢塘江助勦著

卽嚴飭水陸各軍合力進剿迅拔堅城務將此股悍賊悉數殲除勿留餘孽其竄擾徽休之賊節經臬司劉典督率兵勇先後在其寺街潛口等處迎擊殺斃無算退竄太平夥縣其圖竄祁門之賊亦經道員王文瑞督率丁長勝等以少擊眾獲奇捷殺斃逆匪甚多追出嶺外徽防可期穩固惟各股逆賊應聚休祁一帶原圖窺越江西現雖擊退而績溪旌德太平石埭等縣尚爲賊踞敗賊復竄回建德饒郡之防殊爲喫緊韓進春率勇在陳家嶺灣里周村一帶奮力攻剿賊由洋塘山路東

初編卷八

三

趨尙有偽愛王一股由建德後河跟踪而上彭都各縣鄉團雖尙能聯絡而賊數太多蔓延太廣必須厚集兵力方可以掃蕩羣寇著沈葆楨督飭在防員弁認真堵剿並激勵各屬團勇就近策應以輔官軍所不逮毋得稍有疎虞饒廣爲浙軍後路關繫要此時賊匪分道竄逼江西王德榜一軍尙恐兵力不厚並著左宗棠妥籌兼顧如皖事稍鬆卽飭劉典等軍無分畛域隨時相機援剿俾該匪不能竄越浮員方爲妥善所有徽休陣亡之花翎參將張顯榮都司銜守備左萬明守備金友

成均著交部從優議卹其富陽陣亡之都司銜守備王宗元著交部從優照遊擊例議卹以慰忠魂左宗棠另摺奏請將杭州湖州殉難文武大員賜卹等語浙江學政刑部右侍郎張錫庚前日已照尙書例議卹茲復降旨加恩予諡並將按察使甯曾綸湖州協副將鄧爾霍巴照所請議卹建祠入祀矣署布政使司麟趾湖州府知府瑞春據奏訪聞均於城破時殉難仍著左宗棠查明該員等死事詳細情形具奏再降諭旨道員暹福湖州紳士道員趙景賢下落並著該督一併查明據實奏

初編卷八

三

聞左宗棠另片一件著留中將此由六百里各諭令卹之欽此

請卹杭州湖州殉難文武大員摺

奏爲查明杭州湖州殉難文武大員懇

恩賜卹仰祈

聖鑒事竊准兵部咨開同治元年三月二十七日內閣

奉

上諭薛煥奏訪聞杭城殉難各員情形等語薛煥是否所聞確實著交左宗棠詳查明迅速分別請卹欽此

又十二月初五日內閣奉

上諭都察院奏候選知州甯曾笏以伊胞兄浙江按察使甯曾綸守城殉節懇請賜卹等語上年十一月賊陷浙江省城據薛煥奏訪聞學政張錫庚副都統傑純署布政使杭嘉湖道麟趾等殉難各情當經交左宗棠詳查具奏迄今事閱年餘而該員等尚未仰邀優卹殊非朝廷褒勵忠節之意著左宗棠會同李鴻章再行詳查張錫庚等殉難情形與甯曾綸一併奏請議卹此外浙江殉難各員並著查明具奏欽此伏查浙江省城困守

初編卷八

三

兩月有餘卒以糧盡援絕被陷除將軍瑞昌巡撫王有齡副都統傑純已奉

旨優卹外其在城文武等或奮陷殺賊力竭捐軀或矢志靡他全家被害忠義之氣實足翊世教而照汗青茲駐軍嚴州距杭湖較近遇有士民自杭湖逃出者詢以城內之官下落余稱學政張錫庚按察使甯曾綸城陷時突已殉難署布政使麟趾巷戰至武林門中槍身死並派員至上海查詢由湖避難赴滬之士民據稱湖州府城自杭城陷後被賊圍攻五月有餘嗣以糧盡失

陷知府瑞春馬賊不屈遇害湖州協副將鄂爾霍巴閣室白焚等語伏查浙江學政刑部右侍郎張錫庚於杭城被陷死危授命大節凜然應請

旨照侍郎例從優議卹

予諡署布政使杭嘉湖道麟趾由知府升任道員擢署藩司杭州被圍隨同巡撫王有齡登陴固守六十餘日城陷復督勇巷戰力竭捐軀深堪嘉憫應請

旨照布政使例從優議卹

予諡按察使甯曾綸由御史歷擢浙江臬司城陷投繯

初編卷八

三

自盡洵屬大節無虧應請

旨照按察使例從優議卹補用道湖州府知府瑞春督率士民嬰城固守城陷之日罵賊不屈遇害死事甚烈應請

旨照道員例從優議卹湖州協副將鄂爾霍巴固守湖

郡屢挫賊鋒城陷間空自焚尤屬慘烈應請

旨照副將例從優議卹張錫庚麟趾甯曾綸均請入祀

浙江省城昭忠祠瑞春鄂爾霍巴並請於湖州建立專

祠其各該員家屬隨同殉難者容俟查明請

旨旌表此外殉難各員俟探訪明確卽當彙奏請卹  
典以副我

皇上褒勵忠節之至意所有查明杭州湖州殉難文武  
大員先行懇

恩賜卹絲由理合恭摺馳

奏伏乞

聖鑒施行謹

奏同治二年三月初八日

同治二年四月初七日內閣奉

初編卷八

五

上諭左宗棠奏查明浙江殉難大員懇恩賜卹一摺浙  
江學政刑部右侍郎張錫庚於杭州城陷後見危授命  
大節凜然業經降旨照例賜卹著再加恩予諡按  
察使甯曾綸於城陷後投繯自盡大節無虧可嘉可憫  
著照按察使例從優議卹張錫庚甯曾綸並著入祀浙  
江省城昭忠祠湖州協副將鄂爾霍巴固守湖州府城  
屢挫賊鋒城陷後闕室自焚尤屬慘烈鄂爾霍巴著照  
副將例從優議卹並於湖州府城建立專祠以彰忠靈  
該部知道欽此

恩蠲浙省錢漕請於二年之上冠以同治二字欽  
遵片

再臣於三月十六日嚴州行營欽奉同治二年二月二  
十八日

諭旨浙東新復各府州縣地方著加恩蠲免二年錢漕  
以蘇民困該督撫卽刊刻謄黃通行曉諭並督飭各地  
方官吏安集流亡加意撫綏毋任吏胥弊混用副朝廷  
軫念民艱至意等因欽此仰見我

皇上痾瘼在抱加惠黎元於籌餉極艱之時猶復軫卹

初編卷八

五

民生由加蠲貸歷覽史冊所載平時水旱偏災尙有賜  
予蠲復者至用兵之際餉需匱乏蠲復之事蓋鮮所聞  
此我

朝仁愛之施所由超軼千古也伏維浙省失陷郡縣同  
治元年錢糧會奉十一年十二月二十日

恩旨豁免比經飭司刊刻謄黃通行曉諭並將辦理情  
形恭摺覆陳在案嗣因台州府屬六縣鄉民集團殺賊  
克復郡縣各城又經臣會同前督臣慶澐奏奉  
恩准豁免同治元二兩年錢糧欽遵刊刻謄黃亦在案

茲復欽奉

諭旨新復各府州縣地方加恩蠲免二年錢漕應即欽遵刊刻騰黃曉諭惟敬釋

恩旨係指同治二年錢漕而言恐愚民無知誤以為蠲免兩年錢漕將來或致別滋轉轉浙中士紳習氣每以鼓煽愚民挾制官長為能若文字之間稍可假借必將托以為詞伏乞

聖鑒訓示所有蠲免本年新復各府州縣錢漕

恩旨可否於二年字樣之上冠以同治俾得欽遵飭司

初編卷八

七

刊刻騰黃以播

皇仁而免誤會現在新復地方冊籍亡失不能啟徵候欽奉

諭旨到日騰黃曉示尚未為晚理合附片陳奉請

旨 同治二年二月十八日

同治二年四月初七日内閣奉

上諭前因浙江省金嚴甯紹臺等府地方均為賊踞百姓慘遭荼毒曾經降旨將浙東新復各府州縣均蠲免二年錢漕以蘇民困嗣因衢州一城雖未失陷而西安

縣各鄉亦俱被匪焚掠復降旨將該縣錢漕照新復州縣一體蠲免茲據左宗棠奏稱同治元年分錢糧業已於咸豐十一年冬間奉旨豁免所有前奉恩旨請飭遵行等語浙江被陷地方同治元年分錢漕既已有旨豁免即著將同治二年分應徵錢漕一體豁免並著於原降諭旨二年上添註同治二字以示區別而免牽混該撫其速即頒發騰黃徧行曉諭欽此

劣紳倚勢壓民請先革職嚴辦片

再浙江民風公戰則怯私鬪則勇富者急於求利貧者

初編卷八

天

拙於謀生遇賊匪則畏之見兵勇則欺之其弊也民與兵勇仇紳與官吏仇久且民與民仇而械鬪之患起紳與紳仇而傾軋之計生乖氣積久災沓乘之浩劫所以獨鍾於一方也 臣入浙已逾一載師行所至每召諸父老子弟痛切訓誨冀滌其疵俗漸復古初而痛思其受弊之由則惡劣紳士藐官牟利之罪無可追也除確訪地方各衿棍嚴檄指拏隨時訊明懲辦外茲復訪聞蘭溪縣在籍刑部郎中唐志歐倚勢欺壓平民無所不至本年二月中旬誣民人吳和君偷伊洋煙據提拷詐除

勒詐洋銀外並勒將田產契卷交付始允釋放數日內  
又有詐勒唐姓財物之事前此又有勒詐衢州藥店洋  
銀數十元之事不法劣跡殆難悉數而受害之家噤不  
敢控即該郎申之親故亦多畏禍謹避者其兇惡已可  
概見臣查唐志歐即現任給事中唐王森之姪其父唐  
茂與曾以助守縣城抗節殉難邑人重之又唐王森平  
日訓約頗嚴唐氏一門多隸士籍家風素為謹飭該縣  
公正士紳亦以此未敢顯然攻發其惡而詔及唐志歐  
則無不太息感額者矣臣現飭署蘭谿縣知縣江紹華

初編卷八

元

查明唐志歐劣跡據實具稟聽候核奏應請

旨將在籍刑部郎中唐志歐先行革職按律審擬以彰  
直道而洽輿情理合附片請

旨 同治二年三月十八日

同治二年四月初七日內閣奉

上諭左宗棠奏請將在籍惡紳先行革職審訊等語所  
江蘭谿縣在籍刑部郎中唐志歐平日倚勢欺壓平民  
無所不至本年二月間復誣民人吳和君竊伊洋煙地  
捉拷詐並將吳姓田產契券逼勒交付復有勒詐唐姓

財物及藥店洋銀之事種種兇惡實屬衣冠敗類若不  
嚴行懲辦何以安良懦而警兇頑唐志歐著先行革職  
交左宗棠查明劣跡按律從嚴懲辦欽此

初編卷八

元

奏報進剿祁夥賊匪克復夥縣情形摺

奏為官軍進剿祁夥賊匪速獲大勝克復夥縣嶺內一

律肅清恭摺馳

奏仰祈

聖鑒事竊徽休解嚴祁門嶺亭獲勝情形業經臣左棠  
棠奏報在案維時羣賊嘯聚夥縣祁門力圖由此竄出  
浮景以擾江西偽堵王王文金偽佑王李遠繼等勾結  
太平石埭賴古兩逆由建德過新安嶺至太白鋪渣口  
等處迫近祁門西路夥縣之賊亦時擾祁門東路王文

初編卷八

三

瑞以賊氛四逼當將駐防漁亭之總兵丁長勝等調回  
祁門並由王沐酌派繼果前左兩營赴祁助剿三月初  
十日賊踪緊迫祁門西路之干佛橋小路口一帶距城  
僅止十里十一日王文瑞督隊分路迎剿行至七里橋  
遇賊丁長勝喻勝榮開礮斃先鋒悍賊十餘名賊猶猛  
撲官軍奮力衝殺能當富率親兵繼之賊始敗走迨至  
小路口賊復以大股回拒官軍猛擊數次斃賊千餘賊  
死拒不退喻勝榮四馬陷陣手受傷長彭友年裏  
創力戰陣亡官軍益加憤怒鼓噪而前左右兩路齊出

羅瑞山力擊其中郭德馨等後應之楊海泰鄧榮達康  
榮詔等斜擊其右賊乃大潰羅瑞山據隘口截殺賊酋  
乘馬挺矛死門官軍四面擊之殲斃殆盡後股之賊紛  
紛竄走楊海泰鄧榮達等繞出干佛橋迎擊又斃賊無  
算計是役共斃賊七八千名生擒八百六十五名奪獲  
偽印三百餘顆騾馬二百餘匹槍礮旂幟不計其數訊  
據生擒賊供首逆偽佑王李遠繼已被官軍陣斬並嚴  
斃賊目甚多此三月十一日王文瑞一軍大獲勝仗之  
實在情形也其劉典一軍將徽州北路肅清後即飭黃

初編卷八

三

少春等七營於初十日進剿休甯北路藍田之賊斬賊  
百餘名十二日進剿小溪之賊又斬賊數十名十四日  
王沐因賊由夥西竄至黃路楠木嶺一帶漁亭赴祁門  
道路梗阻遂率所部轉戰而前又斃賊二三百名而該  
逆大股仍盤踞夥縣城內自夥西以至祁門東北折而  
至祁門南境均無賊踞王文瑞將丁長勝等調回祁門  
漁亭僅王沐一軍駐守頗形單薄劉典即飭黃少春等  
各營進紮漁亭張聲恒齊蘭禮移駐九聖橋劉典自率  
親兵於十六日行抵漁亭偕黃少春王沐等登山際望

見夥境四五八九等都賊踪已滿綿亘數十里夥縣至  
漁亭大路又設一堅卡以阻我師劉典以賊眾我寡利  
在速戰當於十七日率黃有功廖涓臣楊芳桂等由中  
路進黃少春喻可宗劉昌選李良平張福齊等由左路  
進王沐朱明亮等由右路進甫進卡邊該逆出悍黨千  
餘分列山巔搖旗拒戰王沐率所部奮擊斃大旗悍賊  
數名賊敗入卡劉典令各營梟水過河將卡賊擊敗而  
城賊及左右村莊之賊大至眾約數萬見官軍無多蜂  
擁而前適黃少春率左路各營沿巖而下中右兩路一

初編卷八

三

齊猛進賊勢大潰劉典遂將賊卡拆毀急令黃少春率  
所部各營由左路以攻四五都之賊王沐率繼果右後  
兩營朱明亮率桂營由右路以攻八九都之賊劉典率  
黃有功楊芳桂等及繼果前營劉志友追賊至夥縣城  
下賊回撲數次均經官軍擊敗遂乘勢奪門而入賊由  
東門竄走適右路各營將八九都之賊剿除追至大關  
左路各營將四五都之賊剿除歸併城東併力又追十  
餘里始收隊還其小溪一帶賊千餘來撲經張暨恆  
率所部擊敗餘逆悉向羊棧嶺方干嶺一路逃竄是役

斃賊四五千名解散脅眾無算奪獲騾馬五十餘匹賊  
遺穀米一萬餘石旂幟鎗斃不計其數此三月十七日  
劉典王沐兩軍大獲勝仗克復夥縣之實在情形也十  
九日王沐率所部進築夥城右山劉典派朱明亮黃有  
功廖涓臣等三營助之築壘未竟該逆率大隊來撲王  
沐朱明亮等奮擊斃悍賊多名賊敗去二十一日該逆  
又率大股萬餘人分路來犯王沐朱明亮等督隊猛進  
將賊擊敗賊復悉眾回撲官軍勢幾不支黃少春等繞  
出賊後擊之賊駭而奔追殺十餘里斃賊數百名生擒

初編卷八

三

數十名據生擒賊供該逆屢經官軍擊敗尚拚死圖竄  
嶺內者因太平古逆扼其去路必欲嗾各逆竄越江西  
並加騎賊前來助戰而另出大股偷竄徽休以撓官軍  
後路二十四日劉典率數騎前往瞭視夥縣之十都黃  
村盧村等處賊已堅築營壘有久踞之勢若不疾擊必  
為所乘遂於二十五日進剿曉霧漫空不辨行徑該逆  
見左路有官軍至併力來拒黃少春率所部奮擊張福  
齊破其一壘李良平復降其二百餘名中左兩路之賊  
來援李耀南楊芳桂率所部馳至黃有功陳瑞和廖涓



臣由中路王沐朱明亮劉大謨由右路已繞出賊後賊見官軍齊進大敗狂奔王沐朱明亮截住痛殺陣斬絢天義古文祐等悍賊多名黃少春率各營追至羊棧嶺賊回拒黃有功陳瑞和廖渭臣繞從右山截擊賊遂分向嶺外竄去是役踏破賊壘二十一座斃賊近二千名生擒百餘名救出難民無算二十六日有零股回竄經李耀南黃有功陳瑞和等率所部追剿又斃賊約三百名生擒偽主將林逆礫之此梟獲勝仗彰境肅清之實在情形也惟疊據駐防江西景德鎮道員段起械稱池

初編卷八

奏

建之賊已竄遁石門距景德鎮僅七十餘里青陽等處之賊亦併圍上竄饒景戒嚴劉典擬留王沐防守黟縣自率全軍馳赴浮景助剿頃據王沐稟報已回援景德縣縣無兵留防而賊踪尙環伺嶺外徽休一帶空虛又虞闌入劉典未便移軍入江致有顧此失彼之慮如果太平石埭賊踪全數竄江劉典自當越皖援江以符原議竊該逆各大股由廣德分竄皖南蔓延愈廣而浙東敗賊復竄入合股其圍繞徽州休甯者意在闖越婺源以入江西之德興樂平其竄踞黟縣圍繞祁門者意在

闖越浮景之東以出德興樂平之間而抄浮梁景德之後耳此次官軍肅清欽休繼剿黟縣嚴守祁門前後斃賊實有二萬數千之多救出難民男婦亦以數萬計用能肅清嶺內痛挫兇鋒保固江西浙江邊圍自師行以來無日不雨亦幾無日不戰在事文武將士且防且剿夜以繼日辛苦備嘗等亦未嘗不念其勞而憂其孤也浙江按察使劉典臨陣身先士卒屢瀕危險而忠憤之氣不衰實足愧諸庸懦之將現在徽休肅清黟縣克復可否

初編卷八

奏

賞加清字勇號以示激勵布政司銜江西吉南鎮甯道士文瑞力守祁門屢敗大股賊匪勞績卓著應請賞給該員祖父母父母兩代二品封典總兵銜副將黃少春應請交軍機處記名遇有浙江總兵缺出請旨簡放副將黃有功楊芳桂均請賞加總兵銜副將銜參將喻可宗參將齊蘭禮均請以副將仍留浙江補用並賞加勇號都司銜守備劉大謨請以遊擊補用並賞換花翎江西補用同知直隸州知州王沐請以知府

仍歸江西儘先補用同知李耀南請以知府仍留浙江  
補用並請

賞戴花翎其餘出力員弁可否由臣左宗棠沈葆楨分  
案擇尤保獎之處出自

天恩其陣亡之擬保花翎遊擊都司銜守備彭友年擬  
保把總羅廣林應請

官照擬保官階例議卹以慰忠魂謹合詞恭摺馳  
奏伏乞

皇上聖鑒訓示施行謹

初編卷八

三七

奏同治二年四月初六日

同治二年四月二十二日內閣奉

上諭前據沈葆楨奏官軍會克夥縣城池當今降旨官  
示並將出力之同知直隸州知州王沐以知府仍留江  
西儘先補用賞給勇號茲據會國藩左宗棠等奏克復  
夥縣嶺內肅清一摺逆匪聚夥夥縣祁門圖竄江西經  
王文瑞等擊賊於七里橋小路口干佛橋等處斃賊七  
八千名生擒八百餘名陣斬偽佑王李遠繼斃賊目  
甚多其夥縣賊經劉典王沐等分路進破堅卡收復

縣城後王沐等督軍進紮夥縣石山迭次擊退撲特悍  
賊匪將夥縣之十都黃村廣村等處賊壘痛加勦洗陣  
斬偽紳天義古文祐等悍賊多名進至平棧嶺賊紛  
向嶺外逃竄其踏平賊壘二十一座斃賊近二千名嶺  
內一律肅清其攻克夥縣戰狀與沈葆楨前奏大略相  
同剿辦甚為得手所有尤為出力各員除王沐業經給  
予獎敘外浙江按察使劉典著賞給阿爾剛阿巴圖魯  
名號布政使銜江西吉南鎮守道王文瑞著賞給該員  
祖父母父母二品封典副將黃少春著交軍機處記名

初編卷八

三七

遇有浙江總兵缺出請旨簡放其有功楊芳桂均著賞  
加總兵銜參將喻可宗齊蘭禮均著以副將仍留浙江  
補用喻可宗並賞給勇號巴圖魯名號齊蘭禮並賞給  
健勇巴圖魯名號守備劉大諤著以遊擊補用並賞換  
花翎同知李耀南著以知府仍留浙江補用並賞換花  
翎其餘出力員弁著左宗棠沈葆楨分案擇尤保奏以  
示鼓勵陣亡之擬保遊擊都司銜守備彭友年擬保把  
總羅廣林均著交部照擬保官階例議卹以慰忠魂欽  
此

陳明溫瑞海關改由溫處道就近徵解片

再溫州海關稅務向由甯紹台道派人徵收相隔太遠流弊無從稽核致書吏得以任意侵吞關稅全無實際本年正月臣請補溫州府知府周開錫兼署溫處道篆履任之始即飭就近確查將關書酌量更換由該道徵解毋庸歸甯紹台道兼管以昭核實茲據兼署溫處道周開錫申稱委員駐關徵收自正月二十八日起至二月三十日止共收過各項正耗稅銀一千六百兩六錢四分七釐錢七十九千二百九十八文其辛工紙張飯

初編卷八

奏

食等款容隨時酌給另文進報等情前來除仍飭令認真稽核隨時釐剔弊端務期關稅日有起色以裕餉需外所有溫瑞海關改由溫處道就近徵解毋庸歸甯紹台道兼管緣由理合附片陳明伏乞

聖鑒施行謹

奏 同治二年四月初六日

議政王軍機大臣奉

旨該衙門知道欽此

請卹浙省殉難文武官紳摺

奏為查明浙省殉難文武官紳請

旨議卹以勵忠節事竊浙江省城自咸豐十一年十一月失陷在城殉難各員屢奉

諭旨交臣查明具奏除將甯瑞昌巡撫王有齡副都統傑純已奉

旨優卹學政張錫庚署布政使麟趾等已奏請

賜卹外其餘各員節經臣訪司詳查茲據代辦藩司蘇式敬臬司劉典將各屬殉難文武官紳查明彙詳請

初編卷八

單

奏前來臣細加覆核該員等或臨陣捐軀或集團遇害或勵官常而見危授命或篤儒行而矢志不渝孤忠亮節實足光史冊而振綱常理合開具清單恭呈

御覽飭部分別議卹以慰忠魂其團董及殉難婦女應併由臣分造清冊咨部

題請旌卹至此外殉難各員容再查明具

奏伏乞

皇上聖鑒施行謹

奏 同治二年四月初六日

謹將浙江殉難文武官紳開列清單恭呈

御覽

記名總兵儘先副將吳蓋臣湖南人

該員於咸豐十一年經巡撫王有齡提督饒廷選檄委駐防海甯州城陷力戰陣亡

定海鎮標中營遊擊署撫標中營參府林台三黃巖縣人

該員於咸豐十一年七月經巡撫王有齡委赴台州臨海黃巖查辦土匪及勸辦團練事宜十一月賊陷黃巖

初編卷八

聖

縣城率圍力戰陣亡

都司銜杭巖衛掌印守備吳文鈞江蘇丹徒縣人

藍翎儘先千總胡慕超廣東香山縣人

儘先把總撫標右營外委呂秉禮仁和縣人

撫標右營外委呂秉誠仁和縣人

該四員於杭城失陷力戰陣亡

嘉興協左營把總葉廣原

該員聞杭城失陷閉門放火殉難

候選道朱琦廣西臨桂縣人

該員留浙差委防守杭州清波門城陷率團巷戰遇害

捐升知府題補上虞縣知縣胡堯載湖南武陵縣人

該員於咸豐十一年十月二十一日親督勇丁在城外力戰陣亡

蘭谿縣知縣興霖內務府鑲黃旗漢軍恆桂佐領下人

該員於咸豐十年調省當差杭城失陷罵賊不屈遇害

同知銜龍泉縣知縣程國賢安徽歙縣人

該員於咸豐十一年調省差遣派查候潮門城陷遇害

同知銜諸暨縣知縣鳳杓蒙古鑲紅旗人

初編卷八

聖

該員調省差遣咸豐十一年九月派令守城城陷遇害

題補西路鹽場大使周鼎成

該員督帶圍勇杭城失陷力戰陣亡

金華府教授蔡召南蕭山縣人

咸豐十一年四月金華失陷該員端坐府學署中罵賊

不屈被賊刃傷投井而死

仙居縣教諭吳晉錢塘縣人

咸豐十一年十月仙居縣城失陷被賊戕害

宣平縣教諭王椿煜分水縣人

咸豐十一年十一月在宣平縣茶坑地方集團禦賊遇害

龍游縣教諭孫仁壽錢塘人

咸豐十一年四月赴鄉辦團九月在龍游東鄉遇害

開化縣訓導薛芳紹興府人

咸豐十一年十二月在開化縣宋村地方集團禦賊遇害

遂安縣訓導胡慶祺臨安縣人

咸豐十一年十月初五日遂安縣城失陷投水殉難

初編卷八

星

上虞縣典史曹燮順天府大興人

咸豐十一年十月賊陷上虞該員看守監獄遇害

署秀水縣典史補用從九品熊士龍江蘇淮安衛籍

咸豐十年四月賊陷嘉興府城該員罵賊不屈遇害

杭州織造司庫海安內務府鑲黃旗柏壽佐領下人

該員於杭城失陷時手刃二賊遇害

候選道辦處庫守榮桂

該員係海安之孫杭城失陷同時殉難

候選通判林聯芳廣東新會縣人

候選縣丞徐嘉賢廣東南海縣人

該二員留杭差委咸豐十一年十一月賊陷杭城遇害

廣東試用布經歷熊光洛安徽潛山縣人

該員管帶義字營杭城失陷力戰陣亡

候選從九品冉自擇四川奉節縣人

該員隨同副將余永椿於咸豐十一年四月在淳安縣

港口地方打仗陣亡

候選從九品戴臣廉廣西臨桂縣人

該員隨同參將戴兆熊管帶水師在省領餉城陷遇害

初編卷八

星

候選從九品羅照贊湖南長沙人

該員管帶奮武軍駐紮杭州慶春門城下城陷中城陣

亡

已革湖南提標右營千總儘先守備王玉龍

該員於咸豐十一年九月在衢州府城外打仗陣亡

外委程林安徽歙縣人

該員管帶果毅軍咸豐十一年四月在淳安縣港口打

仗陣亡

知府銜分發江蘇同知袁焜天台縣人

該員帶勇回援省城九月初七日行抵東陽適值縣城失陷與賊力戰陣亡

藍翎外委王小雷永康縣人

該員隨同袁焜力戰陣亡

藍翎五品軍功胡鳳恩永康縣人

藍翎五品軍功儘先把總張得興永康縣人

藍翎六品軍功廩生袁藻永康縣人

該三員管帶健勇駐守東陽永康交界之孔宅地方同治元年十一月大股賊至力戰陣亡

初編卷八 星

擬保副將花翎儘先參將胡鳳鳴永康縣人

該員由武進士歷保參將出師皖南回援浙省行至壽昌路阻改由處州而至台郡適值天台仙居兩縣失守

台州府龔振麟移請防堵黃巖咸豐十一年十一月黃巖失陷力戰陣亡

藍翎儘先把總尹篤性臨海縣人

藍翎五品軍功施上林永康縣人

該二員隨同胡鳳鳴在黃巖縣打仗陣亡

道銜員外郎用戶部主事何惟俊山陰縣人

該員在籍辦團賊陷紹興府城自縊殉難

知州銜前署湖南桂陽縣候補知縣葉維藩松陽縣人

該員帶勇駐紮松陽縣堰頭咸豐十一年七月賊犯堰頭殺賊多名旋因眾寡不敵陣亡

原任廣西永甯州知州張致嘒

廩生張致岡

監生張師六

該三員均係浦江縣人咸豐十一年七月在本籍孝門橋地方集團禦賊斃賊多名旋因眾寡不敵同時力戰

初編卷八 哭

陣亡

候選通判孫懷邦鎮海縣人

該員在鎮海縣大雷地方集團官軍進攻甯郡適於同治元年二月二十四日賊犯定海舟山時遇賊撲

出公文被戕

生員石祖繹浦江縣人

該生於咸豐十一年九月率團在浦江縣石家村禦賊

陣亡

候選知縣唐茂莘

候選布理問林廷秀

候選縣丞戴鹿星

附貢生戴鹿谿

附貢生柳晉源

武生郭老組

該六員均係蘭谿縣人咸豐十一年四月縣城失守督團力戰陣亡

六品銜前在江西龍泉縣縣丞徐光清

從九品徐宇立

初編卷八

四七

該二員均係上虞縣人咸豐十一年賊陷上虞縣城在下管地方集團禦賊陣亡

從九品銜陸世琛

從九品陸德鏞

該二員均係歸安縣人咸豐十一年五月賊竄歸安菱湖鎮與賊接仗陣亡

從九品林值三黃巖縣人

咸豐十一年十一月賊竄黃巖該員率團巷戰陣亡

附貢生姜栴槐

生員姜福綸

職員姜綉綸

廩生王夢熊

該生等均係龍游縣人咸豐十一年四月率團在靈山地方剿賊陣亡

議敘從九品毛贊行江山縣人

該員於咸豐八年二月江山縣城失陷率團禦賊陣亡衛千總銜王壽江山縣人

該員於同治元年三月賊竄江山縣二十七都地方集

初編卷八

一

團禦賊陣亡

貢生薛年豐

歲貢生周慶春

生員林陳芳

生員趙煥文

生員姚升聞

監生鄭希轍

監生蔣年

監生李景瀛

該生等均係樂清縣人同治元年二月賊竄樂清集團

禦賊陣亡

生員余成湖

生員劉明

該生等均係青田縣人同治元年正月在青田縣河東  
坪地方與賊接仗被害

生員項學山青田縣人

同治元年六月在青田縣水東地方禦賊陣亡

文童王月華遂昌人

初編卷八

兇

同治元年二月隨同官軍進剿遂昌西鄉大柘排前踞  
賊深入賊壘力戰陣亡

監生周學賢遂昌縣人

同治元年三月在葉家殿剿賊陣亡

監生周鶴

貢生項邦英

從九品銜李佑文

武生項植榮

該生等均係雲和縣人咸豐八年五月在雲和白水畝

集團禦賊陣亡

員生陳以道

生員潘製錦

該生均係景甯縣人同治元年攻剿景甯縣城賊匪陣  
亡

武生吳希璘瑞安縣人

同治元年五月平陽會匪滋事集團堵剿陣亡

生員郭舜臣麗水縣人

同治元年正月在海口地方與賊接仗陣亡

初編卷八

李

監生呂停雲麗水縣人

同治元年五月在碧湖地方與賊接仗陣亡

以上文武官紳八十七員名均請

旨交部從優議卹

試用縣丞龍章安徽桐城縣人

咸豐十年賊陷杭城遇害

選用知縣陳珩安徽懷甯縣人

該員寄居嶧縣南鄉咸豐十一年賊竄嶧縣聚集南鄉

團勇禦賊十一月二十三日團勇潰散遇害



五品頂戴即選從九品章秀甫錢塘縣人

該員於咸豐十年杭城失陷遇害

五品封典議敘翰林院待詔銜阮敬熙太平縣人

該員在籍辦團咸豐十一年十二月賊竄太平自縊殉難

候選訓導歲貢生諸葛令蘭谿人

咸豐十一年九月賊竄蘭谿守節不屈遇害

生員胡維寬樂清縣人

同治元年二月賊竄樂清刺賊落水殉難

初編卷八

三

廩生陳治謨

生員陳熙

生員林鶴鳴

女童陳輝

該生等均係雲和縣人咸豐八年五月賊竄雲和守節

不屈遇害

貢生許海棠

生員薛源

該員等均係瑞安縣人同治元年平陽會匪滋事守節

不屈遇害

以上十二員名均請

旨交部照例議卹

嵯縣教諭盛元音富陽縣人

同治元年三月赴鄉辦團遇賊接仗受傷身故應請

旨照傷後亡故例議卹

初編卷八

三

恪靖奏稿初編卷九目錄

補授閩浙總督謝恩摺

奏報截勦富陽新城援賊大勝小挫情形摺

覆陳裁汰閩軍並臺灣等處軍情片

附陳誘獲盜首顏馬登等斬梟片

奏報浙師越皖援江迭獲勝仗情形摺

軍中忠疫擬俟秋涼力圖進取片

請設閩浙總糧臺派員總辦摺

請將已革道員勒追京米捐款再行捐輸賑米片

初編卷九目錄

請將貪橫不法之獲提督革職查抄摺

遊員委署提督兼務片

補授閩浙總督謝恩摺

奏為恭謝

天恩仰祈

聖鑒事竊臣於四月初八日嚴州營次准兵部火票遞

到同治二年三月十八日內閣奉

上諭閩浙總督著左宗棠補授仍兼署浙江巡撫欽此

跪聆之下感悚難名四月廿四日准前督臣曾齡委護

理督標中軍副將郭什春候補通判薛燦恭齋福建浙

江總督關防一顆福建鹽政印一顆到臣當即恭設香

初編卷九

案望

關叩頭祇領任事伏念臣湘水庸材草茅下上讀書未

通世務徒竊虛聲學戰謬廁戎行鮮裨大局乃荷

先皇帝特達之知由舉人不次拔擢游至正卿

皇帝御極之初復蒙

畀以封疆重寄方憂時事之艱未呈寸效更沐

溫綸之賁竝結雙符自顧何人膺竝寵遇敢不竭忱盡

瘁以期稍答

思知惟念兩浙則瘡痍待起搶攘未遑八閩亦厝積堪

虞綱繆宜預如臣 駑鈍實懼弗勝幸聞撫臣 徐宗幹於  
 吏事一切矢志澄清從前昏黷之風為之稍息總督衙  
 門例行事件仍出閩撫臣 代辦可期無誤前督臣 耆齡  
 甫卸軍務目睹軍食匱乏情形自當整理海關稅務力  
 圖接濟臣 惟慮衷商權共濟艱難其閩省軍務及一切  
 緊要公事臣 責重兼圻義無旁貸總期竭臣 思慮所能  
 及才力所可到者竭蹶圖維以求仰副  
 高厚生成於萬一所有微臣 感激下忱謹繕摺附驛馳  
 奏恭謝

初編卷九 二

天恩伏乞  
 皇上聖鑒訓示施行謹  
 奏 同治二年四月廿八日  
 議政王軍機大臣奉  
 旨知道了欽此

奏報截剿富陽新城援賊大勝小挫情形摺  
 奏為官軍截剿富陽新城援賊三大勝一小挫現籌辦  
 理情形恭摺馳  
 奏仰祈

聖鑒事竊富陽新橋援賊經蔣益澧擊敗後伏匿不出  
 勢甚窮蹙偽忠王李秀成喉偽聽王陳炳文舍蘇州之  
 常熟昭文不圍而急援富陽並糾邀蘇常賊黨挑選杭  
 嘉等處悍賊踞守嘉興石門之偽歸王鄧光明新橋偽  
 主將汪逆黃逆等由餘杭趨臨安圍竄新城以襲富陽

初編卷九 三

官軍後路維時花旗粵賊亦分股由績溪回竄清安分  
 水地界繞越新城臣 以富陽新橋兩處賊匪屢誘不出  
 必有詭謀查杭屬新城縣城地勢足以屏蔽桐廬與富  
 陽官軍相為犄角前調遊擊賴錫光擬保副將李錫回  
 率精捷兩營駐之向嫌單薄當飭魏喻義一軍二千人  
 馳回新城以備截擊魏喻義甫抵新城疊據探報聽逆  
 糾集各股竄踞觀音山板橋一帶進紮山口距新城僅  
 三十餘里四月初一日魏喻義會同賴錫光李錫回等  
 進剿遇賊大至官軍槍礮環擊斃賊數百名賊死拒不

退魏喻義分軍由小路抄之而自率親兵與賴錫光等所部殲其先鋒賊目數名奪獲旂幟槍礮刀矛數千件一賊騎黑馬掠陣官軍圍之數重有賊數十騎擊洋槍護之突圍而出僅於道旁獲其黃呢大轎訊之活賊僉稱卽偽聽王也是夜五鼓偽朝將汪逆復分路來犯比曉已至永昌時山霧漫空咫尺莫辨魏喻義督軍迎剿賊潛從林谷中抄出官軍奮威衝殺賊愈裏愈厚鏖戰三時弁勇亡傷數十名都司楊陞斌身受重傷守備劉立號力戰陣亡官軍後路已爲賊斷魏喻義遂率所部

初編卷九

四

且戰且退至城東南收隊入城逆賊躡蹠而至賴錫光等督隊由南門出擊賊勢稍却一面將附城房屋拆去一面嚴守城堞布置稍定賊已合圍火箭噴筒進射城內環攻兩時賊多傷斃遂稍退卻三更後又分三路撲城拔開木椿梯城而上官軍伏於牆內俟其逼近發礮石擊之斃賊不知其數方魏喻義之退保新城也蔣益澧得報卽遣記名總兵熊建益率數營出城後擊之甫至板橋殺尾賊百餘名生擒五十餘名獲賊米數十石而還蔣益澧慮新城兵單急遣記名提督高連陞復率

數營馳援而自率親兵督之令熊建益回防新橋之賊初三日高連陞馳抵新城之南臣飭楊昌濬率十營往援亦陸續行抵桐廬賊見援軍大至拋棄攻具向臨安一路鼠竄而去高連陞亦僅斬其尾賊數十名而還是日新橋之賊見宜軍方援新城忽出賊數千分路來犯熊建益督隊施放槍礮斃賊甚多賊敗入壘熊建益乘勝攻之右臂爲洋槍所洞猶裏創力戰率親兵踰重濠而進直薄城壘猱騰而上賊勢大亂壘垂破矣熊建益忽被賊洋槍洞穿小腹親兵向助搶護還營刻卽頒命

初編卷九

五

賊亦不敢復出蔣益澧聞耗當卽折回新橋料理一切臣派往援剿之羅大春簡桂林楊鼎勛陳彝會四營已抵新城蔣益澧遂將高連陞軍調回新富適中之地駐紮以便往來策應初六日爲聽王及各逆由桐嶺謝聖嶺千家村一帶至洪莊上陳泗洲庵等處布陣數十里誓破新橋官軍營壘初七日蔣益澧正擬出隊迎剿該逆已分股逕撲王東林曹魁甲兩營官軍列隊仰攻相持兩時之久王東林曹魁甲身冒礮石奮力衝止立斬悍賊十餘名賊敗歸對山復分大股僕高連陞營

壘高連陞分軍埋伏左右自率親兵嚴陣以待俟賊接近開礮轟之立斃黃衣賊目一名先鋒悍賊數十名賊退却伏兵左右抄擊賊大敗王東林等復從後截殺共斃賊四五百名陣斬偽朝將李逆等賊目三十餘名生擒數十名賊之為槍礮轟傷者殆以千計而逆賊抄襲富陽官軍後路之計始沮矣先是水師副將楊政謨都司羅啓勇聞杭城之賊隨聽逆上竄料杭城準備必疏初一日各率所部師船沿江而下駛抵開口遇賊船百餘號當即開礮轟擊二品頂戴遊擊布良帶等見師船

初編卷九

六

自上游駛至即各督所部戰艇開礮夾擊逆賊不能抵敵紛紛逃潰楊政謨羅啓勇等登岸追賊直抵杭州望江門外踏毀賊壘一座殺賊數百焚燒賊船數十奪賊船三十餘號杭州踞逆大震屢呼聽逆及偽朝將汪逆等同援該逆等知官軍後路嚴密無隙可乘又杭州之賊呼援甚急遂鼠竄回杭此陸軍迭次截剿富陽新城援賊水軍直搗杭城三獲大勝一以小挫之實在情形也臣維官軍之規取杭城原圖擊賊北竄之勢蘇常各賊之急援杭州本在意料之中其徑犯新城妄思抄襲

官軍後路乃逆賊慣技新城城小而固我以重兵駐此以主制客以逸待勞雖賊勢悍而且眾亦何能為惟以規復杭城局勢而言非重兵由新城臨安直指餘杭不能扼杭城之吭而拊富陽之背臣原擬劉典一軍肅清皖南後即可由分水臨安直指餘杭乃徽休祁黟雖以次肅清而賊由池屬建德犯江西饒景劉典一軍勢難遠撤且恐饒景喫緊仍須兼顧江西而皖南之太平石埭建德尚有餘賊踞守劉典如赴饒景之援尚須分兵駐守皖境以遏賊衝更何能為直指餘杭之舉通計

初編卷九

七

軍水陸馬步共祇三萬餘人除劉典王文瑞兩軍之在皖者已一萬有奇蔣益禮全軍之攻富陽者亦一萬有奇臣復撥水師馬隊助之其餘各營除分撥下游新城桐廬及紹郡之義橋一帶上游之淳安遂安兩縣外尚須分防衢州金華嚴州兵力實為不厚其甯波一軍頗形冗雜現正陸續汰遣前督臣者齡所轄各軍亦苦統領乏材急須分別去留束以營制專其責成乃可收餉節兵精之效臣惟力圖整飭務期實濟而免虛糜如新隸各軍漸有把握機會可乘臣自當迅速以赴戎機斷

不敢稍涉遲延自干咎戾所有此次陣亡之記名總兵  
熊建益樸勇善戰隨征十年勞績卓著入浙以來尤所  
向有功茲以憤攻賊壘中礮捐軀深堪憫惻合無仰懇  
天恩飭部照總兵陣亡例從優議卹

子諡並於富陽縣建立專祠守備劉立號併請

旨從優賜卹以慰忠魂所有截剿富陽新城援賊獲勝  
及善畫情形謹據實直陳伏乞

皇上聖鑒訓示施行謹

奏 同治二年四月廿八日

初編卷九

八

議政王軍機大臣奉

旨另有旨欽此

覆陳裁汰閩軍并臺灣等處軍情片

再 於同治二年四月初八日嚴州營次欽奉

寄諭已諭令耆齡即將所辦閩浙兩省防剿事宜及所

部各軍移交左宗棠接辦其浦城防所應即遵委大員

前往押當如何接辦之處即由左宗棠酌度奏明辦理

耆齡所部廣勇並著於閩浙軍營內選擇善於駕馭之

員派令統帶如廣勇實係不能得力有害無利即著左

宗棠酌量撥遣欽此十四日續奉

寄諭耆齡奏臺灣官軍剿匪情形添派曾元福馳往夾

剿並遵將閩省援師分駐金處各屬情形各摺片臺灣

逆匪本係烏合之眾乃剿辦幾又一年兵勇愈多未能

得手即此次嘉義解圍亦屬萃港紳民之力居多是否

吳鴻源等不能得力抑係事無專責各相觀望即著統

籌全局嚴飭各將士迅將斗六彰化克復及早蒞事並

著徐宗幹洪毓琛就近商辦毋任稽延耆齡援浙各軍

據該將軍奏稱經費支絀量為裁減左宗棠所統兵勇

初編卷九

九

是否足敷布置倘閩軍尚可裁減自應酌量裁汰以節

餉需欽此 臣維耆齡所部兵勇從前原有四大支統領

粵軍者江西道員康國器統領閩軍者署提督秦如虎

福甯鎮總兵林文察統領南康勇耆參將化孺後以江

西同知程培霖代之現均撤退無員統帶此外人數稍

多者石字營一千餘人先係從九鄂太愚管帶後以江

西知縣孔廣晉代之現亦裁遣惟章武軍千餘人尚留

浦城係耆齡舊部向未派員統帶統計援浙一軍兵勇

從前人數共二萬數千除員名陸續裁撤其現存者不

過一萬三千餘員名就中如南康勇穴雜尤甚尙應裁撤而章武軍之千餘人准着齡械稱擬與閩撫臣商酌帶赴閩省臣已諾之是援浙一軍朕存不過八千餘人而粵勇中之桀驁難馴及患病求歸者臣接辦後尙須汰遣至援浙一軍統領除秦如虎署理提督接帶之總兵周萬遠已經撤退現在接帶之署處州鎮總兵樂清協副將劉萬德亦爲士心所附臣前咨督臣仍歸秦如虎調遣其林文察所部臺勇已經前督臣撤遣此時計已抵閩統計援浙一軍統領之僅存者惟康國器一員

初編卷九

十

而已閩粵各軍營官勢均力敵材質亦不相上下就中推擇統領苟非其人無以服眾若別由外營派委統領彼此不相服習驟難期其妥洽此酌量撤遣非難而另派統帶則尙須審慎之實在情形也至浦城地勢在閩省固爲衝要而以近日局勢言之賊蹤擾及饒境是浮景爲門庭而廣信爲堂與浦城又在江山玉山廣豐之後相距甚遙不必以重兵屯於閒散之地惟閩省轉輸入浙則舍舟而陸必問途於此暫以備師駐之自無不可其臺灣一郡爲閩省外郭警備鎮鑰臺郡爲鎮澎湖

廈門爲鑰鹿耳門鹿仔港則通鑰之竅也鹿耳鹿港兩處無事則全臺有所恃以無恐而省郡之氣常通臣於數日內接閱各處文報似吳鴻源曾王明未能得力而陽海探報難期確實現與閩撫臣妥慎籌辦以專責成申軍令固人心爲主布置情形容當續報又延平府屬沙縣順昌永安等處土匪披猖據署延建邵道曾憲德所稟各屬辦理情形極爲急玩深屬可慮俟查明確實即當從嚴參辦以圖力挽頹風閩省吏治軍事積習已深自非及早整頓難期補救臣惟有核實辦理相機調度以期稍慰我

初編卷九

十一

皇上軫念海疆至意所有覆陳情形謹附片具奏伏乞

聖鑒訓示施行謹奏 同治二年四月廿八日

議政王軍機大臣奉

旨另有旨欽此

議政王軍機大臣 字寄同治二年五月十八日奉

上諭左宗棠奏官軍截剿富陽新城援賊大勝小挫並

通籌裁汰閩軍及臺灣等處軍情各摺片已明降諭旨

將陣亡之總兵熊建益等從優賜卹矣此次賊匪徑犯新城思襲富陽後路雖經官軍擊退而劉典王文瑞兩軍尚須駐院蔣益澧全軍力攻富陽其餘各營分撥上下各游防剿兵力實不為厚是克復杭州尙難剋期而待左宗棠現擬將新隸閩軍力圖整飭相機進剿亦是因時制宜之法即著將閩省營兵分別去留認真訓練俾成勁旅仍一面於閩粵營官中慎選統領之員派令分營管帶庶將識士心士誠將意可收餉節兵精之效至浦城地方既無須重兵屯駐即由左宗棠酌派一軍

初編卷九

十三

駐之以護轉輸運道臺灣小醜剿辦幾及一年總無起色吳鴻源曾玉明既不得力即著與徐宗幹妥慎籌辦申明軍令激勵兵心以期早日肅事沙縣等處土匪披猖在事員弁辦理情形極爲怠玩若不從嚴懲辦必致軍心益懈賊勢益張於閩省地方大有關係即著左宗棠迅速查明嚴參懲處毋稍徇縱至閩省吏治軍務積習已深惟在該督實力整頓力挽頹風以副委任將此由六百里諭令知之欽此

同治二年五月十八日內閣奉

左恪靖侯奏稿初編 卷九

上諭左宗棠奏官軍截剿富陽新城援賊情形一摺僞聽逆陳炳文等率領悍黨由餘杭趨臨安圖竄新城以襲富陽官軍後路經道員魏喻義等督兵追剿殲賊千餘賊復乘霧分路來犯攻撲新城官軍俟其逼近城墻礮石齊發斃賊不計其數提督高連陞等又督兵往援賊眾拋棄攻具向臨安一路鼠竄而去其攻撲新橋之賊亦經王東林等奮力衝殺陣斃黃衣賊目一名悍賊數十名敗殘餘匪復經兵勇截殺斃賊千計即著左宗棠督率在事員弁兵勇迅克富陽進規杭州以稍遲誤

初編卷九

十三

記名總兵熊建益樸勇善戰人浙以來尤所向有功此次憤攻賊壘中礮將軀深堪憫惻著交部照總兵陣亡例從優議卹加恩予諡並於富陽縣建立專祠守備劉立瓚力戰陣亡著一併交部從優議卹以慰忠魂欽此附陳誘護盜首顏馬登等斬梟片再盜首顏馬登向在台溫洋面聚黨行劫上年據溫處道友方廉轉據永嘉縣紳士葉品金稟稱該犯情願投誠充當水勇效刀贖罪當經前督臣慶瑞具奏欽奉諭旨洋盜顏馬登等五十六名投誠充當水勇並著

一八一



齡左宗棠查明顏馬登等如果真心悔悟立功自贖即著飭令支方廉妥為安插毋令滋生事端等因欽此在案詎料該犯顏馬登投誠之後並不歸標仍盤踞海上肆行搶掠並勒抽商漁船稅本年三月間經署溫處道周開錫密飭永嘉縣陳寶善誘拏顏馬登到案一面飛咨護理温州鎮總兵黃載清將其黨夥金明海等二十三名拏獲並起出私造抽稅旂子四桿證以各處控案情罪確實屬怙惡不悛法無可宥已飭署溫處道周開錫監提該犯立予斬決梟首犯事地方以昭炯戒其

初編卷九

丙

夥犯顏阿歡陳國勝金明海甘心從匪劫掠商船亦罪無可赦併立予斬決餘黨林新海等二十犯雖係顏馬登臨時雇用然既隨高搶劫情節較重俟研訊確情再行擬結理合附片具

奏伏乞

聖鑒施行謹

奏 同治二年四月廿八日

議政王軍機大臣奉

旨知道欽此

奏報浙師越皖援江迭獲勝仗情形摺  
奏為浙師越皖援江迭獲勝仗現籌辦理情形恭摺奏

祈  
聖鑒事竊劉典一軍將縣克復嶺內肅清後迭接江西道員段起等械稱各逆大股屯踞於石門陶溪渡茅屋嶺規田街等處距景德鎮僅數十里劉典遂留知府朱明亮所部桂營會同王文瑞老湘營扼守祁門令張聲恒兩營駐紮源亭李耀南陳瑞和一營一旅駐紮屯溪以固徽婺之防而自率所部四千人由婺源之清華

初編卷九

壬

街甲路以出景德鎮探報賴巢兩逆率大股踞茅屋嶺規田街者已擾及高橋洗馬橋等處距景德鎮不過二十里劉典即於五月初九日進紮洗馬橋適道員席寶田率所部及仁右營進駐洪源距規田街四十里函約初十會剿該逆聞浙師至已於初九夜分路潛遁劉典派隊追剿僅斬賊數十名奪獲牛馬二百餘隻而賊之犬股仍盤踞陶溪渡修築堅壘以圖抗拒我師劉典以江西韓營忠勇軍現駐陶溪渡對岸與賊相隔一水足以扼其前必分一軍從崇光渡進剿以襲其後庶可扼

某去路以收夾擊之功當與席寶田等商定飭黃少春率五營會合王德榜一軍於十一日進駐規田街席寶田等亦率所部駐陶溪渡規田街適中之地相機會剿先是規田街賊竄至鴉橋經江軍參將劉勝祥擊殺百餘人王沐復合軍追殺十餘里斃賊數百名餘賊退往斜溪黃少春等正擬於十四日進剿而斜溪港口橫湧壩等處之賊又分向建德竄去浮梁境內一律肅清江軍王德榜劉勝祥浙軍黃少春聶邦光楊詠春等遂率所部紮橫湧壩陳家墩劉典督同黃有功楊芳桂楊

初編卷九

六

在田廖渭臣等於十五夜拔營約期十六日會合進剿崇光渡之賊並一面檄約席寶田轉進春於是日出隊以擊陶溪渡賊勢適偽堵王等並先於是夜乘席寶田營壘未固率眾猛撲經席寶田竭力擊退十六日劉典率各營進剿崇光渡前隊黃少春王德榜等捲旂疾進乘其不備連破賊巢兩處焚賊營五座殺賊八九百名生擒百餘名奪獲騾馬五十餘匹賊方由左路敗竄復經黃有功場在田廖渭臣等截殺又斃賊二百餘名賊向石門一帶竄去其陶溪渡之賊仍負踞如故十九日

席寶田等約劉典會剿劉典率數騎前往偵視見該逆築大壘一座中包數小壘長約數里小港之西又築壘五座相為犄角官軍分路齊進環攻數時該逆伏匿不出二十三日劉典飭各營移紮茅屋嶺二十四日席寶田由中路屈蟠韓進春由左路劉典率各營由右路直攻陶溪渡賊壘拔開木椿竹籤三十餘層踰濠而進該逆拚死抵拒槍礮如雨浙軍副將喻可宗督隊猛進直逼壘下忽被賊槍洞穿太陽左穴親兵搶護而回已經殞命各勇益憤又猛攻逾時賊壘垂破復完者數次官

初編卷九

七

軍以受傷者多乃收隊還劉典正擬率各營由陶溪渡過河移紮城壘之西席寶田移營而東以困之詎知該逆經此次痛擊驚怖殊甚即於二十五夜向洋塘石門而遁劉典立派七營會同江軍席寶田王德榜屈蟠韓進春等追剿沿途又殲斃多名其自相踐溺死者不下數百名二十八日行抵洋塘該逆列隊抗拒黃有功王德榜等督勇奮擊斃悍賊百餘名賊敗走而後路石門雞公包之賊大至黃有功王德榜因兵力過單未便深人遂收隊還劉典復派黃少春所部四營馳往會剿擬

先剿雞公包之賊而該逆已於二十九日向青山橋一帶逃竄三十日抄軍各營會同王德榜一軍分路進攻石門楊詠春劉大謨等麾勇擊殺守卡賊數十名乘勝逼攻賊壘該逆負固不出官軍射火箭燃其篋棚賊始驚亂黃少春等率所部馳至賊棄壘而遁官軍乘勢掩殺未及里許該逆合併鐵爐岡援賊復圖抗拒適王德榜黃有功聶邦光回由左路堵剿而上擱頭截擊賊大敗越嶺逃竄官軍分路追殺斃賊七八百名楊芳桂率馬隊猛追又斬賊二三百名追至鐵爐岡該逆尚有二

初編卷九

六

三萬眾見官軍至悉向彭澤地境竄去前後數戰斃賊不下數千拔出難民約以萬計此股逆賊自陶溪渡石門蔓延彭澤湖口都昌等處經官軍迭次痛剿尙節節修築堅壘力圖抗拒蓋知退無所掠必欲由此竄入江西腹地也幸各軍乘屢勝之後躡蹤猛追使其喘息未定奮力攻剿得將浮梁鄱陽境內一律肅清都昌之賊亦聞風下竄現李榕一軍駐紮湖口江忠義一軍亦已行人江西將由都昌以趨湖口如機勢湊拍江軍躡其後江忠義李榕兩軍阻其前或可聚而殲旃惟由彭澤

可橫竄建德以出祁門劉典一軍尙須防堵宜欵一路未可深進自入江以來無日不戰士卒冒暑過征病者殆半勞瘁異常擬令稍爲休息確審賊蹤趨向以定進止機宜所有此次陣亡之留浙補用副將喻可宗從征數載每戰身先士卒樸誠勇敢出於性生茲竟力戰捐軀深堪憫惜應請

旨照副將例從優議卹陣亡花翎都司張亮華併請

部照例議卹以慰忠魂謹會同協辦大學士兩江總督

臣會國藩江西巡撫臣沈葆楨恭摺摺馳

初編卷九

六

奏伏乞

皇上聖鑒訓示施行謹

奏 同治二年六月初十日

議政王軍機大臣奉

旨另有旨欽此

軍中患疫擬俟秋涼力圖進取片

再五月以後天氣酷熱異常水泉乾涸禾苗多就枯槁疫氣盛行各營弁勇病者過半營哨各官有物故者新募來浙勇丁染患尤甚地方久經兵燹兇穢之氣與憂

愁鬱結之氣釀此大災蔣益澧劉典魏喻義及水師各營所患情形大約相似臣軍從前兩遭此厄然皆發於夏秋之交未若此次之早者現在祈禱醫調冀早痊可惟體察情形每營勉能出隊者不過三四成一時實難趣戰必俟秋涼疫氣漸減始可督飭各軍力圖進取以赴戎機理合附片具陳伏乞

聖鑒謹

奏 同治二年六月初十日

議政王軍機大臣奉

初編卷九

三

旨另有旨欽此

請將已革道員勒追京米捐款再行捐輸賑米片再江蘇道員楊坊等籍隸浙江家資巨萬膜視邦族奇荒不加拯恤前經臣附片

奏明欽奉

諭旨著照左宗棠所擬飭令富紳楊坊等力措鉅款廣購米石迅救卹危如敢不遵卽行嚴辦等因欽此當卽恭錄行知各該員惟蘭谿縣紳士毛象賢認捐米六千石先繳到洋銀一萬零三百圓銀一百三十九兩三錢

五分已分給蘭谿湯溪浦江義烏武義永康龍游建德桐廬分水瀆安壽昌新城昌化於潛富陽諸暨等縣買米煮賑外其富紳楊坊一員經臣派令捐米五萬石由甯紹台道史致謬派員前往催提據史致謬稟稱委員候補知縣王晉玉赴滬剴切勸諭該員藉詞推諉抗不認捐開導再三迄無著落等情前來伏查楊坊以市儈依附洋商致富十數年間擁貲百萬捐納道員從前在浙經手洋務往往從中漁利人所共知卽如咸豐六年爲前浙江撫臣借用英商啤哩大輪船一隻未及三月

初編卷九

三

竟開銷洋銀七萬九千餘圓名爲供應洋人實則取歸私囊其昧良嗜利如此此次因浙省奇荒諭令捐米五萬石賑卹災民竟敢藐抗不遵任催罔應既已因奸致富又復爲富不仁正擬參辦據該員楊坊來稟認捐銀一萬兩并請將籌備京米銀一萬兩歸併浙捐等語查近年南漕停運京倉需米甚急江蘇撫臣飭令該員捐備京米十萬石自應全行措繳豈可移作浙賑卽以浙捐而論臣所派者米五萬石而該員捐銀一萬兩以米準銀僅及三十分之一不過欲藉浙捐爲名希圖諉卸

居心尤為狡詐相應請

旨飭下江蘇撫臣將已革道員楊坊派捐京米勒限追繳再行押解來浙捐輸賑米以杜規避謹附片具陳伏乞

聖鑒訓示謹

奏 同治二年六月初十日

議政王軍機大臣奉

旨另有旨欽此

議政王軍機大臣 字寄同治二年六月二十九日奉 上諭左宗棠奏浙師援江獲勝並陳軍營疫氣盛行暨

初編卷九

三

勒令楊坊捐輸浙米各摺片浙省援江之師會合江軍將陶溪渡等處賊壘悉行掃蕩其竄往洋塘石門之賊復經劉典會同席寶田等軍馳剿賊眾向彭澤境內竄去浮梁鄱陽境內一律肅清都昌之賊亦聞風下竄事機甚為順手刻下李榕一軍駐紮湖口江忠義諒已自海援隊由都昌直趨湖口即可與江省追躡之師前後夾擊以圖聚殲著會國藩左宗棠沈葆楨分飭各軍合力掃蕩無任旁竄李榕此次督軍入江前於彭澤境內得獲勝仗現已將該員補授浙江鹽運使並著會國藩

傳知該員令其努力功名以圖報稱本日據毛鴻賓奏請調張運蘭並所部老湘營由江入粵除張運蘭已諭令准其帶往其所部老湘營能否調往著會國藩酌量辦理現在闖入江西之賊本由建德祁門一帶竄出此時被剿窮蹙恐復由原路銜走左宗棠擬合劉典一軍防堵宜欽一路藉資休息俟確探賊蹤趨向再定進止甚合機宜即著左宗棠妥籌調度相機辦理陣亡副將喻可宗前據沈葆楨奏已交部照總兵例議卹並加恩予諡其陣亡都司張亮華並著交部照例議卹以慰忠

初編卷九

三

魂至軍營疫氣盛行藉益禮劉典魏喻義及水師各營染患實多每營勉能出力者不過三四成覽奏殊深廩系現在已交秋令時疫諒可稍減左宗棠惟當加意撫循以消疹戾一俟疫氣稍除即行相機進取已革道員楊坊以市僧依附洋商擁貲百萬此時浙省奇荒經左宗棠派令捐賑米五萬石竟敢抗違不遵僅認捐銀一萬兩并請將籌備京米銀一萬兩歸併浙捐實屬嗜利昧良居心狡詐著李鴻章將該革員派捐米十萬石勒限如數追繳一俟繳清即行押解赴浙交左宗棠嚴辦

所請勒令捐輸賑米毋任狡展再本日已降旨飭令黃贊湯文格來京另候簡用郭嵩燾以三品頂戴署理廣東巡撫該省軍務吏治亟須整飭毛鴻賓本日奏到尙無啓程日期晏端書黃贊湯均係五日京兆之員辦理深恐貽誤著郭嵩燾迅速前赴署任將該省軍務釐務及地方吏治妥爲整頓以副委任如郭嵩燾已赴江北並著曾國藩李鴻章飛速行知令其迅速由江赴粵毋少延緩將此由六百里各諭令知之欽此

初編卷九

諭

請設閩浙總糧臺派員總辦摺

奏爲請設閩浙總糧臺派員總辦以專責成而便支應恭摺具

奏仰祈

聖鑒事竊臣於四月初八日欽奉

諭旨補授閩浙總督並統援浙各軍准前督臣耆齡移交前來除陸續撤遣外總計水陸各營共一萬三千二百八十一員名內除南康勇三千零八十四名當由臣撤遣外其遊擊關鎮國所帶紅單船十號計弁勇四百

初編卷九

奉

十三名准撫臣徐宗幹械稱現有四號調赴臺灣助剿餘均留閩其薪糧應由閩省發給道員康國器所部各營已飭令挑留四千名以備調遣此外尙有彰武軍一千一百二十一名暫駐浦城經閩撫臣調撥一營赴延邵剿捕遊匪其素如虎舊部閩字四營并楚勇共一千九百名現駐閩家堰忠毅軍八百名現駐義橋忠勇軍詔勇八百零十名現亦調歸義橋經臣飭歸藩司轉益漕就近統領聽候派撥共計每月薪糧尙需五萬餘兩浦城向設援浙大營糧臺支應援浙各軍自者齡接任

後又設隨營糧臺支應所部粵勇南康勇彰武軍餉項仍由援浙大營糧臺提撥兩臺並設彼此攸分粵勇南康勇已截清本年四月以前之餉此外各營則積欠數月不等彼此相形饑飽嶼異浦城糧臺每遇各營催索欠餉則諉之福建善後總局此赴閩請領往往徒手空歸士多咨怨臣既并統此軍自應歸併總糧臺均勻支應以昭公普又臣自入浙以來因本省徵捐俱窮餉需奇絀不能設立糧臺是以

奏明暫於江西廣信設立後路糧臺轉輸外省協濟餉

初編卷九

五

需以資接濟今幸浙東一律肅清兵勇日增師行日遠非由本省設立糧臺無以供軍實而速戎機擬即於衢州府城設立閩浙總糧臺總司各軍支應查有代辦布政使署杭嘉湖道蘇式敏奏調來浙之湖南卽補道王加敏樸實廉謹堪以總司其事其浦城糧臺相距太遠應卽改爲轉運局專司轉運閩省餉需仍委前辦糧臺之福建道員前署建甯知府汪達尊司其事除檄飭遵照外理合專摺奏明其甯紹中外防軍現仍由甯紹台道設局支應將

來各處用款應統由浙江藩司核銷造報合併聲明伏乞

皇上聖鑒施行謹

奏 同治二年六月初十日

議政王軍機大臣奉

旨知道了欽此

初編卷九

五

請將貪橫不法之護提督革摺查抄摺

奏為特參武職大員貪橫不法請

旨革職擊問以肅法紀事竊惟福建一省水陸各提鎮多由軍營立功蒙

恩簡放一時未能赴任其越級委護者每以鑽營得之軍政之不修武功之不競實由於此臣查護理福建陸路提督石棟由本標中軍參將升補浙江象山協副將未及到任咸豐九年遠護提督聞由黃緣前督慶端幕友莊煥文所致莊煥文赴浙後石棟歲以銀三千兩

初編卷九

天

致其父此其證也莆田之許鄉有好民曰許四郊上鄉有奸民曰李松三皆著名匪首地方官屢擊未獲石棟均以六品頂戴賞之七里洋一鄉素為匪盜淵藪而俞清音俞三音兩人為之魁兩人均竄名與化協伍籍收為護符莆田仙遊惠安士民苦其搶劫控案疊疊石棟竟拔俞清音為把總俞三音為馬兵人人側目涵江地方洗兵誣民人毀營房石棟帶兵往索兵費番銀四百圓民不應命將縱火焚村舍興化府知府蕭作霖給番銀二百五十圓代民請免始止不焚楓亭為通衢商民

過者石棟縱匪徒強為挑負貨物行李十里索錢六十

文名曰買路錢商旅苦之石棟與其戚前侍郎黃宗漢之姪捐納知府黃貽植朋比為奸勒索富戶大賈稍不遂意即多方傾陷之所造屋宇臺沼均極侈麗為其子石渠捐納遊擊向未經考驗即多方營求委署臺灣城守參將優缺又為其族強占泉州城外山地掘毀多家民怨尤甚種種貪橫不法實駭聽聞現准撫臣徐宗幹檄商撤任並據署按察使桂超萬稟請參辦前來相應請

初編卷九

天

旨將現護福建陸路提督浙江象山協副將石棟革職擊問按律審擬所有資產一併查抄以儆貪邪而肅法紀石棟之子署臺灣城守參將石渠把總俞清音應請一併革職歸案審辦謹據實陳奏伏乞

皇上聖鑒訓示施行謹

奏 同治二年六月初十日

議政王軍機大臣奉

旨另有旨欽此

遊員委署提督篆務片



再福建陸路提督篆務需員署理查有福甯鎮總兵林文察廉樸勇敢以之署理斯篆堪期勝任除咨行查照外謹附片具

奏伏乞

聖鑒謹

奏 同治二年六月初十日

議政王軍機大臣奉

旨知道了欽此

議政王軍機大臣 字寄同治二年六月二十九日奉

初編卷九

三

上諭左宗棠奏請將貪橫不法之護提督革職查抄一摺浙江象山協副將石棟實緣前督臣慶瑞幕友莊煥文得護提督本日據左宗棠摺內所參種種貪橫不法殊堪髮指出於情理之外石棟著即革職鞫問交左宗棠徐宗幹嚴行審訊按律定擬毋稍疏縱所有該革員實產著徐宗幹嚴密查抄以儆官邪該革職之子石渠並把總俞清音均著一併革職歸案審辦左宗棠原摺著抄給徐宗幹閱看將此由六百里各諭令知之欽此

恪靖奏稿初編卷十目錄

請將克復金湯龍蘭及肅清浙東郡縣出力人等獎敘

摺

奏報迎剿竄夥股匪獲勝收復夥縣情形摺

剿辦奇田土匪事竣首犯就擒緣由片

甯關洋稅動撥有由俟浙西肅清再行解京片

浙師援江獲勝江境肅清回徽防剿摺

附陳石太無糧可擄賊難久踞情形片

嘉義粵勇潰散請將貽誤提督革職鞫問摺

初編卷十目錄

請將援剿遷延之將備革職分別查辦片

奏報克復甯波慈谿等府縣并請獎敘鎮海出力人員

摺

外國官兵助剿出力請酌賞物件片

請卹上虞縣殉難紳士片

秋審人犯請展來春補辦并解由巡道勘審片

陳明浙海關循照成案扣足接徵摺

請將罵賊不屈之監生議卹片

請將克復金湯龍蘭及肅清浙東郡縣出力人等  
獎叙摺

奏為遵將克復金華湯溪龍游蘭谿及肅清浙東各郡  
縣出力員弁兵勇請

旨獎敘以勵戎行事竊臣於同治二年二月十六日欽  
奉二月初一日

上諭左宗棠奏攻克湯溪龍游蘭谿三縣及金華府城  
一摺其餘在事出力員弁兵勇著左宗棠查明保奏欽  
此又奉二月十九日

初編卷一

上諭左宗棠奏官軍克復紹興桐廬府縣城池一摺其  
餘出力各員弁兵勇著左宗棠併入克復金華等城案  
內奏請獎敘該部知道欽此伏查該逆以全力踞守金  
華而以龍蘭湯三縣為犄角圖阻官軍進攻之路臣軍  
與劉培元一軍八月即進圍龍游蔣益澧一軍將壽昌  
縣城及蘭湯各要隘攻克後即進圍湯溪劉典一軍截  
剿援賊進規蘭谿數月以來各將士奮攻城壘日有傷  
損逆賊糧盡援絕希圖他竄復經各軍四面兜剿將三  
城先後克復首逆李尙揚李國羣就擒餘皆投首無一

名漏網金華相繼而下乘勢將武義永康義烏東陽浦  
江諸暨桐廬等城克復紹興蕭山之賊聞風竄走浙東  
遂一律肅清各將士奮力攻剿連克各城實屬異常出  
力臣欽奉

諭旨當即恭錄行知各營除楚軍由臣詳核外其蔣益  
澧所部湘軍劉典所部克勇劉培元所部安武軍水師  
及湖南精捷營江西平江長左兩營俱陸續開摺請獎  
前來臣覆核無異合無仰懇

天恩俯准將單開各員給予獎敘出力稍次者由外記

初編卷十

二

名咨部註冊至節次打仗陣亡員弁併請

飭部分別議卹以慰忠魂理合分別繕單恭呈

御覽再蔣益澧所部有由廣西潯州案內擬保尙未出

奏者此次俱照擬保官階從優請獎合併聲明伏乞

皇上聖鑒施行謹

奏 同治二年七月十四日

議政王軍機大臣奉

旨另有旨欽此

奏報迎剿竄夥股匪獲勝收復黟縣情形摺

奏為石太股匪竄入黟縣官軍迎剿獲勝現籌辦理情形恭摺仰祈

聖鑒事竊劉典一軍赴援景鎮會合江西各軍將崇光渡陶溪渡石門等處賊巢肅清後賊黨回竄石埭太平與原屯各股合隊往來窺探時圖乘間復犯徽境旋據道員王文瑞稟報六月十六日偽奉王古逆偽朝將江逆朱逆等率黨萬餘人竄至郭村十七早即由羊棧嶺樟嶺竄入黟縣勢甚剽疾王文瑞隨即約會分防九河

初編卷一

三

橋魚亭各營於是夜四鼓出隊往剿十八日辰刻行抵離黟城數里見城上旂幟林立遠近村莊皆為賊館王文瑞急令各營分三路進擊張聲恒率右營副右旅丁長勝率老湘右翼王明輝率老湘後營由左路進朱明亮率桂營賀章彬率老湘左營由右路進王文瑞督諭勝榮鄧榮達率老湘前營右翼營及親兵由中路進我軍甫成列該逆蜂擁出犯王文瑞隨隊迎擊鎗斃齊施賊稍却喻勝榮鄧榮達乘勢猛撲熊常富復從村後抄襲賊驚走我軍遂由大南門小南門奪關直入斃賊百

餘復追殺出城適左路朱明亮等率馬隊衝殺而來復斃賊百餘名時右路之賊憑從前官軍舊壘丁長勝等屢擊不動張聲恒分兵繞出賊後喻勝榮等又自中路馳至賊眾紛潰正掩殺間而後路盧村際村宏村等處之賊復分道上援王文瑞令各營整隊迎敵鏖戰良久

朱明亮丁長勝等仍於左右抄擊賊勢不支遂大敗走我軍三面齊進鎗斃刀矛並舉賊屍枕藉拋棄軍械旂幟塞道追奔二十餘里沿途復斬殺數百名是夜即駐黟城十九日早王文瑞復督各營追出羊棧嶺外僅斬

初編卷一

四

尾賊百餘名餘黨已奔歸石太老巢是役共斃賊千餘名生擒三百餘解散亦于計奪驃馬三十餘匹鎗斃旂幟器械無算當將縣城克復嶺內仍就肅清該逆自上一年盤踞院南每思就食江西且以牽動金陵浙江官軍之勢屢受重創狡謀未已現在黃李各逆竄擾湖口都昌江忠義李榕兩軍雖屢得勝仗尙相持未下劉官方等逆徘徊於彭澤建德之間尙思乘間奔突浮景防務未能稍鬆必俟江西拓清徽防穩固劉典王文瑞之師始可別圖進取臣惟有仍飭各軍協力防剿以全大局

而紆

聖廬所有浙軍迎剿夥縣獲勝情形謹會同協辦大學士兩江總督臣曾國藩恭摺由驛具

奏伏乞

皇上聖鑒訓示施行謹

奏 同治二年七月十四日

議政王軍機大臣奉

旨另有旨欽此

議政王軍機大臣 字寄同治二年八月初二日奉

初編卷十

五

上諭左宗棠奏石太股匪竄入黟縣官軍迎剿獲勝並奇田土匪滋擾剿辦事竣李鴻章奏水陸官軍攻毀太湖賊營進逼蘇城並進攻江陰各軍連獲勝仗踏平附城賊壘其松江嘉興交界之楓涇鎮賊壘亦為官軍攻破各摺片本日業將剿辦奇田土匪及攻毀太湖等處賊壘情形明諭宣示所有奇田案內奏請獎劾各員並進攻江陰陣亡之總兵賴榮光等均照所請分別獎懲並交部優卹矣沈葆楨前奏掃清夥縣復馳奏都湖賊匪被剿遁去江境一律肅清曾經明降諭旨宣布並將

出力之江忠義等各員分別獎賞寄諭曾國藩左宗棠

沈葆楨以由江境遁走之賊被剿窮蹙謀欲遁回石太

再從徽屯以窺發樂祐逆盤踞建德眾尙數萬飭令速

派江忠義等卽由江境跟蹤追擊以剿為防並江石太

等賊一律掃盪乘勝東下左宗棠卽飭劉典一軍出羊

棧嶺會同剿擊毋令闖入徽境左宗棠此次奏報迎剿

竄夥賊匪各情與沈葆楨前奏大畧相同而拜發在沈

葆楨陳奏江境肅清之前此時江忠義當已進紮東流

將彭澤餘匪掃除進剿遁回石太之賊劉典之軍入徽

初編卷十

六

後亦可出嶺會同剿擊以清皖境仍駐徽防以與浙軍相為援應池防穩固此股由江回竄之匪不得肆其竄突東征各路之軍方無後顧李榕江忠義兩軍將此股敗匪殄除之後並卽可乘勝東下歸會國荃調遣以厚兵力著曾國藩左宗棠仍遵前旨妥速辦理一面咨照沈葆楨仍嚴督江省各軍及地方文武嚴密守備毋稍懈弛李鴻章偕同李朝斌自滬至蘇巡歷布置太湖大缺口各賊營已破程學啓各營進逼蘇城之婁門葑門江陰進剿之劉秉璋等各軍亦將城東北門外之賊壘

攻奪所辦甚為得手蘇城雖大而賊勢既感程學啓一軍逼其東南李鶴章劉銘傳等軍規其西北李朝斌水師往來遊擊足資得力現在官軍已分路進至江蘇膠地會國藩當檄飭進攻金陵之軍迅速合圍左宗棠即可檄飭由富陽進剿諸軍銳意進取牽制賊勢俾蘇州江陰等城或有一處得手則江浙全局必能日有起色日昨僧格林沁之軍已將紅山賊巢攻破白蓮池教匪悉數殄除即日移軍東昌與劉長佑等直東各軍進剿宋景詩一股諒亦可冀剋期蕪事唐訓方臨淮之軍為

初編卷十

七

苗逆所持極為危殆亦經僧格林沁飭令新請歸降之總兵陳國瑞率領所部赴援或向不致後時會國藩接到前次疊寄諭旨亦必知臨軍危殆妥籌兼顧矣奇由土匪辦理向為妥速浙東新復各屬地方奸宄藏匿恐尚不少著左宗棠隨時嚴查飭令各屬於撫輯之中妥為搜捕毋使伏戎潛行滋蔓將此由六百里各諭令知之欽此遵旨寄信前來

剿辦奇田土匪事竣首犯就擒緣由片

再本年三月間黃岩縣屬奇田地方土匪徐景朋黃得根等恃險聚眾擄掠婦女燒燬民房並於三桐橋一帶豎旗立寨又勾結太平縣匪目徐大度王明光等為應援四月十五日署台州知府韓承恩署同知希慶署太平營參將瞿先仲台州衛守備張銘馨及已革前杭州協副將王邦慶等先後到黃分紮各處要隘正擬會剿二十一日該匪忽傾巢出犯王邦慶希慶等倉卒為賊所乘紛紛敗潰希慶力戰死之先是臣接韓承恩告急之稟請調兵勇二千人知其意在要功而王邦慶張銘

初編卷十

八

馨尤非可用之人一面飛札嚴飭一面飭署溫處道周開錫商令護理温州鎮黃載清署鎮標遊擊謝復雲督帶所部往剿詎黃載清等甫至而王邦慶等已輕率致敗臣恐賊勢日張釀成巨患隨飭都司楊應龍率忠勇軍五百人助之一面嚴飭各營併力攻剿以期迅速賊事六月初三日黃載清督同各營分路進攻該逆恃地勢奇險負嵎不出楊應龍督勇先進謝復雲繼之該匪穴壁環開鎗礮花翎都司衛守備張招銀中鎗陣亡勇丁死傷者數十人各勇益憤奮力齊進遂將巢穴攻破

斃賊百餘名餘黨衝出者復被各營圍剿殆盡並將村莊樹木一律焚化首逆徐景朋失其窟穴逃至太平旋經拏獲就地正法奇田以平竊查台郡各屬負山瀕海民俗强悍匪類最多而黃巖太平濱海之區尤為匪藪以剽掠為生涯以戕官為故事惡習相仍由來已久地方官專事姑息有類養癰自髮逆竄擾以來匪黨乘機煽亂劫搶焚殺靡所不為上年紳團克復各城經臣嚴飭該府縣將地方積惡棍匪嚴密檢斬雖陸續正法數千人而根株盤互既久一時未能淨絕即上年出力紳

初編卷十

九

團亦有著名巨棍竄附其中陽附鄉義之名陰懷報復之實事後論功紛紛爭執甚且互相械鬪結黨相攻查飭府縣秉公核保迄無定議此民俗之敝急須得人整理也此次奇田土匪拒捕戕官署台州府知府韓承恩先事漫無准備事發一味張皇署黃巖縣知縣劉蘭馨稟報軍情諸多掩飾無非為獲功卸罪地步居心尤屬巧詐相應請

旨一併革職以示懲儆其最為出力之都司楊應龍應請以遊擊補用署溫州鎮標遊擊謝復雲應請加參將

銜以昭激勸至署台州府同知乍浦同知希慶都司銜守備張招銀力戰捐軀殊堪憫惻應請

飭部照例議卹所有剿辦奇田土匪事竣首犯就擒各

緣由理合附片陳明伏乞

皇上聖鑒訓示謹

奏同治二年七月十四日

議政王軍機大臣奉

旨另有旨欽此

同治二年八月初二日內閣奉

初編卷十

十

上諭左宗棠奏剿辦奇田土匪事竣檢獲首犯正法等語本年三月間浙江黃巖縣屬奇田土匪徐景朋等恃險結寨抗拒官軍經左宗棠嚴飭各營分路進剿六月初三日都司楊應龍督勇先進該匪穴壁環開鎗礮守備張招銀中鎗陣亡各勇奮力齊進遂將賊巢攻破斃賊百餘名餘匪紛紛出竄復經各營圍剿殆盡匪首徐景朋逃出至太平旋經拏獲就地正法剿辦尙屬認真仍著左宗棠嚴飭各屬將地方積惡棍匪嚴密拏辦勿令勾結滋擾以靖地方浙江署台州府知府韓承恩於

奇田土匪滋事先事漫無準備事發一味張皇著黃履縣知縣劉蘭馨稟報軍情諸多掩飾居心尤屬巧詐均著卽行革職以示懲儆其尤爲出力之都司楊應龍著以遊擊補用署溫州鎮標遊擊謝復雲著賞加參將銜陣亡之署台州府同知乍浦同知希慶都司銜守備張招銀力戰捐軀殊堪憫惻均著交部照例議卹欽此

甯關洋稅動撥有由俟浙西肅清再行解京片

再浙江甯波府新關第三結至第七結止徵收洋稅銀三十八萬九千三百五十七兩一錢二分六釐除扣交

初編卷十

十一

英法兩國各二成銀一十五萬五千七百四十二兩八錢五釐四毫其餘徵存銀兩例應解部因咸豐十一年浙省軍務喫緊需餉浩繁經前撫臣王有齡札飭前關道張景渠將新關徵存洋稅隨時解省並無存留甯波克復史致諤接任後又值逆氛逼近籌辦防剿水陸兵勇添募萬餘人新復之區無從籌措不得不將關稅暫撥應用茲准戶部咨開以此項洋稅並未奏明動撥實屬不合應請將已革關道張景渠現任關道史致諤交吏部照例議處其子稅半稅洋藥等項仍令於新徵稅

銀項下提還解部以充京餉等因伏查前革道張景渠任內經徵洋稅除扣還英法兩國各二成外餘悉解省充餉史致諤接任正值防剿喫緊不及奏報先將洋稅動用均因時勢急迫非尋常擅行動用者可比除飭令張景渠史致諤各將本任內動撥銀數趕造清冊送部查核所有此次應議職名可否寬免之處出自

天恩至嗣後徵收洋稅本應照例解京惟甯紹中外防軍月需餉銀六七萬兩<sub>臣</sub>所部浙閩粵各軍月需餉銀三十萬兩而各省協項報解寥寥前由會國藩撥歸<sub>臣</sub>

初編卷十

十一

軍江西河口景德樂平婺源等處釐金一款業經會國藩咨開於本年六月初一日起仍撥歸江皖<sub>臣</sub>處頓失此的餉已覺拮据其廣東釐金一款本係專濟皖浙軍營上年及本年春間尙每月撥解一萬兩自晏端書接署總督後數月以來未據報解其閩海關餉每月向解五萬兩現欠解十餘萬兩而者齡接任後尙僅解過三萬兩兵增餉缺較前倍形支絀而一切軍火米糧近來俱由甯波採辦卽將洋稅一款截留亦不敷甚鉅若再提還解部則籌辦更難必致立時饑饉<sub>臣</sub>非不知京

師爲根本重地待餉孔殷惟就現在浙省情形而論則實有未能照例起解者一俟浙西肅清餉源稍裕必當悉數解京斷不敢藉詞留撥自干咎戾理合附片具陳伏乞

聖鑒訓示謹

奏同治二年七月十四日

論政王軍機大臣奉

旨該衙門議奏欽此

初編卷十

三

浙師援江獲勝江境肅清回徽防剿摺

奏爲浙師援江大獲勝仗江西全境肅清仍回徽境防剿恭摺馳

奏仰祈

聖鑒事竊劉典援江一軍將崇光渡陶溪渡石門等處賊壘攻克後即飭黃少春楊芳桂率馬步軍六營進紮梅源橋江西屈礪一軍進紮章田渡席寶田一軍及仁右營進紮洋塘韓進春一軍進紮陳家嶺探稱該逆仍踞上下彭及青山橋蕭家嶺等處其僞堵王祐王金王

初編卷十

四

等廣集湖口與江忠義李榕兩軍相持未退劉典以賊窺湖口恃有上下彭青山橋之賊援應若不速圖攻剿則彭澤湖口都昌等處秋稼登場必盡爲賊掠剿辦益形棘手隨與江西席寶田顧雲彩兩軍於七月初一日分路進剿青山橋賊巢劉典率各營攻其左席寶田顧雲彩兩軍攻其右乘賊不備奪卡而入該逆驚惶失措分兩路竄走官軍亦分路追殺十餘里斬賊二千餘名生擒五百餘名解散脅從無數奪獲牛馬二百餘隻時上下彭之賊率隊來撲經劉典督親兵及仁右營擊退



又斬賊百餘名餘賊均竄赴邳建交界之王家村彭澤之賊退竄馬當古牛嶺都湖之賊退竄彭澤境惟上下彭等處尚有賊踞初四夜席寶田顧雲彩督隊進剿大破之偽祐王李遠繼率死黨來援復經後路接應之師擊敗斬賊千餘名各逆紛紛下竄都湖等處一律肅清查該逆糾黨十餘萬由池建竄至江西浮梁鄱陽縣境距景德鎮僅廿餘里妄冀闖入腹地掣動全局經各軍迭次痛剿退竄都湖猶欲力圖抗拒及劉典會同席寶田等將賊之後路青山橋等處肅清始悉數竄現江

初編卷十

吉

忠義李榕兩軍已分道跟追諒可得手惟迭據生獲賊供該逆有仍圖由徽竄江之計現在江防無事劉典一軍已取道回徽俟審的賊蹤趨向即當相機進剿以期迅掃餘氛所有浙師獲勝江境肅清仍回徽州防剿各緣由理合恭摺由驛馳

奏伏乞

皇上聖鑒訓示施行謹

奏 同治二年七月二十八日

議政王軍機大臣奉

旨另有旨欽此

附陳石太無糧可擄賊難久踞情形片

再正拜摺間欽奉七月初五日

寄諭以賊竄江西都昌湖口彭澤等處軍情喫緊飭令派軍會剿跪聆之餘祗悉小醜跳梁上煩

聖慮愧悚曷勝伏維逆賊之由皖竄江一則就食米糧充足之鄉一則掣動院浙大軍之勢其謀雖甚狡詐然都昌鄱陽彭澤湖口各地境北阻長江西臨鄱湖南隔昌江皆有水師防禦賊鼠竄其間三面皆水實亦自趨

初編卷十

夫

絕地惟江西之浮梁及安徽之黟祁可為旁竄之路安徽之建德石埭一帶可為退竄之路臣於劉典援皖之始屬其嚴扼嶺路以保徽休夥祁如賊竄江西則力保浮梁以杜紛竄追後則令其扼浮北建德之衝以要其歸路而掣賊勢亦形勢所在不得不然也劉典會從臣用兵注皖於地方情形較為熟習又兼以善審地勢故轉戰而前幸免隕越也至於石門青山橋諸戰則出其不意斬賊實多賊憚後路之塞故退竄亦速江西之所

以一律肅清者以江忠義遮之於前而諸軍要之於後

足以制賊死命也現據探稱賊意仍欲由石太修帶竄入嶺內亦有謂其將趨廣德以赴金陵之援者臣維石太一帶無糧可携賊難久踞能逼其下竄廣德以重兵扼之則徽甯之防可固卽浙師攻取湖州亦較易得手臣惟當隨時會商會國藩飭令各軍相機圖之理合附片具陳伏乞

聖鑒謹

奏 同治二年七月二十八日

議政王軍機大臣 字寄同治二年八月十五日奉

初編卷十

七

上諭左宗棠奏浙師援剿獲勝江西肅清籌辦石太股匪並臺灣粵勇潰散請飭林文察辦理該處軍務及現辦延平順昌土匪各摺片本日已降諭旨將護水師提督吳鴻源革職擊問護叅將吳連陞革職留營効力矣臺灣土匪滋事日久吳鴻源所統兵勇數已不少不能於嘉義解圍以後迅圖攻剿輒於南靖莊等處頓兵數月致該匪得預爲準備追賊守禦既堅又不知分兵別覓間道相機兜剿以致師老財匱勇丁譁潰賊氛益肆猖獗實屬調度乖方業經明降諭旨將該員革職擊問

仍著左宗棠徐宗幹確切查明如有別項貽誤情形仍據實奏明參辦毋稍徇隱林文察既籍隸臺灣熟悉情形卽著該署提督揀調得力將士渡臺聯絡紳團將該處匪徒殄滅並著左宗棠徐宗幹催令林文察趕緊起程毋稍延悞應需餉項卽飭福建藩司於援浙餉內酌量撥給延平順昌土匪僅數百人剿捕兵勇不下數千該統兵官任其回竄星橋老巢蔓延永安連城邵武歸化等處一味遷延不遵調遣業經左宗棠將吳連陞等分別咨參懲辦守備張連飛著於提省後嚴行訊辦按

初編卷十

六

律定擬並責成會憲德督率各軍將延汀等處土匪剋期殲除不准再事稽延致干重咎江西全境肅清已據沈葆楨會國藩先後奏報左宗棠現報情形與會國藩等所奏大畧相同此股賊匪非復竄江西卽回趨廣德前經登諭會國藩沈葆楨飭令江忠義等諸軍乘勝進規池太並諭左宗棠飭令劉典督率各營由徽境之羊棧嶺馳往會剿此時江忠義等諸軍定可追賊入皖著左宗棠仍遵前旨辦理務令徽郡各營與江忠義諸軍聯絡聲勢前截後追將池太股匪就地殄除毋任蔓延

旁竄是為至要滬軍現已攻克江陰蘇州嘉興等城攻  
剿正在喫緊賊勢漸感左宗棠當檄令蔣益澧等軍攻  
賊要害使賊兼顧不遑當更有一二處可以得手將此  
由六百里各諭令知之欽此

嘉義粵勇潰散請將貽悞提督革職等語

奏為嘉義粵勇潰散請將貽悞之護提督革職等語並  
請速飭林文察辦理臺灣軍務恭摺仰祈

聖鑒事竊自臺匪倡亂以來即經奏調護理福建水師  
提督吳鴻源總兵曾玉明副將會元福各帶兵勇赴臺

初編卷十

九

剿辦吳鴻源原統水陸兵勇三千餘名嗣在臺灣又添  
募廣勇屯兵二千一百名兵力不為不厚乃自嘉義解  
圍之後並不迅圖攻剿頓兵南靖莊二重溝者數月致  
逆匪得預為準備竹圍礮櫃既難力攻自應堅築營壘  
留兵以與賊相持而分兵別覓間道相機克剿以孤賊  
勢乃仍襲攻堅之策日以出隊攻撲為事師老而賊益  
無所憚致五月廿七日攻撲南靖莊之粵勇一千名藉  
詞口糧久欠譁然潰散其時賊匪乘機攻撲各營兵丁  
亦多傷亡逃逸嘉義一帶賊氛猖獗道路梗阻雖據道

府稟吳鴻源以力攻南靖莊不下憂憤成疾致有此挫  
然始則遷延不進繼則調度乖方實難辭咎相應請

旨將護水師提督吳鴻源革職等語以昭儆戒

維臺

灣一郡遠隔重洋居民多係漳泉及廣東占籍每村輒

築土圍栽植刺竹日久根株盤互有礮堡之固而無修

築之勞鎗礮丸彈不能飛入縱火不能延燒地脉肥饒

擅山海之利以故恃險恃富易肇亂萌從前平臺之役

往往剋期蕩事蓋及其初起急與交夷故民志定而賊

勢孤也茲則官軍相持已久銳氣潛消又遠隔重洋餉

初編卷十

十

需難以按期接濟逆賊反得負固而乘其傲

查署陸

路提督林文察籍隸臺灣內山尚稱能戰其弟林文明

上年從軍告假回籍亦稱勇敢該署提督前聞臺灣之

變即請回籍練團助剿合無仰懇

天恩即令該署提督酌帶本標得力弁兵數百名渡臺

號令舊部并統令各軍剋期攻剿以靖海疆其林文察

未赴臺之先令其先飭林文明預將舊部挑選以待庶

期一鼓作氣克利戎機

非敢謂平臺非林文察不可

特以昔時用客兵而今則不能不藉土人之力以賊勢

蔓延既久非初起之寇可比也既用士人則不能不用巨紳管帶取其情性相習易於聯絡招撫也林文察由實缺總兵署提督令其統領各軍事權歸一又師行其鄉地勢人情皆所熟悉似於局勢為宜至閩省餉需近為浙省所累時有拮据之虞臣當飭福建藩司將撥浙餉項內酌撥若干暫資臺餉發交臺灣道支給愚昧之見是否有當謹會同福建撫臣徐宗幹恭摺具奏伏乞

皇上聖鑒訓示施行謹

初編卷十

三

奏治二年七月廿八日

議政王軍機大臣奉

旨另有旨欽此

同治二年八月十五日內閣奉

上諭左宗棠奏請將貽誤之護提督革職等因一摺護提福建水師提督吳鴻源前經左宗棠調赴臺灣剿匪統帶兵勇數千餘名自嘉義解圍後並不迅圖攻剿順兵南靖時逾數月糜餉老師五月二十七日所部廣東勇丁一千名藉詞積欠口糧登時離潰致逆匪得以

乘機撲營兵勇亦有傷亡實屬遷延貽誤調度乘方吳鴻源著即革職等因交左宗棠確訊各情從嚴參辦並著左宗棠飭林文察等軍剋期進剿將臺灣府屬南靖莊等處踞匪悉數殲除以靖海疆欽此

請將援剿遷延之將備革職分別查辦片

再延平順昌土匪自上年肆擾以來即經署延建邵道曾憲德派同知趙均都司祝登嵩督帶兵勇分投剿辦本年三月間逆首李阿四率黨數百人由歸化竄至將樂之白蓮地方復回竄順昌會憲德稟請護理邵武營

初編卷十

三

參將吳連陞募勇千名赴順援剿前督臣者齡復命遊擊白瑛將撤回臺勇挑選數百名馳赴延平歸會憲德調遣詎料李逆復由順昌將樂回竄星橋老巢蔓延至永安之安沙清流之嵩溪其連城邵武歸化縣境亦均被匪竄擾似此數百游匪任其豕突狂奔前無截擊之師後無追剿之卒而所調兵勇不下數千坐失事機實堪痛恨若不從嚴懲辦何以申軍律而儆效尤茲查獲參將吳連陞當賊回竄星橋之時一味遷延抗不赴調經會憲德迭次移催始令守備張連飛督帶二隊勇丁

赴順而張連飛復任意推諉不遵調遣除已將該守備咨部斥革提解閩省查辦外相應請

旨將護邵武城守營參將吳連陞一併革職仍責令留營效力其延汀等處土匪應即責成會憲德督率各軍

剿辦如再貽誤定將該道將等

奏請從重治罪是否有當伏乞

聖鑒訓示謹

奏 同治二年七月廿八日

議政王軍機大臣奉

初編卷十

三

旨另有旨欽此

同治二年八月十五日內閣奉

上諭左宗棠奏請將帶兵遷延之護參將軍職留營等

語福建土匪李阿四竄擾順昌將樂等處經護理邵武

營參將吳連陞帶勇援剿當賊回竄星橋之時吳連陞

一味遷延抗不赴調實屬罪無可逭吳連陞著即革職

仍責令留營効力如再不知愧奮即行從嚴懲辦欽此

奏報克復甯波慈谿等府縣并請獎敘鎮海出力人員摺

奏為查明克復甯波慈谿鎮海奉化象山餘姚府縣各城並防守鎮海出力員弁兵勇紳團請

旨獎敘以昭激勸事竊甯波慈谿鎮海奉化象山郡縣

五城於上年四月克復餘姚縣城於上年七月克復俱

經前督臣慶端江蘇撫臣李鴻章先後奏報奉

旨交臣查明據實保奏在案竊維該逆竄踞甯波即分

黨圍攻定海妄圖盡佔沿海要區經護定海鎮總兵袁

初編卷十

三

君榮督率兵團將賊擊退已革護提督陳世章已革署

甯紹台道張景渠飭遊擊布興有布良帶顧募廣艇乘

勢攻取鎮海會合英法兩國兵船克復甯波慈谿其奉

化象山兩城亦經民團收復嗣因餘姚為甯波慈谿門

戶張景渠陳世章等復添募壯勇召集民團會合洋兵

於七月初七日將該縣新老兩城一律克復在事文武

除布興有布良帶李光等所部師船於定海解圍後即

隨同攻克各城洵屬最為出力應請擇尤獎敘其已革

護浙江提督陳世章業經病故應毋庸議已革道員張

景渠已革甯波府知府林均等容俟另行核擬外其餘各縣紳董當兵餉兩窮之際或聯團助剿或募勇捐貲均屬不避艱辛異常出力經臣飭令甯紹台道史致謬嚴實查明聽候保獎茲據史致謬彙案具詳前來臣覆覈無異可否仰懇

天恩將單開各員給予獎敘其出力稍次者由外記名各部註冊以昭激勸理合開具清單恭呈

御覽伏乞

皇上聖鑒施行謹

初編卷十

三

奏同治二年八月十二日

議政王軍機大臣奉

旨另有旨欽此

外國官兵助剿出力請酌賞物件片

再據甯紹台道史致謬稟稱上年四月克復甯波慈谿

餘姚各城外國官兵隨同助剿陣亡將領二人弁兵十

餘名俱奉

旨嘉獎該國官兵同深感激惟昨次接見洋人言及死

事各員既蒙

軫卹而現在打仗出力者可否仰懇

天恩酌賞玉器荷包等件俾得傳諸本國以示寵榮經該道將迭次助剿最爲出力之英國領事夏福禮總兵哇樂德克都司波格樂繙釋官有雅芝兵船醫官恭將銜伊爾雲水師都司達費士法國參將德克碑稅務司日意格教主田雷思等九員開列清單據情詳請前來臣細加覆核上年克復甯波各城外國官兵實屬出力惟由

內府頒賜奇珍恐致

初編卷十

三

國體從前並無辦過成案可否請

旨嘉獎飭下微臣傳

旨賞給之處出自

聖裁理合附片具陳伏乞

皇上聖鑒訓示謹

奏同治二年八月十二日

議政王軍機大臣奉

旨另有旨欽此

議政王軍機大臣字寄同治二年十一月十五日奉

上諭左宗棠奏克復甯波等府縣出力人員開單請獎一摺本日已降旨均照所請獎勵矣片奏英法領事夏福禮等九員助剿出力請旨嘉獎並由該督傳旨賞給物件等語英國領事夏福禮總兵哇樂德克都司波格樂繙譯官有雅芝兵船醫官參將衙伊爾雲水師都司費達士法國參將權授中國總兵官德克碑稅務司日意格教主田雷思上年隨同官軍克復甯波各城實屬奮勇出力宜加賞資以示嘉獎各國助剿出力獎勵有僅傳旨嘉獎者有行知各該國主自行給賞者有賞

初編卷十

三

銀牌者有賞銀兩者其功績大小不同故獎賞亦厚薄有別日前李鴻章奏克復蘇州省城戈登尤為出力曾經降旨賞給頭等功牌並銀一萬兩聞此外另由李鴻章賞資銀七萬兩浙省助剿之英法領事等官夏福禮等九員協同克復甯波慈谿等城甚為出力惟究非克省可比若賞給銀兩恐以戈登為比實難為繼若賞給物件過優恐戈登又有藉口緣日前陣亡之勒伯勒東會賞貂皮英國駐京公使會援以為戈登請經總理衙門告知係因陣亡而賞戈登實非其比是以重賞銀兩

該使亦即終止左宗棠所請傳旨賞給該員等物件是否已有成說惟未明言何項賞件礙難懸擬著將各該員等勞績細加察覈應如何分別賞資銀兩物件功牌之處一面酌擬賞件頒發一面奏聞並摘錄此旨內嘉獎數語宣示其或需賞給銀兩或需酌賞物件止須酌定一項填註旨內至功牌為外國人所重無論或賞銀兩或賞物件均不可無功牌功牌如外國寶星之類崇厚李鴻章並會製造有式可仿照辦理也昨據李鴻章奏克復無錫金匱該撫擬即日馳赴錫城籌布進取令

初編卷十

三

程學啟等冰陸各軍由平望太湖平湖浦甯剿浙省之賊與浙軍前後夾擊昨日寄諭左宗棠督率各軍與李鴻章聯絡策應並偵探忠逆所在實力剿截不可令其潰圍逃逸諒能領會仍著深邊疊次諭旨飭將益漉等進克餘杭杭州與蘇軍會合併力嘉湖以收廓清之效該督會否進紮富陽近日軍情並著隨時報聞以慰廬系將此由五百里諭令知之欽此

請卹上虞縣殉難紳士片

再上虞縣紳士候選知縣陳景祺辦理本籍西鄉團練

咸豐十一年十月二十一日賊由諸縣窺陷上虞卽至該縣捕掠陳景祺率團堵禦斃賊數名次日賊匪大至團勇潰散被擒該員罵賊不屈賊矛指刺死之山陰縣紳士候選光祿寺署正潘治安於紹興府城失陷後會約紳士楊鳳藻募勇三千餘人於十月二十三等日攻破白洋安昌錢清等處賊卡直逼蕭山旋因紹興蕭山逆賊分路夾攻義勇潰散知潘治安倡率其事率黨至伊村焚掠該員被執乘間赴水而死賊撈其屍復以火炙之該二員死事情形最爲慘烈據代理紹興府知府

初編卷十  
三

楊叔樸查訪確實詳請卹前來可否仰懇天恩將候選知縣陳景祺候選光祿寺署正潘治安交部從優議卹以慰忠魂理合附片具

奏伏乞

聖鑒謹

奏同治二年八月十二日

議政王軍機大臣奉

旨陳景祺潘治安均著交部從優議卹欽此

秋審人犯請展來春補辦并解由巡道勘審片

再查定例應入秋審案犯於應勘時全數提省由督同在省司道會勘定擬具

題茲屆本年秋審省城未復督軍駐紮嚴州臬司劉典調赴皖南剿辦逆賊勢難兼顧除浙江所屬地方甫經克復各縣無犯解勘外所有距省較遠之溫處二府所屬人犯向例解赴溫處道勘審其甯波府屬之定海縣衢州府屬之西安縣温州府屬之永嘉瑞安平陽東順温州府屬之龍泉慶元等縣應入秋審人犯可否籲懇

初編卷十  
三

天恩俯准展至來春再行補辦並請援照道光年間海疆滋事變通章程就近解赴各該管巡道勘審以免疏虞據臬司劉典具詳前來除檄飭遵照並咨部查照外理合附片陳明伏乞

聖鑒謹

奏同治二年八月十二日

議政王軍機大臣奉

旨著照所請該部知道欽此



陳明浙海關循照成案扣足接徵摺

奏為浙海關前被賊擾循照成案扣足接徵恭摺

仰祈

聖鑒事竊照海關徵收稅銀向係連閏扣足十二箇月為一年期滿由關道詳請具

奏歷經遵辦在案茲浙海關自咸豐十一年三月初六日起至同治元年三月初七日止為一年期滿詎料咸豐十一年十一月初八日逆匪攻入甯郡關隨城陷至同治元年四月十二日克復即於四月十八日開關啓

初編卷十

三

徵其空曠月日核計一百六十日分毫無徵以一年關期計之應補一百二十日伏查道光二十年六月間英咭喇兵船入浙經前撫臣烏爾恭額奏請將沿海口岸一體封港禁止商漁船隻出入關稅無徵迨兵船退出海關即於十月啓徵請將封港日期扣除俟扣足一年期滿後具

奏奉部議准在案咸豐十一年十月髮逆佔踞甯郡至同治元年四月克復查該年關期自咸豐十一年三月初八日起至同治元年三月初七日止內除十一年十

一月初八日失守起至同治元年三月初七日止空曠一百二十日應行補足外扣至同治元年八月十七日止為元年一年期滿相應援照道光二十年成案扣足接徵循例具

奏至乍浦口自咸豐十一年三月初八日失陷頭圍口於十一年五月十五日失守滬海王家路二口於十一年十月失守至今尙未克復其溫瑞二口亦因髮逆會匪竄擾無徵之日較多應請統照浙海關開關日期辦理以歸畫一而昭實合併陳明伏乞

初編卷十

三

皇上聖鑒施行謹  
奏 同治二年八月十二日

議政王軍機大臣奉

旨該衙門議奏欽此

請將安徽罵賊不屈之監生議卹片

再代辦藩司署杭嘉湖道蘇式敬之姪蘇麟閣安徽監生在本籍辦理團練咸豐十一年十一月二十四日徽州之賊直撲長坂嶺蘇麟閣集團抵禦歿身不敵團勇潰散罵賊不屈而死據該署道蘇式敬具詳請卹前來

臣覆核無異可否仰懇

天恩將監生蘇麟閣交部照外委例議卹以慰忠魂謹

附片具

奏伏乞

聖鑒謹

奏 同治二年八月十二日

議政王軍機大臣奉

旨蘇麟閣著交部照外委例議卹欽此

初編卷十

三

恪靖奏稿初編卷十一目錄

奏報克復富陽縣城情形摺

水師將弁陳懇展緩保奏片

請將前克復績祁出力浙軍人員獎敘摺

桂泉司徐縣令循聲卓著恐下史館立傳表彰摺

陳明仍駐嚴州相機布置及病愈片

閩省陸路千把總請仍復舊例拔補摺

進攻杭州兼圍餘杭疊獲勝仗情形摺

浙師截剿皖南賊匪疊獲勝仗情形摺

初編卷十一目錄

附報捕獲溫台金錢會匪首要各逆辦理緣由片

陳明代統老湘軍之王道請假回籍省親片

臬司在營叵訃丁憂請 旨遵辦摺

請准浙省拔補武弁暫免挨查缺次並免回避片

奏報克復富陽縣城情形摺

奏為官軍克復富陽城見籌勦辦情形恭摺馳陳仰祈  
聖鑒事竊蔣益澧一軍圍攻富陽自四月將援賊擊敗  
後城壘各逆均伏匿不出五月以後各營因疫氣流行  
將士之物故者病弱者牽算已逾一半未能剋期痛剿  
而其時劉典一軍方轉戰江皖之間王文瑞一軍代守  
祁門均難遠回浙境浙師若復東趨則首尾相距太遠  
聲息中斷無論杭城未可速復縱令速復兵力過單願  
此卽有失彼之虞能守卽有難戰之勢臣與蔣益澧劉

初編卷十一

典魏喻義及各僚佐將弁亦先後均患瘧痢難與速痊  
而機勢宜乘又虞錯過五內思維倍深憂憤幸七月杪  
江西已一律肅清劉典引軍還歙相距漸近臣乃調康  
國器所部粵勇馳赴富陽與蔣益澧合軍進勦蔣益澧  
令法國總兵德克碑酌帶洋礮並熟習洋槍隊勇丁前  
赴富陽為轟攻城壘之計蔣益澧力疾赴沿江上下察  
看形勢見富陽之北雞籠山以下連築賊壘賊卡十餘  
處地勢最為險要必由此進攻奪其要隘斷其糧道始  
可制賊死命當緘納水師副將劉連陞都司梁雲山等

調集師船於八月初六日將遊擊徐文秀余朝貴參將  
李運榮鍾九如都司張志公守備張政順等所部陸師  
渡過長沙初七日徐文秀繞出富城之北以攻雞籠山  
賊壘水師副將楊政諤與法國總兵德克碑由寶塔嶺  
脚登岸以攻倚城賊壘蔣益澧又令總兵劉清亮率原  
駐新橋各營出隊以掣賊勢而自率親兵馳往督戰水  
師戰船分載各營陸勇接續渡江至雞籠山登岸該逆  
見官軍大至齊出猛關扈照乾徐文秀督隊奮擊將頭  
層賊壘攻破進撲二層該逆拚死回拒槍礮如雨扈照

初編卷十一

二

乾身中矛傷仍與徐文秀鼓譟大進余朝貴等繼之槍  
入二層賊壘賊勢不支余朝貴張志公張政順丁賢發  
李運榮鍾九如等復奮力衝殺斃賊百餘名賊大潰官  
軍乘勢將大小賊壘賊卡盡行攻破適新橋出賊千餘  
來援蔣益澧飭徐文秀丁賢發分兵擊退遂令徐文秀  
等就賊舊壘及沿江一帶背水結營以舢板師船護之  
其原泊江中拖罈廣艇及對岸大小礮船連放炸彈向  
城轟擊城賊大震時楊政諤率水勇德克碑率花勇越  
嶺而下攻其倚城大壘城賊出隊來迎德克碑督勇環

放槍礮自未至西斃賊不計其數該逆死拒不退楊或  
謨德克碑亦列隊至晚不收蔣益澧令副將劉清望都  
司謝茂勝率親兵六哨助之遂徹夜轟擊城賊壘賊中  
傷者不知其數初尺日黎明蔣益澧復親督李運榮所  
部馳往助勦德克碑更加奮迅軍士勇氣百倍首先攻  
破賊壘一座賊勢靡亂不敢入城向新橋一路逃竄總  
兵王月亮都司馬雲標各率所部截殺又斃賊數百名  
蔣益澧飭徐文秀等由雞籠山繞出新橋併方迫殺已  
刻中外各軍將富陽縣城克復其新橋各壘踞逆經高

初編卷十一

三

連陞劉清亮督率各營於初八日黎明分路進攻該逆  
出悍黨萬餘迎敵高連陞知富城各路已獲大勝即激  
勵諸軍奮力攻擊立破賊壘六座殺賊數百名劉清亮  
等亦踏平賊壘五座殺賊七百餘名適徐文秀等督勇  
追至遂與高連陞劉清亮合兵長驅大進共破賊壘二  
十餘座沿途斃賊不知其數內斃賊目甚多生擒七百  
餘名奪獲旗幟千餘面輜重器械馬匹偽印無算跟追  
二十餘里始收隊還此初八日克復富陽縣城及攻破  
新橋賊壘克獲全捷之實在情形也竊維富陽一城地

處上游為杭城鎖鑰逆賊負隅死守與新城相為犄角  
犄角此次中外水陸各軍晝夜環攻將城壘一律攻克  
斃賊頗多實足以快人心而彰

天討蔣益澧當飭劉連陞楊政謨羅啓勇梁雲山各營  
舢板及施恩廣艇飛駛渡江一面命劉清亮等入營駐  
紮新橋王月亮等兩營駐守富陽餘悉隨蔣益澧沿江  
而下規取杭省距杭城十五里而營水師戰船已逕薄  
杭城轟擊得克復富陽之報即飛飭康國器迅率所  
部由富陽直趨餘杭魏喻義由新城出師夾擊如餘杭

初編卷十一

四

能一鼓攻克則杭城已成孤注所恃者僅海甯州賊援  
似無難迅速蕺事臣已飭駐賊各營陸續進剿富陽臣  
亦於拜摺數日後力疾前往一俟餘林得手則當調康  
國器所部襲取海甯固我浙東之防斷賊退竄之路乃  
為周密聞首逆偽聽王陳炳文已往援嘉興見聞富陽  
破星夜回杭或有數次惡戰臣移營富陽得以相機調  
度自當慎速辦理至嚴州為居中策應要區臣見留兩  
營及水師一營駐之并調駐遂安之副將劉明珍兩營  
至嚴駐紮以資鎮壓臣駐富陽尚可隨時兼顧所有此

次中外官軍會攻富陽其苦戰克城則以汝國總兵德克碑水師副將楊政謨為最李運榮等次之入險奪隘則以徐文秀梁雲山劉運陞張政順余朝貴為最張志公丁賢發等次之除德克碑所部將弁兵勇已由臣酌給賞銀外其餘在事水陸弁勇力疾從征可否由臣存記彙案保獎出自

天恩理合恭摺由驛馳

奏伏乞

皇上聖鑒訓示施行謹

初編卷十一

奏同治二年八月十六日

議政王軍機大臣奉

旨另有旨欽此

同治二年九月初六日内閣奉

上諭左宗棠奏官軍克復富陽縣城並攻克新橋各壘大獲全捷一摺逆匪竄併富陽負隅抗拒經左宗棠派令藩司蔣益澧督軍圍攻八月初七日蔣益澧合蔣澤徐文秀攻雞籠山賊壘副將楊政謨等攻佔賊壘而自率親兵前往督戰該逆見官軍大至齊出猛關徐文

秀等督隊奮擊將頭層賊壘攻破該逆拼死回拒槍礮如雨官軍鼓譟大進遊擊余朝貴繼之搶入二層賊壘賊勢不支余朝貴等復奮勇衝殺斃賊百數十名大小賊壘賊卡盡行攻破新橋出賊千餘來掠富被徐文秀等擊退蔣益澧令徐文秀等同賊舊壘背水結營兵原泊江中拖寄廣艇及對岸大小礮船連放炸彈向城轟擊城賊大震楊政謨等會同洋鎗隊攻佔城大壘賊出隊來迎蔣益澧令副將劉清望等助戰徹夜轟擊城賊壘賊中傷者不計其數初八日黎明蔣益澧親督參

初編卷十一

六

將李運榮等馳赴助勦官軍倍加奮進首先攻破賊壘一座賊勢靡亂不敢入城向新橋一帶逃竄總兵王月亮等率所部截殺又斃賊數百名徐文秀等由雞籠山繞出新橋併力追殺遂將富陽縣城克復其新橋各壘踞逆經高運陞等督率各營亦於是日分道進攻該逆出悍黨萬餘迎敵諸軍奮力痛擊立破賊壘六座殺賊數百名劉清亮等亦踏平賊壘五座殺賊七百餘名徐文秀等督勇追至合兵長驅大進共破賊壘二十餘座沿途斃賊無數內有賊目多名生擒七百餘名奪獲旗

幟千餘面輜重器械馬匹偽印無算富陽一城爲杭城鎖鑰逆賊久踞堅守與新橋賊壘相爲犄角此次各軍晝夜環攻將城賊壘悉數殲除實足以振軍威而寒逆膽著左宗棠督飭蔣益澧等節節進取迅速攻拔杭城肅清全省所有在事出力水陸弁勇著准其彙案保奏候旨施恩欽此

議政王軍機大臣 字寄同治二年九月初六日奉  
上諭左宗棠奏官軍克復富陽縣城見籌剿辦情形一摺已降旨宣示所有在事出力水陸弁勇准左宗棠彙

初編卷十一

七

案請獎矣富陽一城爲杭城上游鎖鑰逆賊負隅踞守經左宗棠督飭水陸各軍竭數月之力將縣城攻克並將新橋賊壘一併攻破該逆望風逃竄自應乘此聲威規復杭城見在蔣益澧統率各營沿江而下偏杭城十五里而營左宗棠亦已移紮富陽相機調度著即激勵諸軍鼓勇前進迅拔堅城毋失機會水師戰船業已進薄杭城著該督嚴飭該將弁等認真攻擊與陸軍相輔而行勿稍鬆懈康國器已由富陽直趨餘杭魏喻義由新城出師夾擊著該督卽飭令該員等迅圖克復以孤

杭城之勢一俟餘杭攻拔卽迅速攻取海甯州城則浙東之防可固且與蘇省規取嘉善之軍聲勢可期聯絡偽聽王見由嘉興星夜回杭嘉郡自必空虛前據李鴻章奏官軍攻克嘉善縣北之西塘鎮等處賊巢此時浙軍已克富陽緊攻杭州如嘉郡機有可乘李鴻章卽可檄飭將士乘虛進搆以牽賊勢著李鴻章酌量調遣皖商爲浙軍後路廣德郡城尙爲賊踞甚關緊要昨據會國藩奏皖南羣盜如毛論令左宗棠分飭劉典王文瑞等軍出徽郡出嶺規復石埭太平著左宗棠仍遵前旨

初編卷十一

八

迅飭該臬司等會同江忠義等軍兩路夾擊務將皖南逆壘一律削平俾江防撤防益臻穩固而浙師永無後顧之虞方爲妥善浙省餉源以鹽務爲大宗紹所早經克復新甌亟須整頓運司李榕見在帶兵一時未能赴任著該督遴選賢能署理俾免曠誤其杭嘉湖道一缺已令蘇式敬補授糧儲道一缺已令楊昌濬補授如該員等或因辦理軍務未能到任仍著該督酌量派員署理可也將此由六百里各諭令知之欽此

水師將弁陳繼展綏保奏片

再准兵部咨開內閣鈔出同治二年正月初七日奉  
上諭見在記名水師總兵將次用竣著兩江閩浙兩廣  
總督於水師副將內遴選堪勝水師總兵者各保奏數  
員候旨記名備用其水師參將遊擊都司守備各員如  
有材藝出眾可備器使者并著覈實開單具奏等因欽  
此欽遵轉咨到閩前督臣者齡未及覈辦移交到臣伏  
查閩浙兩省水師各營額設副將五員內福建閩安協  
副將員缺尚未補入臺灣水師協副將吳鴻源業經  
奏參革職擊問澎湖協副將王國忠見在臺灣勦匪陣

初編卷十一 九

亡浙江乍浦協副將賴鏡海前經升補尚未到任瑞安  
協副將葉炳忠緣案摘頂是閩浙兩省水師副將無員  
可保其水師參將遊擊都司守備臣甫在軍營受事履  
任日淺所有閩省武職材藝之長短弓槍之優劣未經  
考驗接見莫由深悉浙省武職各員半應查辦而臣所  
部水營將領於洋面情形未嘗諳習均未便冒昧具保  
合無仰懇  
天恩俯准展緩保奏以昭慎重理合附片陳明伏乞  
聖鑒訓示謹

奏同治二年八月十六日  
議政王軍機大臣奉  
旨依議欽此

初編卷十一



請將前克復績祁出力浙軍人員獎敘摺

奏為浙軍前次援徽克復績溪祁門兩城遵將出大員并兵勇請

旨獎敘以勵戎行事竊臣於同治元年十二月二十三日欽奉十二月初八日

上諭另摺奏浙軍會剿賊徽之賊克復績溪祁門等語官軍克復績溪等處前據曾國藩奏報已將出力之王文瑞等分別獎勵其餘出力弁兵著曾國藩左宗棠會同查明分別酌量保奏等因欽此竊維上年賊匪大股

初編卷十一

十一

竄犯徽郡地界突陷績溪經浙軍道員王文瑞督率所部會同皖軍馳往奮擊克獲大勝當將績溪縣城克復該逆旋又竄陷祁門圍截徽郡糧道復經王文瑞率師擊走江皖大局得以無虞除道員王文瑞副將王開琳已隨摺奏獎外其餘出力員弁兵勇臣欽奉諭旨當即恭錄行知布政使銜道員王文瑞飭令核實查明毋許冒濫茲據開單請獎前來臣覆核無異合無仰懇天恩俯准給予獎敘其出力稍次者由外記名咨部註

冊理合將奏保各員開列清單恭呈

御覽伏乞

皇上聖鑒施行謹

奏同治二年八月十六日

議政王軍機大臣奉

旨另有旨欽此

初編卷十一

十一



桂泉司徐縣令循清卓著懇下史館立傳表彰摺  
奏為故員政蹟卓著懇

恩飭下史館廣為蒐輯立傳表彰以資激勸事竊維封建之天下其治亂在諸侯郡縣之天下其治亂在牧令誠以治民之要必在親民州縣為字人之官地近情親謠俗之宜好惡之實易於孚治也已故署福建按察使前福建汀漳龍道桂超萬於本年八月二十二日在任病故業經臣宗幹恭疏題報臣宗棠於九月初五日浙江嚴州營次接桂超萬八月二十二日臨終親筆書稿

初編卷十一

十一

具言

國恩未報死難瞑目聞嚴州疫癘繁興浙西餘氛未淨死當竭力相助驅除並言石棟一案奉

旨嚴拏之俞清音等被匪劫奪必應嚴緝到案質訊以成信讞語不及私其稿為臨終親筆屬並附稿緘寄以表誠實臣宗棠閱其字畫不異平時偶有點竄亦俱端勁想其剛方嚴正之槩為之涕出不已憶昔道光十七年臣宗棠會試北上道出巖城偶遊城市見知縣村所張示諭勸民耕種並示以種植木棉諸芋之宜以及備

荒之策甚為詳備比詢之居民皆言令之愛民出於至誠其潔清自矢為從前清官所不及心竊異之比至都下為知好誦之時今雲貴總督前編修勞崇光前御史黎吉雲為言桂令名超萬故儒吏也始知其名厥後桂超萬以保舉受

兩朝知遇洵擢道員然已篤老矣該故員本籍安徽貴池因避亂來閩臣宗幹諭其賢奏權按察使劾貪舉廉如恐不及臣宗棠接晤閩中官吏無不憚其剛方而服其公允者其在官時結巨案數十平反亦多手治官書

初編卷十一

十一

不俾幕吏之手積勞致疾猶伏案治事不閒晝夜身後囊橐蕭然無異寒素臣宗幹實親見之又奉

旨特發浙江知縣徐台英一員臣宗棠在籍時孰聞其宰華容圭陽兩縣廉惠著稱最為輿情所愛戴不幸為長吏所扼志鬱不伸遂告病去嘗為今四川總督前湖南撫臣駱秉章言之請其咨調駱秉章為言徐台英本同鄉學者在湘作令實著循声惟其秉性狷介因不獲於上絕意仕進調心不赴遂爾中止比奉

旨起用發往浙江臣宗棠乍親除書幸慰無似本年五

月該員來浙稟到接晤之餘直傾肝膈相與商榷時政  
深資贊助乃到浙甫及兩月遽染瘧症病故需材之際  
惋惜尤深伏念桂超萬前在直隸徐台英前在湖南皆  
以循良著績遺愛在民其服官之年相去未久可否仰  
懇

皇上天恩宣付史館

飭令咨行直隸湖南詳撫該故員生前政績爲之編入  
循良傳以存其人俾天下之爲牧令者有所觀感謹合  
詞恭摺具

初編卷十一

七

奏伏乞

聖鑒施行謹

奏同治二年九月十一日

議政王軍機大臣奉

旨另有旨欽此

同治二年十月初六日內閣奉

上諭左宗棠徐宗幹奏故員政績卓著懇請宣付史館  
一摺已故署福建按察使福建汀漳龍道桂超萬前在  
直隸樂城等縣任內潔已愛民已故分發浙江知縣徐

台英前宰湖南華容耒陽等縣與情愛戴該二員皆循  
聲卓著遺愛在民著國史館咨行直隸湖南各督撫詳  
撫該故員等生前政績編入循吏列傳以資觀感欽此

陳明仍駐嚴州相機布置及病愈片

再官軍攻克富陽後蔣益澧分遣所部直搗杭城水師  
助之見已逼清波鳳山兩門而營杭城之賊與餘杭之  
賊皆負隅堅踞臣於富陽克復後卽飭康國器魏喻義  
與楚軍各營由富陽圍攻餘杭蔣益澧令劉清亮助之  
而自駐適中之留下地方相機攻取兩路疊獲勝仗攻

初編卷十一

七

破城外賊築壘卡數十事機頗爲順利惟賊勢尙熾自  
杭城至餘杭連營數十里希圖穩拒臣本擬力疾進駐  
富陽就近調度前奏業經聲敘拜摺後適得徽州各路  
警報太平石埭之賊紛紛過嶺犯及歙休黟祁各境劉  
典王開琳等各率所部且防且勦均獲勝仗賊雖敗遁  
竄巢然另股時由績溪歙縣各境過嶺紛擾近探皖南  
之賊希圖竄越浙境以援杭州餘杭兩城股數甚多嚴  
州防務喫緊臣未可遽離此間故暫緩富陽之行相機  
布置見聞青陽之圍已解逆賊有並趨浙境之勢已分

遣各營防守新城分水富陽併飭劉典暫緩出嶺相機  
截擊勿令闖入臣督親兵及三營仍駐嚴州以期兼顧  
臣所患瘧疾已半月未發而營中將士及地方印委各  
員仍多染患疫氣物故者移駐新城分水各營亦然節  
交霜降疫氣仍未衰滅殊為憂煩所有各路獲勝詳細  
情形容即專摺奏報謹先將大槩及微臣病愈仍駐嚴  
州緣由附片陳明伏乞

皇上聖鑒訓示謹

奏 同治二年九月十一日

初編卷十一

十七

議政王軍機大臣奉

旨另有旨欽此

議政王軍機大臣 字寄同治二年十月初六日奉

上諭會國藩奏甯國涇縣疊獲勝仗左宗棠奏嚴州防  
務喫緊暫緩富陽之行各摺片覽奏均悉逆酋古隆賢  
等糾合太平石球大股匪徒圖犯涇縣經甯國守將劉  
松山督隊往援會同總兵易開俊合力迎擊連破茂林  
潘村等處賊壘甯國北路之賊謀襲郡城劉松山聞  
信馳回開門出擊賊股相率敗遁該鎮將等往來策應

屢御大敵勦辦頗為得手惟石球太平尚為賊踞皖南  
羣匪蟄聚必須由上游各城掃盪而下著會國藩嚴飭  
江忠義李榕等激勵諸軍鼓勇前進迅將石太一帶賊  
壘悉數削平與易開俊劉松山等廓清皖南全境俾金  
陵之師無後顧之患方為妥善微浙軍務宜相表裏微  
郡餘孽未清欽休駟所路路可通難保不垂隙竄越浙  
境左宗棠自應仍駐嚴州相機布置著即飭令劉典王  
開琳等嚴防微郡各屬毋任該匪闖入其進逼杭城餘  
杭之師並著密飭蒞益漕分飭所部穩守營壘不可輕

初編卷十一

十八

率前進致為該匪所乘節交霜降何以該省疫氣尚未  
消除據奏宮中將士及地方印委各員物故者尚多軍  
士如此百姓可知覽奏曷勝憫惻該督務當宣布朝廷  
德意善為撫綏感召

天和潛消疹癘以期軍務日有起色會國藩奏請將陣  
亡藍翎把總鄧光武藍翎外委雷國英優卹等語均著  
照所請交部從優議卹矣將此由六百里各諭令知之  
欽此

閩省陸路千把總請仍復舊例拔補摺

奏為閩省陸路千把總請仍復舊例毋庸以隔府別營人員拔補以重巡緝恭摺具

奏仰祈

聖鑒事竊查例載本營兵丁不准拔補本營千總把總歷辦無異迨咸豐九年間經前督臣慶端以千把總係在本籍服官恐其包攬詞訟生事抗糧請援照題補守備之例以隔府別營人員遞拔寄籍處所分別府分里數一體回避等情

初編卷十一

九

奏奉

諭旨允准業經遵辦在案惟查閩省地多濱海土瘠民貧營中千把總有約束兵丁緝捕盜賊之責隔府人地生疏捕務難期得力福建上下游各屬口音迥異彼此驟難通曉以隔府別營之弁拔補營伍公事諸多窒礙且千把本屬末弁起家寒微一經拔補外標實缺張羅盤費倍極艱難又近年庫儲短絀偶遇新到之地俸餉愆期該末弁等告貸無門費用乏絕因之延不赴任或到任後別有分外需索馴致弁缺曠懸弊端百出其害

更有甚於包攬詞訟生事抗糧者竊思千把一官在武

職中最高為微末如果有包攬詞訟生事抗糧等弊近有該營將備管束遠有本標提鎮稽查一經訪察得實或別經告發何難立予革辦力挽頹風若不慎選大員嚴明約束而惟取隔府別營人員遞拔遂謂足杜弊端實無此理茲准福建撫提諸臣咨商前來臣細加訪察慶端前奏實屬有損無益相應請

旨嗣後閩省拔補陸路千把總俯准仍照舊章毋庸以隔府別營人員遞拔庶可休恤末僚臣為整理營汛之

初編卷十一

十

舉是否有當謹會同福建巡撫臣徐宗幹署理福建陸路提督臣林文察合詞恭摺具

奏伏乞

皇上聖鑒勅部議覆施行謹

奏 同治二年九月初一日

議政王軍機大臣奉

旨兵部議奏欽此

進攻杭州兼圍餘杭獲勝仗情形摺

奏為官軍進攻杭州兼圍餘杭疊獲勝仗見籌辦理情形恭摺詳陳仰祈

聖鑒事竊富陽克復蔣益澧所部各營直搗杭州並調駐聞家堰閩字五營駐西興楚軍前營渡江會剿而以水師助之漸逼清波鳳山兩門而營康國器魏喻義進取餘杭蔣益澧派副將劉清亮率六營助之自駐留下相機策應偽歸王鄧光明偽聽王陳炳文偽朝將汪海洋及偽享王劉逆等見我軍分道並進於負城一帶要

初編卷十一

三

隘節節修築堅卡壘並於城外樹立木柵復啖餘杭踞逆偽欽王謝天義等併力死守為犄角之勢自倉前長橋女兒橋老人畷東塘西溪埠觀音橋三墩直至武林門外北新關橫至古蕩連營四十餘里希圖抗拒八月二十五日蔣益澧偵知汪逆率黨潛赴餘杭即令高連陞帶所部正左副湘各營進攻十里長街洋將德克碑率花勇候補同知魏光祁率親兵四哨為之接應王月亮率正右及閩字營楚軍前營依山列隊防清波開一路羅啓勇楊政謨劉連陞率水師各營沿江而下黎

明水陸各軍均抵遠邊陸師趕拔椿籤水師排開大礮該逆驚惶失措官軍湧入立將街口大壘一座踏破壘中之賊三四百名無得逃者奪獲旗幟器械輜重無數街後賊約數千憑壘拒守不敢出戰我軍以進攻路狹未可冒險深入正相持間城內悍賊萬餘忽蜂擁而來高連陞等俟賊逼近揮兵突擊賊眾紛紛倒地王月亮等復從左路抄出水師連環轟擊賊大潰追至第二重卡丙斃賊多名並槍斃賊中黑夷一名賊敗入城官軍亦即收隊二十六日蔣益澧飭高連陞等乘勝步步移

初編卷十一

三

營進紮十里長街六和塔萬松嶺一帶先佔地勢俯瞰杭城而自率徐文秀馮德順赴東嶽廟察看路徑諸將乘賊不覺率勇疾進立破賊卡三座斃賊數十名餘黨竟亦竄去九月初六日辰刻城賊萬餘由山邊饒頭山鳳凰山九耀山雷峰塔等處漫山遍野分四路來撲官軍新築營盤其旗幟之鮮明隊伍之齊整均與前異高連陞王月亮劉連陞楊政謨羅啓勇寶德稜等水陸各營亦分路迎敵該逆由對面山嶺搖旗擂鼓而下官軍槍礮排擊諸將弁等往來馳突連斃悍賊數十名賊創

仍前適余朝貴高有志由江邊繞至高連陞復從山脚  
橫截而出魏光邨劉清望寶德稜各率所部繼之縱橫  
盪決士氣益厲羅啓勇等水師礮無虛發賊大敗走官  
軍跟追直至餒頭山沿途斬賊又三百餘名奪獲旗幟  
器械無算逆首鄧光明陳炳文自帶死黨據險督陣收  
賊仍復回撲正處戰間河街破屋中伏賊千餘又出槍  
子如雨高連陞等督勇迎擊王月亦率各營從九曜山  
萬松嶺一路衝殺而出賊不能支始狂奔入城官軍直  
追至城邊轟攻良久乃還初八日蔣益澧令王月亮與

初編卷十一

三

遊擊甯世杰偪紮天馬山南屏山羅山網移紮翁家山  
派水師對餒頭山一帶轟擊使賊不敢站隊高連陞等  
排列隊伍防賊出犯申刻各營壘成該逆竟不敢偏藉  
益澧於留下通餘杭河內拔獲小船三十餘隻改造礮  
划分布萬春廟楊家橋何母橋梧桐村蔣村各要隘日  
夕巡防藉固餘杭運道十三日早該逆率黨於楊家橋  
紮壘一座蔣益澧飭徐文秀率勇士乘夜平之殺賊百  
餘名生擒十餘名溺死者無數復乘勝過河攻破對岸  
小壘一座擒斬又數十名奪賊米船數隻據生擒賊供

鄧逆在餒頭山受傷偽欽王已在餘杭被礮擊斃矣此  
八月二十五至九月十四日以前蔣益澧督率各軍進  
攻杭州連破卡壘疊獲勝仗并偪紮鳳山清波兩門之  
實在情形也其攻餘杭縣城等軍八月初九日魏喻義  
與劉榮合賴錫光羅大春簡桂林等各率所部分三路  
前進十一夜右路之兵連破花牌樓牛背嶺栗樹村諸  
卡各卡守賊皆闖風遁去歸併青山賊巢十二日晚魏  
喻義由餘杭大路進羅大春賴錫光等由臨安小路進  
沿途各破賊卡十餘處進搗青山油車頭賊巢遙見隔

初編卷十一

三

河燈炬焚燬柝聲不絕魏喻義急令各營涉淺過河年  
攻村落半攻賊梁該逆拚命抗拒洋礮如雨我軍或明  
攻其前或潛抄其後立將村莊之賊擊走斬賊甚多惟  
賊營牆高濠深椿釘層層密布奮攻數時尙未得手魏  
喻義令放炸礮助以噴筒火箭賊梁火起羅大春等各  
營繞出壘後兩面夾攻賊大驚潰官軍奮躍而入擒斬  
壘賊幾盡青山一帶卡壘悉平餘黨均向餘杭竄去是  
役共斃賊數百名奪贏馬二十三匹大礮二十七尊擄  
槍小槍百數十桿旗幟刀矛甚多我勇受傷五十餘名

陣亡十一名魏喻義等隨移營青山鎮漸偏餘杭之西二十夜會商康國器各軍攻城一次僅入其舊城斬數賊而還三十日卯刻賊從南門出千餘人列石門橋又從北門出數千人捲旗疾趨繞向青山圖潛犯官軍後路魏喻義飛飭各營於樹林中分路設伏并約會羅大春賴錫光等前來助剿辰刻賊至號礮響伏兵齊出將賊截為數段斬殺甚多賊大敗走追至城下石門橋之賊亦皆退竄入城九月初十日復與各營出隊至石門橋誘戰賊出隊來迎又擊敗之其餘杭東南一路賊之

初編卷十一

五

卡壘最多尤以近城之寶塔山文昌閣兩壘為形勢必爭之地八月十八日劉清亮率所部各營攻南門城邊賊壘康國器率所部各營攻寶塔山賊壘康熊飛古捷芳向前奮攻吳光亮為接應林珠從右路包抄揭陽勇從左路截殺一鼓而拔斃悍賊多名當即分軍佔紮賊壘二十日汪逆從杭州率黨上援康國器劉清亮等合軍迎擊敗之追至倉前收隊而還二十一日二十二兩日該逆仍由倉前過河結壘西葛村復於壘外安設礮臺官軍乘其初築破之賊隨焚壘遁去康國器以寶塔山

之險既得應移營北岸斷其水道飭各營搭造浮橋二十六日會同劉清亮合攻城垣破長沙壘堅卡一座復偏攻南門賊壘直抵濠下誘戰良久該逆堅伏不出而偽歸王鄧逆率黨自倉前來援我軍分起迎擊立斃先鋒賊目十餘名奪大旗多件並攻破小耿廟賊卡一處賊敗回巢九月初七日康國器派河勇昭武兩營挑選擡槍分為四隊赴河邊循環施放派饒平飛虎兩營於文昌閣傍樹林設伏派揭陽彰武兩營列隊防大南橋東武橋之賊又約會劉清亮各營攻餘城南岱門半度

初編卷十一

五

橋各賊梁以分賊勢自率親兵用大礮轟擊逆壘自午至申鏖戰三時之久賊死無數正欲退走吳光亮林珠從樹林突出直抵壘下古捷芳康熊飛亦督隊過河夾攻各勇從槍礮如雨中越濠破柵而入立拔石壘逆黨盡殲城賊悉銳來援均被官軍擊退勇丁陣亡者十一名受傷者七十七名此餘杭官軍疊次獲勝並奪據寶塔山文昌閣險隘之實在情形也臣維杭州餘杭逆首中兇狡著名者以鄧光明汪海洋為最而陳炳文等次之其詭計以杭州為老巢以餘杭為犄角均盼嘉興湖

州之援並資其接濟而嘉湖來杭之路又在餘杭故官軍必先克餘杭扼截嘉湖來路而後乃可合圍杭州見在蔣益澧一軍雖偏紮鳳口清波各門僅能扼其西面其餘杭一城雖已圍其東南而北路無重兵駐紮兩城之賊仍可往來自如縱西路緊逼城根亦未能制其死命臣本擬移駐富陽後親赴餘杭察看情形酌量分兵進紮以期迅速成功旋因青陽圍解皖賊有竄浙之勢不得不暫駐嚴州以期上下兼顧計浙軍援皖者馬步一萬有餘攻杭州餘杭者水陸馬步二萬有餘此外如

初編卷十一

三

錢江東岸及富陽新城分水桐廬遂安淳安等處在在宜置兵防守見隨臣駐嚴者除親兵一營外僅只一營一旗合計不過千餘備有巨股竄入有防剿之兵即無策應之兵於大局終多罅漏當飭王沐繼果營移守徽屬邢門王開琳老湘營分防徽屬之漁亭屯溪而令劉典移軍東向兼顧浙境本月二十四等日花旗賊由甯國竄至昌化之白牛橋及於潛屬之太陽埠其前竄廣德者復折踞孝豐又據魏喻義稟報湖州賊亦由武康而來似有以全力援杭之勢已飭蔣益澧康國器魏

喻義等豫備痛剿援賊并飭富陽新城分水各營加緊防守劉典見抵績溪叢山關探知賊竄浙境已派七營五成隊由昱嶺關出剿昌化於潛之賊局勢略穩臣惟有隨時細審賊蹤相機調度務期堅城速克不敢稍失機宜此次出力弁勇應俟克城後彙案奏請獎敘其陣亡都司陶晉陞都司銜藍翎守備邱得勝守備銜藍翎千總李昌林藍翎千總梁植祥奮勇捐軀深堪憫惻應請

飭部從優議卹以慰忠魂所有大軍進攻杭州餘杭兩

初編卷十一

天

城疊獲勝仗詳細情形謹由驛馳奏伏乞

皇上聖鑒訓示施行謹

奏同治二年九月二十七日

議政王軍機大臣奉

旨另有旨欽此

浙師截剿皖南賊匪疊獲勝仗情形摺

奏為浙師截剿皖南賊匪疊獲勝仗見籌辦理情形恭摺奏祈

聖鑒事竊江西肅清後逆黨紛紛東竄臣以徽州各屬



防兵尙單恐賊仍由石埭太平旌德糾合原踞各股乘  
虛內犯當飭劉典一軍仍由景德鎮清華街一路回顧  
徽浙之防八月初二日劉典率所部各營先後行抵休  
甯分屯漁亭萬安街等處初七八等日青陽之賊由香  
口琅田竄至黃嶺城安入都墟一帶距小樑根嶺大洪  
嶺均僅十餘里意圖竄犯祁門初九日王開琳率所部  
名營葉兆蘭亦帶城鄉團勇從大洪小樑根分兩路而  
進初十日黎明兩路同時踰嶺適遇該逆前隊突起擊  
之各有斬獲王開琳進抵鴉坑見該逆列陣田隴而後

初編卷十一

三

隊之伏於栗樹街者尤嚴當令賀章彬從右路進喻勝  
榮從左路進自率親兵壯勇居中號鼓齊發槍礮並施  
賀章彬督騎兵衝入賊陣立刃悍賊數名奪馬四匹喻  
勝榮王開琳繼之往來盪決葉兆蘭團勇復從旁抄擊  
賊大敗走我軍躍縱緊追適前營右營掃平城安賊館  
追殺而至王開琳飛飭鄧榮達率馬步總扼蘆林橋截  
其歸路而自督各營奮力衝擊斃賊約數百名直追至  
琅田沿途斬賊復多日暮收隊即於城安黃嶺住紮十  
一日正擬追剿探報賊已於初十夜悉向石埭七都一

路竄去矣是役陣斬逆賊近千名內有偽朝將陳矮子  
等生擒一百七十餘名內有偽主將鍾亞才偽嵩天安  
劉永安等訊明就地正法奪獲馬匹槍礮旗幟無數陣  
亡勇丁一名受傷十八名祁門北路肅清劉典聞賊回  
青陽急與王開琳及江軍管帶繼果營知府王沐會議  
出嶺進剿石太以擊賊勢忽探報太平古逆率黨來犯  
十六日竄至橫潭十七日竄至郭村人數甚眾劉典隨  
派張聲恒聶光黃少春楊芳桂等馬步各營進駐夥  
城嚴密防堵賊知夥縣有備遂改向箬嶺一路而來二

初編卷十一

三

十一日巳刻竄至徽州之北許村地方前隊距潛口不  
遠勢甚剽疾徽歙震驚劉典聞耗立率萬安街及屯溪  
各營旗往剿並派都司劉敬廷帶親兵左翼先夜屯潛  
口多燒望火虛張聲勢使賊不敢銳進一面知會皖南  
鎮唐義訓率師來會我軍抵潛口探報賊已遁去嶺外  
正擬撤回聞二十三日該逆復竄至許村一帶並分股  
由績溪擾及歙東石門裏東鄉等處勢甚張二十四日  
寅刻唐義訓出隊至豐口牽制上下豐之賊劉典出隊  
直搗許村賊集令候選知縣楊詠春參將張福齋進擊

劉大謨各率所部由左路進浙江候補知府李耀南參將朱尊賢都司廖渭臣彭俊光參將楊在田都司李裔輝各率所部由右路進劉典自率親兵從後策應該逆層層排列我軍一齊猛進槍礮排擊賊眾紛紛仆地力已不支猶扼橋拚命抗拒張福齋怒馬衝出立斬當先騎馬賊目一名賊大駭潰我軍兩路追殺或抄其後或截其前約共斃賊五六百名生擒二百餘名解散脅從以數千計奪獲旗幟器械無數羸馬十五匹追至正村餘賊越嶺而逃我軍收隊回營已戌刻矣據生擒賊供

初編卷十一

三

逆目偽金王偽平東王偽黃天將林天將巢天將等仍欲由徽州竄過江西如不能竄過卽由昌化入浙等語二十五日劉典移軍徽城二十六日黎明卽與唐義訓分路進剿橫村口石門藍田等處股匪詐行抵該處而賊已於先夜聞風鼠竄併歸旌德賊巢唐義訓追至孔靈劉典各營追至八都僅斬落後賊百餘名而還此八月初二十四二十六等日劉典王開琳分剿皖南賊匪獲勝之實在情形也據劉典王開琳稟報賊之大股有由甯國竄廣德者有由甯國人浙者均聲言欲來援

杭恐皖事鬆而浙事日急惟石埭太平旌德各城尙有賊踞人數似不甚多揣度賊意似在牽綴上游官軍使不得悉銳而東見在會國藩檄鮑超一軍由蕪湖進兵埭南陵涇縣等處徽江忠義席寶田李榕喻吉三朱品隆等軍由青陽池州進兵攻石埭太平旌德等處兵力甚厚目不能迅速蕪事如果嶺外肅清節節掃蕩而下則皖軍攻廣德建平扼東壩浙軍由昌化於潛孝豐臨安各路規湖州兩路聲氣聯絡適合長圍漸偏漸進庶可保完善之區以制鴟張之寇東南大局其有濟乎臣

初編卷十一

三

惟有慎以圖之此次劉典援皖援江復由江回顧皖浙馳驅三省之間各將士勞瘁異常王開琳老湘營固守祁門屢卻巨股均於大局有益應由臣分別存記彙案請獎以示鼓勵浙江補用參將朱連彪屢次衝鋒陷陣奮勇可嘉茲以傷重殞命深堪憫惻應請飭部照參將陣亡例從優議卹以慰忠魂所有劉典及王開琳兩軍分剿皖南逆匪獲勝情形謹會同兩江總督臣曾國藩由驛具奏伏祈

皇上聖鑒訓示施行謹

奏同治二年九月二十七日

議政王軍機大臣奏

旨另有旨欽此

奏報捕獲溫台金錢會匪首要各逆辦理緣由片

再溫州金錢會匪及台州黃巖縣屬奇田土匪在逃各犯疊經臣飭令地方文武嚴密搜捕嗣據署溫處道周開錫護溫州鎮黃載清等稟金錢首逆趙啟見由賊夥逃出匿樂清縣塘下地方經王環右營守備鍾國泰帶

初編卷十一

聖

兵前往擒獲因該逆拒捕格傷解交署王環屬張文藻提訊監禁該逆傷重自斃周開錫當飭驗明戮屍梟取犯首懸竿示眾又奇田土匪案內首犯王玉蘭潛赴太平縣新河市集外委陳國樑等前往掩捕該逆拒捕格斃經前代理台州知府韓恩承驗屍梟首示眾先後稟報前來除將各弁兵記名獎拔外仍飭令迅將在逃各匪嚴密擒拏務獲以絕根株所有擒獲首要各逆辦理緣由謹附片具報伏乞

皇上聖鑒謹

奏同治二年九月二十七日

議政王軍機大臣奏

旨另有旨欽此

陳明代統老湘軍之王道請假回籍省親片

再臣部老湘營全軍向係總兵銜副將王開琳統帶王開琳假歸後臣委布政使銜江西吉南鎮甯道王文瑞代統其軍王開琳銷假前來旋據王文瑞具稟以母年八十有四近復老疾漸增請假回籍省親情詞極為懇摯臣以該軍接帶有人王文瑞暫時歸省尚無不可已

初編卷十一

聖

准其假緣係實缺道員請假回籍應附片陳

奏伏乞

聖鑒謹

奏同治二年九月二十七日

議政王軍機大臣奏

旨另有旨欽此

議政王軍機大臣 字寄同治二年十月十七日奉

上諭左宗棠奏官軍進攻杭州兼圍餘杭迭獲勝仗見籌辦理情形一摺蔣益澧所部直搗杭州八月二十五

日至九月十四日以前該藩司親督各軍攻杭連破城外卡壘逼紫鳳山清波兩門魏喻義等攻餘杭縣城亦連破花牌樓等處賊卡奪據寶塔山文昌閣險隘見在杭州餘杭逆首以鄧光明汪海洋爲最而陳炳文次之其逆謀以杭州爲老巢以餘杭爲犄角均盼嘉興湖州之援嘉湖來杭之路必由餘杭自應先將餘杭攻克遏賊來路以期合圍杭省餘杭險要已得不難收破竹之效著卽飭令魏喻義等迅圖攻拔湖州援杭之賊由武康一路而來左宗棠卽飭蔣益澧等實力痛剿無任句

初編卷十一

三

合杭州餘杭賊勢本重加以嘉湖賊援層聚勦辦尙未能十分得手見在嘉湖之賊均并力趨援杭郡李鴻章前有派兵攻嘉善之奏若由嘉善平湖以攻嘉興以太湖水師襲湖州爲攻瑕擣虛之計必可得手卽不能攻克亦可牽制該逆使不得併力於杭州則蔣益澧等可以一鼓攻克二城便可規取嘉湖節節掃蕩該撫卽相機督勦以分賊勢另摺奏劉典等軍截勦皖南賊匪迭獲勝仗訊據生擒賊供逆目僞金王僞平東王僞黃天將等欲由徽州竄過江西如不能竄過卽由昌化入浙

劉典見已移軍徽城與唐義訓分勦橫村口等處賊匪該逆遁歸旌德見在會國藩檄鮑超一軍由蕪湖進兵埭南陵涇縣等處檄江忠義等由青陽池州進兵攻石埭太平旌德等處左宗棠擬俟嶺外肅清皖軍攻廣德建平扼東壩浙軍卽由昌化於潛孝豐臨安各路以規湖州兩路聲勢聯絡適合長圍漸逼漸緊東南大局自可日有起色著會國藩卽飭鮑超等軍實力進攻務將皖南各城一律肅清不得任令回竄江西并會合浙軍力圖攻勦廣德等處微防緊要左宗棠飭劉典等妥籌

初編卷十一

三

防勦不可稍爲疏失此次杭州餘杭及皖南出力弁勇均著左宗棠分別記存彙案保獎其陣亡之都司陶晉聖都司銜守備卽得勝守備銜千總李長林千總梁植祥均著交部從優議卹浙江補用參將朱連彪著照參將陣亡例從優議卹以慰忠魂另片奏温州金錢會匪及台州黃巖縣屬奇田土匪在逃各犯經該地方文武捕獲首要各犯梟示其在逃餘匪仍著飭令認真拏辦毋任再行肆擾又片奏王文瑞請假省母等語王文瑞係實缺道員此時軍務緊要准其歸省係屬格外推恩

著左宗棠即飭該道趕緊回營以資得力將此由六百  
里各諭令知之欽此

初編卷十一

聖

臬司在營聞訃丁憂請

旨遵辦摺

奏為臬司在營聞訃丁憂請

旨遵辦事竊臣於九月二十二日嚴州營次接據布政  
使銜浙江按察使司按察使劉典績溪營次稟報九月  
十八日接到家信親父於八月三十日在籍病故例應  
丁憂見已在營成服懇

奏請開缺交卸臬司篆務並遵員接統所部兵勇以便  
亦喪回籍前來臣維臬司劉典自咸豐十年隨臣討賊  
總理臣軍營務先後百戰靡役不從蒙

初編卷十一

奏

皇上天恩由道銜知府

特擢浙江臬司自念鄉曲書生忽膺

異數感奮思報敢處未遠近因其父智新久患風痺之  
症時思假歸定省屢接稟牘語多激楚之音臣以江皖  
浙三省軍務方殷引古人敬以莅官勇於戰陣為孝之  
誼相助該臬司甞勉從戎不敢稍懈茲以終天永訣  
求開缺奔喪揆之

皇上孝治天下自應請

旨允其開缺以慰孝思惟臬司一缺浙江無可委署之

員而劉典正當帶兵出省防剿之時兼之分兵回浙助  
剿竄匪軍事緊要未可遽易生手至身司本任事件劉  
典出省時已委衢州府代拆代行見在衢州府知府林  
聰彝接辦尙無貽誤可否卽令林聰彝暫爲代辦並係  
聖裁臣維禮經以奪人之喪與自奪其喪並論原爲世  
教之大防往代奪情之事亦嘗詳爲參稽何敢爲違經  
背理之言自外名教顧事理有未可繁論者宜本其所  
處之地所值之時以爲衡金革之事伯禽變禮而聖賢  
不以爲非蓋因淮徐有必討之寇而伯禽無因以爲利

初編卷十一

三

之心義關家國不敢後公義而致其私哀也今劉典備  
位臬司帶兵獨當一路又正值皖浙並急之時迴非尋  
常奪情可比應否改爲署任俟軍務稍定准其回籍治  
喪事畢赴浙仍領原部之處伏候  
皇上訓示施行謹

奏同治二年九月二十七日

議政王軍機大臣奉

旨另有旨欽此

同治二年十月十七日內閣奉

上諭左宗棠奏臬司聞訃丁憂請旨遵辦一摺浙江按  
察使劉典自咸豐十年以來隨同左宗棠剿賊戰功卓  
著此次丁親父憂自應准其回籍治喪以遂孝思惟該  
員帶兵攻剿皖匪分辦浙逆軍務正當喫緊該員尤爲  
得力未便遽易生手劉典著改爲署任浙江按察使俟  
軍務稍定再行回籍治喪事畢卽行赴浙統帶原部剿  
賊欽此

請准浙省拔補武弁暫免揆查缺次弁免回避片

再查閩浙兩省拔補水陸千把外額弁缺應照部定章

初編卷十一

單

程按照缺次分別輪補但浙省自逆賊竄擾以來全局  
已非各武職多應查辦之人若計缺次輪補勢有難行  
徒滋冒混之弊且冊檔均存閩省此閒距閩甚遠遇有  
輪補之缺若待往返行查不但多延時日且恐吏胥影  
射招搖在所難免相應請

旨所有浙省千總把總外委額外拔補弁缺暫免揆查  
缺次統俟事定後再行察酌循照舊章核辦以歸簡易  
又閩浙兩省陸路千總把總各缺前督臣臬端奏明應  
以隔府別營之弁拔補業經臣與福建撫提諸臣以空

嶠情形會所

奏請仍遵舊章毋庸回避本府籍倘未奏到

諭旨查浙省事同一律應請

飭部核照均復舊章以歸畫一而免紛更是否有當謹

會同署理浙江提督臣秦如虎合詞附片具

奏併乞

聖鑒訓示再浙江巡撫係臣兼署毋庸會銜合併聲明

謹

奏同治二年九月二十七日

初編卷十一

聖

議政王軍機大臣奉

旨兵部知道欽也

恪靖奏稿初編卷十二目錄

奏報截剿甌浙逆匪收復四縣迭勝情形摺

覆陳入皖浙軍應調回進剿及籌兼顧情形片

攻剿杭州餘杭踞逆迭勝擊斃首逆情形片

覆陳杭嘉湖減漕情形摺

陳明劉臬司丁憂回籍治喪情形片

陳請紹屬四縣本年應徵錢糧分別緩徵片

請議卹餘姚縣殉難之紳士片

攻剿餘杭踞逆大獲勝仗情形摺

初編卷十二目錄

援剿江皖出力人員請獎摺

覆陳孫侍讀挾嫌奏不實情形摺

覆陳籌辦軍事情形片

奏報截剿賊浙逆匪收復四縣迭勝情形摺

奏爲官軍截剿賊浙逆匪疊獲勝仗現籌辦理情形恭摺奏祈

聖鑒事竊劉典一軍移駐績溪後僞金王僞平東王僞根王等數大股不能上犯徽歙遂由甯國縣千秋關竄入浙境蔓延昌化於潛一帶擄掠直至潛安分水邊界希圖擾我腹地以牽動杭州餘杭官軍之勢九月十九日派防分水遊擊黃大玉叅將馬復震出隊至蘇車埠截剿畧有斬馘劉典聞賊竄昌化之信卽飭記名總兵

初編卷十二

黃少春留浙補用知府李耀南副將黃有功候補知縣楊詠春等率所部各營五成隊於十八日自績溪起行各持七日糧由昱嶺關赴昌化進剿並派張聲恒所部千人回扼潛安而自駐績溪縣臨溪地方以防旌德之賊上犯二十日黃少春等行抵冷水舖賊尙未知也二十一日黎明黃少春與黃有功率所部由左路進派叅將周紹濂遊擊李良平都司劉昌選所部由中路進李耀南楊詠春所部由右路進行至株柳地方遇先鋒悍賊百餘人盡殲之乘勢撲水穿司賊巢該逆猝不及防

殺賊數百名正俘斬間後面賊隊突至憑河抗拒周紹

濂李良平梟水過河直衝賊陣周紹濂手刃騎馬賊目二名李耀南揮兵繼進賊勢不支紛紛敗竄我軍跟蹤緊追至白牛橋忽僞金王根王等大隊蜂擁來援勢甚兇悍李良平扼橋力堵各營復整隊排列鎗礮連施塵戰約一時許十二都之賊又從左手山谷小路飛奔而來幸黃少春黃有功等先已派隊伏於叢莽中賊至伏發復斃賊百餘名李耀南李良平等俟黃少春抄出賊後亦奪橋而進右路之賊從下游涉水來者楊詠春又

初編卷十二

由山邊橫出截之賊大驚潰我軍三面合追該逆奪路狂奔沿途斃賊又數百名溺死者無數可紀生擒二百餘名解散甚多立將昌化縣城收復計是役共斃賊二千餘名奪獲僞印百餘顆騾馬二百餘匹牛數十頭穀米雜糧千餘石救出難民數千名我勇受傷十餘名陣亡二名餘黨向甯國縣界竄去是夜於潛大陽埠錫口等處之賊亦聞風潛遁二十二日黃少春等督隊冒雨追之不及遂收隊還二十八日仍折回安徽績溪老營該逆後起復由甯國竄至孝豐與前由廣德竄來各股



合隊眾尚數萬本月初三四等日分兩股一竄臨安西鄉一竄臨安北鄉去餘杭青山官軍營盤均不甚遠臣比飛飭駐新城副將劉明燈恭將張完元張人和等各派七成隊迅速進剿飭駐桐廬之副將劉明珍等率所部助之並令溫盧道魏喻義派隊就近夾擊蔣益澧亦飭遊擊徐文秀率所部五營赴亭子頭會剿初八日各營進剿臨安北路賊見官軍至即倉皇奔逃僅追斬數十名初九日黎明劉明燈劉明珍等分攻西路直抵橫路禮販舉足里高村峯嶺各賊巢賊猶未覺我軍一鼓

初編卷十二

三

齊進喊殺震天該逆紛紛驚竄各勇圍殺斃賊七八百名生擒三百餘名奪獲騾馬八十餘匹四旗幟三百餘件陣斬偽倭天豫謹天豫各逆目而奪其印餘賊翻山望北逃竄拔出難民約數千計各營追至朗嶺乃收隊還此前月二十一二本月初八九等日我軍截剿竄浙各股逆匪連獲大勝之實在情形也現在杭州餘杭兩城踞逆堅守如故各軍方剿援賊勢難合圍應俟援皖各營回浙乃敷分布臣前以皖賊紛紛竄浙上游喫緊石太旌德未復徽防不可稍鬆王開琳留防黟縣劉典移

軍績溪均難遽撤不得不暫屯嚴州以期上下兼顧業經陳明在案頃據報皖南軍情石埭古逆率黨獻城投降太平江逆旌德盧逆或降或走三城均已收復徽池一律肅清餘眾竄踞甯國廣德孝豐之間勢甚渙散臣擬令劉典所部各營由昌化於潛趨臨安進剿孝豐為規取湖州之地王開琳一軍現當徽防無事亦可調歸以備策應臣軍後路穩固拜摺後亦即日移紮富陽督飭各軍先將餘杭攻克然後悉力杭州分規湖州仍與皖南各軍聯絡一氣互相應援斷不稍分畛域致誤大局而煩

初編卷十二

四

慮念所有各軍截剿竄浙賊匪叠獲勝仗情形恭摺田驛六百里馳奏伏乞

皇上聖鑒訓示施行謹

奏 同治二年十二月二十一日

議政王軍機大臣奉

旨另有旨欽此

覆陳入皖浙軍應調回進剿及籌兼顧情形片

再十月十一日 臣 在嚴州軍營欽奉

寄諭青陽雖已解圍而太平石埭旌德甯國四縣尙爲賊踞徽郡防務未可稍鬆左宗棠現在駐軍富陽距徽防稍遠但係浙師後路亟須兼籌妥顧仍著左宗棠隨時策應與皖南諸軍聯絡聲勢迅掃妖氛毋稍大意欽此跪誦之餘敬仰我

皇上垂念皖疆軍務關係全局地勢戎機洞若觀火下懷欽佩曷可言宣竊維制賊之要在避長圍防後路臣於元年正月遵

旨覆奏摺內已詳陳之上年十一月調道員王文瑞入

初編卷十二

五

皖今年二月調臬司劉典入皖合共一萬餘人均於無可抽調時勉爲抽調亦嚴防後路之意也昨因青陽圍解逆首僞金王鍾逆僞平東王何逆等各率黨夥東竄臣卽飛飭劉典王開琳漸次移軍東向扼其由皖竄浙之路於時曾圍藩有調浙軍過嶺會剿之咨臣未敢應蓋清陽之圍旣解石太賊勢已孤野無可掠自無久踞之理又江忠義等旣軍其西鮑超一軍復逼其東勢必逼賊南趨南趨卽入浙境入浙未復之區猶之可也若由歙境竄清安遂安則出臣軍之後若由績溪甯國竄

昌化於潛則出杭州餘杭各軍之後殘黎難堪再擾而浙江大局亦將被其牽綴臣所以尅期進駐富陽旋復中止者此也浙軍援皖自應兼顧浙境豈有坐視皖賊入浙之理浙軍嚴防後路自應先其近者豈有舍近圖遠之理臣所以檄劉典等軍漸次東向遏賊竄浙之路劉典所以駐軍臨溪一聞逆賊繞由甯國縣境折竄昌化卽派隊馳援者此也幸而竄入昌化之賊經總兵黃少春等由績溪入昱嶺關回援一戰破之若已出嶺會剿則前拒虎而後進狼誠恐於皖未必有功於浙則必

初編卷十二

六

有害耳昌化肅清後劉典所派之黃少春等於前月廿八日收隊回皖仍駐臨溪者營曾國藩所奏臣軍回浙或卽指此現在石埭太平旌德之賊業已肅清甯國縣城亦已無賊而湖州孝豐一帶竄來之賊甚多天目山麓時有大股賊蹤出沒以局勢論之則皖緩而浙急也明矣臣軍之入皖者應調回浙省以備進剿至妥籌兼顧則固臣之本謀豈敢稍涉疎虞仰煩聖慮謹據實覆陳伏乞皇上聖鑒訓示謹

奏 同治二年十月二十一日

議政王軍機大臣奉

旨另有旨欽此

議政王軍機大臣 字寄同治二年十一月初六日奉  
上諭左宗棠奏截剿竄浙逆匪疊勝現在籌辦情形入  
皖浙軍應調回進剿各摺片逆首偽金王等由甯國縣  
竄入浙境蔓延昌化於潛一帶經劉典自績溪飭派總  
兵黃少春等同浙進剿斃賊二千餘名立將昌化縣城  
收復該逆後股復由甯國竄至孝豐分擾臨安雖經官

初編卷十二

七

軍擊敗而湖州孝豐一帶竄賊甚多天目山麓時有大  
股賊蹤出沒浙省援皖之軍自應調回迅籌進剿現在  
皖南軍事大定昨據會國藩等奏到東壩甯國高潛溧  
水各城次第俱下惟廣德尚為賊踞皖軍得手逆賊南  
趨浙境必然之勢昨已諭令會國藩速調勁旅進克廣  
德堅城與浙軍互相聯絡左宗棠現檄劉典所部由昌  
化於潛趨臨安進剿孝豐並將王開琳一軍調回策應  
即著飭劉典等迅速進兵收復孝豐為規取湖州之計  
並與皖南進攻廣德之師互為聲援使皖浙諸軍聯為

一氣以期得手杭州餘杭城勢如故該督現擬即日移  
軍富陽督軍先克餘杭然後悉力杭州諒不難次第掃  
蕩現在蘇州省垣業已克復皖城亦漸就廓清各路軍  
情同時得手金陵杭州兩處各軍已薄城下立盼捷音  
該督其迅奏膚功同膺懋賞有厚望焉將此由六百里  
諭令知之欽此

初編卷十二

八

攻剿杭州餘杭踞逆迭勝擊斃首逆情形摺

奏為官軍攻剿杭州餘杭踞逆迭獲大勝擊斃首逆現  
籌辦理情形恭摺馳

奏仰祈

聖鑒事竊杭州餘杭兩處賊匪經官軍迭次痛剿復於  
餘杭東門至杭州之倉前長橋女兒橋等處糾添悍黨  
欲由何母橋繞截餘杭各軍後路均經官軍擊退蔣益  
澧因何母橋太平橋一帶港汊紛歧賊情詭譎每圖乘  
隙內竄十月十六日派副將周廷瑞都司王東林於天

初編卷十二

九

水橋扼紮一壘參將鄧受福於護國橋扼紮一壘康國  
器亦派參將古捷芳帶勇會剿賊伏不出鄧受福率親  
兵前往窺賊動靜突遇賊二千餘分路來撲鄧受福督  
隊奮擊斃賊數十名因眾寡不敵中傷親兵數名鄧受  
福回救手刃數賊右脇忽被賊槍洞穿而殞周廷瑞王  
東林帶隊馳至賊始潰竄十七日蔣益澧飭劉樹元曹  
魁甲徐文秀出隊至何母橋並於方家橋太平橋添築  
二壘十八日長橋女兒橋之賊來犯經官軍擊走其杭  
城踞逆因嘉興等處新來悍賊數萬亦於十八日卯刻

乘大霧迷漫分路由萬松嶺直撲副湘左營營壘都司

張志公憑濠放槍迎擊該逆愈逼愈近丁賢發率副湘

後營從山巔馳下協力助守約一時許高連陞督同余

胡貴張正順等所部馳至張志公丁賢發出壘奮擊賊

勢稍却時洋將德克碑亦帶花勇前來助剿並令淺水

輪船點放開花大礮轟斃數賊楊正謨劉連陞羅啟勇

各率舢板師船將沿河之賊擊退登岸衝殺該逆見水

陸各軍大隊齊至分投迎拒酣戰兩時斃賊數百賊大

敗其由清波門所出之賊被王月亮督同閩字中營截

初編卷十二

一

殺潰退回城各軍乘勢追剿又斃賊多名此十月十六  
十八等日攻剿獲勝之情形也嗣康國器一軍於十一  
月初五初七等日攻剿餘杭東門埭賊壘亦迭有斬獲  
臣馳抵富陽後即於十一月初十日率輕騎赴餘杭察  
看形勢見該處依山帶水地勢遼闊東南路直達杭州  
北可通武康德清西可通孝豐安吉官軍僅扼其東南  
兩面杭州等處之賊仍可往來自如當調駐紮富陽之  
朱明亮劉璈楊和貴余佩玉等五營駐紮分水張聲恒  
等四營齊至餘杭會剿一面飭副將劉名珍率駐嚴州

兩營高安兩營填紮分水由皖調回記名總兵黃少春所部克勇一軍亦檄其由分水新城以出餘杭進北西北一路十二日令羅大春簡桂林劉榮合賴錫光等四營由青山進紮丁橋十七日令劉璈朱明亮余佩玉等進紮石門橋臣當飭魏喻義徐文秀各營列隊南門康國器所部各營列隊東門以掣賊勢羅大春三營由丁橋出西門大路楊昌濬率親兵及楊和貴新右營由丁橋小路李耀南黃有功張福齊率所部繞出西北隅辰刻城賊壘賊及東北門外之賊悉眾來撲官軍分路接

初編卷十二

十一

仗徐文秀朱明亮與蔣益澧派來馬步各營見西路賊勢較重馳往夾擊鏖戰逾時賊忽分股由左路搶上山梁勢極克悍賴錫光一營稍却楊昌濬白冠玉等從北路山峽中突起衝殺賊始駭奔官軍截之殺悍賊百餘名生擒黃衣白衣賊目十餘名追近城邊賊為水阻各軍逼之戮斃溺斃無算其村內黃衣悍賊衝出拒戰適李耀南等從左路馳至羅大春等出右路抄擊遂大敗各軍乘勢痛擊斃賊數百名奪獲洋鎗六十餘桿抬馬鎗百數十件旗幟刀矛無算其東門外之賊亦經康國

器派隊擊殺多名二十四日令張聲恒齊蘭禮劉端冕楊松林進紮餘城西北隅蔣益澧率馬部九營從石門橋出西路劉璈等四營繼之黃少春楊詠春率馬步十三營由丁橋出北路楊昌濬率劉榮合賴錫光楊和貴繞出西北一帶官軍排列甫定該逆挑悍黨萬餘由北路前來拒戰西門之賊亦皆出隊負城壘而陣黃少春率各營從左路先進擊斃先鋒悍賊數十蔣益澧楊昌濬各率所部衝入賊陣斃悍賊數十賊分數大支拚死抗拒官軍三面蹙之裹賊中央節節逼壓而進且堵且

初編卷十二

十二

衝愈戰愈奮賊敗至城北沿途鮮血淋漓屍骸枕藉偽歸王鄧光明偽朝將汪海洋猶磨其死黨苦相措格蔣益澧策馬陷陣各軍乘之首逆鄧光明經官軍抬破轟穿左脇立斃陣前餘賊搶護入城時已酉正官軍乃收隊而還是日自辰至酉鏖戰數十合斬大小賊目百數十級黃衣白衣青衣悍賊約共五百餘奪獲賊馬二十餘洋鎗旗械無算賊之被鎗破轟斃曳屍入城者殆千數百計其東路康國器一軍吳光亮康熊飛林珠丁應龍等亦攻破柯埭賊卡乘勢進攻牛販太平橋賊壘踰

濠破柵而進擊斃黃衣賊日一名並分支截擊倉前援賊斬馘亦多此十一月十七二十四等日官軍猛攻餘杭縣城殲斃首逆克獲全勝之實在情形也賊敗後克饑頓衰於餘城西北門外連夜修濬長濠北門外添築三壘官軍日夜搗賊鼠伏不出而東北瓶窰鎮倉前林清營何家陡門一帶添築賊壘甚多揚言齊隊來撲官軍營壘然胸縮不敢前也臣於戰後與蔣益澧楊昌濬黃少春等商議由北路築壘分軍襲取瓶窰絕其糧路蔣益澧暫回留下鎮老營布置防守臣出營已十五

初編卷十二

三

日須回富陽大營清理積贖然後拔營進駐東西兩路適中之橫溪頭以便督剿蔣益澧抵老營正布置杭州一路戰守機宜登山遙瞰杭城知賊因官軍急攻餘杭各路援賊均趨重杭州西北餘杭東北一帶凡自賊中逃出者均言鄧逆授首羣賊洶懼之狀甚悉蔣益澧擬先攻杭州城外各壘以憚之十二月初一日令記名提督高連陞洋將德克碑等會同水路各營進攻鳳山門外各壘親督馬步各營列隊錢塘門外素亭山樓竄嶺一帶牽制城賊高連陞等數路齊進各壘之賊紛紛揚

旗而出高連陞乘其尙未成列猛撲之水師營官楊政謨劉連陞等率各師船沿江轟擊高連陞德克碑等大呼陷陣賊勢披靡縮退石壘希圖抗拒官軍躡蹤追入破賊一壘盡殲之復分攻各壘各壘之賊望風逃竄不敢據壘自固自辰至午九壘次第俱破高連陞等追賊直抵城隍山脚楊政謨劉連陞等師船排礮轟攻江邊石壘亦破之計共斃賊二千有奇奪獲旗幟礮械不可勝紀現在杭州城外只餘古塘賊壘及近城兩壘未破蔣益澧即令高連陞分所部五營駐賊五壘德克碑所

初編卷十二

四

部駐賊二壘逼之此十二月初一日水陸官軍攻破杭州城外賊壘克獲全勝之實在情形也臣維杭州形勢所恃爲屏蔽者餘杭一城賊據之可以通嘉湖糧路而拒官軍官軍得之可以扼嘉湖之吭而制杭賊之命悍酋鄧光明汪海洋所爲拚死力爭者此也今鄧光明業已伏誅而杭州城外各壘掃除殘盡餘杭之賊自不能不回顧杭城老巢且夕必有可乘之機如兩城有一先下則浙西三郡大局可冀以次漸定蔣益澧擬即移紮錢頭山雷峯塔秦亭山並調橫溪頭各營猛攻古塘

堅壘臣函飭楊昌濬嚴密偵探如餘杭賊勢變動即相機截之令其首尾不能相顧復檄署衢州鎮總兵劉培元統各營水師下剿以重錢江之險而助陸路聲威臣拜摺後仍即拔營進駐餘杭之橫溪頭以便相機督剿兩城之賊務當妥為籌策以冀稍紓聖慮所有此次力戰陣亡之副將扈照乾副將銜留浙補用叅將鄧受福王洪熙遊擊陳宗說都司周富棠都司銜藍翎守備吳葆光千總徐再發千總銜把總尹其順藍翎把總黃連陞均請

初編卷十二

七

飭部照例從優議卹以慰忠魂其初一日亡傷各將弁尚未據蔣益澧稟報前來容俟查明伏乞

恩施謹將戰勝情形據實馳奏伏乞

皇上聖鑒訓示施行謹

奏 同治二年十二月初四日

議政王軍機大臣奉

旨另有旨欽此

覆陳杭嘉湖減漕情形摺

奏為遵

旨覆查杭嘉湖三屬徵收漕糧情形並浙東各屬地丁亦應核減温州府屬已經減定恭摺具

奏仰祈

聖鑒事竊臣欽奉同治二年六月初三日

上諭浙省疊遭兵燹小民流離失所殊堪軫念自應將該省漕糧量予減免以示公溥之仁著左宗棠通飭杭嘉湖三屬將實在應徵漕糧稅則詳細確查各按輕重分成量減奏明辦理欽此仰見我

皇上惠愛黎元痼疾在抱值此度支匱乏猶議減賦薄

初編卷十二

六

征厚澤深仁實前代所未有跪誦之下欽服難名惟查杭嘉湖三屬額征漕米一百零三萬數千石內實起運米八十六萬四千二百餘石白糧粳糯正耗米四萬四千三百餘石改白征漕米四萬九千八百餘石較之江蘇常鎮兩府為尤重向年開征杭湖各屬皆先本後折嘉興七屬皆先折後本其交折色者初收每石已在六千餘文嗣後逐漸加增折收一石照時價約合兩石有奇其交本色者每石有加六七斗至八九斗不等竭小民終歲之力徒為吏胥中飽衿棍分肥之資所以嘉湖

各屬時有開漕之案也是欲剔除宿弊必先逐縣清查  
現在杭嘉湖均未克復戶口半多三府流亡征冊亦俱  
燬失勢難核實勾稽應俟地方一律肅清遴派官紳查  
明向來額徵若干淨收若干各就各縣情形分別裁減  
明定徵數頒示勒石庶實惠得以均霑民困可期稍復  
此杭嘉湖三屬漕糧刻下尙未能查辦之情形也其浙  
東各屬地丁南米淨收之數雖不及杭嘉湖之甚弊端  
亦在所不免除新復各郡縣田畝未墾莊冊未全者應  
俟查明辦理外其温州一府稍稱完善當飭該管道府

初編卷十二

七

確查詳辦茲據兼署溫處道温州府知府周開錫稟稱  
將道府衙署一切陋規全行裁革按照歷年官收民納  
實數酌中核減計温州一廳五縣一衛三場額徵銀十  
六萬六千零五十九兩七錢三分七釐穀三萬五千五  
百六十九石零一斗一合米三萬七千八百二十七石  
六斗七升六合此次除正額仍照常征解外其餘淨費  
共減去錢四萬零五百餘千米三百餘石本年即照核  
減之數征收此浙東各屬錢糧亦應核減而温州府屬  
已經減定之情形也竊維東南數省財賦之重以江蘇

之蘇松常鎮太四府一州浙江之杭嘉湖三府爲最查  
杭嘉湖額征漕糧一百零三萬數千石而州縣淨收又  
不啻倍蓰在州縣宜有餘矣乃近來虧空更鉅者則以  
包戶日多幫費日重攤捐之名目愈繁往來之供應彌  
盛以致乙年之漕甲年已經挪用損  
國病民莫此爲甚咸豐七年湖南省核減漕糧時臣  
在升任四川總督前湖南巡撫駱秉章幕中見其所定  
章程最爲允協嗣後湖北江西仿照行之官民稱便將  
來清釐杭嘉湖三屬漕糧自應查照辦理而今日之急

初編卷十二

六

務尤在守令得人斯立法可期久遠未有吏治不清間  
闕得以無擾民生未遂府庫顧能獨充者也所有遵  
旨覆查杭嘉湖三屬漕糧及浙江各屬地丁温州府屬  
已經減定各緣由理合恭摺具

奏伏乞

皇上聖鑒訓示謹

奏 同治二年十二月二十四日

議政王軍機大臣奉

旨另有旨欽此



陳明劉臬司丁憂回籍治喪情形片

再訥江臬司劉典在營聞訃丁憂因皖浙政剿正當與  
緊經<sup>臣</sup>奏明可否改為署任俟軍務稍定准其回籍治  
喪請

旨遵辦一摺於十一月初四日欽奉同治二年十月十  
七日

上諭劉典著改為署在浙江按察使俟軍務稍定再行  
回籍治喪事畢即行赴浙統帶原部剿賊欽此<sup>臣</sup>伏查  
皖南境內自石埭太平旌德三城收復徽甯次第肅清

初編卷十二

六

鮑超一軍復進克東壩建平局勢已臻穩固劉典於十  
月二十一日來謁見泣請回籍治喪情詞極為懇切  
<sup>臣</sup>觀其形神憔悴未忍強留而現在軍務稍定該臬司  
回籍治喪於事勢尚無不可當令其即日起程一俟治  
喪事畢速即遵

旨來浙剿賊仰答

天恩除臬司事務仍委衢州府知府林聰彙代辦外其  
所部各勇查有記名總兵黃少春戰功卓著眾望素孚  
堪以接帶合併陳明伏乞

聖鑒謹

奏 同治二年十二月初四日

議政王軍機大臣奉

旨另有旨欽此

陳請紹屬四縣本年應征錢糧分別緩征片

再紹興府屬之餘姚上虞新昌嵊縣等縣均係土年克  
復應征本年錢糧不在新復蠲免之列據代理紹興府  
知府楊叔懌因時屆下忙應征之際飭據該四縣稟覆  
地方被擾較重夏間雨澤愆期田禾受傷小民未復瘡

初編卷十二

三

瘡又遭歉歲若令按額全完民力實有未逮又據石堰  
場大使稟稱所轄竈地坐落餘姚縣境事同一律應請  
附入分別緩征當飭代辦藩司蘇式敬核議茲據詳稱  
細加察訪委係實在情形所有餘上新嵊四縣應征本  
年錢糧石堰場應征竈課應請按額征完五成緩征五  
成等情前來<sup>臣</sup>覆核無異可否願懇

天恩俯准將餘姚上虞新昌嵊縣四縣應征同治二年  
新賦石堰場應征竈課按額征完五成緩征五成其緩  
征銀數俟同治三年察看情形分別帶征庶民力稍可

展紓而額賦亦不致虛懸理合附片具陳伏乞

聖鑒訓示謹

奏 同治二年十二月初四日

議政王軍機大臣奉

旨另有旨欽此

同治二年十二月二十四日內閣奉

上諭左宗棠奏請將餘姚等縣上忙錢糧及石堰場應征鹽課緩征等語浙江紹興府餘姚等縣地方被擾最重本年夏間雨澤愆期田禾受傷若仍將應征錢糧按

初編卷十二

三

額全完民力實有未逮石堰場鹽地坐落餘姚縣境事同一律加恩著照所請所有餘姚上虞新昌嵊縣應征同治二年新賦石堰場應征鹽課均著按額征完五成緩征五成其緩征銀數俟同治三年察看情形分別帶征以紓民力該督撫卽刊刻謄黃遍行曉諭務使實惠均霑毋任吏胥舞弊以副軫念災區至意該部知道欽此

同治二年十二月二十四日內閣奉

上諭左宗棠奏官軍攻剿杭州餘杭殲斃首逆迭獲大

勝日搢杭州餘杭之賊屢經官軍痛剿文於長橋女兒

橋等處糾添悍黨迭次來犯均經官軍擊退其杭城踞

賊乘霧直撲官軍營壘經水陸各軍分投剿擊鏖戰兩

時賊大敗潰左宗棠於馳抵富陽後分飭各軍進剿餘

杭踞逆悉眾來撲官軍斃其悍賊數百名逼水淹斃者

無算城賊拚死抵拒蔣益澧等軍三面蹙之賊屍枕藉

偽歸王鄧光明被礮轟穿左脇立斃陣前計斬黃衣等

悍賊五百餘名轟斃之賊約千數百計杭城逆匪聞風

洶懼蔣益澧派令記名提督高連陞洋將德克禪等會

初編卷十二

三

同水陸各營進攻鳳山門外破賊九壘逐北直抵城隍山脚斃賊二千有奇剿辦甚爲得手仍著左宗棠督飭各軍迅將杭州餘杭兩城迅圖克復立奏膚功所有此次大敗陣亡之副將扈照乾副將銜留於浙江補用叅將鄧受福王洪熙遊擊陳宗說都司周富棠都司銜藍翎守備吳葆光千總徐再發千總銜把總尹其順藍翎把總黃連陞均著交部照例從優議卹以慰忠魂欽此 議政王軍機大臣 字寄同治二年十二月二十四日 奉

上諭左宗棠奏官軍攻剿杭州餘杭踞逆疊獲大勝藏斃逆首遵覆杭嘉湖減漕情形及臬司劉典回籍治喪各摺片本日已明降諭旨將獲勝情形宣示陣亡副將扈照乾等照請優卹矣此次官軍猛攻餘杭陣斃偽王鄧光明克獲全勝杭城外踞賊又被官軍破其九壘僅餘古塘賊壘及近城兩壘未下攻剿甚為得手現在杭州之賊聞風洶懼餘杭賊勢亦將回顧杭城老巢均有可乘之機左宗棠即日拔營進紮餘杭之橫溪頭相機督剿蔣益澧進攻古塘堅壘復飭楊昌濬偵探餘杭賊

初編卷二二

三

勢相機截擊所籌均極周密即著督飭各軍乘勝進取力圖恢復兩城迅奏捷音以紓股盼昨據李鴻章奏滬軍收復嘉善縣城已諭令該撫進規嘉興以掣杭湖各賊之勢左宗棠前奏亦已分兵進規湖州杭賊向賴嘉湖援賊接濟糧運此時各軍同時並舉該逆實有兼顧不遑之勢如杭餘兩城一處得手則浙西三郡可期功收破竹漸次底定即著該督妥為籌策用副馳驅洋將德克碑此次會攻杭城賊壘甚為出力著左宗棠仍飭令勉籌會剿迅奏膚功署浙江臬司劉典丁憂懇請回

籍治喪情詞極為迫切已由左宗棠飭令起程惟現在浙西軍務攻剿正形喫緊該臬司帶兵甚為得力著左宗棠飭令趕緊料理一俟治喪事竣即行赴浙剿賊以副委任杭嘉湖三屬回徵漕糧浮收過重該督擬俟地方收復再行分別議減浙東各屬地丁積弊亦甚均應查明辦理現在温州尚稱完善該督已督飭該管道府將一切陋規裁革除正額照常徵解外其餘浮費減去錢四萬五百餘千米三百餘石足見體恤民瘼實心任事其浙東各屬並著一律辦理將來杭嘉湖克復後即

初編卷二二

四

著該督慎選賢明守令剔除積弊將徵數妥立章程分別議減期於永遠遵守以副朝廷軫念窮黎之意另片奏餘姚等縣請緩徵等語本日已明降諭旨照准矣將此由六百里諭令知之欽此

請議卹餘姚縣殉難之紳士片

再餘姚縣紳士候選員外郎謝敬死事情形奉

旨交臣查明具奏臣當飭紹興善後總局補用知府許

瑤光代理紹興府知府楊叔懌等就近確查茲據許瑤

光等稟稱該員謝敬向在本籍辦團同治元年七月帶

勇駐紮四門鎮與縣城相為犄角自七月十九日至閏  
八月二十八日逆匪屢次圍攻大小二十餘戰殺賊數  
千名九月初七日移營馬渚正擬乘勝進取詎料上虞  
賊匪分黨數萬一至陡壘一至馬渚合圍已革護提督  
陳世章派兵馳援逆匪已衝入營盤各勇潰散謝敬手  
刃數賊眾寡不敵與附生呂受豫俱陷賊中本年五月  
始據其兄謝端稟有逃出常勝軍勇丁鍾桂堂報稱上  
年九月十三日與謝敬同時力竭被擄關禁一處逆賊  
始則多方逼脇繼則婉言勸慰謝敬義不肯屈及官軍

初編卷十二

三

克復上虞縣城逆賊逃竄欲帶謝敬過江謝敬罵不絕  
口破黃衣賊目用刀殺傷推落江水身死至呂受豫當  
日業已陣亡等語並將隨同陣亡各弁勇開單呈請轉  
詳請卹等情前來臣查謝敬以在籍紳士帶勇殺賊雖  
力竭被執仍能罵賊捐軀大節凜然深堪嘉憫該員於  
咸豐十一年間隨同官軍擒捕土匪王春生等出力經  
前團練大臣王履謙奏請  
賞加道銜尚未接准部覆應請  
旨將候選員外郎謝敬照道員例從優議卹以慰忠魂

其隨同陣亡之州同銜附生李立夫附生呂受豫監生  
謝蕪芸謝嗣遠五品翎頂儘先把總黃明耀並請  
飭部照例議卹理合附片具

奏伏乞

聖鑒施行謹

奏 同治二年十二月初四日

議政王軍機大臣奉

旨謝敬著照道員例從優議卹李立夫等均著照例議  
卹該部知道欽此

初編卷十二

三

攻剿餘杭踞逆大獲勝仗情形摺

奏為官軍攻剿餘杭踞逆大獲勝仗現籌辦理情形恭摺

摺馳

奏仰祈  
聖鑒事竊餘杭踞逆經官軍於十一月十七二十四等日擊敗後復於西北門外連夜修築濠壘與城賊相為犄角十二月初三日各軍分三路進剿該逆由北門出悍賊千餘東北門外村房內出賊數千分投迎拒黃少春率各營由左路先進揮兵猛擊賊敗走乘勢將港邊

初編卷十二

七

賊壘焚燬并破賊卡二重新悍賊數十名副將劉明燈等三營亦由三里鋪直攻賊壘噴筒火箭迸射壘中須臾火起賊棄壘而遁其張聲恒魏喻義各營由中路進者力戰逾時該逆死拒不退適劉明燈等馳至左路各營復從樹林中橫截而出賊始奪路竄走各軍追近北門港邊突有黃帽紅衣騎馬賊目數人率悍黨迎頭抗拒羣賊拚命回鬪左路敗黨亦紛紛來撲賊勢克悍各軍整隊迎敵楊昌濬督親兵及羅大春簡桂林所部更番糜戰數時賊勢復却其劉敬等各營由右路進攻西

北角城壘直逼卡門奮力攻撲壘已垂破賊忽分投從

旁抄出截我後路朱明亮余佩玉督勇馳擊賊仍縮退壘中各軍困苦戰竟日時已申刻乃收隊還計共破賊三大壘擊斃悍賊數百名生擒二十餘名奪獲旗幟洋鎗各械無算此餘杭西北一路破壘獲勝之情形也其東路倉前等處為通杭州要路賊於太平橋牛畷姚家埭王家廟閘竺堰等處修築堅壘以與倉前之賊聯絡一氣康國器於初三日派吳光亮康熊飛古捷芳林珠林木丁應龍等將姚家埭王家廟閘竺堰等處賊壘四

初編卷十二

三

座攻克殺賊數百名乘勢進攻牛畷賊壘首逆汪海洋率倉前林清堰太平橋等處賊黨來援復經吳光亮古捷芳康熊飛等截殺斃賊六七百名奪獲槍礮旗幟數百件此餘杭東路破壘獲勝之情形也該逆自此次擊敗後勢愈窮蹙晝夜鼠伏濠內任我百計誘戰堅匿不出我軍若乘勢逼攻往往為鎗礮所傷非取遠勢包圍絕其糧道不足制賊死命臣即日進駐餘杭之橫溪頭常相機督剿以期迅拔堅城其蔣益澧攻杭一軍十二月初一日獲勝後僅餘古塘賊壘三座未破初二日復

率各營力攻該逆踞守甚堅未能即拔蔣益澧已飭各營分紮錢塘湧金鳳山清波等門裏賊中央自難竄逸初六夜逆賊偷撲錢塘門外羅三綱營壘經羅三綱擊退惟地勢延紮太寬兵力尙不敷分布臣已將徐文秀駐紮橫溪頭五營調歸蔣益澧一處併力規杭其水師劉連陞楊政謨羅啟勇梁雲山彭大光等營於初五日進攻清泰門外觀音堂賊壘分兵將附城房屋燒毀城賊來撲劉連陞楊政謨等督隊奮擊斃賊數十名賊敗退劉培元復因西湖一帶港汊紛歧飭蔣榮彩劉仁

初編卷十二 五

和等擡水師舳板戰船十號由錢江入西湖初八日蔣榮彩劉仁和等奪獲礮船三號小划船十餘號斃賊百餘名現據各路稟報平湖乍浦海鹽之賊俱已投誠經各鄉團收復海甯州城賊酋亦有獻城之說蔣益澧委署杭州府知府陳思煥前往辦理如杭州各屬以次收復漸漸移軍西向則杭賊勢孤自亦無能久踞而現在杭州餘杭兩城必須有一先下則全局皆活嘉湖兩郡乃可次第肅清臣惟當督飭各軍慎以圖之以冀仰紓宸廑所有攻剿餘杭獲勝及現籌布置情形理合據實

馳奏伏乞

皇上聖鑒訓示施行謹

奏 同治二年十二月十三日

議政王軍機大臣奉

旨另有旨欽此

援剿江皖出力人員請獎摺

奏爲查明浙師援皖援江在事出力人員兵勇請

旨獎叙以勵戎行事竊臬司劉典一軍於二月赴援徽

初編卷十二 三

郡擊敗大股逆賊肅清休甯祁門克復黟縣除劉典等已隨摺奏獎外其餘出力員弁奉

旨交臣擇尤保奏在案嗣因逆賊竄擾江西景鎮戒嚴

劉典復率所部馳援大小數十戰浮梁鄱陽彭澤等處

之賊悉數驅除江境肅清大局穩固該將士等迅赴戎

機所向克捷實屬異常出力經臣飭令劉典將出力各

員覈實查明附入克復黟縣案內一併奏乞

恩施茲據劉典開單具詳前來臣覆覈無異除出力稍

次者各部註冊外其應行奏保各員謹繕列清單恭呈

御覽又在營病故之副將銜恭將熊正坤等五員應併請

飭部照軍營立功後病故例議卹理合恭摺附驛具奏伏乞

皇上聖鑒施行謹

奏 同治二十二月十三日

議政王軍機大臣奉

旨另有旨欽此

覆陳籌辦軍事情形片

初編卷十二

三

再本月初九日欽奉十一月十四日

寄諭李鴻章奏官軍克復無錫金匱縣城一摺暨陳近日賊情籌辦大畧情形一片所稱忠逆李秀成自十年春間疊陷蘇杭各處盡得東南財賦之區日益強悍至去歲賊勢屢挫精銳散亡洪逆驚惶失措猶賴忠逆同援主持守局該逆以蘇州為分地其部眾逆首尤以譚紹光邵雲官陳炳文鄧光明黃子澹等為尤眾且悍此次蘇錫兩城之克剿除逆酋殆盡解散逆眾均各數逾億萬李秀成之巢穴既失黨羽亦孤該撫據獲賊供稱

該逆踉蹌西走隨行僅止兩萬餘人將赴金陵設法解圍計不得施則挾洪逆併其母妻眷屬由浙皖交界竄走江閩以尋回粵之路李鴻章自入蘇城徧察賊中規畫守禦頗饒賊智深以此酋逸出江同恐仍蔓延為害其常州護逆陳坤書不甚耐戰杭州之陳炳文鄧光明聞忠逆勢敗思歸多不願從惟溧陽侍逆李世賢戰守俱悍且與忠逆同惡相結而陳鄧等逆酋以嘉湖蓄糧甚多必須死守幸而官軍各路布局皆穩金陵杭州再有一處得手賊更瓦解該撫擬於即日馳赴錫城籌布

初編卷十二

三

進取令程學啟會同李朝斌劉秉章潘鼎新水陸各軍由平望太湖乍浦兜剿而來冀與左宗棠蔣益澧一軍前後夾擊李鶴章劉銘傳各軍進圍常州宜與兜剿蘇境之賊冀與會國荃鮑超之軍前後夾擊以分各路賊勢而固蘇滬藩籬所籌均極周至即著會國藩飭令會國荃與左宗棠聯絡進止督率各路將領與李鴻章部勤諸軍相為策應相機進取如賊欲由浙皖毗境竄出江閩各路或由乍浦海口登船逃逸並著會國藩左宗棠豫籌堵截沈葆楨現已力疾視事其餘江省饒信等

防經營有素此時尤當嚴密設防不可稍涉疏虞並與曾國藩左宗棠隨時函商布置所有江忠義席寶田等軍現在是否尙駐贛饒境內亟應妥籌調度以赴事機會國藩前奏鮑超及王可陞等軍分駐東壩溧水高淳及皖南甯池等屬左宗棠前奏劉典王開琳各軍以次由孝豐等處進發兼顧皖防諒皆各有成算在胸與李鴻章所籌定相符合金陵漸已合圍杭湖亦已分軍進搗時勢均有可圖該督撫等務須聯絡一氣層層進逼萬不可稍涉遷延惟賊勢雖衰而人數尙眾總宜力求

初編卷十二

三

穩恆以保萬全縱或各城收復稍稍斷不可令李秀成潰圍逃逸務將此賊就地芟除絕其根株免致竄擾完善辦理更形費手方為至善將此由六百里各諭令知之欽此詭誦之下欽佩莫名臣維逆賊起事各渠魁之最悍者均已次第殲除以現存悍賊而論惟李秀成與李世賢而李世賢自金華敗遁後所部悍黨僅有存者勢敵不逮李秀成而與之同惡相濟然則官軍所宜併力急圖者李秀成李世賢而已蘇州未復之先李秀成已遁回金陵聞有欲挈洪逆出走之說臣處相距稍遠

未得確耗然當徽池肅清之時掃賊勢必以皖浙為逃竄之路十月十四日咨商曾國藩皖軍由甯國縣進廣德以力扼東壩浙軍由昌化於潛進孝豐以規湖州准曾國藩十月二十九日咨復廣德撫局未成各軍分守城隘別無大夫勁旅可以進剿廣德不克與浙師聯絡相應臣以皖軍既未能進剿廣德則浙師由於潛昌化以進孝豐既有兩面受敵之虞且所苦者皖浙交界各縣久遭蹂躪民多流亡田土荒廢殆盡不但無米可買且轉運亦極艱難非先取餘杭則軍食無從轉饋孝豐

初編卷十二

四

安吉之賊既均以食盡自走所存賊卡寥寥官軍不難剿賊而難於久駐是浙師亦不克與皖軍聯絡相應不得已乃留王開琳一軍三千三百人仍駐徽州之屯溪鎮伺賊所向截之而令記名總兵黃少春代統劉典所部會攻餘杭俟餘杭攻克乃可規德清以通水運也賊如由湖入浙臣力或能制之惟王開琳老湘營全軍雖在皖屢立戰功究之力薄勢孤難當巨股悍寇如果李秀成挾洪逆以來能否邀擊得手實無把握登接曾國藩檄讀言布置皖南所屬貼近江西各城此外別無大



枝遊擊之師臣已三次函商遠防不如近剿請其注意廣德以現在局勢言之金陵賊勢甚蹙寬路逃竄本在意中縱洪逆戀其巢穴誓以死拒李秀成李世賢等未必肯束手就戮縱李秀成李世賢等肯束手就戮而將黨尙眾亦必覓路紛逃況現在句容溧陽廣德一帶現尙爲悍賊所據賊之必由此路逃竄殆無可疑設由廣德州竄入皖南腹地雖無糧可掠無人可擄然賊果晝夜疾馳不數日即可出險志恐城各將來弗擊去弗追終成不了之局也會國藩慮無大枝遊擊之師意或在

初編卷十二 三

此然臣竊有請者賊勢實已窮蹙官軍合計兵力亦不爲單如果權其緩急應之自能有濟就現在局勢而言蘇州既克杭州之圍正急悍賊鄧光明既誅陳逆炳文汪逆海洋均在杭餘兩城自救不暇海鹽平湖又已收復其海甯嘉興之賊不足爲蘇州之患也是李鴻章所部可緩攻嘉興其踞常州之逆爲陳坤書李鴻章既言其不甚耐戰自無能爲暫舍此不攻金陵一破常州亦必應手而下是李鴻章所部可緩攻常州惟溧陽一縣爲各逆眷屬所在守賊李世賢又狡悍著聞賊如思竄

必假塗於此李鴻章如暫緩嘉興常州不攻派得勝之師由無錫移軍急攻宜興溧陽西北與會國藩溧水守軍互相聯絡縱溧陽未能即拔而此路要可無虞賊縱由溧陽衝出與廣德之賊台夥李鴻章之軍猶可縱縱猛追不令善脫較之空此一路任賊竄過自爲勝之會國藩力持堅守之議現在布置皖南江西一帶防兵固爲老成之見然賊知我以堅守爲至必不攻各將以堅守爲事必不戰倘賊捨城不攻從間道疾馳而過恐調撥尾追亦有所不及何如厚集兵力扼廣德建平東壩

初編卷十二 三

總要數隘與李鴻章一軍互相聯絡之爲得乎至江西距賊稍遠爲饒廣計均宜以嚴扼昌江力保上游爲主如婺源祁門石門諸處是也苟兵力有餘則仍以遠防廣德州甯國縣爲要至乍浦海口盜船無多不能容載多人巨股或不致從此漏逸臣思慮所及不敢不畢獻其愚伏乞皇上飭下會國藩李鴻章沈葆楨酌議可否臣拜摺後亦即抄稿咨送所有覆奏籌辦情形謹附片具陳敬祈聖鑒訓示謹

奏 同治二年十二月十三日

議政王軍機大臣奉

旨另有旨欽此

議政王軍機大臣 字寄同治三年正月初二日奉

上諭左宗棠奏攻剿餘杭踞賊獲勝及覆陳籌辦大畧情形李鴻章奏常州擊退援賊力解奔牛重圍等各摺片本日已將常軍力戰解圍焚奪輪船等情明降諭旨宣示並出力各員照李鴻章所請獎叙矣奔牛一鎮爲鎮常要衝李秀成李世賢等巨酋方以死力護金陵老

初編卷十二

奏

巢後路糾集大股圍困唐殿魁等新營並用輪船炸礮力爭其地官軍以少禦眾勢頗危險竟能力解重圍焚其輪船所辦尙好李鴻章既據會國奎函會李秀成由金陵出城向句容而去又獲賊供圍奔牛時李秀成亦在其內是此賊猶恃其狡悍必欲爭此要衝以爲竄走之路與左宗棠所奏賊必由句容溧陽廣德一帶圍竄等情正相符合李鴻章現飭李鴻章劉銘傳等相機圖攻常城並防忠逆回援著卽妥籌兼顧左宗棠所部黃少春等軍攻剿餘杭踞逆東西北路均破屢獲勝將益

濃攻杭一軍分紮錢塘等門裏賊中央不容竄走復進攻清泰門之觀音堂賊壘水陸進逼杭屬平湖乍浦海鹽之賊俱已投誠海甯州賊亦有獻城之說杭賊勢必益孤左宗棠進駐橫溪頭督勦餘杭與蔣益澧攻杭之軍必當有一先下嘉湖乃可次第肅清卽著督令所部迅圖攻取該督以賊中狡悍惟李秀成李世賢同惡相濟所當併力急圖現在蘇州以克金陵杭州均圍攻緊急賊勢必以皖浙爲逃遁之路廣德撫局未成會國藩所部不敷分兵進勦左宗棠留王開琳一軍仍駐徽州

初編卷十二

奏

之屯溪鎮究恐力薄勢單如李秀成果挾洪逆由此路突出恐不足資扼截而現在句溧一帶賊踞甚堅溧陽更爲賊之眷屬軸重所在李秀成李世賢復併力於此官軍獨唐殿魁等各營僅守奔牛一鎮頗覺空虛會國藩左宗棠等老謀均不急求且夕之功而欲併力聚殲使賊不得鋌走所見本同卽李鴻章登克蘇錫各城與力爭奔牛亦必能識此意惟常州攻搗勢在垂克恐未能令各軍捨而他圖常賊雖不耐戰而守亦頗堅若不速籌攻克保無別生枝節李鴻章諒有成竹在胸左宗

棠此奏謂曾國藩急應分兵以取廣德力顧東壩與浙師聯絡李鴻章急應由無錫攻宜溧使賊不致由此路挺走自屬確有所見著曾國藩左宗棠李鴻章沈寶楨悉心商酌謀出萬全以期合力同心肅公廷奏為東南半壁一勞永逸之計左宗棠片內稱已將所奏各情抄稿咨送曾國藩等酌議原片即可毋庸抄給閱看江省之防據左宗棠奏以嚴扼昌江力保上游為主昌江係屬何水著沈寶楨嚴密布置與皖境浙師相為策應並遵前旨將饒信兩防各軍妥為調度豫籌堵截奔牛降

初編卷十二

堯

人前據李鴻章奏係邵小雙此次所保之邵之倫請賞加遊擊銜業經照准是否即係其人現在該處守禦緊要該降人等是否出力可靠著李鴻章查明具奏欽此

恪靖奏稿初編卷十三目錄

敬陳閩浙提鎮司道府各官年終考語摺

攻剿餘杭踞逆兩勝一挫情形摺

奏報收復海甯州城摺

滙陳分別剿撫相檄辦理片

奏報賊由蘇皖突竄浙境截剿迭勝摺

請飭張臬司帶勇赴任劉臬司募勇助剿片

奏報收復桐鄉縣城摺

附陳近日軍情片

初編卷一三目錄

陳明酌擬

頒賞洋將人等物件片

敬陳閩浙提鎮司道府各官年終考語摺

奏為敬陳閩浙兩省提鎮司道府各官年終考語密繕清單恭呈

御覽事竊維提鎮司道府等官例於年終出考密

奏

恩命補授閩浙總督兼署浙江巡撫駐軍浙江於閩省文武多未接見受事之初密詢閩撫徐宗幹吏治軍務人材臧否得以畧悉梗概復飭藩臬及各巡道密察各府縣飭各府密察所屬丞倅牧令飭各縣密察所轄

初編卷十三

之教職佐雜以操守性情才具緝捕四條為課令各詳其事實聲名分註各條之下以資考證其不及知而待察者闕焉浙江則相距稍近耳目易周地方甫經收復官吏皆從新易置較易整理惟兩省提鎮實任者皆由軍營立功奉

旨特擢現在未能履任越級委護多不得人浙江營員應行查辦者過多其奏留補用者又皆現在軍中未能分署各缺則越級委護亦若難得其選通計兩省營務非俟大局戡定漸次整理實難遽期成效謹就現在

各員分別出具切實考語密繕清單恭呈

御覽其實缺未經到任及雖係署任而為臣所素知者亦一併附列伏乞

皇太后

皇上聖鑒謹

奏 同治二年十二月二十一日

初編卷十三

攻剿餘杭踞逆兩勝一挫情形摺

奏為官軍攻剿餘杭踞逆兩勝一挫恭摺馳

奏仰祈

聖鑒事竊餘杭踞逆經官軍迭次攻擊勢甚窮蹙臣馳抵橫溪頭即飭各軍分路進剿十二月二十五日楊昌濬等督各營進攻北門調劉清亮等馬步七營助之康國器率各營進攻東路黃少春率各營由北路繞越以攻瓶窰鎮賊壘魏喻義簡桂林劉榮合等列隊西北以擊賊勢黎明乘賊未覺康國器急令康燕飛古捷芳丁

初編卷十三

三

應龍吳光亮等越濠而進連破東路賊壘四座逆賊大股來援官軍分投接戰斃賊數百名賊分黨千餘從楊家橋抄我後路康燕飛林本匹馬陷陣手刃數賊各營乘之賊敗潰立將楊家橋賊卡焚燬北路官軍乘勢急進張輝恒等由右路攻三里鋪賊壘劉清亮等由中路攻北門港邊賊壘連施槍礮轟擊該逆拚死抵拒朱明亮谷香山劉璈等從左路五聖廟下陡門而進見水過河墜兵猛擊立破何家陡門堅壘五座殺賊千餘溪流為涸盡羣賊見官軍由中右兩路奮擊併力拒守兩不

意朱明亮等之從旁突進也是日東北兩路殺賊二千有餘陣斬闕天義李有慶等賊目多名奪獲旗幟槍礮偽印無算其黃少春一軍進攻瓶窰鎮賊壘屢戰數時因逆賊負山修砌石壘死守不出官軍仰攻輒為其礮石所傷僅破賊卡五處焚其壘外房屋而遣二十六日楊昌濬康國器仍率各營分路齊進黃少春亦率五營馳赴北路助剿劉清亮率五營及聶邦光廖渭臣等扼其中路楊昌濬督朱明亮劉璈谷香山余佩玉劉明燈張定元張人和馬雲標等各營黃少春率王正德李耀

初編卷十三

四

南等各營仍由五聖廟分兩路而進越餘杭縣城而北直鳩林清堰首逆汪海洋老巢期與康國器一軍夾擊汪海洋率悍黨數千憑壘拒戰官軍奮力衝突自辰至未擊斃悍賊六七百名追過小港緊逼汪海洋老巢該逆拚死回關官軍往來衝擊又斃賊多名緣賊巢阻水自固接仗之處港汊縱橫深可滅頂官軍已逼賊壘其收隊之路長亘五十六里雙港夾之兩岸桑竹翳蔽勢難列陣楊昌濬以地勢狹險傳令收隊甫過橫港壘中岸賊悉銳來撲朱明亮劉璈余佩玉等在後督隊堵之

賊復分伏港邊竹林排開鎗礮余佩玉中破陣亡各營  
弁勇之殿後力戰傷亡者共三百餘名其南門出賊數  
百經余萃隆等擊退西門出賊數百經羅大春等擊退  
康國器東路一軍亦斃賊數十名此十二月二十五日  
進攻餘杭克獲大捷二十六日先勝後挫之實在情形  
也二十七日杭州城外古塘踞逆率眾撲犯錢塘門外  
官軍營壘經高連陞等擊退斃賊百餘名二十八日揚  
昌濬黃少春等復列隊五聖廟遣輕騎誘賊賊仍伏匿  
不出臣惟餘杭城垣並非堅峻惟地勢平衍溝洫最多

初編卷十三

五

而汪逆所踞之林清堰在城北十里又溪流環匯之所  
進攻之路能魚貫而不能雁行官軍收隊為賊所乘實  
由臣未能詳察地勢趨戰過急之故非將士戰陣之不  
力也首逆汪海洋在諸賊中最高為狡悍必須速殲此股  
庶浙西三郡乃可次第肅清現仍激勵將士設法攻剿  
務期迅速蒞事以利戎機所有此次血戰捐軀之福建  
補用副將余佩玉副將銜浙江補用叅將張明遠儘先  
補用叅將劉質彬游擊銜補用都司唐得勝游擊銜儘  
先補用都司李陞德藍翎都司陳吉進花翎補用守備

陳宗懿從征數年橫勇善戰二十六日均以殿後力戰  
順命實堪痛惜之至應請

旨飭部從優議卹並入祀湖南昭忠祠以慰忠魂謹據

實地

奏伏乞

皇上聖鑒訓示施行謹

奏 同治三年正月初五日

議政王軍機大臣奉

旨另有旨欽此

初編卷十三

六

奏報收復海甯州城摺

奏為官軍收復海甯州城恭摺馳陳仰祈

聖鑒事竊海甯州城濱臨大海雄踞下游為杭垣東北屏蔽偽會王蔡元隆擁眾萬餘竄踞其間致攻杭之師未能北渡合圍浙東之防亦時形喫重嗣因杭州餘杭等處迭獲大捷蔣益澧一軍進薄鳳山清波湧金錢塘等門城勢日蹙蔡元隆逋遁款於前署海甯營都司王錫馴轉稟蔣益澧願率所部獻城乞降蔣益澧來營密商臣以蔡元隆於大軍未至之先望風款附其情與勢

初編卷十三

七

感乞降者不同當令其妥籌招撫蔣益澧飭署杭州府知府陳思燭署海甯州知州廖安之先往覘之而自率親兵及總兵銜副將劉樹元所部並水師各營於上年十二月十六日馳赴海甯州對江之小泗渡駐紮一面令王錫馴廖安之及花翎都司蔣益賢入城曉以綱福蔡元隆隨同廖安之等渡江來見泣訴衷曲謂自幼在家讀書粗知禮義同治四年賊陷岳州被賊裹脅年甫十六勢難自拔茲幸覩大軍哀懇曲貸罪戾俾得復為盛世良民死且不朽蔣益澧察其情詞懇切即宣布

朝廷恩德為更名元吉飭令回城將被脅將黨一律殲髮呈繳器械及偽印各件二十七日官軍入城蔡元吉率其黨眾羅拜馬前歡聲雷動蔣益澧挑其精壯列為元字八營交蔡元吉管帶駐紮城外聽候調遣責令立功贖罪餘均資遣回籍蔡元吉自捐所部八營兩月口糧復捐給散遺之資眾心亦服現在海甯州城內有劉樹元楊應龍等營分部防守城外有張景渠葉炳忠等各營駐紮足資控制辦理尚為周妥臣維海甯一城既下杭州賊勢更孤從此東北兩面可期逐漸合圍於大

初編卷十三

八

局實有裨益臣於官軍克復富陽之時即奏稱俟餘杭得手即當襲取海甯固我浙東之防斷賊退竄之路原謂餘杭既復則兵力始敷分布耳茲餘杭未復海甯即已先下機勢順利固非始願所及蔡元吉雖久陷賊中而自拔來歸不煩兵力應援照童容海古隆賢投誠成案請

旨賞給四品翎頂以示激勵已革前署甯紹台道張景渠上年克復鎮海甯波餘姚紹興各城頗著微勞此次防守西興一帶隨同蔣益澧辦理招撫諸事收復海甯

州城亦屬出力應行查辦之前署海甯營都司候補都司王錫馴首先入城諭降隨同收復州城尙知愧奮合無仰懇

天恩將已革署甯紹台道張景渠免其治罪留營差遣以觀後效前署海甯營都司王錫馴免其查辦仍以都司留浙補用並免其繳捐資其餘出力員弁可否由臣查明俟克復杭城彙案

奏請優獎伏候

皇上聖鑒訓示施行謹

初編卷十三

九

奏同治三年正月初五日

議政王軍機大臣奉

旨另有旨欽此

溼陳分別勦擒相機辦理片

再用兵之道勦撫兼施而實則撫之流弊極多非臨機應變措置得宜難免事後之悔臣自入浙以來祇行解散一策而不敢輕議招撫者以此現在杭州城內及石門德清各逆酋均有求撫之事海甯撫局一成各逆私相猜貳者更復不少頃准江蘇撫臣李鴻章密咨亦稱

偽聽逆陳炳文呈遞帛書乞降臣以各賊逼聚一方勢實窘蹙其求降固在意中然事前之詐偽宜防事後之安插亦殊不易此中節目甚多惟有分別勦撫相機辦理乃為穩著臣惟當慎以圖之謹附片陳明伏乞聖鑒謹奏同治三年正月初五日

議政王軍機大臣奉

旨另有旨欽此

同治三年正月二十七日內閣奉

士諭左宗棠奏官軍收復海甯州城一摺浙軍自杭州

初編卷十三

十

餘杭等處迭獲大捷後偽會王蔡元隆距守海甯州望風遁歎獻城乞撫經蔣益澧派令前署海甯營都司王錫馴等入城曉諭蔡元隆將被脅夥黨一律薙髮繳械投誠並捐資散遣其眾官軍遂於十二月二十七日入城當將海甯州城收復辦理尙爲周妥著左宗棠乘勢分軍北渡以期合圍杭城迅奏膚功用伸天討降人蔡元隆於官軍未至之先自拔來歸獻城反正著准其更名蔡元吉從優賞給四品翎頂已革前署甯紹台道張景渠隨同辦撫尙屬出力著免其治罪留營差遣以觀



後效前署海甯營都司王錫馴首先入城尙知愧奮著  
免其查辦仍以都司留於浙江補用並免繳捐資其餘  
出力員弁著左宗棠查明俟克復杭城彙案保奏欽此  
議政王軍機大臣 字寄同治三年正月二十七日奉  
上諭左宗棠奏攻勦餘杭及收復海甯州城各一摺請  
簡杭州要缺暨陳相機勦撫各片本日業將海甯收復  
情形明發諭旨宣示並照所請將張景渠等均免置議  
降人蔡元吉賞給四品頂翎矣蔡元吉雖所保稍優惟  
獻城反正功有可錄自與他處僅係脫身來歸者不同

初編卷十三

十一

該督所稱蔣益澧將其精銳挑選入營即交蔡元吉管  
帶人數已屬不少著左宗棠將該降人留心察看妥為  
防範如有未盡馴伏恐滋事端之處仍須隨時量為遣  
散並即傳知蔡元吉此次優給頂翎乃朝廷逾格恩施  
俾益感奮該督所陳招撫一事流弊甚多事前之詐偽  
宜防事後則安插不易惟有分別勦撫相機辦理持論  
頗為通達此時海甯撫局已成各逆私相攜貳其應如  
何乘機分別勦撫之處惟在該人妥為籌辦偽聽逆陳  
炳文俾有與侍逆及李秀成互相猜疑之說此時在李

鴻章呈遞帛書乞降即著左宗棠與李鴻章妥商辦理  
餘杭進攻兩勝一挫康國器楊昌濬等各軍攻破楊家  
橋等賊壘聲勢甚壯惟瓶窰鎮賊壘未能盡破至進攻  
林清堰賊巢因地勢未許趨戰過急致為悍逆汪海洋  
所乘傷亡將士殊為可惜所有此次攻奪餘杭城外林  
清堰賊壘血戰捐軀之福建補用副將余佩玉副將銜  
浙江補用參將張明遠儘先補用參將劉質彬遊擊銜  
湖南補用都司唐得勝遊擊銜花翎補用都司李陞德  
藍翎都司陳吉進花翎補用守備陳宗懿均著交部從

初編卷十三

三

優議卹並入祀湖南昭忠祠以慰忠魂現在海甯收復  
杭州賊勢益孤東北兩面可漸合圍且進攻餘杭諸軍  
不須再籌分兵他顧更可壹意併力攻取著左宗棠即  
嚴督諸軍奮力攻搆速拔各城以奏膚功前據左宗棠  
奏稱江南賊勢已蹙恐其分黨竄由皖南以犯江西當  
將所籌布置各情寄諭與曾國藩商同辦理旋據曾國  
藩奏侍堵兩逆已由甯國竄績溪調派毛有銘一軍過  
江前赴休甯堵截復經寄諭飭令與左宗棠前派徽防  
之王開林一軍聯絡策應此次左宗棠奏報於賊竄績

溪等情未經陳及殊深屢系者仍遵前旨相校調撥出  
兵邀擊與曾國藩隨時聯絡防勦毋令賊侍肆衝突復  
擾他處蔓延為患杭州府知府一缺向係揀員調補惟  
此時為地擇人即著該督酌籌應行請補請調不必拘  
定資格總以得人為要俟奏到時再降諭旨將此由六  
百諭令知之欽此

初編卷十三

三

奏報賊由蘇皖突竄浙境截攻迭勝摺

奏為賊由蘇皖突竄浙境官軍截勦迭獲大勝恭摺馳  
奏仰祈

聖鑒事竊賊首李秀成李世賢久思由皖竄浙以犯江  
西臣於上年十二月十三日附片覆陳即一面飛咨曾  
國藩李鴻章沈葆楨熟商防禦之策於本年正月初五  
日忽接分水守將副將劉明珍飛稟初三日有賊由廣  
德州甯國縣竄入昌化縣白牛橋乘稱即上年擊敗之  
之花旗賊匪劉明珍即率所部數百人前往迎勦留一

初編卷十三

四

營拒河橋為策應甫經過河遇該逆前隊花旗賊一百  
餘賊之跟追十餘里忽紅旗黃旗蜈蚣旗大股突至官  
軍乘其尚未成列分路衝入混戰數時賊愈聚愈厚官  
軍縱橫血戰仍穿陣而出是役劉明珍不知竄賊多寡  
又誤以巨股之盡為花旗賊也故有輕敵之失賊亦不  
料官軍速戰又未測官軍多少疑前途山谷有伏亦止  
不追劉明珍與參將黃本富均被矛傷數處收隊過河  
橋斷橋扼之雖殺賊約二三百名而官兵之傷亡者亦  
九十餘名初六日賊散屯昌化縣西北一帶數十里山

中而踪跡偏向西路。知其將犯清遂也。當飭記名提督黃少春由餘杭率馬步八營赴嚴州。以出清安溫處道魏喻義率所部三營由新城回守嚴州。道銜知府喻德成遊擊龍漢清兩營守金華。新募來浙之副將戴奉聰等三營守衢州。檄調總兵銜副將王開琳率所部老湘全軍由屯溪下趨清安。與黃少春一軍夾擊。並調水師新右營師船赴清助剿。其桐廬榨溪等處亦添派師船梭巡。黃少春初九日馳抵嚴州。探報該逆已一股到揚州。績溪一股向清安而竄。其竄清安界者欲由威坪

初編卷十三

五

過河以竄。遂安經清安守將副將唐連勝率所部師船堵截。連日大雪。溪流陡漲。師船上下轟擊。奪回賊所擄民船十六隻。斃賊百餘名。而賊之前隊已於十一十二等日由歙縣所轄深渡地方擄民船宵濟。先是王開琳因賊已竄入績溪。即於初七日率所部由屯溪赴徽會同皖南鎮唐義訓馳赴臨溪。截剿頗有新獲。賊即宵遁。潛由績溪山徑竄至遂安之昏口馬金街一帶。王開琳比即撥回屯溪。繞從白濟嶺赴遂安。截擊十五日馳抵遂安之中洲。該逆率眾來撲。總兵丁長勝副將鄧正達

督隊痛擊。參將康業詔繼之。立斃長髮悍賊千餘名。賊敗竄昏口。十七日王開琳率各營分路進剿。昏口之賊該逆二三萬併力來拒。官軍縱橫痛擊。斃賊數百名。賊敗走。官軍乘勢追擊。又斃賊千餘名。將昏口各館踞賊期洗殆盡。其由遂安鮑村向馬金街而竄者。適該處路狹。澗深。官軍從後蹙之。羣賊自相蹂躪。殺斃溺斃不計其數。時黃少春一軍至清安港口茶園一帶。署遂安縣知縣潘謨探賊已由深渡街口擄船過河。將竄遂安。遣人飛報。黃少春立即拔營前進。十六日馳入遂安縣城

初編卷十三

六

則附城之十都十一都十七都及二十五各都賊踪已滿矣。十七日黃少春督諸營由城北分三路進剿。飭都司黃元吉副將李良平等擊左路之賊。斃悍賊數百名。副將周紹濂遊擊劉昌選擊中路之賊。連破賊館四處。亦斃賊數百。忽騎馬賊二百餘斜抄而出。大股賊匪復由郭村降擁而來。周紹濂劉昌選且衝且堵。勢漸不支。黃少春及副將張福齊等率所部大呼陷陣。立斃賊馬悍賊數十名。周紹濂劉昌選乘勢回擊。四面兜剿。這賊入郭村盡殲之。是日賊為王開琳所敗。因探遂安縣

城無官軍乃繞道向遂安而竄恰遇黃少春所部扼其  
竄路機勢湊合兩路獲捷共斃賊六七千名解散難民  
萬餘奪獲旗幟器械數千件驟馬數百匹實非意料所  
及也十八日該逆後隊仍由遂安之章村將竄昏口路  
過新橋黃少春督各營截之斃長髮悍賊近千名生擒  
二百餘名王開琳復率所部繞出昏口截殺又斃賊三  
四百名其向鮑村一路竄走者甫入谷口副將龔隆貴  
鄧榮達突起擊之殺賊二三百名餘賊翻山越嶺而遁  
是日又共斃賊千數百名解散難民數千其由昏口馬

初編卷十三

七

金街逸出竄往開化華埠僅千餘賊而已據生擒賊供  
首逆李世賢自上年十二月廿七日由溧陽竄過廣德  
州甯國縣分股一竄安徽之績溪一竄浙江之昌化申  
昌化竄遁者爲偽王宗李仁壽等前隊爲林逆正揚  
所帶廣東花旗賊及偽沛王譚星之義子所帶廣東賊  
李世賢尙在後未到也其績溪一股亦繞從深渡過河  
與此股合併此次官軍所剿者爲廣東花旗股匪之後  
隊偽沛王譚逆及李逆仁壽等之前隊其林正揚一股  
三四千人已竄開化華埠現據探報遂安擊敗餘匪與

此股花旗賊匪復由華埠繞江西玉山德興邊界竄至  
河口欲候大隊齊至再竄撫建至李逆世賢有言其  
至昌化復行折回者有言其尙在績溪地方者十九日  
另股賊竄成坪施復驚遁蓋聞先竄之賊已經官軍  
痛剿不敢前來就戮也臣一面飛咨江西撫臣一面飭  
黃少春由馬金街華埠追剿并飭王開琳嚴扼溇遂以  
防後股續至之賊竊維此次逆賊由溧陽廣德甯國突  
竄昌化數日即到其騰忽可知自昌化繞竄歙南之衝  
口深渡計程不過二百餘里乃遲至十日始能過河而

初編卷十三

六

後王開琳黃少春兩軍得以先後馳赴遂安痛予剿洗  
是則雨雪交作溪流路滑天之有意滅賊非人謀所及  
也現在沈葆楨於廣信玉山廣豐等處均已密布防兵  
賊前隊雖竄江西大局或可無礙記名提督強勇巴圖  
魯黃少春總兵銜副將王開琳職勦蘇皖竄賊冒雪奔  
馳連獲大捷實屬奮勉出力黃少春可否  
賞給清字勇號王開琳可否以總兵  
記名簡放其餘各將士可否擇尤保  
奏之處出自

天恩所有截勘蘇皖竄出之賊五獲大勝實在情形謹據實具

奏伏乞

皇上聖鑒訓示施行謹

奏 同治三年二月初二日

議政王軍機大臣奉

旨另有旨欽此

奏報收復桐鄉縣城摺

奏為官軍收復桐鄉縣城恭摺馳

初編卷十三

六

奏仰祈

聖鑒事竊海甯州城經官軍收復後桐鄉與海甯相隔僅三十餘里為杭州通嘉興要路必先下此城始可分取嘉興石門等處蔣益澧於正月初二日飭蔡元吉率元字入營乘夜襲取桐鄉縣城桐鄉守逆偽朝將何培章見蔡元吉率軍突至梯城而上當開礮拒傷蔡元吉勇丁百餘人初三日蔡元吉即率所部分紮西南兩門蔣益澧復飭候選直隸州知州李邦達都司謝成勝率親兵六哨與已革道員張景渠副將葉炳忠所部馳往

分紮桐鄉東北兩門何培章見官軍雲集勢甚窮蹙乃

遣人通款於都司張其光初六日隻身赴張景渠營中

乞降願率眾即日薙髮獻城並呈繳軍械及偽印等件

張景渠等商之蔣益澧以何培章情詞尚無詐偽自可

准其投誠以省兵力當由蔣益澧發給旗幟號衣等件

飭令回城更換初入日官軍齊隊入城何培章率眾迎

伏道左其被脅夥黨除賞遣回籍外蔣益澧挑其精壯

列為章字六營仍交何培章管帶責令立功贖罪何培

章因為鎮雙橋為由杭入嘉要道願率所部前往駐守

初編卷十三

七

並自行捐給三月口糧嗣杭城之赴嘉取糧者路經雙橋被何培章所部擊走之臣查何培章雖係賊中巨擘然獻城就撫不致重煩兵力自應寬其既往以廣皇仁俟續有勞績再

奏請給予獎敘至此

次辦理招撫出力之遊擊銜都司張其光可否請免補各本班以遊擊留於浙江儘先補

用儘先守備陳紹請以都司留於浙江補用並請

賞換花翎署海甯州知州廖安之請

賞戴花翎以示鼓勵之處出自

賞戴花翎以示鼓勵之處出自

恩施理合恭摺馳陳伏乞

皇上訓示施行謹

奏 同治三年二月初二日

議政王軍機大臣奉

旨另有旨欽此

附陳近日軍情片

再蔣益澧收復桐鄉縣城後即飭署杭州府知府陳思  
煥會同副將葉炳忠及蔡元吉各營進規嘉興以與蘇  
師聯絡浙師駐城之西南蘇師駐城之東北正月二十

初編卷十三

三

廿一日湖州悍賊二萬餘分撲烏鎮雙橋營壘杭州亦  
出賊萬餘逼近桐鄉焚掠莫解嘉郡之圍經蔣益澧督  
飭各軍擊退二十四日嘉興城外東北賊壘數座經蘇  
師攻克西面賊壘數座經蔡元吉攻克城賊之勢愈蹙  
其杭州城外官軍因偵知賊援嘉興記名提督高連陞  
會合總兵劉連陞水師各營及洋將德克碑所部於廿  
五日乘勢將望江門外賊踞石壘三座攻克斃賊千餘  
直逼城根城上礮石如雨官軍仰攻數時始收隊還  
維嘉興一城米糧充足杭州餘杭之賊俱仰給於此自

何培章扼禁烏鎮雙橋杭嘉之氣中斷杭賊屢次來犯

皆經官軍擊賊賊謀益沮現蔣益澧飭副將劉樹元亦

進紮烏鎮並令蔡元吉分三營扼駐陡門遏賊旁竄烏

鎮之路局勢可期穩因蔣益澧已於廿八日回留下老

營 當督飭各軍相機攻取所有近日軍情理合附片

陳明伏乞

聖鑒謹

奏 同治三年二月初二日

議政王軍機大臣奉

初編卷十三

三

旨另有旨欽此

請飭張臬司帶勇赴任劉臬司募勇助勦片

再侍逆李世賢一股上年十二月二十七日由溧陽廣

德分股竄至宣安績溪一帶其前隊廣東花旗股匪已

竄入江境江皖浙三省交界之區戰事方殷必慮處處

嚴防杜其竄越查福建之崇安浦城光澤等處皆與江

浙毗連防務亦關緊要福建臬司張運蘭前在皖南帶

勇未經赴任上年兩廣督 臣 毛鴻賓於該員假歸時奏

調赴粵旋以高州克復首逆陳金剛被戮聞毛鴻賓核

止無庸赴粵可否請

旨飭下湖南撫臣兩廣督臣速飭張運蘭即赴福建臬

司本任並將所部勇丁挑選二三千名一併馳帶赴閩

以資得力之處伏候

聖裁又署浙江臬司劉典回籍後接其來稟以浙江軍

務方殷擬於本年春間親事畢迅速回營臣已飛札

飭其即在湖南本籍募勇丁三千編列隊伍配齊軍械

由江西赴浙並飭令路過江西時察探情形如須就近

助勦即稟明江西撫臣相機辦理以期速為戡事理合

初編卷十三

三

附片具

奏伏乞

聖鑒訓示施行謹

奏 同治三年二月初二日

議政王軍機大臣奉

旨另有旨欽此

同治三年二月二十日內閣奉

上諭左宗棠奏以復桐鄉縣城請將辦理招撫之員弁

獎勵一摺浙江桐鄉縣城為杭州通嘉興要路經布政

使蔣益澧飭令蔡元吉乘夜潛師進攻復令李邦達等

各率所部分紮桐鄉東北兩門偽朝將何培章見官軍

雲集勢甚窮感潛通款於都司張其光隻身赴張景渠

乞降呈繳軍械偽印各件桐鄉縣城當於初八日收復

所有辦理招撫之遊擊銜都司張其光著免補各本班

以遊擊留於浙江儘先補用儘先守備陳紹著以都司

留於浙江補用並賞換花翎署海甯州知州廖安之著

賞戴花翎以示鼓勵降將何培章獻城就撫並親率所

部擊走由杭赴嘉取糧之賊尙屬真心歸正著准其免

初編卷十三

三

罪候續有勞績再行奏請獎敘另摺奏請將截勦由蘇

院甌浙之匪連獲大捷之出力各員給獎等語記名提

督黃少春著賞給達春巴圖魯名號副將王開琳著以

總兵記名簡放其餘出力將士著左宗棠擇尤保奏毋

許冒濫該部知道欽此

議政王軍機大臣字寄同治三年二月二十日奉

上諭左宗棠奏賊由蘇院突竄浙境官軍截勦登勝並

擊退嘉興城外賊匪暨嚴防江皖浙三省交界各摺片

覽奏已悉昨因會國藩奏侍逆率黨歸併湖州由安吉

孝豐昌化遂安以竄江西當經諭令左宗棠添調兵勇分投遏截著該督仍遵昨日諭旨檄飭派出各軍將後股賊匪實力截剿毋令接續上竄江境逞其撲犯撫建之謀至侍逆是否行至昌化又復折回抑尚在績溪地方著偵探明確分飭各軍奮力追擒以除巨寇蔣益澧一軍收復桐鄉縣城連克嘉興城外賊壘分軍駐紮嘉城西南與李鴻章之軍會合夾擊是杭嘉之賊勢已斷著督飭該藩司等迅圖攻拔嘉城以孤杭賊之勢花旗股匪前已竄入江境雖經沈葆楨派令韓進春等在玉

初編卷十三

五

山一帶堵遏尙慮兵力單薄且該逆現又竄及鉛山湖坊地方駸駸乎漸入腹地必得一枝勁旅前赴撫建遏截方可力挫寇鋒臬司劉典既經左宗棠飭其在湖南本籍募勇赴浙即著飭令迅速督勇起程即於路過江西時察探賊踪迎頭勦擊以保完善而維大局所請飭令張運蘭帶勇赴任一節本日已寄諭毛鴻賓催令起程桐鄉降將何培章仍令帶所部駐紮烏鎮雙橋是否可靠仍著該督隨時加意察看將此由六百里各諭令知之欽此

陳明酌擬頒賞洋將人等物件片

有上年克復甯波慈谿餘姚各城英國領事官福禮等九員隨同助勦出力經臣奏明可否請旨嘉獎並由臣傳

旨賞給物件於同治二年十二月初九日欽奉

寄諭左宗棠所請傳旨賞給該員等物件是否已有成說惟未明言何項賞件礙難懸擬著將各該員等勞績細加察核應如何分別賞資銀兩物件功牌之處一面酌擬賞件頒發一面奏聞並摘錄此旨內嘉獎數語宣

初編卷十三

五

示其或需賞給銀兩或需酌賞物件只須酌定一項填註旨內至功牌爲外國人所重無論或賞銀兩或賞物件均不可無功牌功牌如外國寶星之類崇厚李鴻章並會製造有式可仿照辦理也等因欽此臣當即恭錄行知甯紹台道史致謬飭將各該員勞績等次核明以便分別給獎茲據史致謬開列清摺並聲稱上年助勦除夏復禮等九員外尙有英國參將倫兵頭葛格兵頭芬治法國兵頭法蘭克等三名均屬出力開保時遺漏應請一併補獎等情前來臣維功牌與寶星雖同爲外



國人所重然寶星一項事費工鉅必須外洋匠人製造方能合式不如功牌本為中國名器

頒賞遠人尤為羣情所欣羨臣已另行刊刻擬請

賞給英國總兵哇樂德克頭等功牌一張盤龍功賞頭

等金牌一面閃緞衣料四件湖縐四匹大荷包一對小

荷包一對法國參將權授中國兵官德克碑頭等功牌

一張盤龍功頭等金牌一面閃緞衣料二件湖縐三匹

大荷包一對小荷包一對英國領事夏復禮閃緞衣料

四件湖縐四匹大荷包一對小荷包一對法國稅務司

初編卷十三

三

日意格法國兵頭法蘭克法國參將銜兵頭葛格英國

水師都司達費士英國兵頭芬治二等功牌各一張盤

龍功賞二等金牌各一面閃緞衣料各二件湖縐各二

匹大荷包各一對小荷包各一對法國教主田雷思英

國繙譯官有雅芝三等功賞金牌銀牌各一面閃緞衣

料各二件湖縐各二匹大荷包各一對小荷包各一對

英國都司波格樂英國兵船參將銜醫官伊爾雲三等

功牌各一張功賞銀牌各一面閃緞衣料各二件湖縐

各二匹大荷包各一對小荷包各一對

旨填註旨內飭交南紹台道轉給各該員祇領以上各件均經史致謬再三稟商核知各洋將之情得此已為榮幸之至應附片陳明請

旨伏乞

聖鑒施行謹

奏 同治三年二月初二日

議政王軍機大臣奉

旨知道了欽此

初編卷十三

三

格靖奏稿初編卷十四目錄

奏報浙師獲勝並會蘇師攻克嘉興府城摺

援案請將降人蔡元吉賞保文職片

附陳杭州餘杭攻剿情形片

奏報攻克杭州餘杭兩城摺

詳陳攻克杭州餘杭兩城實在情形摺

陳明錢貴仁事前通款貸其一死片

洋將助克杭城出力擬請 獎賞片

奏報克復武康德清石門三縣摺

初編卷十四目錄

陳明進駐省垣設局賑撫籌辦情形片

截剿竄賊兩獲大捷并規湖郡情形摺

陳明覈減紹興府屬浮收錢糧摺

奏報浙師獲勝並會蘇師攻克嘉興府城摺

奏為湖州援賊竄犯桐鄉烏鎮浙師截剿獲勝並會合

蘇師攻克嘉興府城恭摺

奏仰祈

聖鑒事竊嘉興府城外賊壘經蔡元吉等會合蘇師於

正月二十四日攻克後蔣益澧復派兵扼紫柏鄉所轄

之烏鎮雙橋賊勢愈蹙湖州首逆偽普王楊輔清偽佐

王李遠繼偽戴王黃呈忠等率黨數萬竄犯烏鎮雙橋

妄冀掣動官軍以解嘉郡之圍而擾我海甯桐鄉甫經

初編卷十四

撫定之局蔣益澧派令同知楊道治率所部馳往援剿

並令副將葉炳忠四品翎頂蔡元吉各營回駐桐鄉署

杭州府知府陳思燭及團總監生章文盛練勇仍過嘉

郡西南兩門以與蘇師聯絡二月初七初八初十等日

湖州援賊由陞齊搭浮橋偷渡經蔡元吉所部擊退該

逆復糾合大股自烏鎮爐頭鎮三里街陞齊雙橋等處

連營數十里直撲桐鄉西門蔡元吉帶所部馳投斃賊

多名十五日會合楊道治所部分路進攻爐頭鎮三里

街賊壘張景渠亦振陳紹張其光督隊助剿蔡元吉督

所部奮力衝殺手受鎗傷筋骨俱斷猶裹創力戰賊乃  
敗走乘勢將爐頭鎮三里街等處賊壘十餘座一律踏  
毀實斃賊二千餘名生擒百餘名十六日李逆遣繼黃  
逆呈忠乘官軍築壘未就復率悍黨萬餘來撲元字副  
中營營官軍功楊嘉玉力戰受傷勇丁傷亡者五十餘  
名勢正危迫蔡元吉與李邦達楊道洽各率所部馳至  
鏖戰三時賊仍死拒不退蔡元吉率親兵從深林繞出  
賊後縱火猛擊賊陣始亂楊道洽麾所部夾擊共斬悍  
賊三百餘名落水淹斃者四五百名奪獲旗幟軍械無

初編卷十四

二

算十七十八等日蔡元吉復率所部力攻陞慶賊壘克  
之十九日乘勢進攻烏鎮與副將劉樹元軍功何培章  
夾擊斃賊二三百名生擒百餘名餘賊悉向高橋萬年  
橋等處竄遁此湖州大股賊窟犯桐鄉烏鎮浙師截  
剿獲勝破壘之實在情形也其嘉興府城迭經蘇軍痛  
剿於二月十七日大舉環攻晝夜未息十八日轟塌北  
門蘆席匯城垣十餘丈申刻蘇軍由東北兩門衝殺而  
入署杭州府知府陳思燭督同章文盛所部併力攻剿  
當將郡城克復首逆偽榮王廖發壽已受重傷率收賊

奪路竄走墮河溺斃者無數此蘇浙官軍會克嘉興府  
城之大概情形也臣維嘉興一府本浙西腴郡為官軍  
與賊所必爭賊首廖發壽前往蘇州納款迨蘇軍壓境  
旋復中變杭湖兩郡各逆復調悍黨赴援並冀擾動海  
甯桐鄉新復各州縣勢頗披猖幸賴蘇軍之力嚴扼嘉  
郡東北兩面力破堅城俾平乍海鹽新復各區不致復  
遭擾害厥功甚偉所有在事出力員弁兵勇應由江蘇  
撫臣李鴻章保

初編卷十四

三

奏浙軍於收復海甯桐鄉後分守兩城復擊敗杭湖會  
援嘉湖之賊亦屬著有微勞而四品翎頂蔡元吉及所  
部縱橫血戰勞績尤著可否由臣查明保奏之處出自  
恩施所有各戰情形謹據實馳  
奏伏乞

皇上聖鑒施行謹

奏同治三年二月二十三日

議政王軍機大臣奉

旨另有旨欽此

援案請將降人蔡元吉賞保文職片

再四品翎頂蔡元吉自率眾投誠以來造著戰功自應  
量予獎勵查咸豐五年湖南救援江西克復袁州府城  
案內降人李能通曾保通判候選此次蔡元吉勞績較  
著其在家亦曾讀書識字意欲求保文職以自別於降  
人可否援照李能通成案請以通判歸部候選之處出  
自

天恩伏候

聖鑒訓示謹

奏 同治三年二月二十三日

初編卷十四

四

議政王軍機大臣奉

旨另有旨欽此

附陳杭州餘杭攻勦情形片

再杭州餘杭兩城自入春以來官軍晝夜轟攻賊勢日  
益窘蹙惟堅踞城壘固匿不出偽聽王陳炳文於上臘  
遣其族兄陳大桂赴江蘇撫 臣李鴻章處求降李鴻章  
據稟咨商 臣以越省勦賊則可受降則不可請其就近  
辦理嘉與勦撫事宜而諭該首逆赴 臣處遠稟聽候察  
勘乃該首逆於陳大桂未回之先即將杭城圖為內應

之人悉行殺害比陳大桂自蘇來營又未攜遞該首逆  
降稟是其投誠空詞未可遽信 臣與蔣益澧薛時雨面  
諭陳大桂該首逆如果實心投誠應即獻城散眾以表  
誠信二月十七日陳大桂入城仍無音耗 臣密飭蔣益  
澧相機圖之勿墮緩兵奸計二十一日蔣益澧督水陸  
諸軍分路進攻鏖戰竟日力拔古蕩觀音塘堅壘十座  
斃賊無數生擒二百餘名德克碑於饅頭山開放大礮  
轟塌城垛數丈其餘杭各軍先夕四鼓環轟城壘斃賊  
無數比曉收隊已刻復出隊猛攻城壘賊齊出官軍

初編卷十四

五

奮力衝殺近則刀矛相接遠則鎗礮環轟計共斃悍賊  
千數百名遙見杭城西南一帶濃烟四起知杭軍業已  
得手乃收隊而還其竄遁安威坪一股續圖竄越江西  
者現知浙軍截勦前股被創仍即折回甯國縣大塔嶺  
下一帶復於十二日由甯國翻山竄入湖州孝豐縣南  
鄉飢饉不堪侍逆前竄至甯國昌化時聞蘇軍攻宜興  
始由甯國回竄旋聞宜興溧陽經官軍克復乃竄湖州  
其悍黨潰散已多昨攻拔杭州城外各壘訊據生擒各  
賊中有侍逆餘黨竄出者所供如此現在江皖敗賊麇

聚湖州俟杭餘兩城得手自應迅圖湖州杜其四竄  
惟當慎以圖之仰紆

慈履所有各戰詳細情形及亡傷名員弁容即核明陳  
奏謹先將大概附片陳明伏乞

皇上聖鑒謹

奏 同治三年二月二十三日

議政王軍機大臣奉

旨另有旨欽此

議政王軍機大臣 字寄同治三年三月十一日奉

初編卷十四 六

上諭左宗棠奏截剿湖州援賊獲勝並會克嘉興府城  
及杭州餘杭攻勦情形降人蔡元吉請賞文職各摺片  
收復嘉興戰狀前據李鴻章奏報已明降調旨宣示矣  
湖州大股援賊竄犯桐鄉烏鎮經蔣益澧諭派各軍截  
剿獲勝破其堅壘餘賊竄逝並會台蘇軍攻克嘉興府  
城在事員弁均屬出力著左宗棠擇尤奏請獎勵惟嘉  
興克復後李鴻章派員留守並分守海鹽乍浦平湖各  
城見在江陰楊舍一帶尚有賊眾屯踞常州尙未克復  
曾經諭令左宗棠分兵替防嘉興海鹽等城以便李鴻

章所部各軍併力剿辦蘇境之賊著左宗棠仍遵前旨  
迅派得力將弁駐守各城俾蘇軍得以騰出兵力痛剿  
江陰屯踞之賊進規常州昨經李鴻章奏報杭州省城  
業經浙軍於二十三日攻克茲據奏稱蔣益澧督飭水  
陸各軍攻薄餘杭縣城斃賊甚眾遙見杭城西南一帶  
濃煙四起知官軍業已得手等語杭城此時是否收復  
著左宗棠確探詳細情形迅速具奏江皖敗賊屬聚湖  
州如杭州餘杭均已克復即著左宗棠督率全軍約會  
蘇軍迅圖湖州殲除巨寇毋令一賊旁竄以期肅清全

初編卷十四 七

浙同膺懋賞前次上竄江西之賊已至新城距閩省光  
邵一帶甚近左宗棠須會商徐宗幹調撥兵將嚴密布  
置不可令其竄擾完善降人蔡元吉既據奏稱自投誠  
以後屢著戰功此次求保文職以自別於降人即著照  
所請准其以通判歸部候選以示獎勵將此由六百里  
諭令知之欽此

奏報攻克杭州餘杭兩城摺

奏為官軍攻克杭州餘杭兩城恭摺馳

奏仰祈

聖鑒事竊杭州餘杭兩城踞逆經官軍於二月二十一日攻剿克獲大勝後勢極窮蹙蔣益澧復親督水陸各軍於二十三日乘勢奮攻慶春艮山武林等門晝夜不息賊膽愈裂是夜五更急啓武林門向德清一路竄走蔣益澧督隊入城殺斃賊匪無算當於二十四日卯刻將杭州省城克復餘杭之賊亦於二十四日卯刻由東

初編卷十四

八

門逃竄臣於二十一日戰勝後知賊竄必速即預飭各營整隊以待是日見城中火起各營分路跟追至瓶窰鎮該處本有賊壘數座逆賊因被追窮迫即憑壘併力抗拒臣得報後親率各營前往追剿乘其驚魂未定務當痛予殲除俟將竄往瓶窰之賊肅清再進省垣布置一切所有克復兩城詳細情形容俟查明再行具奏理合先將大概由驛六百里加緊馳

奏伏乞  
皇上聖鑒施行謹

奏同治三年二月二十五日

議政王軍機大臣奉

旨另有旨欽此

同治三年三月十二日內閣

上諭左宗棠奏攻克杭州餘杭兩城一摺杭州餘杭兩城踞逆經官軍於二月二十四日攻剿得獲大勝賊勢極為窮蹙蔣益澧復親督水陸各軍於二十三日乘勢奮攻慶春艮山等門晝夜不息賊膽愈寒是夜五更急啓武林門向德清一路竄走蔣益澧督隊入城殺斃賊無

初編卷十四

九

算即於二十四日卯刻將杭州省城克復餘杭之賊亦於二十四日卯刻由東門逃竄經左宗棠預飭各營整隊以待是日見城中火起名營分路跟追餘賊敗竄瓶窰鎮此次官軍將杭州餘杭一城同日克復辦理甚為得手所有竄逸餘匪即著左宗棠督飭兵勇迅速追剿盡殲醜類毋留餘孽聞浙總督左宗棠自督辦浙省軍務以來連克各府州縣城池茲復將杭州省城餘杭縣城攻拔實屬調度有方著加恩賞加太子少保銜並賞穿黃馬褂浙江布政使蔣益澧自調任浙江以來戰功

卓著屢拔堅城茲復親督各軍克復杭州省城實屬奮勇異常著賞穿黃馬褂以示優獎所有在事出力將士著左宗棠查明擇尤保奏欽此

議政王軍機大臣 字寄同治三年三月十二日奉

上諭左宗棠奏官軍攻克杭州餘杭兩城一摺本日已明降諭旨將左宗棠加恩賞加太子少保銜並賞穿黃馬褂蔣益澧加恩賞穿黃馬褂出力將士令左宗棠擇尤酌保矣杭州敗匪竄向德清餘杭敗匪亦竄踞瓶窰鎮左宗棠現擬親赴瓶窰鎮督剿著即馳赴該處迅速

初編卷十四

十

進攻務乘該逆喘息未定之時將此股悉行殲除其竄往德清之賊亦著左宗棠派兵剿除毋留餘孽昨據左宗棠奏稱淳安威坪股匪續圖竄越江西者現仍折回甯國竄入湖州之孝豐縣侍逆亦由甯國竄入湖州等語是各路悍黨業已歸併一處正宜乘此軍威厚集兵力四面兜剿著左宗棠迅速派撥兵將進規湖郡以期一鼓殲除肅清浙境左宗棠既須勦辦瓶窰之賊又須赴杭州布置兼須進剿湖郡用兵處所甚多且距浙江邊界漸遠賊氛四逼深恐或有疏虞所有浙江及江西

交界邊防並著曾國藩左宗棠會商妥籌兼顧嚴斷賊匪竄越之路斷不可為其所乘致掣全局廣信一帶地方卽著沈葆楨分布兵勇嚴密堵扼以防湖郡敗匪竄入毋稍大意蘇省常郡尙未克復楊舍股匪爲數衆多前經疊諭左宗棠分兵替防嘉興海鹽等城以便李鴻章所部各軍併力勦辦蘇境之賊惟湖州一城悍賊麇聚若徒以浙省之師圍攻恐其力不厚諸悍賊尙得伺隙旁竄著李鴻章酌量移調兵勇會同浙省之師夾攻以期迅速克捷湖郡旣克則蘇省無後顧之憂嘉興等

初編卷十四

七

處駐防之軍均可撤回洋將戈登上年冬間隨同官軍克復蘇州省城曾經給與賞銀一萬兩並由李鴻章另給銀兩以酬其勞此次克拔杭城洋將德克碑曾於餞頭山開礮先行轟塌城垛數丈亦應給予獎勵惟德克碑與戈登情形不同應如何酌給獎勵之處著左宗棠李鴻章會同商酌妥籌辦理以免歧異將此由六百里各諭令知之欽此

詳陳攻克杭州餘杭兩城實在情形摺

奏為詳陳攻克杭州餘杭兩城實在情形仰祈

聖鑒事竊杭州餘杭兩城經官軍於二月二十四日卯刻同時攻克將大概情形先行馳奏在案二月二十一日蔣益澧派記名提督高連陞率副湘四營攻清泰門外觀音堂賊壘總兵劉清亮率五營助之水師總兵劉連陞唐學發副將羅啓勇率所部登岸助勦派副將周廷瑞遊擊徐文秀率湘軍六旅並楚軍前營閩字右後兩營忠毅軍漳詔勇攻古蕩賊壘派洋將德克碑用

初編卷十四

十一

大礮轟攻鳳山門城垣蔣益澧分親兵五哨助之而自率親兵四哨為諸路策應卯刻高連陞劉清亮等齊抵觀音堂督隊猛進賊伏不出官軍一擁齊上飛躍過濠羣賊驚竄立破賊壘二座賊卡數處聽逆陳炳文率悍黨萬餘來援劉清亮劉連陞唐學發羅啓勇各率所部繼至蔣益澧復督親兵並參將馬得順馬隊馳往策應酣戰一時賊始敗退然壘中鎗礮雨集城上礮石火彈齊發賊巢垂破復完時德克碑在饅頭山開放大礮已將鳳山門城垛轟塌三丈餘將益澧調轉大隊搶上高

連陞劉清亮副將王聯芳等緊逼城根洋兵十餘名及

守備丁賢發等奮勇先登城賊拚死抗拒勇丁被傷百餘名高連陞王聯芳均為槍礮所傷猶裹創力攻逾時始收隊還其周廷瑞徐文秀等進攻古蕩賊壘因賊營隔水環攻未下乃分兵先攻葛嶺賊壘忽悍賊千餘由錢塘門外狂奔來援都司賀國輝副將蔣榮彩截擊敗之周廷瑞徐文秀賀國輝王東林乘勢將葛嶺賊壘兩座攻克共斃賊七百餘名無一漏網各壘之賊始望風而潰王東林周廷瑞徐文秀又連破武林門外二壘副

初編卷十四

十一

將曹魁甲都司胡榮連破古蕩二壘追至武林門外十里街始收隊而還二十三日蔣益澧復派徐文秀等四營攻十里街賊壘劉清亮等七營擊武林門援賊副將劉清望等三營及蔣榮彩水師攻錢塘門城根賊壘高連陞所部四營會同洋將德克碑花勇由鳳山門進攻總兵王月亮等兩營由清波門進攻劉連陞唐學發羅啓勇副將謝永祐游擊布興有水師各帶五成隊登岸分攻望江清泰各門以擊賊勢蔣益澧自率親兵往武林門督戰徐文秀周廷瑞王東林賀國輝督隊衝枚疾



進至十里街旁始發號播鼓乘之各勇爭先搶取木椿竹籤越濠而進該逆伏於壘內見官軍逼近掛敵轟擊勇丁被傷數十名徐文秀親執小旗冒險躍進內濠周廷瑞賀國輝接踵而上該逆死拒不退官軍之奮勇登壘者屢上屢蹶徐文秀足受矛傷各勇益憤環攻益力正猛擊間首逆陳炳文率悍黨萬餘來援劉清亮等各營分投堵擊王東林率所部橫截而出席得元率親兵四哨馳往策應賊稍却時周廷瑞等奮攻賊壘勢已垂破城中又出賊數千蔣益澧飭都司謝茂勝陳念親率

初編卷十四

古

洋鎗隊緊逼城門轟擊其先出者悉被鎗傷不敢復出惟陳逆炳文拚死相持壘賊恃有外援亦堅守不動鏖戰三時燬賊極多而官軍傷亡者已四百餘名矣未申之交大雨驟至官軍仍嚴陣以待雨止復攻直至酉刻收隊其高連陞王月亮劉清望劉連陞德克碑等分攻各門城壘亦因城賊鎗斃太密未能得手是日城壘雖未攻拔然兇悍之賊已多傷亡聽逆恇擾特甚是夜四鼓潛啓武林門逃竄蔣益澧當飭各營派勇潛伏城根偵伺四更後柝聲漸稀忽聞城中人聲鼎沸蔣益澧急

派徐文秀周廷瑞賀國輝王東林劉清亮李運榮翁桂秋李世祥馬雲標胡榮李國棟羅三綱葉紀來等分兩大隊由武林錢塘等門衝殺而入蔣益澧率親兵繼之徐文秀周廷瑞王東林等由武林門一帶截殺並將藏匿各街巷之賊悉行駢戮人馬紛馳屍骸枕藉呼號喊殺之聲震聞數里其高連陞德克碑王月亮劉連陞唐學發羅啓勇謝永祜余朝貴張志公張政順丁賢發姜子豹布與有等亦各率所部同時由鳳山清波清泰慶春等門梯城而入四路搜殺約共斃賊數千名生擒千

初編卷十四

古

餘名救出難民無數奪獲鎗礮器械無數登於二十四日卯刻將杭州省城攻克蔣益澧一面分軍移紮各門一面抽派馬隊跟追沿途又斃賊數百名此二十四日攻克杭州省城之實在情形也其餘杭距逆入春以來官軍迭次攻擊頗有斬獲康國器所部各營二月十八等夜攻倉前李家塘等處賊壘斃賊近千名二十夜臣飭各軍環攻城壘火箭炸彈飛墮壘中賊勢驚亂至曉收隊已刻復出康國器令遊擊林本參將吳光亮所部為前隊同知康熊飛參將古捷芳遊擊林珠等繼

之遊擊蔡盛恩所部截剿倉前援賊該逆見官軍驟至率黨數千前來迎戰吳光亮林本等督隊衝擊立斃悍賊數十名賊勢不支後隊之賊又蜂擁而至康熊飛古捷芳等馳往接戰斃賊無數乘勢將附近蔣元壩賊卡焚燬偽裕王劉逆率悍黨來援吳光亮古捷芳康熊飛林本併力痛擊立將劉逆轟斃並斬黃衣賊目多名賊敗走時倉前援賊由橫渡橋斜抄而出蔡盛恩力戰斃先鋒悍賊數名忽中鎗落河身死古捷芳康熊飛等馳救斃賊數十賊愈衷愈厚古捷芳往來馳突手刃黃衣

初編卷十四

六

紅衣數賊亦力竭陣亡勢正危迫林珠率所部突圍而入康熊飛吳光亮林本等復奮力衝殺賊始奔潰官軍乘勢掩殺又斃賊數百名其西門所出之賊經已革總兵羅大春知府劉瓊等各營截殺百餘名南門所出之賊經總兵楊和貴等擊殺數十名賊經此次挫敗勢愈窮蹙將城內輜重婦女悉搬入城外壘中臣知該逆將遁當飭各營多派零隊虛作撲營之勢以擾之並命守備劉仁和舢板礮船駛入餘杭南湖以備轟攻城壘賊益怖二十四日黎明汪逆海洋率黨急由東門向瓶

審一路竄走羅大春與總兵劉榮合副將簡桂林等分路追殺各營亦乘勢跟追斃賊數百名其東門各處之賊尚有未及逃竄者悉被康國器所部各營剿殺追過東門數里殿後悍賊見官軍逼近拚死回拒林本簡桂林匹馬衝殺被賊砍傷仍裹創力戰賊復敗走羅大春等追至瓶審而杭城之賊亦已竄至與瓶審踞逆憑壘併力抗拒臣得報飛飭各營加派隊伍躡蹤緊追自率親兵繼進賊聞官軍大隊速至即夜竄走臣馳抵瓶審即飭各營疾追馳十八里抵安溪關該處地勢險峻羣

初編卷十四

七

峰矗立前無臣曾修築礮臺一座於此以資控扼汪逆之守餘杭也以瓶審扼北路又於安溪關築一大石壘護之比由瓶審敗竄至此即分斷後悍賊半伏壘中半匿林內妄冀官軍攻壘分股從後包抄羅大春劉榮合楊和貴道員朱明亮張聲恆等馳至審視地勢先將伏賊搜剿殆盡乘勢攻壘賊不能支紛紛潰竄當將安溪關要隘攻克共奪獲大礮數十尊擄鳥槍千餘桿旂幟刀矛無數二十六日張聲恆羅大春等復分路出安溪關追剿曉霧迷漫咫尺不辨張聲恆率所部五營由中

路轉戰而前適入賊伏勇丁傷亡者二百餘名勢幾不支朱明亮羅大春楊和貴等由左路率所部奮衝殺立斃悍賊數百名生擒白號衣賊數十名奪獲汪逆姓族數十面洋鎗礮械無算賊仍敗走其前隊一趨德清一趨武康與踞城之賊會合抗拒臣飭各營緊追武康之賊飭楊昌濬率親兵暫駐瓶窰為各路策應飭蔣益澧分督各營速攻德清石門之賊以期規復湖州斷賊回竄之路此二十四日克復餘杭縣城並攻奪各要隘追賊至武康之實在情形也竊維杭州為全浙根本餘

初編卷十四 六

杭又為杭州西北屏蔽逆首陳炳文汪海洋負隅死守力抗大軍數月以來攻勦殆無虛日茲幸兩城同時克復浙西大局漸可次第肅清此皆仰賴皇上福威諸文武同心協力得以迅奏膚功用彰天討據各處探報逆首黃文金李遠繼等磨聚湖州侍逆李世賢及各悍賊圖竄江西因道遠各軍截斷退竄宜溧又因宜溧已經蘇軍克復復竄湖州是湖州為蘇皖諸逆遁逃淵藪最為喫重臣自當殫竭心力慎以圖之賊在浙境則圍攻賊出浙境則追勦務將積年逆誅

劇寇聚而殲旃免致流毒完善地方又成不了之局至於機勢之順利與否則亦未敢逆計也此次克復杭州餘杭兩城在事文武不無微勞足錄浙江布政使額哲爾克克巴圖魯蔣益澧調度有方忠勤丕著記名提督廣西左江鎮總兵尙勇巴圖魯高連陞樸勇善戰能得人和應如何加恩以示優異之處伏候聖裁浙江督糧道楊昌濬請賞加按察使銜江西記名道康國器請遇有福建道員

初編卷十四 七

缺出請旨簡放並賞加按察使銜記名總兵王月亮劉榮合均請賞加提督銜並賞給該員三代從一品封典記名總兵劉清亮請以提督記名請旨簡放記名水師總兵楊政謨劉連陞均請賞加提督銜補用副將周廷瑞請遇有總兵缺出記名請

旨簡放總兵銜補用副將劉樹元副將王聯芳均請以  
總兵記名請

旨簡放總兵銜候補副將彭大光請遇有閩浙水師總  
兵缺出請

旨簡放浙江補用副將簡桂林請遇有閩浙總兵缺出  
請

旨簡放並

賞給勇號已革總兵羅大春請開復原官遇有閩浙總  
兵缺出請

初編卷十四

旨簡放記名總兵楊和貴請

賞給勇號副將曹魁甲請

賞加總兵銜並

賞給該員兩代二品封典補用游擊徐文秀請免補遊  
擊以副將仍留浙江遇缺即補並

賞加總兵銜副將銜補用參將李運榮請以副將補用  
並

賞加總兵銜浙江候補副將羅啓勇請

賞加總兵銜並

賞給勇號副將銜補用參將馬德順請以副將仍留浙  
江補用並

賞加總兵銜副將銜江西候補參將吳光亮請以副將  
仍歸江西補用並

賞加總兵銜四川補用副將劉清望請以副將改留浙  
江補用並

賞給勇號補用游擊余貴朝請以副將仍留浙江補用  
參將銜江西補用遊擊林珠江西補用遊擊林本均請  
以參將仍歸江西補用並加副將銜補用遊擊俞桂秋

初編卷十四

請以參將補用並加副將銜浙江遊擊席得元陳念親

梁雲山均請以參將仍留浙江補用並加副將銜遊擊  
銜都司王東林請以游擊仍留浙江儘先補用並加副

將銜游擊銜都司賀國輝張志公請以遊擊留於浙江  
補用並加副將銜花翎都司謝茂勝都司銜守備張政

順丁賢發李世祥均請以游擊留於浙江補用花翎都  
司胡榮請以遊擊補用花翎守備姜子豹請以都司補

用藍翎守備銜千總李國棟請以守備補用並加都司  
銜福建補用道朱明亮請

賞加按察使銜運同銜浙江補用同知魏光祚楊進治請免補本班以知府仍留浙江遇缺即補知府銜湖南儘先補用同知直隸州知州吳作梁請免補本班以知府仍歸湖南遇缺即補並

賞給該員祖父母父母兩代正四品封典候選同知康能飛請免選本班以知府留於浙江補用遊擊高有志請以副將儘先補月參將丁應龍署浙江提標遊擊補用參將布興有均請加副將銜其餘出力員弁兵勇可否由臣查明從優保獎出自

初編卷十四 三

恩施其力戰陣亡之廣東即補參將古捷芳江西儘先補用遊擊蔡盛恩應請

旨飭部從優議卹其各戰陣亡員弁容俟查明再行奏請一併給卹典 臣 拜摺後即人省垣辦理善後事宜並分飭各軍迅速攻剿所有克復杭州餘杭兩城實在情形理合由驛六百里馳

奏伏乞

皇上聖鑒訓示施行謹

奏 同治三年三月初一日

陳明錢貴仁事前通款貸其一死片

再杭城踞逆偽北王錢貴仁前曾遣人納款獻城嗣因人多謀洩被汪逆知覺將內應之人概行殺害錢貴仁即深自隱飾不敢輕舉昨次蔣益澧攻入杭城搜剿逆匪錢貴仁即率其黨千餘跪伏道旁泣求免死據蔣益澧稟報前來 臣 以錢貴仁雖劫於克威未能立功贖罪而事前通款屬實尙可貸其一死已飭令分別遣散挑留理合附片陳明伏乞

初編卷十四 三

皇上聖鑒謹

洋將助克杭城出力擬請 獎賞片

再權受中國總兵法國參將德克碑自議立條約以來最為馴謹間有性急多疑之處一經坦懷指示並不爭執此次助攻杭城與記名提督高連陞同事見高連陞樸勇謹厚尤為推重每次攻剿極肯出力杭城克復實著勞績擬由 臣 籌給敘銀二萬兩分賞所部常捷軍出力弁兵可否 賞加德克碑提督銜並



賞給確勇巴圖魯名號參將馬德順著以副將仍留浙  
江補用並賞加總兵銜吳光亮著以副將仍歸江西補  
用並賞加總兵銜四川補用副將劉清望著以副將改  
留浙江補用並賞給勁勇巴圖魯名號遊擊余朝貴著  
以副將仍留浙江補用林珠林本均著以參將仍歸江  
西補用並賞加副將銜翁桂秋著以參將補用並賞加  
副將銜席得元等三員均著以參將仍留浙江補用並  
賞加副將銜都司王東林著以遊擊仍留浙江儘先補  
用並賞加副將銜賀國輝等二員均著以遊擊留於浙

初編卷十四 美

江補用並賞加副將銜謝茂勝等四員均著以遊擊留  
於浙江補用胡榮著以遊擊補用守備姜子豹著以都  
司補用千總李國棟著以守備補用並賞加都司銜道  
員朱明亮著賞加按察使銜同知魏光邴等二員均著  
免補本班以知府仍留浙江遇缺即補補用同知直隸  
州知州吳作梁著免補本班以知府仍歸湖南遇缺即  
補並賞給該員祖父母父母正四品封典同知康熊飛  
著免選本班以知府留於浙江補用遊擊高有志著以  
副將儘先補用參將丁應龍等二員均著賞加副將銜

陣亡之廣東即補參將古捷芳江西儘先補用遊擊蔡  
盛思均著交部從優議卹其餘出力陣亡各員弁著左  
宗棠查明分別奏請獎卹該部知道欽此

初編卷十四 三



奏報克復武康德清石門三縣摺

奏爲官軍克復武康德清石門三縣恭摺具奏仰祈

聖鑒事竊杭州餘杭兩城經官軍攻克後逆賊一趨武康一趨德清以武康德清爲湖州屏蔽石門爲通杭湖要道必先克此三城而後可進圖湖郡當飭楊昌濬督各營由瓶窑安溪關進規武康飭蔣益澧分軍進規石門德清飭知府李耀南副將劉明燈等馬步七營出孝豐武康之間截剿竄賊二月二十八日李耀南等各

初編卷十四

天

營破鐘頭賊卡楊昌濬等各營破上陌賊卡進攻武康縣城先是武康逆目吳開俊會遣人通款於記名總兵羅大春約爲內應楊昌濬以武康雖無城垣而賊憑水修砌兩大石壘極堅難以力拔令羅大春率所部先進曉以禍福一面飭副將余萃隆簡桂林等各率所部並駐上陌逼之時陳逆炳文汪逆海洋及侍輔首戴利來各賊首鷹聚德清賊眾不下十數萬然震懼之餘單雜特甚三月初一夜道員張聲恆合浦建桂挑降人橋樑者二十餘潛入賊中燒賊營一座賊館數處羣賊驚擾

達旦初二初三等日紛紛田德湖西渡遁入武康羅大

春率親兵并礮船百餘號赴德西察看地勢遇賊於黃洞橋殺賊數十名溺死無算立將黃洞橋浮橋折毀連夜各營分伏武康城邊用火器攻擊城賊大震適降人楊芸桂等復遣人赴羅大春營中申內應之約初四日羅大春楊和貴余萃隆簡桂林即率所部薄城環攻楊昌濬與總兵劉榮合道員朱明亮副將湛玉連等繼之逆首吳海勝猶憑卡抗拒正轟擊間降人楊芸桂李交林向安邦李秀明彭玉桂金權衡等開門延納官軍吳

初編卷十四

天

海勝棄卡逃竄羅之春等一面入城一面分兵追剿直抵三橋埠適德清之賊大股擁至吳海勝復率眾回關官軍扼橋抗拒排礮轟擊斃賊數百名賊仍敗走此三月初四日克復武康縣城擊敗德清援賊之實在情形也其德清一路經蔣益澧派令高連陞王月亮兩軍進駐上七鋪地方探悉陳汪二逆將由德清竄走侍逆毀後初五日高連陞率數十騎馳抵城邊見賊急而西問逃竄高連陞等即策馬衝入詎街巷破屋中伏賊突起其先竄出城之賊仍折回併力抗拒高連陞與遊擊



余朝貴奮威衝殺突圍而出隨招所部副相四營會同  
王月亮閣字各營分路猛攻自辰至未賊未息城賊  
洶懼棄城而遁高連陞王月亮親率各營追殺斃悍賊  
數百名生擒七十三名奪獲大小船隻數十號旗幟器  
械無算當將德清縣城克復蔣益澧復飭知州李邦達  
四品翎頂蔡元吉率師進逼石門探聞踞逆鄧光明自  
上年十一月二十四日經餘杭官軍擊敗後友朋為指  
礮子所洞垂死復蘇昇回石門未審確否遣人偵之鄧  
光明伏枕涕泣令其黨駁出城就撫而單身赴杭聽候

初編卷十四

三

審辨初五日李邦達蔡元吉立將縣城收復臣與蔣益  
澧提訊鄧光明據供罪民久已蓄意投誠因為陳炳文  
所逼不能猝脫並述前杭城陷時曾以禮收殮撫臣王  
有齡學臣張錫庚之屍載至上海并衛送林福祚等出  
上海託其代陳衷曲不料林福祚等到後匿不以聞致  
滋疑懼現惟束身歸命以俟刑誅臣見其左手已廢延  
痛特甚縱令乞降非真抑亦殺之不武既不忍以其求  
生而真之死傷  
朝廷好生之仁更不敢因前奏該逆業已陣斃稍涉迴

護因傳令免死合挑其黨之悍者分為數營隨同進剿  
以規湖郡此三月初五日攻克德清并收復石門之賁  
在情形也其先竄德清偽利王來王一股繞出武康之  
西圖竄孝豐初五日李耀南劉明燈聶邦光張人和廖  
渭臣等各營旗出簾頭鎮截擊該逆急向荻浦竄去正  
追殺間聽逆陳炳文一股續又竄至聶邦光率所部橫  
截而出殺賊數百奪馬十餘匹賊勢大潰利逆率眾  
回援劉明燈張人和廖渭臣等馳至夾擊又斃賊數百  
餘逆棄械狂奔官軍乘勢追殺斃賊無算拔出難民數

初編卷十四

三

千其滿髮老賊陸續逃去者約六七百名此李耀南等  
各營於孝豐武康之間截勦獲勝之實在情形也該逆  
經官軍迭次痛擊人心渙散李世賢楊輔清陳炳文等  
逆圖分路以竄廣德孝豐黃文金李遠繼等逆圖守湖  
郡及見官軍逼近李逆遠繼又欲由安吉以竄甯國初  
八日高連陞等乘賊勢紛亂之時率師急進至離湖州  
四十里地方遇賊隊蜂擁而來縱兵大擊斃賊數千燒  
賊船千餘號羣賊望風潰竄煩據探報前由孝豐竄去  
一股已繞從千秋關太陽埠竄至昌化縣境臣前因蘇

曉諸賊窟歙湖州卽慮突犯上游擾我完善之區致成  
不了之局當飭分水新城嚴州遂安各處守軍嚴防並  
調康國器張聲恆兩軍赴臨安截剿現賊既悉由廣德  
孝豐上竄嚴遂之防尤爲緊要臣又加派劉清亮各軍  
由新營以赴嚴州總兵唐學發彭大光兩營水師於桐  
嚴一帶梭巡該逆裹糧而趨斷難持久若前路各軍能  
力扼奔衝後面各軍復躍蹤猛擊或可聚而殲旃卽有  
漏網他竄臣亦當督飭各軍出境追剿務將此股肅清  
以冀細紉

初編卷十四

十一

聖庫所有此次尤爲出力之道銜留浙補用知府李耀  
南請以道員仍留浙江補用候選直隸州知州李邦達  
請以知府留於浙江補用副將劉明燈請交軍機處記  
名遇有閩浙總兵缺出請

旨簡放總兵銜副將余廷隆請以總兵留於閩浙補用  
其餘出力員弁可否由臣存記俟克復湖州彙案保獎  
出自

天恩理合恭摺由驛六百里馳  
奏伏乞

皇上聖鑒訓示施行謹

奏 同治三年三月十三日

議政王軍機大臣奉

旨另有旨欽此

陳明進駐省垣設局賑撫籌辦情形片

再臣於三月初二日進駐省垣巡視各城梁身間有轟  
坍之處尙易修葺惟駐防城身概行拆卸房屋但存墻  
壁省城以內倉庫衙署俱已蕩然無存街市房屋亦大  
半拆燬聞無事時省城內外居民共有八十一萬餘口

初編卷十四

十一

現除逃亡死故外陸續來歸及存留遺民合計不過數  
萬口一片劫灰傷心慘目蓋兩次淪陷被禍爲尤酷也  
現已遣派員紳設立賑撫局收養難民掩埋屍骸並一  
面招商開市一面將急須修濬工程辦理以期通商惠  
工暫救時局其餘善後事宜容再次第籌辦理合附片  
陳明伏乞

聖鑒謹

奏 同治三年三月十三日

議政王軍機大臣奉

旨另有旨欽此

同治三年三月二十六日內閣奉

上諭左宗棠奏楚軍克復武康德清石門三縣並截剿  
鼠匪獲勝一摺浙省官軍克復杭州餘杭後餘匪分竄  
武康德清等處經左宗棠派令楊昌濬蔣益澧等分路  
進攻羅大春先將黃洞橋浮橋拆毀密飭各營伏武康  
賊壘之外火器轟擊逆匪大震三月初四日羅大春等  
各率所部薄壘環攻逆首吳海勝憑卡抵拒降人楊雲  
桂等開門迎納官軍吳海勝逃匿三橋埠地方復率援

初編卷十四

詔

賊回關官軍排礮轟擊賊無數當將武康縣克復德  
清一城經高連陞等併力猛攻白辰至未幾賊四時之  
久賊勢不支棄城而遁官軍分路追殺擒斬悍賊數百  
名奪獲船隻數十號器械無算德清縣城亦即收復蔣  
益澧復飭知府李邦達等直逼石門縣逆鄧光明出城  
就撫遂於初五日收復石門縣城道員李耀南等並將  
圖鼠孝豐匪股迎頭截擊殲斃無算拔山難民數千名  
勦辦均屬得手著左宗棠督飭諸軍一面搜剿敗賊一  
面迅拔湖州府城肅清全省所有尤為出力之知府李

耀南著以道員仍留浙江補用直隸州知州李邦達著  
以知府留於浙江補用副將劉明燈著交軍機處記名  
遇有浙江福建總兵缺出請旨簡放余蔣蔭著以總兵  
留於浙江福建補用其餘出力員弁准其由左宗棠存  
記彙案保獎該部知道欽此

議政王軍機大臣 字寄同治三年三月二十六日奉  
上諭左宗棠奏官軍克復武康德清石門三縣一摺已  
降旨宣示並將尤為出力之知府李耀南等先行獎勵  
矣武康德清為湖州屏蔽石門為通杭湖要道現經左

初編卷十四

奏

宗棠督飭各軍次第克復該逆屢受懲創人心渙散官  
軍自可乘勢進取湖州惟賊首李世賢楊輔清陳炳文  
等圖鼠廣德孝豐李逆遠縋又欲由安吉以竄甯國而  
竄往孝豐之賊已繞從千秋關太陽埠竄至昌化縣境  
該逆窮無所之希圖突犯上游擾及完善之區為苟延  
殘喘之計左宗棠現調康國器張聲恆兩軍赴臨安截  
勦並派劉清亮各軍由新城馳赴嚴州防勦唐學發彭  
大光督率水師於桐嚴一帶梭巡布置尙屬周妥即著  
嚴飭水陸各軍前截後追乘該逆喘息未定聚而殲旃

不致漏網他處方爲妥善江朝忠曾否已抵江省陳鳴志等所統江忠義舊部現紮何處著沈葆楨酌度機宜或卽派此軍赴江西浙江毘連處所扼要駐紮以杜該匪上竄之路如已乘間闖入江境卽著左宗棠檄飭諸軍迅速越境追勦務將此股竄匪悉數殲除俾江省得以悉力南豐新城肅清腹地高連陞等率師進趨湖郡離郡城四十里地方擊賊獲勝羣賊望風潰竄此時計已緊逼城下宜軍自必倍加奮勇左宗棠卽當乘機鼓舞令其迅捷堅城廓清全浙前因嘉興克復諭令李鴻

初編卷十四

三

章督率李朝斌等會同浙軍設法進取湖州現在浙軍業已前進並著李鴻章分兵會勦兩路夾擊用收速效該撫派兵接浙向能不分畛域此時機有可乘尤當激勵軍士協力兜勦以竟前功現派何將何營會勦湖郡之處著李鴻章迅速奏聞廣德甯國一帶係湖賊出窺要衝李世賢等現又有圖竄廣德等處之議該處防勦正緊會國藩前有會同浙師在徽浙之交節節布置之奏刻下廣德甯國等城防兵是否足資分布著該大臣妥籌調派務將廣德甯國一帶賊竄之路嚴密堵截毋

稍大意致羣賊續犯江西又成不了之局鄧光明東身待罪左宗棠見其左手已廢庖瘠特甚准暫免其一死辦理自屬正大所部悍黨現經分爲數營隨赴湖州攻勦並著左宗棠嚴飭湖州各營將領隨時加意防範毋令別滋事端江西大兵雲集所有竄踞南豐蔓延新城之賊著沈葆楨激勵將士痛加勦洗務使前竄股匪盡皆殄滅庶後股不敢接踵而來於東南全局亦大有裨益左宗棠另片奏進駐省垣籌辦善後事宜等語杭州兩次淪陷被禍尤酷存留遺民及陸續逃歸者合計不

初編卷十四

三

過數萬覽奏曷勝矜憫左宗棠現已設局賑撫收養難民並將善後各事宜逐一興辦卽着督飭在事官紳認真經理不可有名無實前據左宗棠奏訪查前署布政司臬卹湖州府知府瑞春均於城陷時殉難諭令將該員等死事情形查奏此時杭城已復著左宗棠卽將臬卹殉難詳細情形及道員進福有無下落一併查明據實奏聞知府瑞春著俟克復湖州後再行確查具奏將此由六百里各諭令知之欽此

截剿竄賊兩獲大捷并規湖郡情形摺

奏為官軍截剿竄賊兩獲大捷並現籌規取湖郡情形恭摺仰祈

聖鑒事竊武康德清石門三縣克復後偽侍聽康利來首戴各賊酋擁眾十餘萬由安吉孝豐上竄偽堵王黃文金偽祐王李遠繼偽輔王楊輔清等逆仍堅踞湖州臣當飭蔣益澧派軍進攻湖州飭楊昌濬督各營進駐武康飭分水嚴州清遠各處守軍相機截剿三月初九初十等日該逆陸續竄至昌化縣境其前股已趨績溪

初編卷十四

奏

十一日駐防分水副將劉明珍率所部四營前赴昌化攔擊兼理昌化縣事署分水縣知縣邵杜亦率鄉團助剿將其後隊截殺六七百名生擒悍賊百餘名奪獲旗幟刀矛數百件騾馬十餘匹十二日劉明珍復率各營追至白牛橋搜斬粵賊二百餘名遣散者四五百名侍逆李世賢及各逆繞由昌化十都過老竺嶺悉向安徽績溪竄去復由間道走歙西之巖寺簞邨以竄屯溪其聽逆及偽康王汪海洋等逆均走歙縣之水南村分路向南源口深渡過河以折竄小境十五日徑趨小川希

圖分犯清遠十七日駐防遂安總兵王開琳令王福昌

一營嚴守雪嶺黃蔚嶺自率親兵並龔隆貴羅瑞山喻勝榮三營由黃蔚村舉嶺進丁長勝康榮詔莫坤和三營並水師後營師船由威坪街口沿河直上行近小川該逆出隊來撲官軍奮擊羅瑞山喻勝榮四馬衝鋒斃賊多名賊退據石橋官軍乘勢急進衝過橋北丁長勝莫坤和各率隊繼至師船遙於河中排礮轟擊斃賊六七百名賊敗走一向深渡一向小川裏山而遁王開琳麾兵趕殺約追七八里賊復回拒羅瑞山喻勝榮丁長

初編卷十四

奏

勝莫坤和等沿山圍剿而上賊始大敗爭向山谷狂奔自相踐踏死者不計其數其向深渡逃竄一股亦經龔隆貴康榮詔截殺四百餘名落河溺斃者無算餘賊悉敗竄屯溪是役殺賊二千餘名生擒五百餘名踐斃溺斃者倍之此截剿昌化歙南竄賊兩獲大捷之實在情形也其湖州一路自初八日高連陞進剿獲勝後羣賊皆退聚菱湖東林山茅山菁山一帶修築堅壘復於西北之長興以至泗安梅溪安吉等處連營數十里相為犄角臣以湖州四面臨水賊於附城二三十里地方均

修堅壘並連營長興泗安等處必先將菱湖賊壘攻克東南兩面布置並妥始可移軍而西以期合圍當飭劉連陞水師各營駛赴德清飭蔣益澧分撥高連陞王月亮蔡元吉各軍由德清進規湖郡西南劉樹元何培章各營由石門進規湖郡東南三十四等日劉連陞羅啓勇等各率師船進攻菱湖破賊一卡蔡元吉復率軍進駐埭溪二十二日湖郡之賊分路來撲高連陞王月亮營壘經各軍擊敗斬殺數百名賊潛竄洛舍圍攻官軍後路亦經高連陞等擊退此進規湖郡獲勝之實在

初編卷十四

四

情形也竊紹浙江一省惟餘湖州一城及長興安吉兩城未卽克復賊數雖多然形勢漸蹙尙可緩圖惟蘇皖餘逆李世賢等與杭城餘杭漏出首逆陳炳文汪海洋竄入皖境決意竄擾江西完善之區必須節節截剿預爲戒備雖未能聚而殲旣然剿平一股卽少貽江西一股之患多殺一賊卽少貽江西一賊之患臣於杭餘等城克復後卽飭黃少春王開琳戴奉聘等嚴密準備並催調劉明燈李耀南劉清亮等各營馳赴嚴衢各要隘以厚兵力乃各軍甫抵嚴州而賊已竄至徽境逕竄屯

溪鎮其勢可不由浙境以竄江西頃據探報賊之竄屯溪者又竄至婺源之江灣汪口等處踞江西之德興樂平已不遠矣臣方飭王開琳由馬金街出大鋪嶺以趨婺源之南戴奉聘等三營由華埠出德興之東截之忽接黃少春飛報聽逆汪逆前股擊敗遁回屯溪後復翻白際嶺折竄遂安昏口楊村一帶黃少春已帶所部馬步各營與王開琳一軍出楊村橫擊之魏喻義李耀南等急馳赴馬金街圍與黃少春所派先駐馬金街之黃元吉李良平兩營合隊爲迎頭截擊之兵臣已飭劉清

初編卷十四

四

亮一軍速赴馬金街同未知能不趕到賊前也昨接署浙江臬司劉典來稟知新募之軍四月初旬始可由湖南啓行道員王德榜回湘續募兩營已行批廣信臣擬俟此股竄賊剿除後卽飭王開琳王德榜戴奉聘各軍赴江西助剿與劉典一軍會合稍資厚集其黃少春劉清亮兩軍則仍應留防清遠俟湖州賊蹤稍定乃可他調蓋皖南之廣德州甯國縣績溪縣一路空虛湖州之賊以長興安吉爲出路一舉足卽入徽境不山此竄江西必由清遠竄江西未可任其衝突也所有此次賊

昌化兼理昌化縣事候補縣丞邵杜赴鄉調團隨同官軍將賊擊退縣城未被其踞應請免其督議理合恭摺由驛馳

奏伏乞

皇上聖鑒訓示施行謹

奏 同治三年三月二十七日

議政王軍機大臣奉

旨另有旨欽此

議政王軍機大臣 字寄同治三年四月十一日奉

初編卷十四

聖

上諭左宗棠奏官軍截剿竄賊獲勝並規取湖郡情形一摺所奏蘇皖餘逆李世賢與杭餘漏刃之陳炳文汪海洋等賊竄至皖南圖擾江西各情與節次會國藩沈葆楨所奏大略相同而左宗棠此奏稱於昌化小川深渡截剿疊有殲戮餘賊竄向小川裏山及由深渡悉竄屯溪當是皖南迤東一帶情形會國藩前奏皖南賊勢甚重唐義訓毛有銘兩軍均有挫失而夥休務良岌可虞當是皖南迤西各境逆氛更肆左宗棠所派王開琳等軍由馬金街出發以截賊於婺源之南德興之東又

因汪逆折竄浙境遂旻一帶勢不能不回軍合隊迎頭截擊其所續派劉清亮之軍赴馬金街若能趕到賊前速與諸軍併力截剿將康逆此股就地殲除則由皖竄江之賊勢又稍輕即飭王開琳王德榜等各軍速赴江西會同劉典之軍厚其兵力助剿江境之賊其黃少春劉清亮兩軍自應留防遂安等境以俟湖賊剿平賊蹤稍定乃可移動惟皖南迤東之廣德甯國以至績溪一路空虛不但蘇境餘賊由此路竄走即湖州之賊以長興安吉為出路亦由此竄微以入江境毛有銘等近

初編卷十四

聖

足軍威是否重整堪資截擊丹陽尚未即克鮑超一軍赴援江西會否啓行著會國藩將皖南徽甯一路之防加意布置嚴督諸軍節節截剿即未能將竄賊所至聚殲但能剿滅一賊即少貽江境以一賊之患湖州官軍漸次合圍著左宗棠督飭高連陞等軍迅圖攻克浙省惟餘此城及安長兩邑未復並著速行掃蕩全清浙境李鴻章派赴助攻湖郡各軍前奏破賊錢漢楊漢著即飭令乘勝會合浙軍併力攻搆以資得力江西南豐一城曾否攻克著沈葆楨嚴飭席寶田等各軍實力進攻

所派精捷等營東馳前赴德興一帶攔截皖南竄賊  
股並著飭令會合皖浙諸軍前截後追共收夾擊之效  
其劉典王文瑞兩軍並遵前旨催提星速來江以憑調  
遣該撫前奏又有飭令席寶田添招二千五百人此項  
新軍係由何處召募現在曾否招齊作何布置之處並  
由江甯閩之賊有無續往兵力能否支持均著隨時馳  
奏左宗棠摺內此次賊竄昌化兼理昌化縣事候補縣  
丞邵杜赴鄉調團隨同官軍將賊擊退縣城未被佔踞  
著照所請免其置議將此由六百里各諭令知之欽此

初編卷十四

同治三年四月二十三日內閣奉

上諭左宗棠奏截剿上游竄賊連獲大勝一摺江浙敗  
賊竄入徽境經左宗棠督飭王開琳等軍連日在楊村  
屯溪鎮等處分投兜剿疊有斬擒逆匪復趨遂安縣屬  
馬金街圍撲黃元吉營盤並經黃少春等軍分路環擊  
殲賊無算重圍立解餘賊在馬金街對河築壘官軍乘  
夜擊破分隊躡追劉明珍遇賊於屏風關外擊斃悍賊  
多名三月二十九日乘勝追至江西玉山縣境直逼  
城河溺斃賊匪無數王德榜一軍由城西北鳳凰山夾

擊亦斬悍賊百餘名玉山之圍立解劉明珍等復分三  
路進剿齊抵賊巢該逆分隊迎拒王德榜劉明珍督軍  
橫衝入陣截賊數段逆勢不支紛向浮橋潰竄遂河湖  
斃者甚多官軍復追及賊於沙溪由上下游躡擊斃賊  
百餘名剿辦尙爲奮勉著左宗棠迅卽乘勝督飭各軍  
將沙溪屯賊悉數殲除毋任竄逸所有此次尤爲出力  
之副將劉明珍戴奉聘均著賞加總兵銜參將張人和  
著以副將仍留浙江儘先補用都司黃元吉著以遊擊  
留於浙江儘先補用並賞加參將銜其力戰陣亡之參

初編卷十四

聖

將銜儘先遊擊廖渭臣副將銜參將黃應春參將銜遊  
擊彭光祥陳陞倫都司劉開賢張禮宜劉宗聖均著奉  
部照例議卹欽此



陳明覈減紹興府屬淨收錢糧摺

奏為覈減紹興府屬淨收錢糧恭摺奏祈

聖鑒事竊浙東各屬地丁南米經 臣 上年奏明應一律

覈減並將温州府屬先行減定在案茲查浙東八府錢

糧徵數以紹興為最多淨收之數亦以紹興為尤甚山

陰會稽蕭山諸縣完納錢糧向有紳戶民戶之分每正

耗一兩紳戶僅完一兩六分至一兩三四錢而止民戶

則有完至二千八百文或三四千者以

國家維正之供而有紳民輕重之別以閭閻奉公之款

初編卷十四 四

徒為吏胥中飽之資官司以賄墊為苦民戶以偏重為

苦若不明定章程剔除淨費弊累日甚其何以堪孟子

論治以經界不正井地不均穀祿不平為深憂者此也

臣 於上年覈定溫屬地漕後即飭奏調來浙差遣候選

知府戶部郎中顧菊生前赴紹興會同該管道府將歷

年官徵民納實數及向來流攤各款逐細清查分別裁

減茲據顧菊生等稟稱紹興八縣六場正雜錢糧有照

銀數完納有照錢數完納殊與定例有乖現擬統照銀

數徵解其一切攤捐名目及道府各署陋規概行禁革

并擬於正耗錢糧之外仍視各縣舊徵多寡每兩酌留

平餘以為各縣場辦公之用開送徵解留用數目清冊

前來 臣 細加覆覈除正耗仍照常徵解外其紹興八縣

額徵地漕等款并蕭山公租竈課銀四十五萬三千四

百七十四兩零除新昌一縣徵數業經勒石毋庸議改

外其餘七縣共實減去錢二十萬五千一百零六千文

南米額徵本色米七千餘石折色米一萬五千二百六

十七石零減去本色耗米三百六十一石減折色耗錢

一萬二千零七十二千文六場竈課額徵銀一萬四千

初編卷十四 七

三百八十九兩又蕭山牧租額徵錢一萬三千九百十

六千文實減去錢四千二百四十二千文計共減錢二

十二萬一千四百二十千文米三百六十一石但能永

遠遵守大小戶一律完納以十年通計之民間即可多

留二百餘萬千之錢三千餘石之米矣既無須損上以

益下民力自見其有餘亦無須哀多以益寡貧戶不憂

其不足官之徵收有定章則上下之交肅民之完納有

定數則胥吏之弊除此次明定章程之後 臣 當飭令各

屬一體勒石遵守如有官吏陽奉陰違於定章之外添

設名目多取分文者定卽立予撤叅如有大戶不遵定章完納致官有賠墊之虞民有偏重之苦者亦必核實懲辦以昭儆戒所有核減紹興府屬錢糧緣由理合恭摺具陳伏乞

皇上聖鑒訓示再紹興府屬錢糧減定後戶部郎中顧菊生已飭令前赴甯波一律查辦合併陳明

奏 同治三年三月二十七日

議政王軍機大臣奉

旨另有旨欽此

初編卷十四

果

同治三年四月十一日內閣奉

上諭左宗棠奏覈減紹興府屬浮收錢糧一摺浙東各屬錢糧以紹興徵數爲最多而浮收之弊亦最甚經左宗棠查明核減將紹興所屬八縣六場正雜錢糧等項紳戶民戶統照銀數徵解一切攤捐名目及陋規等項概予革除計除正耗仍照常徵解外共減去錢二十二萬有奇米三百六十餘石民困諒可稍蘇卽著照所議辦理嗣後並著爲定章永遠遵行不准再有紳戶民戶之別致滋偏重其地方官吏尤當潔已奉公剔除積習

倘敢陽奉陰違添設名目格外需索及大戶不遵定章完納者卽著該督撫核實查參懲辦以重國賦而恤民瘼欽此

初編卷十四

果

恪靖奏稿初編卷十五目錄

浙省餉項支絀陳請照常收捐摺

奏報進規湖郡迭勝並攻克孝豐生擒首逆摺

附陳江省近日追剿汪丁二逆獲勝情形片

附陳閩邊軍情片

陳明覈減甯波府屬浮收錢糧摺

陳明江省減成米捐已飭停止裁撤片

初編卷十五目錄

浙省餉項支絀陳請照常收捐摺

奏為浙省餉項支絀用款浩繁應請照常收捐以濟要

需恭摺奏祈

聖鑒事竊查浙省未經賊擾之先曾經遵奉部行按照

籌餉減成事例開辦捐輸以濟軍餉並遵續奉通行於

例定銀數減二成外遞減一成其例減四成者不再遞

減由司刊填實收分次詳請

奏獎嗣因省城失陷列郡淪胥捐事遂久停辦迨同治

元年臣奉

初編卷十五

命撫浙因軍食匱乏復經

奏准照湖北章程開辦米捐年餘以來藉此稍贍軍食

惟查米捐章程實職虛銜照定例銀數減四成封典加

級各項減四成外再遞減二成與向來浙省捐輸減二

成僅遞減一成者有間見在興辦善後修築海塘在在

均需鉅款必須勸捐辦理而又未便概入米捐請獎且

以前尚有捐輸本境防勦經費未經

奏邀獎敘者再四思維惟有仍按浙省向行籌餉事例

減成章程凡報捐實職虛銜本減二成者仍遞減一成

其已減四成者不再遞減均由司委員分投勸辦按次造冊分別

奏咨給獎用竣分案覈實報銷其應歸京銅局收捐分發等項並監生補交四成實銀仍令捐生赴京上兌浙省概不收捐定例既相符合用款不無稍神即與見行米捐亦無窒礙據藩司蔣益澧具詳請

奏前來臣覆覈無異合無仰懇

天恩俯念浙省經費奇絀度支浩繁准予照常收捐俾辦一切善後事宜不致竭蹶如蒙

初編卷一五 二

俞允並請飭部由驛頒發各項虛銜封典空白執照三千張貢監生空白執照二千張來浙以資填給除咨戶部查照外理合恭摺具

奏伏乞

皇上聖鑒訓示施行謹

奏同治三年五月二十日

議政王軍機大臣奉

旨戶部速議具奏欽此

奏報進規湖郡迭勝並攻克孝豐生擒首逆摺

奏為官軍進規湖郡迭獲勝仗並攻克孝豐縣城生擒首逆恭摺馳

奏仰祈

聖鑒事竊高連陞蔡元吉等將菱湖東林山要隘攻克後蔡元吉一軍即進紮荻港一帶該逆見官軍漸逼調集城內悍黨數萬悉趨東南路力圖抗拒五月初十日出悍賊萬餘直抄蔡元吉營後並分撲長生橋官軍營壘蔡元吉督各營堅壁穩守相持竟日城不得逞至夜

初編卷十五 三

賊潛扮官軍出小港希圖偷犯各營蔡元吉偵知密令洋槍隊二百名分伏於桑林待賊撲近突起轟之斃賊數百比曉該逆復出大股隔河而陣官軍出隊迎之因水阻未能痛斃計兩日共擒賊目三十餘名內有偽王一名偽天燕一名殺斃溺死者無數訊據生擒賊供堵逆黃文金糾集各偽王持十日糧誓與官軍決戰臣以賊勢既趨重此路蔡元吉所部兵力尙單當飭蔣益澧分撥師船並調都司湯葆元飛划一營前往助剿十四日該逆大股廬至蔡元吉督隊奮擊相持至暮該逆即

逼長橋亭子橋而營時總兵劉樹元因蔡元吉各營苦戰連日勢甚緊迫急率所部及洋將實德稜花勇馳往策應新授温州鎮總兵劉連陞亦率水師各營移紮菱湖東林山下昂一帶以壯聲援十六日劉連陞各營由荻港進發蔡元吉劉樹元督同陸軍助之賊憑河抗拒未能猝拔十七十八等日賊又於亭子橋添築兩壘蔣益禮以蔡元吉一軍連日鏖戰賊鋒未挫飭記名提督高連陞抽撥丁賢發錢桂仁兩營並調知府楊道洽一營馳往助剿二十日該逆復出悍黨數千分撲蔡元吉

初編卷十五

四

營壘環攻五時均經擊退羣賊益憤四刻分七路來犯並用大礮向長生橋營壘轟擊勢極兇悍蔡元吉飭各營鎮靜以待約會水師各營憑河扼堵自率親兵馳赴長生橋方戰卻之是夜密令副後營營官楊成棟設計誘擒偽軍政司樂興等六名並餘黨數十名斬之該逆知蔡元吉各營有備不可攻復乘虛繞襲菱湖抄我後路劉連陞率副將蔣榮彩參將梁雲山都司湯葆元守備劉仁和各營師船極力堵截高連陞派高有志洋槍隊百名助之二十四日該逆全股來犯劉連陞梁雲山

率所部迎剿斃賊多名燒賊船十餘號賊勢少卻劉連陞督師船乘勝追擊賊折死回拒槍子如雨弁勇傷亡百餘名正相持間適高有志率洋槍隊抄出賊後楊道洽又適從餘杭調至率所部排列菱湖助之賊見援軍突至駭而奔二十五二十八等日開有賊黨出犯均經官軍擊走二十九日袁家匯賊目李得芳赴蔡元吉營中請降蔡元吉許之三十日親赴袁家匯擬督降人出其不意攻取未降各壘偽輔王楊輔清覺其有異即率悍黨來爭蔡元吉麾眾分路截殺羣賊潰竄遂將袁家

初編卷十五

五

匯賊壘一律焚毀率降眾七百餘回營蔣益禮當飭其將新附之眾編立一營餘眾分補各營缺額此五月初十日至三十日湖州東南路水陸各軍迭次血戰獲勝之實在情形也方輔逆之並攻東南路也堵逆復分大股由太湖塘楊渡以向軌村希圖撲犯林墟何培英各營之後擊我兵力俾不能馳援長生橋等營五月初九日該逆率大股分撲章字右營後營劉樹元飭何培英各營馳往截擊而自率所部繞出軌村兜剿適該逆正圖搶造浮橋渡河何培英乘其半渡擊之斃賊二十餘

名餘賊溺水死者無算追至軌村該逆尙圖抗拒劉樹元率所部馳至夾擊該逆紛向太湖塘楊漢胤去嗣官軍百計誘攻賊俱伏匿不出劉樹元見太湖塘之賊暫無動作南灣一帶已有蘇軍駐紮而蔡元吉各營攻勦正當契緊遂率所部及花勇馳援詎該逆又從太湖塘繞出林墟後路陸家灣一帶以拒蘇軍不時分黨至離林墟二三里地方擄掠劉樹元飭何培英率各營於二十四日進勦該逆負隅不出何培英派章字右營抄出賊後兩路夾擊破其一卡其餘逆壘仍堅踞不退何培

初編卷十五

六

英督隊季勝猛擊劉樹元亦馳往接應合兵兜勦立破賊壘三座餘賊棄壘狂竄官軍追殺數里將太湖塘楊漢胤等處賊壘一律掃蕩二十七日復分擊晟舍賊壘鏖戰三時破賊卡一座而還此五月初九日至廿七日湖州東路水陸各營迭次獲勝之實在情形也餘賊悉退四安梅溪與踞賊合楊昌濬以四安梅溪既添賊黨其勢必將上竄自率各營由牌頭進銅嶺扼之令知府劉璈副將劉端冕谷香山等三營會同周廷瑞等六營由黃湖進白水灣直搗孝豐縣城六月初三夜周廷瑞劉

璈劉端冕谷香山潛師踰嶺以進黎明行抵孝城賊猶未覺瞥見官軍突至卽伏牆內施放槍礮官軍奮勇齊進受傷多名谷香山劉端冕躍過重濠揮兵直入劉璈督隊繼之奮攻逾時賊勢不支哨長吳德華首先由南門梯城而上立斬偽坪天義潘和周廷瑞督各營由東門攻入所部營官李有慶立斬偽天將洪恩坊城賊大亂紛紛奪路逃竄當於初四日午刻將孝豐縣城克復周廷瑞劉璈麾軍追擊遙見羣賊擁一賊騎馬狂奔意其爲首逆也劉璈急率所部躡蹤緊追至城北十五里

初編卷十五

七

飯山場外委李必得矛刺該逆落馬生擒以歸餘賊四散訊之卽偽感王陳榮也是役斃賊千餘名生擒長髮廣賊二百餘名拔出難民婦女五六百名奪獲驢馬百數十匹此攻克孝豐縣城生擒首逆之實在情形也臣維孝豐一城北通安吉東北聯安徽之廣德州甯國縣地方瘠狹又久經賊擾荒苦特甚山谷幽篁餉饋極艱實非屯軍之所然安吉廣德州既尙爲賊踞甯國縣並無官軍湖州踞賊如圖西竄皖南竄浙勢必假道於此已飭留劉璈劉端冕谷香山三營駐守其地扼之而揚

昌濬攻安吉之軍乃可免後顧之慮惟安吉一城當皖浙之交其險阻百倍於孝豐為湖州賊必爭之地據楊昌濬函報梅溪四安踞賊尙有數萬與廣德安吉之賊互相聯絡官軍進攻安吉則梅溪四安廣德之賊必來救援恐有腹背受敵之患臣已緘商江蘇撫臣檄長興之軍分攻四安以掣其勢密飭楊昌濬如安吉一時不能遽下或先攻梅溪搗其要脅庶湖州之賊與安吉割而為兩較易收功除克復長興詳細情形由江蘇撫臣奏報外所有此次進攻湖州東西南三路尤為出力之

初編卷十五 八

浙江補用知府劉璈請

賞加道銜浙江補用副將劉端冕谷香山均請

賞加勇號四品翎頂候選通判蔡元吉請以同知歸部

選用並

賞加勇號其餘出力員弁可否由臣存記俟克復湖州

彙案保獎出自

天恩理合繕摺由驛六百里馳

奏伏乞

皇上聖鑒訓示施行謹

奏同治三年六月十四日  
議政王軍機大臣奉  
旨另有旨欽此

附陳江省近日追剿汪丁二逆獲勝情形片

再前竄江西康逆汪海洋一股由鉛山陳坊湖坊向上清宮一路竄走經總兵王開琳道員王德榜於五月初八九等日追剿於火田畝汪二渡黃沙港等處獲勝情形已由江西撫臣沈葆楨會奏在案茲據王德榜稟稱將陳坊湖坊等處肅清後旋准幫辦江西皖南軍務署

初編卷十五 九

浙江臬司劉典調赴臨江行抵貴溪探報賊目丁三洋圖由貴溪盛源洞竄過安仁鄧家埠一帶屯踞王德榜以該逆沿河直下如繞出我軍之前師行必阻當率所部疾趨安仁一百餘約王開琳由貴溪渡河截剿及至德榜於二十日馳抵安仁縣城該逆已竄踞鄧家埠羅田岡上一帶距安仁僅十五里矣二十日王德榜督各營進剿羅田岡上踞逆破之適副將戴奉聘率所部會同江西內河水師從上游接剿而來羣賊大敗追至張家灘始行收隊二十三日進剿鄧家埠詎該逆於先夜

搭造浮橋竄逸總兵蕭得龍等追至羣賊正在搶渡官軍乘勢蹙之溺斃無算遂將北岸一律肅清賊悉向東鄉竄去王德榜正擬率各營進紮鄧家埠跟蹤疾進旋因連日大雨溪水暴漲不克過渡遂於鄧家埠對岸馬岡嶺駐紮六月初一日王德榜過河察看地勢行至柯坑橋突遇賊數百擄糧而回當飭各營邀擊殲斃殆盡乘勢將界排村河村賊館掃蕩生擒賊目偽天燕黃正魁斬之前後拔出難民數千等情前來臣查康逆汪海洋一股見已悉由許灣下竄東鄉侍逆李世賢一股

初編卷十五

十

尙踞崇仁臣已飭王開琳一軍馳赴貴溪與王德榜相機渡河南勦必須將東鄉一路肅清方可與劉典一軍會合臣處相距較遠奏報未能迅速見楊岳斌已由水路起程計此時必已入江嗣後王德榜王開琳兩軍戰事應即由楊岳斌沈葆楨奏報合併陳明伏乞

皇上聖鑒訓示謹

奏同治三年六月十四日

議政王軍機大臣奉

旨覽奏均悉欽此

附陳閩邊軍情片

再六月初十日欽奉

上諭林正揚一股由福村回竄石城之豐山仍敗踞福村偽王宗一股由甯化之安遠司竄近廣昌復退池源山背村中負隅不出是福建邊防愈形喫緊著左宗棠寺督飭康國器一軍確探賊蹤迎頭截勦徐宗幹懷遵諭旨迅催林文察等飛速內渡合兵會勦並飭在防諸軍嚴扼要隘其不能得力員弁仍遵前次諭旨加意察看隨時甄汰欽此臣維竄閩之賊僅林正揚花旗一起

初編卷十五

十一

見已回竄江西意圖合併巨股其近光澤建甯甯化等邊界時有賊蹤出沒暫尙未能爲害也揆度賊情非經江西痛勦窮蹙無歸必不能遽竄閩境惟延建邵河一帶匪盜素多急應速予誅鋤以靖內患見在康國器之軍已抵邵郡臬司張運蘭已據稟報率所部取道江西信豐定遠以入汀州臣已飛飭其各將邊腹土匪迅速殲除確偵江西賊蹤相機兜勦張運蘭康國器久經戰陣自知以勦爲防不至盡疆自守惟閩省邊隘與江西緊接者自光澤至武平延亘千餘里客兵越境止能相



機兇勦不便久遠屯戍致滯戎機臣惟有與撫臣徐宗幹慎以圖之仰紿

慈廡至此次逆賊由江闌入因閩省文武鮮知兵之員撫臣倉卒調撥難期應手而臣調度稍遲亦難辭咎見已與撫臣兩商將不能得力員弁懍遵疊次

諭旨隨時甄汰以肅軍律不敢因循諉飾自外生成所有閩邊情形謹據實附片陳明伏乞皇上聖鑒訓示謹

奏同治三年六月十四日

初編卷十五

三

議政王軍機大臣奉

旨另有旨欽此

同治三年六月二十三日內閣奉

上諭左宗棠奏官軍進規湖郡疊獲勝仗並攻克孝豐縣城生擒首逆一摺五月初十一等日湖州踞逆由東南分撲長生橋官軍營壘復潛軍偷犯各寨經蔡元吉等設伏迎擊斃賊數百生擒賊目三十餘名蔣益澧高連陞復派水陸各營助勦自十一日至三十日累次獲捷焚毀賊船十餘號將袁家匯賊壘一律平毀其商

路匪匪於五月初九日由太湖塘楊渡賊壘北犯林墟何培英乘其半渡擊斃多名劉樹元馳至夾擊該逆敗竄我軍乘勝追勦將太湖塘楊渡賊壘掃蕩殆盡其西路竄踞孝豐之賊分犯百丈裏經羅大春等擊退六月初三日周廷瑞等潛師抵城劉端冕躍濠直入劉瑛督隊繼之城賊紛紛逃竄初四日遂將孝豐縣城收復生擒偽感王陳榮斃賊千餘陣擒長髮廣賊二百餘名拔出難民五六百名勦辦甚為得手仍著左宗棠督飭各軍乘此聲威會合蘇軍迅將湖州克復此次尤為出力

初編卷十五

三

之知府劉瑛著賞加道銜副將劉端冕著賞給超勇巴圖魯名號谷香山著賞給彥勇巴圖魯名號通判蔡元吉著以同知選用並賞給猛勇巴圖魯名號其餘出力員弁著候克復湖州案保獎該部知道欽此

議政王軍機大臣 字寄同治三年六月二十三日奉

上諭左宗棠奏官軍進規湖郡獲勝並攻克孝豐縣城生擒首逆一摺本日已明降諭旨將出力之知府劉瑛等照所請分別獎勵矣孝豐既克則湖州安吉賊勢漸孤左宗棠已令楊昌濬進攻安吉恐梅溪四安等處之

賊齊心救援將有腹背受敵之患著李鴻章檄飭長興  
得勝之軍分攻四安以牽賊勢必須湖州之賊與安吉  
劃而為二方可收功湖州東路水陸各營已疊獲勝仗  
掃蕩賊壘不少左宗棠即飭蔣益澧等各營水陸夾攻  
務須一鼓作氣迅克堅城此時金陵外城克復洪逆已  
如釜魚阱獸恐各處賊匪均無固志勢必紛紛逃竄且  
太湖廣袤數百里江浙路路可通尤須嚴密防維以免  
疏漏其廣德之賊恐與徽浙各逆互相聯絡是皖南一  
路根株殊難淨絕曾國藩左宗棠均須隨時兼顧免致

初編卷十五

五

臨時棘手蘇常各屬地方李鴻章飭各路守將認真防  
範毋稍大意左宗棠另片奏林正揚花旗一股已由閩  
回竄江西惟延建邵汀一帶盜匪素多急應速予誅鋤  
以清內患見在康國器之軍已抵邵郡張運蘭已由江  
西入汀州該督即飭令該員等各將邊境腹地匪徒迅  
速剿洗無任續有竄入閩省將吏如有不能得力者仍  
遵前旨嚴為甄汰均隨時與徐宗幹咨商會辦勿稍贖  
顧將此由六百里各諭令知之欽此

陳明覈減甯波府屬浮收錢糧摺

奏為覈減甯波府屬浮收錢糧恭摺奏祈

聖鑒事竊臣將紹興府屬地丁南米減定後即委戶部  
郎中候補知府顧菊生前赴甯波會同該管道府覈實  
查辦茲據顧菊生等稟稱甯波所屬定海一廳鄞縣慈  
谿奉化鎮海象山五縣共徵地漕銀二十三萬七千三  
十一兩零南米額徵本色米五千九百九十八石零折  
色米二萬五千二百九石零鳴鶴穿場清泉玉泉龍頭  
大嵩六場共徵電課銀七千四百四十八兩零查各屬

初編卷十五

五

浮徵之數雖不及紹興之甚而弊端亦在所不免當將  
各該廳縣場錢糧收納實數暨流攤各款逐細清查分  
別裁減除正耗仍照常徵解外計地漕項下共減去錢  
八萬九千二百五十八文南米項下減去本色耗米  
八百六十七石折色耗錢一萬三千九百零四文電  
課項下減去錢一千七百零八文共減錢十萬四千  
八百七十文文米八百六十七石自此定章之後從  
前以錢數收納者皆飭令統照銀數收納不准有大戶  
小戶之分其一切攤捐名目及道府各署陋規概行禁

革並擬請於正耗錢糧之外仍視各縣舊徵多寡每兩酌留平餘以為各該廳縣場辦公之用開送徵解留用數目清冊前來臣覆覈無異除飭將減定新章頒示各屬一體勒石遵守外嗣後官吏固不准藉添名目多取分文紳民亦不得稍違定章致形偏重務期年清年款積弊一除下裨民生上裕國課所有覈減甯波府屬錢糧緣由理合恭摺具陳伏乞

皇上聖鑒訓示再本年上忙業已開徵新章應從下忙為始其土忙淨收之數已飭令照數劃出撥歸賑撫之

初編卷十五

未

用合併陳明謹

奏同治三年六月二十七日

議政王軍機大臣奉

旨另有旨欽此

同治三年七月二十六日內閣奉

上諭左宗棠奏覈減甯波府屬淨收錢糧一摺浙省甯波各屬所徵地漕南米等項淨收之弊在所不免經左宗棠查明覈減將甯波所屬一廳五縣六場所存錢糧收納實數暨流攤各款除正耗仍照常徵解外其一切

攤捐各目及各項陋規槩行禁革其減去錢十萬四千有奇米八百餘石民困詎可稍蘇即著照所議辦理嗣後並著為定章永遠遵行其從前以錢數收納者悉令統照銀數收納不准有大戶小戶之分至地方官吏尤當潔己奉公剔除積弊如敢陽奉陰違添設名目格外需索及大戶不遵定章完納者即著該督撫查參懲辦以重國賦而恤民瘼餘著照所議辦理該部知道欽此

陳明江省減成米捐已飭停止裁撤片

初編卷十五

七

奏請援照湖北減成章程開辦米捐於江西省城設立總局飭前江西藩司李桓見任藩司孫長祜署鹽道沈元泰委員分赴各屬勸辦臣軍顧資接濟惟江西自本年以來兵事孔棘餉事愈艱見本省正擬開辦米捐浙捐未便同時並舉臣已飭停止將局裁撤其已收浙捐將來即彙由浙省軍需項下報銷其劉典王開琳王德榜等軍餉併由浙省解江支發合併陳明伏乞

聖鑒謹 奏同治三年六月二十七日

議政王軍機大臣奉  
旨該部知道欽此

初編卷十五

六

裕靖奏彙初編卷十六目錄  
攻勦湖郡安吉踞逆迭次苦戰情形摺  
進規湖郡迭次苦戰獲勝情形摺  
附陳日月山等處踞逆歸降並收復湖州城片

初編卷十六目錄

攻勦湖郡安吉踞逆迭次苦戰情形摺

奏為官軍攻勦湖郡安吉踞逆迭次苦戰尙未得手見  
籌辦理情形恭摺馳

奏仰祈

聖鑒事竊蔡元吉一軍將湖郡東南路袁家匯賊巢焚  
毀後即率所部進駐東埠堵逆黃文金見蔡元吉懸軍  
深入糾集悍黨於六月初八日起迭次攻撲蔡元吉營  
壘均經蔡元吉擊退初十日又分巨股繞出思溪雙福  
橋等處築壘以截蔡元吉餉道蔡元吉數次猛撲賊

初編卷一六

面迎拒一面築壘未能攻克温州鎮總兵劉連陞記名  
總兵彭大光副將蔣榮彩都司湯葆元遊擊李錦堂各  
率水師知府楊道洽率陸師於初十一等日急起披  
之四港又紛歧兩岸桑林蒨翳官軍前進賊以槍划數  
百四出抄襲且桑林中伏賊各擊洋槍由暗擊明各易  
取准官軍深入亡失頗多蔣益澧稟商飭署湖州府知  
府李邦達督鄧光明各營由東林山馳赴菱湖會合劉  
連陞水師進勦思溪劉梅元何培英等由林墟進擊長  
超山並調劉清亮一軍由分水駐紮頭以厚兵力十八

日復率親兵及賀國輝一營親赴菱湖督勦李邦達於  
蔣益澧未到之先十六日督鄧光明分三營紮孫家橋  
分一營紮鳳凰橋距雙福橋僅八里該逆乘槍划數百  
蜂擁來撲鄧光明飭各營一面築壘一面迎敵該逆倉  
舟登陸猛撲五次均經鄧光明擊退十九日蔣益澧抵  
菱湖二十一日即會合諸軍進勦飭李邦達督鄧光明  
各營攻思溪楊道洽率親兵洋槍隊護劉連陞等師船  
繼之高連陞率所部攻雙福橋黃鎮湘率內河師船扼  
荻港並緘約駐南潯蘇軍會合張景渠各營攻辰舍劉

初編卷一六

二

樹元率何培英各營攻成兆以掣賊勢是日黎明各軍  
分路齊進蔣益澧率親兵先抵思溪即飭鄧光明各營  
渡河分攻各壘該逆從桑林撲出鄧光明督隊奮擊賊  
敗走官軍乘勢進逼該逆伏於壘中密施槍礮鄧光明  
率各勇蛇伏而進將壘外花籬木椿拔棄一鼓突前壘  
已垂破忽援賊從左右樹林抄出鄧光明急撤隊迎敵  
壘賊亦趁勢來撲鄧光明奮威衝殺賊漸不支適劉連  
陞彭大光等師船駛近思溪賊以飛划迎敵因師船藥  
桶為賊火箭所著霎時煙燄飛騰各船回救為賊所乘

正危急開楊道洽率洋槍隊李邦達率親兵馳至蔣益  
澧亦麾親兵策應賊始收遁其雙福橋成兆晟舍等處  
各軍轟攻竟日亦未能得手二十二日水陸各軍專攻  
雙福橋該逆負隅不出二十三等日蔣益澧令鄧光  
明分三營偪蔡思溪楊道洽十營緊傍河邊築壘護以  
水師二十五日飭鄧光明各營爲第一隊劉清亮等爲  
第二隊高連陞等爲第三隊蔣益澧率親兵爲第四隊  
更番迭戰該逆鼠伏不出相持至未申之交堵逆黃文  
塗率悍黨數萬拚死來犯官軍分投迎敵蔣益澧飛馬

初編卷十六

三

馳往與高連陞督同賀國輝謝茂勝等併力猛戰洋槍  
隊連環轟擊逆黨紛紛敗退時已薄暮各軍正擬收隊  
該逆復大股衝出蔣益澧高連陞四馬陷陣各將弁一  
齊向前衝殺立斬大旗悍賊十餘名賊始潰敗是日塵  
戰六時斃賊無算而官軍帶傷者數百人陣亡者數十  
人副將銜參將翁桂秋及鄧光明所部營官周大受俱  
被槍傷蔣益澧戰馬亦幾爲槍子所洞時洋將德克碑  
見官軍連日苦戰願率所部洋槍隊並淺水輪船前來  
助剿二十七日蔣益澧率親兵攻思溪令高連陞德克

碑攻雙福橋劉樹元攻晟舍三路齊進該逆憑河死拒  
不出德克碑用開花礮向雙福橋轟攻半日亦未得手  
蔣益澧隨於思溪雙福橋之間令高連陞偪蔡五營鄧  
光明於雙福橋河邊添築一壘並飭馬雲標一營於大  
河沙洲駐紮以防賊船從後抄襲二十八九至初二日  
各軍奮力猛攻距蔡元吉營僅一河之隔因對岸賊營  
環迫未能得達而蔡元吉各營自六月初十日起晝夜  
塵戰歷二十餘日糧已垂盡士氣未衰其勢甚危其志  
可憫見調省城防兵令署杭州協副將徐文秀遊擊

初編卷十六

四

王東林等馳往並飭水師總兵楊政謨一營助之然地  
險賊眾尙未卜能解此重圍否此賊圍東埠水陸各軍  
迭次猛戰尙未解圍之實在情形也其楊昌濬進扼銅  
嶺一軍於孝豐攻克後卽會同總兵周廷瑞於六月十  
八日分路進攻安吉周廷瑞攻西北兩門楊昌濬攻東  
南兩門楊昌濬所部各營銜枚疾進行抵城下天猶未  
曙各勇將濠外花籬竹籬拔去梯城而上將及城堞賊  
始驚覺急率悍黨死拒槍礮如雨副將銜參將朱尊賢  
攻破東門橋堅卡首先搶上礮臺立斬悍賊三名忽爲

洋礮所中陣亡都司陳壽照亦受重傷總兵羅大春道員朱明亮等應軍猛攻逾時迄未得手此西路各軍進規安吉猛戰未克之實在情形也竊維湖郡北濱太湖東南則港汊紛歧桑林翁嶼西南則嶺路複雜峻峭最艱故歷代取吳興皆由太湖廣德長興進兵以地勢順而糧道便也此次浙軍由東西南三面進取攻勦數月未能剋期蕝事實地勢有以限之安吉居萬山中負城數里野竹成林飛鳥不入官軍進取為難守亦不易此臣前奏所以有緩攻安吉先攻梅溪之議也然欲攻梅

初編卷十六 五

溪非蘇師進攻四安不足以分賊勢已與江蘇撫臣李鴻章函商及之昨接孝豐守軍飛報據金陵逃出難民供偽幼主洪福瑱於六月二十一日由東壩逃至廣德二十六日堵逆黃文金迎其入湖州府城查湖州守賊黃文金楊輔清李遠繼等皆積年連寇賊數之多約計偽幼主為名號召賊黨則其勢不遠他窺可知且江西兵力漸集李世賢汪海洋諸逆如不得逞於江西則遁入浙間復與湖州踞逆相首尾亦未可知臣惟有與會

國藩楊岳斌李鴻章沈葆楨慎以圖之以冀稍紓宸廑所有此次力戰陣亡之副將銜浙江補用參將朱尊賢克復餘杭計功應保總兵合無仰懇天恩飭部照總兵陣亡例議卹以慰忠魂其餘陣亡員弁容俟查明彙案請卹理合恭摺出驛六百里馳奏伏乞

皇上聖鑒訓示施行謹

奏 光緒二年七月初六日

議政王軍機大臣奉

初編卷十六 六

旨另有旨欽此 議政王軍機大臣 字寄 欽差大臣協辦大學士兩江總督一等侯曾國藩開浙總督兼署浙江巡撫左宗棠督辦江西皖南軍務陝甘總督楊岳斌江蘇巡撫一等伯李鴻章江西巡撫沈葆楨同治三年七月十五日奉 上諭左宗棠奏攻勦湖郡安吉之踞逆疊戰尙未得手見籌辦理情形一摺據稱賊在思溪雙福橋等處築壘聚元吉東埠營盤被圍屢次猛撲未能得手蔣益澧

抵菱湖會合諸軍進勦李邦達等營攻思溪高連陞等攻雙福橋等處逆壘分隊進逼更番疊戰該匪鼠伏不出官軍頗有傷亡蔣益澧復親攻思溪洋將德克碑亦用開花礮助攻雙福橋均未攻拔左宗棠見調省城防兵令副將徐文秀等水陸往救並據報稱金陵逃出之偽幼主洪福瑱於六月二十一日由東壩逃至廣德二十六日堵逆黃文金迎入湖城爲號召賊黨之計等語蔡元吉一營孤懸東埠逆賊圍之數重該營糧已垂盡而士氣未衰亟應乘勢合擊以解重圍洪福瑱諒卽

初編卷十六

七

洪福瑱昨據會國藩奏洪福瑱積薪自焚茫無實據似已逃出偽宮李秀成供曾經挾之出城後始分散其爲逃出已無疑義湖熟防軍所報斬殺淨盡之說全不可信著會國藩查明此外究有逸出若干並將防範不力之員弁從重參辦此犯已至湖州必將號召羣逆爲爪踞之計左宗棠正可督飭蔣益澧等令其激勵各軍許以重賞果能一鼓攻拔將洪逆及堵逆等悉數殲除則東南全就肅清朝廷必當破格施恩若遷延日久或令他竄亦必重治其罪不能因前曾立功稍從寬貸也此

次力戰陣亡之副將銜參將朱尊賢著照總兵陣亡例議卹以慰忠魂其餘陣亡員弁仍卽查明請卹楊昌濬攻安吉之師旣不得手著卽令其先攻梅溪並著李鴻章督飭派出各軍力攻四安以分賊勢前派往金陵之礮隊等一萬餘人俱係精銳或派往四安或分赴廣德均可期其得力該撫向來不分畛域左宗棠亦非妒功忌能之人卽著李鴻章督令諸將弁認真助勦以收廓清之效並一面分兵嚴防湖賊旁竄各路廣德地屬數省衝要歷代規取吳興多由於此從前各路無兵可分

初編卷十六

八

是以未能派兵駐守以致偽幼逆及黃文金等往來無阻見在江甯得勝兵將甚多昨據會國藩奏述李秀成供內有廣德不攻自遁之語可見廣德見在並非無賊著會國藩多撥精銳派得力將弁帶赴廣德攻勦如賊已遁去亦卽力扼要衝以免湖逆出竄皖南爲江西後路之患左宗棠李鴻章均應設法兼顧嚴密兜圍勿令旁竄江西兵力此時亦已厚集李世賢汪海洋諸逆不得逞志於江西則將遁入浙閩與湖州踞逆相首尾且聞洪幼逆尙在難保不死灰復然楊岳斌沈葆楨亦當



督飭諸軍妥慎防勦均須各就本地盡力勦除勿貽後患俾東南諸郡全就盪平以副委任將此由六百里各諭令知之欽此

初編卷十六

九

進規湖郡迭次苦戰獲勝情形摺

奏為官軍進規湖郡迭次苦戰獲勝見籌辦理情形恭摺馳

奏仰祈

聖鑒事竊湖州東南路蔡元吉一軍被賊圍逼情形經臣奏明在案蔣益澧馳抵菱湖後親督各營奮力攻勦自六月二十一日至二十九日冒暑鏖戰賊惟憑壘堅拒穴牆施放槍礮子密如雨迄未得手七月初二日蔣益澧於思溪雙福橋之間搶搭浮橋三座以通蔡元吉

初編卷十六

十

各營接濟適署杭州協副將徐文秀遊擊王東林兩營馳至蔣益澧即飭提督劉清亮知府李邦達楊道洽及鄧光明各率所部攻思溪徐文秀王東林繼之總兵劉樹元督何培英各營及洋將實德稜花勇攻成兆雙福橋蔣益澧自率親兵及提督高連陞副將李運榮參將陳武職遊擊賀國輝李世祥馬雲標等分兩隊嚴陣以待飭洋將德克碑率所部花勇沿河排列助戰並以淺水輪船載開花礮泊於河汊對思溪八角亭賊壘轟擊各營一面將竹筏搭架甫至中流賊壘洋槍齊發勇丁

蚨漾分三營並花勇駐守以湘軍師船護之令楊政謨  
師船進泊八角亭以德克碑日意格淺水輪船佐之十  
三日楊政謨彭大光會同日意格由荻港正河用開花  
礮轟攻袁家匯賊壘高連陞王東林李運榮陳念親由  
荻港渡河進擊袁家匯街頭蔣益澧督徐文秀賀國輝  
分帶水師礮船由湖蚨漾對攻袁家匯賊壘梁山黃  
鎮湘率師船分扼湖尾支港官軍三路齊進百礮齊轟  
羣賊鼠伏壘中抵死不出官軍環攻三時將傍街賊壘  
及賊踞房屋轟塌大半斃賊無數當各軍酣戰時蔡元

初編卷十下

士

吉見賊勢趨重袁家匯一路當挑奮勇五百君隨遊擊  
楊應龍由思溪突圍而出將至河邊逆賊從左右層層  
抄截楊應龍奮威衝殺手刃數賊力竭陣亡蔡元吉所  
部營官楊成棟向得勝亦同歿於陣勇丁僅衝出百餘  
人蔣益澧以思溪一路既經蔡元吉派隊衝出儻賊知  
蔡元吉一軍虛實圖必益急當飭各營竟夜奮攻袁家  
匯賊壘以掣賊勢一面率親兵及楊道洽所部馳往雙  
福橋長生橋一帶策應是夜三更蔡元吉竟從東埠兜  
水三道衝出重圍所部勇丁及楊應龍營勇隨同衝出

遇伏兵四起大潰官軍一齊猛進立將踞街逆黨殲除  
殆盡當陸師鏖戰時賊划由水路齊出劉連陞率師船  
迎敵賊敗走官軍乘勢追擊伏賊從桑林用洋槍暗擊  
子貫劉連陞右額師船稍卻蔣益澧一面飭高連陞進  
紮一面調湘軍師船泊荻港護之該逆忽以槍划載悍  
賊各擊洋槍由支港抄我師船之後勢將不支蔣益澧  
疾率大隊由南岸馳至賊始駭遁是夜賊復率死黨分  
數路來撲均經蔣益澧擊走之初八日蔣益澧飛調洋  
將德克碑日意格淺水輪船赴荻港會剿並令高連陞

初編卷十六

主

賀國輝王東林等各率所部至荻港是日申酉之交一  
齊向前衝殺輪船巨礮同時轟發該逆猝不及備正欲  
拚死抵拒各勇已拔籤越濠而入立斃壘中悍賊六七  
百名餘賊偪溺無算將荻港賊壘三座次第攻克斃賊  
無數是夜有賊目偽天安譚世友鍾大旺率長龍舢板  
戰船十號赴蔣益澧軍前乞降十一日蔣益澧親督徐  
文秀謝茂勝乘師船四十餘號由荻港繞出太湖察看  
地勢突遇逆賊槍划數十飛駛而來蔣益澧當飭各勇  
以洋槍排擊斃賊無算紛紛退去官軍遂乘勝駛入湖

受傷多名水師副將蔣榮彩及鄧光明所部水師營官彭開壽仍奮勇前進各軍復於對岸發巨礮助之賊死拒不退各勇爭先搶入至離岸三文餘賊槍礮愈密勇丁傷亡愈多水師營官蔣榮彩黃鎮湘彭開壽陸師營官李世祥均受重傷蔣益澧復用飛划渡德克碑花勇及李運榮一營過河偪岸攻擊李運榮所部未及抵岸花勇先進遇伏賊槍礮而卻其劉清亮等會同水師總兵劉連陞彭大光攻思溪賊壘鏖戰半日亦未得手計是日官軍陣亡者百餘名受傷者數百名生擒賊供堵

初編卷十六

十三

逆黃文金親來決戰亦被洋槍子傷其左肩是戰悍賊約共斃六七百名其受傷者則不可數計矣蔣益澧因思溪雙福橋等處勢難力攻擬由袁家匯荻港出湖峽以達長超山徑襲逆賊後路初六日飭高連陞率賀國輝王東林席得元陳念親等進紮荻港之中洲飭徐文秀扼紮雙堂子初七日黎明蔣益澧率親兵三哨赴荻港督戰時高連陞賀國輝王東林已率陸師進薄前面賊壘楊政謨劉連陞各率師船會勦賊憑卡死拒不出高連陞飭各勇佯作疲憊之狀誘之該逆一鼓突出

者不及千人飢疲不堪詰其近况知馬贏食盡後剝桑皮煮食者六七日士卒感大軍援救之德雖餓不能起無一人附賊者其伏匿草間積屍之下賊退復歸伍者復四百餘人是日蘇軍及已革道員張景渠等又將晟舍賊壘又經官軍攻破意氣沮喪十六夜思溪雙福橋等處踞逆均紛紛退竄劉清亮劉樹元李邦達於是夜初更時各率所部潛坐划船過河大呼殺入該逆遠將浮橋折斷其未及過浮橋者官軍刀斫矛刺約近千

初編卷十六

十四

名其迫溺而斃者不計其數當將賊營數十座一律踏毀現劉清亮李邦達鄧光明各營已移紮亭子橋進攻長超山踞賊高連陞等水陸各營會同洋將德克碑進攻袁家匯能速奪此兩隘則東路東南路乃可徑抵城根此湖州各軍迭次苦戰獲勝實在情形也臣維湖州地勢守易攻難逆賊東踞長超山昇山袁家匯西踞楊家莊梅溪四安安吉西北踞廣德州南扼妙善和平兩鎮以爲犄角賊勢雖感而地險人眾難以偪圍見在蘇軍之距城最近者爲大全湖口之水陸各營浙軍之最

近者爲東路日月山各營此外皆相距二三十里十餘里也蘇軍自克晟舍後北路西路日事鏖戰李鴻章毅然以攻取廣德州爲己任尤爲制賊要著大局既合長圍之勢已成逆賊雖暫肆鴟張檻獸釜魚遲速有必滅之理所慮者局勢尙寬非若一城之可鎖圍而待其自困臣與李鴻章雖嚴督各軍漸逼漸近以收節短勢險之效察看機局尙未能一時就緒而旬日以來逃出難民及投誠之偽目等皆言爲幼主因初二日之戰畏懼頗甚逃避廣德州黃文金遣其弟僞值王黃文英護之

初編卷十六

五

各處賊館多豫備乾糧似有急竄之意蘇浙兩軍自湖城北面以東及東南一帶水陸合成長圍尙無罅漏惟西路山嶺復峻路徑紛歧地勢闊遠又安吉一城尙稽克復其緊鄰之甯國縣並無防兵儻賊竄甚速誠恐防不及防必致蔓延地方又成不了之局幸連接各路咨稟江西賊勢經官軍疊次痛勦腹地漸就廓清臣軍之援江者除劉典一軍業經跟蹤追勦外其王開琳王德榜兩軍於攻克東鄉後還駐弋貴之交可就近調赴婺源馬金一帶與浙師聯絡其提督黃少春一軍及總兵

劉明燈副將劉明珍等各營臣前因江西各賊被勦緊急防其入浙閩邊界令其移駐常山江山邊隘相機截勦茲江西賊勢已衰浙閩邊隘無警見飛調移駐嚴州相機分撥備迎頭攔勦之用如能仰仗

天威全股蕩平東南底定臣自當會同江蘇撫臣恭摺馳報若僅收復湖州府城各營當即躡蹤緊追不准居以爲功也此次力戰陣亡之補用遊擊楊應龍克復海甯桐鄉案內計功應保參將因力援東埠營盤血戰捐軀實堪悼惜合無仰懇

初編卷十六

六

天恩俯准飭部照副將陣亡例議卹傷後身故之副將蔣榮彩杭餘克復案內擬保總兵茲以傷重於二十三日身故應請

飭部照總兵陣亡例

賜卹以慰忠魂其餘傷亡中外各弁勇俟查明彙單請卹至候選同知蔡元吉久困重圍忍飢血戰斬擒悍賊最多雖所部傷亡千餘名亦大局無礙應否免其置議之處出自

天恩所有迭次苦戰獲勝見籌辦理情形謹由驛馳

奏伏乞

皇上聖鑒訓示施行謹

奏同治三年七月二十九日

議政王軍機大臣奉

旨另有旨欽此

附陳日月山等處踞逆歸降並收復湖州城片

再正拜摺聞復接蔣益澧飛稟自官軍備紮日月山亭

子橋東埠長超山麓後二十五日湖州城南門守賊偽

天將陳學明率千餘人來降二十六日長超山踞壘賊

初編卷十六

七

目偽天將陳姓及姚姓劉姓以所轄三壘之眾來降是

日日月山守將劉樹元會同蘇軍猛攻昇山賊壘拔之

收隊復瞭見湖州城中火光燭天而袁家匯賊壘亦有

竄動形迹劉樹元已率所部先進蔣益澧亦即拔隊猛

追甫兩時許蔣益澧遣弁飛報湖州踞賊已於是夜開

西門竄出劉樹元已率所部入城所有收復湖州追勦

竄賊情形容即查明

奏報伏乞

皇上聖鑒謹

奏同治三年七月二十九日

議政王軍機大臣奉

旨另有旨欽此

議政王軍機大臣 字寄

欽差大臣協辦大學士兩江總督一等侯曾國藩閩浙

總督兼署浙江巡撫左宗棠陝甘總督楊岳斌兩廣總

督毛鴻賓江蘇巡撫一等伯李鴻章江西巡撫沈葆楨

福建巡撫徐宗幹署廣東巡撫郭嵩燾同治三年八月

初八日奉

初編卷十六

六

上諭楊岳斌等奏收復宜黃克復南豐詳細情形克復

新城大槩情形王文瑞一軍在槎路口等處獲勝陳炳

文等投誠請賞虛銜頂帶毛鴻賓等奏勦辦戴梓潰一

股斬馘極多請飭曾國藩嚴防贛南並嘉應石坑堡鄉

民械關派兵彈壓各摺片覽奏均悉官軍收復宜黃並

南豐縣城亦經霆字等營克復辦理均極得手所有出

力人員著准其擇尤保奏惟敗匪上竄廣昌甯都已偏

南贛其東鄉金谿敗匪見聚瀘溪新城南贛甯三府州

毗連閩粵楚南楊岳斌等已派鮑超進勦新瀘防賊久

閩王開琳等同駐弋陽貴溪以備浙西敗賊句結楊岳  
斌不日馳赴贛甯調度著卽飛催劉典等繞出賊前扼  
要兜擊並令席寶田等跟蹤追剿以期一鼓聚殲無任  
再有竄逸克復新城詳細情形仍著查明具奏湖州業  
經克復浙西賊恐復上竄並著責令王開琳王德榜以  
勤爲防勿稍疏懈陳炳文等投誠既屬真心悔罪自應  
網開一面准予自新所請獎賞參將等銜未免過優惟  
念該降人等尙知順逆且以激勸未降各股是以俯如  
所請本日已明降諭旨照准楊岳斌等當傳知該降眾

初編卷十六

九

等俾知感奮圖功如續有勞績仍准保獎但其人數在  
數萬以上稟請遣散後患必多是否酌留效力未據聲  
明其洋礮等件曾否呈繳均著飭令鮑超等妥爲經理  
李世賢汪海洋見在何處此二逆必須殲除方免滋擾  
鄰省之患宜黃之賊屢犯槎路口交湖經王文瑞三次  
痛剿茲復往撲甯都著卽催督各軍四面截殺敗匪上  
竄廣昌甯都已偏南嶺若開此一路縱令入粵又成不  
了之局本日據毛鴻賓等奏請控制贛南自係目前切  
要之圖著會國藩楊岳斌等飭令派出各軍繞前截擊

務須就地殲除能否增兵繞越甯都石城一帶扼賊南  
竄並著會國藩等酌度辦理毛鴻賓等亦當派兵出境  
防堵不得任其闖入其竄甯都之賊與閩省切近左宗  
棠徐宗幹務飭練兵認真設防遇賊卽擊張運蘭已取  
道嘉應赴閩卽著令其迅速前進擇要駐紮毋令一賊  
竄入閩境毛鴻賓奏勦辦客匪僞軍師戴梓潰一股餘  
匪退入五坑五坑爲客匪所居山深林密經卓興等進  
剿獲勝傳言戴逆已死於亂軍之中著該督撫仍飭卓  
興查明戴梓潰實在下落並將餘匪一併殲滅勿使再

初編卷十六

十


有句結所有在事出力文武員弁准其擇尤保奏毋許  
冒濫嘉應州石坑堡溫陵等姓因事挾嫌械鬪溫姓子  
弟復句通揭陽匪首溫亞喬等率黨相助長樂與甯二  
縣亦有械鬪之事毛鴻賓等已派吳贊誠會同地方官  
查拏懲辦著卽責令妥爲辦結不得草率了事毛鴻賓  
另摺奏總兵勒福患病已降旨准其開缺並將草與一  
員簡授爲南韶鎮總兵矣另片一件留中正在寄諭聞  
左宗棠奏官軍進規湖郡迭次獲勝另片奏據蔣益澧  
稟報湖郡踞賊夜開西門竄出劉樹元已率所部入城

等語湖州克復昨已據李鴻章奏報仍著左宗棠將詳細情形查奏洪福瑱逃避廣德李鴻章所派之軍力攻州城自未可稍涉鬆懈著曾國藩左宗棠李鴻章督飭各軍務將該逆擒獲毋令漏網湖州收復後賊由西門出竄究竟已竄何處著左宗棠李鴻章查明具奏一面飭令蔣益澧等會同蘇滬各軍躡蹤緊追不得任其紛竄致令死灰復燃辦又形棘手四安柳溪等處踞賊尙多李鴻章當飭各軍節節掃蕩以期漸次肅清湖州力戰陣亡之遊擊楊應龍著照副將陣亡例議卹傷後

初編卷十六

三

身故之副將蔣榮彩著照總兵陣亡例議卹以慰忠魂同知蔡元吉所部雖多傷亡念其久困長圍忍飢血戰著免其置議將此由六百里各諭令知之欽此



恪靖奏稿初編卷十七目錄

查明浙省失事應辦武員分別定擬摺

截剿竄賊大獲勝仗情形摺

奏報截剿竄賊獲勝全浙肅清情形摺

附陳起獲黃逆屍首梟示情形片

附陳杭城餘匪竄出情形片

浙餉支絀欠解甘餉無從籌撥摺

浙軍出境追剿連獲勝仗情形摺

附陳提訊忠逆之子李士貴口供賊情片

初編卷十七目錄

覆陳杭州殉難大員死事詳細情形摺

乍浦頭圍二口未能啟徵情形摺

擬請温州關稅暫由溫處道徵解摺

議請兩浙商鹽試行運票摺

奏報賊竄閩疆撥兵援剿摺

請飭浙江撫臣速赴本任片

附陳漳賊雖退龍巖仍應速援片

懇准提督回籍調養傷疾摺

陳明浙江提督委員署理帶兵援閩片

查明浙省失事應辦武員分別定擬摺

奏為查明浙省失事應辦武員分別定擬具

奏仰祈

聖鑒事竊照浙江省城二次失守各屬相繼淪陷所有失事文職各員業經分別定擬罪名先後具

奏在案其陸續投到武職各員俱經<sub>臣</sub>飭司訊取確供

彙案詳辦茲據布政使蔣益澧代辦按察司林聰彝會

詳稱查有已革前署處州鎮總兵台州協副將特保已

革前杭州協副將王邦慶前代辦撫標中軍參將衢州

初編卷十七

一

城守營都司陞用參將林奎已革前提標中軍參將世

襲騎都尉兼雲騎尉博忠四員或兩次失陷咎無可辭

或雖著微勞功不掩過或暫代人員並未接印或隨同

攻克並復鄰封情節各有不同均經逐一訊擬取具各

該員親供具詳前來<sub>臣</sub>細加覆核酌其情罪重輕分別

定擬摘敘案由開單恭呈

御覽理合恭摺具

奏伏候

皇上訓示施行謹

奏 同治三年八月二十二日

謹將浙省失守武職各員摘敘案由分別定擬開單恭

呈

御覽

已革前署處州鎮總兵台州協副將特保

查該署鎮先因出境防堵被賊竄陷處州府城當即馳

回克復嗣因眾寡不敵城池復陷該署鎮招集兵勇隨

同各軍奮力攻勦旋即規復郡城及青田縉雲等縣事

後尙知愧奮惟專閩大員不能嬰城固守兩次失陷咎

初編卷十七

二

無可辭業經革職應請

旨發往軍臺効力贖罪

已革前杭州協副將王邦慶

查該革將於杭州初次失守據稱督兵巷戰眾寡不敵

保守內城前將軍<sub>臣</sub>瑞昌令催援軍隨同克復旋經<sub>臣</sub>

瑞昌札飭仍回杭州協本任交卸後又經前撫<sub>臣</sub>王有

齡查無聞警退避情事委令稽查城<sub>州</sub>嗣復派撥東陽

縣白峯嶺卒因回援縣身受重傷就近赴台調養而

台屬亦相繼淪陷該革將在天台鄉間激勸民團會同



官紳督率練勇先後克復天台台州府縣兩城並紹屬  
之新昌縣城雖屬著有微勞惟該革將所稱迎催援軍  
奉飭回任及委查城廂等事均無文札可憑且該革將  
以二品武職人員不能力扼兇鋒省城被陷後復失守  
嶺防功不掩過經業革職應請  
旨發往軍臺效力贖罪

前代辦撫標中軍參將衢州城守營都司陞用參將林  
奎

查該參將內在省城專辦軍需火藥嗣因前署撫標中

初編卷十七

三

營參將林台三赴台查辦土匪前撫臣飭委該參將暫  
行代辦並未接印仍司督造軍火為時未久賊即圍城  
卒至糧盡援絕勢不能支致被竄陷該參將在火藥局  
遇賊抵禦身受重傷遇救出城即赴定海隨同各軍先  
後克復鎮海甯波兩城著有微勞雖省垣不守本屬罪  
無可寬惟該參將係暫代人員並未接印專司督造火  
藥與督兵防剿者不同應請

旨革職免其治罪

已革前提標中軍參將世襲騎都尉兼雲騎尉博忠

查該革將甯波府城失陷時曾經受傷其妻妾均在  
城內殉難一子隨同抵禦被擄無蹤並無棄城先遁情  
事事後招集兵勇隨同各軍先後克復鎮甯波府城縣  
城並紹屬之餘姚縣城尚知愧奮業經革職應請  
旨免其治罪

初編卷十七

四



截剿竄賊大獲勝仗情形摺

奏為官軍截剿竄賊大獲勝仗恭摺馳  
奏仰祈

聖鑒事竊賊竄瀘安成坪蜀口等處官軍初八初十日  
截剿疊獲大勝羣賊退距瀘安所轄唐村黃金嶺一帶  
十一日副將劉明珍派參將黃本富遊擊賴長率所部  
踰雲嶺進攻汪川壁下賊巢破之斬騎馬賊目十餘名  
斃賊五六名生擒二十餘名十三夜探報唐村黃金嶺  
之賊欲分三路越嶺竄逸十四日味爽黃少春遂飭副

初編卷十七

五

將張福齊周紹濂率所部夾徽港而上會合先駐街口  
之遊擊黃元吉羅順成兩營扼防安徽歙縣所轄小川  
飭副將李良平參將伍正得等進剿黃金嶺自率中營  
及總兵劉明燈道員李耀南參將馬復震遊擊劉昌選  
等步隊總兵楊芳桂都司伍先申馬隊由六都橫出洪  
池並約副將劉明珍率所部四營由雲嶺以躡唐村之  
後各軍分路齊追縱橫決盪賊勢不支紛紛  
潰竄官軍乘勝追殺陣斬及墮崖死者約計四五千名  
生擒千數百名拔出難民萬餘奪獲騾馬三百餘匹旗

幟軍械無算常將黃金嶺唐村洪橋頭洪池等處五十

餘里賊館全行掃蕩追至歙瀘交界之門嶺始收隊還  
時劉榮合等四營亦由昌化躡蹤追至將沿途尾賊搜  
斬淨盡是日午刻張福齊周紹濂羅順成黃元吉等甫  
抵小川賊之前隊五千餘人已由歙境大洲源繞出建  
口過河各營截殺數百人後股又至官軍排礮轟之賊  
向原路退去黃少春聞賊由建口過河當率中營及伍  
正得彭俊光李良平馬復震伍先申等取道遂安新橋  
昏口一帶迎擊並飭李耀南楊芳桂會同劉明燈馳赴

初編卷十七

六

街口米灘截剿後股竄賊十五夜逆賊大股復圖由建  
口涉淺而渡已過萬餘人其未過河者尚不下二萬人  
正向上下兩灘搶渡各營馳至分投扼堵副將唐連勝  
師船往來轟擊塵戰一時賊不得濟劉明燈張福齊周  
紹濂劉昌選黃元吉羅順成等各率五成隊從上灘過  
河繞出賊後李耀南等從下灘過河兩路夾擊賊大敗  
適皖南鎮總兵唐義訓所部亦由歙南深渡馳至唐連  
勝師船復排礮向山口轟擊各軍四面兜殺逆賊無路  
奔逃陣斬偽列王邱國文等賊目數十名賊黨五六千

名生擒偽列王黃吉建及偽天將朝將等賊目二十餘名賊黨三千餘名其被剿窮賊向劉明燈張福齊黃元吉等馬前跪伏乞降者約五千餘人向唐連勝營中乞降者一千餘人奪騾馬三千餘匹軍械八千餘件據投城賊目僉供首逆范汝增經官軍追剿身被數矛落馬從賊拚死搶去不知生死其馬及偽照已為官軍所獲餘逆向績溪一路翻山遁去者僅數百人後路已無賊蹤其先由歙境建口渡河一股十七日翻雪嶺竄至遂安章村郭村一帶黃少春亦于是日馳抵遂安十七都

初編卷十七

七

十八日即率各營進剿甫抵方村地方突遇賊大股由東亭村中衝出黃少春當飭各營分路迎敵鏖戰兩時右旗旗官遊擊彭俊光中營哨長賀潤蘭彭在上首先陷陣彭俊光身受矛傷伍先申李良平張介和復齊獲賊陣賊潰走官軍追過郭村殺賊千餘名生擒數百名奪賊馬三百餘匹羣賊翻山向昏口而遁適馬復震伍正得率所部進剿途與賊遇鏖戰四時殺賊無算官軍亦傷亡百餘人黃少春派彭俊光伍先申所部馳往策應賊已奪路向遂安十六都而竄偽列王蕭雅泗劉得

義等率偽天將朝將等賊目百餘人賊眾二萬餘赴黃少春軍前乞降黃少春受之現已分別挑留遣散此十四十六十八等日各軍截剿竄賊大獲勝仗實在情形也計逆賊由湖州廣德甯國上竄浙軍節節截剿擒斬解散投誠者人數實二十餘萬前後共奪獲騾馬至六千餘匹之多大偽印約千數百顆大小洋鎗亦數千件其隨逆逃竄黨夥不過萬餘皆係堵逆昭逆偕逆敗殘之餘能戰者不過數千而已其粘逆李遠繼自甯國敗竄後收殘黨千餘此次聞劉得義等投誠其黨一

初編卷十七

八

聞而散李遠繼隻身遁走現洪幼逆等已繞由遂安昏口橫沿大溪邊一路逃竄黃少春已於二十日率所部躡踪緊追官軍可迎頭截擊者尙有駐馬金街之劉明珍一軍駐婺源之王開琳王德榜兩軍又准楊岳斌沈葆楨來咨已商撥劉典一軍赴婺源截擊臣已飛咨劉典於廣信一帶迎剿此股或可悉數殲夷所有截剿竄賊迭獲大勝情形理合由驛六百里馳奏伏乞皇上聖鑒訓示施行謹

奏 同治三年八月二十五日

議政王軍機大臣 字寄閩浙總督兼署浙江巡撫左宗棠同治三年九月初三日奉

上諭左宗棠奏官軍截剿竄賊盛獲大勝情形一摺覽奏均悉消安等處竄賊踞唐村黃金嶺一帶經黃少春等痛加掃蕩追至歙清交界地方接斬淨盡其前隊之賊由建口過河復經官軍分路夾擊擒斬賊目甚多該逆窮蹙乞降者五千餘人其向績溪翻山遁去者僅數百名著仍督飭諸軍奮力追剿以清餘孽投誠賊眾妥

初編卷十七

九

為安置前據奏報洪福瑱頭髮鬚裝扮洋人意圖混竄現在祐逆李遠繼因黨已紛散隻身遁走洪幼逆等已繞由遂安昏口一帶逃竄著左宗棠懷遵疊次諭旨檄令劉明珍等軍嚴密購捕務在必獲以膺懋賞斷不可任令免脫祐逆逃往何處並著嚴飭諸軍認真追捕劉典等已由楊岳斌派赴徽甯扼守要隘著即速飭令將此股賊匪迎頭截擊務期悉數殲除毋令再擾江境又成蔓延之勢將此由六百里諭令知之欽此

奏報截剿竄賊獲勝全浙肅清情形摺

奏為官軍截剿竄賊大獲勝仗浙省全境肅清各營出境追剿恭摺馳

奏仰祈

聖鑒事竊該逆於八月十四十六十八等日迭次痛剿偽列王劉得義等率眾投誠後餘賊均由遂安昏口黃沿一路竄走總兵王開琳道員王德榜聞賊偏遂安即各率所部由婺源馳赴開化華埠截剿副將劉明珍十九日馳抵馬金街即飭參將黃本富遊擊張成元賴長

初編卷十七

十

劉昆宗分路出昏口截擊斃賊數百名生擒二百餘名羣賊繞竄開化七都村頭二十日劉明珍率各營追至頭村三路縱擊斃賊無算陣斬偽享王劉裕鳩及偽天將謝元美李有才偽朝將李世華甯天義柯林等賊目數十名並獲偽享王銀印一夥騾馬三百餘匹時賊前隊已由二三都闖入開化縣城以一股牽拒追軍一股直向華埠玉山七都竄去劉明珍急率各軍追剿黃少春亦派總兵楊芳桂率馬隊馳至二十一日合軍齊抵開化城下賊匪不出劉明珍偽退誘之賊悉眾來撲

甫近山邊伏兵突起賊駭而奔官軍乘勢追殺俘斬多名是日王德榜一軍由婺源馳至黃夜會合劉明珍所部各營分路進擊賊不能支急向華埠一路竄逸適王開琳先飭總兵丁長勝副將羅瑞山郭德馨參將康榮詔四營於二十一日午刻馳抵開化白渡截之賊前股已向玉山七都球遁去後股正從開化而來官軍嚴陣以待該逆衝突數次經羅瑞山手刃騎馬賊目數名康榮詔復督隊用鎗礮轟擊斃賊千餘生擒二百餘名奪騾馬二百餘匹賊無路可逸是夜偽天將汪仁和等率

初編卷十七

十一

黨四五百人赴康榮詔營中乞降二十二日王開琳王德榜劉明珍等軍追至華埠見賊悉由小路竄七都球劉明珍當率所部馳赴常山出草坪關古城截擊王開琳王德榜等跟蹤急進未刻行近七都球詞賊後股尙屯村內卽磨軍衝入花旗悍賊數千尙拚死擊洋鎗拒戰相持兩時官軍大隊齊進縱橫痛擊斃悍賊數百名賊勢大潰紛紛奪路狂竄一向玉山一向江山而遁王德榜王開琳等分路追擊沿途斬馘不計其數是日劉明珍馳抵常山預飭張成元率所部於草坪設伏待之

廿三日天甫黎明該逆果大隊擁至官軍突出奮擊賊卽退竄黃本富賴長復率所部從後邀截斃賊二三百名賊見官軍緊逼猝不可脫拚死向前衝突正鏖戰間劉明珍督隊馳至橫貫賊陣將賊截爲兩段前股翻山向江山邊界而竄後股偽方王早王等均被官軍擊斃餘黨數千偽天將胡元興熊開玉陳高勝陳左祥偽天福周國玉等率之伏地乞降劉明珍受之一面將降眾分別留遣一面飭黃本富等疾趨江山新塘邊截剿適賊正圖由江山西鄉等處繞竄石門峽口廿四日黃本

初編卷十七

十二

富督隊由新塘邊馳擊王德榜亦率所部追至賊望風而潰是夜有偽天將方福泰偽天義詹福龍陸義泛偽天福李金星劉三元丁天福等率黨數千赴王德榜軍前乞降廿五日黎明前隊粵賊訶知率眾回殺適總兵蕭得龍副將戴奉勝所部馳至迎擊王德榜復派王德權何秀清黎榮李運勝鍾元興哈必發等督隊分路齊進蕭得龍戴天勝陣擒生賊前知騎馬黃衣賊目二名一爲洪幼逆之堂兄洪元珍一爲偽王宗李金信當卽馳馬衝入賊陣斬之餘賊驚潰趨磨豐官軍乘勢

追殺斃悍賊數百名奪驃馬二百七十餘匹偽印八十  
三顆當王德榜一軍馳抵新塘邊截剿之時賊之另股  
已竄廣豐五都街王開琳抵玉山後即於廿四夜乘月  
色微明飭各營銜枚疾進行近該處適遇大股粵賊正  
擁幼逆逃竄官軍分左右兩路抄襲各逆持洋鎗對擊  
傷勇丁三十餘名都司謝吉祥力戰陣亡丁長勝羅瑞  
山郭德馨莫坤和方友才魏友盛等麾隊猛擊四面感  
之殲斃悍賊二百餘名幾擒幼逆爲粵賊拚死潰圍挾  
走官軍緊追二十餘里至二十五日午刻始行收隊計

初編卷十七

三

是日共斃粵賊五六百名生擒四百餘名奪驃馬五十  
餘匹此各軍迭次截剿大獲勝仗浙省全境肅清蹙蹤  
追剿之實在情形也竊此次逆賊由湖州廣德甯國上  
竄經各軍迭次截剿湖州首逆黃文金廣德首逆黃文  
英就戮李士貴生擒其餘著名賊目亦十殲八九浙省  
全境肅清惟洪福嶺一犯自金陵逃出沿途衝竄至今  
尙未就縛現由江西廣豐竄入鉛山縣境地方一向紫  
溪車盤一繞鉛城向湖坊一路逸去死黨尙有數千臣  
調度遲延未能辭咎幸劉典一軍已抵貴溪黃少春劉

明珍兩軍已赴廣信河口一帶王開琳王德榜等亦率  
所部跟蹤急進當可前後夾擊臣已嚴飭各軍無論逆  
賊竄江竄閩務期悉數殲除斷不敢任令漏逸致煩  
宸廑所有黃少春王開琳王德榜劉明珍各軍出力將  
弁應暫由臣存記仍俟洪福嶺全股殲滅再行奏請從  
優保獎其代理開化縣事升用知縣候補縣丞方業崇  
於逆賊闖入縣城咎有應得惟查該縣城垣圯已久  
且無防兵情尙可原應請  
旨革職免其查辦署開化縣縣丞布理問銜候補府照

初編卷十七

七

唐張名第赴鄉採辦軍米遇賊不屈投河身死應請  
旨交部照例議卹理合恭摺由驛六百里馳  
奏伏乞

皇上聖鑒訓示施行謹

奏 同治三年九月初六日

附陳起獲黃逆屍首臬示情形片

再據提督銜總兵劉明燈稟稱八月十六日在歙南建  
口大捷生擒各賊內復搜出忠逆之子偽二殿下李士  
賢於林甯屯溪街搜出扮作乞丐之偽王宗蘇得萬及

偽神將周先發偽朝將熊國仁四犯訊據李士貴供係湖北江夏縣人咸豐二年被擄出逆李秀成收為義子加封偽職歷隨忠逆竄擾江浙各省擁眾二十餘萬本年三月帶賊三萬餘由丹陽廣德竄入湖州昨由湖州竄出經官軍節節痛剿其黨盡散因護眷屬後行致被擒獲臣已飭提來省訊取確供其黃文金屍首昨據參將劉光明帶同陣擒賊匪方友法於昌化白牛橋過去十里之水窰司地方姚姓宅傍牆根將該犯屍身起獲遍身皆用黃綢紅綢包裹並殮以黃緞繡龍袍帽方靴

初編卷十七

五

又頭枕元寶兩錠口含金葉左右兩腕金鐲四隻逆屍目腹以下皆漸腐變惟頭面兩脅兩手皮肉未脫左肩洋鎗子傷一處右肋拾槍子穿透方友法認係黃逆正身劉光明當即將屍身亂刀砍裂首級解省呈驗臣驗該逆面貌年約五十七下髭長而疏齒已脫淨耳後有一黑痣當飭臬示武林門外其偽印現存未燬可取驗也訊據方友法供稱與臣前奏畧同八月初五夜賊過白牛橋因埋堵逆屯紮一日初七日大隊始向昱嶺關竄去該逆在甯國縣七都受傷是七月三十日昇至白

牛橋氣絕是八月初五日官軍之紅旗白邊者此路惟總兵羅大春副將劉端冕兩營而羅大春未至七都故臣前奏祇請

賞劉端冕總兵銜也適奉

寄諭飭查確實情形謹一併附陳伏乞

聖鑒謹

奏 同治三年九月初六日

附陳杭城餘匪竄出情形片

再洪幼逆由金陵逃至廣德復由廣德甯國昌化績溪

初編卷十七

六

出皖浙之交以竄江西臣軍現在追剿蹤跡甚明其由金陵同竄數目或云數千或云數百臣前此祇據李鴻章之信致會國藩會國荃未嘗以之入

告臣所以緘詢此事者臣因前年攻龍游湯溪時見洪逆與賊首李世賢偽文即有幼主之說會舉以告會國藩茲復有此傳聞故欲詳覈其說耳頃據黃少春送到所獲幼逆六月二十四日給偽首王范汝增黃綢偽詔則幼逆由金陵竄出實無可疑閱所鈐偽璽上方橫列太平天國四字下方橫列玉璽兩字左刻天下太平右

刻萬方來朝中刻皇上帝基督帶瑣幼主作去字一行而瑣字玉旁刻作主字折視則真主二字雖鄙儻可笑然非一時倉卒所造亦無可疑逆種既已逸至浙境臣有所聞豈敢不入

奏現在勿逆未獲臣無可昌之功將來勿逆不獲臣且有難辭之咎臣亦何暇計及此哉頃准會國藩鈔送七月廿九日覆奏洪福瑱下落一片內稱杭州克復時偽康王汪海洋偽聽王陳炳文兩股十萬之眾全數逸出未聞糾參此次逸出數百人亦應暫緩參辦臣竊有所

初編卷十七

七

未喻也當臣軍肅清浙東時軍威頗壯杭城守賊無多本可連克比因皖南賊勢鴟張不得已調劉典分軍赴皖助剿而臣駐嚴州以資兼顧其攻富陽及杭城者僅蔣益漕一軍及水師數營又正疾疫繁興時兵力更薄此機一失首逆陳炳文汪海洋紛紛踵至賊數始多自富陽克後賊悉力守杭城餘杭維時臣戰餘杭蔣益漕戰杭州屢次破壘獲勝臣奏兩城賊勢窘蹙並未以賊數眾言每與交戰逆賊多不過一萬數千而止迭次奏報甚詳尙堪覆按其所以遲久而後克復者實由杭餘

兩城中間相距六十里我軍未能合圍賊佔地勢攻守之難易懸殊也會國藩稱杭城克復十萬之眾全數竄出所謂十萬全數果何據乎兩城之賊於二月二十三夜五更竄出陳炳文啓杭州武林門而竄德清汪海洋出餘杭東門而竄武康官軍皆於黎明時入城臣前此奏報克復兩城時業經詳細陳明並無一字稍涉含糊夫以片時之久一門之狹而謂賊眾十萬從此逸出殆無是理此固不待辯而自明者也至湖州之賊如黃文金李遠繆揚輔清等皆從江西皖南而來此外蘇常丹

初編卷十七

六

句嘉興諸賊亦腐聚於此最後則李世賢大股一併竄入陳炳文汪海洋之竄德清武康也李世賢實迎護之杭餘兩城之北數十里處處皆爲賊守非可一攻卽下觀於武康德清之復在兩城克復旬日之後可見賊數之多不在杭餘兩城也明矣李世賢與陳汪兩逆既入湖城賊數自有增無減李世賢由湖州廣德績溪竄入州旋由婺源竄江西賊數十五六萬其時會國藩有皖南諸城岌岌之奏陳汪兩逆窺浙軍赴歙南小川遂由白磔馬金諸嶺翻入浙境又經浙軍迭次截剿其竄入



江西者尙數萬計厥後與李世賢會併其黨之或分或合更無從知曾國藩殆以陳炳文降數之多謂均從杭州竄出乎臣閱鮑超鈔示陳炳文降書諸頭目姓名多非杭州舊有之賊也至云杭賊全數出竄未聞糾參尤不可解金陵早已合圍而杭餘則并未能合圍也金陵報殺賊淨盡杭州報首逆實已竄出也臣欲糾參亦焉得而糾參之乎至若廣德有賊不攻甯國無賊不守致各大股逆賊往來自如毫無阻遏臣屢以為言而曾國藩漠然不復介意前因幼逆漏出臣復商請調兵以攻

初編卷十七 七

廣德或因厭其絮聒遂激為此論亦未可知然因數而疏可也因意見之蔽遂發為欺誣之詞似有未可臣因軍事最尚質實故不得不辯至此後公事均仍和衷商辦臣斷不敢稍存意見自重愆尤僅附片陳明伏乞

皇上聖鑒訓示謹

奏 同治三年九月初六日

議政王軍機大臣 字奇聞浙總督兼署浙江巡撫左宗棠陝甘總督楊岳斌江西巡撫沈葆楨同治三年九月十四日奉

上諭左宗棠奏截斬竄賊獲勝浙境肅清各營出境追剿一摺逆匪由遂安昏口一路竄走闖入開化總兵王開琳副將劉明珍等合兵追擊賊不能支由華埠竄江山玉山疾趨廣豐沿途殲斃甚眾受降者亦近萬人洪幼逆幾被擒獲復為粵逆拚死潰圍挾之而走現由廣豐竄入鉛山縣境一向紫溪車盤一繞鉛城向湖坊一路逸去死黨尙有數千現在劉典一軍已抵黃溪黃少春劉明珍兩軍已抵廣信河口王開琳等亦率眾跟追著左宗棠楊岳斌沈葆楨督飭諸軍前截後追無留餘

初編卷十七 三

孽代理開化縣事候補縣丞方業崇於逆匪闖入縣城原有應得之咎姑念城垣圯久無防兵情尙可原著革職免其查辦署開化縣丞布政使司理問銜候補照磨張名第逆賊不屈投河身死著交部照例議卹所有追賊出力之黃少春等著左宗棠暫行存記俟洪福瑱全股殲滅再行奏請優獎左宗棠自入浙以來克復城隘數十處肅清全境厥功甚偉本欲即加懋賞恐該督以洪幼逆未滅必將固辭一俟餘逆淨盡即降恩旨浙省軍務已竣地方應辦一切善後事宜該督當飭司道

等次第辦理以期安固閭閻另片奏洪幼逆入浙各情  
覽奏均悉朝廷於有功諸臣不欲苛求細故該督於洪  
幼逆之入浙則據實入告於其出境則派兵跟追均屬  
正辦所稱此後公事仍與曾國藩和衷商辦不敢意見  
稍存尤得大臣之體深堪嘉尚朝廷所望於該督者至  
大且遠該督其益加勉勵為一代名臣以副厚望鮑超  
由建昌拔營顧黃饒兩路楊岳斌等復派孫昌國督帶  
水師嚴扼廣信等處著即懷遠昨奉諭旨督軍會浙軍  
迎勦以期一鼓殲除收降之眾過多仍飭各軍妥為駕

初編卷十七 三

馭如遣散其眾尤須審慎辦理以防後患將此由六百  
里各諭令知之欽此

浙餉支絀欠解甘餉無從籌撥摺

奏為浙省餉需支絀欠解甘肅兵餉無從籌撥恭摺具  
奏仰祈

聖鑒事竊准鄂咨同治三年二十九日奉

上諭恩麟奏甘省需餉緊急請飭催陝西等省籌解欠  
款一摺據稱浙江省欠解歷年甘餉銀一百四十餘萬  
兩請飭迅速先籌撥解等語著左宗棠先行籌解銀二  
三十萬兩迅速派員解往甘肅省城毋稍延緩其餘兵  
餉仍著源源籌解以資接濟等因欽此欽遵飛咨到臣

初編卷十七 三

當經飭司籌解去後茲據布政使蔣益澧詳稱查得浙  
省各郡縣被賊踞擾數年之久地方糜爛幾徧現雖次  
第克復漸就肅清而蹂躪之餘瘡痍未復歲賦率多蠲  
免即督征各郡縣亦因兵燹之後人物凋殘田土荒蕪  
業已奏奉

恩旨暫免照額征收刻下本省兵餉軍需均屬積欠甚  
鉅自顧不遑所有欠解歷年甘餉委屬萬難籌解應請  
全數改撥等情具詳請奏前來臣查前項甘肅兵餉係  
從前歷年欠款如果稍可騰挪自應遵

旨籌撥何敢稍事諉延第浙省需餉浩繁實難籌此鉅款合無仰懇

皇上天恩俯念浙省新復之區情形萬分踴躍迅將應解甘餉

飭部另籌改撥以免遲悞除咨戶部查照外理合恭摺具

奏伏乞

皇上聖鑒訓示施行謹

奏 同治三年九月初六日

初編卷十七

謹

浙師出境追剿連獲勝仗情形摺

奏為浙軍出境追剿竄賊連獲勝仗現籌辦理情形恭摺馳

奏仰祈

聖鑒事竊湖州廣德竄賊經官軍迭剿由玉山江山邊境敗竄江西廣豐總兵王開琳副將劉明珍率所部緊追八月二十六日馳抵上饒縣屬鐵山地方遇賊尾隊麾軍急擊賊向鉛山小路敗走劉明珍率部繞赴弋陽黃沙港王開琳挑奮勇八百人乘夜追至上路畈分左

初編卷十七

謹

右兩路齊進中路虛發號鼓應之時正昏黑逆賊不辨官軍多少紛紛奪路狂竄官軍乘勢趕殺直至上饒鉛山交界地方天色平明賊見官軍人數無多率黨回拒適王開琳督大隊馳至賊復潰竄是日共斃悍賊數百名生擒四十餘名凌出長髮老賊五十八名一併斬之二十七口該逆竄至鉛山楊村五都一帶距河口鎮二十餘里時提督黃少春道員王德榜兩軍已抵河口料賊必走湖坊陳坊二十八日黎明黃少春率伍正得彭俊光李良平馬復震等五營王德榜派戴奉聘何秀清

李運勝李運等四營進剿湖坊以河口汛把總楊映春爲嚮導馳抵該處適賊已踞村房見官軍猝至偕逆餘黨僞王宗譚姓等四人率眾乞降黃少春卽令降眾回戈擊賊自率各營及王德榜所部繼之王德榜蕭得龍復率所部兩營劉明珍率所部四營由黃沙港馳出截擊斃悍賊二千餘賊大敗官軍併力追殺逼近陳坊三面感之該逆將馬匹軍械拋棄道途越嶺翻山而遁是夜有僞王宗譚長元僞朝將龔賢德汪元貴等率黨千餘赴王德榜軍前乞降王德榜受之廿九日黃少春

初編卷十七

五

王德榜復飭各營追過陳坊四十餘里賊之前隊已一服由茶山竄瀘溪縣境一股由雲際關火燒關竄閩黃少春等因連日馳剿兵力疲乏甫收隊還適總兵劉明燈道員李耀南副將張福齊周紹濂遊擊黃元吉劉昌選等六營馳至黃少春當飭分路躡蹤緊追時溫處道魏喻義亦率所部由玉山廣豐馳抵陳坊見賊從雲際關竄閩卽督隊由大路進追及賊之尾隊又擊殺十數名解散無算餘賊悉向福建光澤及江西瀘溪新城邊界翻山鼠竄此浙軍出境追剿迭獲勝仗之實在情形

也竊該逆由皖浙邊界上竄人數實二十餘萬經浙軍節節截剿除擒斬解散投誠外闖入江西者不滿萬人復經王開琳追剿於廣豐上饒縣境黃少春王德榜追剿於鉛山湖坊陳坊等處其由茶山竄瀘溪地界者據劉典函報僅一二十人均無器械經該軍於貴溪所屬北案截之將其尾股擊敗分別遣散現在江西金瀘新城一帶防兵厚集無虞竄漏洪幼逆李遠繼等由江閩邊弁山徑偷越餘黨計不過住四千人所過各處不往市鎮夜則燃火照路散漫奔走形勢極爲窮蹙臣前慮

初編卷十七

五

其闖入閩邊已飛飭康國器張運蘭相機截剿矣浙軍往返馳奔前在歙南截剿之時病者已有三分之一茲復未帶棚帳鍋飯忍飢露宿窮追兼旬患痢瘡及足腫諸症者竟十居六七其劉典新募之軍三千餘人入江以來轉戰數千里未稍休歇又爲疾疫所若幾至不能成軍不得已令各軍將病勇暫留弋陽河口一帶稍爲養息仍酌挑精銳相機追剿黃少春所帶克勇除原部一營三族外其餘各營臣已札飭仍歸劉典統帶計此次各軍剿撫兼施除臨陣擒斬外其窘蹙乞降及拔出

難民殆十餘萬大小頭目以數千計各將領既須躡蹤  
緊追又須分別散遣挑留兼程逐北千有餘里備極艱  
劬臣未敢沒其微勞可否歸併克復湖州安吉案內保  
獎之處出自

天恩至屢奉

諭旨務將幼逆捕獲現仍漏網稽誅臣調度遲延咎無  
可道應請

旨將臣交部議處伏乞

皇上聖鑒訓示施行謹

初編卷十七

三

奏 同治三年九月十五日

附陳提訊忠逆之子李士貴口供賊情片

再前據提督銜總兵劉明燈搜獲忠逆李秀成之子李  
士貴經臣飭提來省鞠訊供姓周湖北江夏人咸豐二  
年湖北省城初次失陷被李秀成擄去為子改名李士  
貴咸豐十一年加封偽二殿下率黨萬餘隨李秀成  
竄擾安徽湖北江西浙江江蘇各省兩陷杭城本年三  
月由丹陽竄至廣德復來湖州與黃文金合股六月間  
幼逆洪福瑱自金陵缺口衝出沿途除擒斬逃散外至

廣德實有五萬餘人內有偽卷王吉慶元偽揚王李名  
成即李秀成之胞弟并李秀成之母及李秀成親生兩  
歲之子該逆會同黃文金見過洪幼逆一次幼逆髮被  
剪眉是剪齊的並非駸駸該逆由湖州廣德甯國竄至  
歙南建口被擒時洪幼逆及偽佑王李遠繼偽借王譚  
體元偽干王洪仁玕偽揚王李名成及秀成母子已先  
渡河以後事均不能知道其偽首王范汝增受矛傷後  
實已身死等語臣因各營搜獲逆目甚多其逃匿降眾  
之中潛易姓名希圖倖免者當復不少飭各營嚴密盤

初編卷十七

三

詰暫留李士貴質認稍緩即行處決據所供各情則李

秀成所供廣德之賊不擊自走并勸官軍勿專殺兩廣  
之人意在庇縱逆黨亦可概見理合附片陳明伏乞

聖鑒謹

奏 同治三年九月十五日

議政王軍機大臣 字寄閩浙總督兼署浙江巡撫左  
宗棠陝甘總督楊岳斌兩廣總督毛鴻賓福建巡撫徐  
宗幹江西巡撫沈葆楨署廣東巡撫郭嵩壽同治三年  
九月二十三日奉

上諭左宗棠奏浙軍出境進剿連獲勝仗現籌剿辦情形一摺與前日沈葆楨所奏情形大畧相同此股逆匪由皖浙邊界上竄人數眾多經浙軍節節追剿斬擒不少入江後復經王開琳等追剿於廣饒鉛山等處其由茶山竄瀘溪地界者僅一二十人該軍截其尾股現在江西金瀘新城一帶兵力不少著楊岳斌沈葆楨督飭各軍搜捕以清餘孽洪幼逆李遠繼等由江閩邊界山徑偷越勢極窮蹙著左宗棠徐宗幹督飭張運蘭康國器相機截剿勿令闖入閩邊楊岳斌等仍當飭軍跟追

初編卷一七 五

毋稍疏懈前由浙入粵之賊竄逼南雄等處著毛鴻賓郭嵩燾妥籌辦理並將近日情形速行入奏如續有竄入餘匪務即督飭兵練進剿勿任深入為患浙軍往返奔馳傷病不少著照左宗棠所請暫留弋陽河口稍為養息各軍追奔逐北千有餘里備極勤劬著准其彙入克復湖州安吉案內一併保獎洪幼逆踉蹌逃走已極狼狽終必就擒左宗棠惟當督飭閩浙諸軍合力夾擊勿任漏網以竟全功所請交部議處著加恩寬免前據御史洪昌燕奏浙江海塘潰決請速籌款修理當經降

旨交戶部妥速議奏昨經戶部議准將浙海關等稅酌撥動用著左宗棠遵照部議章程履勘興修及此冬令水涸潮汐不旺易於告成東南民命攸關漕運大局所繫諒該督必能仰體朝廷惠愛黎元之意擇節帑項妥速籌辦其如何辦理情形並著趕緊具奏以慰馳廛將此由六百里各諭令知之欽此

初編卷一七 五

覆陳杭州殉難大員死事詳細情形摺

奏為遵

旨覆查杭州殉難大員死事詳細情形懇

恩賜卹仰祈

聖鑒事竊查咸豐十一年十一月賊陷浙江省城所有

將軍瑞昌前撫臣王有齡學政張錫庚副都統傑純按

察使甯會綸等殉難之處均經奉

旨優卹尚有署布政使杭嘉湖道麟趾由知府陞任道

員擢署藩同杭州被圍隨同巡撫王有齡登陴固守六

初編卷十七

三

十餘日城陷復督勇巷戰力竭捐軀經查明具奏懇

恩賜卹嗣承准軍機大臣字寄同治三年四月初七日

奉

上諭署布政使司麟趾據奏訪聞於城破時殉難仍著

左宗棠查明該員死事詳細情形具奏再降諭旨等因

欽此欽遵轉飭確查去後茲據布政使蔣益澧具詳據

署錢塘縣知縣秘雲書詳據家人李榮稟稱前者浙江

布政使鹽運使銜杭嘉湖道麟趾咸豐十一年九月間

粵匪圍攻省城隨同前撫臣王有齡登陴守禦晝夜巡

防至十一月二十八日黎明該署司巡視壕口適大股

逆匪撲犯武林門該署司即帶親軍疾趨礮臺開放大

礮詎知賊已陷城該署司旋即在城殉難該署司之母

瓜爾佳薩克達氏投水自盡第二女時年十歲第五子

時年六歲已捐職知府忘其名字均同時被害伊在場

目擊因被擄至湖州今始逃回等情由司查明專奏詳

請具

奏前來臣查署布政使杭嘉湖道麟趾於杭城失陷時

力竭殉難洵屬大節凜然現經查明相應請

初編卷十七

三

旨照布政使例議卹其該署司之母瓜爾佳薩克達氏

投水自盡其一子一女同時被害節烈萃於一門深堪

嘉憫合無併懇

天恩飭部議給卹典以闡幽光所有覆查杭州殉難大

員死事詳細緣由理合恭摺具

奏伏乞

皇上聖鑒施行謹

奏 同治三年十月初七日

乍浦頭圍二口未能啟徵情形摺

奏為乍浦頭圍二口未能即議設關啟徵情形恭摺具奏仰祈

聖鑒事竊照浙海關兼轄平湖縣之乍浦海口因離甯較遠稽察難周額征關稅向委杭嘉湖道就近監徵一年期滿仍由護關甯紹台道彙核計考該口內通嘉湖蘇省外達東南兩洋在昔承平之時商賈輻輳凡福建木植閩廣糖貨以及四川各省藥材雜貨無不遠涉重洋往來傳遞并有採買東西洋銅船販運土洋貨物進

初編卷十七

三

出兩稅歲以為常均為關稅大宗此外本港各船尚有魚養等貨稅每年額徵正盈稅銀二萬八千二十三兩五錢一釐又兼管海鹽縣之頭圍一口年額徵銀五百二十二兩三錢一分五釐以浙海關甯紹溫台杭嘉等屬各口年定統徵正額盈餘稅銀七萬九千九百餘兩總數而計乍浦頭圍二口幾居統關稅銀十中之四課額雖重徵解尚裕間或年穀不登客貨銷滯偶有闕額亦由甯關各口通算彌縫此乍浦關向徵稅務之情形也自咸豐三年金陵淪陷商貨梗阻又東洋銅船連年滅

運以致進出貨稅漸形減少每年關徵稅銀五六千兩

多至一萬餘兩不等甯關自顧不遑未能如前挹注歷

任前道賠項之鉅半由於此咸豐十年髮逆近擾嘉蘇

狼氛四逼是年一屆關期僅徵稅銀八千六百餘兩闕

額更鉅咸豐十一年三月初八日即關期首季之第一

日乍浦失守關稅無徵三年以來未能設復嘉湖郡縣

克復以後乍浦城市蕭條關屋僅存瓦礫客商不至貨

稅毫無於四月間附奏常洋兩稅銀兩留浙充餉片

內聲明乍浦初復頭圍二口未能設關啟徵在案刻下

初編卷十七

三

時逾數月應體察情形酌量辦理飭據護海關甯紹台道史致譔查明覆稱乍浦關口額稅甚鉅當此庫藏支絀苟可設法啟徵自當殫力籌辦何敢畏難苟安曠懸課稅特是該口在未經失守之時銅船停運商艘不前進出貨稅已屬年不足額積疲本難驟返失守之後商船四散即如建木一項本在乍浦開有場號成運來乍轉售各路今則遷開上海運木到滬行銷甚捷又如閩廣糖貨近皆載運洋船各省藥材雜貨亦因道路多梗改由別處販運雖設法招徠而地方凋敝已極民屋



焚毀居多城外一片荒地紳民未歸商旅亦皆裹足若  
邊設關啓徵先須改造關屋選派書役稽查無論籌款  
爲難而無貨進出卽無稅可徵經費徒糜關成虛設體  
察現在情形尙須寬以時日逐漸招徠勢難卽議設關  
應俟民業稍安商販招集再行酌量試辦等情具詳請  
奏前來 臣覆核無異除飭俟商貨稍通卽行設關啓徵  
不得藉詞延緩曠懸稅課外謹將乍浦頭圍二口尙難  
設關啓徵緣由專案恭摺具  
奏伏乞

三初編卷十七

董

皇上聖鑒訓示謹

奏 同治二年十月初三日

擬請温州關稅暫由溫處道徵解片

再温州海關稅務向由甯紹台道派人徵收因相距較  
遠流弊無從稽核 臣上年奏請改歸溫處道就近徵解  
毋庸歸甯紹台道兼管以昭核實會奉

旨允准在案茲准戶部咨開浙海關每年應徵正額銀  
三萬五千九百零八兩二錢三分盈餘銀四萬四千兩  
向由浙江巡撫派委甯紹台道兼管其大關及所屬各  
口岸徵收稅銀俱由該道彙總統算年滿時歸入浙海  
大關報解其額定稅數儻有短收著落該道賠補歷經

三初編卷十七

奏

辦理在案茲請改歸溫處道就近委員駐關徵解毋庸  
歸甯紹台道兼管是一關稅務委派兩道分收將來稅  
額如有短絀轉使甯紹台道得以藉口實與歷辦成案  
不符應仍由甯紹台道派員前往徵收隨時將所收稅  
銀解交浙海大關彙核辦理以專責成於同治二年六  
月十五日具奏奉

旨依議欽此 臣查温州海關額征正餘銀九千五百六  
十六兩零瑞平口額征正餘銀二千五十餘兩向由甯  
紹台道派撥關書經徵按季報解從未報有盈餘上年

改歸兼署溫處道周開錫派員徵收將一切陋規概行  
裁革自上年正月二十八日起至年底止實徵庫平銀  
二萬二千五百餘兩雖關稅旺紬時有不同而較之甯  
紹台道派撥關書經收殊為核實現須整頓稅務似無  
庸拘照成案辦理擬請將溫州海關稅務暫仍由溫處  
道就近派員徵解每季徵銀若干由溫處道移知甯紹  
台道歸入大關彙報銷應解部飯銀兩亦從關稅內  
劃出撥歸大關彙解以重稅課而昭嚴實除咨部查照  
外理合附片具

初編卷十七

七

奏伏乞

聖鑒施行謹

奏 同治三年十月初三日

議請兩浙鹽商試行運票摺  
奏為兩浙商鹽議請試行運票以資整頓而裕課餉恭  
摺奏祈

聖鑒事竊照兩浙年額應銷正票引日八十萬五千二  
百九十六道照改餘引八萬道餘引十五萬道每年額  
征正餘引課三十二萬數千兩有奇向由商人認數領  
運先課後鹽按綱造報

初編卷十七

七

不等自咸豐三年金陵失陷淮海私鹽乘機侵灌杭嘉  
松三所銷數驟減甚至片引不銷所恃紹所引地銷暢  
加以辦理西鹽融銷淮界勉力措拄尚不至全行廢墮  
至咸豐十年以後安徽之徽州府廣德州暨江蘇之蘇  
常松太各府州以次不守繼而浙省告陷所屬郡縣幾  
無完土官商星散置戶逃亡奸民投隙而入公然以販  
私為恒業其時遍地賊蹤無人過問自浙東郡縣先後  
克復以來始飭紹興設局暫行試辦票鹽然所票僅止  
一隅為數無幾本年二月間大軍進克省城嘉湖相繼

克復刻下全浙肅清居民漸次復業亟宜實力整頓以  
冀改復舊觀無如案牘既全行燬失商電又大半凋零  
間有一二舊商亦皆避寇甫歸赤貧如洗勢難責令照  
舊運銷是現在兩浙鹽務不但求往日之暢銷不可得  
即欲如咸豐八九年之情形亦勢有不能與其仍積疲  
之後相率因循不若乘更始之時別籌補救擬請杭嘉  
紹松四所一律試改票鹽無論所商舊商但能納費到  
庫即給票認地行運並於各府設立府局稽查銷數所  
收課銀全數提作正課解局軍餉內外雜課概行停支

初編卷七

三

其萬不能不放之款隨時酌核支給作正開銷惟改引  
為票未能限以定額能否暢旺尚無把握應以同治四  
年正月為始辦試一年如果行之有效再行  
奏請遵行現在甫經試辦各所情形不同所收票課多  
寡懸殊且有應行分解江省釐款勢難一律向須隨時  
更改應俟試辦數月後畫一釐定另行  
奏定章程至票運不行之地或由官運或議招商應即  
察看情形核實辦理總之創辦之始首重緝私以疏票  
引痛革浮費以紓商困核減價以遏邪私嚴查煎數

以杜影射舍此四者別無良策據兼署鹽運使蘇式敬  
詳請先行具

奏前來 臣查兩浙鹽務自遭兵燹商電流離各口岸銷  
數疲敝已極若不暫議變通辦理必致無可挽救合無  
仰乞

恩施俯准將杭嘉紹松四所一律改行票運如果試辦  
有效再行酌定具

奏請

旨遵行除咨明吏部戶部將應頒額引暫緩飭發并請

初編卷七

四

將運司以至府廳州縣督銷經銷處分暫免核計考成  
外合將試辦票運大畧情形恭摺具

奏伏乞

皇上聖鑒謹

奏 同治三年十月初三日

奏報賊竄閩疆撥兵按剿摺

奏為江西廣東諸賊繞竄閩疆現籌撥兵援剿恭摺  
奏仰 聖鑒事竊逆賊李世賢汪海洋兩股迭經江西剿敗然

竄夥甚眾時出沒江粵邊界 臣在杭州距江西粵東各  
邊二千餘里於賊蹤一切未得確耗昨連接福建撫 臣  
徐宗幹藩司張銓慶函報臬司張運蘭總兵關鎮國將  
瑞金賊匪擊退後賊之入粵者復由廣東大埔翻山竄  
犯汀屬武平縣境張運蘭賊逼汀界即率所部三旅

初編卷十七

聖

由武平進剿詎賊已由小路抄入武平縣城張運蘭回  
軍轉戰賊大股突至眾寡不敵遂至失利賊即分股竄  
陷龍巖州南靖縣直逼漳州府城土匪游勇內應漳州  
府城即於九月十四日失守徐宗幹現調林文察同撫  
永安 臣查漳州龍巖失陷汀州所屬亦徧地賊氛北與  
德化永春昆連南與廣東潮嘉接壤見江西瑞金會昌  
皆有賊蹤閩鎮闕現駐汀州康國器現駐邵武之軍均  
未可撤動撫 臣徐宗幹調泉廈各處官兵六七千人分  
防泉廈通永春等處兵單力薄殊為可虞 臣得報後

即飛飭提督黃少春副將劉明珍兩軍四千五百人由

衢州取道浦城赴邵武一帶接防以便騰出康國器全  
部進剿漳州飭撥江各軍除王德榜王開琳兩軍仍留  
吉安一帶防剿外劉典一軍八千人即由建昌取道以  
赴汀州惟此兩路由江浙邊界赴閩山徑崎嶇深恐緩  
不濟急現逆賊已踞漳州有下趨之勢省垣為根本重  
地與泉南郡為省城門戶豈可稍涉疎虞再四思維應  
由海道出師以期便捷當飭提督高連陞率所部三千  
五百人馳赴甯波僱坐輪船由海道先赴福建省城察

初編卷十七

聖

看逆勢趨向相機迎剿以期穩固 臣俟各軍拔行後即  
擬進駐衢州就近調度所有此次賊竄閩邊漳州失陷  
詳細情形 臣已奏報在途理合將調派各軍赴閩  
緣由恭摺 奏仰 聖鑒

奏伏乞

皇上聖鑒訓示施行謹

奏 同治三年十月初五日

請飭浙江撫臣速赴本任片

再逆賊入閩入粵均為東南大局之害然以形勢言

之則入閩之患較之入粵為稍輕如能於閩中殲除淨盡不致流毒他方未始非不幸之幸臣擬俟各軍拔行後即進駐衢州相機調度如局勢必須急進自當赴閩親督諸軍迅速剿辦惟浙撫係臣兼署一切善後事宜猶須次第經理臣既赴閩勢難兼顧應請飭下新任撫臣馬新貽速赴本任接辦以重職守其篆務可否即交藩司蔣益澧護理伏候訓示施行謹奏附片請

初編卷十七

三

附陳漳賊隨退龍巖仍應速援片

再正拜摺間接據署福建興化府莆田縣知縣吳光漢稟報漳州府城於九月十四日被匪混入大肆焚掠十五日仍退往龍巖與郡民心已漸安定臣維漳州賊退尚係得自傳聞而龍巖與粵東昆連各處均為賊踞閩省軍情仍屬喫緊所有三路入閩官軍應仍星馳前進俾壯聲援而速戡定理合附片陳明伏乞

聖鑒謹

奏

議政王軍機大臣 字寄閩浙總督兼署浙江巡撫一等伯左宗棠兩廣總督毛鴻賓福建巡撫徐宗幹江西巡撫沈葆楨署廣東巡撫郭嵩燾同治三年十月十三日奉

上諭左宗棠奏賊竄閩境派兵援勦請催巡撫赴任並漳州賊匪退往龍巖各摺片覽奏均悉江西逆眾由廣東大埔翻山竄犯汀屬武平縣境張運蘭轉戰失利賊分股陷龍巖州南靖縣入漳州府城徐宗幹調林文察回扼泉州左宗棠飭提督黃少春副將劉明珍由衢州

初編卷十七

四

取道浦城赴邵武一帶接防以便替出康國器全部進剿漳州劉典一軍由建昌赴汀該督恐緩不濟急已飭高連陞由海道赴福州省城相機迎剿並擬進駐衢州就近調度催新任巡撫馬新貽赴任所籌均甚周妥本日已諭知會國藩喬松年馬新貽令馬新貽即赴浙省矣浙省接辦善後各事亦關緊要萬一閩省軍情更緊馬新貽一時未能赴浙即令蔣益澧暫行護理仍隨時兼顧以期無誤漳州踞逆是否退往龍巖各該府州縣等城文武如何下落均著左宗棠徐宗幹查明具奏龍

嚴與粵東毗連各處俱為賊踞閩省軍情萬分喫緊著  
左宗棠催令派出各軍並親督官軍速籌進剿張運蘭  
一軍雖小有挫失左宗棠徐宗幹仍當督飭該臬司激  
勵將弁以期再整軍威閩省邊防被賊闖入連陷數城  
徐宗幹何以先事毫無準備如有疏失自問當得何  
罪毛鴻賓沈葆楨等於賊匪竄出境外何以不令諸將  
跟追畛域分明以鄰為壑殊非同心禦侮之道著即飭  
令在事員弁出境窮追會同閩浙諸軍協力剿洗淨絕  
根株其瑞金等處踞匪又南雄一帶竄匪仍著各該督

初編卷十七

吳

撫認真搜剿勿留餘孽左宗棠另摺奏保賢員已照所  
請降旨允准惟記名道府與定章不符已將該員交軍  
機處存記候旨簡用並明降諭旨將周開錫開缺改為  
以道員留於福建浙江補用將此由六百里各諭令知  
之欽此

懇准提督回籍調養傷疾摺

奏為署理浙江提督傷疾舉發懇

恩准子回籍調養恭摺奏祈

聖鑒事竊署理浙江提督記名總兵官記名提督秦如

虎於咸豐十一年冬間奉

命帶兵援浙克復福建福州縣城攻破錢倉賊巢馳抵

平陽掃除金錢會匪力解溫郡城圍跟路追剿克復處

郡苦戰數十次致受重傷當經請假調治嗣欽奉

諭旨署理浙江提督抵任之後於營務一切留心整理

初編卷十七

吳

正資俾助惟舊傷時發時愈步履維艱本年四月間分

咨臣代為

奏懇回籍臣以彼時回浙回粵道途中梗當經咨請暫

留俟道路稍通再為陳

奏咨復去後現准該提督來咨以浙省軍務已竣全境

肅清該署提督傷發難痊未便繼續貽誤請為奏懇

天恩准予回籍調養等情前來臣覆查該提督秦如

虎督辦營務員前往接署奏報外謹恭摺具

奏

皇上聖鑒訓示謹

奏

陳明浙江提督委員署理帶兵援閩片

再署浙江提督總兵官秦如虎傷疾舉發經<sup>臣</sup>奏懇

天恩准予回籍調養其所遺提督篆務<sup>臣</sup>查有記名提

督尚勇巴圖魯高連陞<sup>臣</sup>威望素著堪以委署浙江提督

惟現在閩省永定武平龍巖南靖漳州各城均已失陷

軍情喫緊<sup>臣</sup>擬派高連陞於接署提篆後即帶所部由

輪船馳赴福建省城相機援剿其提督衙門日行事件

初編卷一十七

三

即委提標中軍參將代折代行除分別飭遵外謹附片

具

奏伏乞

皇上聖鑒訓示謹

奏

恪靖奏稿初編卷十八目錄

奏報臬司受傷遵員接署赴閩會勘摺

浙餉維艱陳請抵解甘餉摺

請將本任廉銀作為京餉報解片

附陳運司未能赴任懇請開缺片

陳明全浙肅清廣東協餉停止片

寬免議處謝 恩摺

請獎克復杭州等城出力將士摺

請獎外國助剿出力員弁片

初編卷十八目錄

附陳所保員弁免其加考毋庸核減片

議減杭嘉湖三屬漕糧大槩情形摺

請將北新關暫緩開設由釐捐撥抵關稅摺

敬陳薦舉人材摺

奏報臬司受傷逆員接署赴閩會剿摺

奏為前赴臬司剿賊受傷現無下落逆員接署臬篆帶兵赴閩會合各軍進剿恭摺

奏祈

聖鑒事竊照福建臬司張運蘭前因閩省邊防喫緊經

奏調統帶所部由粵赴閩於八月二十八日馳抵汀郡旋即會督各軍越勦江西瑞金踞匪因汀屬武平被匪窺竄張運蘭率部馳援酌留弁勇協守縣城自率三旗

行稿卷一八

一

湘勇扼紮下埔地方迎勦九月十一日辰刻匪眾屢次竄撲均經擊退詎該逆另股由旁路松源一帶直犯縣城即於巳刻失陷張運蘭折回馳救該逆四面圍攻因勇力較單死傷甚藉張運蘭被賊矛刺傷重幸為親勇馳往救護復被逆賊衝散有隨帶親勇湯友德馳回汀郡赴總理老湘營務處選用道張恒祥稟述情形即據該道具稟前來臣查武平失後永定南靖龍巖俱陷漳郡復被土匪勾引髮逆占踞業經臣調撥勁旅水陸馳援該臬司張運蘭久經職陣馳匪向稱得力此次孤軍

徑陷身受重傷尚無實在下落所有福建按察司印信

現存汀郡城刻下該處軍情緊急閩省又無知兵大員堪以接署惟查記名臬司王德榜久歷戎行謀勇兼備

先經臣調赴江西勦賊現在吉安贛州一帶堪令連帶所部臣標五營即由江西瑞金入汀會合各軍攻剿並

接署福建臬司篆務以資得力除檄飭遵照並確查張運蘭下落另行具

奏外理合會同福建撫臣徐宗幹恭摺馳

奏伏乞

行稿卷一八

二

皇太后

皇上聖鑒訓示施行謹

奏同治三年十月十四日

議政王軍機大臣奉

旨另有旨欽此

浙餉維艱陳請抵解甘餉摺

奏為浙江籌餉維艱近復派撥重兵馳援福建該省以行應解甘餉無從籌發請將協濟楊岳斌赴甘行營撥解甘餉恭摺仰祈



聖鑒事竊臣於九月二十三日欽奉

寄諭浙江應解甘餉昨據左宗棠奏地方彫敝請飭改撥現在雖令戶部速議具奏惟甘省餉項奇絀仍著左宗棠無論如何為難先行設法籌解若干以濟急需欽此又於十月初八日欽奉

寄諭楊岳斌奏應陳回籍募勇籌備餉項情形一摺著左宗棠於本省籌撥銀八萬兩解交楊岳斌行營以便該督迅速募勇起程等因欽此旋准戶部咨錄原奏內開浙省邵縣甫經次第克復該督所陳自係實在情形

初編卷十八

三

惟甘省軍務萬緊需餉甚亟應將前次奉撥甘餉銀三十萬兩先行籌解十萬兩趕緊派委幹員探明道路解往甘省交納以救燃眉其餘奉撥銀兩陸續籌出再行解往於九月二十二日具奏奉

旨依議欽此伏查浙省自經兵燹凋敝萬分新復地方不獨錢糧無可征收且須另籌賑撫經費軍需項截至本年二月底止積欠或九十個月或七八個月不等至今未能清釐新餉又欠兩月茲幸全境肅清擬將勇丁陸續裁撤為節省餉需之計而裁撤一營總需銀二

三萬兩計自八月以來新舊共撤四十餘營需餉四十餘萬兩尚有數營應撤因餉項不敷未能即時撤遣本省軍需已形支絀復加以援江援閩各營餉項俱由浙省支應尤覺竭蹶萬分應解甘餉此時實無從籌撥即楊岳斌奏撥行資八萬兩亦難如數措解亦知甘省需餉孔殷楊岳斌行費不可緩何敢稍事諉延惟值此庫藏空虛本省欠餉尚難籌給合無仰懇

天恩俯念浙省彫敝一時無巨款可籌所有應解甘餉暫免協撥其楊岳斌行費當於無可設法之中飭司

初編卷十八

四

勉為勻撥銀四萬兩於十一月內解交湖南應用即請作為浙省協甘之餉理合恭摺具

奏伏乞

皇上聖鑒訓示施行謹

奏 同治三年十月十四日

議政王軍機大臣奉

旨另有旨欽此

請將本任廉銀作為京餉報解片

再於十月初三日接准戶部咨開同治三年九月十

五日奉

上諭戶部奏本年京餉請嚴飭各省趕解以供開放一摺閩海關欠解稅銀十萬兩福建欠解茶稅銀二萬兩著接奉此旨後各將未解銀兩務於十二月內儘數解齊倘仍飾辭宕延致誤要需即由該部查照奏定章程指名嚴察等因欽此臣當即飛咨將軍撫臣一體遵照去後伏維閩省本年兩被賊擾籌餉徵兵萬分支細昨接徐宗幹函稱以軍務緊要面商英桂擬暫由閩海關借撥關稅銀兩以應急需而浙省派往援師每月餉項

初編卷一八

五

臣尚飭由浙省支撥福建僅供本省軍需已形竭蹶現奉飭催京餉恐難如數解濟京師待餉孔殷豈敢膜視臣上年三月蒙

恩簡授閩浙總督以來閩省按月解送本任七成養廉計存庫平銀一萬兩應即作為京餉先行報解臣已將此項銀兩發交藩司轉發甯紹台道由票號兌京交納伏乞

飭部查照理合附片具

奏伏祈

聖鑒謹

奏同治三年十月十四日

議政王軍機大臣奉

旨另有旨欽此

附陳運司未能赴任懇請開缺片

再浙江臬司劉典上年聞訃丁憂因皖浙軍務正值喫緊經臣

奏請改為署任仍留軍營帶兵剿賊嗣皖南軍務稍定復奏明准其回籍治喪本年二月逆賊闖入江境勢甚

初編卷一八

六

鴟張臣又飭其在籍募勇三千人赴江助剿旋奉

恩命幫辦江西皖南軍務轉戰數月幸江省全境肅清該臬司呈請開缺終制並以母氏年逾七十懇請終養等情前來臣查該臬司至性過人再四瀝陳本應據情代為

奏請惟現在賊由江西粵東竄擾閩境連陷數城臣已

飭該臬司由江西建昌赴汀州一帶相機勦辦賊事遲速尚未可定自應俟閩省軍務肅清再行請

旨辦理其所署浙江按察使應請先行開缺另

賜簡放又浙江鹽運使李榕

簡放兩年因在安徽軍營未能履任運司篆務本年三月奏請暫以杭嘉湖道蘇式敏就近兼署現改行票運釐定章程必須責有專司方足以資整飭浙省現無熟悉鹽務大員李榕未能到任應請旨另簡賢員補授斯缺俾得稍收指臂之助理合附片具

奏伏乞

聖鑒訓示施行謹

初編卷十八

七

奏 同治三年十月十四日

議政王軍機大臣奉

旨另有旨欽此

同治三年十月二十三日內閣奉

上諭左宗棠奏運司未能赴任懇請開缺等語浙江鹽運使李榕現在安徽軍營帶兵勦賊未能履任著准其開缺仍以鹽運使候補浙江鹽運使員缺著楊昌濬補授所遺浙江督糧道員缺著周開錫補授欽此  
議政王軍機大臣 字寄福州將軍英桂閩浙總督兼

署浙江巡撫一等伯左宗棠福建巡撫徐宗幹同治三年十月二十二日奉

上諭左宗棠奏臬司查無下落遴員接署臬篆並請將協濟楊岳斌行資抵解甘餉存庫養廉銀兩作為京餉匯兌解京及劉典李榕均請開缺另簡各摺片覽奏均悉張運蘭馳援武平縣城孤軍挫陷身受重傷至今尙無下落所有福建按察使印信現存汀郡刻下該處軍情緊急自應遴選知兵大員前往接署著照左宗棠所請福建按察使即著王德榜署理並飭令速帶所部由

初編卷十八

八

江西瑞金入汀會合各軍實力攻勦毋稍遲悞其張運蘭實在下落並著左宗棠徐宗幹查明具奏劉典現由左宗棠檄赴汀州勦賊軍務吃緊之時未能遵准終養其浙江臬司本任即毋庸先行開缺現署臬篆之林聰彝如果閱歷尚淺於此缺不甚相宜即著左宗棠另派賢員接署或於鄰近省分另有所知人才亦可酌保數員候旨簡用李榕現在皖北帶兵一時未能履任業准其開缺浙江臬司已簡放楊昌濬所遺浙江糧道一缺並令周開錫補授矣馬新貽已屢經寄諭催令赴任著

左宗棠再行咨催勿令延緩左宗棠所陳浙江籌餉維艱甘餉無可措撥請籌銀四萬兩解交楊岳斌應用抵作甘餉等語自係實在情形第楊岳斌募勇赴甘非厚集巨款難以成行入甘以後協餉尤關緊要仍著左宗棠於無可籌畫之中極力設法將欠解之四萬兩陸續解赴湖南以符前撥八萬原額其甘省協餉並著源源籌解以維大局毋許藉端推諉京餉關係緊要仍著英桂徐宗幹遵照戶部原議於閩海關及茶稅欠解項內迅籌解納至養廉係左宗棠應得辦公之項該督懇將

初編卷十八

九

養廉銀一萬兩抵餉解京之處碍難允其所請如業已匯兌來京即著英桂於關稅項下如數撥還可也左宗棠另片奏查明繆梓死事情形請賞還卹典等語已降旨照准矣將此由五百里各諭令知之欽此

陳明全浙肅清廣東協餉停止片

再 臣 欽奉同治元年正月初四日

上諭廣東粵海關撥解浙江餉十萬兩諭勞崇光等或由江西轉解左宗棠軍營或山海道駛運上海由曾國藩轉解左宗棠軍營總期得以迅籌接濟俾利師行等

因欽此旋經曾國藩奏請開辦廣東釐金凡釐務應得之餉先解浙江軍營其次則解安徽軍營其廣東協浙月餉十萬兩即在釐金項下抵除仰蒙

恩諭允准

特簡都察院右副都御史晏端書馳赴廣東督辦分批撥解皖浙軍營在案 臣 查廣東協浙之餉自元年正月

奉

旨之日起截至本年八月底止連開共計三十三箇月應協浙餉三百三十萬兩除道員義奉於同治元年領

初編卷十八

十

解廣東協餉五萬五千兩又官捐銀五千兩除短平色外實共收銀五萬一千五百四十七兩六錢一分係前撫 臣 王有齡飭赴廣東催提應歸從前欠餉結算外 臣 接任後僅收廣東撥給蔣益澧行費銀六萬兩又採辦洋鎗洋藥銀一千兩又前後十二批共解釐餉二十四萬兩 臣 因會國藩軍營需餉甚亟又於釐餉內分撥二萬兩解赴金陵計浙省共收粵餉二十八萬一千兩其釐金項下實僅收二十二萬兩會國藩前奏至八月底止共收廣東釐餉一百二十萬兩是 臣 軍所得不過十

成之二... 務肅清所有前項協餉自應停止  
理合附片陳明伏乞

聖鑒謹

奏 同治三年十月十四日

初編卷十八

十一

實免議處謝

恩州

奏為恭謝

天恩仰祈

聖鑒事 臣於十月初一日欽奉九月二十三日

上諭左宗棠奏浙軍出境追剿大獲勝仗現籌勦辦情

形一摺洪幼逆踉蹌逃走已極狼狽終必就擒左宗棠

惟當督飭諸軍合力夾擊毋任漏網以竟全功所請交

部議處者加恩寬免欽此跪聆之下感悚莫名伏念

未習韜鈴謬膺軍旅蠲蒸三載轄疆幸就收平蟻聚一

初編卷十八

三

隅逆眾尙多狂逸雖八面早張

天網勿漏游魂而偏師竟失前禽終輸捷足負愆彌稟

抱愧良深迺蒙

皇上天恩寬免議處感

高厚之姑容益涓埃之難報惟有督飭諸軍迅圖勦辦

盡掃餘氛以冀稍舒

宸衷所有微 感悚下忱理合繕摺恭謝

天恩伏乞

皇太后

皇上聖鑒謹

奏 同治三年十月十七

議政王軍機大臣奉

旨知道了欽此

初編卷十八

三

請獎克復杭州等城出力將士摺

奏為遵將克復杭州餘杭海甯桐鄉富陽各城出力員弁兵勇請

旨獎敘以勵戎行事竊臣前准兵部火票遞到同治三年三月十二日內閣奉

上諭左宗棠奏攻克杭州餘杭兩城一摺所有在事出力將士著左宗棠查明擇尤保奏欽此又奉三月二十日

上諭左宗棠奏攻克杭州餘杭兩城詳細情形一摺其

初編卷十八

古

餘出力陣亡各員弁著左宗棠查明分別奏請獎卹該部知道欽此又奉正月十七日

上諭左宗棠奏官軍收復海甯州城一摺其餘出力員弁著左宗棠查明俟克復杭州彙案保奏欽此又奉二年九月初六日

上諭左宗棠奏官軍克復富陽縣城並攻克新橋各壘大獲全捷一摺所有在事出力水陸弁勇著准其彙案保奏候旨施恩欽此竊臣軍自上年二月肅清浙東後即飭蔣益澧會督水陸各軍逼攻富陽扼剿新橋援賊

八月間將富陽縣城攻克將益澧即率所部直搗杭州  
 督各軍進攻餘杭因海甯一城為杭州東北屏蔽桐  
 鄉與海甯毗連迺分軍先取海甯桐鄉並會合蘇軍攻  
 克嘉興府城以孤杭垣之勢復將杭州餘杭城外賊壘  
 次第掃蕩本年二月二十四日兩城即同時攻克該將  
 士等大小百數十戰使久踞堅城先後恢復實屬異常  
 奮勉倍著勤勞 臣 欽奉  
 諭旨當即恭錄行知各營茲據開摺彙案請獎前來 臣  
 覆核無異除記保以藍翎千總把總外委拔補者若部

初編卷十八 五

註冊外其尤為出力各員合無仰懇  
 天恩俯准給予獎敘至迭次打仗陣亡及傷故病故將  
 弁除蔣益澧一軍尙未查覆外其已經查明者併請  
 飭部照例議卹理合分別開單恭呈  
 御覽伏乞

皇上聖鑒施行謹

奏 同治三年十月二十日

請獎外國助勦出力員弁片

再此次攻克杭州權授中國總兵法國參將德克碑督

軍助勦極青出力除德克碑已隨摺  
 奏請獎敘外其所部常捷軍外國員弁茲據開單請獎  
 前來可否仰懇

天恩俯准將三品藍翎遊擊法蘭克藍翎都司勒佛材  
 哪維真三員均請

賞戴藍翎都司白思格啟才爾拜士牌魯矮守備夾勒  
 乃五員均請加四品頂戴並

賞戴藍翎守備謝克耄微爾美德買勒格干總介思德  
 明唐幣囊五員均請加五品頂戴並

初編卷十八 共

賞戴藍翎以示鼓勵之處出自

聖裁理合附片具奏伏乞

聖鑒訓示施行謹

奏 同治三年十月二十日

附陳所保員弁免其加考毋庸核減片

再此次攻克餘杭各城所保員弁稍多實因浙東肅清  
 後該將士等從征年餘大小百數十戰克復各城皆彙  
 歸此次辦理 臣 逐加覆核並無冒濫其隨營文員間有  
 請保免補免選本班者亦皆係從征最久始終出力如

蒙

天恩俯准給獎呈請

飭部毋庸查照尋常考績核減又查現在吏部議定章程奏保各員皆須分別填註考語除此大已填註外其克復遂安嚴州金華及上年援皖援江各案皆未註考現各營存已經遣散者各員中亦有續經保升及病故者可否將已上各案免其加考俱照原請給獎之處出自  
皇上逾格鴻慈理合附片具奏伏乞

初編卷十八

七

聖鑒訓示施行謹

奏



議減杭嘉湖三屬漕糧大概情形摺

奏為覆查杭嘉湖三屬征收漕糧積弊並現籌核減大概情形恭摺具

奏仰祈

聖鑒事竊臣 欽奉同治二年六月初三日

上諭浙省疊遭兵燹小民流離失所殊堪軫念自應將該省漕糧量予減免以示公溥之仁著左宗棠通飭杭嘉湖三屬將實在應征漕糧稅則詳細確查各按重輕分成量減奏明辦理欽此當因杭嘉湖三屬均未克復

初編卷十八

六

戶口流亡征册燬失應俟地方肅清各就各地情形分別裁減於上年十二月覆奏在案本年八月湖州克復浙江一律肅清即與布政司蔣益澧糧儲道楊昌濬商議於省城設立清賦總局悉心規畫期於周妥查杭嘉湖三府漕額之重與江蘇蘇松太等蘇松太既議減三分之一則杭嘉湖亦宜仿照辦理疏杭嘉湖三屬征糧科則言之又以嘉湖為重杭州次之就嘉湖兩府言之又以歸安烏程嘉善嘉興秀水為最重平湖海鹽桐鄉石門德清次之長興武康各屬又次之杭屬臨安於潛



昌化新城等縣山多田少較之嘉湖糧賦固輕出產亦  
遠遜也嘗攷杭嘉湖三屬賦重之由始於宋季賣似道  
之官田元代因而增之明初張士誠據姑蘇兼有嘉湖  
各郡明祖平張士誠遂用其租籍收糧已而又括官田  
之糧均之民田層遞加增民困獨甚我

朝定鼎以來康熙中免三分之一者一年全免者一年  
雍正六年又減嘉湖二府額賦十分之一計銀八萬一  
千餘兩中間偶遇水旱偏災無不隨時蠲緩  
厚澤深仁有加無已故民力得以稍紓至乾隆嘉慶年

初編卷十八

九

開家給人足曾歷辦全漕道光癸未辛卯以後兩次大  
水民間元氣大傷賦重之處未能全漕起運遂歲報災  
歉蠲緩頻仍然

朝廷雖屢沛殊恩而小氓未盡沾實惠蓋一縣之中花  
戶繁多災歉蠲免悉聽經書冊報世家大族豐收者亦  
能蠲緩編氓小戶被歉者尙或全征且大戶僅完繳正  
額小戶更任意誅求遲至厥滿停收即須改征折色每  
石價至五六千文不等以小戶之淨收抵大戶之不足  
官吏徵收不善小民咨怨有詞故開漕之案往往因之

而起然州縣淨收亦非能盡飽私囊也從前河運之時  
旗丁需索需費如成豐初年每兌漕一石除給報部漕  
費銀三錢四分六絲外尙須由州縣貼給費錢千文幫  
費一日不清幫船一日不開州縣惟恐有悞運期不得  
不淨收以填窟窿而小民苦於苛斂弱者日受迫乎樂  
者或從中持之因而竄入大戶以致小戶口少大戶日  
多旗丁之索費日重州縣之虧項日積民以完漕爲苛  
政官以辦漕爲畏途積弊相因官民交困咸豐二年改  
行海運每石連商船水脚及南北用款統計約需銀八

初編卷十八

十

錢有零曾奏准以給漕漕截抵支水脚其不敷之項按  
各州縣幫費重輕酌提解省津貼自七錢至四錢不等  
較河運之時已爲節省茲奉

恩旨飭議核減漕糧將舉數百年積困而紓之崇朝固  
三郡羣黎所呼籲祈禱而不得者臣等躬逢  
盛世若不能博訪利弊之所在而悉心參酌衷諸至當  
以規永久不獨無以副

朝廷曠古未有之

隆施亦何以慰草野久困思蘇之王意謹就現在漕務

應行籌辦大概情形列爲四條敬爲我

皇上陳之一曰減正額浙省杭嘉湖三屬額紅漕白改漕南匠行月等米共一百一十餘萬石征糧之則大小不同即淨額之糧亦多寡不一現須分別量減自應先去淨額之甚以除輕重不均之弊擬各按上中下賦則分別定數如每畝征米一斗一升以上至一斗八九升者爲上則自六升以上至不及一斗一升者爲中則不及六升者爲下則按科則之重輕分別核減總期於額數征日酌減三分之一庶科則定而減數因之而均也

初編卷十八

幸

一曰減淨收向來收漕加耗每石自一二斗至七八斗不等各視花戶貴賤強弱以定收數多寡今額漕既經減定則淨收之款豈可任其因仍惟州縣辦漕有修倉搭篷紙張油燭之費有倉夫斗級漕記差役飯食之費有內河運米交兌夫船耗米之費有交米書役守候之費一切用款甚鉅且收漕交兌相隔一二月風暘掀轉虧折必多不能不於正漕之外酌留運費以資津貼應俟查明各州縣用款由外核實辦理其向來加尖加價勒折諸弊自核定之後概行裁革紳民一律均收不得

再有大小戶之分庶穀祿平而公私因之而利也一日籌運費浙省向辦海運每石需費約銀八錢除向給幫丁漕截銀三錢四分六絲抵支外尙不敷銀四錢五分零現正額淨收概行分別核減自未便再由州縣議提津貼擬請將海運經費每石定以八錢爲額除支漕截外不敷之款另行籌足查浙漕如照統減三分之一每年起運之米不過六十萬石上下漕截一欸不另核減計可餘銀十餘萬兩又節省給幫本折行月經費實米變價可得銀十二三萬兩又屯田租息及節省幫弁廉

初編卷十八

幸

俸可得銀數萬兩統計將及三十萬兩足抵海運經費至所動正欸八錢按年將動用欸目據實奏結應毋庸造冊報銷以歸簡便並不得逾八錢之數以示其限制庶淨費裁而上下因之而利也一日裁陋規向來州縣收漕一切陋規極爲繁雜此次核定章程應令各州縣據實查明開摺呈送分別裁減庶弊竇清而漕政因之而肅也嗣後非實在旱潦不得再報災欸即實在民欠亦不得再報墊完而近來數十年相沿陋習亦可除矣至應減米數須查明科則方能核定現在地方新復冊

籍無存已飭各屬勒限趕造除白糧粳糯為

天庾正供擬仍照額辦運擬減之數應統於漕糧項下註扣此外南糧行月匠糧等仍各歸各款按成扣減至杭嘉湖三屬漕糧稅則輕重不同自應查照各縣科則量減再併計總數共減若干伏查各處被擾情形如杭屬之臨安新城於潛昌化湖屬之長興武康孝豐安吉皆路途遼遠受害尤烈室廬盡成灰燼田地久已荒蕪即招集遺黎亦寥寥可數從前道光年間及咸豐初年辦理漕運每屆皆不過七八十萬石及五六十萬石不

初編卷十八

三

等現擬照杭嘉湖全額統減三分之一如能辦理全漕與歷屆尚不相上下惟刻下三屬情形即照減三分之一明歲新漕亦斷難如數征納而欲為經久之計又不能不逆計

國賦盈虛以為定則可否仰懇

皇太后

皇上天恩俯准將杭嘉湖漕糧統減三分之一明歲新漕再酌量辦理之處出自

聖裁至海運經費每石向祇支銷漕截銀三錢四分六

絲此少請以八錢作為定額與部案不符惟查商船水脚及南北用費每石實需銀八錢其餘不敷之項皆係各縣津貼此時不將津貼一項裁革則雖有核減之名仍未能得核減之實故不得不據實瀝陳籲懇

聖恩准予漕截並行月屯租各項下照數動支庶漕弊可以盡革又通省地漕銀兩及浙東各屬南米或關係餉需或抵支兵食除正額毋庸查減其淨收之款亦應分別裁革現甯波紹興溫州三府業已定章處州亦經減定其餘各屬應即一律核減以昭公溥除俟查各縣酌減額數另行具

初編卷十八

三

奏外理合將議減杭嘉湖三屬漕糧大概情形恭摺具奏伏乞

皇太后

皇上聖鑒訓示施行再臣於十月二十四日交卸撫篆此摺係由臣先行定稿是以護撫臣未經列銜合併聲明謹

奏

同治三年十月二十六日

議政王軍機大臣奉

旨戶部議奏欽此

初編卷十八

說

請將北新關暫緩開設由釐捐撥抵關稅捐  
奏為浙省地方新復請將北新關暫緩開設按月由釐  
捐酌撥以抵關稅恭摺仰祈

聖鑒事竊照杭州北新關向設武林門外其水旱城門  
及圍城水陸要口均設稅卡每年額征正餘稅銀十七  
萬二千六百餘兩銅銀水腳銀一萬五千三百餘兩本  
年二月省垣克復前織造鶴剡奏明俟三月後再設關  
試辦嗣於七月十一日啓關迄今已逾三月征數寥寥  
而釐稅亦形減色推究其故固向來關書巡役視爲利

初編卷十八

說

藪藉端刁索任意抽收商民久已視爲畏途茲當公私  
罄竭之餘遽行設關書役故態復萌以致商賈裹足不  
前咨怨更甚迭據各商呈控以釐捐與關稅雖同爲商  
所應納然輸於釐局者無留難詐索之煩輸於關口者  
有守候指勒之害臚列十款備陳苦况臣知其情狀非  
誣咨商織造恆延擬以釐金劃抵現收關稅會奏暫停  
關口征收以順輿情恆延以事非定制未免爲關吏所  
持不敢運決臣維杭州省垣向稱繁富自經兵燹彫敝  
不堪至今市肆蕭條未能復業即設法招徠猶難期遑

復舊規若令竭澤而漁各懷疑畏不但百貨翔貴商賈無利可圖即此子遺之民生事艱難必致益形窳瘠此固事理之不容坐視者也然使關稅能如前暢旺下有所損而上果有所益臣亦何敢擅議更張乃自八九兩月正當關期暢旺之時而該關口極力搜羅所得稅項每月不過三千數百兩而止即照此數率算一年所獲亦不過四五萬兩而虧欠正餘各款常在十萬以外是暫時復設關口下有所損而上並無所益亦何樂而為此乎臣與在省司道從長集議謹擬於浙江各屬釐捐

初編卷十八 七

項下按月劃撥錢一萬串解交織造為採辦一切工料之需另撥銀一千兩津貼織造司庫庫使等辦公及該衙門書吏匠役紙張飯食各項用費其向解部科飯食即於每月撥解錢一萬串內由織造酌量解給計每年釐局共撥解錢十二萬串市價約合銀九萬兩又津貼銀一萬二千兩以抵關稅較該關現征銀數已加倍茲於該關公私均有裨益嗣後如餉需稍裕釐捐有餘尚可量為加撥以補正額統俟軍需一律告竣釐捐停止再復舊制辦理庶關釐不致並舉商民得以稍紓亦用

其一緩其二之義也如蒙

俞允即請

飭下杭州織造速將關口各稅一概暫停毋聽關書從惡別生枝節庶關稅得歸有著而杭州商民永戴

皇仁於無極矣謹會同護撫臣蔣益澧恭摺具

奏伏乞

皇太后

皇上聖鑒訓示施行謹

奏同治三年十月二十六日

初編卷十八 八

同治三年十二月初二日內閣奉

上諭左宗棠奏請將北新關暫緩開設按月由釐捐酌撥以抵關稅一摺據稱浙省疊遭兵燹河做不堪市肆蕭條小民未能復業即設法招徠渣積猶難遷復若再竭澤而漁不但百貨翔貴商賈餬口無資即此子遺之民生計益形窮蹙北新關試辦已逾三月征數寥寥實因關有巡役等向來視為利藪一經設關故態復萌藉端刁索以致商民視為畏途裏足不前請將關稅暫停以順輿情等語所奏切中地方利弊浙省蹂躪已久正

宜休養生息以培元氣若任令關胥巡役人等私作威福肆意詠求於國課毫無裨益而閭閻苦累甚深殊非體恤商賈之道著恆延將北新關暫緩開設關口各稅一概暫停抽收毋得任聽關書等恣意別生枝節並著照左宗棠所擬於浙江各屬釐捐項下按月割撥錢一萬串解交織造為採辦一切二料之需另撥銀一千兩津貼織造司庫庫使等辦公及該衙門書吏匠役紙張飯食各項用費餘著照所議辦理俟軍務一律告竣釐捐停止再行循照舊章辦理該部知道欽此

初編卷十八

三

敬陳薦舉人材摺

奏為敬舉人材請

旨錄用以昭激勸事竊臣前准部咨同治元年九月初

四日奉

上諭御史劉慶奏薦舉人材應令分別聲明以備器使一摺前因舊書羅傳衍奏薦舉人材宜認真慎保當經降旨令大學士及各部院大臣於平日真知灼見者臚列事實秉公保奏茲據該御史奏稱全材實難貴在量器使用當其才可奏功用違其才亦足僨事等語

初編卷十八

三

所奏不為無見嗣後中外各大臣督撫於薦舉所知即將該員才所優為或從前見諸施行已著實效者於摺內詳細臚列將來次第錄用即就其所長授以職任考其事功倘所舉之員不能勝任定將原保之大臣督撫等治以所舉不實之咎中外各大臣等務當各矢公忠悉心遴選講求實際毋採虛聲用副朝廷求賢若渴量能授官至意欽此跪聆之下仰見我

皇上愛惜人才絲覈名實至意臣自入浙以來留心延訪求諸踐履之間證以事為之實得四人焉如杭州府

學生員丁丙見義必為居心懇惻而有條理在杭州賑撫局辦理各務巨細咸宜人皆稱其善而服其敏若授以收令之職必能捐衛眾庶希蹤循良鄞縣五品銜內閣中書陳政翰才長而能斷在甯波府局襄理局務能持大體壹意奉公雖遠人亦不能挽石門縣丁憂同知銜江蘇候補知縣陳其元才長心細力持大局辦理甯波局務勤幹有為此兩紳者若授以繁劇之任必能有所展布遂安撥國子監學正銜貢生洪自含以利人濟物為念敦善不怠甘貧守正秉性樸誠人共信之勸捐

初編卷十八

三

善舉皆有實濟年已六十不求仕進應請

賞給京銜以風末俗臣將去浙聞見既確未敢溲其所長謹以此應

詔伏乞

皇上聖鑒訓示施行謹

奏 同治三年十月二十六日

同治三年十二月初二日內閣奉

上諭左宗棠奏敬舉人材請旨錄用一摺浙江杭州府學生員丁丙在杭州賑撫局辦理各務巨細咸宜著以

知縣發往江蘇補用內閣中書陳政翰在甯波襄理局務能持大體江蘇候補知縣陳其元辦理甯波局務勤幹有為以上二員均著以直隸州知州發往江蘇補用國子監學正銜洪自含甘貧守正勸捐善舉皆有實濟著賞加光祿寺署正銜以示鼓勵該部知道欽此

初編卷十八

三

恪靖奏稿初編卷十九目錄

錫封伯爵敬懇允收成命摺

奏報交卸赴閩督師勦賊摺

援閩軍餉由浙籌撥解應片

卸篆後敬陳浙江應辦善後事宜片

密陳記名提鎮切實考語摺

直陳李萃司被參情節摺

覆陳被參鄧道巡禦不力請革職片

奏報督師行抵浦城見籌勦辦情形摺

初編卷十九

請將丁憂臬司開缺幫辦軍務片

攻物漳汀踞逆及見籌勦辦情形摺

查參畏賊玩法之將弁片

再陳懇辭伯爵摺

錫封伯爵敬懇允收成命摺

奏為披瀝微誠敬懇

天恩允收成命俾得稍安愚分事竊臣於十月十八日

准兵部火票遞到同治三年十月十一日內閣奉

上諭閩浙總督兼署浙江巡撫左宗棠督師入浙恢復

浙東各郡縣進規浙西攻克杭州省城及湖州等府縣

肅清全浙並派兵截勦皖南竄賊嚴平巨股卓著勳猷

茲當幼逆洪福填就擒殲除餘孽東南軍務漸次底定

自應渥加懋賞左宗棠著加恩錫封一等伯爵欽此跪

初編卷十九

誦之餘感激涕零罔知攸措伏念臣家世寒素耕讀相

承數百年來並無貴仕後臣遭際

聖時仰蒙

文宗顯皇帝特達之知拔自草茅置之卿列自領偏師

轉戰江西皖浙之間不數年疊蒙

皇上大恩濬擇疆圉重任寸功未建

異數頻加凡茲曠世未有之遭逢實屬夢寐難期之恩

遇茲復以江西擒獲逆種更荷

鴻施錫封伯爵自顧何能濫叨



懇賞早夜懃懃莫知所為伏念除盜賊慎固封守皆  
驅臣職分當為之事就使誅巢斬讓克奏膚功亦祇藉  
手告成功於何有况論平浙一役溫處則得閩師之力  
嘉湖則賴蘇軍之助即幼逆就擒亦江西諸將士吏民  
之力為多臣幸藉助鄰封稍寬咎責豈宜濫糜好爵更  
荷

褒封伏懇

皇上鴻慈允收成命俾微臣得稍安愚分益勵非忱以  
勉效馳驅無虞隕越則有生之日皆戴

初編卷十九

二

德之年不勝悚息待  
命之至謹陳悃懇伏乞

皇太后

皇上聖鑒施行謹

奏向治三年十月二十七日

議政王軍機大臣奏

旨另有旨欽此

奏報交卸赴閩督師勦賊摺

奏為微臣交卸撫篆起程赴閩督師勦賊所調撥閩各  
軍見在均可陸續馳抵閩境恭摺陳仰祈

聖鑒事竊臣於本月二十日准兵部遞到議政王軍機  
大臣字寄十月十三日奉

上諭左宗棠奏賊竄閩境請派兵援勦覽奏均悉龍巖  
與粵東毗連各處俱為賊踞閩省軍情萬分喫緊著左

宗棠催令派出各軍並親督官軍速籌進剿欽此旋得  
閩省稟報漳州仍為賊踞李逆世賢踞漳州逆湧洋

初編卷十九

三

踞灌田丁逆三陽武平賊聚頗眾雲霄既失漳平復  
急閩中人心益形震動臣自應迅速馳往相機勦辦所  
調撥閩各軍約分三路劉典率八千餘人由江西撫建  
入汀州為西路本月十四日已抵撫州前隊已行抵建  
昌計此時已入閩邊矣記名臬司王德榜所部二千五  
百人亦由此路繼進黃少春劉明珍率所部馬步四千  
六百人由衢州江山出浦城為中路臣原檄其趨邵武  
續因汀州有備邵武無虞改調赴建甯以趨延平據報  
十四日已抵浦城矣高連陞率所部四千並浙江補用

知府魏光邠所部五百人由杭州赴甯波僱坐輪船直趨福州出興泉為東路據報上海輪船十九日可僱到二十二日全軍啟行計兩三日可抵福州臣於二十四日遵

旨將浙江巡撫關防兩浙鹽政印信

王命旗牌委臣標中軍參將李耀光杭州府知府薛時雨齊交藩司蔣益澧護理定於二十八日帶親兵及各營取道衢州浦城以出中路聞浙總糧臺仍駐衢州其浦城建甯均設轉運局一切進止機宜容當隨時馳奏

初編卷十九

四

所有微臣交卸起程日期理合由驛馳

奏伏乞

皇上聖鑒訓示謹

奏同治三年十月二十七日

議政王軍機大臣奉

旨另有旨欽此

接閱軍餉由浙籌撥解應片

再浙省撥閩各軍統計二萬三千餘人每月約需餉銀十四萬兩此時漳州龍巖及汀州各屬均被賊擾閩省

軍需萬分支結浙省派去援師所需餉項自應由浙撥濟且查從前慶瑞辦理援浙軍務半年用閩餉九十九萬五千餘兩著齡辦理援浙軍務半年用閩餉九十九萬八千餘兩臣接任後從上年四月起截至本年九月止計一年零五個月又用閩餉一百零八萬二千兩茲以浙餉仍濟浙師稍紓鄰臣於義本為允協臣赴閩後

應請旨責成護撫臣蔣益澧署藩司楊昌濬每月籌撥餉銀十四萬兩解交衢州總糧臺轉運軍前以資應用浙省

初編卷十九

五

地方均係新復籌餉甚難且既奏明每月撥解撥閩各軍餉銀十四萬兩嗣後別省協款即請

飭部暫免派撥理合附片具

奏伏乞

聖鑒施行謹

奏同治三年十月二十七日

議政王軍機大臣奉

旨戶部速議具奏欽此

卸篆後敬陳浙江應辦善後事宜片

再浙江初復百度更新臣與僚屬竭力經營尙祇甫有端緒如除匪安良剔除痼弊修復水利諸大端關繫尤重臣智慮短淺又兼時日迫促未克稍究厥施實維心疾如嘉湖槍匪一節爲奸盜之源風俗之害業經蔣益澧節次拏辦漸除著名劇匪百餘名編立船埠稽查保甲勒繳船械適來浙境漸已斂戢風聞徒黨之投入上勞者尙多臣曾函請李鴻章密速捕治以淨根株未知如何辦理蘇境未清則亦浙境之患也至台州負山面海風氣素稱悍戾士豪動輒結黨相攻玩視官長及今

初編卷十九

六

不治必爲後患臣已檄委留浙補用道銜知府劉璈署理台州知府其台州協副將一缺則以留浙副將谷香山署理各帶所部勇丁赴任冀以懲除豪惡俾愚懦得以安生然亦非旦夕可期之效至杭屬及甯紹台溫濱海之區海盜時有出沒水師直河虛設船礮全無欲治洋盜以固海防必造礮船以資軍用輪船紅單兩式均不可廢做造僱駕兩議非錢不行一時籌措無從不待不緩期以待此治匪之事尙須妥爲經理者也杭嘉湖三屬錢漕之重實浙中數百年民瘼攸關見雖擬議等

辦大槩情形陳

雖然非守令實心經畫難期盡善而垂小遠至南北新開權稅之害關繫杭郡一方民瘼見甫設劃釐抵稅未卜能否邀

恩其金衢嚴台四郡徵收錢糧章程尙未及籌辦此別弊之事尙須妥爲經理者也浙江全轄土山近山者瘠近水者腴民田賦重更賴蠶桑爲生理蠶桑之利惟浙西爲最饒民之治桑其栽培灌溉與治水田無異故自古治浙有聲者莫不以水利爲重也海塘關繫吳越兩

初編卷十九

七

省農田寇亂以來石工坍卸過甚欲及時修復約略估計非百餘萬兩不可此時公私蕩盡捐墊俱窮臣前已奏明先辦上備塘暫禦鹹潮計亦非得銀二十萬兩不可其工果由紳捐紳辦官不與聞見在雖經興工而亂後人稀料賤工費一時尙難迅期蕪事至杭州西湖爲仁和海甯水利所關餘杭南湖爲仁錢水利所關省城中河爲民商炊汲舟楫之利今雖中河修濬完工南湖草草畢事而西湖則淤墊已高對長水柘未遑議濬此修復之事尙須妥籌經理者也臣已交出撫篆料理起

程而每念此邦疾苦情形殊深耿耿護撫臣蔣益澧  
與臣共事已久於整軍治民各事極意講求署布政使  
楊昌濬與臣相處多年信心有素必能補臣缺漏仰答  
恩知臣已將應辦未辦各事交其妥為籌畫惟是為治  
之道與利不如除弊任法不如用人兩臣駁歷未久於  
部中一切文法則例均未深悉若遽以此相繩正恐力  
有未逮是則區區之愚不敢不盡者耳謹附片具  
奏伏乞  
皇上聖鑒謹

初編卷十九

八

奏同治三年十月二十七日

議政王軍機大臣奏

旨另有旨欽此

議政王軍機大臣 字寄閩浙總督一等伯左宗棠同

治三年十一月初六日奉

上諭左宗棠奏交卸撫篆赴閩督師剿賊並瀝陳浙省  
應辦善後事宜徐宗幹奏官軍分路剿賊情形並請將  
陣亡臬司張運蘭等優卹各摺片覽奏均悉福建官軍  
分路剿賊疊獲勝仗惟李世賢汪梅洋丁三陽等逆酋

踞漳州灌田武平等處賊數頗眾左宗棠見飭劉典王  
德榜由西路進黃少春劉明珍由中路進高連陞等航  
海直趨福州出與泉為東路之師而自率親兵由衢州  
浦城赴閩相機調度於地勢軍情籌畫均中窾要即著  
督率各軍迅速入閩實力剿賊盡殄賊氛以副委任其  
閩省之會玉明康國器等軍及江西赴援之宋國永襄  
雲慶等軍仍著左宗棠徐宗幹分別檄催會合夾擊期  
收聚殲之效至援閩軍餉業由左宗棠飭令蔣益澧楊  
昌濬等每月籌解銀十四萬兩源源接濟即著蔣益澧

初編卷十九

九

督飭楊昌濬妥為籌畫按月如數撥解以利軍行徐宗  
幹所請飭部酌撥鄰餉一節即可毋庸再議浙江初復  
百度維新左宗棠於除匪安良剔除痼弊修復水利諸  
大端竭慮殫心漸有端緒此時交卸起程務益澧護理  
撫篆即屬責無旁貸所有海塘工程農田水利及濱海  
各郡整飭水師台州所屬懲除豪惡各事宜並著與楊  
昌濬審度時勢次第籌辦馬新貽到任後並著將以上  
應辦各事宜咨商左宗棠妥籌辦理務出萬全至嘉湖  
槍匪為蘇浙兩省奸盜之源風俗之害經蔣益澧節次

擒斬劇匪編立船埠稽查保甲勒繳器械浙境漸已欽  
戢而徒黨之投入上海者尚多著李鴻章督飭員弁密  
迹捕治以淨根株不得敷衍了事致成隱憂左宗棠所  
稱爲治之道興利不如去弊任法不如用人蔣益澧等  
跋扈未久請勿繩以文法等語部中文法皆係歷久奉  
行舊章自當遵守至地方瘡痍未起一切章程有必應  
變通者疆臣果能剴切敷陳朝廷未嘗不特予俞允蔣  
益澧等惟當勤求民瘼力矢公忠遇有應行事宜將實  
在情形詳晰具奏朝廷必能斟酌重輕權衡至當毋以

初編卷十九

十

文法相繩總總過慮也將此由六百里諭知左宗棠李  
鴻章徐宗幹馬新貽並傳諭蔣益澧知之欽此

密陳記名提鎮切實考語摺

奏爲遵

旨將記名提鎮各員出具切實考語仰祈

聖鑒事竊臣欽奉

寄諭軍興以來各路軍營由兵勇出身打仗得力者歷  
保參副等官續有勞績無可再加往往奏請以提督總  
兵記名備放朝廷破格用人每逢各路統帥疆臣奏保  
無不立沛恩施惟提鎮係專關大員爲選省各營之表  
率關繫極爲緊要嘗有戰勝攻取極爲得力而於平日

初編卷十九

十一

一切操防各事宜閱歷太淺未免失宜迨至驍縱廢弛  
貽誤戎機被人參劾朝廷加以嚴譴致有用之才不獲  
養成利器以備干城之選殊爲可惜嗣後各省督撫各  
路統兵大臣凡保舉記名提督總兵者須另片密註堪  
以勝任字樣或其人才堪造就而於提鎮大員尙難稱  
職不妨給予別項優獎俟其歷練較深再畀專閫重任  
如有實在不能勝任者亦卽隨時奏參不得稍有遷就  
以仰副整軍經武培植將材至意欽此跪聆之下敬懇  
我

皇大愛惜人才慎重委任至意臣維用人之方自古難  
責人以備而行陣之選求全更難其人但使勇於赴敵  
而驕恣不生廉於殖而軍民不困則制賊有其本而  
已亂可止未亂者不工於亂也至於方略之優長機宜  
之允協則求諸古昔口將蓋亦難之臣自親歷行間以  
來留心考察於所部將領短長頗有所見謹據實密註  
考語別具清單恭呈  
御覽伏乞  
皇上聖鑒謹

初編卷十九

主

奏同治三年十月二十七日

直隸李革司被參情節摺

奏為遵

旨查明覆奏仰祈

聖鑒事竊臣於同治元年閏八月欽奉

寄諭有人奏已革臬司李元度罪重罰輕仍請按律定  
擬罪名一摺著左宗棠確切查明該革員罪重罰輕之  
處是否允當據實具奏原摺鈔給閱看 此本年八月  
二十九日准兵部火票遞到議政王軍機大臣字寄八  
月二十一日奉

初編卷十九

主

上諭前因有人奏已革臬司李元度罪重罰輕仍請按  
律定擬先後諭令左宗棠會同藩確切查明據實具奏  
茲據會同藩奏稱李元度從該大臣最久艱苦備嘗咸  
豐十年守備之役到郡不及十日侍逆大股猝至兵力  
未厚府城失陷奏參革職等因本屬從嚴十一年援浙  
之役參案未結濠行回籍沿途飾報勝仗又不努力救  
杭奏參革職留營尙為允當且當六年春間江西糜爛  
之時賴李元度力戰撫州支持危局該革員本有兼人  
之才惟職陣非其所長用違其材遂至身名俱裂見在

大功粗成追思昔年患難與共之人惟李元度獨抱向隅之感懇請酌量錄用等語李元度一員前因有人陳奏於同治元年閏八月間寄諭左宗棠查奏並將原摺鈔給閱看此次曾國藩所奏各情仍著該督詳細查明李元度從前被參罪重罰輕之處是否允當迅速具奏欽此臣維曾國藩原參李元度一摺其情節以失守徽州徑自募勇赴浙飾報克復義甯等城由江西援浙節節逗留以致杭城失陷四者為重如原參徽郡失守一節臣查李元度自湖南平江募勇三千於咸豐十年八

初編卷十九

古

月十六日甫抵徽州而李逆世賢已先四日攻陷甯國府城旋破叢山關李元度固守徽州府城三日力竭被陷曾國藩馳奏其時尚未知李元度下落也旋奉文宗恩諭李元度謀勇兼優戰功屢著此次敗衄深為可惜人才難得著該大臣迅速查明下落具奏十月初十日復奉上諭皖南道李元度不能堅守待援著即革職拿問臣查李元度失守徽州本有應得之咎曾國藩因其不能固守奏參革職拿問實為允當惟其情尚有可原者以

三千之眾倉卒分駐叢山關徽州府城兩處數萬披猖之寇勢力懸絕以不能固守責之可也不知言者謂其棄城逃避並稱其逃走在徽城未失之先未經圍城一二日之險奏劾失實洵不足折服其心此曾國藩所以復有原參革職拿問本屬從嚴之奏也如原參不候審訊徑自募勇赴浙一節臣查李元度之募勇赴浙實由前浙江撫臣王有齡奏請會奉諭旨允行既非李元度營謀亦非鄧輔綸援引李元度每以曾國藩原參失實極口呼屈臣詢之鄧輔綸亦云

初編卷十九

古

實無其事觀杭城未陷之先瑞昌王有齡屢次檄催李元度迅速馳援並飭浙紳胡光墉為其籌措行程可知此議實出於王有齡非李元度之徑自募勇赴浙明矣曾國藩謂李元度由鄧輔綸干求入浙本是揣想之詞並無實據詢據鄧輔綸言身在浙江係候補道員望輕資淺軍謀一切大吏主之何敢妄有干預其言固可信也如原參由江西援浙節節逗留以致杭城失陷一節臣查李元度入浙時金華嚴州兩城已陷浙東徧地賊蹤龍游本是堅城李元度頓兵其下兩月不能速拔本

國舍龍游不攻急赴杭州之援無如前途堅城要隘均為賊踞進兵之路早已斷絕欲進不能觀後此臣軍入浙先克遂安守之斷賊北路包抄乃引軍解衢州江山之圍進攻龍游湯溪蘭谿克金華肅清浙東然後攻富陽餘杭以攻杭州驍將勁兵歲事尚在兩年以後然則李元度當時孤軍未能深入情固可原若以杭城失陷謂由李元度逗留所致未足折服其心曾國藩謂其不能努力救杭事外論人每多不諒未足據也至原參李元度自募勇赴浙飾報克復義甯等城一節查李逆秀

初編卷十九

六

成由皖南江西徑竄湖北意在收羅黨夥以張逆餓遠其脅既眾復假道江西皖南以歸金陵李元度由平江通城尾賊而來於賊去之後居復城之功實近無理臣嘗以此詰李元度祇據梅曾見賊旗則其未嘗開仗可知乃當時竟騰書報捷致湖北江西均據以入奏此罪之可議者一也自臣軍解衢州之圍復轉戰江山斷賊入江西福建之路時李元度固守江山分八營隨臣出隊尚為出力臣嘗倍加獎借以期共濟時艱並因欠餉無從籌措應暫留數營緩撤俾餉項得資周轉乃李元

度自聞曾國藩劾參落職後即悻悻求去心煩意亂田事紛呶維時臣軍除留守遂安外隨同出戰者僅五千人而李逆世賢全股及粵賊譚星等花旗粵匪人數實二十餘萬眾寡懸絕臣許其汰撤數營挑留數營隨同勦賊李元度固執不從必求全撤且先將臣所指留各營撤去以示絕無轉念明知其時浙境淪胥無從得餉軍苦窘萬分乃日向倡索不給不休臣曾飭李元度國家何負於爾乃竟忍出此耶李元度不顧也李元度以一書生蒙

初編卷十九

七

恩擢任皖南道轄境失守革職奉問復蒙恩擢至浙江臬司革職後奉旨交臣差委當浙事危險之時心懷怫鬱不顧大局如此此罪之可議者二也至曾國藩初次奏劾李元度謂其負曾國藩負王有齡此次代為乞恩又謂昔年患難與共之人惟李元度獨拒向隅之感所陳奏者臣係情義之私非國家刑賞之公臣均不敢傳會具奏謹將李元度被參情節據實直陳伏乞



皇上飭部按律定擬以昭允當理合遵旨附詳

奏伏祈

聖鑒訓示施行謹

奏同治三年十月二十七日

議改王軍機大臣奉

旨另有旨欽此

同治三年十一月初六日內閣奉

上諭前因御史劉慶奏參已革臬司李元度罪重罰輕

初編卷十九

六

請仍按律定擬當經諭令曾國藩左宗棠查明具奏嗣據曾國藩奏稱前因徽州失守將李元度奏參革職等語本屬從嚴該革員前在江西力戰撫州支持危局本有兼人之才懇請酌量錄用復經諭令左宗棠查奏茲據左宗棠奏稱李元度固守徽州三日賊眾兵單力竭城陷原參謂其棄城逃避在徽城未失之先殊為失實其募勇赴浙實係王有齡奏調並非不候審訊擅自回籍該革員援浙時浙東福地賊蹤進兵之路中斷孤軍未能深入杭州失陷非由李元度逗留所致惟飾報克

復江西義甯等城一節查李元度由平江通城而來於賊去之後居復城之功未經開仗竟報捷書嗣後在山隨營勦賊輒因曾國藩參劾落職悻悻求去必欲將各營全撤偪索軍餉不顧大局則實咎由自取等語李元度從前本有戰功被參各節亦多不實情有可原惟在江西飾報打仗復不顧大局撤勇索餉咎有應得著該部分別情罪秉公按律定擬以昭平允欽此

奏陳被參鄧道巡禦不力請革職片

再臣欽奉

初編卷十九

五

寄諭有人奏浙江試用道鄧輔綸前在江西管帶平江營勇丁所至騷擾冒餉致富嗣捐道員分發到浙王有齡深加委任杭城失陷該員擁眾潛逃刻下聞尚在江楚鐵營帶勇希圖保舉等語該員於杭城失陷時本有應得之罪亟應從嚴懲辦以肅軍律若左宗棠查明據實參奏按律嚴懲毋稍徇縱原片著鈔給閱看欽此伏查鄧輔綸由同知捐升道員咸豐十年七月分發來浙十一年九月杭城被圍前撫臣王有齡委其隨同巡城及分查保甲等事十一月二十八日杭城失陷時鄧輔

綸在慶春門城上巡查而鳳山侯潮等門守兵紛紛譁  
潰傳言清波望江兩門已陷矣鄧輔綸正圖抵禦適賊  
眾蜂擁而來勢不能支鄧輔綸帶傷後投入城河遇難  
民搭救得生隨至上海同治元年三月隻身赴衢投到  
嗣因其祖母年逾九十請假省視臣當飭其回籍並無  
擁眾潛逃及在江楚鎮營帶勇情事該員到省僅只年  
餘資望甚淺王有齡僅委巡城及分查保甲等事並未  
深加委任至從前在江西帶勇所至騷擾冒餉致富一  
節訊查毫無實據該員係前江西臬司鄧仁堃之子人

初編卷一九

平

頗馴謹家亦小康其帶勇時並無劣蹟至杭城被陷鄧  
輔綸係試用人員自未便與地方印委各官一體治罪  
惟巡禦不力咎亦難辭應請

旨將浙江試用道鄧輔綸卽行革職以示情法之平理

合附片具

奏伏乞

聖鑒訓示施行謹

奏同治三年十月二十七日

議政王軍機大臣奉

旨另有旨欽此

同治三年十一月初六日內閣奉

上諭前因升任御史梅啟照奏參浙江試用道鄧輔綸  
前在江西管帶勇丁騷擾冒餉嗣捐道員分發到浙杭  
城失陷擁眾潛逃復在江楚諸軍鎮營帶勇希圖保舉  
等語當經諭令左宗棠查明具奏茲據左宗棠奏稱鄧  
輔綸由同知捐升道員分發浙江咸豐十一年九月杭  
城被圍經王有齡委令巡城迨十一月間杭州省城失  
陷該員帶傷投入城河遇救得生於同治元年三月請

初編卷十九

三

假回籍並無擁眾潛逃及在江楚鎮營帶勇情事其從  
前在江西帶勇騷擾冒餉一節亦查無實據惟省城被  
陷巡禦不力咎有難辭請旨革職等語浙江試用道鄧  
輔綸著卽行革職欽此

奏報督師行抵浦城見籌辦情形摺

奏為微臣督師入閩行抵浦城見籌辦情形恭摺

奏祈

聖鑒事竊臣於十月二十四日將兼署撫篆交卸後即於二十八日自杭起程十一月十六日行抵福建浦城沿途疊據閩省文武稟報漳州龍巖南靖永定平和雲霄各城賊尙屯踞如故署陸路提督林文察十月十二日進勦漳郡踞逆副將惠壽營盤先陷林文察退紮玉洲十四日出隊響水橋獲一小勝十一月初三日漳郡

初編卷十九

三

踞逆出犯萬松關瑞香亭陸路各營並分股直撲鎮內水營林文察督陸軍接仗因後路被賊抄襲兵勇敗潰林文察中槍陣亡其瑞香亭萬松關陸營同時失陷方事急時曾玉明督水軍橫嶽賊陣死傷亦多旋退三汊河並收集副將惠壽遊擊許忠標等潰勇暫駐江東橋以固泉州門戶臣查閩省惟康國器一軍尙稱整練此外各軍均係零星雜湊難期得力林文察前帶本籍臺灣勇丁尙稱能戰此次內渡倉卒調集兵將兩不相習復濫收隨營文武兵勇多人冗雜尤甚臣前檄令力保

泉廈並未敢責以規復漳州旋聞其已進萬松關距漳

城僅二十餘里復檄其深溝固壘勿浪戰求勝俟浙軍

到後協力並規乃為穩著不料其急於趨戰致有此失

也幸高連陞一軍已由福州前進初七日已抵泉州據

高稱逆賊李世賢自初三日得逞後土匪從亂如歸已

莫不萬松關石碼北溪等處泉廈岌岌林文察此次之

挫土匪面擦煙煤潛襲後路印曾玉明亦稱土匪賊官

軍中隊即將營帳搶劫一空然則漳州民心之不足恃

已可概見矣高連陞率所部急趨同安以保泉廈尙

初編卷十九

三

未知能否到在賊前其記名提督黃少春及擬保總兵劉明珍所部臣本飭其暫住延平聽候調遣旋准撫臣來咨已徑調赴省旋調赴長泰據黃少春稟擬於初八日前進此東路進兵情形也其龍巖州踞逆散佈長汀連城甯洋各界時出窺伺候選道張恒祥率張運蘭舊部一擊挫之見尙無動靜康國器由永安進紮雁石在龍巖城東二十餘里臣咨劉典先將汀州連城甯洋一帶踞匪肅清以攻龍巖之北復調新署福建臬司王德榜由瑞全馳赴汀州擬俟其到後休息數日出汀州南

趨上杭以攻龍巖之西計驅逆賊歸併一處嚴遏北竄  
彼此聯絡而後兵力乃敷分布免為賊所牽縈見據劉  
典函報已抵建甯縣其前隊已抵甯化王德榜一軍由  
江西長甯取道寧都瑞金入閩計此時亦可馳抵汀界  
此西路進兵情形也其中路以延平為最要蓋延平踞  
省會四百里一水可通既也據上游以杜窺伺之萌復  
可策應龍漳諸軍為犄角之計臣原擬令黃少春暫住  
此地待臣入閩後即還今既調赴省城復調赴東路則  
中路空虛臣已飭隨行四營先由建甯馳赴延平臣於

初編卷十九

高

拜摺後即率親兵續進俟抵延平後察看情形續報至  
前奉

諭旨鮑超所部雲慶等由臣調遣此時倘無入閩消  
息也除林文察失利陣二所部各營死傷潰逃實在情  
形容會同福建撫臣徐宗幹查明分別請  
卹參辦外理合恭摺由驛馳

奏伏乞

皇上聖鑒訓示施行謹

奏同治三年十一月十八日

議政王軍械大臣奉

旨另有旨欽此

請將丁憂臬司開缺幫辦軍務片

再臣於十一月初三日嚴州營次欽奉同治三年十月  
二十三日

寄諭劉典見由左宗棠檄赴汀州勦賊軍務喫緊之時  
未能遽准終養其浙江臬司本任即毋庸先行開缺見  
署臬篆之林聰彝如果閱歷尚淺於此缺不甚相宜即  
著左宗棠另派賢員接署或於鄰近省分另有所知人

初編卷十九

謹

才亦可酌保數員候旨俯用李榕見在院北帶兵一時  
未能履任業准其開缺浙江運司已簡放楊昌濬所遺  
浙江糧道一缺並令周開錫補授矣等因欽此臣查布  
政使銜署浙江按察使劉典自上年開訃丁憂回籍即  
請開缺終制嗣以逆賊竄入江境臣檄其由湘募勇赴  
江援剿旋奉

旨幫辦江皖軍務見在江境肅清閩省被賊竄擾臣檄  
其由建昌取道汀連相機進剿該臬司以墨經從戎雖  
義無可諉而服官從政終覺心有未安再四呈請開缺

俟閩省軍務完竣回籍終制臣察其情形極為懇切是以不得不代為陳請合無仰懇

天恩俯准開劉典署浙江按察使缺仍以二品頂戴幫辦福建軍務俾臣得收指臂之助至浙江臬司一缺臣於外省人才未能深知就浙江而論惟新授鹽運使楊昌濬廉慎勤懇才長品卓為臣所深信實堪接署惟見以運司署理藩司未便再令兼權臬篆而運司一缺又非熟習浙省鹽務情形者驟難期其經理成宜楊昌濬署任政事殷繁勢難兼顧臣再四思維惟擬保道銜浙

初編卷十九

三

江候補知府高卿培操履篤實才具明晰於籌餉諸事最肯盡心本年浙西改行票鹽章程臣令其悉心參酌皆能妥協若以之署理運司必能稱職亦浙江官場公論也茲承

垂詢謹據實附陳伏候

皇上聖鑒訓示施行謹

奏 同治三年十一月十八日

議政王軍機大臣奉

旨另有旨欽此

議政王軍機大臣 字奇聞浙總督一等伯左宗棠兩廣總督毛鴻賓江西巡撫沈葆楨福建巡撫徐宗幹署廣東巡撫郭嵩壽同治三年十二月初一日奉

上諭左宗棠奏督師入閩行抵浦城見籌辦情形一摺閩省漳州各城均為賊踞署提督林文察倉猝進剿致後路被賊抄襲兵勇敗潰林文察中槍陣亡賊勢披猖泉廈危急高連陞一軍已抵泉州著左宗棠徐宗幹飛檄該署提督迅率所部急趨同安務期到在賊前扼要防剿以保泉廈門戶並飭調赴長泰之黃少春等軍

初編卷十九

三

合力兜勦穩慎進攻毋令賊蹤再形滋蔓劉典前隊已抵甯化王德榜一軍由江西取道入閩計已馳抵汀界著即照左宗棠所籌飛飭劉典所部先將汀州連城甯洋一帶踞匪肅清進攻龍巖之北王德榜所部由汀州南趨上杭進攻龍巖之西總期聯絡遇截妥籌分布將龍巖踞逆悉數聚殲以免旁竄左宗棠因其中路空虛先撥隨行四營馳赴延平即率親兵續進著俟抵延平後居中策應分籌退剿即將辦理情形迅速奏聞漳龍一帶賊勢鳴張各軍分路環攻能將該處逆匪在閩境

就地聚殲自屬上策惟恐該匪被勦窮蹙銜而走險則  
回竄江西旁窺粵境或潛蹤入海以致滋蔓難圖均在  
意計之中毛鴻賓郭嵩焘所派粵軍前已越境收復武  
平等城著仍慎遵前旨迅飭方耀等軍跟蹤追勦會合  
江西閩浙之軍進規漳郡殄除盜匪其閩粵濱海地方  
並著左宗棠徐宗幹毛鴻賓郭嵩焘撥兵嚴防儻任令  
匪蹤入海剽掠必惟該督等是問江西援閩之婁雲慶  
等軍見在行抵何處著沈葆楨迅催前進並由左宗棠  
徐宗幹探明以厚兵力沈葆楨務當嚴飭江防諸軍嚴

初編卷十九

夫

扼要隘以杜匪蹤回竄毋稍疏忽左宗棠另片奏請將  
署臬司開缺幫辦軍務等語本日已明降諭旨將劉典  
開缺仍以二品頂戴幫辦福建軍務並將楊昌濬補授  
浙江臬司高卿培補授浙江鹽運使矣閩浙諸軍勦匪  
事宜即著左宗棠隨時與劉典籌商辦理迅將逆氛掃  
蕩疆圉肅清以副委任林文察陣亡詳細情形並著左  
宗棠等查明具奏再降諭旨將此由六百里各諭令知  
之欽此

攻剿漳汀明逆及見籌勦辦情形摺  
奏為官軍逼攻龍巖扼守漳平疊獲勝仗暨山連城逆  
勦先勝後挫見籌勦辦情形恭摺馳

奏仰祈

聖鑒事竊臣宗棠於十一月十六日馳抵浦城拜摺後  
即督師前進二十七日行抵延平據各路稟報李逆世  
賢仍踞漳州江通南洋踞長汀連城上杭三縣交界之  
南陽鄉及新泉一帶自永定上杭龍巖以至漳州縱橫  
數百里一片賊氛康國器由永安雁石進勦龍巖先飭

初編卷十九

夫

知府康熊飛率昭武彰武飛虎揭陽各營前進飭福建  
水師遊擊陳允彩守備熊應烈分扼朝天嶺通明車之  
路以杜逆賊抄襲十二月初二日康熊飛等進紮距龍  
巖州城八里之鐵石洋賊乘營壘未就突出大股來犯  
各軍力戰卻之初五日出隊距城三里地方擊斃逆賊  
多名將城外賊巢焚燬初七日康熊飛羅洪彪林福喜  
林本各率所部進薄東門賊伏不出相持至午突出悍  
黨二千餘人自軍奮勇接戰斃賊數十名賊勢稍卻南  
門北門又各出賊數千襲抄官軍之後林本率揭陽營

林福壽率飛虎軍馳往分擊松斃賊匪無算三路之賊皆敗退附城圍逼官軍正擬乘勢取壘適北門潛出悍賊千餘由小路搥撲鐵石洋官軍營與彰武軍營官羅洪彪督哨弁譚順龍許榮貴等竭力堵禦殺賊二十餘名康熊飛等馳回夾擊賊戰而時賊始敗退計是役共斃騎馬賊百十餘名悍賊數百名是夜康熊飛林本激勦各勇分路潛攻城外各賊壘破之又殺賊數百名十一日龍巖各路援賊驚集分撲飛虎揭陽兩軍營壘官軍憑壘以待康熊飛以緝洪彪彰武軍扼守蔣武小路

初編卷十九

三

自率昭武軍往援持至未刻見賊勢將退康熊飛飭各營奮擊賊騎馬賊目多名賊敗走十二十三等日龍巖城賊又出悍黨萬餘圍撲鐵石洋營壘往來猛攻十餘次均經官軍奮力擊退計兩日共斃賊千餘名十六日龍巖之賊又以大股突出東門另股由馬巖嶺僻徑竄入下老地方圍來攻鐵石洋營壘時康國器已馳抵雁石當飭各勇分伏山谷於雁石隘口虛設旗幟該逆恐雁石官軍截其歸路旋即退去當康熊飛等之逼攻龍巖也該逆見官軍深入嗾逆首丁大洋由永定出漳平

以襲官軍後路漳平永福里土匪導由小路以撲城垣朝天嶺守將陳允彩所部未築營壘遇大股賊至紛紛潰散熊應烈勢孤且戰且退比至嶺脚收隊退保漳平縣城十一日賊遂逼撲城垣適臣宗棠所調遊擊賴長甫自甯洋馳至與熊應烈登陣固守偃旗息鼓誘之伏壯士城外以待賊意其無備也蜂擁而至衝過浮橋城上槍礮齊發立斃悍賊十餘名伏兵突起左右蹙之該逆紛紛潰走落水及踐踏死者不計其數賴長熊應烈見賊勢已挫復率勇開城出擊又殺賊百餘名該逆退

初編卷十九

三

至距城二十里洪橋屯踞是夜賴長等挑勇丁數十名潛至洪橋將賊館焚燬羣賊驚擾達旦十二日仍向永福里朝天嶺退去此康國器一軍逼攻龍巖扼守漳平疊獲勝仗之實在情形也其劉典一軍由連城進駐朋口適接康國器函報漳州被圍請撥兵援勦劉典以汪逆海洋見踞南陽其黨分布舊縣新泉一帶若改趨漳平則連城清流甯化皆屬可虞當商撥護汀漳龍道趙均所部馳赴漳平自率各營進紮楊家坊以攻汪逆新泉南陽老巢使汪逆與龍巖踞逆首尾不能相顧冀勦

辨易於得手十七日分勦新泉下車上下羅等處賊卡賊館破之殺賊六七百名生擒七十餘名十九日飭道員李耀南副將張福齊參將劉大謨總兵楊芳桂馬步各營分三路進剿馬洋洞將賊壘攻破正擬傳令收隊築壘劉大謨等乃恃勇輕進甫行數里汪逆海洋賊各路悍逆分路包抄各營面面受敵劉大謨及營官鍾九如各受重傷副將盧華勝副將銜參將劉敬廷血戰陣亡劉典急率總兵黃有功參將伍正得知縣陳鴻藻帶隊馳援行甫半里即與賊遇正接戰開該逆另股已抄

初編卷十九

三

襲後路遊擊郭立本力戰死之賊遂乘勢逕撲楊家坊行營劉典與黃有功陳鴻藻折回援救而壘中已火起矣同知李光榮知縣夏世楷州判姜景焜附生謝封擬保訓導龍鴻賓從九品蕭子麒監生沈超文童黎斗城等均守壘遇害其道員李耀南副將張福齊由小路前進者亦被賊圍逼督所部奮擊突圍而出損失獨少二十日劉典收集各營退保連城此劉典一軍由連城進勦先勝後挫之實在情形也竊維汪逆因康國器一軍速逼龍巖希圖圍攻漳平以抄官軍後路劉典抵連城

後撥先攻南陽汪逆老巢原欲攻所必救以分賊勢而解漳平之圍布置本屬周妥因山徑分歧客軍初至未及審賊戰地劉大謨違令輕進遂致為賊所乘見王德榜王開琳兩軍計期可抵汀州漳平擊賊解圍鐵石洋各營以固守初賊賴長熊應烈已經康國器調赴雁石護汀漳龍道趙均已率所部嚴扼漳平北路兵力漸厚臣飭劉典固守連城所部李耀南張福齊兩軍銳氣未減可與王德榜王開琳兩軍聯絡共圖汪逆必將汪逆巨股掃除然後可合圖龍巖也其高連陞一軍抵泉州

初編卷十九

三

後聞同安土匪將乘機蠢動圖應漳城踞逆高連陞急馳而前初十日抵同安人心乃定見已由同安進紮距漳城二十餘里之萬松關瑞香亭一帶扼漳州東路黃少春一軍亦飭由泉州同安赴長泰進扼漳州東北一路賊固匿不出將以堅城綴我伺閒以逞也漳州城外數十里地勢平衍彌望蔗田難以進攻自林文察敗歿後附近村莊多被賊脅必先將村莊撫定乃免內患見檄高連陞黃少春勿攻城勿浪戰深溝固壘相機圖之能誘賊撲壘反客為主痛剿數次然後機有可乘長泰



一路與漳平連界能就近聯絡庶可防紛竄而衛泉廈  
紓漳軍後顧之憂臣等會商辦賊之法必須取遠勢漸  
逼漸進驅各處股匪歸併一處而後合力蹙之庶完善  
之區得以保全而兵力亦敷分布未敢急目前之效致  
誤大局也署浙江按察使劉典此次先勝後挫自請議  
處咎有應得惟念該員因救援漳平龍巖官軍冒險急  
進情有可原應懇

天恩免其置議以觀後效副將銜參將劉大謨管帶右  
路各營違令輕進致有貽誤雖曾受重傷究難辭咎福

初編卷十九

奏

建金門水師遊擊陳允彩經康國器飭令嚴扼朝天嶺  
遇賊即潰實屬庸懦無能均應請

行革職等因聞浙儘先補用副將盧華勝副將銜浙江  
儘先補用參將劉敬廷遊擊郭立本即選同知李光瑩  
候選知縣夏世楷儘先選用州判姜景焜附生謝封擬  
保訓導附生龍鴻賓即選從九品蕭子麒監生沈超文  
童黎斗城均請

旨飭部照陣亡例議卹擬保副將銜參將花翎遊擊賴  
長力守漳平擊退巨股逆匪當危險之際從容鎮定膽

力兼優應請

旨賞給勇號以示優異理合恭摺由驛馳

奏伏乞

皇上聖鑒訓示施行再此摺係臣宗棠主稿合併陳明

謹

奏同治三年十二月初五日

議政王軍機大臣奉

旨另有旨欽此

議政王軍機大臣 字寄閩浙總督一等伯左宗棠同

初編卷十九

奏

治三年十二月二十一日內閣奉

上諭左宗棠等奏官軍進攻龍巖扼守漳平迭獲勝仗

暨由連城進剿先勝後挫情形一摺粵逆擾竄福建自

永定上杭龍巖以至漳州賊氛縱橫數百里經左宗棠

調派康國器一軍進剿龍巖擊斃賊匪多名焚其城外

賊壘該逆由東南北三門分路出撲並迭次出悍賊萬

餘圍撲官軍鐵石洋營壘均經擊退連日共斃賊千餘

名該逆因官軍深入哨另股分擾漳平圍襲後路朝天

嶺守將陳允彩敗潰熊應烈退漳城適遊擊賴長率軍

馳至與熊應烈登陴固守伏兵誘之該逆將擁而至衝  
過浮橋城上檜礮齊發左右伏兵突起逆匪紛紛敗潰  
落水及踐死者不計其數乘勝逐北並將該匪洪橋賊  
館焚燬賊向朝天嶺退去劉典一軍由連城進攻汪逆  
新橋南陽老巢連破下車上下羅馬洋洞賊卡賊壘參  
將劉大謨恃勇輕進被賊包抄劉典急率隊馳援復被  
另股抄襲後路劉將盧華勝等先後力戰陣亡仍著左  
宗棠徐宗幹部勒諸軍迅將汪逆巨股殄除次第克復  
龍巖漳州等城毋任久踞此次劉典進兵先勝後挫

初編卷十九

業

有應得惟該員因救援漳平龍巖官軍冒險急進情有  
可原著加恩免其置議參將劉大謨違令輕進致有貽  
誤實難辭咎福建金門水師遊擊陳允彩扼守朝天嶺  
遇賊即潰庸懦無能均著卽行革職擊問閩浙儘先補  
用副將盧華勝副將銜浙江儘先補用參將劉敬廷遊  
擊郭立本卽選同知李光瑩候選知縣夏世楷儘先選  
用州判姜景焜生員謝封擬保訓導龍鴻賓卽選從九  
品蕭子麒監生沈超文章黎斗城均著交部照陣亡例  
議卹以慰忠魂參將賴長此次力守漳平擊退巨股逆

匪實屬膽力兼優著賞給勇巴圖魯名號以示鼓勵  
欽此

議政王軍機大臣 字寄福州將軍英桂閩浙總督一  
等伯左宗棠兩廣總督毛鴻賓江蘇巡撫一等伯李鴻  
章福建巡撫徐宗幹署廣東巡撫郭嵩燾廣西提督馮  
子材同治三年十二月二十一日奉

上諭左宗棠等奏官軍偪攻龍巖扼守漳平獲勝暨由  
連城進剿先勝後挫見籌勦辦情形毛鴻賓等奏越境  
赴援詔安乘勝進偪雲霄見仍防勦兼籌並請調馮子

初編卷十九

語

材督辦東江軍務吳全美請假回籍各摺片覽奏均悉  
本日已明降諭旨照左宗棠等所請分列獎懲矣逆首  
李世賢仍踞漳州汪海洋踞長汀連城上杭交界之南  
陽鄉劉典一軍新挫逆勢披猖該督所籌辦賊之法先  
取遠勢漸偪漸近驅令歸併一處然後合力蹙之實爲  
切中機宜見在王開琳王德榜兩軍計可抵汀賴長等  
軍經康國器調赴雁石趙均所部亦已嚴扼漳平北路  
兵力較厚著左宗棠徐宗幹妥籌布置務期聯絡聲勢  
先將汪逆巨股殄除以期進偪龍巖劉典退保連城之

軍尤當穩慎進取勿再疏失漳州城外地勢平行自林  
文察敗後附近村莊多為賊脅高連陞一軍見紮萬  
松關瑞香亭一帶以扼漳州東路黃少春一軍馳赴長  
泰扼漳州東北一路該逆堅匿不出伺隙圖逞乃其慣  
技左宗棠務令各軍深溝固壘先為不可勝以待賊之  
可勝其漳軍後路及泉廈門戶須節節布置嚴密毋致  
為賊所乘閩省賊勢甚重該處兵力恐有不敷江南見  
已無警著李鴻章於蘇省防兵內酌量抽撥破隊赴閩  
歸左宗棠調遣李鴻章所部除劉銘傳一軍已赴豫省

初編卷十九

奏

此外該省得力兵將左宗棠如須添調一面檄調一  
面奏聞以資協助毛鴻賓等奏官軍赴援詔安乘勝進  
逼雲霄惟龍連汀杭一帶界連潮州不能不防其間窺  
該督撫見飭李福泰往來嘉應惠州之間相機調度方  
耀一軍由武平進紮上杭之蚌蛇渡先顧上杭進規永  
定鄭紹忠一軍駐紮上杭之峯市與翟國彥方耀等聯  
絡策應所籌倘公賊謀甚狡伺隙即違著即飭令李福  
泰督飭諸軍相機會合進剿務先嚴防本境門戶毋得  
少有疏虞賊如不得逞志於閩必將全力趨粵馮子材

前經請假回籍修墓會令其假滿後赴廣西提督本任  
該員久歷戎行深明韜畧廣東形勢岌岌自應保衛桑  
梓馮子材著暫留廣東督辦東江軍務並毋庸俟假滿  
即馳赴大埔饒平之交擇要駐紮堵禦漳州大股巨逆  
李福泰俟馮子材到防後再行回省吳全美統帶師船  
回粵著賞假三個月回籍修墓福建軍務緊要著毛鴻  
賓傳知該提督假滿後即馳赴福建水師提督新任毋  
庸來京陛見毛鴻賓等片內所稱據總稅務司赫德面  
稱適見新聞紙言侍逆李世賢見踞漳州勾結洋人幫

初編卷十九

奏

同襲取泉州進襲福州約將海口通商地面讓給洋人  
等語原不足據以為信而各處流氓鬼子希圖勾結網  
利亦事所或有請飭福建防範並飭總理衙門照會各  
國駐京公使轉飭駐紮閩省洋官及領事官等約束商  
民各等情本日已諭令總理各國事務王大臣妥籌辦  
理著英桂徐宗幹嚴飭所屬妥為稽查如有外國流氓  
勾結生事擊交各國領事官從嚴懲辦泉州等處防務  
並著飭令地方文武認真辦理勿稍大意毛鴻賓郭貴  
方另片奏香山富民陳守善徐瓜林二戶皆以依附洋

人致富始而避居澳門繼則避居天津此輩挾貲既富  
聲氣易通謠言之興未始不由於此見飭查擊究罰等  
語捐務之興原係朝廷不得已之舉必須準情酌理多  
方勸諭方可以免怨尤若派捐勒捐自不免人言藉藉  
該督撫以此次謠言之起謂苛派擾民逼迫各富戶遷  
徙澳門香港查訪不得主名疑為陳守善等所為欲行  
拏辦該富戶等坐擁厚貲一味慳吝雖屬可惡然朝廷  
有寬大之體遽加以造言之罪查拏嚴懲恐弭謗實以  
與謠該督撫務須斟酌妥籌未可任意孤行致失人心

初編卷十九

罕

將此由六百里各諭令知之欽此

查參畏賊玩法之將弁片

再漳州之失變起倉卒鎮道同時殉難城守都司汪普  
恭未能救援續入之女察營內亦未出力林文察十月  
十二日十一月初三日兩挫已革副將惠壽及參將顧  
飛熊遊擊許忠標賴正修守備可如龍等身為營官或  
遇賊先潰或不力圖援救以致獲軍陷沒該將等畏賊  
玩法均堪痛恨除咨高連陞黃少春等確查當日情形  
及此外應行查辦各弁據實覆知分別擬辦外應請先

將汪普恭惠壽許忠標賴正修許如龍均革職等因以  
肅軍令謹附片請  
旨伏乞

聖鑒訓示施行謹

奏同治三年十二月初五日

議政王軍機大臣奉

旨汪普恭等均著革職拏問按律懲辦欽此

初編卷十九

聖

再陳懇辭伯爵摺

奏為

聖恩愈厚臣志難安仍懇

允收成命事竊臣於十一月十八日浦城行營准兵部  
火票遞回原摺准議政王軍機大臣字寄同治三年  
十一月初六日內閣奉

上諭前因左宗棠督師恢復浙東郡縣規復浙西並攻  
克杭州省城肅清全浙派兵援剿皖南江西掃除餘孽  
特沛殊恩將左宗棠錫封一等伯爵以示優異茲據左

初編卷十九

聖

宗棠奏懇陳下榻懇請收回成命並推功於諸將士各  
等語所奏意存退讓具見惻誠惟朝廷功懋懋賞原以  
該督抵浙以後削平巨寇肅清浙江全境厥功甚偉豈  
能無破格恩施以獎勞勩至溫處嘉湖用兵雖得闕師  
蘇軍之助總由該督調度有方剋期底定洪福瑛竄擾  
江西亦由該督派兵援勦方能迅速蕪事左宗棠實為  
有功國家之臣錫爵酬庸洵可當之無愧所請懇辭伯  
爵之處若無庸議欽此跪聆之下悚仄益深伏念軍興  
以來在事諸臣宜勞最久臣効力最遲諸臣多由薦舉

得官於疑訪交集之時蒙

文宗顯皇帝特旨垂詢而起其受

兩朝恩知之隆愈深其圖報之心應愈切頻年馳驅戎  
馬皆分所當為既疊蒙

殊恩昇以疆圻重任復承

溫旨異數頻叨在

朝廷已極懋賞之施在臣應知止足之分若再濫膺顯  
爵愧歎矣如此臣志所難安者一也逆賊李世賢在海  
洋巨股竄入閩粵屬縣數被襲陷臣兼圻責重未能先

初編卷十九

聖

事豫防茲當督師進征亦惟以忠義共相助勉庶期殲  
羣醜以播

天威拯邊氓而固封守若先有責竊之譏更難責諸將

士以用命之效此臣志所難安者二也凡茲陳懇實出

愚誠不敢飾讓以鳴高亦不敢矯情以速謗應仍懇

皇上天恩允收成命俾臣得稍循涯分勉副馳驅不勝

悚息待

命之至伏乞

聖鑒施行謹

同治三年十二月初五日

議政王軍機大臣奉

旨知道了毋須固辭欽此

初編卷十九 冊

左恪靖伯奏稿卷二十目錄

密陳提鎮司道府年終考語摺

查明臬司殉難詳細情形請卹摺

連城漳州進剿獲勝情形摺

附陳逆賊竄陷長泰縣城旋即收復片

附陳盤獲遞送逆信之犯正法并請獎片

李同知陷賊不屈請免議并前議卹註銷片

瀝陳閩省因敵情形請調員差委摺

再請濟閩浙餉仍如數籌撥片

藩司任滿代請入

左恪靖伯奏稿卷三十目錄

覲摺

頒賞福壽字等件謝

恩摺

錫封一等伯爵謝

恩摺

奏報進剿獲勝會克永定龍巖情形摺

代劉臬司奏准開缺仍幫軍務謝

恩摺



密陳提鎮司道府年終考語摺

奏為密陳閩浙兩省提鎮司道府各員年終考語仰祈  
聖鑒事竊照提鎮司道府等官例應於年終出具切實  
考語密行陳

奏臣奉

恩命補授閩浙總督時因駐軍浙江於浙省文武各員  
性情才識無不隨時隨事詳加考察惟閩省相距較遠  
未及周知自督師入閩以來閩省各官或因公接見詢  
以吏治得失或接閱稟詳考其政績設施凡人林戚否

初編卷二十

一

輿論是非俱已默為辨別得其梗概其兩省提鎮由軍  
營立功奉

旨特擢俱未履任現除浙省委署各缺亦多係由軍管  
遊員前往尚可漸圖整理閩省則一時乏員刻下越級  
委護多不得力必須遵

飭實缺各員到任或欲軍務肅清將軍營奏留補用到  
任者例不註考外謹就現在各員分別出具切實考語  
密繕清單恭呈

御覽伏乞

皇太后

皇上聖鑒

奏同治三年十二月二十八日

初編卷二十

二

查明臬司殉難詳細情形請卹摺

奏為查明臬司殉難詳細情形現經檢獲忠骸懇

恩優卹子諡並請建立專祠以慰忠魂恭摺具

奏伏乞

聖鑒事竊照福建臬司張運蘭前在武平剿賊失利力

戰陣亡業經奏明在案茲據汀州鎮關鎮國汀州府朱

以鑑選用道張恒祥稟報現行武平難民李姓二人從

賊中逃出皆受傷兵丁數名所述該臬司被戕情形甚

悉據稱九月十一日張運蘭擊賊於中赤地方連獲勝

初編卷二十

三

仗忽報另股逆眾撲繞武平縣城張運蘭急帶中軍勇

隊馳援比到城已被陷賊眾遍野即揮令副將雷照雄

等奮力迎剿斃賊無算詎後股悍賊從間道截出我軍

首尾不能相顧記名總兵賀國楨湖南補用總兵王明

高等被傷陣亡後軍遂潰中赤之賊乘勢夾攻我軍四

面受敵雷照雄亦中矛陣亡張運蘭見勢不支策馬陷

陣大呼衝突手刃悍賊多名糜戰數時中傷馬賊擁

之入城厲聲罵賊不絕口至十四日午刻被戕遇害情

形最為慘烈武平知縣沈日玉永平司巡檢陶載坤典

史雍德玉等亦先後遇害難民等均目睹其事言之最

詳武平既復署知縣八十四偕同隨侍張運蘭多年之

都司湯友德從亂屍中檢獲忠骸一段穿有藍布小祆

表裏一色認係張運蘭臨陣時所穿者復於學官覓其

元面色如生當即如禮棺殮護送汀州由該鎮道等稟

請具奏前來臣等伏查該臬司張運蘭自咸豐三年隨

同已故道員

賈內閣學士兼禮部侍郎銜諡壯武王金帶勇毅賊轉

戰楚粵江西皖南福建諸省身經數百戰克復各城擒

初編卷二十

四

斬首逆無數謀勇兼優戰功甚偉茲因所部兵分力薄

適遇巨股悍賊突至失利被圍裹創血戰卒以力盡驚

賊捐軀因在軍中除賊最多致與賊懷恨報復遺害

最慘忠義凜然足光簡冊相應請

旨照布政使例從優

賜卹

予諡仍於死事地方建立專祠附祀湖南王金帶專祠並

懇

恩兼勅下江西安徽湖南湖北廣東各督撫查明該臬



司戰績宜付史館立傳以慰忠魂同時殉難記名總兵  
賀國棟等三十員暨武平縣知縣沈田王永平司巡檢  
陶載坤典史雍德王均另給清單伏乞

勅部分別議卹並附祀張運蘭專祠以昭激勸其管帶  
三族遊擊易培駁當逆賊撲犯武平縣城時不能率眾  
固守致賊抄襲官軍後路雖賊眾兵單究屬罪無可追  
應請

旨革職學問以肅軍律臣等謹會同福州將軍臣英桂  
合詞恭摺具

初編卷三十

五

奏伏乞

皇太后

皇上聖鑒訓示謹

奏 同治三年十二月二十六日

連城漳州進剿獲勝情形摺

奏為連城官軍進剿獲勝漳州官軍擊退撲營巨股現  
籌辦理情形恭摺馳

奏仰祈

聖鑒事竊為剿一軍前由連城進剿先勝後挫情形業  
經臣等馳奉在案查福建臬司王德榜抵汀州後聞劉  
典一軍新挫即率所部疾趨連城時連城所轄朋口營  
溪兩要隘已有賊踰出沒十一月二十八日王德榜會  
同劉典分路進剿王德榜率總兵蕭德龍戴素聘李運

初編卷三十

六

勝副將哈必發恭將何秀清游擊黎榮鈞鍾元興軍功  
王福泰各營進首溪羣賊見官軍倏至駭而奔一股悍  
逆約二千餘甫退里許復拚死回拒王德榜飭各營分  
路夾擊立斃悍賊四五百名奪黃旗十餘面洋炮二十  
餘桿驟馬多匹劉典飭恭將劉大謨道員李堪南副將  
張福齊總兵黃有功各率所部進朋口亦殺賊百餘名  
奪獲輜重甚多餘賊遂向新泉南陽遁去十二月初十  
日王德榜率各營進駐古溪劉典飭李耀南張福齊進  
駐朋口與王德榜一軍互為犄角王德榜偵知新泉之

賊又退至下車南嶺一帶於正路層層紮卡踞守以待  
勢無可乘十二夜因密飭李運勝王福泰各挑趨捷勇  
丁三百餘名出賊不意分路掩擊兩路皆從山巖取道  
蛇伏狂騰而進王福泰徑抵下車賊壘賊始驚覺狂噪  
而起官軍已越壕擁入立將賊二壘攻破李運勝抵南  
嶺賊壘時賊猶熟睡未起火箭所著烈燄飛勝賊之冒  
煙衝出者又被官軍矛刺刀斫逼墜巖澗死者無數三  
壘均破天猶未曉也是役斃賊約其千餘名奪獲旗幟  
鎗礮數百件賊馬數匹乃收隊而還此劉典王德榜兩

初編卷二十

七

軍由連城進勒連獲勝仗之實在情形也其黃少春一  
軍由同安馳抵江東橋本擬移駐長泰縣因高連陞一  
軍已進紫瑞香亭距漳城僅二十餘里漳城北路樓內  
寨為賊所踞西北路天堡福凝民寨被賊攻破漳南又  
無兵扼紫慮賊分襲遂進紫漳城東北十餘里北澳扼  
之與高連陞就近聯絡十二月初四日黃少春移營進  
紫高連陞派各營列隊好景出一帶以掣賊勢賊初  
伏不出高連陞率二十餘騎赴東關近城三四里挑之  
甫勒騎回響水橋城賊果蜂擁而至高連陞飭各營嚴

陣以待騎賊數十偕步賊千餘率洋鎗直衝過橋官軍  
鎗礮齊施立斃騎馬賊目數名悍賊百餘名追至橋邊  
賊仍率眾回拒官軍大呼奮擊賊不支紛紛過橋而遁  
十五夜城賊忽出大股來撲黃少春營壘甫抵嶽西黃  
少春偵知即率副將周紹濂李良平遊擊劉昌選各營  
齊出見賊隊排列對岸人數頗多寂無消息黃少春異  
之令各營隔河環施鎗炮斃賊多名適高連陞率所部  
出響水橋馳至縱橫夾擊賊敗走而降將劉得義印萬  
順兩營經黃少春屢調不至正疑慮間忽親兵馳報劉

初編卷三十

八

得義印萬順將恭將周雲進遊擊黃元吉砍傷自率降  
人將為內應黃少春營派劉昌選列隊以禦防賊日率  
各營馳回掩捕時劉得義印萬順已率眾由壘中衝出  
直向漳城而竄黃少春徑追過崎下橋將叛卒衝散大  
半於陣前檢回通逆頭目劉際章余萬年陳金元三名  
勇丁二十餘名斬之先是劉得義稟稱有侍逆部黨傷  
天將李魁元有眾數萬意欲投誠黃少春因未識其中  
情偽未之許也劉得義印萬順知計不行竟敢勾通城  
賊乘夜撲營黃少春就中取事幸黃少春高連陞將城賊

擊退逆謀旋亦敗露其隨逆犯劉得義邱萬順竄去者約不滿四百人於大局尙無所損十七日城賊復傾巢出東北兩門一出響水橋向瑞香亭而進以牽制高連陞各營一出崎下橋一由北是橋向北溪而進一由北門糾合樓內寨踞逆沿河直下逼撲黃少春各營黃少春飭各營靜以俟賊氣衰力竭然後開壁縱擊少頭中路之賊直撲至前營壘邊周紹濂俟其逼近始排礮轟之立斃首先悍賊數十名賊仍拚死猛撲適高連陞派錢桂仁程學明朱體盛三營馳至黃少春即督中

初編卷二十

九

營及李良平劉昌選兩營分路奮衝殺賊勢不支而高連陞東路之師亦已將賊擊敗躡蹤追至矣方城逆之由東門來犯也高連陞見北門之賊分兩路出犯意待逆必因劉得義邱萬順叛逃入城知黃少春兵力未厚將乘虛撲營當派錢桂仁等三營往援而飭各營鎮靜以待持至未刻高連陞飭丁賢發曹光德兩營從響水橋以抄賊後張志公一營從好景山橫出夾擊自率所部分路直前賊即潰竄官軍正乘勢追殺間殿後悍賊數千忽拚死回拒張志公率隊橫截賊勢不支敗至

響水橋又力鬪半時高連陞督洋鎗隊轟斃悍賊五六百名丁賢發曹光德兩營復從後抄出遂紛紛奪橋竄走官軍向前痛擊生擒二十餘名斃賊數百名落水淹斃者不計其數此降將劉得義等叛勾城賊力撲官軍營壘經高連陞黃少春兩軍擊敗之實在情形也竊維東南餘逆全數竄入閩嶽約有四大股李世賢汪海洋丁大洋林正揚也侍逆踞漳城其分踞龍巖之偽來王偽秦王及踞永定南靖雲霄之賊皆其死黨賊數約在十餘萬汪逆踞汀連南靖上杭交界之南陽賊數共一

初編卷二十

十

百八十五隊每隊五百人合計亦九萬有餘丁逆林逆則出沒漳龍間人數各約數萬而粵之潮嘉閩之泉漳汀龍永春等府州向稱匪盜淵藪此次從亂如歸者其數蓋不可得而知臣等以賊雖殘敗之餘而實皆漏網劇寇粵東江西邊防愈固則賊之竄閩愈深將欲聚而殲旃非閩省厚集兵力不可現在三客各軍之可恃者規漳州則高連陞一軍四千六百餘人黃少春馬步二千餘人規龍巖則康國器一軍三千人劉名珍所部一千五百人汀連一帶專剿汪逆者劉典一軍馬步八千

餘王德榜一軍四千人王開琳老湘一軍三千餘及臣宗棠親兵各營三千人而已以之分布數百里之間且防且剿兵力實形不足欲待廣為徵調則閩省餉源早竭專哺本省兵勇已拮据萬分即浙餉每月十四萬兩如期如數源源而來每月已欠至萬餘兩勢難勻撥以濟新軍之餉其餉超一軍援萬人離尙無定局該軍所收降人最多餉超既謝軍事無暇尤非易易現擬別調勁旅以供分撥而籌餉無出空費踟躕計惟有就現在兵力多方激勵以漸收餉節兵精之效至汪逆所踞之

初編卷二十

十一

南陽內夷外峻賊數愈眾掠食愈艱似難久踞能將此股驅除則兵力尙可勉敷剿辦臣等惟當慎以圖之此次黃少春所部劉得義同萬順兩勇日前經官軍追剿窮蹙歸誠經黃少春稟請收錄立功贖罪此次忽萌異志覆載難容黃少春自請嚴議固屬罪無可辭惟當逆謀甫露之先該署提督卬將城賊擊退並追斬逆逆弁日多名尙與尋常去察者有間可否仰懇天恩免其置議理合恭摺由驛馳

奏伏乞

皇上聖鑒訓示施行再此摺係臣宗棠主稿合併陳明

謹

奏 同治四年正月初四日

議政王軍機大臣奉

旨另有旨欽此

議政王軍機大臣 字寄開浙總督一等伯左宗棠江蘇巡撫一等伯李鴻章福建巡撫徐宗幹浙江巡撫馬新貽傳諭護理浙江巡撫布政使蔣益澧同治四年正月二十日奉

初編卷二十一

十二

上諭左宗棠等奏連城各軍進剿獲勝漳州官軍擊退撲營巨股現籌辦理情形請調員赴閩差委名摺暨奏均悉王德榜抵汀後與劉典分路進剿獲勝連城之賊由新泉南陽退至下車南嶺一帶官軍於夜分掩襲破其三壘殺賊無算黃少春一軍進逼漳以與高連陞聯絡轟擊賊眾敗走而降將劉得義邱萬順砍傷參將周雲述等自率降人將謀內應黃少春派隊追斬逆逆賊日多名劉得義等竄併賊中隨逆者約不滿四百人城賊復傾巢出撲高連陞擊敗之所辦均尙得手著左

宗棠先就現有兵力激勵各營將士實力進取以期節  
節得手至據奏賊數約二十萬各路分布之兵約計僅  
二萬八千有奇閩省餉源早竭拮据萬分此等情形朝  
廷早經洞悉前諭李鴻章令劉銘傳等鎗礮隊由水陸  
赴閩並令左宗棠察度一面催調一面奏聞著仍遵前  
旨檄調到閩分路調派以厚兵力李鴻章即籌畫軍裝  
口糧令劉銘傳等分路入閩並催令趕緊部署起程無  
任觀望劉銘傳軍餉李鴻章仍照舊供支到閩後亦當  
源源接濟不得少分珍最黃少春所部劉得義等忽萌

初編卷三十 三

異志幸該提督立即追剿並斬從逆弁日多名與尋常  
失察者有間據奏黃少春自請嚴議之處著加恩寬免  
該督即飭令黃少春奮勉圖功務將已降復叛之員弁  
等悉數殄除勿留餘孽所請調員赴閩差遣委用本日  
已明降諭旨照准並令吏部於本科新進士即用知縣  
內多掣十數員分發閩省矣著馬新貽蔣益澧即飭周  
開錫吳大廷胡光墉張樹英四員迅速赴閩聽候左宗  
棠差委該督疊次奏留浙省文員中並准其隨時調閩  
差遣但求有益地方不須限以資格閩省官吏因循積

習難挽該督撫不妨隨時甄別奏劾以期日有起色另  
摺奏蔣益澧任滿請准來京陛見一摺閩省軍務方殷  
蔣益澧在浙省籌餉籌防在在皆關緊要著傳知該藩  
司認真辦公於閩餉閩軍隨時接應協濟俟閩省軍務  
完竣再行來京陛見另片奏廈門稅務司休士等盤獲  
遞送逆信勾通洋人之陳金隴即陳九里已將該犯訊  
明正法並請將休士等嘉獎等語已令總理各國事務  
衙門議奏左宗棠所請援閩浙軍餉需本日已諭知馬  
新貽蔣益澧仍照舊每月協濟銀十四萬兩其湖南湖

初編卷三十 四

北江西等省協閩軍餉亦經諭令該督撫等照戶部原  
撥之數速解矣將此由六百里諭知左宗棠徐宗幹李  
鴻章馬新貽並傳諭蔣益澧知之欽此

附陳逆賊竄陷長泰縣城旋即收復片

再正拜摺間接據高連陞黃少春會稟該軍進紮北溪  
時即以漳北路徑歧出長泰距府城僅四十里無兵扼  
守恐賊由間道突竄繞襲官軍後路飭龍溪縣吳榮鼎  
長泰縣陳疇於郭坑地方搭造浮橋以通往來庶長泰  
有警即可回師轉戰詎上臘十九日郭坑浮橋尚未搭

就漳城踞賊突分巨股由浦南上數里踴淺過河窺陷  
長泰縣城高連陞當派知府魏光瀾遊擊龍順友乃朱  
體盛錢桂仁等三營黃少春派副將李長平左營恭將  
伍先申馬隊於是夜三更渡河截擊潛行十餘里至附  
城不遠地方見該逆應聚一帶村中官軍即突起衝殺  
立斃悍賊二百餘名生擒數十名羣賊驚潰官軍跟追  
數里收隊而還賊忽分路抄襲魏光瀾與李長平督各  
營同旗應戰十餘合斃騎馬賊目數名賊始敗退各營  
甫收至河邊渡未及半賊又蜂擁而至遊擊龍順友力

初編卷三十 五

戰死之黃少春親率各營飛渡過河接戰與魏光瀾等  
兩路夾擊賊仍敗走計是役共斃悍賊四五百名生擒  
八十名官軍亦有傷亡廿一日辰刻高連陞黃少春復  
督隊過河進剿詎該逆經官軍先夕痛剿後仍即縮退  
歸巢當將長泰縣城收復其署長泰縣知縣陳疇現在  
尙無下落容俟查明具奏遊擊龍順友血戰捐軀請  
飭部照遊擊例從優議卹以慰忠魂理合附片具陳伏  
乞  
聖鑒訓示施行謹

奏 同治四年正月初四日

議政王軍機大臣奉

旨龍順友著交部照遊擊例從優議卹欽此

李同知陷賊不屈請免議併前議卹註銷片

再劉典一軍前由連城進剿十一月十九日之挫卽選

同知李光瑩守壘遇害曾經請

卹在案茲據劉典呈稱是日賊破楊家坊營壘時李光

瑩被賊所傷未死旋被賊昇至南陽老巢汪逆海洋交

偽奉逆黃十四拘守李光瑩投縋自盡爲偽天將羅章

初編卷三十 六

仙解救李光瑩曉以大義羅章仙感悟共商於十二月

初三夜率黨千餘人從間道殺出初四日黎明抵東山

阿汪逆親率三千餘人追至李光瑩與羅章仙登山力

堵相持至是夜四更始覓路衝出帶同投出之三百餘

人於初八日行抵連城臣查李光瑩受傷後陷於賊中

將及半月義不稍屈復勸諭羅章仙率眾投誠大節無

損應請免其置議其前次議卹之案並請

勅部註銷理合附片陳明伏乞

聖鑒謹

奏 同治四年正月初四日

議政王軍機大臣奉

旨著照所請該部知道欽此

初編卷二十

七

添陳閩省困敝情形請調員差委摺

奏為添陳閩省困敝情形應請調治事之才赴閩差委力扶危局仰祈

聖鑒事竊閩省吏治軍政之壞由於因循粉飾已久積習相沿驟難更易外觀雖尚無他而切按則鮮有一事可期實濟者臣入閩以後詳加訪察覺其習氣之深竟與各省十年前景象無異深抱隱憂一省之大籌兵則無一卒之恃籌餉則無一月之儲問守吏則樸樸者難得數人察局員則練達者未能指數而民俗則悍獷幾

初編卷二十

七

若性成罔識法紀所在匪盜蜂聚官司莫敢誰何其在都邑率畏賊而不畏官其在鄉園則抗官而兼通賊制兵卒虛存冊籍訓練久荒武職則但事營求膽技均弱推原致弊之故約有數端各省捐例同開流弊雖多尙有限制閩自鐵錢鈔票難以通行乃圖藉此收捐為繞算通融之計捐生買票上兌層遞減折明符例價暗得便宜一經得官即可兼權子母入仕之始即懷苟利之心取息稍豐又可為捐陞之本而且委署必計年限更換多因調劑其作宦也儼若經商其視官也一如傳舍

此吏道之所以維也制兵之餉本爲至薄閩之減給又已三年或每日給銀三分而米則停發或每年僅得米一石八斗而銀則全無雖日事平補給實則一飽無時如是而責其荷戈用命其誰甘之其黠者且納贖以捐干把但能營謀差使便可積有贏餘於是有意捐至都司參遊者官秩稍崇則索賄規費亦缺取償尤易若軍但曉牟利營私何知整軍經武此軍政之所以壞也閩省山鄉狹瘠本地所產穀米不足供本地之食民之謀生既艱復喜惰游不勤工作又近年鴉片流毒日寬吸

初編卷三十

坑

食者十人而五其流爲盜賊勢所必然慨自吏治不修官司不知教養爲何事治本之策已亾官司不知政刑爲何事治標之策復失民無恥爲盜賊之心復無懼爲盜賊之心小則伏路殺人大則入會行劫而賊盜口盛矣盜賊盛而制兵不足制之勢不能不增募勇丁勇丁散則復爲盜賊而又加以粵東游手下府奸民雜錯其間於是閩中各郡縣皆匪與盜之淵藪矣何怪巨寇一入從亂如歸乎臣前在浙但憂閩省無賢能之官冀尙有安靜之吏但慮閩省無樸勇之將冀尙可有戰之兵

乃自入閩以來所見所聞竟有出意想之外者中夜以興罔知攸措竊維經武之道豐財居一理財之術得才爲先閩省吏治軍政之壞實均因貧困而起則治閩之要在理財理財之要在於修明政事蓋予所謂無政事則財用不足者此也今欲修明政事則必先求治事之才臣請就所知者先調數員入閩以資襄助新授浙江督糧道周開錫記名道吳大廷按察使銜福建補用道胡光墉奉

初編卷三十

干

旨交臣差遣刑部員外郎張樹莢此四員皆近在浙江可以速到伏乞

飭下浙江撫臣催飭迅速來閩以資差委又臣疊次保奏留浙文員中尙有可調赴閩省者可否由臣酌調赴閩遇有地方諸事急須整頓者得以差遣委署暫請勿拘成例俾臣得以及時整理庶危局藉以支持如蒙俞允容臣隨時具奏請

旨又今歲會試新中貢生之以卽用知縣分發各省者并請

飭下部臣多籤掣十數員來閩以供差委伏懇



皇上聖鑒訓示施行謹

奏 同治四年正月初四日

議政王軍機大臣奉

旨另有旨欽此

同治四年正月二十日內閣奉

上諭左宗棠奏閩省吏治需人請調員差委一摺浙江  
督糧道周開錫記名道吳大廷按察使銜福建補用道  
胡光墉刑部員外郎張樹葵著馬新貽飭令該員等迅  
速赴閩交左宗棠差遣此外留浙文員中有可調赴閩

初編卷三十

三

者即著該督酌量奏調並著吏部於今歲會試後擬  
各省即用知縣內多掣福建省分十數員以供差委欽  
此

再請濟閩浙餉仍如數籌撥片

再浙省撥閩各軍餉項曾經臣奏明每月由浙協濟十  
四萬兩十一月十二月分俱如數撥解在案茲准戶部  
咨錄原奏內稱浙省軍務甫平籌餉不易且尚有應協  
別省款項均屬緊要亦須分力兼顧今該督請每月撥  
解協閩餉銀十四萬兩為數未免過鉅誠恐該省力有

未逮轉滋貽誤查浙省有原定湖北湖南江西協餉四  
萬餘兩浙省肅清始行停止現請即令湖北湖南每月  
各解銀一萬兩江西每月解銀二萬兩作為協閩月餉  
其餘所需十萬兩即由浙省按月如數籌解十一月十  
六日具奏奉

旨依議欽此臣查浙省撥閩各軍二萬三千餘人月餉  
應由浙協濟蓋因所調入閩者本係見成浙軍與尋常  
從新調募給餉者有間臣軍即不入閩浙江亦應按月  
給餉是所謂協濟云者不過隔省支餉不得被以協

初編卷三十

三

濟之名耳且現在入閩之軍浙江舊欠餉銀尚數十萬  
兩臣以入閩之期甚迫若清釐舊欠無論旬日間頓括  
數十萬兩以行萬非浙江力所能及即令將舊欠分給  
軍士軍士不知節節入閩以後必又蕩然於事何益啟  
行之先會與蔣益澧熟商由浙每月籌解十四萬兩作  
為協撥新餉而舊欠則暫緩清給並請諭諸將領宣示  
各營俾知新餉源源而來而舊欠仍歸有著庶軍情無  
所疑沮得以迅速成行此事頗經思慮非敢草率定議  
並非臣將人關即膜視越人之肥瘠也茲部議浙江每

月祇應撥十萬兩其餘四萬兩由江西湖北湖南協濟各省節能籌解未必如期而臣軍先少四萬的餉又不清還舊欠軍心不固可知合無仰懇

皇上天恩仍飭浙撫臣浚月委解臣軍餉銀十四萬兩以臣自謀之食哺浙江應餉之軍其於事理並無帶礙至湖南北江西每月協撥四萬兩並仰懇

天恩仍令照部議撥濟閩省俾得暫支危局閩事如有轉機臣即當奏請停止斷不敢久累鄰封臣於籌餉一節從不敢稍涉計較爭執之私諒蒙

初編卷二十

三

洞鑒謹據實陳明伏乞

訓示施行謹

奏 同治四年正月初四日

議政王軍機大臣奉

旨另有旨欽此

錫封一等伯爵謝 恩摺

奏為恭謝

天恩事竊臣前奉

諭旨錫封一等伯爵因

聖恩愈厚臣志難安會披瀝微誠懇請

先收成命茲於正月初八日賫到

批摺奉

旨知道了毋許固辭欽此跪聆之下感悚莫名伏念臣

初編卷二十

三

殊恩拔從不次副詩書於舊德家守遺經

賜弓矢以專征在兼秉鉞仗

皇威之遠播屬意摩之生俘師克在和忝附太常之祀

領

賞加於世未容却殿之辭封膺

晉錫而牙蘆凝旆在師中而躬圭輯瑞長人曰伯深虞

負荷於析薪有

命曰

天勉篤忠貞於累葉况帶稱榮邀

鉅典而豐饒正效前驅賦袍澤於秦風修甲兵以借作  
備屏藩於周翰希申甫以宣勞臣惟有靖共益矢寵利  
不居以期仰答

高厚鴻慈於萬一所有微臣感悚榮幸下忱理合繕摺

恭謝

天恩伏乞

皇太后

皇上聖鑒謹

奏 同治四年正月二十八日

初編卷三十

奏

奏報進剿獲勝會克永定龍巖情形摺

奏為官軍進剿連獲勝仗並會合粵軍收復永定縣城  
攻克龍巖州城現籌剿辦情形恭摺馳

奏仰祈

聖鑒事竊劉典王德榜兩軍由連城進駐朋口莒溪後  
在逆海洋仍堅踞南陽並分黨盤踞古田下車南嶺馬  
洋洞涂坊一帶以阻官軍進攻之路劉典當將駐守連  
城各營內抽調三營進紮文坊總兵王開琳率所部與  
道員張恒祥凱營全部進紮汀南四十里河田並規南

初編卷三十

奏

陽賊巢上年十二月廿五夜偵知古田賊巢無備劉典  
飭張福齊挑趨捷勇丁五百名與王德榜所部各營分  
路潛往襲之並飭道員李耀南率隊出楊家坊截賊去  
路詎料行失道僅破賊二卡殺賊百餘名而天色已向  
曉矣是時該逆驚擾殊甚又偽天將何姓館中火藥無  
故轟發賊疑官軍大至赤身亂竄自相攻刺及跌藉死  
者千有餘人廿六日王開琳張恒祥督各營進剿涂坊  
該逆出大隊迎敵官軍排礮轟擊斃賊多名賊不少却  
老湘左營龔隆貴後營黃坤和中營方友才凱營一旅

文禹商二旂何映文怒馬陷陣各營從左右兩路乘之  
賊敗走立將涂坊賊館掃蕩斃賊四五百名忽賴坊援  
賊擁至老湘前營羅瑞山右翼丁長勝左翼魏友盛副  
中營康榮詔凱營三旗易培駿等大呼奮擊羅瑞山手  
刃先鋒悍賊三名賊敗歸賴坊適龔隆貴等又從後抄  
出兩路夾擊斃賊五六百名至晚收隊計是日往返百  
四十里陣斬賊目烟天義李斗其欽天豫洪世芳等多  
名斃賊千餘名生擒二十四名奪旗幟鎗礮數百件馬  
十五匹時江西撫臣沈葆楨飭調援閩之道員王文瑞

初編卷三十

三

所部新湘九營已抵汀州正月初七日王開琳遂率所  
部及新湘九營進駐涂坊賊出零散千餘意圖牽制王  
開琳麾各營擊走之並追過陽和隘里許焚其草棚百  
餘間張恒祥率所部進紮塘背見前去十五里南嶺有  
賊屯聚十二夜飭各營攀崖踰嶺而進守卡賊七八百  
人始猶拚死抗拒及官軍分路齊上迺棄卡狂竄追斬  
三百餘人墮崖落澗死者無算總兵何映文追至嶺下  
村內伏賊突起張恒祥急飭戴明前李大有文禹商易  
培駿張復勝等分擊其左右自率中軍直搗中堅賊不

能支紛向南陽遁去當王開琳等之進紮涂坊也劉典  
亦飭李耀南張福齊兩軍進紮楊家坊另撥三營填紮  
朋口並會商王德榜扼紮廟前以期漸合長圍十一日  
李耀南等移營時王德榜復派各營出六成隊助之賊  
竟鼠伏不出王德榜隨帶輕騎馳赴下車一帶察探路  
徑見下車馬洋洞以至南陽一帶賊卡層層密布必先  
克此要隘始可進取南陽是夜飭戴奉聘王福泰兩營  
由右路蕭得龍黎榮鈞兩營由左路王德榜自率哈必  
發李運龍等由中路齊局下車賊巢乘雷雨交作之際

初編卷三十

三

戴奉聘王福泰率師繞出下車之後乘勢急攻賊壘賊  
不意官軍突至駭而奔官軍奮力追殺直至馬洋洞該  
處踞逆為賊牽動不攻自潰至曉始收隊還計是役  
斃賊七八百名生擒三十七名溺斃者無算陣斬偽王  
宗汪運勝等奪洋鎗數十桿旗幟衣刀矛各數百件  
此汀連各軍叠次進剿破壘獲勝之寔在情形也其高  
連陞黃少春兩軍扼紮漳州東北自去臘賊竄長泰截  
剿獲勝後因侍逆李世賢尙踞渡東浦南一帶時圖乘  
隙窺犯黃少春遂於十二月二十四日飭所部前左兩

督移紮郭坑對河以扼長泰一路高連陞督知府魏光  
那遊擊丁賢發軍功錢桂仁程學明率洋鎗隊四百餘  
列陣郭坑之前以防賊衝突另遣馬隊十餘騎向前挑  
之適遇大股悍賊蜂擁而來待其撲近洋鎗隊一齊排  
擊斃賊百餘名賊敗走追至浦南河邊詎渡東之賊萬  
餘從山後抄出浦南之賊亦分數千沿河而上勢極兇  
悍高連陞當防丁賢發力堵河邊自督錢桂仁程學明  
等奮威衝殺賊數十餘合黃少春率馬步百餘人馳至  
丁賢發將沿河之賊擊退亦率所部橫截而出賊眾披

初編卷三十

五

靡黃少春高連陞復麾軍追至河邊待逆親率悍黨抵  
拒洋鎗隊連環轟擊賊勢不支縮入村內程學明錢桂  
仁等過河追殺數里始收隊還計是役官軍以數百人  
擊賊萬餘斃賊數百士卒之亡傷者不過數名而已正  
月初二日侍逆率大隊分兩路從東北門出圍犯高連  
陞黃少春營壘官軍堅壁以待賊知官軍難撼旋即縮  
退入城自此以後賊不復出惟堅踞漳城及東北之樓  
內寨北路之福凝天寶等寨以相抗拒此漳州官軍擊  
賊獲勝之實在情形也其永定縣城被賊圍陷後經署

汀州鎮總兵關鎮國汀州府知府朱以鑑飭令守備李  
仰山帶勇馳赴永定會同該縣知縣張行楷千總黃則  
先等聯團助剿嗣廣東副將方耀率所部粵軍於去臘  
馳抵永定疊次攻勦獲勝二十八日粵軍進擊西門李  
仰山張行楷等會督勇團分佈東南兩門併力圍攻至  
廿九日黎明該逆由東門竄走法行楷等當將縣城收  
復此會合粵軍克復永定縣城之實在情形也其龍巖  
州城守賊口上年十一月屢撲鐵石洋雁石官軍大營  
均經擊敗後堅匿不出據高連陞所收降人偽天將劉

初編卷三十

三

雲供稱侍逆自浦南渡東退入漳城後擬賊汪海洋守  
龍巖而調龍巖之賊會丁逆之陽及花旗賊林正揚等  
犯安溪並調永定之賊由坎下入漳城分漳城之賊犯  
長泰以圖併機泉郡斷高連陞黃少春兩軍餉道以窺  
伺省城各路捕獲賊謀及從賊中逃出難民所言皆同  
高連陞挑撥知府魏光那軍功錢桂仁兩營守長泰並  
會黃少春委員赴鄉督辦聯團憑河而守王德榜既扼  
廟前注逆在南陽不能竄龍巖而龍巖賊勢亦孤正月  
二十三日州城之賊分五路撲鐵石洋大營康國器督

各營力戰敗之斃賊千餘追至城下遇大雨收隊是日古田之逆率黨萬餘由小池來援康國器收隊後偵知復督各營於廿四日雨後乘勢痛擊約共斃賊二千餘是夜亥刻各營乘攻州城東北火箭噴筒齊發賊眾冒雨啓南門出走各營躡蹤追殺至前林始收隊還此二十四日攻克龍巖州城實在情形也 臣等現飭康國器留兩營守龍巖仍率各營追剿一面飭擬保總兵劉明珍率所部由日沙總兵劉瑞冕副將馬駿發由永安甯洋漳平均出華野司以厚漳州東北兵力而絕賊內犯

初編卷二十

三

安溪之路與長泰官軍聯絡一面調記名提督署衢州鎮總兵劉清亮由浦城帶所部湘軍三千由省城出興化趨泉州同安以固高連陞黃少春後路俟劉典王德榜等將汪逆南陽老巢掃除然後賊勢感而兵力敷乃可漸圖戡事 臣等惟當慎以圖之以求仰紓

慈廬所有各軍擊賊獲勝及現籌辦理情形理合恭摺

馳

奏伏乞

皇上聖鑒訓示施行再此摺係由 臣宗棠主稿合併陳

明謹

奏 同治四年二月初四日

同治四年二月二十日內閣奉

上諭左宗棠徐宗幹奏汀漳官軍剿賊疊勝並會合粵軍收復永定縣城攻克龍巖州城一摺福建首逆汪海洋堅踞南陽負隅死守並分黨竄擾古田下車南嶺馬洋洞涂坊一帶以阻官軍進剿之路經左宗棠等督飭汀連等軍分路勦襲於上年十二月二十五二十六等日劉典王開琳等疊次進攻斃賊多名王文瑞率所部

初編卷二十一

三

馳抵汀州正月初七等日王開琳麾軍追擊南陽之賊棄卡窟遁劉典亦馳赴下車馬洋洞一帶力奪要隘督飭戴奉聘等分三路急攻賊眾惶懼奔潰斬擒無算其高連陞黃少春兩軍扼紮漳州李世賢尙踞渡東浦南一帶黃少春分飭各營向前挑戰大股賊眾蜂擁來若我軍鎗礮排擊賊眾敗走高連陞等亦於正月初二日將侍逆大股擊敗賊眾退縮漳城堅踞不出永定縣城被賊竄陷後經關鎮國等會合方耀等軍疊剿獲勝於正月二十八日分擊西門並東南兩門併力圍攻二十

九日黎明該逆由東門竄走當將永定縣城收復正月二十三日龍巖州城之賊分撲鐵石洋大營古田之賊率黨來援康國器督軍力戰斃賊二千餘人乘夜緊攻州城東北火箭噴筒齊發賊勢不支啓南門竄走即將龍巖州城克復各營踴躍追剿沿途殺賊甚眾剿辦甚屬得手仍著左宗棠等分飭各軍將逸出各匪盡數掃除以清餘孽欽此

議政王軍機大臣 字寄廣州將軍兼署兩廣總督瑞麟閩浙總督一等伯左宗棠福建巡撫徐宗幹署廣東

初編卷三十

三

巡撫郭嵩燾同治四年二月二十日奉

上諭左宗棠徐宗幹奏官軍剿賊疊勝克復龍巖永定各城現籌剿辦情形一摺逆首李世賢江海分踞漳州南陽擾及古田下車南嶺馬洋洞涂坊一帶經左宗棠分飭王德榜劉典王開琳等軍將涂坊賊館掃除連奪下車馬洋洞等要隘餘匪俱向南陽奔竄永定縣城亦飭總兵關鎮國會同粵軍攻克並令康國器克復龍巖辦理尚為得手惟漳州踞逆號稱二十萬人逆倖尙張汪逆尙踞南陽相為犄角左宗棠現飭總兵劉清亮

出興化趨泉州同安以固高連陞等軍後路並分布諸軍於永安甯洋漳平等處以厚漳州兵力兼杜賊犯安溪之路布置尙為周密波東浦南踞匪已為黃少春高連陞兩軍擊收侍逆退縮漳城堅踞不出著左宗棠督率諸軍乘此聲威力籌進攻並激勵劉典王德榜等軍逆將南陽賊巢掃蕩以便進兵合圍漳城毋稍遲緩前據毛鴻賓等奏稱方耀一軍會合閩兵克復永定餘匪竄向龍巖現在龍巖股匪究向何處逃逆著左宗棠查明具奏並將此股殘匪速行截擊乘勢殄盡毋令竄併

初編卷三十

三

汗漳徐宗幹亦當督飭地方各官聯絡鄉團嚴扼要隘毋任賊賊紛竄致滋蔓延前經諭令毛鴻賓等飭令方耀聽候左宗棠調派會同閩浙官軍進攻並令李福泰進駐潮州著瑞麟郭嵩燾迅速遵前旨辦理一面嚴扼要隘毋令閩匪竄入粵疆仍當不分畛域力圖越境會剿以期速靖邊圉將此由六百里各諭令知之欽此

恪靖奏稿初編卷二十一目錄

汀連龍漳分軍進剿大捷情形摺

請禁駐厦洋官私交髮逆摺

追剿獲勝汀連肅清現籌辦理情形摺

吳提督履船來閩會剿請帶員弁差遣片

兩路進剿疊勝現籌辦理情形摺

附陳蘇軍到閩日期片

請卹全家殉難之詔安趙知縣片

舟師緝獲通賊洋匪解滬訊辦摺

初編卷二十一目錄

請將會辦通逆洋匪之中外出力各員獎勵片

陳請浙省應解甘餉仍飭改撥摺

汀連龍漳分軍進剿大捷情形摺

奏為汀連龍漳各軍分路進剿均獲大捷現籌辦理情

形恭摺馳

奏仰祈

聖鑒事竊劉典王德榜王開琳張恆祥等軍由汀州連  
城進剿將下車南嶺馬洋洞涂坊賊巢攻破後均各移  
營進紮劉典復飭總兵楊芳桂參將劉大謨劉春藻進  
駐文石潭自率老中副後兩營緣山而進以期會合各  
軍分路攻剿正月二十二日劉典飭張福齊楊芳桂余

初編卷二十一

一

佑民劉大謨各營出馬洋洞之右李耀南彭俊光劉春  
藻田向陽郭慶雲各營出新泉下車連破賊卡數十處  
直逼南陽汪逆老巢該逆固匿不出二十三日劉典遣  
親兵數十挑之該逆甫出比至山脚見有伏兵急退入  
壘計兩日共殺賊五六百名拔出難民數千其王德榜  
一軍於二十二日偵知古田之賊擄糧運至蛟洋密飭  
各營馳往截剿殺賊百餘名生擒三十九名拔出難民  
數百二十三日王德榜親率戴奉聘李運龍何秀清哈  
必發肅得龍王福泰各營從馬洋洞間道進禾樹門立



破賊壘六座殺賊百餘名南陽之賊來援戴奉聘等回  
旂力戰陣斬偽王宗汪海林等悍賊二百餘名生擒二  
十四名賊敗走王德榜以古田不克後路堪虞二十四  
日復飭李運勝鍾元興黎榮鈞三營攻古田之南自奉  
戴奉聘蕭得龍哈必發何秀清王福泰等攻古田之西  
該逆分大股抵拒而輜重婦女潛向小池移去王德榜  
急飭各營一面環攻城壘一面令哈必發何秀清率所  
部出賊後擊之賊隊大亂官軍乘勢殺入斃賊千餘名  
生擒百餘名解散者約數千李運勝鍾元興黎榮鈞等

初編卷二十一

二

乘勝逐北二十五日黎明追至小池賊尙屯踞未動見  
官軍倏至拚死回撲李運勝等分路抄擊斃騎馬悍賊  
數名逆賊千餘名賊大敗官軍躡之而抵白吐忽見龍  
巖城內火光燭天賊繞向坎頭鼠竄旋偵知龍巖州城  
已為康國器一軍攻破矣二十六日李運勝等始收隊  
還其王開琳一軍亦於二十二日分飭總兵鄧榮達熊  
常富新湘六營由左路出長橋自率各營進羅源嶺逆  
賊拒險築卡官軍仰攻殊難王開琳飭莫坤和羅瑞山  
與隆貴丁長勝方有才各挑趨捷勇丁攜帶噴筒火箭

從兩邊山麓猱騰而上飭親兵張加勝徐金寶等六十  
人從中路鎗礮如雨中拔柵直入立斬卡弁悍賊數名  
羣賊駭潰羅瑞山等乘勢焚其望樓立將羅源嶺隘攻  
克追過嶺後瞥見賊立石卡兩座傍以四壘護之羣賊  
蜂擁而出羅瑞山與隆貴莫坤和丁長勝方有才等奮  
力衝殺陣斬黃衣賊目一名賊不少却適康榮詔魏友  
盛郭德馨等從嶺坳抄出兩路夾擊康榮詔等急擲火  
彈先燒石卡內草柵賊始奮路狂竄官軍正追殺間忽  
僞天將胡勝子率悍黨萬餘擁至各敗逆仍拚死回鬪

初編卷二十一

三

王開琳正飭各營堵禦聞新湘前營曾聚賢右營賀心  
田左營楊大亨率所部從山巔馳下羅瑞山與隆貴莫  
坤和丁長勝康榮詔魏友盛郭德馨文任重薪日新等  
各營從左右奮擊斃賊無算賊大敗追至茶樹下始收  
隊還鄧榮達熊常富等從右路進至楠木嶺逆賊截擊  
亦斬賊二三百名是役計共斃賊二千餘名生擒四十  
餘名奪旗幟鎗礮各數百件其張恆祥一軍於二十一  
日由南嶺攻破香塔賊卡殺賊百餘名餘賊向自雲嶺  
并棧坑兩處賊匿二十二日進剿白雲嶺并棧坑又破

之殺賊數百名生擒黃衣賊目五名紅衣賊目三名長  
毛悍賊三十七名奪馬十五匹正擬收隊適大股悍賊  
從茶樹下撲出圍抄官軍後路經王開琳所部各營擊  
敗紛紛竄至張恆祥飭總兵何映文等突前邀擊斃賊  
無算生擒偽天將孫學保張鴻順等悍賊三十四名計  
三日共斃賊一千餘名此正月二十一日至二十五日  
各軍分路進剿汪逆破壘獲勝之實在情形也汪逆海  
洋兇狡素著雖經迭次擊敗勢漸不支然其兇悍死黨  
尙蓄銳以待意欲伺隙衝突以赴李逆之招二十七日

初編卷二十一

四

劉典飭道員李耀南副將張福齊所部各營會合王德  
榜一軍進新泉截之王德榜率所部五營由馬洋洞赴  
下車先進行至馬洋洞忽有賊目投文求降王德榜察  
其情詞有詐正研詰聞報稱汪逆已率悍黨數萬分路  
蜂擁而至王德榜督各營且戰且退收至新泉壘邊該  
逆一大股直撲王德榜營壘一大股直撲李耀南張福  
齊等營壘官軍分路迎擊余佑民郭慶雲田向陽三營  
首先陷陣李耀南張福齊兩營繼之劉大謨劉春藻楊  
芳桂三營正由下羅出新泉右路劉典亦親率中營出

新泉中路適見黃白號衣悍賊二萬餘分列田隴向前  
猛撲余佑民督隊馳入賊陣立斬黃衣賊一名賊稍却  
後面賊隊仍蜂擁而來郭慶雲田向陽宋定元蕭雅泗  
周顯明等各率所部衝殺賊敗踞山邊汪逆海洋復驅  
令回撲官軍勢幾不支李耀南張福齊等嚴督各營勿  
退一步違者斬劉典策馬馳至分飭劉春藻劉大謨兩  
營從旁抄襲自率親兵向前力戰各軍無不踴躍爭先  
大呼奮擊逆賊屢却屢前官軍再接再厲縱橫決盪塵  
戰十餘合賊大敗走而新泉對岸之賊仍穩踞不動劉

初編卷二十一

五

典率親兵左右翼沿河疾進行甫半里汪逆海洋率死  
黨千餘拚死扼堵余佑民督隊首先陷陣李耀南張福  
齊劉大謨楊芳桂劉春藻郭慶雲田向陽等衝過山岡  
四面蹙之立斃黃衣悍賊數百名時王德榜亦將撲營  
之賊擊退率所部戴奉聘蕭得龍李運龍哈必發王福  
泰李運勝鍾元興黎榮鈞何秀清等分路衝殺而前該  
逆悉覓水向西岸逃竄逼溺死者無算退至下車劉典  
王德榜麾軍躡蹤前後夾擊又斃悍賊千餘名汪逆下  
馬痛哭諸賊回拒倉卒間幾爲官軍所獲旋爲其死

黨擁之翻山逸去時已酉正始收隊還是役共斃賊五六千名生擒四百名陣斬偽天將陳姓李姓等賊目多名奪獲旂械洋鎗無數其偽開路先鋒胡瞎子為賊中兇悍頭目是戰亦為官軍刀矛叢刺死據陣擒賊供汪逆選諸賊之悍者合執大旂衣以黃白號衣名為標旂手厚待之遇有危急輒麾之向前自號無敵至是而喪失過半矣此正月二十八日劉典王德榜兩軍擊敗汪逆巨股克獲大勝之實在情形也其總兵劉明珍護汀漳龍道趙均聞龍巖既克即率所部進扼漳平南路永

初編卷三十一

六

福里見敗逆尙屯聚數十里內花旗丁逆大洋一股橫踞水潮和溪一帶二十七日劉明珍率所部黃本富張成元兩營及趙均所派練勇分路進剿令都司梁友武守備馬正林率勇二百名先往挑之該逆四五百人蜂擁而出梁友武等佯退誘至距和溪五里新林地方劉明珍督各營突前奮擊賊勢不支紛紛潰走官軍追殺數里斃賊七百餘名解散者以千計奪騾馬二十餘匹旂幟刀矛無算是夜偵知敗賊復圖回踞新林劉明珍遣參將王啟發都司吳大邦率勇士三百名潛往襲之

殺賊數十名將賊卡三座踏毀此劉明珍趙均由漳平南路進剿獲勝之實在情形也其漳州踞逆自去臘圖竄長泰以襲同安被官軍扼截不能得逞待逆李世賢復於正月二十日分兩路竄犯漳浦高連陞黃少春聞賊犯漳浦即飭護漳州鎮總兵郭什春督同已革副將惠壽參將顧飛熊所部一千三百人馳赴海澄飭已革遊擊許忠標一營馳赴石碼并會商二十七日出隊至河邊遙作攻城之勢以綴賊謀城賊見官軍齊出率眾來拒黃少春等督各營隔河環施鎗礮斃賊百餘名賊

初編卷三十一

七

敗走而九龍嶺之賊亦縮入城二十九日復有賊騎數十至好景山一帶馳騁誘敵高連陞派馬隊洋鎗隊逐之賊即遁走追至橋邊伏賊突起洋鎗隊連環轟擊斃賊百餘名賊憑橋死拒官軍後隊齊至賊亦添悍黨數千併力拒戰曾光德程學明率所部沿河躡出賊後環擊兩時斃悍賊數百名賊大敗三十日辰刻高連陞忽聞河邊礮聲大作急率洋鎗隊及丁賢發和學明兩營馳往策應見悍賊三四千已破曾玉明丹洲陸營直趨鎮門師船俱已潰敗賊方跟追甚急程學明即用鎗礮

隔河轟擊該逆未能遠避高連陞即飭洋鎗隊向前排擊一面令遊擊蕭立信與丁賢發程學明各駕小艇飛渡過河直扼丹洲並以劈山礮橫截小河斷其歸路轟攻逾時賊始紛紛敗走官軍乘勝過河追殺賊急折奔丹洲比至丹洲丁賢發蕭立信程學明三路突出衝殺賊眾駭懼無措欲從小港崑水而遁劈山礮又連轟不息羣子如雨賊自相蹂藉及逼溺港中者無算高連陞親督各勇馳至刀斫矛刺生擒悍逆三百餘名內有偽侍府參府元助等百四十名奪獲馬三十餘匹侍逆族

初編卷二十一

八

職三百餘面時曾玉明臺勇亦從險橋馳至鄉圍見賊大敗復爭出殺之遂將餘賊殲斃殆盡據陳擒賊供李世賢今日親率本隊悍黨數千欲從鎮門攻取石碼以絕官軍糧道不料一敗至此戰敗時李世賢猶乘一白馬殿後今見其馬爲官軍所牽不見李世賢或已見水逃走不知生死統計待逆悍黨之得脫者不過百餘人而已此高連陞一軍截剿漳州踞逆李世賢克獲全勝之實在情形也竊汪逆海洋頑踞南陽與李世賢實相首尾此次見官軍漸逼漸進妄冀衝破新泉營壘仍

分由下車古田趨龍巖入漳州與侍逆合併再圖內犯侍逆不得逞於長泰復改圖南趨漳浦又親率悍黨欲由鎮門窺石碼斷官軍糧道賊計均爲險毒幸兩路均同時克獲大捷賊之精銳喪失過半兩逆均經重創膽落可知以現在局勢論之江西廣東邊防尙固又入春以來陰雨兼旬山水暴漲該逆竄越維艱侍逆又時遣黨夥嗾其內犯現經官軍痛剿或仍思與漳州侍逆合股以延殘喘亦未可知漳州南境地濱大海閩省師船既不足恃洋人又與之交通逆賊勢既窘蹙無延頸待

初編卷二十一

九

戮之理此時自以嚴防下海爲要臣等現檄署衢州鎮總兵記名提督劉清亮率所部由同安運趨石碼以保漳州東南一路咨新授水師提督吳全美速雇紅單拖罾等船赴閩助剿以固海防昨准李鴻章咨稱已擬飭署福建陸路提督郭松林記名提督楊鼎勛各率所部雇坐輪船由海道赴廈門如各軍齊集斷賊入海之路而汀連官軍節節掃蕩而下逼賊歸併一處鎖圍困之庶東南餘逆可冀盡殲免致流毒他方又成不了之局臣宗棠擬俟南陽肅清北路無慮即督省籌商一切以

期妥慎此次各路官軍以寡勝眾實由將領殫心竭力  
得以速赴戎機署理浙江提督記名提督尙勇巴圖魯  
高連陞忠勇出於性生克獲奇捷化險為平戰功最偉  
可否仰懇

天恩賞給清字勇號浙江補用遊擊丁賢發可否以副  
將留於閩浙補用軍功程學明可否以守備儘先補用  
並

賞戴花翎花翎參將余佑民奮迅無前人最樸實可否  
以副將留於閩浙補用並

初編卷三十一

十一

賞給勇號革職擊問花翎副將銜湖南補用參將劉大  
謨前以輕進獲咎此次奮勉出力應請免其擊問此外  
出力將士尙多可否由臣等存記彙

奏請

獎其力戰陣亡江西儘先補用副將哈必發肅清廣信  
弋陽及克復東鄉案內擬保總兵軍功王福泰擬保守  
備可否請

旨將哈必發照總兵陣亡例議卹王福泰照守備陣亡  
例議卹以昭激勸理合恭摺馳

奏伏乞

皇上聖鑒訓示施行再此摺係由臣宗棠主察合併聲  
明謹

奏 同治四年二月十一日

議政王軍機大臣奉

旨另有旨欽此

同治四年二月二十七日內閣奉

上諭左宗棠等奏福建官軍分路進剿均獲大捷一摺  
福建劉典等軍由汀州連城進剿直逼南陽汪逆老巢

初編卷三十一

十一

分路環攻連日疊破賊壘數座正月二十四等日王德  
榜等分投環剿古田賊壘賊隊大亂官軍乘勢殺入擒  
斬甚多遂乘勝追至小池該逆拚死回拒各軍分路抄  
擊殲斃逆賊數千名賊大敗潰王開琳張恆祥等軍並  
將羅源嶺賊卡及香塔等處賊壘攻拔賊勢不支汪逆  
海洋意圖伺隙衝突與李世賢合以劉典復督諸軍會  
合王德榜所部由新泉截剿該逆峰擁來撲官軍分隊  
迎擊縱橫盪決屢戰多時賊大敗潰日逆仍在新泉對  
岸糾眾死拒劉典自率親兵各隊衝過山岡四面蹙剿

陣斃悍賊千數百名汪逆下馬痛哭諸賊回拒幾被  
官軍擒獲旋為死黨擁護逃去劉明珍因龍巖既克督  
軍進扼漳平南路逆匪丁太陽橫踞水潮和溪一帶突  
出四五千人撲犯官軍各營直前奮擊逆眾奔潰官軍  
追殺數里斃賊甚多並踏毀賊卡三座其漳州踞逆李  
世賢於正月二十等日分路竄犯漳浦高連陞等分督  
諸軍由海澄石碼等處進攻城內賊匪率眾出拒官軍  
隔河環施鎗礮斃賊百餘名餘賊敗走復有賊騎數十  
在好景山一帶遊弋高連陞派隊躡擊追至橋邊伏賊

初編卷二十一

三

突起官軍洋鎗隊連環轟擊並分兵繞出賊後兜剿擊  
斃悍賊數百名賊大敗潰三十日該逆突出悍賊三四  
千襲撲官軍丹洲陸營高連陞飭洋鎗隊向前排擊並  
飭蕭立信等駕艇渡河扼剿以劈山礮截賊歸路轟攻  
逾時賊眾潰敗自相蹂藉溺斃港中者甚多高連陞親  
督勇隊生擒悍逆三百餘名奪馬匹旗幟無算餘逆殲  
除殆盡據生擒賊供侍逆李世賢已覓水逃逸勦辦甚  
為得手著左宗棠督飭諸軍迅即乘勝掃除餘匪殲擒  
首逆以靖地方此次尤為出力之提督高連陞著賞給

穆特本巴圖魯名號遊擊于賢發著以副將留於閩浙  
補用軍功程學明著以守備儘先補用並賞戴花翎參  
將余佑民著以副將留於閩浙補用並賞給龍勇巴圖  
魯名號已革參將劉大諤著免其學問其餘出力員弁  
著左宗棠等存記彙案擇尤請獎其陣亡之擬保總兵  
江西儘先副將哈必發著照總兵陣亡例議卹擬保守  
備軍功王福泰著照守備陣亡例議卹以慰忠魂該部  
知道欽此

初編卷二十一

三

閩浙總督一等伯左宗棠江西巡撫沈葆楨福建巡撫  
徐宗幹署廣東巡撫郭嵩燾同治四年二月二十七日  
奉  
上諭左宗棠等奏福建官軍擊賊大勝請將出力陣亡  
各員獎卹一摺本日已明降諭旨將提督高連陞等照  
所請獎勵並將副將哈必發著交部議卹矣劉典王德  
榜等軍進剿汪逆疊破賊壘獲大勝該逆大突逸去  
幾為官軍所獲劉明珍等軍扼漳平一路踏毀丁逆賊  
卡三座高連陞截剿漳州踞賊大獲勝捷李世賢棄馬

而逃其悍黨已喪失殆盡現在汪逆勢窮圖與侍逆合股漳州南境地濱大海賊勢窘蹙難保不勾結洋人計圖入海左宗棠已飭提督劉清亮率所部由同安運趨石碼以保漳州東南一路令吳全美速雇紅單拖罾等船赴閩助剿以固海防所籌均極妥協著即激勵各軍覘賊所向會師夾擊該逆大敗之餘其膽已寒不難一鼓殄滅左宗棠當督飭劉典高連陞等分路布置務須就地殲除毋任他竄汪逆李逆逃往何處責令帶兵各將弁追截勿任合併一處郭松林一軍當已到閩著派

初編卷三十一

古

令嚴扼海口并防其勾串洋人計圖竄逆又成不可之局汀漳賊眾未盡剿除江西廣東之防仍不可一日或懈沈葆楨尚未回籍著飭令派出各軍認真防範勿稍鬆勁廣東所派出境助剿之方耀等軍著瑞麟郭嵩燾飭令會合閩軍痛殲餘逆潮州大埔一帶即責成李福泰妥籌防剿以杜窺伺該逆既有入海之謀各海口均應一體防範並著瑞麟等督飭地方文武員弁悉心籌防倘被闖入定惟該地方官是問決不寬貸將此由六百里各諭令知之欽此

請禁駐廈洋官私交髮逆摺

奏為駐廈洋官私交髮逆摺

敕下總理各國衙門傳諭駐京英國公使嚴行查禁辦理合詞恭摺奏祈

聖鑒事竊據興泉永道鄧廷枏稟稱正月十九日接准署水師提督曾玉明函開十八日有洋人駕坐小舢舨船三隻隨潮駛過差弁往詢不聽稽查直入新橋賊卡登岸入漳等因當即照會英國領事官怕威林去後迨二十一日該領事邀集廈門文武面稱前次李世賢遣

初編卷三十一

五

人送信到廈被洋關拏解地方官正法其信中所何議論不能知悉是以親赴漳郡面會李世賢以後有信來往不可攔阻有事自能知會現帶長毛頭目一個在戰船官金順船內稍緩幾日仍擬送伊回漳官民欲截港擊辦必至開仗至照會內小舢舨船三隻係我駕坐入漳之船不必再查等情查逆匪被剿窮蹙勾串洋人計圖免脫早在意計之中即飭在事文武嚴為防範前獲遞送逆書陳金隴一名當即審明正法並查出與賊貿易之洋人惹隔孫蒲浪二名照會懲辦業經臣英桂等

馳奏在案此次駐厦英國領事官柏威林入滯與侍逆  
見面一節臣等先有風聞當即一面行查一面飭令海  
關委員協領長慶通商委員署福州府知府丁嘉璋傳  
諭駐福州口英國領事官有雅芝稅務司美里登囑其  
寄信查問據有雅芝等回稱此事柏威林實屬無禮惟  
伊等係屬同官權不能制應由駐京公使將柏威林撤  
回等語並據該道鄧廷枏具稟前情查各國駐口領事  
官原以約束洋人勿許滋事今柏威林乃以前次為侍  
逆送信之犯被洋關擊解地方官正法輒藉詞親赴賊

初編卷二十一

六

巢與侍逆會面經該道等再三婉勸竟不聽受反帶賊  
目藏在戰船故違和約叵測情形殊難懸度除由臣等  
仍飭在事文武嚴加防範妥籌辦理外應請  
旨飭下總理各國衙門傳諭駐京英國公使迅將該領  
事官柏威林撤換以弭後患除飛咨總理各國衙門查  
照外臣等謹合詞恭摺由驛六百里具奏伏乞  
皇太后

皇上聖鑒訓示謹

奏 同治四年二月十一日

議政王軍機大臣奉  
旨該衙門知道欽此

初編卷二十一

七



追剿獲勝汀連肅清現籌辦理情形摺

奏為官軍追剿獲勝汀連肅清現籌辦理情形恭摺馳奏仰祈

聖鑒事竊劉典王德榜王開琳張恆祥等由汀州連城進剿南陽汪逆海洋老巢疊次獲勝賊勢日蹙劉典料賊竄必速二月初三日派總兵楊芳桂副將張福齊會同王德榜所部總兵戴奉聘李運勝兩營馳赴中村截擊初四夜南陽之賊果棄巢竄走知縣陳鴻藻副將文繼昌即率所部由亨子嶺殺入斃賊數百名初五日楊

初編卷三十一

六

芳桂張福齊戴奉聘李運勝等追至上杭所轄舊縣又殺賊數百名時上杭縣聯甲隨粵軍方耀擊賊於距城十餘里之石腳下亦獲大勝劉典慮賊由龍巖內竄當飭道員李耀南已革參將劉大謨於初六日進駐華家亭適賊由舊縣竄踞白沙張福齊等率隊追至李耀南劉大謨與參將樂連生余佑民都司劉春燦軍功田向陽等分路夾擊殺賊五六百名生擒百餘名奪騾馬二十餘匹救出難民千餘初七日劉典復率所部會同王德榜進剿白沙賊拚死抵拒張福齊李耀南分飭郭慶

雲彭俊光陳鴻藻余佑民樂連生田向陽各率所部猛進殺賊三四百名賊退里許仍率眾回圖後路之賊亦逢擁而來劉典督各營奮衝殺郭慶雲彭俊光陳鴻藻率隊繞出賊前四面蹙之賊因入眾路仄退步甚艱拒戰益力官軍奮擊兩時殺悍賊頗多賊仍拚死抗拒郭慶雲怒馬衝入賊陣直取汪逆中鎗陣亡勇丁死者二十餘人官軍因之少却李耀南劉春燦余佑民田向陽張星元楊芳桂劉大謨復奮前接戰適王德榜所部蕭得龍黎榮鈞鍾元興等將李塘伏賊擊敗乘勢追過

初編卷三十一

七

田隴王德榜親督何秀清李運龍兩營繼之並飭戴奉聘李運勝李金信等抄出賊後截擊適康國器由龍巖飭所部營官羅洪標哨弁康德修羅魁陳羅等馳至奮威衝殺賊遂大奔沿山潰竄官軍合追十數里始還計是役共斃賊數千名生擒數百名救出難民無算其王開琳一軍聞南陽賊竄亦分路疾追甫抵茶樹下悍賊四五千尙拚死來撲王開琳督各營力戰丁長勝魏友盛莫坤和郭德馨從左路破其兩壘殺賊約三四百名汪逆留殿後悍賊數千併力回拒官軍奮擊逾時賊仍

敗賊初六日王開琳督新老湘營躡追擊逆賊自  
且退遂向永定縣屬坎市竄去比官軍追至汪逆復由  
坎市竄甌陽此南陽賊竄各軍追剿獲勝汀連肅清之  
實在情形也其總兵劉明珍設汀漳龍道趙均由漳平  
進紮南路永福里將和溪踞逆擊敗後初三日劉明珍  
飭岳炳榮黃本富張成元三營並趙均紳勇進攻板場  
後壩賊卡破之殺賊五六十名初四日和溪之賊糾添  
水潮悍賊數千來撲張成元周占元營壘劉明珍趙均  
派隊馳往策應而自率所部繞攻和溪守備梁友武破

初編卷二十一

三

卡直入逆賊紛紛潰竄時張成元將撲壘之賊擊退亦  
率隊追至與劉明珍分投夾擊斃賊數百名立將和溪  
賊壘掃蕩初五日乘勢攻進水潮丁逆大洋率眾數千  
來拒劉明珍等督隊奮擊斬騎馬賊目十餘名賊敗急  
棄水潮而遁計兩日共斃賊千餘名拔出難民無算奪  
騾馬五十餘匹旗幟刀矛三百餘件此劉明珍趙均由  
漳平南路進剿獲勝之實在情形也竊汪逆海洋經官  
軍疊次痛剿竄越江西因江西防邊兵力厚集不  
能竄越又侍逆已爲高連陞所敗漳逆呼援甚急圖與

汪逆合股漳逆於正月二十日分黨竄犯漳浦二十一  
日竄陷縣城現後進黨屯踞南路官田顏厝前一帶以  
窺石碼並喉龍巖敗逆由北路圍犯長泰臣崇棠於南  
陽逆賊未竄之先即慮賊勢趨併於此乘隙內竄黃少  
春高連陞兩軍兵力尙單難以兼顧飭張恆祥一軍移  
駐漳平劉清亮一軍由同安相機前進現高連陞黃少  
春分軍駐石碼扼北溪布置尙周而南陽肅清後王德  
榜已赴龍巖劉典亦率所部馳赴漳平漳州西北一帶  
以刻下局勢論之北路應嚴扼華封同朝天嶺諸隘由

初編卷二十一

三

和溪水潮進剿南靖南路應嚴扼石碼進窺漳浦李鴻  
章所派署福建陸路提督郭松林記名提督楊鼎勛兩  
軍由上海雇輪船赴閩閩三月初旬始可抵厦臣等會  
商擬俟兩軍至厦即由海澄進取漳浦先斷其入海之  
路然後由九龍嶺木棉港會攻漳城並杜其竄粵之路  
其王開琳所部新老湘營已飭移紮永定河邊兼顧上  
杭以扼其奔竄江西能將汪海洋李世賢兩大股於閩  
境殲除則丁大洋林正揚等賊亦無能爲矣至於記名  
提督婁雲慶接統鮑超所部整理未曾就緒並未入閩

現賊既趨併南靖漳州汀防稍鬆即可仍留江境臣宗  
崇擬俟劉典抵漳平後將北路軍事布置稍定再進省  
籌辦一切如須赴泉州同安督剿即當出省辦理所有  
此次力戰陣亡之藍翎把總康德修軍功郭慶雲計功  
應保守備可否仰懇

天恩俯准飭部照守備陣亡例議卹以慰忠魂理合恭  
摺馳

奏伏乞

皇上聖鑒訓示施行再此摺係臣宗崇主稿合併聲明

初編卷三十一

三

謹

奏 同治四年二月二十八日

軍機大臣奉

旨另有旨欽

軍機大臣 字寄廣州將軍著兩廣總督瑞麟閩浙總

督一等伯左宗棠福建巡撫徐宗幹署廣東巡撫郭嵩

壽傳諭護理江西巡撫布政使孫長綬同治四年三月

十四日奉

上諭左宗棠等奏官軍進剿獲勝汀連肅清現籌辦理

情形一摺劉典等軍由汀州連城進剿南陽汪逆老賊  
賊棄巢走白沙之賊亦經劉典會同王德榜等軍奮力  
衝擊賊勢大潰沿山奔竄汪逆留殿後悍賊數千併力  
回拒亦經官軍擊敗汪逆由坎市龜陽竄去汀州連城  
一律肅清劉明珍等由漳平南路進剿和溪掃蕩賊壘  
乘勢進攻水潮丁逆棄水潮而遁侍逆為高連陞所敗  
呼援甚急圖與汪逆合股漳州踞逆竄陷漳浦現復遣  
黨屯踞南路官田顏厝前一帶以窺石碼並嚇龍巖敗  
逆由北路圖犯長泰左宗棠已飭張恆祥一軍移紮漳

初編卷三十一

三

平劉清亮一軍由同安相機前進高連陞等分軍駐石  
碼扼北溪王德榜已赴龍巖劉典亦馳赴漳平漳州一  
帶布置均尚周密逆勢現已窮蹙惟當防其就近入海  
勾結洋盜各處竄擾郭松林等計可由滬抵閩著左宗  
棠徐宗幹即飛飭由海澄進取漳浦斷其入海之路吳  
全美已雇募紅單拖罾等船赴閩著飭令嚴扼海口遇  
賊即擊毋稍疏懈該督撫務當檄飭南北兩路規取南  
靖漳浦將汪李等逆就地殲除勿任再行紛竄該逆飛  
走技窮豈肯坐以待斃必將拚死出竄廣東江西邊境

以圖一逞著瑞麟郭嵩燾飭令李福泰等軍使嚴防潮  
州及埔饒等處方耀等軍已入閩省卽令歸左宗棠調  
遣倘粵邊有警仍令回顧沈葆楨已起程赴閩孫長紱  
責無旁貸當飭令前隊防軍嚴扼本境如被闖入完善  
惟該署督撫等是問婁雲慶接統鮑超所部既未入閩  
卽著仍留江境協同防守俟此股賊平仍遵前旨馳赴  
鮑超軍營隨同出關剿賊左宗棠俟劉典到後布置定  
妥再行進省辦理一切事宜此次力戰陣亡之藍翎把  
總康德修軍功郭慶雲均著交部照守備陣亡例議卹

初編卷三十一

諭

以慰忠魂將此由六百里諭知瑞麟左宗棠徐宗幹郭  
嵩燾並傳諭孫長紱知之欽此

吳提督履船來閩會勦請帶員弁差遣片

再新授福建水師提臣吳全美業經臣等

奏明飭令速雇紅單拖罾等船來閩助剿以固海防在  
案茲准吳全美咨請隨帶久歷大洋最稱諳練之水師  
記名總兵李廷邦李廷勳儘先副將吳奇勳李廷芳儘  
先參將李榮升丁泰郭祥有吳泰芬周振邦儘先遊擊  
陳起龍梁汝魁儘先都司黃昌貴黃定邦儘先守備吳

安魏惟松吳顯安儘先千總蘇桂森黃定暉馮榮福儘  
先把總羅世恩等二十員名來閩差遣就近歸於閩省  
候補等情前來除飛咨廣東督撫臣查照在於福建協  
餉籌撥洋銀一萬兩以爲勇糧船價卽由吳全美雇募  
紅單船二十號拖罾船數十號配足官弁兵勇軍火礮  
械統帶來閩馳赴廈門會合勦辦外理合附片陳明謹  
奏請

旨同治四年二月二十八日

軍機大臣奉

初編卷三十一

諭

旨知道了欽此

兩路進剿疊勝現籌辦理情形摺

奏為官軍兩路進剿疊獲大捷現籌辦理情形恭摺馳奏仰祈

聖鑒事竊汀連肅清後汪逆海洋由坎市退竄南靖永定交界之奎洋苦竹梅林山城金豐等處李逆世賢於漳州東北浦南金沙烏頭門社一帶添築城壘以圖繞襲漳州官軍後路署浙江衢州鎮總兵劉清亮馳抵江東橋見賊勢方趨重漳北即率所部進紮北溪黃少春進紮北尾橋高連陞進紮東路好景山以相聯絡二月

初編卷三十一

庚

二十五日黃少春復飭副將周紹濂遊擊劉昌選謝復雲移紮北尾橋對港翰林洲詎漳城東北樓內寨賊首偽天將譚姓率悍賊千餘來撲周紹濂謝復雲營壘當經官軍擊退黃少春馳至見賊倚憑橋抗拒復率親兵馬隊從左路謝復雲從右路抄擊賊即潰敗官軍追殺過橋斃賊二百餘名二十六七日亦迭有斬獲三月初二日城賊復出數萬一由崎下橋北尾橋一由打鼓山分數路來犯黃少春率周紹濂謝復雲劉昌選各營從右路迎擊斃大旗悍賊十餘名賊即敗竄追至田東

社伏賊突起官軍鏖戰十餘合賊拚死抗拒周紹濂戰馬帶傷即挺矛衝入賊陣謝復雲督各哨突前猛擊賊不能支時高連陞亦將崎下橋北尾橋之賊擊敗衝殺而前該逆恐官軍過港截殺悉向樓內遁去計是役共斃悍賊三百餘名初七日高連陞率所部進紮響水橋初九日復率副將丁賢發軍功錢桂仁兩營過河築壘逼之黃少春飭各營伏於北尾橋河邊自率親兵馬隊與高連陞從東關大路而進突遇賊一二十人高連陞即飭洋鎗隊馬隊奮前擊殺黃少春督隊繼之賊且戰

初編卷三十一

壬

且退追至東關斃賊百餘名忽南門壘賊數千從河邊抄至城賊與東門壘賊亦合數千蜂擁而出高連陞飭張志公程學明扼堵河邊自率洋鎗隊與黃少春分堵東路猛戰十餘合斃騎馬賊目一名悍賊數名賊稍却急麾軍奮力齊進賊退入卡程學明張志公將河邊之賊擊敗亦率隊馳至環攻賊卡忽西門外賊八九千人又繞至對港排列高連陞黃少春飭各營鎗礮環擊斃賊數百名當賊由東路來犯也北門及城內亦各出賊數千向北尾橋衝來周紹濂湯復春伍先申等督隊迎

擊黃少春率謝復雲等從左路橫出截之賊敗走計是役傷賊斃賊共千餘名奪旗幟鎗礮百餘件該逆復糾添汪逆悍賊約五六萬於十三日辰刻分路一撲響水橋一撲北尾橋營壘其由響水橋一路來者高連陞督各營力堵並令魏光祚朱體盛兩營過崎下橋扼之朱體盛由板上進剿斃賊數十名正追殺間忽弓股賊七八千人經魏光祚擊敗退併板上抄出朱體盛隊伍之後朱體盛督隊接戰勢幾不支魏光祚急馳而前將賊擊退乘勝躡追賊復率眾回撲魏光祚怒馬陷陣鎗斃

初編卷二十一

庚

悍逆二名賊眾披靡時黃少春一軍亦已得手逆賊紛紛潰竄官軍追殺斃賊百餘名其撲響水橋之賊亦經張志公曹光德擊斃賊二百餘名洋鎗隊乘勢急追賊拚死回拒曹光德用刀矛刺殺二十餘賊高連陞親督各隊馳至賊仍敗走追至港邊侍逆李世賢偽天將李學金復喉各賊回圍並出洋鎗賊千餘前來助戰官軍縱橫決盪塵賊逾時曹光德戰馬被賊鎗子擊傷卽下馬持矛刺倒數賊乘勝猛進馬隊繼之忽從逆洋匪十餘名突出賊前擊洋鎗向官軍排擊斃馬一匹傷馬

數匹官軍憤甚馳入賊陣立斬洋匪二名羣賊縮入村後程學明錢桂仁率親兵疾追高連陞督隊壓擊賊勢不支分向東關敗竄其由北尾橋一路來者黃少春率中營及副將李良平左營參將伍先申馬隊迎擊相拒半時樓內伏賊數千從西岡山突出官軍奮威衝殺斃賊多名侍逆又麾洋鎗悍賊並馬賊數百拚死夾撲李良平等督隊猛進塵戰兩時斃賊甚多賊仍死拒不退黃少春親督各哨向前衝突坐馬被賊擊傷下馬持矛督戰士率益奮陣斬悍賊百餘名戮斃賊馬十餘匹適

初編卷二十一

庚

高連陞所部魏光祚將賊擊退從崎下橋橫截而來兩路大擊賊遂大敗官軍追至距東關半里許始收隊還其樓內來援之賊經總兵劉端冕副將馬駿發劉昌選周紹濂謝復雲等截殺斃賊二百餘名計是役共斃賊二千餘名傷賊不計其數奪旗幟洋鎗二百餘件官軍陣亡受傷者亦百餘名十四日城賊壘賊復出數萬分兩路夾撲北尾橋營壘黃少春當飭周紹濂劉昌選謝復雲將由右手過河李良平劉端冕馬駿發等由左手過河黃少春親督中營及伍先申馬隊居中策應三路

奮擊斃賊數百名其東路之賊圍撲高連陞營壘經高連陞派隊擊殺二十餘名賊施遁去高連陞見賊迭次來撲皆由赤嶺先犯丁賢發營壘十六日飭朱體盛副湘右營疾赴赤嶺南部院祠扼紮一面飭各營嚴陣以待一面函商福建陸路提督郭松林黃少春俟賊來撲即各率所部合力痛剿李逆世賢以兩次猛撲皆不得逞復嗾南靖來援之賊萬餘並城壘各逆合共十餘萬蜂擁而出並用開花礮向前轟擊見官軍屹立不動乃分四路抄來適郭松林率所部蘇軍五營馳至即與高

初編卷二十一

三

連陞各營踰赤嶺迎擊黃少春率各營過北尾橋迎擊福州稅務司美里登時由廈門海澄來營觀戰亦帶開花礮助勦各軍併力齊進呼聲震天郭松林親督小隊直搗中堅羣賊辟易官軍乘勢急進各路之賊俱敗李逆世賢復督各賊回撲官軍奮威衝殺洋鎗隊斜出轟擊子如雨注賊勢不支捨命狂竄自相蹂藉及轟斃溺斃者不可勝數追過港橋西刻收隊其另股排列流岡山一帶者意圖乘虛撲黃少春營壘經劉端冕馬駿發等排鎗轟擊劉自選督隊力戰斃賊二百餘名仍向樓

內遁去計是役共殺賊三四千名帶傷者以萬計奪旂幟鎗礮無算此二月二十五日至三月十六日高連陞黃少春等軍迭次進剿克獲大捷之實在情形也其王德榜一軍由龍巖馳赴漳北華封見逆賊一大股廣聚北路豐山對岸金沙一帶遂分兩營圍駐豐山自率所部進紮潭口與劉清亮渡東溪環各營互相聯絡正擬搭造浮橋過河痛擊詎該逆見官軍逼近十四日於吳倉烏頭添築兩壘十五口又於對岸河邊添築四壘阻官軍進攻之路王德榜飭遊擊戴清輝黎榮鈞鍾元興

初編卷二十一

三

都司李運龍從上流過河總兵戴奉聘李運勝參將何秀清軍功李金信從下游過河並排列劈山礮對河轟擊逆賊不支棄壘而遁官軍兩路夾擊斃賊二三百名此王德榜一軍由漳北進剿獲勝之實在情形也其劉典一軍馳抵龍巖後即率所部進駐州南六十里適中飭副將張福齊同知楊鼎勛進紮上坪總兵楊芳桂紮水尾邊道員李耀南紮村東偵知汪逆率敗賊分拒上下全洋梅林塢校施洋苦竹金豐等處縱橫數十里伐片賊氛而奎洋係通南靖漳州大路地勢尤為險要十

五日飭張福齊楊鼎勛參將彭俊光宋定元劉春藻軍功蕭雅泗由白石垵進參將周顯明余佑民樂連生知縣陳鴻藻軍功田向陽由上下嶼進都司張景元遊擊徐萬福由坑下防梅林之賊劉典親率楊芳桂齊蘭禮等山嶺頭前進張福齊楊鼎勛甫抵白石垵遇賊數百適大霧彌漫咫尺不辨賊不意官軍驟至誤以為其黨也就之官軍突起奮殺斃賊二百餘生擒百餘名劉典抵嶺頭亦與賊遇楊芳桂齊蘭禮率隊圍殺生擒五十餘名斃賊百餘名陳鴻藻余佑民等抵溫上擒賊二十

初編卷二十一

謹

餘名徐萬福等抵坑下擒賊三十餘名救出難民無數劉典等翻山行十五里至奎洋山頭俯視賊巢見賊方併趨右路即飭各營截之該逆見官軍突出其後改向奎洋山頭撲來適張福齊楊鼎勛等由右路齊蘭禮楊青山等由左路殺出劉典復飭新兵繞出賊後截之血戰一時斃賊數百名賊敗走下奎洋援賊又分數路而來劉典又督各營奮力迎擊斃賊多名賊仍敗歸下奎洋壘中其梅林之賊率黨來援亦經張福齊楊鼎勛派隊擊退計是役共斃悍賊千餘名生擒三百餘名救出

難民七八百名奪旂幟軍械無算此劉典一軍由龍巖進剿奎洋克獲大捷之實在情形也其總兵王開琳一軍馳抵永定後分所部入營扼紮距城三十里湖雷鄉偵知偽天將周正福偽佐將譚如春等率眾萬餘圍撲永定縣城並分犯湖雷營壘十六日王開琳飭各營分路迎擊羅瑞山龔隆貴郭德馨等行至跌馬寨遇賊接仗斃賊多名賊敗走各營乘勢追過岐嶺王開琳恐下洋有賊抄襲正飭莫坤和魏友盛兩營伏於跌馬寨自率中營並新湖三營仍合前隊緊追忽賊千餘從山後

初編卷二十一

謹

突至莫坤和魏友盛督隊迎擊賊亦拚死抵拒王開琳飭曾桂堂賀心田楊大享等先截其歸路各營四面蹙之除生擒及收降百餘名外圍剿殆盡羅瑞山龔隆貴知後股殲滅幾盡即躡蹤緊追適湖雷各營亦從東坑馳至夾擊擒斬甚眾計是役共斃賊二千餘名生擒偽佐將譚如春偽指揮周正南等七十餘名奪獲驃馬三十五匹旂幟鎗礮各數百件此王開琳一軍由永定迎剿獲勝之實在情形也竊惟賊勢自汀連肅清後汪逆竄距龍巖永定南定王界各處地方與侍逆李世賢相



為首尾其地可由永定武平竄江西廣東可由平和竄廣東侍逆堅踞漳城分其黨踞雲霄平和近自漳浦失守後丁逆大洋復由平和陷詔安其地緊連廣東潮嘉濱海之區素多盜艇出沒以賊情言之汪逆志在竄江李逆志在入海然現在閩軍攻急則必以粵東為退步徐圖逞其竄江下海本謀論防賊下海之路在粵則潮屬之汕頭在閩則詔安之銅山碇口為要就現在賊勢言之則閩之銅山碇口為尤急亦知賊數眾多海船難敷裝載賊雖妄圖下海勢必不能然制之於陸尚易為

初編卷二十一

三

力制之於海實難為功斷宜於事先盡力籌惟未容緩視臣宗幹於漳浦失守時已調省防蕭端芳紅單船六號駛赴碇口臣宗棠現又飛催水師提督吳全美速帶所雇紅單船二十號拖帶二十號駛赴銅山其未到防之先已由曾憲德鄧廷枏就近派撥師船前往防守矣論防賊入粵之路惟饒平大埔最為衝要粵軍防邊關尚周密方耀一軍亦已調回兵力似為不薄然臣等接閱督撫臣郭嵩壽來書仍以驅賊入粵為疑而閩軍方由東而西由北而南雲霄平和漳浦詔安中隔賊氛實

無兵力可以繞越兼顧竄江西防兵為厚汀連既清賊之竄江惟永定一路臣等現籌總兵王開淋之新老湘營共計七千餘人康國器及關鎮國所部共五千餘人嚴防永定湖雷撫溪一帶足以遏賊奔衝襄雲慶一軍萬餘近始由江西赴武平尚在王開淋康國器之後於援閩防江均屬不急之著而武平距粵咫尺似可和緩就急為江西助粵之軍庶粵東固而由粵竄江西之路亦可無虞伏乞

皇上飭下江西撫臣廣東撫臣為該軍妥籌接濟相機

初編卷二十一

三

調撥以近收聚殲之效至閩省自永定至長泰北路要隘均有布置漳州東路有高連陞黃少春兩軍屹如山立連日眾賊猛撲均已擊敗逆賊揚言深窺腹地諒可無虞臣等現已飭王德榜劉清亮等迅將漳北各賊掃除漸逼漸進其漳南一路蘇軍已到十營十六日郭松林率五營五成洋鎗隊助戰甚為得力楊鼎勛一軍亦於十七日到廈足扼石碼海澄並截侍逆南竄漳浦之路臣等自當隨時商調慎以圖之務將逆賊聚殲以紓

聖屢此次各路官軍奮勇擊賊以寡勝眾實屬異常出力浙江卽補知府魏光邴請

賞加道銜遊擊銜補用都司曹光德請以參將留閩補用藍翎同知銜通判龍朝翼請

賞加知府銜擬保花翎遊擊銜都司張藝勝請以遊擊補用花翎守備李松林請以都司補用其餘出力員弁甚多可否由臣等存記彙案請

獎其力戰陣亡之擬保遊擊黃柳溪擬保遊擊銜花翎都司李文質遊擊銜花翎都司陳道政擬保都司銜守

初編卷二十一

三

備羅福清均請

飭部照擬保官階議卹以慰忠魂所有剿賊獲勝及籌辦情形謹據實馳

奏伏乞

聖鑒訓示施行再此摺由臣宗棠主稿合併聲明謹奏同治四年三月二十九日

軍機大臣奉

旨另有旨欽此

同治四年四月十五日內閣奉

上諭左宗棠等奏各路官軍迭獲大勝請將出力暨陣

亡員弁分別獎卹一摺髮逆李世賢於漳州東北一帶

添築城壘計圍繞襲官軍後路經高連陞黃少春分路

進攻自二月二十五日至三月十六日迭獲奇捷殺斃

賊匪不下萬餘羣賊潰退王德榜一軍由龍巖馳赴漳

北亦將金沙一帶賊壘攻拔斃匪數百名其逆首汪海

洋一敗竄至南靖永定交界之奎洋等處勢極猖獗經

劉典一軍進剿血戰逾時賊敗入壘並將梅林援賊擊

退殺死悍逆千餘名生擒三百餘名正法王開琳亦率

初編卷二十一

三

老湘營將圍攻永定縣城等匪剿敗殺賊數千生擒偽

佐將譚如春等七十餘名餘逆潰遁剿辦均爲得手著

左宗棠督各軍迅將漳州等城克復殲除巨憝毋留餘

孽所有在事出力之知府魏光邴著賞加道銜都司曹

光德著以參將留於福建補用通判龍朝翼著賞加知

府銜都司張藝勝著以遊擊補用守備李松林等以都

司補用其餘出力員弁著左宗棠存記彙案請獎陣亡

之擬保遊擊黃柳溪擬保遊擊銜花翎都司李文質遊

擊銜花翎都司陳道政擬保都司銜守備羅福清均著

交部照擬保官階議卹以慰忠魂欽此

軍機大臣 字寄廣州將軍兼署兩廣總督瑞麟閩浙總督一等恪靖伯左宗棠福建巡撫徐宗幹署廣東巡撫郭嵩燾傳諭護理江西巡撫布政使孫長絨同治四年四月十五日奉

上諭左宗棠徐宗幹奏官軍兩路進剿迭獲大捷現籌辦理情形一摺本日已明降諭旨宣示出力陣亡各員照請獎卹矣前據瑞麟等奏聞賊趨重西面恐以粵東為去路當經諭令左宗棠調兵分布截其西竄之路茲

初編卷三十一

奏

據左宗棠等奏請開省自永定至長泰北路要隘均有布置漳州東路有高速匪黃少春兩軍連日將賊眾擊敗腹地亦可無虞漳南一路有郭松林等軍截扼是東南北三面布置均尚周密惟西路之雲霄平和漳浦詔安等處賊氛甚熾左宗棠等亦慮其閩軍攻急必以粵東為退步徐圖逞其竄江下海之謀現已調王開琳康國器等軍嚴防永定一帶足以遏賊奔竄而婁雲慶一軍萬餘人現在武平距粵較近正可移緩就急為江西助粵之軍著孫長絨即飭婁雲慶統帶所部迅速前進

瑞麟郭嵩燾一面迎提相機調撥以保邊防所有該軍餉需即由江西廣東兩省源源接濟毋令缺乏饒平大埔為粵省要隘之路方耀一軍已經調回本境粵邊防軍亦為不薄瑞麟郭嵩燾務當督飭李福泰等實力嚴防如遇賊蹤竄近即飭各軍迎頭截擊毋得專待客兵致多貽誤永定一帶現有重兵屯紮江西邊防尚可無慮惟汪逆既有竄江之意孫長絨亦當先事防維勿稍大意現在漳州之賊迭經官軍痛剿其勢漸蹙左宗棠等督飭高連陞王德榜劉典等軍乘勝進剿力拔漳城

初編卷三十一

奏

並將雲霄平和等處次第掃蕩毋稍延緩磴口銅山均係閩省海邊要口徐宗幹已調蕭瑞芳紅單船六號駛赴磴口左宗棠又調吳全美統帶紅單拖罈等船四十號駛赴銅山即著催令星速到防並督飭該提督實力嚴密梭巡不得稍有疏失石碼海澄等處即飭楊鼎勛等軍嚴密扼守以截侍逆南竄之路粵省之汕頭海口瑞麟等亦當加意嚴防務臻周密將此由六百里諭知瑞麟左宗棠徐宗幹郭嵩燾並傳諭孫長絨知之欽此

附陳蘇軍到閩日期片

再福建陸路提臣郭松林統帶蘇軍於三月初四初五等日陸續行抵廈門汀州鎮總兵沈俊德統帶楚軍亦於二月二十七日抵汀州除移飭郭松林沈俊德遵旨各赴本任一面妥籌布置相機防剿外臣謹附片陳明伏乞

聖鑒謹

奏同治四年三月二十九日

軍機大臣奉

旨知道了欽此

初編卷三十一

甲

請卹全家殉難之詔安趙知縣片

再據興泉永道鄧廷枏等轉據雲霄同知宋文斐稟報逆賊前竄詔安縣境在離城里許西北一帶分紮三壘偷挖地道三月初六日辰刻地雷轟發縣城失陷該縣知縣趙人成全家殉難臣等伏查上年漳郡失守後平和雲霄相繼淪陷詔安孤懸賊中不及派兵援應幸該縣知縣趙人成督帶勇團會同署廣東黃岡協副將何雲章與城固守六月屢挫賊鋒茲因地雷轟發縣城失陷趙人成全家殉難並聞城破時家人欲抱其幼子逃

出趙人成以義不苟活亦令投井畢命死事情形尤為慘烈合無仰懇

天恩俯准將同知銜福建詔安縣知縣趙人成

飭部照同知例從優議卹並於死事地方建立專祠其殉難家屬一併附祀以慰忠魂理合附片具

奏伏乞

聖鑒謹

奏同治四年三月二十九日

軍機大臣奉

初編卷三十一

甲

旨另有旨欽此

同治四年四月十五日內閣奉

上諭左宗棠等奏知縣全家殉難請旨優卹建祠等語福建詔安縣知縣趙人成於賊匪圍攻縣城時嬰城固守六月之久屢挫賊鋒本年三月初六日地雷轟發縣城失陷該員全家殉難死事情形尤為慘烈同知銜福建詔安縣知縣趙人成著照同知例從優議卹並於死事地方建立專祠其殉難家屬一併附祀以慰忠魂欽此

舟師緝獲通賊洋匪解滬訊辦摺

奏為舟師緝獲通賊洋匪委員解滬訊辦恭摺馳陳伏祈

聖鑒事竊照廈門英領事柏威林與漳逆交通前經派委前興泉永道曾憲德同福州口稅司美里登馳赴廈門妥為查辦

奏明在案茲據曾憲德稟報抵廈後往晤柏威林多方開導柏威林雖言近支飾而亦頗生悔悟當告以一體示禁洋人通賊不准一船駛近賊營違則開礮轟擊柏

初編卷二十一

聖

威林亦允照辦隨親赴該國輪船見水師官靴姓帶有洋兵三百餘名砲位二十七尊聲勢頗壯稽查亦密中外各官情意和悅惟查漳南一帶濱臨大海欲斷賊之接濟莫如阻截港道即添調勇船交已革安平協副將吳鴻源已革金門遊擊陳允彩等馳赴海澄石碼一帶巡查並經美里登將帶往洋兵安置車礮在岸駐守以資聯絡二月二十八日陳允彩在白水營見一小哨船挂帆而來行駛甚速守港舟師阻截不聽陳允彩知係賊船當率舟師追擊躍過彼船生擒長髮賊謝應瀧一

名洋人三名搜獲太平天國侍王李紅綢大旗一面護

照一張洋鎗五把洋銀四百九十六員解經曾憲德提

訊據謝應瀧供稱係廣東香港人從賊已久逆首李世

賢現與洋人勾結遣往上海找尋逆眷並買大火輪船

圖至漳浦沿海為竄颺之計等語其洋人三名即邀同

美里登並廈稅司休仕會訊一名花耳即手執印照者

一名僕低黎一名葛得勒俱合眾國人花耳供認前情

並稱李逆家眷聞為洋將戈登爾養上海戈登回國斷

無將逆眷帶去之理所執印照係祇准在江蘇游歷僕

初編卷二十一

聖

低黎等僅認販賣洋鎗不認買船之事三月初五日夜陳允彩又在海門山港率勇船線民截獲濟賊匪船一隻該匪放槍拒傷水勇一名並將船內貨物拋棄海內陳允彩督同弁勇奮力圍捕生擒洋人五名一名木飛係英國人一名漢梨布夫一名恆巒加絨一名黑哈律亦皆布國人一名不能係合眾國人起獲洋鎗銅帽等件美里登休仕會議英國人即就近交廈門領事官照例充軍不准再履中國其布國人同合眾國人一併解赴上海道收訊跟追逆眷並照會各國領事究辦等情

先後具稟前來臣查該逆圖買輪船意殊叵測該員弁等巡緝認真屢經弋獲賊日洋匪斷其接濟洵足以戢奸謀而杜勾結所獲洋匪本應比照金陵通賊章程立予懲辦惟前奉

上諭勅江蘇撫臣查照李秀成供詞查明李世賢眷屬下落覆奏等因現復謝應龍供為李逆找尋家眷是否逆眷現向羈留上海地方無從查問適署陸路提臣郭松林統帶蘇省援師由滬抵廈經該道等詢據面稱戈登留養李逆家屬意在溧陽尋覓窖金非與李逆交好

初編卷二十一

器

惟花耳既為李逆所用必知逆眷踪跡自應解滬跟追上海合眾國西總領事照會駐廈爾領事文內亦以深惡此輩違犯和約私通髮逆囑即解滬懲辦當不致有徇庇情事現在蘇師雲集廈門人心大定亦不至有意外之虞洋匪花耳等七名業經曾憲德委員從九品葉珍管解赴滬收審於三月十一日附塔輪船起程並經稅司美里登另派洋哨護解相應請旨勅下江蘇撫臣轉飭上海道澈底訊辦除飭將賊目謝應龍即在廈門正法梟示並將起獲贓銀一併充賞

洋槍等件存船配用外臣等謹合詞恭摺馳

奏伏乞

皇太后

皇上聖鑒訓示再此摺由臣宗幹主稿合并聲明謹

奏同治四年三月二十九日

軍機大臣奏

旨總理各國事務衙門議奏欽此

請將會辦通逆洋匪之中外出力各員獎勵片

再查洋人有從廣東香港販運軍火至銅山附近地方

初編卷二十一

鑿

上岸接濟髮逆情事先經辦理廈門稅務鑲紅旗協領廣星訪聞會商廈門稅司休士幫辦巴德榮雅國二名通事汪蘇同知林鉞派撥關哨巡船馳往查拏道員曾憲德同福州稅司美里登抵廈申明和約與休士等悉心查辦旋查有英國火輪船名古董先於二月初十日在銅山水面之虎頭山灣停泊經英國兵船追那士眼見可証又洋關巡哨洋人米勒宅同哨丁至銅山該處民人向訴該古董輪船私載火藥洋鎗登岸聲言百姓如敢攔阻立即開砲轟擊等語復經英國六船佛冷

媽見該船在現被賊踞之漳浦地方搭載洋人七八名  
往南而去三月初二日該船收泊廈口當即將其扣留  
照會英領事柏威林訊問該船主因指証確鑿無可置  
辦查英國第四十七條和約章程如非通商口岸洋船  
私往買賣即將船隻入官等語該古董輪船違約濟匪  
應即照約入官現將旂幟水手人等一律更換配用巡  
緝見証這那士等另行議給重賞以示鼓勵據協領廣  
星道員曾憲德會稟前來臣等伏查該逆勾通洋人接  
濟軍火購買輪船情形實為巨測幸道員曾憲德馳赴

初編卷二十一

樂

廈門會同福州稅司美里登廈門稅司休士與幫辦巴  
德榮雅國認真查辦得以消息未萌現據曾憲德稟稱  
美里登欲行回省休士欲行回國當此稽查嚴緊之際  
該稅司等辦理妥協深明大義自應仍令其在廈會同  
查辦以收全功美里登並親赴漳州軍營將車輪開花  
砲借撥助勦並遣洋兵五十人隨同高連陞各營出隊  
勦賊尤屬傾心報効信義堪嘉均應仰懇  
天恩分別

獎賞以示優異廈門領事官柏威林此次隨同查辦一

切省知愧悟可否量予

獎勵俾免向隅出自

聖裁其前署興泉永道曾憲德係奉

旨交吏部帶領引

見之員上年因閩省軍務現緊奏留差之此次辦理諸  
事均臻妥協可否以道員仍留福建補用並

賞加按察使銜革職擊問金門水師遊擊陳允彩可否  
免其擊問並開復原官其餘中外出力各員可否由臣

等查明分別彙案請

初編卷二十一

樂

獎以昭激勵除咨總理衙門查照外臣等謹附片具陳  
伏乞

聖鑒謹

奏 同治四年三月二十九日

軍機大臣奉

旨該衙門議奏欽此

陳請浙省應解甘餉仍飭改撥摺

奏為浙省情形萬分竭蹶應解甘餉仍請

飭部改撥恭摺奏祈

聖鑒事竊照浙省前因軍需奇絀應解甘餉無從籌措  
經前護撫臣蔣益澧

奏請

飭部另行改撥旋准戶部咨錄原奏內稱浙省地方凋  
敝餉項支絀自係實在情形惟甘省需餉緊急浙省歷  
年欠解甘餉一百四十餘萬兩前經奏准於前次奏撥

初編卷三十一

吳

二三十萬兩內先籌銀十萬兩解往其餘奉撥銀兩陸  
續籌解似此量為寬展限期自不致過形迫促且現今  
各省均有協撥甘餉並新疆軍餉實無可以改撥之處  
應請仍照前奏將前次奉撥甘餉二三十萬兩內先籌  
銀十萬兩迅解甘省交納其餘奉撥甘餉亦應儘力陸  
續籌解以濟要需等因於同治四年正月二十五日奉  
旨依議欽此飛咨到臣當即飭司欽遵籌解在案茲據  
浙江布政使蔣益澧詳稱甘省軍情喫緊待餉孔殷自  
應竭力籌解何敢稍事諉延無如浙江全省均撮拾於

灰燼之餘民間受害情形雖有輕重之分而困苦凋殘  
則大率相類其被擾較重之區賑撫且尙不遑錢糧何  
能征解卽被擾較輕之處雖已免強催科而小民元氣  
已傷輸將亦難踴躍故隨時體察情形迭請蠲緩以致  
司庫進款較前倍絀至每月協撥援閩軍餉及留防各  
營旗糧餉並製造軍裝等項本省例支各款奉撥織造  
衙門承辦各項活計無定額之工料銀兩統計月需銀  
三十餘萬兩以日下進款計之實已萬分支絀所有奉  
撥甘餉斷難兼顧應仍請

初編卷三十一

吳

奉咨改撥等情前來臣等伏查浙省新復地方悉力供  
支援閩各軍已彌形竭蹶況奉撥楊岳斌行費銀八萬  
兩已悉數起解是皆於無可設法之中竭力籌此鉅款  
以全大局若再兼籌甘餉且將浙江全省未復以前歷  
年積欠之款一併催解縱勉事搜羅亦斷不能集有成  
數臣等忝任疆圉受  
恩至渥值此甘省軍務繁興如有可籌之餉曷敢不盡  
力籌維稍資協濟惟日昨浙省兵燹之餘情形萬分窘  
迫不得不據實瀝情合無仰懇



天恩俯准將奉撥先籌甘餉銀十萬兩

勅部仍另改撥俾免貽誤要需一俟閩省軍務告竣協

餉停止再儘力籌解甘餉理合恭摺附驛馳

奏伏

皇上三鑒訓示施行謹

奏同治四年三月二十九日

軍機大臣奉

旨戶部速儀且奏欽此

初編卷二十一

季

恪靖奏稿初編卷二十二目錄

分路進剿粵務現籌辦理情形摺

附陳老湘營會攻賊壘情形片

請將事劣之鎮將知縣分別摘頂革職片

水師搜獲濟逆西洋人船軍火請獎各員弁片

請將庸劣之監道革職清完交成賠項片

進逼漳州大捷現籌辦理情形摺

奏報攻克漳州府城方靖縣城情形摺

附陳攻拔苦竹賊壘情形片

初編卷三頁缺

閩省腹地未清未能先顧鄰省片

分路進剿疊勝現籌辦理情形摺

奏爲官軍分路進剿疊獲大勝現籌辦理情形恭摺馳奏仰祈

聖鑒事竊劉典等軍由龍巖進剿奎洋獲勝後汪逆海洋仍率死黨屯踞龍巖南靖永定交界之金豐苦竹梅林山城場校上下奎洋一帶三月二十日康國器馳抵龍巖撫溪偵知苦竹之賊分踞茅畚添築數壘二十一日親督知府康熊飛副將吳光亮恭將詹惠林本遊擊羅洪彪熊應烈所部分路進剿飭都司關鎮邦堅守龍

初編卷三十一

潭防梅林之賊抄龍康熊飛林本羅洪彪熊應烈等甫至東安遇賊數百擁至摩隊急擊斃悍賊四十餘名生擒三十二名茅畚踞逆傾巢來援康熊飛等更番疊戰賊仍抵死不退吳光亮詹惠率隊從小路抄出攻破山腰賊壘賊始駭卻康熊飛等乘勢急進轟斃悍賊數十名賊悉棄壘狂竄立將茅畚賊壘三座踏毀適官軍進逼漳州侍逆屢爲官軍所敗呼援甚急遂將上下奎洋各處山徑悉行掘塞以阻官軍僅留由南靖赴漳郡一路以通往來二十四日劉典率副將張福齊等繞赴永

溪察看路徑詢據逃出賊供知汪逆十七日赴漳郡

十三日仍回場校遂函商道員張恒祥一軍由和溪康國器一軍由撫溪於廿七日分路進剿飭張福齊率恭將彭俊光宗定元軍功蕭雅泗等四營與張恒祥所部從左路進攻下奎洋賊壘該逆傾巢出拒張恒祥張福齊親督各營奮威衝殺攻破賊卡兩處見嶺巔尙有二壘守賊約四五百人張恒祥所部恭將李大有督隊仰攻亡傷勇丁數十名總兵何映文文禹商與張福齊等督隊各勇直薄壘下前者被傷後者繼進該逆悉力拒

初編卷三十一

守石手山岡之賊復搖旗雷鼓應之道員李耀南同知楊興勛分飭所部副將余佑民遊擊楊懷瑾都司劉春藻等蛇行而進該逆憑高擊下砲石如雨官軍冒險奪踞山巔張恒祥及恭將彭俊光亦率隊猱騰而上徑拊其背賊勢不支殺斃及墮崖死者無算宗定元等乘勢攻入逆賊紛紛棄壘狂竄張福齊張恒祥分率所部追殺立將下奎洋賊壘五座賊館五十餘處賊卡十餘處一律踏毀殺賊二千餘名救出難民數千當官軍之進攻下奎洋也中奎洋踞逆率眾來援劉典飭恭將陳集

賢擬保副將王前程擬保副將銜恭將程應陞督隊扼剿知縣陳鴻藻所部繼之李耀南楊鼎勳由下奎洋轉戰而來與已革恭將劉大謨等三路進擊將中奎洋踞逆擊敗賊館掃蕩乘勝追殺斃賊數百名餘賊縮入對岸壘中官軍逼攻正急汪逆率悍黨由梅林場校突出勢極兇悍劉典親督各勇猛戰十餘合將賊擊退而上奎洋來援之賊亦經總兵楊芳桂所部擊敗始各收隊計其斃賊二千餘名陣斬偽天將翟玉山陳光明及曾姓等賊目數十名生擒老賊七十餘名奪旗幟軍械無

初編卷三二

三

數其康國器一軍進剿苦竹行抵礮下卽與賊遇該逆不意官軍驟至縮入卡中吳光亮林本能應烈等弁力圍攻火箭火彈拋入賊壘霎時草棚著火延燒賊窟大駭官軍乘勢立將礮下賊壘焚毀三路躡追適苦竹之賊率大股來迎吳光亮等奮勇衝殺斬賊數百名生擒四十餘名賊敗走官軍追至苦竹羣賊悉退入山頂壘中吳光亮等見山腰矗立砲台一座後有小壘護之卽飭各勇開砲轟擊守賊驚潰官軍乘勢搶入急攻山後小壘又破之餘賊殲斃殆盡山頂各逆亦竄伏不出其

康熊飛等行至大坪遙見場校梅林援賊翻山竄至卽飭詹惠羅洪彪兩營分路埋伏自率輕騎前往挑之逆賊愈戰愈多官軍佯退誘入伏中兩路突起奮擊斃賊三百餘名生擒二十餘名賊眾大潰正躡蹤追剿而後股援賊又蜂擁而至康熊飛當率所部陷陣往來盪決立斬騎馬賊目二十餘名斃賊四百餘名生擒三十餘名收隊而還共計斃賊千餘名生擒百餘名奪驃馬五十餘匹此劉典張恒祥康國器等軍由龍巖進剿苦竹奎洋破壘獲勝之實在情形也其署衢州鎮總兵劉清

初編卷三二

四

亮馳抵漳州北溪卽飭所部副將李運榮恭將陳武職兩營過河築壘三月十三十六等日賊撲東路官軍營壘並出隊至河邊意圖牽制經劉清亮督飭各營擊退十八日王德榜分中營兩哨過河築壘該逆一股衝至河邊擊傷搭造浮橋勇丁三十餘名王德榜令知縣鍾世祉帶劈山礮排列下面淺灘轟擊並飭洋鎗隊過河接戰轟斃紅衣騎馬賊目二名悍賊二百餘名賊始退卻一股逕撲李運榮陳武職營壘劉清亮督各營分路迎擊血戰五時賊殊死鬪適中路官軍將督戰騎馬賊

日一名羅斃賊少邵李運榮等督隊急進步賊數十人  
逼陷泥潭中盡斃之羣賊紛紛潰竄陳武職李世祥孫  
永忠等左右抄擊合圍追至后房破賊卡一處斃賊數  
百名廿四日王德榜復飭總兵李運勝過河分紮兩營  
並飭各營列隊河邊助之該逆分三路來犯官軍奮力  
迎擊屢戰數時賊卻而復前者十餘次王德榜親督洋  
鎗隊劈山礮向紅號衣悍賊轟擊步逼步進羣子如雨  
賊勢不支各營乘勝壓擊追至濠邊斃賊無數計是役  
傷斃賊約共千餘人官軍亦受傷五十餘人擬保總兵

初編卷三三

五

花翎遊擊鍾元興匹馬陷陣被賊洋鎗擊傷回營殞命  
此劉清亮王德榜兩軍進扼漳州東北擊退撲營悍賊  
獲勝實在情形也竊李逆世賢經官軍屢次痛剿固匿  
不出惟於漳城外東關迤北一帶添築十餘壘與樓內  
緊踞賊合力以扼官軍注逆海洋屢敗之餘局勢亦愈  
欲盛于海一著又不得逞必不併聚一隅延頸待戮是  
其伺隙狂鼠固在意中察看近日賊蹤漸向漳州東北  
及正北一帶官軍之分扼和溪水湖及華封司之苦竹  
者兵力尚單漳城東北一帶山徑紛歧僅王德榜劉清

亮兩軍十餘人難敷分布臣宗棠以西路龍巖永定  
一帶屢獲勝仗汪逆勢難由此北竄駐延平之六營尙  
可調赴泉漳之交以厚兵力現飭新授福甯鎮總兵劉  
明燧等五營取道省城由興泉以赴安溪邊界相機進  
剿臣宗棠拜摺後即帶親兵續進擬晉省數日後即親  
赴前途就近督辦其陸路提督郭松林記名提督楊鼎  
勛所部本擬進攻漳浦因賊勢趨重漳州郭松林一軍  
抵廈門後分紮海澄鎮門與高連陞各營甫相聯絡未  
便遽行他調現楊鼎勛一軍亦至廈門而漳浦之賊又

初編卷三三

六

多縮轉漳郡蘇軍暫由漳南攻剿可斷漳州漳浦踴賊  
往來於局勢深有神益所有此次西路各戰將士因軍  
米購運艱阻忍饑血戰赴戎機勞烈尤著其最爲出  
力之總兵銜副將張福齊可否仰懇  
天恩賞給勇號候選道張恒祥可否  
賞加鹽運使銜留於福建補用留浙補用知府康熊飛  
可否  
賞加道銜以示鼓勵餘由臣等存記稟保其力戰陣亡  
之擬保總兵花翎遊擊鍾元興花翎都司陳育新擬保

都司周有元藍翎守備周振源守備陳仕秀擬保守備  
銜千總藍翎把總劉吉祥千總彭連陞王維藩擬保千  
總藍翎外委張桂松擬保把總鍾寶齡毛義方擬保藍  
翎把總徐得勝擬保外委馬日友張元茂可否請  
旨飭部俱照擬保官階從優議卹以慰忠魂理合恭摺

馳

奏伏乞

皇上聖鑒訓示施行再此摺係由臣宗棠主稿合併聲

明謹

初編卷三三

七

奏 同治四年四月十一日

同治四年四月二十六日內閣奉

上諭左宗棠等奏官軍分路進剿迭獲大勝一摺福建  
汪逆海洋經官軍由龍巖剿敗後仍率黨分路龍巖南  
靖永定交界之金豐苦竹梅林山城場校上下奎洋  
帶並分路募會添築數壘三月二十至二十七等日  
道員康國器等軍各率所部分路進剿擊斃悍賊四十  
餘名官軍更番迭戰賊悉棄壘奔竄立將募會賊壘三  
座踏毀其上下奎洋各處之賊經劉典督率各軍分道

進攻迭破賊卡該逆踞嶺為壘官軍冒險搶上山巔  
道員張恒祥等率隊猱騰而上殺斃賊匪無數立將下  
奎洋賊壘五座賊館五十餘處賊卡十餘處一律踏毀  
並將中奎洋賊館乘勝掃蕩其上奎洋及梅林場校等  
處之賊均經官軍奮力進剿迭破賊卡殲斃殆盡先後  
共計斃賊五千餘名生擒長髮老賊七十餘名陣斬偽  
天將翟玉山等數十名拔出難民數千名其漳州援賊  
亦經總兵劉清亮等於三月十三等日督飭各軍分投  
迎剿斃賊千餘人賊匪紛紛敗潰剿辦甚屬得力著即

初編卷三三

八

督飭各路官軍乘勝奮剿迅速掃蕩以靖邊圉其尤為  
出力之副將張福齊著賞給揚勇巴圖魯名號候選道  
張恒祥著以道員留於福建補用並賞加鹽運使銜知  
府康熊飛著賞加道銜以示鼓勵其力戰陣亡之擬保  
總兵遊擊鍾元興都司陳育訢擬保都司周有元守備  
周振源陳仕秀擬保守備銜千總藍翎外委張桂松擬  
保把總鍾寶齡毛義方擬保藍翎把總徐得勝擬保外  
委馬日友張元茂均著各照擬保官階從優議卹餘著  
照所請辦理該部知道欽此

軍機大臣 字寄廣州將軍兼署兩廣總督瑞麟閱浙  
總督一等恪靖伯左宗棠福建巡撫徐宗幹署廣東巡  
撫郭嵩濤傳諭護理江西巡撫布政使孫長絃同治四  
年四月二十六日奉

上諭左宗棠奏官軍分路進剿疊獲大勝現籌辦理情  
形一摺本日已明降諭旨將出力之副將張福齊等照  
請獎勵陣亡之遊擊鍾元興等照擬保官階優卹矣逆  
首汪海洋盤踞龍巖南靖永定交界之金豐等處經官  
軍分路進攻疊破茅畝磔下並下奎洋賊壘苦竹賊壘

初編卷三二

九

亦經攻破餘賊逃踞山頂其漳州東北兩面撲營之賊  
復爲官軍擊退賊勢漸形窮蹙左宗棠以漳城東北一  
帶兵力尙單添調總兵劉明燈等五營由興泉赴安溪  
邊界進剿該督亦帶親兵由省城取道趨赴前途督辦  
著卽親督各營將士將漳郡踞逆實力掃蕩毋稍鬆勁  
郭松林楊鼎勛等軍分紮海澄鎮門及廈門等處與高  
連陞等各營聯絡聲勢當可斷賊入海之路惟賊情詭  
譎異常左宗棠須嚴檄郭松林等加意巡防不可稍涉  
大意漳浦之賊既多轉入漳郡正可令郭松林等分兵

乘虛襲取漳浦以清漳郡南路此股逆匪俱係積年悍  
賊乘隙紛竄是其慣技左宗棠當分兵布置四面圍剿  
將漳郡之賊就地殲盡毋令逸出鄰境致垂盡餘匪又  
成燎原之勢是爲至要漳州西路官軍雖屢獲勝仗而  
地廣兵單深虞旁竄左宗棠前擬檄調江西之軍就近  
援剿未知曾否到防現在金豐及上中奎洋賊巢尙未  
盡掃苦竹山頂尙爲賊踞卽著左宗棠檄令李福泰方  
耀統帶所部會合閩省西路各軍先將雲霄平和詔安  
等處攻克以斷漳賊西竄之路俾李汪等逆可就漳郡

初編卷三二

十一

聚藏方爲妥善雲慶一軍尙有萬人現駐紮武平兵  
力較厚卽着孫長絃仍遵前旨檄飭迅赴粵境瑞麟郭  
嵩濤迎提調撥近克雲霄等處以固邊防汪逆屢有竄  
江之意孫長絃務當嚴密布置毋令竄入本境將此由  
六百里諭知瑞麟左中宗棠徐宗幹郭嵩濤並傳諭孫  
長絃知之欽此

附陳老湘營會攻賊壘情形片

再正拜摺間接據老湘營記名總兵王開琳稟稱三月  
三十七日督飭永安湖雷各營會攻苦竹賊壘先被

賊卡數層進至距苦竹二里許地方見前列賊壘十餘座後面房村十餘里皆一片賊氛壘賊已出伏濠外王開琳即飭丁長勝莫坤和羅瑞山蔣日新熊常富王開氣王如春各營分路齊進薄至濠邊伏賊紛潰入壘王開琳正督隊進擊坐馬忽被賊擊傷並傷親兵數名各勇齊憤薄壘下拋擲火彈燒去花籠數層歐陽勝萬福堂唐迎開等斬卡直入熊常富王開氣王如春張香山等繼之立破賊壘三座斃賊二三百名乘勢急攻未下各壘該逆悉力拒守官軍爭先搶入賊壘垂破復完者

初編卷三二

二

數次適後面援賊分兩路抄來王開琳急飭各營收隊賊已擁至鎗子如雨參將文任重力戰死之丁長勝莫坤和熊常富鄧榮達等各挑奮勇數十名以刀矛相接鏖戰逾時哨長朱義和等率洋鎗隊斜擊襲隆責率所部馳至賊始潰退計是役共斃賊千餘名生擒老賊二十餘名官軍陣亡受傷者亦二百餘名可謂血戰矣除飭王開琳仍會合各軍相機攻剿外所有此次力戰陣亡之擬保總兵銜副將花翎參將文任重合無仰懇天恩俯准飭部照總兵例議卹以慰忠魂理合附片具

陳伏乞

聖鑒謹

奏 同治四年四月十一日

軍機大臣奉

旨文任重著交部照總兵例議卹欽此

請將庸劣之鎮將知縣分別摘頂革職片

再漳州尚未克復漳浦又於正月失陷海澄地勢居中防務尤關緊要護漳州鎮總兵郭什春遊擊劉紹基駐防海澄於城守毫無佈置劉紹基尤因病廢事難期振

初編卷三三

三

作該縣知縣趙本敖玩視防務虛報勇丁經道員會審德查明具稟前來除檄司將趙本敖撤任提省訊辦外相應請

旨將護理漳州鎮總兵郭什春摘去頂戴遊擊劉紹基海澄縣知縣趙本敖均即行革職以示懲儆其所遺海澄縣缺閩省現有候補人員應請由外遴員請補合併聲明謹附片具

奏伏乞

聖鑒謹

奏 同治四年四月十一日

軍機大臣奉

旨郭什春著摘去頂戴劉紹基趙本敖均著即行革職該部知道欽此

水師搜獲濟逆西洋人船軍火請獎各員片

再查洋人販運軍火接濟髮逆曾經屢次緝獲奏明在案茲據赴廈察辦軍務道員曾憲德稟稱三月二十二日擊獲美國烟那兒香門板船一隻交廈門稅司休士查明訊辦是夜署守備陳世榮陳世英仍帶輪船出

初編卷三十三

三

巡二十三日晚至鎮海澳通事儘先吧總吳世忠瞭見廣艇一幫先駛上一隻遇我輪船即圖攔岸奔避陳世榮吳世忠帶洋人二名跳躍過船陳世英率兵繼之搜看船中並無別物祇有洋鎗六百三十桿洋硝五包火藥三桶馮鐵二箱洋礮五尊刺刀二十把遂將船工陳福結等十名西洋人一名並虎門廳所給往廣州雜貨船照二紙番文二紙一併解交曾憲德提訊據供西洋人一名西崗我微士即廣東澳門西洋人明哈雇工現在澳門居住洋鎗等件是從澳門落船販來售賣艇船

係明哈自置的等語比傳在廈西洋人質認皆言違禁

貨物應交西洋領事官照約究辦當將西崗我微士暨

船工水手人等俱發廈防廳分別看管並將船隻照例

入官等情前來 臣等伏查洋人販運軍火接濟髮逆曾

經迭次申明禁約茲澳門洋人尚敢朦領虎門雜貨船

照違約與販來閩陳世榮等預破登將人船鎗礮併獲

解審辦理尚屬認真除飭將未獲廣艇趕緊擊斃一面

咨兩廣督 臣廣東撫 臣核照外可否仰懇

天恩將保陞守備署水師前營守備陳世榮守備陳守

初編卷三十三

四

英俱以都司補用把總吳世忠以守備儘先補用以示

鼓勵理合附片具

奏伏乞

聖鑒謹

奏 同治四年四月十一日

軍機大臣奉

旨陳世榮等著照所請獎勵該衙門知道欽此

請將廣方之鹽道並職清完交代貽項片

再聞省鹽務向分官幫商幫承辦東路寧福一幫保儲



商辦自前販葉筴均倒罷後政行票課由官經理初二  
兩屆奏銷因甫改新章未能如額三屆及四屆半年尚  
無短絀鹽法道潘駿章於上年忽請改歸商辦試行兩  
月又議仍歸官辦舉動已屬輕率且查正溢各課通省  
官幫每年合計徵銀不過三分商幫每年合計徵銀不  
過六分於課額所短甚鉅當此餉需支絀之際鹽務為  
籌餉大宗亟應釐定新章設法辦理該道履任四年於  
鹽務一切全未留心整頓識闇才庸不堪造就除先行  
撤任另委奏調赴閩記名道吳大廷接署外相應請

初編卷三十三

五

旨將福建鹽法道潘駿章即行革職並責令將交代速  
為清結并賠項完繳以儆玩愒其所遺員缺並請另  
賜簡放理合附片具

奏伏乞

聖鑒謹

奏 同治四年四月十一日

軍機大臣奉

旨另有旨欽此

同治四年四月二十六日內閣奉

上諭左宗棠奏請將短徵鹽課之道員革職等語福建  
鹽法道潘駿章舉動輕率於鹽務全不留心整頓以致  
課額所短甚鉅實屬庸闇不職潘駿章著即行革職責  
令將交代速為完結賠項一律完繳倘敢玩延即著嚴  
叅懲辦所遺福建鹽法道員缺著吳大廷補授欽此

初編卷三十三

五

一五八〇九 斤 賣 日 五 五 書 萬 8 反 又 內

進逼漳州大捷現籌辦理情形摺

奏為官軍分路進逼漳州克獲大捷現籌辦理情形恭摺

摺馳奏仰祈

聖鑒事竊漳州踞逆經官軍迭次痛剿勢漸斂蹙記名提督楊鼎勳馳抵海澄即與福建陸路提督郭松林會商以漳南地勢古縣最為扼要必先分軍進紮始可斷漳州漳浦踞賊往來四月初十日郭松林率所部八營進紮踞漳城十里之古縣東山前一帶楊鼎勳分所部

初編卷三二

七

三營守海澄率五營填紮鎮門因郭松林營壘尙未築就復飭各營出五成隊助之城賊突出悍黨數萬一由浦西社下古縣直撲郭松林營壘一繞林前社恒倉社圍襲楊鼎勳後路郭松林當飭松正中護衛兩營從浦西社迎剿松副松左兩營繼之松前松右兩營從下古縣迎剿松後松新中兩營繼之比見賊勢正盛令各營鎮靜以待自午至酉逆賊猛撲十餘次均經官軍擊退其氣漸餒郭松林急麾軍齊進鎗砲環施賊不能支紛紛潰竄官軍乘勝追至河邊殺斃溺斃無算其犯恒倉

社一路者楊鼎勳飭總兵周河清舒義志王萬釗高占

彪副將張遵道朱興榮各營分路迎敵提督黃中元兩營繼之該逆忽從山僻小路抄來楊鼎勳立飭各營洋鎗排擊鏖戰三時斃賊甚多賊猶抵死不逞楊鼎勳督黃中元兩營抄出古縣之前截其歸路周河清高占彪舒義志各率隊直搗中堅羣賊辟易始奪路竄走計是役兩路共斃賊三千餘名其高連陞黃少春兩軍亦各出隊過河策應殺賊數百名此郭松林楊鼎勳等軍逼紮漳南克獲大捷之實在情形也其王德榜一軍扼紮

初編卷三二

六

漳北潭口偵知南靖之賊分黨竄至汰內意圖繞犯安溪以襲官軍後路王德榜飭遊擊戴清輝駐紮貫口都司吳春魁守備陳殿立分紮黃肅以防賊紛竄初六日汰內之賊二千餘從貫口河邊大路而來戴清輝率所部擊退適總兵李運勝等派隊馳至截擊又斃賊六十餘名生擒十七名奪賊糧二百餘石餘逆遂退回南靖初十夜吳倉烏頭門之賊復傾巢撲犯河西官軍營壘李運勝等憑壘固守鎗砲連環轟擊斃賊多名賊仍拚死猛撲王德榜急派隊過河接應抄出賊後擊之李運

勝亦乘勢殺出賊敗走官軍躍躍追殺共斃賊三百餘名生擒三十一名十一日該逆復出大股來撲王德榜即飭總兵戴奉聘副將何秀清軍功李金信三營過河迎擊恭將黎榮鈞遊擊戴清輝李運龍都司柳玉清四營繼之更番接戰步逼步進賊勢不支退至港邊忽有一黃衣黑鬚賊目帶蜈蚣旗悍賊二千餘突前抗拒黎榮鈞急用洋鎗擊之見該逆翻身墜馬哨弁杜登雲疾馳而前僅獲其戰馬李運勝復乘勢從壘中殺出兩路夾擊共斃賊千餘名生擒十一名官軍帶傷者亦八九

初編卷三十一

九

十名據生擒賊供陣前被官軍擊傷賊目即偽王宗李元茂也十二日該逆復糾天寶寨陳逆率黃白號衣悍賊數千來犯王德榜飭李運勝等待其撲近擊之逆賊却而復前者數次均被官軍擊退其氣漸餒各營齊隊出擊賊即敗走官軍乘勢追殺斃賊二百餘名十五日王德榜會商署衢州鎮總兵劉清亮合攻烏頭門之賊劉清亮各營從浦南沿河直上王德榜令李運勝李春魁李運龍鄒玉琳等逼近賊壘誘之該逆竄伏不出持至午刻劉清亮王德榜甫收隊回該逆忽從後掩至李

運勝李運龍等同軍轉戰將賊擊退收至壘邊該逆大股又傾巢而出偽來逆率各路援賊亦紛紛擁至王德榜當飭各營嚴陣以待見賊撲近戴奉聘李玉清何秀清李金信等用鎗礮排擊斃賊多名逆賊前却後進愈聚愈多戴奉聘等勢幾不支王德榜飭哨官張金榜陳厚順黃福勝猛衝十餘次賊仍不退黎榮鈞戴清輝從左右衝擊賊稍却戴奉聘等將中路之賊擊敗逼至港邊轟攻逾時官軍甫欲收隊該逆又率眾來撲往復數次時已二更王德榜飭李運勝等固守河西營壘

初編卷三十一

三

親督各營奮威力戰適賊挑送火藥者至羣賊紛前槍領突被失火烘然驚潰黎榮鈞李金信即乘勢破其兩卡一館戴奉聘等亦逼殺而前斃賊甚眾羣賊急退其不及入壘者悉被官軍擒斬計是役共斃賊二千餘名生擒三十餘名弁勇陣亡受傷者亦百餘名此王德榜一軍扼紮漳北迭次擊退撲營悍賊大獲勝仗之實在情形也竊李逆世賢經官軍迭次擊敗勢日窮蹙圖由漳北小路繞犯安溪以抄官軍後路其計未成又圖勾結同安土匪內訌滋事經郭松林抽帶所部兩營五成

隊馳赴同安會照道員曾憲德將西塘上宅泔井各鄉匪巢洗蕩其灣泊海面匪船百餘隻亦經在籍候選知府葉文瀾焚毀狡謀益無所施現任逆亦田奎洋敗竄梅林各逆腐聚一隅其勢斷難久居必仍思乘間突竄為苟延殘喘之計漳州東南兩路局勢漸臻穩固東北一路兵力稍單臣等已飭福甯鎮總兵劉明燈等五營馳赴安溪華封一帶防剿當可與劉清亮王德榜兩軍就近聯絡惟西路及西南一路遠防之師有王開琳新老湖營七千餘人駐紮永定廣東方耀等軍駐紮饒平

初編卷三十三 三

大埔近剿之師則必須俟龍巖永定邊界肅清南靖攻克始可移軍進逼漸合長圍臣宗棠於十五日馳抵省垣拜摺後仍即出省親赴泉州一帶相機督剿以冀迅速餘氛仰紓宸厪所有此次剿匪陣亡之藍翎千總張得勝應請旨飭部從優議卹其力戰獲勝弁勇由臣等存記彙案奏獎理合恭摺馳奏伏乞

皇上聖鑒訓示施行再此摺係由臣宗棠主稿合併聲

明謹  
奉 同治四年四月二十六日

軍機大臣奉

旨另有旨欽此

軍機大臣 字寄閩浙總督一等恪靖伯左宗棠福建巡撫徐宗幹同治四年五月十三日奉

上諭左宗棠徐宗幹奏官軍進逼漳州大捷現籌辦理情形一摺覽奏均悉昨據李鴻章奏接閩蘇軍會合浙軍分路進逼於四月二十一日克復漳州府城此次左

初編卷三十三 三

宗棠等所奏尙是漳州未克以前攻剿情形諒已續有奏報在途漳州之賊經官軍分路兜剿朝廷早慮其乘間奔逃別圖生計李鴻章摺內有侍逆潛開西門而遁之語是漳州雖經克復而渠魁仍未投首必將與汙逆合謀計圖復逞現在東南兩路局勢既尙穩固東北一路亦有劉明燈等聯絡扼守而西面之漳浦雲霄詔安平和等城均為賊踞該逆必思由此路竄走已無疑義粵省饒平大埔一帶雖有方耀等軍防守尙恐兵力不敷分布左宗棠等仍當分撥勁旅統赴西路會同官軍

迎頭攔擊杜其竄越之路永定一帶有三開琳所部七千餘人防守自向周密惟襄雲慶一軍業因索餉譁謀旋經折回江西是上杭武平一路未免空虛著左宗棠酌量分兵聯絡王開琳一軍嚴密布置毋令賊蹤偷越總須將此股賊匪就地殲除不得以驅賊出境爲了事仍一面飛咨廣東江西督撫嚴飭派出防軍實力遏截毋稍鬆勁所有此次剿匪陣亡之千總張德勝著交部從優議卹其力戰獲勝將弁兵勇著准其彙案請獎將此由六百里各諭令知之欽此

初編卷三十一

三

奏報攻克漳州府城南靖縣城情形摺  
奏爲官軍攻克漳州府城南靖縣城恭摺摺

奏仰祈

聖鑒事竊漳州踞逆經官軍屢次擊敗後四月二十日王德榜劉清亮復督隊進攻北路烏頭門吳倉賊壘賊踞如故高連陞黃少春赴浦南一帶察看見烏頭門與東北樓內寨勢成犄角欲復漳城必先破樓內賊寨欲得樓內必先破烏頭門賊壘遂會商劉清亮王德榜郭松林楊鼎勳各率所部於二十七日分路進攻黃少春

初編卷三十一

三

飭副將馮駿發李良平游擊謝復雲劉昌選四營扼北尾橋牽制樓內賊勢自率總兵劉端冕副將周紹濂將伍先申等由中路攻剿劉清亮率將陳武職向正泰守備孫永忠遊擊李世祥副將李運榮繼之王德榜飭道員王德權總兵戴奉聘遊擊戴清輝都司柳玉清四營截南靖援賊自率提督李運勝副將何秀清將黎榮鈞軍功李金信四營攻烏頭門之右高連陞率副將丁賢發將曹光德遊擊張志公四營攻烏頭門之左郭松林率洋鎗隊五百人楊鼎勳率所部七營亦同

黨拚死格鬪巷戰逾時又斃賊數千乃率其死黨由西門逃竄當於二十一日亥刻將漳州府城攻克劉清亮見高連陞黃少春兩軍進攻東門慮賊由南靖竄走當率所部李運榮李世祥陳武職等由北門遷赴西路截擊斃賊千餘名生擒偽朝將偽天義等賊目數十名王德榜又率各營於南靖大路河邊截之殺賊四五千名溺斃不計其數此攻克漳州府城大獲全捷之實在情形也其康國器一軍將陳東坑竄賊擊敗後劉典復於初十一等日飭各營將奎洋梅林場校等處賊壘掃

初編卷三十一

五

蕩斬悍賊近千救出難民數千汪逆海洋遂折向大埔一路逃竄劉典移軍進攻南靖適漳州已復王德榜率軍追至距城五里地方見該逆正與劉典一軍接戰王德榜即麾隊猛進該逆爲敗賊牽動勢不能支紛紛奪路狂竄劉典一軍遂從東北門衝殺而入王德榜一軍從南門衝殺而入二十二日立將南靖縣城攻克餘賊分數路而逃劉典所部道員李耀南副將張福齊同知楊鼎勳各營追南靖敗賊王德榜率所部追漳州敗賊沿途又斃賊無算此攻克南靖縣城之大槩情形也其

由左路進剿各軍奮威齊進呼聲震天環攻兩時將星外花椿木城拔取殆盡賊猶死拒高連陞所部都司銜守備何世載首先攻破一壘各壘之賊羣相駭愕官軍乘勢齊上立將賊壘十四座次第攻克殺賊萬餘名生擒三四千名救出難民數千奪偽印百餘顆旗幟鎗礮騾馬無算餘逆悉向南靖逃竄王德榜追至距南靖十里之天寶寨該處踞逆亦聞風潰竄時高連陞所部知府魁炳光守備朱體盛程學明軍功錢桂仁等黃少春所部龍朝翼馬駿發李良平謝復雲劉昌選等遙見烏

初編三十一

六

頭門一帶烟燄蔽天郭各率隊肉薄寨垣蠅附而上逆衆敗潰官軍斬其斷後悍賊二百餘分隊伍據之乘勝躡追至東關逼攻附城各賊壘時風雨大作適高連陞乘勝轉戰而來當飭各營圍雨奮攻黃少春飭北溪北尾橋一帶民團吶喊助勢鎗礮連施聲振山谷逆賊驚怖異常官軍趁勢施放噴筒火箭十餘壘同時着火逆賊叫號亂擲屍滿壕壘餘賊棄壘望城而竄高連陞黃少春率各營躡蹤追殺奪門而入署水師提督曾玉明率臺勇亦將石亮賊卡攻破由南門殺入侍逆猶率死

劉典一軍戰狀因未接其檄牘無從詳敘聞斬獲最多  
尙未收隊至此次攻克府縣兩城破賊壘三十餘座賊  
目伏誅者必多正當追賊緊急未暇究詰侍逆由南靖  
鼠竄未上能否成擒臣等惟督飭諸軍盡力追剿斷不  
敢爲畫疆自守之計竊維該逆由江粵闖入閩省連陷  
龍巖漳州各城而漳州尤屬腹地又菁華聚積之區一  
經竊踞全局爲之振動其時洋人又從中煽搆逆焰更  
張幸高連陞黃少春等先後馳抵漳州東北屢次痛剿  
劉典等軍復由汀連節節掃蕩而下局勢漸臻穩固侍

初編卷三十二

三

逆於城破之先旬日致書汪逆猶思合力架竄龍巖漳  
平以覓生路怪汪逆不急接之不知汪逆則已爲西路  
官軍擊敗先向大埔一路竄動矣漳城逆勢已孤猶恃  
南靖及烏頭門樓內寨與東關各賊壘勉相搭格迨二  
十日官軍將各堅壘一氣掃蕩而下始獲克此堅城諸  
將士勞烈備臻實有未可掩抑者臣宗棠前駐延平深  
慮主客各軍統將頗多事權未能畫一此次諸將和衷  
共濟遇事謀定而戰略無參差卽西路諸軍逆成特角  
亦莫不如期應命而至故事機順利得免延曠之虞實

非臣等始願所及現在蘇軍由漳州進攻漳浦可由此  
以進雲霄詔安與粵東黃岡守軍連絡並可杜其入海  
之謀浙軍分由南靖漳州追賊以向平利可與粵東饒  
平守軍聯絡其緊連粵東大埔一帶則總兵王開琳延  
建邵道康國器及都司關鎮邦各軍扼永定之撫溪湖  
雷上杭一帶截之由汀州至潮州一水可通溪溜湍急  
粵軍若能憑河扼截則侍康兩逆圍窺亦難臣宗棠於  
二十九日馳抵興化府城拜摺後卽由泉赴漳察看賊  
踪趨向督率各軍相機追剿務期迅掃餘氛仰紓

初編卷三十二

三

宸廑除漳蘇援軍郭松林楊鼎勳克城獲勝情形尙未  
接准來咨應由江蘇撫臣奏報劉典一軍攻克南靖縣  
城詳細情形容再查明續陳外署浙江提督  
黃昇黃馬褂穆特本巴圖魯高連陞記名提督達春巴  
圖魯黃少春此次攻克漳州勳績最著頭品頂戴署福  
建陸路提督雲騎尉世職勇巴圖魯郭松林記名提  
督銜勇巴圖魯楊鼎勳由海道來援迅赴戎機異常奮  
勉以上四員應如何從優獎叙伏候  
聖裁記名提督浙江衢州鎮總兵劉清亮應請

賞給該員三代從一品封典布政使司福建按察使銳勇巴圖魯王德榜應

賞換清字勇號擬保道銜浙江卽補知府魏光邴請以道員留於閩浙遇缺題奏補用副將丁賢發請以總兵留於閩浙補用副將曹光德請以副將留於閩浙補用副將

賞加總兵銜副將銜浙江補用遊擊張志公請以副將留於浙江遇缺卽補副將銜叅將黃北海請

賞加勇號都司銜守備何世載請以叅將補用并

初編卷二十二

五

賞戴花翎守備朱體盛程學明均請以遊擊留於閩浙補用五品軍功錢桂仁請以都司留於閩浙卽補并加遊擊銜記名總兵劉端冕請

賞給該員三代二品封典總兵銜浙江補用副將周紹濂請以總兵留於閩浙補用花翎遊擊銜留浙補用都司李春華請以叅將留浙補用總兵銜補用副將李運榮請以總兵留於閩浙補用副將銜叅將向正泰請以副將留閩補用花翎浙江補用遊擊李世祥請  
賞加副將銜花翎都司銜守備孫永忠請以遊擊留閩

補用其餘出力員弁兵勇可否由 臣等查明擇尤保獎出自

天恩其力戰陣亡之浙江補用叅將鄭金麟補用都司擬保遊擊張大勝請

飭部從優議卹五品軍功李金信計功應保藍翎守備并請

飭部照守備例議卹以慰忠魂 臣等謹會同福州將軍 臣英桂恭摺由驛六百里馳

奏伏乞

初編卷二十二

三

皇上聖鑒訓示施行再此摺係由 臣宗棠主稿合併聲

明謹

奏同治四年五月初二日

軍機大臣奉

旨另有旨欽此

附陳攻拔苦竹賊壘情形片

再正拜摺間接據延建邵道康國器稟稱四月初十日知府康熊飛叅將詹惠遊擊羅洪標擊賊於巖前生擒五十餘名斃賊六百餘名十一日李洋之賊竄至大溪



康熊飛詹惠羅洪標熊應烈於十二日黎明乘曉霧未收捲旗衝疾進該逆誤為夥黨就之官軍突前喊殺斃悍賊多名生擒百餘名賊駭卻後股援賊擁至康熊飛等督軍奮擊斃賊二百餘名賊仍敗走其副將吳光亮叅將林本由東安進剿苦竹見山前新築賊卡一座輔以小營即飭叅將林福喜遊擊林振率隊猱騰而上破之擒斬百餘名時遊擊陳觀光都司周有才湯彪亦攻破賊卡一處與吳光亮等合軍進薄苦竹賊壘賊伏不出吳光亮等即分軍駐苦通礮下逼之康國器復飭

初編卷三十二

三

都司關鎮邦馳往助剿十三日林福喜林振各率健勇百人攜帶火具乘夜潛撲賊營吳光亮林本督大隊繼之噴筒火箭一時迸發烟燄蔽空立破山前賊營八座陳觀光等馳至與各軍縱橫痛擊將苦竹附近賊壘賊館悉行踏毀汪逆海洋親率悍黨數千由大溪馳來援應適與康熊飛詹惠羅洪標熊應烈等遇於東坑官軍奮勇直前該逆亦拚死格鬪鏖戰數時逆賊屢卻愈前官軍愈接愈厲斃賊數百名賊猶不退康熊飛飭哨弁陳羅陳魁率隊從山後繞出奪踞嶺賊眾潰潰官軍

一擁齊上殺斃及墮崖死者無算餘逆退踞湖坑大溪一帶十四日康國器飭各軍分路追剿將湖坑大溪賊壘掃除直抵大埔所轄三角塘太平寨始收隊還計是役共斃賊二千餘名生擒百餘名奪騾馬九十餘匹旗幟軍械數千件救出難民三千餘查該逆竄踞苦竹奎洋一帶與南靖漳州互相犄角茲幸先將苦竹等處賊壘掃蕩漳州南靖得以次第攻克所有此次最為出力之帶勇文武從前克復龍巖州城未及隨摺請獎茲復攻破賊巢亟應先予獎勵擬保道銜浙江補用知府康

初編卷三十二

三

熊飛請

賞加勇號總兵銜署順昌協副將福建補用副將吳光亮請以總兵留閩補用副將銜署邵武營叅將福建補用叅將林本請以副將留閩遇缺即補署汀州中營遊擊江西補用遊擊羅洪標請以叅將留閩補用福建儘先遊擊熊應烈林振請以叅將留閩即補福建補用叅將詹惠羅建儘先補用叅將林福喜均請以副將留閩遇缺即補以示鼓勵理合附片具

奏伏乞

聖鑒施行謹

奏 同治四年五月初一日

軍機大臣奉

旨另有旨欽此

閩省腹地未清未能先顧鄰省片

再項奉

寄諭汪李等逆均係粵賊中渠魁雖經官軍圍逼而匪黨尙眾困踟鋌走自在意中務須將此股逆匪就地殲除斷不可縱令闖入粵境或遁入海道致剿辦復形棘

初編卷三十三

三

手賊勢既趨重西面左宗棠徐宗幹即當調派勁旅嚴密分布截其西竄之路以便方耀等軍專顧粵疆力保完善均著安速籌辦欽此 等稿維李世賢汪海洋上年由江西竄粵由粵東竄閩其時江西追兵不入粵粵東追兵不入閩故令逆賊得以一意狂奔深入閩省腹地而江西粵東專顧本轄藩籬重兵列屯邊界 臣宗棠於兩省援閩之兵亦並未嘗調其深入也計江西兵之援閩者僅王文瑞新湘營四千本係 臣宗棠舊部而食江西之餉此外食江西餉者惟王德榜所部長左營合

計不過五千五百人而新湘營現在仍隨王開琳老湘

全軍分扼永定上杭冀其能固守江西藩籬已為幸事

至廣東方耀一軍會攻武平永定旋即調回大埔其潮

州之兵曾助守詔安早已調回粵境 臣宗棠雖會奉

諭旨調遣却未敢一檄催之冀其能固守廣東藩籬已

為幸事至論閩之用兵則由內而外由東北而西南實

局勢自然之理本省堂奧有賊不能先為鄰省代固藩

籬本省腹地漸清自必與鄰省其謀夾擊區區愚誠謹

據實覆

初編卷三十三

三

奏伏乞

皇上聖鑒訓示施行謹

奏 同治四年五月初一日

軍機大臣奉

旨另有旨欽此

軍機大臣 字寄署兩廣總督廣州將軍瑞麟閩浙總

督一等恪靖伯左宗棠福建巡撫徐宗幹署廣東巡撫

郭嵩壽傳諭護理江西巡撫布政使孫長欽同治四年

五月十八日奉

上諭前據李鴻章奏蘇軍會克漳州府城本日據左宗棠等奏官軍收復漳州南靖府縣兩城及攻克苦竹等賊壘並陳閩省腹地未清未能先顧鄰省各摺片已明降諭旨將左宗棠李鴻章等先後所保之高連陞郭松林等優加賞賚其餘各員照請給獎矣逆賊竄踞漳州閩省全局震動經左宗棠調派主客各軍和衷共濟疊拔堅城實屬調度有方深堪嘉尚侍逆由南靖鼠竄已否成擒仍著左宗棠查明具奏漳州南靖克復該逆分路逃逸必將圖竄粵東現在蘇軍由漳州進攻漳浦以

初編卷三二

三

達雲霄詔安與粵東黃岡守軍聯絡浙軍分田南靖漳州追賊以向和平與粵東饒平守軍聯絡自不難乘此聲威掃蕩而前左宗棠現赴漳州著即督飭諸軍乘勝兜剿如侍逆業經鋌走務當竭力追躡一鼓殄除其王開琳康國器各軍扼永定之撫溪湖雷上杭一帶並著飭令將大埔等處之賊嚴密截斷汪侍兩逆合併之路此時閩省腹地漸清左宗棠素能不分畛域必能與粵東官軍共謀夾擊不至貽患鄰封也廣東方耀李福泰等軍均已調回本境此時賊勢西竄潮州大埔之防

極為緊要瑞麟郭嵩燾務飭防邊諸軍嚴備以待賊蹤竄及即與粵省官軍聯絡截剿毋得任令闖入滋蔓致干重咎賊不得逞志於粵恐尋熟路復趨江西王文瑞等軍分扼永定上杭諒能固守江西藩籬仍著孫長敘將毘連閩粵邊界層層布置毋稍疏虞左宗棠仍懷遵十五日寄諭揀派勁兵繞出江西邊境合力兜圍以免旁竄其郭松林楊鼎勳兩軍前據李鴻章奏請飭令駐紮江西湖南邊境以備迎剿而固腹地門戶現在該軍進趨漳浦雲霄一路能否調赴江楚邊境或另派一軍

初編卷三二

三

前往顧全腹地之處著左宗棠就近斟酌妥為調派前據御史汪朝聚奏沿海水師營務廢弛請飭提鎮各官勤加操演等語著瑞麟左宗棠等督飭該省提鎮力除積弊毋得視為具文如有衰弱庸劣之鎮將各員即嚴參罷斥以重海防原片抄給閱看將此由六百里諭知瑞麟左宗棠徐宗幹郭嵩燾並傳諭孫長敘知之欽此同治四年五月十八日內閣奉

上諭前據李鴻章奏援閩官軍會克漳州府城本日左宗棠等奏官軍攻克漳州南靖兩城一摺所奏情形大

畧相同福建漳州踞逆經官軍擊退後仍分路築壘抗  
拒四月二十一日高連陞等軍整隊進攻烏頭門賊壘  
左右齊進呼聲震天環攻兩時先破一壘賊眾羣相駭  
愕官軍乘勝將賊壘十四座次第攻拔殺賊萬餘名生  
擒三四千名高連陞所部魏光邴等軍見烏頭門一帶  
煙燄蔽天卽各率隊肉薄登寨逆眾敗潰官軍乘勝追  
至東關鎗礮環攻聲震山谷並施放噴筒火箭賊壘十  
餘座同時被焚該逆棄壘望城逃竄高連陞等率各營  
躡蹤追剿奪門殺入曾玉明勇隊亦將石亭賊卡攻破

初編卷三十一

三

殺入南門侍逆李世賢糾黨拚死格鬪各軍巷戰逾時  
斃賊數千該逆遂向西門逃竄當將漳州府城克攻王  
德榜督軍追剿至南靖縣城五里地方該逆正與劉典  
一軍接仗王德榜麾隊猛進逆勢不支奪路紛竄劉典  
從東北門王德榜從南門分路殺入遂於二十二日將  
南靖縣城克復餘賊分數路潰逃各軍乘勢躡剿斃賊  
無算勦辦甚爲奮勉著左宗棠李鴻章等督飭諸軍盡  
力搜剿殲擒巨逆以靖地方左宗棠摺內請獎尤爲出  
力之畧浙江提督高連陞署福建陸路提督郭松林著

各賞給白玉四喜搬指一箇白玉翎管一枝大荷包  
對小荷包一對火鏢一把記名提督黃少春楊鼎勳均  
著遇有提督缺出儘先題奏並交部從優議敘劉清亮  
著賞給該員三代從一品封典福建按察使王德榜著  
賞換達冲阿巴圖魯名號知府魏光邴著以道員留於  
福建浙江遇缺題奏副將丁賢發著以總兵留於福建  
浙江補用參將曹光德著以副將留於福建浙江補用  
並賞加總兵銜遊擊張志公著以副將留於浙江遇缺  
卽補參將黃北海著賞給剛勇巴圖魯名號守備何世

初編卷三十二

三

載著以參將補用並賞戴花翎守備朱體盛程學明均  
著以遊擊留於福建浙江補用軍功錢桂仁著以都司  
留於福建浙江卽補並賞加遊擊銜總兵劉端冕著賞  
給該員三代二品封典副將周紹濂著以總兵留於福  
建浙江補用都司李春華著以參將留於浙江補用副  
將李運榮著以總兵留於福建浙江補用參將向正泰  
著以副將留於福建補用遊擊李世祥著賞加副將銜  
守備孫永忠著以遊擊留於福建補用左宗棠另片奏  
康國器所部前克龍巖州城此次攻拔苦竹等處賊壘

尤為出力各員請獎等語知府康熊飛著賞給勇巴圖魯名號副將吳光亮著以總兵留於福建補用叅將林本著以副將留於福建遇缺即補遊擊羅洪標著以叅將留於福建補用能應烈林栢均著以叅將留於福建即補李鴻章開單請獎尤為出力之提督黃中元著遇有提督缺出儘先題奏並交部從優議叙總兵高占彪曹仁美均著以提督記名簡放王萬釗等五員均著賞加提督銜副將張遵道著免補副將以總兵記名簡放

初編卷三十三

詔

洪寶林著賞給勝勇巴圖魯名號王興明著賞給壯勇巴圖魯名號王德駿著賞給利勇巴圖魯名號朱興榮著賞給烈勇巴圖魯名號遊擊馬宗駿著免補叅將以副將仍留四川儘先推補並賞給堅勇巴圖魯名號已革道員段詰著開復原官仍留廣東儘先補用並免繳捐復銀兩知府葉文瀾著賞加鹽運使銜補用同知直隸州知州楊嘉善著賞給豪勇巴圖魯名號選用同知直隸州同知包國挺著賞給花翎並賞給三品封典道員丁日昌著賞加三品頂戴並賞給該員三代封典至

力戰陣亡之叅將鄭金麟都司擬保遊擊張大勝花翎守備周有泉均著交部照陣亡例從優議卹五品軍功李金信著交部照守備例議卹以慰忠魂其餘出力員弁兵勇著左宗棠李鴻章等查明彙案請獎該部知道單併發欽此

初編卷三十三

單



恪靖奏稿初編卷二十三目錄

奏報追剿賊獲勝連克浦雲和三城摺

收復詔安首逆乞降截剿逸賊疊勝情形摺

附陳攻克南靖縣城詳細情形片

奏報全閩肅清現飭越境追剿摺

請將剿賊大勝殲除要逆之康道等獎卹片

附陳侍逆業已伏誅片

請調援閩得力之軍回蘇聽候調派摺

陳明調派水師沿海巡緝片

初編卷二十三目錄

奏報攻毀匪巢餘逆淨盡摺

附陳下府民俗并辦土匪情形片

清釐閩營欠餉停募兵餉摺

奏報追剿賊獲勝連克浦雲和三城摺

奏為官軍追剿賊大獲勝仗連克平和漳浦雲霄各

城恭摺馳

奏仰祈

聖鑒事竊官軍將漳州南靖兩城攻克後逆賊踉蹌西

竄王德榜率軍由南靖追剿四月二十三日辰刻追至

羊城獲一大捷羣賊竄向林浦官軍追及又敗之共殺

賊五千餘名遂一向平和一向漳浦而遁高連陞黃少

春劉清亮各率所部向平和追剿二十四日馳抵小溪

初編卷二十三

偵知兩路之賊均竄平和二十五日即各挑健勇馬隊

先行令大隊繼進疾馳三十里至馬鞍山望見賊之尾

隊高連陞等麾軍急擊賊敗走官軍乘勝追至五鳳山

下該逆尚欲拚死回拒官軍一擁向前喊殺之聲震動

山谷逆賊喪膽狂竄沿途殺斃及自相踐踏死者不下

七八千人二十六日高連陞等復分三路進剿越過兩

山見前面十餘里一片賊旗蜂擁而來官軍奮威迎擊

該逆屢挫之餘不敢戀戰紛紛奪路竄走官軍疾追五

六里斃賊千餘名正追殺間忽大雨如注始收隊還據

生獲賊供侍逆由漳州南靖敗竄其先踞小溪漳浦詔安各股逆黨俱至平和會合意圖覓路他竄賊數愈增二十七日高連陞率所部及副將林珠饒平勇由中路黃少春率所部及總兵劉端冕前營由左右兩路劉清亮率各營從後策應高連陞先飭副湘四營冒雨逕攻磁洋賊壘環攻逾時該逆死拒不退黃少春率中營馳至與高連陞洋鎗隊奮前猛撲拔開花椿木城躍濠而入該逆急棄壘逃竄高連陞黃少春飭各營四面圍殺兩壘之賊無一漏網遂乘勝直搗楚溪安下賊巢立破

初編卷二十三

二

堅壘十餘座侍逆及偽利王朱逆偽楊王李逆共挑死黨數萬來援高連陞黃少春劉清亮各飭所部分路猛撲往來衝擊三十餘次賊仍拚命相持高連陞等各率親兵急從山頂繞出賊後擊之賊陣始動官軍乘勢縱擊銳不可當賊大奔潰侍逆痛哭諸賊回堵連斫數賊官軍已層層逼壓而前賊之敗逸者不能止也追至城邊侍逆又驅諸賊轉圍城逆亦開礮助勢官軍轉戰而前無不以一當十侍逆倉皇無措繞城而走城逆亦急開西門狂竄高連陞等率各營衝殺入城斃賊數千

其中北門逃竄者被官軍躡追及適因小港紛歧嶺路險仄賊眾擁塞自相踐踏及墮巖落水死者不計其數侍逆亦連馬墜於橋下身受重創各營躡追二十餘里直至廣東大埔所轄赤石地方始行收隊署平和營遊擊順奎平和縣知縣曾近三亦率團助剿隨同將縣城收復計是役共殺賊萬餘名生擒三千餘名內賊目偽官甚多奪騾馬二千餘匹旗幟鎗礮無數此各軍追剿竄賊大獲勝仗攻克平和縣城之實在情形也其郭松林楊鼎勳兩軍攻克漳浦後即飭提督黃中元總兵

初編卷二十三

三

高占彪馳回海澄率所部三營進紮長橋郭松林等亦由木棉巷九龍嶺馳赴長橋與黃中元合紮二十三日親率各營至近城之博孝嶺一帶察看地勢見該處紮有賊卡一座守賊約千餘人當飭各營併力破之餘逆奔退入城官軍追至水磨嶺城北突出悍賊數千郭松林楊鼎勳各營據山列陣待賊撲近洋鎗排擊賊眾紛潰二十四日正飭各營過博孝嶺之南坑尾坑扼紮城賊又出大股來犯郭松林率各營由大路楊鼎勳率各營由小路前後夾擊斃賊甚多二十五日郭松林等

直抵漳浦城外週視東西北三門各築賊壘二座南門街口築賊壘一座當以賊眾附城築壘必先將外壘掃平始可直逼城下郭松林飭所部提督易用剛總兵李長樂朱德鴻曹仁美謝連陞副將洪寶林王德駿郭文武攻城之東北楊鼎勳飭黃中元及副將朱興榮張遵道總兵黃萬釗舒義志周河清高占彪攻城之西南城賊分門出拒郭松林等馳各營併力奮擊曹仁美張遵道從東西兩面首先接仗鏖戰逾時賊勢不支各營一擁齊上擒斬多名餘眾皆潰南北兩門外敗賊亦同時

初編卷二十三

四

縮入城內閉門死拒官軍遂乘勢將城外各賊壘一律掃蕩即就東西北三門分布密紮二十六日郭松林楊鼎勳將援賊擊敗竊攻竟日羣逆驚駭異常至三更時由南門奪路竄走郭松林楊鼎勳督隊分門殺人當於二十七日丑刻將漳浦縣城攻克其雲霄踞逆知漳浦克復其勢已孤已革總兵吳鴻源復駕輪船駛赴白塔內港正圖激勵鄉團四面攻勦詎逆於二十七夜縱火比官軍馳至賊已由西南兩門向平和一路竄走吳鴻源等當於二十八日將雲霄廳城收復此各軍攻克平

和縣城並收復雲霄廳城之實在情形也竊李逆世賢由漳州南靖敗竄勢極狼狽官軍乘其喘息未定躡踪緊追連克平和漳浦各城前後殺賊數萬現僅詔安一城未下已咨商郭松林楊鼎勳由漳浦進剿如詔安速克則與平和官軍皆可相機出境追剿惟賊踪雖似假道粵東而侍逆李世賢兇燄已衰入海之望又絕不能不與汪逆勉相倚附汪逆不肯竄粵其合勢竄入江西亦在意中現在粵雲慶一軍因糧餉不繼已折回江境就食如江粵兩省能固守藩籬勿任賊蹤深入而蘇浙

初編卷二十三

五

兩軍分路從後躡擊當可收聚殲之效臣宗棠於五月初四日行抵泉州拜摺後即進駐漳州察看賊蹤趨向無論竄江竄粵均當派兵出境急追斷不敢稍涉諉延致塵  
聖念惟江粵邊境被賊蹂躪已久各軍欠餉既多購運軍米尤非易事深慮未能應手致滯戎機謹當竭力籌維以期戡事此次各軍從漳州追賊直至大埔縣境士卒忍饑力戰實屬勞瘁倍常郭松林楊鼎勳所部前次克復漳州文武各員均未及隨摺請獎茲又攻克漳浦



甚為得力亟應懇

恩先予獎敘以昭激勵記名提督衛勇巴圖魯黃中元  
係武職大員應如何獎勵之處仍候

聖裁記名總兵曹仁美提督衛記名遇缺題奏總兵高  
占魁均請以提督記名

簡放記名總兵李長樂謝連陞王萬釗舒義志周河清  
均請

賞加提督銜江蘇儘先補用副將洪寶林兩江儘先副  
將王興明江蘇補用副將王德駿儘先副將朱興榮均

初編卷二十三

六

請

賞給勇號四川儘先遊擊馬宗駿請免補參將以副將  
仍留四川儘先補用並

賞給勇號湖南儘先副將張遵道請以總兵記名

簡放已革廣東候補道段詰請開復原官仍留廣東儘  
先補用藍翎知府銜遇缺先選同知直隸州知州包國

挺請

賞換花翎廣東補用知府葉文瀾請

賞加鹽運使銜其餘克復平和漳浦雲霄各城在事出

力員弁可否歸入克復漳州案內擇尤彙獎出自

天恩其力戰陣亡之花翎守備周有泉並請

飭部從優議卹以慰忠魂謹會同福州將軍臣英桂恭

摺由驛六百里馳

奏伏乞

皇上聖鑒訓示施行再此摺係由臣宗棠主稿合併陳

明謹

奏 同治四年五月初六日

軍機大臣奉

初編卷二十三

七

旨另有旨欽此

同治四年五月二十四日內閣奉

上諭左宗棠等奏官軍追剿賊逆連克平和漳浦雲霄

各城一摺福建踞匪自官軍攻克漳州南靖兩城後向

平和等處奔竄經左宗棠督飭高連陞等帶兵追擊至

五鳳山下該逆拚死回拒兵勇一擁而前聲震山谷逆

賊狂竄自相踐踏死者甚眾四月二十七日進攻磁洋

等處賊壘官軍四面圍殺兩壘之賊無一漏網進搗楚

礮安下賊巢立破堅壘十餘座侍逆李世賢等共率賊

黨數萬來援官軍分路山擊高連陞等率各軍從山頂繞出賊後賊陣始動官軍乘勢衝擊賊匪奔潰侍逆倉皇無措繞城而走逆賊開西門狂竄各軍衝殺入城斃賊數千自相踐踏及墜巖落水死者無算侍逆亦連馬墜於橋下追殺二十餘里立將平和縣城收復其郭松林楊鼎勳兩營進紮長橋先將李嶺之賊卡攻破直抵漳浦城外城分門出逃時二美等從東西兩面首先接仗賊戰連時各營一擁齊上賊以皆潰遂乘勢掃蕩城外各壘二十六日夜間賊出南門竄走楊鼎勳

初編卷二十三 八

等督隊分門殺入城內於二十七日丑時將漳浦縣城攻克雲霄縣逆知漳浦克復其勢已孤已革總兵吳鴻源復駕輪船駛至該逆於二十七日夜縱火由西南門向平和一路竄走遂將雲霄縣城收復剿辦甚為得力即著左宗棠等嚴飭各軍將逃竄各匪奮力搜剿毋留餘孽所保攻克漳浦出力之提督黃中元等前經李鴻章於克復漳州案內開單請獎業已明降諭旨給予獎勵守備周有泉亦經照李鴻章所請給予優卹此次所保之總兵高占魁是否即李鴻章前次奏保之高古彪

著該督等查明具奏其餘克復平和漳浦雲霄出力員弁著准其覈入漳州案內擇尤保奏欽此

軍機大臣 字寄

欽差大臣大學士湖廣總督一等果威伯官文兼署兩廣總督廣州將軍瑞麟閩浙總督一等恪靖伯左宗棠福建巡撫徐宗幹江西巡撫劉坤一湖南巡撫李瀚章廣西巡撫張凱嵩署廣東巡撫郭嵩燾傳諭署浙江提督一等子鮑超護理江西巡撫布政使孫長紱同治四年五月二十四日奉

初編卷二十三 九

上諭左宗棠等奏官軍追剿竄賊大獲勝仗連克平和等城瑞麟等奏東路防軍剿賊獲勝現籌辦情形李瀚章奏竊營叛卒竄至攸縣即經官軍擊退現飭分馳剿辦鮑超奏傷疾舉發願懇續假各一摺已明降諭旨將連克平和漳浦雲霄等城及大埔防軍獲勝情形分別宣示矣平和等城既經克復詔安一城前據李鴻章奏亦有探聞攻克之信是閩省賊勢漸就肅清惟李汪二逆合股奔竄既不得逞志於粵東必將糾合大隊竄入江西左宗棠當慎遵五月十八日諭旨親督全軍越

境追躡務與江西防軍會合夾擊殄滅淨盡不得以驅賊出境爲了事瑞麟郭嵩燾仍督飭李福泰方耀等嚴督兵勇認真防剿毋狃於大埔一勝遂生懈弛劉坤一已簡放江西巡撫著卽恪遵前旨速赴新任將江省防守事宜嚴密布置劉坤一未到以前著孫長紱飭令王文瑞等軍實力扼剿毋稍疏虞雲慶所部勇丁旣經撫定卽可飭令該軍駐紮由閩入江要路遇賊卽擊以壯聲勢而固藩籬雲營叛卒由江西萍鄉竄至湖南攸縣雖經官軍擊退而逆踪已向安仁一路竄走並渡河

初編卷二十三 十一

焚舟以阻追兵其謀甚狡著李瀚章督飭水陸防軍兼程追剿相機分隊繞出賊前迎頭攔截迅殄賊氛席賈田一軍已抵茶陵並著孫長紱檄令會合楚軍四面兜剿以期一鼓殲滅成大吉等軍前有旨令其越境追賊此時行抵何處仍著官文查明具奏一面飭令探明潰勇趨向相機合剿不准遷延觀望致干重咎署攸縣知縣傅以綏攸縣汛把總黃占魁於賊匪竄近邊界未能嚴密堵禦致被乘虛闖入雖經當時擊退肅清縣境究屬疏於防範均著革職留營以觀後效前因霆營勇卒

背叛疊經飛諭鮑超停止西征毋庸出關迅赴湖北辦理此事此次鮑超頗懇藉假自係尙未接奉前旨故有是請現在叛勇已擾及攸縣安仁一帶事機孔急著鮑超慎遵疊次諭旨一面趕緊調治一面東裝赴鄂探明叛勇蹤跡分別剿撫遣散卽赴江閩剿除髮逆以副委任倘再遲延不前任令舊部勇眾日益蔓延自問當得何罪此起叛勇蹤跡飄忽若由郴桂一帶趨往西南兩廣地方處處可通與竄粵髮逆亦可勾合爲患更大著瑞麟郭嵩燾張凱嵩各飭兵弁擇要嚴防毋稍大意將

初編卷二十三 十二

此由六百里諭知官文瑞麟左宗棠徐宗幹劉坤一李瀚章張凱嵩郭嵩燾並傳諭鮑超孫長紱知之欽此

收復詔安首逆乞降截剿逆賊豐勝情形摺

奏為官軍收復詔安縣城首逆乞降截剿雲霄漳浦竄  
出逆賊首逆就殲餘氛淨盡疊獲大勝並截剿江逆大  
股現籌辦理情形恭摺馳

奏仰祈

聖鑒事竊郭松林楊鼎勳兩軍將漳浦縣城克復後即  
飭提督黃中元易用剛總兵王萬釗山雲霄進圖詔安  
四月二十九日甫拔隊前進適詔安之賊數千竄至距  
雲霄三十餘里之梅村地方正與官軍相值王萬釗曹

初編卷二十三 三

仁美李長樂謝連陞等首先衝入賊陣郭文武洪寶林  
馬宗駿各營繼之鏖戰一時斃賊數百名賊猶死拒不  
退易用剛黃中元等從村後繞出賊背兩面夾擊賊遂  
敗潰越嶺而逃當因大雨收隊各營即駐梅村初一日  
兩營易用剛黃中元等復派馬隊先進步隊繼之行至  
中途擒獲賊探訊知漳浦雲霄各城克復後城逆驚恐  
異常即督隊乘夜疾進比抵城下該逆已於是夜向烏  
山一路竄走當會同廣東官兵將縣城收復其竄出餘  
逆圖向沿海逃匿復經已革總兵吳鴻源水師截擊斃

左恪靖侯奏稿初編 卷二二三

賊三百餘名此收復詔安縣城之實在情形也高連陞  
等痛剿李世賢等各逆於平和克獲大捷立復縣城後  
正擬躡蹤追剿行四十里忽接探報雲霄漳浦敗賊二  
萬餘人已竄近平和急率各營回擊四月二十九日高  
連陞黃少春劉清亮各率所部五成隊向大溪一路迎  
剿甫至離大溪十餘里地方賊已大至把總會殿魁約  
會各姓團丁從後追至高連陞等即麾各營猛擊逆賊  
紛紛潰竄官軍圍丁前截後追賊眾無路可竄黃少春  
所部哨官葉春嵐擒偽天將陳有才胡艾森偽凜王領

初編卷二十三 三

袖張生平訊供守漳浦之偽凜王劉肇鈞已被逼自殺  
守雲霄之偽列王朱義得亦經官軍陣斬惟偽祥王黃  
隆芸率悍黨數百翻山而遁高連陞黃少春劉清亮即  
率隊上山縱殺見數十賊方擁一騎馬賊倉皇奔走知  
為逆首花翎都司周培仁向玉隆刺該逆落馬斷其左  
臂縛之而歸訊之即偽祥王黃隆芸也其餘護從之偽  
天將朝將神將天義天福等賊目悉被擒斬無一漏網  
棄械投降者數千各鄉團丁殺斃者亦數千此股遂殲  
除淨盡其先由平和敗竄之偽利王朱逆偽來王陸逆

四四一

兩股王德榜馳抵平和二十九日即率所部躡踪追至大埔縣境該逆前被粵軍截擊後被王德榜各營追殺殲斃無數羣賊震懼其赴王德榜軍前乞降者四千餘人內有偽天將郭揚維朱陸明秦三芸劉大德余福來錢鳳笙神將何華炳何亞炳許天祿朱湖趙升朝將艾孫武總檢徐添寶同檢阮黃吉編修馮祥雲提點化振馥天義朱大保天預周昌發楊正興趙廷玉天安郭寶申得興功醫蔣永瑞等賊自二十四名滿髮悍賊一百五十四名訊皆積年漏誅劇賊則盡誅之並據降賊供

初編卷二十三

四

稱偽利王朱逆已經官軍陣斬矣此各軍截剿漳浦雲霄竄賊悉數殄除並追剿平和敗賊大獲全勝之實在情形也王德榜收軍回至平和適永定警報踵至高連陞等趨援永定王德榜遂留駐平和五月初五日詔安逆首丁太洋一股又竄至白土王德榜即飭副將林珠何秀清總兵戴奉聘三營沿河而下截之時丁逆太洋前隊已渡過萬餘人林珠趕到急率所部從河邊衝出逆眾擁擠浮橋中斷溺斃無算戴奉聘何秀清分兵截殺賊仍拚死抗拒王德榜親督李運勝柳玉清戴清輝

各營馳至兩面夾擊賊大奔潰官軍乘勝縱擊斃賊四千餘名生擒二百餘名奪騾馬三百餘匹丁逆率其黨由間道翻山竄至下垵苦竹繞過龍潭一日行八十里遙撲劉典坎市行營劉典方飭所部擊賊未歸賊至憑土樓以守調各營馳回來擊破之丁逆向高陂橋竄走道員李耀南及各營從太陽壩扼之竄路悉絕十三日丁逆太洋遂率眾奔繳偽印四百餘顆赴劉典軍前乞降劉典以丁太洋勢蹙來歸殺之不武許之惟其黨衆悍不願回籍者尙多暫須酌量挑留免致仍流為賊當

初編卷二十三

五

令丁太洋挑選千人隨同剿賊立功餘悉薙髮繳械贖遣以歸此丁太洋一股屢經官軍痛剿旋即就撫之實在情形也其汪逆海洋一股自大埔回竄永定總兵王開琳飭丁長勝分軍扼紮距城三十五里獵射四履戰皆捷汪逆於四月二十日以一股直撲永定縣城一股分犯獵射四營壘先於要隘分築四壘以絕永定赴援之路晚間復又添築數壘困之丁長勝忍饑力戰相持兩晝夜至二十二日米糧火藥俱盡該逆攻破兩壘丁長勝尙誓死以守逆賊愈集愈厚圍至午刻羣賊破壘

入而丁長勝力竭陣亡各營隨陷劉典得報即飛飭已  
華參將劉大謨副將齊蘭禮都司張星元兩營會同延  
建邵道康國器所部馳往援剿時該逆已將永定縣城  
四面築壘逼圍矣二十三日康國器馳抵湖雷二十四  
日即飭各營將羅維浮橋折毀斃賊百餘名二十五日  
汪逆喉傷王黃逆爲王周逆爲列王羅逆爲天將  
翟逆率悍黨數萬分七路來撲湖雷官軍營壘康國器  
飭副將吳光亮參將林本詹惠遊擊羅洪標熊應烈知  
府康熊飛都司關鎮邦署龍巖營遊擊賴長等各營分

初編卷三十三

七

路迎敵應戰十餘合斃賊六七百名賊猶拚死拒戰康  
國器令康熊飛率隊從右路抄出林本熊應烈乘勢逐  
之賊敗上山官軍追及賊復結陣抵拒林本詹惠熊應  
烈各率數十騎直取搖旗賊目賊駭而奔時左路之賊  
亦經關鎮邦所部各營擊斃殺賊七百餘名生擒五十  
餘名當官軍從左右兩路截出時該逆突出悍黨萬餘  
直撲吳光亮營壘康國器飭羅洪標率隊前往助之鏖  
戰兩時適各軍將左右兩路之賊擊敗轉戰而來劉典  
所部劉大謨齊蘭禮張星元又率兩營繼至遂與吳光

亮等三路進擊賊勢不支紛紛潰竄官軍追至羅源始  
行收隊計是役共生擒悍賊四百餘名斃賊二千餘名  
內有紅衣黃衣等賊目百餘名拔出難民千餘名二十  
六日汪逆復率悍黨數萬傾巢來撲康國器一面飭各  
營固守營壘一面約會劉典所部各營列隊左手山岡  
防賊抄襲相持兩時該逆突起猛撲康國器飭各營奮  
力迎擊往來決盪十餘次該逆屢卻屢前官軍步步  
進斃賊六七百名賊敗走官軍乘勢追殺汪逆連斫數  
賊親督紅衣悍賊二千餘分路來援敗賊亦拚死回鬪

初編卷三十三

七

血戰一時康國器復飭關鎮邦所部各營馳往援應各  
軍大呼奮擊鎗礮火箭彈一時併發轟斃賊目多名賊  
隊遂亂官軍奮威前進銳不可當賊大敗潰汪逆阻之  
不能止退過後山康熊飛關鎮邦熊應烈袁岳雲督勇  
一擁齊上奮撲嶺頭林本馮南斌將開坑伏賊搜剿淨  
盡吳光亮吳光忠林福喜將屯踞山邊之賊擊敗亦各  
率隊衝殺而前該逆尙圍從旁抄擊遊擊賴長率所部  
從溪口越嶺而下各逆始紛紛越嶺逃竄汪逆見各路  
之賊俱敗官軍四面緊逼倉卒間亦僅率悍黨數百遁

去官軍乘勝追殺計共斃賊三千餘生擒悍賊二百餘名劉典所部由左路迎擊亦斃賊六七百名二十七日官軍復分三路進剿康熊飛詹惠林本中路之軍甫抵劍灘該逆望風潰竄適吳光亮熊應烈關鎮邦等兩路馳至即督勇破柵而入立將賊壘踏毀斃賊數百名汪逆勢不能支於是夜向永定西北一路竄走劉典復飭李耀南張福齊楊鼎勳所部馳往援應總兵劉明珍亦率隊從撫溪而來遂於二十八日與康國器合軍追殺沿途斃賊甚多拔出難民千餘奪獲牛馬輜重穀米無

初編卷二十三

末

算正追殺間忽僞陪王譚逆僞天將林逆一股竄至經劉典所部圍殺四五百名生擒二百餘名二十九日劉典康國器兩軍復於劍灘截擊擄斬散始盡劉典率各營回坎市飭副將張福齊同知楊鼎勳駐湖雷詎侍逆敗黨又接踵竄至永定三十日僞王宗李元茂僞來王陸順德兩股約數千搶渡而過餘因溪水迅漲未能過渡初二日康熊飛率各營馳至與王開琳所部截擊斃賊無算收降數千聞該逆大股尙在獵射凹初三日楊鼎勳劉春藻張福齊朱定元彭俊光蕭雅泗各營分

路追殺陣斬僞王宗李學金乘勝轉戰至永定河邊該逆正濟隊西渡經官軍扼截仍即卻回前已降復叛之劉得義率黨首先衝突官軍指認掛鎗轟擊劉得義中鎗落馬都司張佑廷斬之賊隊大亂官軍奮威衝殺斃賊約四五千正追殺間後股又來搶渡蕭雅泗奮勇衝入賊中手刃賊目數名賊大恟懼悉棄械伏地乞降張福齊等勒馬受之約萬餘名其另股僞天將何春貴龔成業尹得明僞神將張永盛陳金劉政宏曹得茂僞指揮胡位才余向陽率其黨二萬四千餘名赴王開琳軍

初編卷二十三

末

前乞降據何春貴等稟供侍逆實於初二夜帶傷從十數賊策馬過河擬奔注海洋賊營維時中流湍急多被溺死侍逆已無下落觀於何春貴劉政宏等均侍逆平日親信賊目而皆紛紛乞降又汪逆自二十七日由永定敗竄現據上杭中都一帶尙揚言候侍逆到合力衝犯則侍逆未到汪海洋賊營可知但實已溺斃與否因無確然證據未敢妄奏此汪逆逼圍永定官軍血戰克獲大捷城圍立解並截剿侍逆全股殲滅殆盡之實在情形也竊維竄閩之賊約有四大股一爲李世賢一爲

汪海洋一爲丁大洋一爲林振揚現丁大洋業已敗蹙投誠李世賢餘黨所剩不過數千林振揚夥黨亦擒斬衝殺殆盡惟汪海洋一股人數尙有數萬經各軍疊次剿辦之後克猷尙張現高連陞黃少春兩軍已進駐距上杭二十五里之盧峰劉清亮一軍卽日繼進康國器紫永定劉典紫龍巖永定交界之坎市道員張世祥赴汀州總兵劉明珍赴連城閩省沿邊節節皆有布置如江粵防軍能於邊境合力兜剿則逆賊無隙可乘自可收聚殲之效惟現接江西咨報雲營叛卒已竄袁吉之

初編卷三十三

三

交婁雲慶所部霆軍已先由會昌赴贛席寶田劉勝祥兩軍均調赴吉安其贛南道王文瑞所部新湘九營隨王開琳駐永定防剿者廿二日之挫復潰失六營贛甯一帶空虛汪逆志圖竄江設與此股叛卒互相勾結其倣必將復熾劉典已咨商王開琳將收集新老各營率赴江西贛州防剿臣宗棠初十日馳抵漳郡一面趕籌糧運一面督飭各軍盡力躡追以冀迅掃餘氛仰紓宸廑所有永定撤射四各營失陷詳細情形尙未接王開琳稟報查是役雖由城壘隔絕米糧匱乏軍士饑疲

致挫並非守禦不嚴惟王開琳身當統領失陷數營咎有應得應請

旨將記名總兵王開琳革職留營以期後効其力戰陣亡之遇缺題奏總兵丁長勝前隨湖南已故道員王鑫轉戰江鄂數省屢著功績自隨臣宗棠征剿六載受重傷數次撲訥勇敢在將領中實爲難得上年截剿蘇皖竄賊並克復江西東鄉縣城論功應保提督茲以力竭捐軀深堪憫惜合無仰懇

初編卷三十三

三

賜卹

予諡並附祀湖南王鑫專祠陣亡福建補用遊擊陳觀光克復龍巖計功應保參將應請

旨照參將例從優議卹以慰忠魂其餘陣亡員弁容俟查明再行請

卹其各戰尤爲出力將弁兵勇忍饑血戰迅厲無前容臣等查明歸入全省肅清案內彙請從優

獎敘投誠之丁大洋雖窮蹙乞降與事前自拔來歸者有間惟挑留悍黨悔罪歸誠尙屬明於順逆可否



賞給守備職銜令其立功自贖之處出自  
天恩理合恭摺馳

奏伏乞

皇上聖鑒訓示施行再此摺係由臣宗棠主稿合併聲  
明謹

奏同治四年五月二十二日

軍機大臣奉

旨另有旨欽此

附陳攻克南靖縣城詳細情形片

初編卷二十三

三

再攻克南靖縣城大概情形業經臣等馳奏在案茲據  
劉典呈稱肅清奎洋苦竹梅林場校等處後即飭道員  
李耀南總兵楊芳桂副將張福齊同知楊鼎勳各營會  
同道員張恆祥一軍進規南靖四月十九日李耀南等  
攻破緘口寨堅壘五座殺賊四五百名忽南靖上社小  
溪山城各處之賊分路來援勢極兇悍官軍排礮轟擊  
賊復分隊抄來適張恆祥從右路搜剿而出張福齊楊  
鼎勳亦率所部從中路楊芳桂李耀南率所部從左路  
同時並進鏖戰兩時賊敗復回者數次張恆祥張福齊

兩軍愈戰愈猛各營乘之賊大敗計共斃賊千餘名生  
擒百餘名奪獲騾馬三十餘匹李耀南楊鼎勳等正圖  
襲取山城詎該處踞逆經官軍擊敗後已於二十夜向  
小溪遁去遂約會各軍於二十二日分路進攻南靖先  
夜參將周顯名都司張佑廷等各挑勇丁三十名攜帶  
火箭火彈至近城西南一帶燃放總兵劉明珍亦派隊  
由城東而來號聲四起煙焰飛騰城賊壘賊驚惶失措  
適漳州府城於亥時攻克漳逆敗至南靖者先行奪路  
竄走城賊愈難站腳官軍大隊乘勢奪門而入時王德

初編卷二十三

三

榜正從東路轉戰而來羣賊叫號亂擲或伏地乞降或  
拚死衝圍李耀南楊芳桂等收降四千餘人其奪路竄  
走者經官軍截殺殆盡當於二十一日將南靖縣城克  
復竊劉典一軍從汀連節節掃蕩而下連破逆賊堅壘  
數十在事各員均未隨摺請獎此次攻克南靖斃賊甚  
多尤屬異常奮勉所有最為出力之總兵銜藍翎副將  
張福齊請

賞換花翎鹽運司銜浙江補用道李耀南請  
賞加按察使銜並

賞給該員祖父母父母正三品封典藍翎浙江補用同知楊鼎勳請

賞換花翎並加知府銜改留福建補用總兵銜副將齊

蘭禮請以總兵記名

簡放副將文繼昌請

賞加總兵銜參將宋定元陳集賢請以副將留於閩浙

補用已革副將銜參將劉大謨請開復原官並免繳捐

復銀兩儘先都司張星元都司張佑廷花翎都司唐得

勝賀潤蘭劉春藻請以遊擊留於福建補用五品軍功

初編卷二十三

三

蕭雅泗田向陽請以都司留於福建補用並

賞戴花翎花翎安徽補用直隸州知州喻步蓮請補缺

後以知府補用先換頂戴以示鼓勵二品頂戴劉典係

幫辦大員盡瘁馳驅勳績卓著應否

加恩之處臣等未敢妄擬理合附片具

奏伏乞

聖鑒施行謹

奏 同治四年五月二十二日

軍機大臣奉

旨另有旨欽此

同治四年閏五月十四日內閣奉

上諭前據瑞麟郭嵩燾奏粵軍越境攻克平和詔安兩

縣城大埔防兵獲勝本日左宗棠徐宗幹奏閩軍攻復

詔安首逆乞降截勦逆賊疊勝各一摺情形大略相同

閩軍克復漳浦後提督黃中元等進圖詔安會同粵軍

將詔安攻克雲霄漳浦敗賊二萬餘人竄近平和經高

連陞等迎擊生擒偽祥王黃隆芸餘賊殲除淨盡其偽

利王宋逆等股亦經王德榜勦斃無算餘賊投械乞降

初編卷二十三

三

詔安逆首丁太洋竄至白土王德榜率軍夾擊斃賊四

千餘名丁太洋勢蹙率眾赴劉典軍前乞降汪海洋自

大埔回竄永定道員康國器督隊赴援斃賊數千名逆

勢不支向永定西北竄走侍逆敗黨續竄永定獵射四

等處楊鼎勳等分路追殺斃賊甚多收降數萬粵軍聞

閩軍逼賊漸近即分路併力夾擊方耀鄭紹忠等連日

鏖戰殲賊萬計擒斬逆首多名協同閩軍將平和詔安

兩縣城克復辦理均為得手瑞麟等摺內所保尤為出

力之記名總兵方耀著賞加提督銜都司鄭紹忠著以

副將留於廣東補用遊擊林詩成著以遊擊儘先補用並賞加參將銜都司陳乳著以遊擊補用守備方熬等六員均著免補守備以都司補用並賞換花翎千總侯玉等六員均著免補千總以守備補用雲騎尉方傑著以守備補用以上七員並賞加都司銜把總林材著以千總儘先拔補並賞加守備銜軍功徐桂祖等七名均著以千總歸營儘先拔補並賞戴藍翎徐桂祖劉順昌並賞加守備銜左宗棠等摺內所開陣亡總兵丁長勝著照提督陣亡例議卹並加恩予諡准其附祀湖南道

初編卷二十三 三

員王鑫專祠補用遊擊陳觀光著照參將例從優議卹記名總兵王開琳於所部獵射四營盤失陷丁長勝戰歿未能救援實難辭咎著革職留營以觀後效此次出力各將弁兵勇著左宗棠查明彙案請獎投誠之丁太洋著賞給守備銜賈令立功贖罪左宗棠等另片奏攻克南靖詳細情形劉典一軍進規南靖分路並進殺賊千餘名收降四千餘人立將南靖縣城克復所有尤為出力之副將張福齊著賞換花翎浙江補用道李耀南著賞加按察使銜並賞給該員祖父母父母正三品封

典浙江補用同知楊鼎勳著賞換花翎並賞加知府銜改留福建補用副將齊蘭禮著以總兵記名簡放副將文繼昌著賞加總兵銜參將宋定元等二員著以副將留於閩浙補用已革副將銜參將劉大謨著開復原官並免繳捐復銀兩都司張星元等五員均著以遊擊留於福建補用五品軍功蕭雅泗等二員均著以都司留於福建補用並賞戴花翎安徽直隸州知州喻步蓮著俟補缺後以知府補用先換頂戴候補按察使劉典督軍入閩膚功迭奏深堪嘉尚著賞給白玉柄小刀一把

初編卷二十三 三

白玉搬指一箇大荷包一對小荷包二箇火鏢二把以示優異該部知道欽此  
軍機大臣 字寄廣州將軍兼署兩廣總督瑞麟閩浙總督一等恪靖伯左宗棠福建巡撫徐宗幹署廣東巡撫郭嵩焘傳諭護理江西巡撫布政使孫長綬同治四年閏五月十四日奉  
上諭左宗棠等奏收復詔安首逆乞降截剿雲霄漳浦鼠賊疊獲大勝首逆就殲並截剿大股及劉典一軍攻克南靖各摺片本日已明降諭旨照所請分別獎卹並

賞給劉典小刀搬指等件瑞麟等前奏請獎敘之方耀等亦併降旨照准矣丁太洋投誠已照左宗棠所請賞給守備銜著即令其督率挑留悍卒隨隊攻剿如不得力仍當嚴行懲辦遣散降人沿途能否安靜著咨明各督撫督同地方官嚴行約束以免復行勾結李世賢是否被水沖沒仍著查明實在下落具奏汪海洋一股人數尙眾現在上杭一帶盤踞高連陞等軍已駐盧峰劉清亮一軍亦剋日繼進著該督即飭諸軍設法進剿並杜其旁竄之路毋令再擾完善上杭距粵東之大埔饒

初編卷二十三

三

平江西之會昌長甯等處均屬切近著瑞麟等督同李福泰將湖防各軍實力整頓方耀等軍如能出境會剿即飭該總兵等奮勉圖功爲一勞永逸之計賊氛逼近贛甯江西省東路之防倍緊前諭調郭松林楊鼎勳二軍赴江閩交界處所駐紮該督會否調派叛勇去江已遠席寶田等軍現紮何處著孫長紱酌度情形趕緊調赴贛甯一帶扼防左宗棠仍遵前旨不分畛域派兵赴江迎前兇剿勿任闖入完善南靖克復劉典一軍聲威甚壯應如何調派之處著該督妥爲調度以期速竟全功

同膺懋賞永定獵射四各營失陷詳細情形仍著查明具奏王開琳已革職留營著即飭令收集各營迅赴江西贛州防剿立功自贖倘再有疏虞定即從重治罪將此由六百里諭知瑞麟左宗棠徐宗幹郭嵩燾并傳諭孫長紱知之欽此

初編卷二十三

三

奏報全圖肅清現飭越境追剿摺

奏為官軍追剿獲勝全圖肅清現飭越境追剿恭摺馳奏仰祈

聖鑒事竊高連陞黃少春劉清亮等駐軍平和將漳浦雲霄竄賊悉數殲除後因永定警報踵至即各率所部馳援比抵永定汪逆已經各軍擊敗向上杭中都竄走待逆餘黨亦續由大姑灘逃逸高連陞黃少春等躡蹤緊追五月初十二等日出隊至大姑灘對岸該逆尙率眾渡河回撲經官軍排鎗轟擊斃賊甚多賊敗走旋

初編卷二十三

三

偵知賊之先至上杭西門外上墩鄉與武平之象洞汪逆均調來中都仍圖回撲官軍適知府魏光祚所部及高連陞黃少春兩軍留駐漳州四成隊馳至十五日黎明高連陞遂率各營進紮大姑灘下黃少春各營進紮大姑灘上均於沿河密布營壘時悍賊數千將所紮木牌千餘架搬至河邊正圖搭架浮橋官軍突至鎗礮齊發汪逆亦令隨身洋鎗悍黨拚死抗拒官軍縱擊歷三時之久斃悍賊數百名帶傷者無算賊猶死拒不退高連陞黃少春各挑洋鎗隊百人潛從大姑灘上下躡獲

過河抄擊瞥見各山頭號火齊起知汪逆方嗾羣賊來援高連陞等麾洋鎗隊及其未至遠前薄之盡斃頭旗悍賊一名羣賊驚駭乃棄馬翻山而遁河邊搭橋之賊與山頭來援之賊亦同時竄走官軍乘勢壓擊斃悍賊一二百名生擒二十六名墜崖落水死者不計時劉清亮留駐湖雷各營因丁太洋一股業已擊敗投誠後路無事亦率所部馳至會商十七日卯刻分三路過河痛擊詎該逆敗後膽落即夜奪路狂竄官軍追殺二十餘里斃賊無算生擒三十一名拔出難民數百餘逆悉竄

初編卷二十二

三

武平署武平縣知縣八十四飛稟請急高連陞等急率四成隊赴之派馬隊先進偵知該逆尙踞中赤巖前一帶十九日疾馳百里至武平所二十日追至風車崗見賊千餘方屯聚山下各村官軍追至立斃賊百餘名生擒七名各館之賊一齊驚走又追二十里始收隊回武平縣城二十一日黃少春高連陞劉清亮正分路進剿中赤之賊詎該逆經官軍迭次擊敗已回下壩逃竄官軍追及僅斬尾賊二百餘名生擒四十餘名救出難民三百餘據獲賊供稱汪逆本喉巖前之賊先竄鎮平因

粵軍扼截折回下壩現經官軍追擊仍向粵東邊界竄去高連陞黃少春劉清亮已率軍進駐下壩計各戰擒斬逆賊實不下三四千名拔出難民無算此各軍追剿獲勝閩境肅清之實在情形也竊維李世賢汪海洋等逆上年九月由江粵突竄閩疆連陷府廳州縣凡七人數實二十餘萬加以閩粵土匪從亂如歸首逆李世賢復以重利啖洋人購其鎗礮勾其助逆勢甚鴟張幸賴聖謨廣運飭浙軍迅赴戎機資以浙餉復以地廣兵單飭蘇軍赴閩助剿數月之間得將各城次第克復全境

初編卷二十三

三

一律肅清李世賢林振揚兩股擒斬殆盡丁大洋一股窘蹙投誠僅餘汪逆一股夥黨數萬逼聚江西閩粵三省交界之區勢孤力薄可冀就殲現因該逆出沒閩粵之交為各軍所扼不能竄越江西轉竄粵境直趨嘉應州臣等已飭康國器及關鎮邦所部粵勇五千餘人由峰市追剿冀與粵東嘉應官軍共收夾擊之效惟汪逆本謀在竄江西似不久留粵境臣等已飭王開琳率所部老湘營由汀赴贛已報放行其高連陞黃少春劉清亮三軍轉戰閩粵之交馳驅千里實形勞瘁應請西國武

平休息規賊所向截之其劉典一軍俟整理就緒後亦即由汀赴贛或逕赴南安截其由江西竄湖南之路期將此股殲除稍紓

慈廩斷不敢存盪盪自守之見亦不敢居越境勦賊之功所有此次各軍追剿竄賊疊獲全勝出力將弁兵勇及防剿轉運出力員弁可否併由臣等查明彙案請旨獎敘之處出自

天恩理合會同福州將軍臣英桂恭摺由驛馳奏伏乞

初編卷二十三

三

皇上聖鑒訓示施行再此摺係臣宗棠主稿合併聲明謹

奏同治四年閏五月初五日

軍機大臣奉

旨另有旨欽此

請將剿賊大勝殲除要逆之康道等獎卹片

再延建邵道康國器一軍於四月二十九日從永定劍灘截剿獲勝後於五月初二日復親督各營行至塔下見該逆搭有浮橋三座前股正在渡河康熊飛吳光亮

詹惠林本馮南斌卽各率所部直搶浮橋關鎮邦袁岳  
雲朱安劉金趙鵬馮國安擊其山下羅洪標熊應烈擊  
其山上湯彪周有才繼之該逆見官軍分路突至亦悉  
銳來迎官軍鎗礮齊施賊不少卻其未及渡河者仍死  
拒浮橋結陣以待康熊飛吳光亮林本令林檳林福喜  
陳羅挑健勇數十名繞從道旁以鎗礮仰攻賊背羣賊  
驚潰官軍乘勢急進擒斬逆賊二千餘名追逼落河淹  
斃者六七千名遂將浮橋三座一齊拆毀山上下之賊  
亦同時潰退官軍分路兜剿而上又生擒千餘名殺斃

初編卷二十三

書

二千餘名各逆號哭之聲響震山谷康國器傳令棄械  
投誠者免死同時跪伏道旁者約萬餘人康國器受之  
初三日又飭各軍跟蹤追剿收降餘黨三千餘人訊據  
僉供侍逆寶已受傷落河身死矣並據稱初二日之賊  
僞天將潘起亮僞朝將劉貴幅均已落水淹斃僞天將  
曾洋貴陸連幅僞朝將鄧雲貴等均經官軍陣斬其餘  
賊目之或散或降及殺斃淹斃者尙不可勝計除飭將  
降眾妥爲賞遣外查五月初二之戰康國器一軍實爲  
出力臣等前次奏報其時未接康國器稟牘漏未詳敘

茲合補陳以彰戰績按察使銜延建邵道康國器自力  
解永定重圍後連獲大捷勞績卓著應請

賞加布政使銜其力戰捐軀之花翎補用都司劉振伍  
克復龍巖計功應保參將請

旨照參將例議卹以慰忠魂理合附片具  
奏伏乞

皇上聖鑒訓示施行謹

奏 同治四年閏五月初五日

軍機大臣奉

初編卷二十三

書

旨另有旨欽此

陳明侍逆業已伏誅片

再李逆世賢自平和帶傷後五月初二夜偕十數賊在  
永定過河淹斃業經前奏聲敘及之茲據各路軍營稟  
報訊之生擒賊目及各降人所供侍逆溺斃係五月初  
二夜事均無異詞而漳城逃出難民則言侍逆於初二  
夜同數賊棄馬逃走因不識路逕繞山奔竄天明仍在  
原處鄉民獲住搜出隨身金葉五十餘兩旋爲官軍揪  
去一時喧傳侍逆業已就擒又似侍逆未及過河已就

擒者未據各軍稟及殊難憑信惟續獲汪海洋股內黨夥及逃出難民均供汪逆在上杭中都時久候侍逆不至一日傳集各賊目將奔投之偽王宗李逆等械繫稱侍逆已死於下洋而偽王宗救護不力應即議罪劉典前駐軍坎市時曾盤獲汪逆所遣賊探密覘侍逆下落者是侍逆之已伏誅確無可疑惟溺死永定河中與獲斬於下洋則尚難確指也臣等仍當留心訪察以期核實謹附片陳明伏乞

聖鑒謹

初編卷二十三 奏

奏 同治四年閏五月初五日

軍機大臣奉

旨另有旨欽此

請調援閩得力之軍回蘇聽候調派摺

奏為請調援閩得力之軍回蘇聽候調派恭摺馳陳仰

祈

聖鑒事竊臣接署兩江督臣李鴻章抄摺咨會飭前派援閩之提督郭松林楊鼎勳兩軍由閩繞赴江西湖南邊界相機迎堵服其洞燭賊情謀慮深遠實非臣愚陋

所及惟李鴻章入奏時向未知逆首李世賢丁大洋林振揚各股或降或散或剿除殆盡疑賊氛尚熾故擬以此軍為馳援數省之師茲查由閩竄粵之賊實祇汪逆海洋夥黨數萬縱各股尚有漏出人數諒必無多臣已檄康國器率所部及關鎮邦所部合計五千人由永定虞峰取道入粵冀以粵人援粵戰於其鄉士氣自信可收夾擊之功又竊以汪逆志在竄江官軍入粵祇是尾追益援粵之師恐徒速其竄江之勢似不如伺其竄江西迎頭截擊較為得之現飭王開琳率所部入江西

初編卷二十三 奏

贛州高運陞黃少春劉清亮暫駐武平劉典將各軍整理後即馳赴汀州駐武平者將趨長甯安遠以固贛東駐汀州者將由贛州趨南安以固贛西即兼為周浦之計也如天之福三省合力或可將此股就地殲除不致久稽  
天討是蘇軍不入江西湖南於局勢尚似無損臣前聞直東軍務喫緊未得其詳昨准李鴻章來咨始知會同藩將赴山東李鴻章暫署兩江督篆捻逆披猖特甚時事方殷似兩省兵力宜厚而不宜薄郭松林楊鼎勳所



部多勇敢之士所習洋鎗礮隊必非捻逆所能當且准  
北皖北之人實居大半用之北方服水土而少疾病得  
力無疑臣愚以為就天下大局而論直東為重閩粵江  
西為輕就此時賊勢而論閩粵江西為緩而直東較急  
是蘇省接圍之軍仍應調回蘇州以備會圍藩李鴻章  
調度明矣至兩軍回蘇或應由海道抵滬或取道江西  
水陸入皖臣已一面檄商郭松林楊鼎勳自行酌度臣  
當籌畫資遣理合恭摺馳  
奏伏乞

初編卷二十三

三

皇上聖鑒訓示施行謹

奏同治四年閏五月初五日

軍機大臣奉

旨另有旨欽此

軍機大臣 字寄廣州將軍兼署兩廣總督瑞麟杭州  
將軍崑壽閩浙總督一等恪靖伯左宗棠福建巡撫徐  
宗幹署廣東巡撫郭嵩燾傳諭護理江西巡撫布政使  
孫長綬同治四年閏五月二十六日奉  
上諭左宗棠等奏官軍剿賊獲勝全閩肅清現飭趙境

追剿請援閩得力之軍回蘇及查李世賢下落各摺片  
覽奏均悉汪逆由上杭中都敗走經高連陞等追至武  
平該逆由下壩先竄鎮平復由粵東邊界竄去有直趨  
嘉應州之勢左宗棠已飭康國器及關鎮邦所部粵勇  
五千人由峰市追剿此軍到粵必可得力著瑞麟郭嵩  
燾督飭方耀等會同閩軍認真擊剿李福泰已移紮嘉  
應諒已早有布置即著飭令該藩司等三面兜擊以期  
一鼓殄除勿任再有竄逆高連陞黃少春劉清亮等軍  
暫駐武平稍為休息仍著左宗棠飭令規賊所向實力

初編卷二十三

三

邊截以資得力汪逆本謀竄江未必久留粵境孫長綬  
務當慎遵迭次寄諭將贛防密為布置督飭派出諸軍  
與左宗棠所派之王開琳一軍實力防剿毋任逆蹤竄  
近邊界方為妥善劉典一軍或由汀赴贛或徑赴南安  
截其由江西竄湖南之路著左宗棠斟酌軍情緩急調  
派所有此次追賊出力各軍及防守轉運各員著該  
督查明彙案擇尤保奏李世賢一犯或云衝沒或云被  
擒或云自刎尚無實在下落仍著查明具奏郭松林楊  
鼎勳二軍即照左宗棠所請飭令迅速回蘇聽李鴻章

調遣本日已諭知李鴻章檄調本高連陞已簡放廣東陸路提督左宗棠即飭該員俟軍務稍定赴任其所署浙江提督另派黃少春署理崑壽已放杭州將軍著俟到任後將旗營一切事宜妥為經理以副委任將此由六百里諭知瑞麟崑壽左宗棠徐宗幹郭嵩壽并傳諭孫長絳知之欽此

同治四年閏五月二十六日內閣奉

上諭左宗棠等奏福建官軍勦賊大勝殲除要逆請將出力陣亡各員分別獎卹等語道員康國器一軍自四

初編卷二十三 聖

月二十九日永定劍灘勦匪獲勝後五月初二日復率各營行至塔下見該逆塔橋正在渡河即領所部康熊飛等搶浮橋關鎖邦羅洪標等分擊山之上下湯彪等繼之該逆悉銳來迎官軍鎗礮齊施賊不少卻康熊飛等挑健勇數十名繞從河岸仰攻賊背羣賊驚潰官軍乘勢進攻擒斬偽天將曾洋貴陸連幅偽朝將鄧雲貴等並淹斃偽天將潘起亮偽朝將劉貫幅收降者萬餘人賊股全就殲除勦辦甚屬得手所有尤為出力之福建延建邵道康國器著賞加布政使銜陣亡之邵道劉

振伍著交部照參將例議卹欽此

陳明調派水師沿海巡緝片

再福建水師提督臣吳全美奉

旨飭赴本任會經臣

奏明就便速雇紅單拖罈船數十號來閩助剿比該提

臣於五月初八日到閩而漳州各郡縣業已次第克復

復經臣咨請速赴新任除接篆日期另由該提臣恭疏

題報外伏查此項師船本因髮逆佔踞漳州希圖下海

為沿海巡防而設現閩境雖幸一律肅清而閩浙洋面

初編卷二十三 聖

島嶼紛歧時有賊匪出沒向來各營額設師船多已朽壞每遇出洋巡緝皆係臨時雇募廣艇現有此項紅單拖罈等船正可派員管帶往來梭巡以靖海疆而安商旅節經臣面商該提臣飭撥各船出洋巡緝旋准咨報派撥提督銜記名總兵浙江乍浦協副將現委署金門鎮總兵郭定猷總帶普字營紅單船十隻總兵銜儘先副將吳奇勳管帶慶字營紅單船五隻各幫上駛自福州海壇至浙江溫州甯波黃道關一帶洋面記名總兵李廷邦副將銜儘先參將李榮升總帶安字營拖罈船

十隻巡守金門以上至湄州海壇五虎等處總兵銜儘先副將江甯奇兵營遊擊梁正源總帶瀾字營拖船十隻巡守金門以下至碇口銅山各要隘海口聯絡巡防認真緝捕仍酌留儘先參將吳泰芬羅福安管帶慶字營紅單船五隻駐泊廈門以為控制並挑選熟識風土民情之水師提標中營千總楊嵩生等分配普慶安瀾四營以為眼線均於五月二十五日一律起旋等情前來除分飭閩浙沿海各舟師合力兜捕外理合附片陳明伏乞

初編卷二十三

聖

聖鑒謹

奏 同治四年閏五月初五日

軍機大臣奉

旨知道了著嚴飭派出各員認真巡緝毋得視為具文日久生懈欽此

奏報攻毀匪巢餘逆淨盡摺

奏為官軍攻毀雲霄廳岳坑匪巢搜剿餘逆淨盡恭摺奏祈

聖鑒事竊照閩省沿海之區匪盜橫行由來已久而雲霄廳所轄岳坑匪首朱起運朱庭燎朱庭獻等此次賊陷漳州時導賊攻陷雲霄廳城迫廳城踞逆竄逸而該鄉尚留偽天將陳仔及逆賊三百餘人生員朱得時并受封偽職據雲霄廳同知宋文斐具稟前來臣宗棠咨商暫駐雲霄署福建陸路提督郭松林記名提督楊

初編卷二十三

聖

鼎勳就近前往剿辦茲准覆稱岳坑一寨地居萬山中環村後石為牆排列大礮數千尊形如堅城環寨十餘里皆朱姓小村內如溪坪大洞梁山等村更為險惡山前曲徑一道繚繞而上山後石壁峭立俯臨大洋夾山犬溪一道直達岳坑外濠山脚溪頭地名大洞樓乃性嶺要路該逆憑險立寨計高三丈有奇牆垣亂石砌成異常堅固又溪坪村亦有堅寨一座較之大洞樓尤為高大該逆自以罪大惡極知大軍必往剿捕先將合村老少輜重糧米搬入梁山石洞中礮石斷路其匿迹該

鄉之偽天將陳仔率髮逆數百名及該鄉匪徒千餘人  
踞之與山洞岳坑互相犄角其餘朱姓匪首糾集各村  
悍黨六七千人堅踞岳坑並於石寨外加釘木城開掘  
溝濠意圖死拒適提督黃中元總兵王萬鈞周河清自  
詔安各率行隊馳至五月十八夜郭松林楊鼎勛飭提  
督黃中元總兵王萬鈞周河清高占彪副將張遵道宋  
興榮參將李占彪帶隊由船場嶺進提督易用剛總兵  
曹仁美李長樂謝連升宋德鴻副將銜江蘇補用遊擊  
楊玉書副將郭文武洪寶麟馬宗駿帶隊由荷步嶺進

初編卷二十三

四

十九日黎明行近岳坑將助逆朱姓各小村掃蕩殺斃  
匪徒數百名旋即進攻岳坑并分隊圍攻大洞樓寨該  
逆固匿不出官軍直抵濠邊副將黃璧首先踰濠而進  
被鎗子貫穿胸膛殞命郭松林等憤甚率軍急攻該逆  
鎗礮連施子如驟雨傷亡士卒多名郭松林等將西洋  
火箭射入壘時烟燄蔽空該逆倉皇分救遊擊楊玉書  
卽乘勢躍上石垣各軍繼之該逆尙欲拚死拒戰官軍  
大隊已衝殺而入當將岳坑匪巢攻毀逆眾殲斃無遺  
間有逃逸者亦經民團截殺淨盡維時分攻大洞樓寨

官軍因牆壁堅峻地勢極險該逆又誓死堅守力攻半  
日未破郭松林帶隊馳至繞視一週傳令各營圍定限  
次日破之是夜五更直逼寨腳鑿開一穴填入火藥百  
餘斤裝放引線囊土封固疾馳回陣踰時火藥轟發寨  
牆震裂各軍一擁齊進生擒偽天將陳仔餘逆悉誅當  
卽乘勝進薄溪坪寨其寨大可容二千餘人郭松林等  
飭各營四面環攻該逆堅守如故郭松林等見該寨北  
偏一面牆垣微缺遂令以炸礮轟擊歷一時之久摧坍  
牆身七八尺各將士於缺口奮勇先登該逆亂拋磚石

初編卷二十三

四

抗拒官軍大隊蟻附而上遂將溪坪寨攻破匪徒悉數  
殲除二十一日復飭各營入山搜剿將偽天將陳仔及  
匪首朱起運等正法梟示始收隊還此官軍追破雲霄  
廳岳坑匪巢并將餘逆搜剿淨盡之實在情形也竊維  
漳泉一帶負山濱海民間土樓石寨林立由明季備倭  
國初備海寇而設浸久奸民踞爲巢穴或出洋行劫返  
仍嘯聚其間或互相械鬪先將眷屬輜重安置寨中然  
後列械肆鬪爲負隅之計官司不能詰禁則姑容之由  
是匪膽愈張無所顧忌昔之設險禦盜者今竟淪爲盜

賊矣此次賊陷漳城土匪朱起運等竟敢勾引攻陷雲  
霄廳城事平猶復窩留逆目并於石寨外加造木城情  
殊叵測幸郭松林得鼎勳來聞時所帶攻堅利器如西  
洋火箭及開花礮彈足以制之用能剋日奏功掃除匪  
窟庶幾海濱頑民有所震懾由此不敢妄肆鴟張所有  
最為出力之副將銜江蘇補用遊擊楊玉書可否  
賞加勇號以示鼓勵其力戰陣亡之常州案內擬保副  
將黃壁擬保藍翎守備陳家晉應請  
飭部從優議卹以慰忠魂現謹恭摺附驛馳

初編卷二十三 果

奏伏乞

皇上聖鑒訓示施行謹

奏 同治四年閏五月初五日

軍機大臣奉

旨另有旨欽此

同治四年閏五月二十六日內閣奉

上諭左宗棠等奏官軍攻毀雲霄廳岳坑匪巢一摺竊  
建岳坑地方匪首朱起運等於賊陷漳州時導賊攻陷  
雲霄廳城迨廳城克復該逆尚窩留偽天將陳仔等真

嶠抗拒經提督郭松林等會同提督黃中元等於五月  
十九日併力進攻該逆猶拚死拒戰官軍大隊奮勇衝  
殺當將岳坑匪巢平毀並將大洞樓溪坪等寨次第攻  
破匪徒悉數殲除偽天將陳仔及匪首朱起運等均即  
正法梟示剴辦倘為得手在事尤為出力之遊擊楊玉  
書著賞給壯勇巴圖魯名號力戰陣亡之擬保副將黃  
壁擬保守備陳家晉均著交部從優議卹以慰忠魂該  
部知道欽此

附陳下府民俗并辦土匪情形片

初編卷二十三 果

再閩省民俗獷悍以下府興泉永春一帶為最上府延  
平所轄永安沙縣順昌等處李阿四逆黨尚多往往聚  
結多人時出剽掠延建邵三郡民多游惰其種山墾田  
造紙採茶多雇倩興泉永各處游民工作以故匪類雜  
出搶劫之案頻聞臣宗棠駐軍延平時曾搜捕著名各匪  
犯鄭基即下府基及聚眾劫搶捕人勤贖著名各犯五  
十餘名訊明正法並於建甯延平一帶添設師船往來  
巡緝以護商旅其興化泉州漳州永春各屬負山濱海  
民風獷悍尤甚向有烏白旗紅白旗小刀會千刀會等

名目拜會傳徒殺人行劫無惡不爲結黨橫行形同化外官司往捕兵少則嘯聚拒捕兵多則匿入土樓山寨開放鎗礮至於錢糧抗納不完遇事刻械私鬪猶其罪之小焉者也此次髮逆攻陷漳州各屬土匪竄起或貪利接濟或窩藏逆黨或導賊攻城或潛充賊謀捕獲正法者不下數十起即昨漳州克復後官軍向前追賊鍋帳行糧運送落後者經過南靖平和各鄉猶被寨民擱途劫搶并戕殺勇丁長夫數十人燬屍滅迹蓋因利其微貲遂殘忍至此諸將領入閩之始臣以民俗愚悍驟

初編卷三十一

吳

難化誨飭其勉爲含容惟嚴明約束勇夫人等勿有侵異以導引善機而明各欲正己之義無如痼習已深勢難冀其丕變若不趁此兵威亟圖整理恐髮逆之患難平而此方後患仍未艾也現向安上宅泔井等鄉土匪經郎松林帶兵剿捕後續又報獲首犯陳宵一名斬梟在案其平和縣土匪經臬司王德榜飭派提督李運勝副將林珠等擊獲大壩鄉首從要犯曾幫等十八名並從逆生員朱以莊楊景燦二名均訊明分別正法臬示其與化永春等處亦已飭委道員朱明亮前往查辦漳

州附城各處臣當督飭地方文武各員就近辦理擬先將著名首要各犯立予嚴懲而後責各鄉紳董編造戶冊散給門牌取具以後不准違犯互結聊爲治標之謀至於移風易俗去暴勝殘則非擇廉靜明決之守令久任而責其成功不可臣等不敢姑息養奸亦不忍殘民以逞自當隨時盡心察酌辦理求紓宸厯理合附片陳明伏乞

聖鑒訓示謹

奏同治四年閏五月初五日

初編卷三十一

吳

軍機大臣奉

旨著照所請認真次第辦理以期革面洗心民風丕變欽此

清釐閩營欠餉停募兵缺摺

奏為清釐閩省內地各營欠餉暫停募補兵額以節餉需恭摺具

奏仰祈

聖鑒事竊照閩省自軍興以後節次徵調兵勇防剿及協濟鄰省餉銀用款日增來源日竭而被匪蹂躪地方錢糧疊奉蠲免地丁又完不及半以致餉精異常支絀是以內地各營按季應放餉銀近則給至同治二年夏餉止遠則給至咸豐十年夏餉止頻年積欠截至同治

初編卷三十三

三

三年底止已數至二百五十餘萬兩之多若不清釐補放何以整肅營規茲據福建布政司張銓慶詳請將各營欠餉截至同治四年夏季止由司照額全數發給司印票銀飭營領回一律清給造冊核銷如有應截曠缺等銀歸於以後餉內坐除清款所發之司票仍准兌收解司稅雜並捐輸兵餉各款造報以期流通行使所有本年秋季起由司仍循舊章按季清放銀票各半支給以免曠懸其失守地方未補兵額並節年調派各營防剿兵丁潰散逃亡及老弱吸食洋煙應行汰革者猶復

不少此時餉項無出合無仰懇

天恩俯准毋庸募補收伍統俟軍務平定應如何裁減歸併再行

奏定辦理庶兵歸實用餉不虛糜除咨戶兵二部查照

外理合專摺具

奏伏乞

皇太后

皇上聖鑒施行謹

奏 同治四年閏五月初五日

初編卷三十三

三

軍機大臣奉

旨著照所請該部知道欽此

恪靖奏稿初編卷二十四目錄

閩商凋疲陳請准予改限帶完摺

滙陳閩越積弊請試行票運摺

閩省商疲課紕懇請減免積欠帶輸銀兩摺

附陳分派師船巡緝閩浙洋面捕盜片

越境剿賊迭勝並擊退閩邊鼠賊情形摺

附陳剿辦下游土匪情形片

恭報蘇軍回滬日期并請應否派署提篆摺

請將老湘營官熊恭將革職等因片

初編卷二十四目錄

懇將克遂援江肅清衛都各員照原請給獎摺

特參年力就衰之司道摺

閩商凋疲陳請准予改限帶完摺

奏為閩商凋疲日甚應完正溢額課一年難辦三屆奏

銷恭摺奏銀

聖恩准予分別停辦改限帶完以復原額而紓商力仰

祈

聖鑒事竊照閩省商向係先課後驗甲年正課原定

乙年八月造報甲年溢課原定丙年十二月造報自咸

豐三年以後上下游迭經粵逆土匪滋擾課地多遭蹂

躪各商應完課銀不能依期解納所有各年正溢奏銷

初編卷二十四

經各前督臣先後

奏請展限造報前此辦理咸豐十一年分溢課奏銷業

將推展緣由附片奏明在案計自同治二年正課按照

推展限期應三年十二月內造報元年溢課應四年三

月內造報三年正課應四年十一月內造報乃前任鹽

法道潘駿章藉因上年逆匪竄擾閩疆銷鹽絀滯並味

先時籌計實力整頓設法疏銷一任各商延欠致二年

正課早逾推展之限尙未能造報奏銷實屬遲悞經臣

已將該道先行奏參革職惟查官商兩難每年應完正



課銀十五萬三千九百餘兩官幫應完銀三萬八千四百餘兩商幫應完銀十一萬五千五百餘兩又應完溢課並額外盈餘銀十三萬三千三百餘兩內官幫應完銀四萬二千七百餘兩商幫應完銀九萬五百餘兩共商幫每年應完正溢課銀二十萬六千一百餘兩閩商資本素微平時完課已形竭蹶近年展緩積欠愈多二年正課奏銷已經遲逾今年適逢須辦二年正課元年溢課三年正課三屆奏銷共計應銀三十二萬一千六百餘兩期限迫促雖前有展緩之名今反有追呼之累

初編卷二十四

二

當此逆氛未靖居民遷徙頗仍銷鹽不旺自係實情是以前據通省各商赴臣徐宗幹衙門呈請將同治二年正課元年溢課乞予奏請停徵五年分作八年勻完以紓商力並據司道據情詳經臣徐宗幹以軍餉緊要且所請停徵勻完為期太遠未便准行批飭妥議另詳嗣臣宗棠入閩後體察各商拮据情形尙無捏飾其前此倒商不能復振另招以無新商投充現僅恃勉力支持各商辦運其力微薄販戶實已倒歇堪虞即素稱殷富商今亦漸形困乏官運各幫因本少利微欲思整頓

亦屬無從措手既知積重難反若必強令各商按限完課不獨貽誤奏銷抑且深慮全綱倒壞不得不通籌全局量手變通辦理茲經飭據現任福建鹽法道吳大廷會同藩司張銓慶就現在情形悉心體察計商幫每年正溢兩奏共應銀二十萬六千一百餘兩今以四年勻分每年應帶完銀五萬一千五百餘兩再分正溢兩奏每奏又僅應帶完銀二萬五千餘兩各商勻認為數無多尙不難力籌完繳惟有將三年正課二年溢課奏請停辦一年即以四年三月改辦二年正課十一月改辦

初編卷二十四

三

元年溢奏其四年正奏即復歸原限於五年八月造報三年溢課即於五年十二月造報除現辦二年正課為期已逾不及帶完外即自本年十一月造報元年溢課起按年起限核數帶完分清欸目附案報銷不准再有延欠似此酌為停辦立限帶征不獨一年仍辦兩奏為時不迫商力可紓即從前推展之案今亦藉此扣清不致復有推展紊亂之患名雖停辦一年奏銷其實額課轉較常年有盈無絀並聲明官幫應完正溢各課本係征存未解除上年失守之漳州等府縣應歸失守案內

扣除另查辦理其龍巖一州雖係商幫亦經失守亦應  
另查核辦外其餘均應飭令鹽法道設法追完先行核  
實補報又商幫積年欠課亦應責成該道實力清釐嚴  
爲追繳不得再任延欠詳請具奏前來理合據實具奏  
合無仰懇

聖恩俯念閩饑凋疲情形准予

敕部照議核覆以便力籌整頓而紓商力之處出自

逾格鴻施臣謹會同福建巡撫臣徐宗幹恭摺具

奏伏乞

初編卷二十四

四

皇太后

皇上聖鑒訓示施行謹

奏同治四年六月十五日

瀝陳閩饑積弊請試行票運摺

奏爲瀝陳閩省餉務積弊應請試行票運以挽全綱恭  
摺奏祈

聖鑒事竊查福建鹽課自

國初定制歲僅徵銀八萬五千餘兩雍正元年各場委  
官監營地方官隨處設卡委員收稅先完課而後給單  
聽其配運售賣至乾隆七年

奏定盈餘銀十四萬一千餘兩較之原額增至兩倍後  
因歸商辦理劃地分售即以當年所收稅銀作爲引額

初編卷二十四

五

此法一變商之洋費遂增鹽之行銷遂隘後人補偏救  
弊朝令暮更於是分而爲官幫爲商幫爲縣灣官銷引  
滯則責令各商代銷舊商久裕則勒令新商攤補迨道  
光年間一變爲倉商再變爲試辦三變爲官運而鹽法  
之敗壞極矣就西路商幫論之一商倒幫分派各商代  
課課額愈多成本愈重又加以規費之需素流交之節  
息海淡之險阻虧折坐耗不數年而資產蕩然倒罷相  
繼此商幫之積弊也商幫倒罷運額無人認配則又變  
爲官運試辦之始銷路尙寬疏逼迫其後官視爲利藪

開銷挪墊虛抵塘塞辦運者扣費以入私橐督銷者賣私以取盈餘比課額太懸則又捏報失水搶設等情上下分肥弊端百出遂致所領成本逐漸消磨此官運之積弊也縣灣各幫距場較近收私實私習為固然其始地方官姑為隱忍久之官勢浸衰私梟浸熾遂於埕私場私包私船私幫私引私之外復有糾黨持械明目張胆之担私與官爭利與商為讐到處皆然無從捕治此縣灣之積弊也福興漳泉各府二十一廳縣謂之官幫向皆歸縣徵收毋論已未徵存均應按日計算責令完

初編卷二十四

木

課久著定章奈州縣畏難苟安任人包辦名曰稜戶稜戶者即館辦之別名也其因地方民情刁蛮不敷征解者有之而獲有盈餘者實亦不少乃因甲年所收之錢必待乙年

奏銷遂相率以二三分抵兌藩庫軍需官銷無著之款避免葺職處分其餘則盡飽私囊據為已有雖歷任鹽道嚴札頻催而抗延不交竟成積習此官幫之積弊也各場員有督職配運之責有緝私修坎之責今因場員大半無存官坎莫考遂不駐場經理借寓省垣遇有海

私進口商人收買運銷各場員則冒認場分指私為官截角收買藉圖漁利以致埕坎全廢遍地皆私濱海愚民久不知場員為何官配鹽為何事肆無忌憚糾眾橫行此場務之積弊也夫鹽為天地自然之利綜計閩省全年財賦以四分計之鹽居其一惟利之所在弊即叢之難軍興十餘年間省被禍較他省為輕閩省鹽課較他省為少而積弊相沿竟至日引月長全網不可復問此臣等所以亟籌通變之方也咸豐元年戶部奏閩省商疲引滯請飭在於就場徵課按包抽稅二條詳細妥

初編卷二十四

七

籌擇一可行之策另議章程據實具奏已奉俞允嗣因上下游軍務繁興未及會辦奏覆至咸豐三年又據御史蔡徵藩條陳閩省鹽務請修復收稅舊章按照現商完課數目改收場稅關稅一摺又奉

敕下詳悉妥議切實具陳後經前任督撫臣奏請將續倒懸額七百五十餘蓬試行招販辦運行之未久成效無聞竊維兩淮改票之案在承平之時一經變通課額較旺即近年皖浙被兵之後商散民窮舉行票運釐課並抽亦復有裨軍餉閩省僻在海陬山水險

阻雖非商賈輔勝之區然各屬地方被擾較輕西路各  
幫膏商猶在其間官幫樸戶藉此營運者又復不少誠  
能改行票運仿照皖浙辦法釐課並抽其餘冗費概行  
裁革並飭各場員駐場督配各府州縣分設局卡重抽  
私販開設官行勻配銷數干游濱海一帶產鹽地方酌  
撥師船梭巡以杜担私船私偷漏或可稍事補苴據福  
建鹽法道吳大廷稟擬條款請

奏前來臣等查閩省鹽務積弊相沿已非一日全網受  
病亦非一端該道所稟洞悉弊源計惟改行票運釐課

初編卷二十四

八

並抽庶可藉圖整飭除現定條款甫議試行尙有未盡  
事宜批飭隨時妥籌稟辦外合無仰懇

天恩俯念閩省鹽網疲壞准予改行票運試辦一年限  
內容臣等督令該道儘征儘解免計分數考成俾得切  
實整頓察看一年限滿如果行有成效再行奏請著為  
定章謹合詞恭摺具

奏伏乞

皇太后

皇上聖鑒敕部核覆施行謹

奏同治四年六月十五日

初編卷二十四

八

閩省商疲課絀懇請減免積欠帶輸銀兩摺  
奏為閩省商疲課絀積欠帶輸銀兩懇

恩分別減免恭摺奏祈

聖鑒事竊照閩省商幫積欠道光二十九年溢課三十  
年正課為始截至咸豐七年正課六年溢課為止各年  
分造報奏銷案內未完正溢課銀及停緩三十年溢課  
並被匪滋擾停緩帶征咸豐六七兩年正課五六兩年  
溢課又道光三十年

恩免案內剔出現商應完正溢課銀統計商幫未完各

初編卷二十四

十

年分積欠帶徵等銀入十萬九千一百九十三兩零又  
道光二十四年釐定鹽務招舉新商案內截清舊欠銀  
四十七萬六千七百三十七兩零前經

奏准每年帶輸銀二萬兩除已經征完外計尚欠銀三  
十五萬五千六十四兩零二共欠銀一百一十六萬四  
千二百五十八兩零經前司道於咸豐九年間詳經前  
督臣慶端

奏請自咸豐十年奏銷九年正課八年溢課為始併為  
一起歸於新舊各商責令每年勻完銀一萬兩奉部核

覆每年完銀二萬兩核計須五十餘年方可完清未免  
為限太寬議令分限四十年每年完繳銀二萬九千一  
百餘兩轉飭遵照按限催完在案計自咸豐十年起限  
迄今已歷四限每限應征銀二萬九千二百兩共應徵  
銀一十一萬六千八百兩僅據完繳銀三萬一百八十  
六兩零未完銀八萬六千六百一十三兩零又未居限  
應征銀一百零四萬七千四百五十八兩零二共未完  
銀一百一十三萬四千七十二兩零該司道查此項帶  
輸銀兩委係商幫積欠課款所致每年雖經責令限完

初編卷二十四

十一

無如積疲已久商力不支倒退懸額愈多至今乏人承  
接兼之幫地連年被擾銷數短絀課解不前應完本額  
課款尚屬自顧不遑前項帶輸已歷四限僅據徵完銀  
三萬一百餘兩核計每限止完銀六七千兩實因倒革  
懸額以故短欠甚多是雖有帶輸之名究無帶徵之實  
現在閩省鹽務全綱倒塌殆盡吳大廷抵任後查悉情  
形業經設法變通試行票運併酌抽釐稅以濟餉需另  
摺

奏明在案惟商累未紓票運難期踴躍該司道細查前

項帶輸銀一百一十三萬四千餘兩內惟道光二十四年釐定鹽務截清舊欠案內有補司道兩庫墊款銀二十六萬二千八百六十五兩零前已

奏准分年帶輸歸補其餘銀八十七萬一千二百六兩零均係歷年積欠帶正并倒革各兩欠繳無著之項檢查部案乾隆四十五年雲南清查商民積欠四十六萬一千六百餘兩欸案

恩旨分別有著無著追賠在案現當整頓錢綱清釐停欠之際擬請將前項帶輸銀兩內有關歸補司道庫墊

初編卷二十四 五

欸銀二十六萬二千八百餘兩別出仍遵照

奏案每年責令限完銀二萬九千二百兩照案帶輸歸補其餘銀八十七萬一千二百餘兩均係商幫歷年積欠無著之欸與其此追而徒事虛文莫若寬免而可保

新賦據福建鹽法道吳大廷會同布政使張銓慶詳請具

奏前來等覆查閩省商疲課絀全綱倒罷殆盡均係實在情形合無仰懇

天恩俯准分別減免以恤商艱而保新賦除咨部查核

外臣等謹合詞恭摺具

奏伏乞

皇太后

皇上聖鑒訓示施行謹

奏同治四年六月十五日

謝陳分派師船巡緝閩浙洋面捕盜片

再浙任甯波台州温州等處洋面遼闊島嶼紛歧時有盜匪出沒藩司蔣益澧前護浙江巡撫任內曾檄委副將銜留浙補用參將張其光赴粵僱募紅單船十號來

初編卷二十四 三

浙巡緝茲於五月初五日據報各船先後抵甯已分撥

温州黃巖定海黃道關四處海口每處船二號其餘船二號並該司從前購存現派從九品羅啓元管帶駐防黃道關之大艇一號一併歸張其光管帶駐泊甯波隨

時在温台黃道關一帶洋面往來核巡輪流協緝所有駐防何處海口船隻即歸何處鎮道節制調遣據蔣益

澧具稟前來臣查浙江洋面不靖與閩洋情形畧同臣現已咨商福建水師提督臣吳全美派撥署金門鎮總

兵郭定猷等管帶紅單船十五隻分巡福州海壇至浙

江温州甯波黃道關等處現浙省亦僅有紅單師船  
當檄飭兩省沿海文武合力兜擊以期永靖海疆用收  
實效謹會同浙江撫臣馬新貽附片具

奏伏乞

聖鑒謹

奏 同治四年六月二十日

初編卷三十四

十四

越境剿賊迭勝并擊退閩邊賊匪情形摺  
奏為官軍越境剿賊迭獲勝仗賊回竄閩邊官軍擊退  
現籌辦理情形恭摺馳

奏仰祈

聖鑒事竊高連陞黃少春劉清亮等軍退至武平連獲  
大捷閩境一律肅清時汪海洋一股前隊已竄粵境關  
入鎮平縣城五月十八日粵軍劉安邦擊卻之旋因股  
匪繼至鄧安邦迎擊失利二十二日縣城復陷并擾及  
平遠分黨向竄嚴前上赤一帶二十九日高連陞等各

初編卷三十四

十五

率所部進剿黃少春與道員魏光祚等由高梧進南行  
二十餘里即遇賊二千餘蜂擁而來黃少春等麾軍急  
擊賊潰走官軍追殺斃賊二三百名生擒四十餘名高  
連陞劉清亮等馳至上赤亦殺賊數十名生擒百餘名  
乘勢疾追七八里連破賊館十餘處斬賊甚多餘逆仍  
向鎮平遁去時延建邵道康國器一軍已進駐嘉應所  
轄松源地方機會合高連陞等軍由嚴前進規鎮平閩  
五月十七日高連陞等至嚴前取齊謀賊將取道武  
平以竄江西康國器改由三溪口以進高連陞遂率五

營扼紫中赤飭魏光邴等四營與黃少春所部扼紫巖前劉清亮所部扼紫下壩二十日各出隊至分水劫見有賊數百築卡踞守高連陞黃少春當飭各營分左右兩路抄擊自率魏光邴周紹濂等由中路進擊該逆見閩軍驟至倉皇遁走官軍乘勢追殺趕至坳口因山徑險仄不便窮追將賊卡踏毀收隊而還適僑利王朱興隆前於平和敗竄時帶傷逸去到粵後與偽稽王吳玉堂合踞嘉應州轉龍虎墟一帶密赴松源乞降康國器令降人朱義德即朱朝恩前赴龍虎墟諭其密圖汪逆

初編卷二十四

七

詎朱朝恩設投花旗賊在火姑館中爲霍逆所留朱興隆聞知馳往解救霍逆愈疑率黨急圍其館朱興隆與玉堂覓間脫走投粵軍邱安邦營中乞撫邱安邦許之令朱興隆改名朱朝恩隨同剿賊康國器因內閣未成汪逆又有竄武平之說十五日遂督各營由三溪口進剿行抵藍坊即與賊遇各營奮勇直前賊大潰俘賊多名乘勝進薄賊卡又破之羣賊翻山竄回鎮平正擬由高思前進會粵軍共圖夾擊忽探汪逆分撲嘉應州距城二三十里石降徑之保字營白渡之升字營均被賊

攻陷營官林保等僅以身免粵軍退保嘉應州賊氛蔓延白渡油坑口六坑梅子坑連塘崗江南竹新舖墟一帶州城岌岌二十一日康國器改赴龍牙二十二日派隊由高山一路哨探遇賊數千正攻民寨湯彪羅洪標林樞率所部分路突出殺賊六十餘名生擒九名餘賊悉遁二十三日康國器督飭各營進駐高山該逆頭隊俾賊千餘適抵五密總兵吳光亮等分路迎擊都司湯彪從開道繞出賊後截之賊駭走官軍隨從追剿沿途擒斬二百餘名奪旗幟軍械二百餘件至酉刻始行收

初編卷二十四

七

隊該逆即是夜棄壘竄回鎮平康國器急起追擊斬尾賊多名將白渡新舖墟一帶賊壘賊卡悉數平毀謀報匪營叛平方姓等率黨由湖南江西廣東邊界直竄與甯縣與汪逆會合賊復張汪逆前知江西粵東邊界防兵甚多慮難窺越仍由閩邊偷竄江西六月初三初四初五等日有賊數千由鎮平逾分水劫分數路至閩邊廣福鄉一帶偷割草稻均經高連陞黃少春等擊走至初六日初刻汪逆復大舉入犯一由分水劫出廣福鄉撲廣前官軍一由分水劫出左路山谷撲豬殿劫



十以撲中赤官雷其撲賊者賊眾約三萬餘黃少春  
率各營與之高連陞分所部道員魏光祚副將郭志公  
及都司錢桂仁遊擊程學明由右路黃少春率中營及  
記名總兵周紹濂劉端昆參將伍先申馬步隊由中路  
副將湯復春張大雄馬駿發參將謝復雲由左路齊抵  
廣濟鄉遇賊大至官軍三路迎擊大賊十餘合陣斬騎  
馬賊目二名斃大旗悍賊百餘逆眾敗潰右路魏光祚  
等與賊鏖戰兩時擬保都司徐正冠擬保守備查金榜  
均中鎗陣亡魏光祚張志公錢桂仁程學明見地闊路

初編卷二十四

六

歧且戰且退收隊上山賊分支抄來並從寶塔山邊繞  
出中路之後黃少春劉端昆周紹濂謝復雲等分爲四  
隊縱橫馳突賊始披靡湯復春下馬挺矛大呼駭陣忽  
爲賊洋鎗子飛貫頭顱立殞陣前官軍稍卻黃少春歷  
軍縱擊周紹濂身中子傷劉端昆左臂受刃傷均裹創  
血戰士氣百倍立斬騎馬賊目二名斃先鋒得賊數百  
所奪賊旗皆書康王字標知汪逆親至也知府銜候選  
通判龍朝翼銳欲得之縱馬深入中伏陣亡魏光祚等  
在山上與賊稍持良久伺賊稍懈塵隊衝殺而下賊復

敗潰其撲豬股坳營卡者約二萬餘適曹光德於先夜  
五更帶隊巡哨至卡賊至即憑卡助堵飛報高連陞言  
賊眾且銳連到則不守矣高連陞即率親兵及洋鎗隊  
馬步各營馳至大呼殺入曹光德亦從卡內殺出賊大  
潰退然廣福鄉四山遠近賊猶盤立如林有黃短掛悍  
賊數千踞卡對面山巔盡以所得廣東線鎗向卡施放  
子如雨注勢難久持高連陞令黃北海李士順分兩路  
由山麓探騰而上賊驚愕無措拾石亂擲何世載以大  
刀撥石砍斃賊目一名賊即紛退下山官軍鎗礮壓擊

初編卷二十四

七

刀矛並舉賊之般斃跌斃者約數百計生擒廿餘名忽  
一賊率洋鎗賊隊飛奔而來據生擒賊供騎馬當先者  
爲總統護將偽朝將伍金保自稱無敵汪逆選悍賊爲  
護軍令其統帶以衝堅陷陣者也高連陞令壯士各擊  
洋鎗指此賊排轟之立即中鎗墜馬而斃數百賊以大  
旗裹其屍昇之而遁羣賊見伍金保死爲之奪氣高連  
陞遂麾各營分路急擊沿途殺斃羣賊約數百計追至  
羅岡逕挾賊多擁擠而斃者不知其數適汪逆自殿前  
馳接喉羣賊回頭拚命死鬪與官軍刀矛搏刺良久而

嚴前之賊經黃少春等擊敗者又併趨此路賊眾見兩路皆敗無心戀戰亦即却退高連陞追至分水坳下始收隊而還初七日賊伏踞不出初八日汪逆復糾僞佑王偽楊王偽平東王等各賊黨及由江楚竄粵新附之叛卒仍踰分水坳而來人數較初六日尤多謀報各賊傾巢而至各裏兩日糧以隨僅留僞陪王譚富守鎮平城誓必破此關卡取道武平汀州以竄江西高連陞黃少春先於初六夜會商賊如再至當堅壁拒之俟其氣衰力竭然後開壁縱擊庶可收以逸待勞之效是日登

初編卷二四

三

高望之見汪逆出分水坳即揚旗列營口而令各賊分起擺列或隱或現賊旗間林木中自分水坳下至何隘巷擠門後一帶直可十餘里濶倍之勢仍張甚官軍知其將誘我窮追遲彼抄襲之計也偃旗息鼓伴若不知此賊逼近始令排砲一轟之賊退仍寂然如是者數次至未申之交兩路擊鼓揚旗而出賊即駭奔高連陞黃少春見賊進之銳而退之速始猶疑其詐也旋見嶺下各賊皆奪路回遁急傳令躡蹤追擊僅擒斬落後賊百數十名該逆縮入分水坳即夜悉遁回鎮平縣城矣計

嚴前諸股劫連日戰事其實斃悍賊千數百名生擒百餘名奪獲旗幟軍械七百餘件洋鎗線鎗三百餘桿而將士陣亡者百餘名受傷者約近二百名蓋亦血戰矣竊維汪逆竄入粵境人數雖尚數萬之多加以零股及靈營叛卒竄併合計亦不踰十萬所踞鎮平各處險瘁異常勢難久踞汪逆敗竄之餘猜狠日甚閏五月十三日殺侍逆之黨偽王宗李元茂等以徇雖以李世賢之死罪偽王宗實則驅除異己者以示威耳自是賊中益相猜貳廣東諸賊日向附侍逆者多不直之偽陪王譚

初編卷二五

三

高等曾遣其黨赴康國器營輸款似其機頗有可乘惟是漳州雖緊連粵境疆域攸分嶺道迂險文報非經月不達彼中軍謀一切未能懸揣此賊既未能就廣東境內殲滅終必遂其竄越江西本謀現在高連陞黃少春駐營嚴前中亦劉清亮駐營武平下壩均距鎮平數十里而近聲勢尙為聯絡臣宗棠又飭道員張恆祥帶所部湘勇由上杭移駐高梧署龍巖營遊擊賴長帶所部移駐永定互為犄角而劉典一軍則能暫駐汀州濯田一帶相機應之臣等自當隨時籌度調遣以期兼顧至

力戰陣亡之副將湯復春驍勇素著上年截剿湖州竄賊案內擬保總兵此次血戰捐軀應請照總兵例賜卹知府銜候選通判龍朝翼策馬衝鋒力戰殞命應請照同知例從優

賜卹擬保副將蔡將銜花翎遊擊黃春田擬保藍翎都司王朝先擬保都司徐正魁擬保守備袁金榜應請均照擬保官階

賜卹藍翎千總何亨全應請照守備例

賜卹以慰忠魂所有各戰獲勝情形謹據實馳

初編卷三十四

三

奏伏乞

皇上聖鑒訓示施行謹

奏 同治四年六月二十六日

軍機大臣奉

旨另有旨欽此

附陳剿辦下游土匪情形片

再閩省興泉永漳等處民俗向稱曠悍久同化外上年賊陷漳州各屬土匪竄起從賊抗官乘機剽劫時番小戶良善鄉民遭其毒害堪髮指臣等曾將辦理情形

附片奏明在案茲查永春州屬何山寨地方相傳宋末有宗支避地於此據險結寨後遂為土豪通匪竊踞之所官兵從無敢深入搜捕者近有州屬會匪劉光居謝險謝近結黨嘯聚當賊陷漳州時妄圖響應漳州克復後臣等委道員朱明亮督同署永春州知州周式濂帶勇馳往剿辦察看進兵之路一綫紮紆匪衆於峯回路轉之處又層列鎗礮憑險死拒朱明亮迭次逼寨猛攻壯士傷亡頗衆乃多剷大松樹為礮對寨門緊轟復將寨前汲道斷絕匪黨慌竄出巢官軍乃乘勢殺入斃匪

初編卷三十四

三

三十餘名生擒匪首劉光居謝近及涂槍劉范劉付王華范堅劉樹陳橫涂嫩鄭益等十一名將匪巢一律平毀又同安縣前次入城漏網餘匪除陳首雜案正法外餘匪逃匿縣轄龍溪鄉山頂地勢險狹亦與何山寨相仿而寨外古木龍從層疊十餘里密處僅通一人尤難著力臣等委記名總兵和貴帶所部新右營勇馳往剿捕駐辦月餘始將匪巢攻破轟斃匪首楊聯洪甜生擒要犯楊衛楊水楊沈楊玉楊首等五名署同安縣知縣白冠王亦於時購線緝獲匪首邵致一名現僅匪首

張僻在逃未獲又興化府屬向有烏白旗會匪烏旗匪首張烏奔五九咸豐十一年間因與王姓爭田起衅縱火焚燒各村并糾匪黨千餘戕官拒捕旋經官軍剿捕而張烏奔五九漏網未獲茲據署興化府知府章倬標會同署興化協副將常山設法將該犯弋獲始正刑誅又龍溪縣屬南路各鄉當賊陷漳州或通賊接濟或引賊搜掠或甘受偽職或潛作奸細經臣等督飭地方文武迭次諭令各該鄉社將首犯緝獻一面督兵掩捕將首犯柯扁陳蓋及馬降等先後斬梟其餘各鄉尚懷觀

初編卷二十四

請

望而崇福社一鄉向以攔路劫搶擄人勒贖為事兇橫尤甚上年曾勾逆賊攻塔石碼頭事平之後猶復明目張膽擄人擄詐不休土人相戒不敢送出其途有誤由該村經過者則擄歸拷掠勒詐其村後有一石洞遇勒贖不遂即將其人致斃拋屍洞中滅跡臣等委署漳州鎮總兵羅大春前往查辦該匪等竟敢出社抗拒經羅大春督飭兵勇四面圍剿斃匪一百七十八名拔出被擄新民陳黃脚繫鐵線尚未脫也生擒十餘名立將村社平毀遠近稱快伏維閩省沿海一帶負山瀆海久為

匪盜盤踞之鄉遇捕捉緊急則上山入險寨下海通番邦無不倖免此次賊陷漳州乘機竊發在在皆然固亦有恃而不恐也臣等已一面出示剴切曉諭并刊布諭開六禁廣為傳布以醒愚頑一面督飭地方文武逐漸整頓固不敢舍彼有眾亦不忍急疾於頑求以副朝廷仁育義正之懷慰斯民除暴安良之望而已所有此次剿匪陣亡之花翎都司朱得福應請旨飭部照例議卹理合附片具陳伏乞聖鑒施行謹

初編卷二十四

請

奏 同治四年六月二十六日

軍機大臣奉

旨另有旨欽此

恭報蘇軍回滬日期並請應否派署提督摺

奏為恭報蘇軍回滬日期並陸路提督篆務應否派員

接署請

旨辦理仰祈

聖鑒事竊臣前准署兩江督臣李鴻章抄摺咨會飭前

派接閩之提督郭松林楊鼎勳兩軍由閩繞赴江西湖

南邊界相機迎堵臣當以閩境肅清漏網餘逆僅在海洋一版慮入廣東而直東一帶時事方殷權其緩急輕重蘇省援閩之軍仍應回蘇以備調遣至兩軍回蘇或由海道赴滬或由江西入皖拜摺後即自商郭松林楊鼎勳自行酌度旋准郭松林楊鼎勳稟稱仍須由海道回滬閩五月十四五日各率所部從詔安雲霄馳抵廈門並營新廈局一面籌給行糧一面備備船隻因火輪三板等船一時未能催齊郭松林即於二十三日先率親兵由輪船回滬楊鼎勳於初二日續行至六月二十

初編卷二十四

奏

三日各船已一律起旋除抵蘇日期另由署兩江督臣奏報外理合恭摺馳陳再郭松林現署福建陸路提督此次回蘇提督篆務應否派員署理抑即交本標中軍將代拆代行并係

旨施行伏乞

皇上聖鑒謹

奏同治四年六月 日

軍機大臣奉

旨另有旨欽此

軍機大臣 字奇廣州將軍兼署兩廣總督瑞麟閩浙總督一等恪靖伯左宗棠福建巡撫徐宗幹署廣東巡撫郭嵩燾傳諭護理江西巡撫布政使孫長祜同治四年七月二十二日奉

上諭左宗棠等奏官軍越境剿賊獲勝賊匪圖由閩竄江並與泉永漳等處剽匪情形各摺片汪逆盤踞鎮平復分撲嘉應州經康國器督軍援剿將白渡新鋪墟一帶賊壘賊卡平毀該逆復以江西粵東邊界防兵甚多圖由閩邊分竄江西遂分兩大股出撲嚴前猪股切官

初編卷二十四

奏

軍營壘連日經高連陞等軍奮勇血戰計斃悍賊千數百名該逆仍退回鎮平盤踞所奏情形較廣東前奏更為詳盡鎮平地方險瘠該逆勢難久踞終必遂其竄越江西之謀康國器一軍由嘉應州一路進剿本嫌單薄此時賊既擬由武平竄江高連陞黃少春駐紮嚴前中赤之師劉清亮駐紮武平下壩之師均距鎮平僅數十里正可迎頭進擊就地殲剿以杜其入閩之計且汪逆猜狠日甚驅除賊匪日多不附之其勢自將內訌正可乘機就其遺黨輸誠者使之內應尤易得手著左宗

崇卽飭高連陞等得勝之師移營進逼鎮平與康國器一軍及粵省官軍夾擊毋失事機其武平上杭各路應防處所仍著該督厚集兵力節節布置毋令旁逸並著瑞麟郭嵩燾令李福泰督方耀等軍併力進攻以成合圍之勢其江西之會昌長甯等處孫長綬已飭席寶田等扼要嚴防著仍遵前旨飭令前赴粵境與閩粵官軍三面圍逼以期一鼓殲除毋稍觀望福建興泉永漳等處民俗獷悍動輒乘機譁起經左宗棠督飭地方各員將永春同安興化龍溪各屬匪徒剷洗平毀巢穴辦理

初編卷二十四

天

甚屬認真仍著左宗棠徐宗幹飭令地方文武盡力搜捕無留餘孽其嚴前豬股坳等處剿賊力戰陣亡之副將湯復春著交部照總兵例議卹知府銜候選通判龍朝翼著照同知例從優議卹擬保副將參將銜遊擊黃春田擬保都司王朝先徐正魁擬保守備袁金榜均著照擬保官階議卹千總何亨全著照守備例議卹興泉等處剿匪陣亡之都司朱得福著交部照例議卹以慰忠魂另摺奏郭松林等軍由海道回滬已據李鴻章奏報矣郭松林所著福建陸路提督卽著左宗棠揀員奏

明派署以重職守又福建藩司張銓慶本日已降旨革職並將王德榜簡放福建布政使鄧廷枬已簡放按察使矣該二員能否勝任著左宗棠隨時察看據實具奏將此由六百里諭知瑞麟左宗棠徐宗幹郭嵩燾並傳諭孫長綬知之欽此

請將老湘營官熊常富革職摺片

再駐守永定獵射四新洲老湘各營於四月二十二日被賊攻陷臣等曾將該軍統領記名總兵王開琳奏參革職留營効力在案茲據王開琳稟稱老湘右營營官

初編卷二十四

天

熊常富於四月廿二日賊陷老中老後兩營時值營中子藥礮石俱盡熊常富督守前營門詎賊從後營門翻入熊常富手及數賊力竭被執屢次求死不得至五月十三日賊窺鎮平擄糧始乘間脫出奔赴汀州稟請參辦前來臣查熊常富平日打仗尙稱奮勇此次獵射四各營失挫不能設法堵禦所部勇丁死亡過半實屬咎無可辭相應請旨將參將熊常富革職摺問以肅軍律其陣亡將弁容卽查明彙奏請

御理合附片具

奏伏乞

聖鑒謹

奏 同治四年六月二十六日

軍機大臣奉

旨熊常富著革職等因餘依議欽此

初編卷二十四

三

恭將克遂接江肅清衢郡各員照原請給獎摺

奏為克復遂安援剿江山肅清衢郡在事出力各員懇

恩仍照原請給獎恭摺奏祈

聖鑒事竊照克復遂安援剿江山肅清衢郡在事各員

經臣於同治元年八月間開單奏獎欽奉

諭旨允准在案旋於上年五月接准部咨以各員勞績

未據分晰咨紋應俟查明再行核辦臣比即註明咨覆

嗣因克復遂安嚴州金華及援皖援江各案皆未填註

考語事隔兩年各營有已經遣散者各員中亦有續經

初編卷三十四

三

保陞及病故者經臣於上年十月奏明可否將以上各

案免其加考俱照原請給獎十月十五日欽奉

上諭各營已經遣散及續經保陞及病故各員均著免

其加考仍照原請給獎該部知道欽此茲又於同治四

年閏五月二十三日接准部咨以所保免補免選越級

請陞及加候補班次各員無攻克城池斬擒逆孽字樣

概行議駁於同治四年正月十四日具奏奉

旨依議欽此伏查杭城白咸豐十一年十一月失陷後

浙江全省概付淪胥僅存衢州一城勢亦岌岌臣提楚

軍八千餘人奉

命入浙由開化馬金轉戰而前力攻遂安克之分軍扼守斷賊右臂蹙皖南江西之衝嚴後路之防而後進解衢州重圍敗巨逆李世資於江山肅清衢州遮其犯闕之路乃得進攻龍游以規復浙東諸郡是役於兩浙全局傾覆之餘卷甲悉趨以取破竹之勢俾皖南江西十閩亦相庇以安於東南夫心不無小補其時孤軍深入勢極艱危而餉事則尤朝不謀夕幸諸文武誓死相隨共搢危局或荷戈而戰或偕箸而籌或奔馳効命於賊

初編卷十四

三

氛四逼之中或綢繆轉側於干戈滿眼之際備嘗艱險乃獲一階半秩以相酬現在服官閩浙兩省者有之相隨征戰者有之積勞致疾中道而殞者有之政績優異盡瘁而歿者有之當時軍府初開人才競奮其績膺獎敘陞階及擬保陞階尚未出奏者尤不乏人茲部臣擬以爲尋常勞績將臣軍初次保案核減而且同治元年保案遲至四年始行奏駁又在上年十一月十五日欽奉諭旨准照原請給獎之後其續預獎敘者既未可因前

案被駁而并奪其後此之陞階其已委署地方著有政績者又未可以身後保案注銷而追視其生前之官職事涉紛歧何從遵守謹將原請各員清單錄呈御覽伏懇

飭部概照原保給獎以昭公允抑臣更有請者吏部章程除攻克城池斬擒要逆其餘不准保奏免補免選越級請陞及各項籌餉局務人員祇准保奏議敘在部臣雖爲綜覈名實起見然有時攻克城池而未斬擒要逆有時斬擒要逆而未攻克城池其勞績實有未可概論

初編卷十四

三

者即如上年攻克湖州之先臣預奏嚴飭各營以追賊爲要不准以克城爲功迨堵逆黃文金伏誅全股二十餘萬就皖浙江西邊界掃除臣始奏請一律獎敘蓋非以前之苦戰不能迭克堅城亦非以後之追剿不能盡殲醜類若以新定章程必須攻克城池斬擒要逆兩者如格始准保奏免補免選言之則湖州大保一案幾無合例人員何以昭激勸之公而收延攬之效若以攻克城池擒斬要逆兩者有一於此即准保奏免補免選言之則此案開化馬金三捷克復遂安縣城及衢州江山



獲勝解圍實已與克復城池新定章程相合部臣何以復有追駁之議竊維軍旅之專論功行賞最難核實有無功而冒濫者有有功而掩抑者歷代官私紀載之書皆有同慨而當時并未開執一切之法以相繩蓋亦謂事變無常情形互異有時親履行陣者尙未能盡悉其功伐之等次勞烈之淺深勢難居堂奧而權衡閭閻之外也至督撫如有徇情濫保之事則臺省得而糾之部臣得而糾之得實論之如律可矣不必更將所保之人概與駁斥又籌餉轉運出力各員固為尋常勞績然觀

初編卷二十四

三

近日軍營有因欠餉過多或轉運不速致兵勇怨嘆甚或叛潰者貽誤大局實非淺鮮則此項尋常勞績中亦似應有區別若僅槩准保奏議敘所得不過加級紀錄實欠平允應請

飭下部臣從長酌議以策後効而咸全功合併據實陳明伏乞

皇上聖鑒訓示施行謹

奏 同治四年六月二十六日

軍機大臣奉

旨呂有旨欽此

同治四年七月二十二日內閣奉

上諭前因左宗棠奏保克復遂安援剿江山肅清衢郡出力各員請予獎勵無庸據該督奏稱以事隔兩年請免加考迭經降旨照請獎勵免其加考嗣據吏部以所保各員無攻克城池擒斬要逆字樣奏駁茲復據左宗棠奏稱咸豐十一年間浙江淪陷僅存衢州一城勢甚岌岌該督提軍入浙轉戰而前在事各員艱險備嘗共措危局於東南時局不無小補將原保各員開單呈

初編卷二十四

三

覽懇請仍照原請給獎等語此案浙軍由開化馬金進攻遂安攻克縣城迭次解圍獲勝核其勞績尙與克復城池准保新章相合所有此次出力之主事員獻綸等並著仍准照該督單開原保各官階給獎惟此案係同治元年奏保吏部何以至同治四年始行奏駁實屬遲延嗣後該部於此等事件務須明定章程立限辦理不得任意積壓該督所稱吏部章程除攻克城池斬擒要逆其餘不准優保及籌餉轉運出力人員祇准保奏議敘兩條均欠平允一節著該部即行妥議具奏單

併發欵此

初編卷二十四

三

特奏年力就衰之司道摺

奏為特奏年力就衰難期振作之司道請

旨革職並懇

迅簡賢能以重職守事竊福建吏治因循不舉餉事匱乏日甚臣已於入閩後畧陳梗槩曾奉

諭旨開省官吏因循積習難挽該督撫不妨隨時甄別奏劾以期日有起色欵此臣維閩境雖頻年用兵然較東南各省猶多完善之區如果經理得人則以本地官紳辦本地之事以本地財力濟本地之用雖時艱同值

初編卷二十四

三七

措措堪虞亦何至事竣驟乘即形束手乃臣自入閩以來積兵餉則積欠至二百五十餘萬兩之多聞現餉則僅止借外國洋商三十六萬兩之債所恃為通融之計者惟勸借一事先期發滙票委員向各紳富借貸現銀以票給之准抵錢糧釐稅預挪以應目前之急通計所得亦不過數萬兩而止此外則別無籌策也藩司張銓屢來延稟見時臣察其識見庸淺且年已六十有五語多健忘慮其不能勝任即飭委奏調來閩之周開錫吳大廷兩員會辦通省釐稅局務以佐之並許加訓勉冀

其在閩日久熟悉地方情形得以相助為理也維時該藩司亦力言銓度由閩省佐雜微員不數年蒙

恩擢至藩司苟有天良敢不盡心稍圖報効臣亦以為

誠不料臣出省後張銓慶於釐稅各務盡護之周開錫

吳大廷意存膜視於軍餉緩急從不過問即錢糧為藩

司衙門專責亦並不設法催徵截至六月止據報本年

上忙僅徵銀三萬四千八百餘兩較上屆更短解四分

之三此猶謂才力不足也臣赴閩時道過建甯府有附

刑之甌甯縣民人葉裕翰控其姪葉尾婢被圍總誣為

初編卷二四

三

土匪於咸豐八年六月賊退之後至十二月送營頭司

巡檢正月三十日斬決一案臣以此案獲犯遲而斬決

速竊疑其冤飭建甯府齎送案卷覆覈比閱其卷葉尾

婢之死係代理營頭司巡檢陶綬海稟請縣示署甌甯

縣知縣趙人同未經訊供即批飭正法比建甯府張文

斌批令提供則已斬決矣無論葉尾婢之死冤濫與否

應訊取確供以昭慎重即葉尾婢罪應就地正法亦非

巡檢所得而擬知縣所得而批況斬決在賊退半年之

後非迫不及待之時乎當札飭建甯府知府張桐熙

親提兩造訊取確供詳請具奏並札臬司衙門知照其

時該藩司兼理臬司專正飭建甯府以情與罪當速

詳銷臣復批飭專關枉殺良民不應潦草完結仍飭張

桐熙秉公研訊其時趙人同正署延平府知府臣比加

詰責趙人同無可置辯當飭司檄委現在此案尙未訊

結頃據該藩司詳稱建甯府知府張桐熙申報丁憂員

缺查有候補知府趙人同堪以暫行代理已由司給委

殊為詫異葉尾婢既係趙人同甌甯縣任內批巡檢正

法之事案既未結趙人同係應候傳質之員豈可委其

初編卷二四

三

代理建甯府兼以爲彌縫前任命案地步該藩司於臣

查辦此案之始則逕飭建甯府詳銷希圖草率完案於

趙人同撤委之後復委其代理建甯府案謂非任意即

係健忘此尤不能爲該藩司解者也該藩司於閏五月

十五日上稟言積勞成疾日漸加增懇請開缺回籍醫

治而封面用八百里排遞臣以其不知緩急未即批示

旋於六月十二日復稟患病仍未就愈勉於十四日起

病其意在揣摩巧爲嘗試可知應據實參奏請旨將福

建藩司張銓慶革職仍留福建俟經手各事逐一清釐

再准回籍督糧道周揆源年已七十有餘衰庸充位於時事漫不經心惟南米一事則斷斷不已蓋以衙門陋規所在也近因擅挪前興泉永道任內釐項劃抵南米與藩司張銓慶互相辯駁尤為可鄙經臣批飭明白稟覆尚未據覆至該道之早應劾罷則撫臣亦曾商及之應請

旨將福建督糧道周揆源革職以肅官常藩司一缺糧道一缺政務殷繁現當經理需才之時伏懇

皇上迅簡賢能之員赴閩履任以資整頓俾臣得收指

初編卷二十四

甲

臂之助實深感荷之至謹據實陳明伏乞

皇上聖鑒訓示施行謹

奏 同治四年六月二十六日

軍機大臣奉

旨另有旨欽此

同治四年七月二十二日內閣奉

上諭左宗棠奏特泰年力就衰之司道請旨革職一摺福建布政使張銓慶年邁健忘左宗棠派令周闕錫英大廷會辦通省釐稅局務該藩司於各務一意推諉於

軍餉緩急從不過問錢糧為藩司衙門專責而不設法

催徵較上屆更短解四分之三圍總証甌甯縣民葉尾

婢為土匪前署甌甯縣知縣趙人同未經訊供即批飭

正法趙人同於署延平府知府任內經左宗棠撤任查

辦案尚未結而張銓慶復委該員代理建甯府事該藩

司於閏五月因病稟請開缺用八百里排遞左宗棠以

其不知緩急未即批示旋於六月具稟起病實屬昏

糊塗意存惡稜督糧道周揆源年已七十有餘衰庸充

雜於時事漫不經心擅挪前任興泉永道任內釐項劃

初編卷二十四

甲

抵南米與張銓慶互相辯駁尤屬卑鄙張銓慶周揆源

均著即行革職以肅官常張銓慶尚有經手未完事件

著左宗棠飭令趕緊清釐再行回籍欽此

同治四年七月二十二日內閣奉

上諭王德榜著補授福建布政使福建按察使著邱廷

枏補授欽此

洛靖奏稿初編卷二十五目錄

閩軍剿賊獲勝現籌辦理情形摺

附陳湘軍索餉爭鬧情形片

浙省庫欸支絀請免撥添協餉摺

擊賊獲勝各軍分道進剿摺

請將救撥不力之將備革職摺

分路進剿大勝現籌辦理情形摺

奏報克復鎮平縣城追剿獲勝情形摺

附陳鮑提督所部仍請由該員自為主持片

初編卷二十五目錄

覆陳查明侍遊已為汪逆所殺情形片

陳請准將曾道開侯補缺後送部片

克復武康等城暨截剿竄賊出力員弁請獎摺

請給楊臬司三代二品封典以示優獎片

請將助剿出力洋將給子加銜翎頂片

查明迭次打仗陣亡傷故員弁請議卹

閩軍剿賊獲勝現籌辦理情形摺

奏為官軍剿賊獲勝現籌辦理情形恭摺馳奏仰祈

聖鑒事竊康國器一軍由嘉應州屬松源進駐嵩山擊

賊獲勝後六月初九日探知汪逆遣黨五六百人於棠

海亭地方築卡葦阻官軍進攻之路康國器即飭吳光

亮林本康熊飛羅洪標熊應烈等乘夜疾進比抵賊卡

甫轉四更官軍乘賊不意將火箭火彈一齊施放鎗聲

繼之羣賊驚潰官軍縱擊斃賊百餘名生擒十二名奪

騾馬五匹旗幟器械二百餘件逆遁回鎮平去先是偽

初編卷二十五

陪王譚富遣黨密赴康國器營輸欵康國器令其潛圖

汪逆旋因事洩譚富急率其黨五百餘乘間脫走赴廣

東藩司李福泰營乞撫偽朝將莫恩亦率黨三百餘人

投入康國器所部都司湯彪營中汪逆自譚富等脫走

後猜疑日甚各路設卡派親信賊黨稽察並噤靈營叛

勇黃矮子等分踞鎮平西南四十里黃杭東西陂磁溪

一帶均固匿不出二十七日康國器親督各營由高思

一路前進七月初二日飭羅洪標熊應烈湯彪所部進

紫距鎮平二十里官軍初六日飭康熊飛吳光亮由

左路進攻石坑排賊壘林本開鎮邦由右路進攻藍坊賊壘羅洪標熊應烈湯彪由程官埠進攻南坑頭賊壘康熊飛吳光亮甫抵石坑排該逆傾巢出拒康熊飛督哨弁羅魁康達等奮威衝擊吳光亮繼之轟擊逾時斃賊二十餘名賊仍死拒吳光亮密飭吳光忠分隊由間道抄出賊後兩面夾擊賊大潰乘勢攻破一壘殺悍賊三十餘名生擒十二名餘賊適棄壘翻山而遁當將石坑排賊壘三座同時攻拔其藍坊之逆見官軍大隊馳至卽率眾來迎林本開鎮邦分路痛擊賊應鎗倒者不

初編卷三五

二

計其數屢戰十餘合賊勢不支紛退入壘適康熊飛吳光亮等將石坑排賊壘攻破各率所部轉戰而來林本開鎮邦遂麾令各勇四面攻擊林本首先破柵而入各勇繼之斃賊二百餘名生擒二十四名將藍坊賊壘破毀追至高拱橋南坑大鎗礮之聲不絕時羅洪標熊應烈湯彪進攻南坑頭賊壘上垂破矣適逆首何明亮率悍賊數千飛奔來援康熊飛吳光亮林本開鎮邦從山中橫出截之與羅洪標等併力夾擊立將南坑頭賊壘攻破斃守賊百餘名逆首何明亮猶執旂令羣賊拚

死來衝官軍往來決盪十餘次愈戰愈奮賊勢不支紛紛棄械狂竄官軍追至鎮平東門十二里峯口村始收隊而還計是役斃賊一千數百名生擒二十餘名奪鎗砲旂幟九百餘件官軍亦陣亡九名受傷二十一名是日汪逆自率死黨夾分水坳一窺巖前一窺猪股峽均經高連陞黃少春擊退初八日康國器復督各勇分三路進剿康熊飛林本行抵南坑頭瞥見前面山岡賊旂密布逆首胡瞎子親率悍黨三萬餘結陣以待時吳光亮開鎮邦亦督勇馳至遂列於左右山脚以鎗礮仰攻

初編卷三五

三

該逆死據山巔不退相持至午適前約降之偽天將李積會務邵伯才年進恒偽朝將陸鵬鄧成李香鄧金麥祖等率黨四千餘人內應自焚其壘衝出該逆後隊驚潰康熊飛林本乘勢搶上山巔督勇奮擊吳光亮開鎮邦等繼之逆首胡瞎子被刺墜馬遁走各軍刀砍矛刺斃賊一千餘名追逼落崖死者無算官軍追至距鎮平南門八里大雨傾注始行收隊計是役共斃賊二千數百名生擒百餘名奪鎗馬二十餘匹旂幟器械一千一百餘件官軍陣亡十一名受傷二十四名此康國器一

軍連獲大捷之實在情形也竊惟汪逆海洋竄伏鎮平縣城後因圖兼併侍送餘黨先鋤異已者以立威賊中猜怨益甚而粵賊則意在搶掠本非該逆死黨除偽東平王一股及翟火姑林正揚外各懷去逆效順之心汪逆所以頑距鎮平未即遠竄者亦慮羣情瓦解一動即散耳然鎮平居粵閩嶺脊中巖谷幽險掠食維艱其勢斷難久踞現在康國器關鎮邦兩軍攻其東南距鎮平縣城不過二十里或十餘里高連陞黃少春劉清亮分紮武平邊境之巖前中赤下壩地在鎮平之北距鎮平縣城四十五里或三十餘里等又飭道員張恒祥率所部由上杭赴巖前替高連陞分紮巖前之軍回中赤以助下壩之防按察使王德榜率所部由上杭以趨象洞記名提督劉清亮率所部移駐盤龍岡皆以防為剿其幫辦軍務劉典一軍駐汀州本擬為援江西之軍見在江西無賊暫移駐濯田出行隊以助武平如賊蹤竄向江西自當就近趨援江西以期兼顧以此時局勢而論鎮平東南及東面北面閩軍已互相聯絡長圍壓賊之勢已成惟鎮平西路西南路可通興甯長樂龍川其

初編卷二十五

四

地距閩較遠中隔賊氛必須粵軍自為截剿非閩軍所能代為之謀是固地勢限之也高連陞來牘述廣東藩司李福泰函稱花旗各賊竄距龍川現催卓興先將花旗撲滅而後集龍長之師全力以規鎮平果能如其所擬則鎮平西路西南路竄蹤盡斷汪逆一股自可剋期剿除淨盡但未知卓興果能任此俾粵軍與閩軍同收夾擊之效否耳所有閩軍剿賊情形謹據實馳奏伏乞

初編卷二十五

五

皇上聖鑒訓示施行再此摺係 宗棠主稿合併陳明

謹

奏 同治四年七月二十三日

軍機大臣奉

旨另有旨欽此

附陳湘軍索餉爭鬧情形片

再臣欽奉同治四年六月二十一日

寄諭王開琳一軍新湘營既須整頓老湘營何以亦有索餉爭鬧情事著左宗棠等迅速籌設該營餉項以固軍心孫長綬即飭王開琳趕緊整飭隊伍刻日到防由

贛州一路督軍前進欽此伏查老湘營自咸豐十年隨  
臣宗棠剿賊陸續增至三千三百人先係保升總兵王  
開琳管帶後王開琳丁憂告假臣宗棠委現任吉南贛  
甯道王文瑞管帶王文瑞假歸後仍委王開琳接帶上  
年赴江西之援時王文瑞已任吉南贛甯道稟明撫臣  
沈葆楨增募勇丁四千名編為新湘九營其餉由江西  
籌給而營官哨長均由老湘分撥併歸王開琳統帶厥  
後隨同赴閩援剿名為援閩實則為江西固圍計耳臣  
宗棠以江西既為固圍計自應以防邊為重其老湘之

初編卷三十五

六

食浙餉者固與新湘同一統帶之員不便分調故當汀  
漳龍戰事方亟時王開琳全軍僅由汀州至永定而止  
臣並未嘗他調也四月二十二日永定獵射四之敗新  
湘六營老湘兩營俱陷宿將丁長勝死之為軍從來  
未有之事實其至敗之由則實因米糧匱乏軍士饑疲  
所致臣當飭解月餉令王開琳加意整理拔赴贛州以  
助江西之防王開琳抵贛後稟老湘左翼營左營忽有  
索餉索開情事並稱老勇口糧多者欠銀百餘兩少者  
亦欠八九十兩臣查老湘營自咸豐十年成軍以來舊

餉截至同治三年底止共止欠發銀八萬六千八百餘  
兩新餉截至本年閏五月止共止欠發銀二萬四千餘  
兩計每勇一名均勻攤算實欠不過三十餘兩臣入閩  
之初以閩餉罄竭諭各軍以浙江每月定協閩餉十四  
萬兩新餉可源源而來其舊餉均截至同治三年底  
止暫緩清給各軍知新餉旋來舊餉有著並無異詞本  
年正月曾附片奏明在案各軍同一支放章程何以該  
老湘一軍忽敢譟索並稱積欠至八九十兩百兩之多  
旋查新湘各營月餉須二萬三四千兩入閩以來江省

初編卷三十五

七

每月多則僅解銀七千兩少則解銀五六千兩計每勇  
夫一名勻算每月僅止得銀一兩上下較之老湘短絀  
懸殊又其時汀龍一帶米價騰踊斗米千錢尚無買處  
新營勇夫每日每名得銀不過三分半飽尚憂不足王  
開琳因新勇餓潰不得不於老勇浙餉內挪墊勻給而  
老勇以已分應得之浙餉為新勇所分心懷不服宜其  
譟索隨之臣宗棠當即嚴加批飭責令清釐旋據王開  
琳稟斷其倡首者六人而事已定據稟已由贛州開赴  
安遠挽紮未聞有他大約江西續發新湘之餉其事始



息也又據臬司王德榜稟所部長左三營勇丁一千五百名舊隸江西食江西之餉上年在江曾捐舊欠餉銀十一箇月自十月奏調援閩截至本年閏五月止僅領到江西餉銀二萬四千餘兩本年又欠發新餉銀四萬兩王德榜疊次請領江省皆不發給長左三營幾致譴瀆幸將所部開餉通融勻給乃資敷衍竊惟江西各軍食江餉而援閩者惟新湘營四千人長左營一千五百人而江西不隨時酌給致王開琳王德榜不得不挪閩浙之餉給之而王開琳所部食江西餉者又多於食浙

初編卷三十五

八

餉者以浙餉勻給食江餉之勇夫挹彼注茲尤形不足則亦無怪食浙餉者之譁索矣現准江西護撫卞崧煦王德榜所請以欠給長左三營餉三萬九千餘兩就近對撥王開琳所部老湘營臣擬卽以此劃給該軍舊餉而新餉仍按月照發此後自可無事惟是譁索之端一嗣士氣已鬱然不靖如江西之餉必譁索而後可得則各軍保無效尤而起者乎霆營叛勇何嘗非有功江西之人祇因積欠過多有所藉口遂致決裂不可收拾厥後雲慶一軍人間數月僅得餉二萬兩並向領食米

亦概停不發迨軍中大譁擁至贛州而後江西乃發餉銀七萬兩夫使知士卒困餓而躁之不可禁也則曷若以此七萬之餉先勻給之而必俟其譁索而後發乎臣觀各省近時籌餉用餉情形實不免鯁鯁過慮不禁煩瑣陳之伏乞

皇上聖鑒謹

奏 同治四年七月二十三日

軍機大臣奉

旨另有旨欽此

初編卷三十五

九

軍機大臣 字寄閩浙總督一等恪靖伯左宗棠廣州將軍兼署兩廣總督瑞麟福建巡撫徐宗幹江西巡撫劉坤一署廣東巡撫郭嵩燾傳諭護理江西巡撫布政使孫長綬同治四年八月十五日奉

上諭左宗棠徐宗幹奏閩軍剿賊獲勝一摺康國器一軍進剿鎮平賊匪疊破石坑排藍坊藍坑頭等處逆匪共獲賊三千餘名剿辦甚為得手汪逆竄伏鎮平疊經閩粵各軍圍逼勢孤力竭其勢斷難久踞惟窮極思慮自在意中現在康國器開鎮邦兩軍攻其東南距鎮城

僅十餘里高連陞黃少春等軍並分布鎮城之北皆相距數十里是東南北三面已成長圍之勢惟鎮平西路西南路可通與留長樂龍川閩軍尙難兼顧自係實在情形本月十三日已有旨令左宗棠馳赴粵境調遣三省之軍合力攻剿即著左宗棠剋期進紮將江粵各軍應如何布置務臻周密之處相機妥辦迅奏膚功左宗棠起程以後閩省邊防事宜徐宗幹當隨時咨商左宗棠認真籌辦卓興一軍剿辦花旗股匪情形若何著瑞麟郭嵩憲嚴飭實力進剿迅圖撲滅以便騰出兵力台

初編卷三十五 十

攻鎮平毋得曠日持久顧此失彼劉坤一孫長絨當恪遵叠次諭旨檄飭江省防軍進紮粵境合力圍攻鎮平以竟全功毋得徒事防守本境左宗棠另片奏王開琳等所部各營餉絀爭鬧情形軍營餉需刻不容緩江省於該軍應發之餉何以任意遲延直至該營滋鬧始行發給適開諜索之端孫長絨於此事辦理實屬不善嗣後新老湘營及粵軍慶所部各營餉銀著劉坤一等源源撥解毋令缺乏將此由六百里諭知左宗棠瑞麟徐宗幹劉坤一郭嵩憲並傳諭孫長絨知之欽此

浙省庫款支絀請免撥添協閩餉摺  
奏為浙省庫款支絀添撥協閩餉摺  
恩免撥添摺仰祈

聖鑒事竊臣欽奉同治四年三月二十八日

上諭官文所稱湖北每月協濟福建雲南貴州餉銀各一萬兩請即停止以便專解甘肅其滇黔閩三省軍餉請由附近之浙江四川勻撥一節滇黔之餉若照曾國藩所擬將來自可由川湘兩省分任惟福建之餉能否專由浙省供支著左宗棠馬新貽酌定協撥之數迅速具奏以便即照官文所請辦理欽此並准浙江撫臣馬

初編卷三十五 十一

新貽恭錄  
諭旨咨商到臣當以湖北應協閩餉自奉旨派撥之日起未曾解過分釐現在閩省協餉僅祇浙省按月報解湖北從未協濟並無所謂改撥咨覆在案茲准馬新貽咨據浙江布政司蔣益澧會同軍需局司道詳稱湖北協濟閩餉既未解過閩省協餉惟藉浙江接濟此時浙省每月協解閩餉銀十四萬兩甘餉銀二萬兩已屬竭蹶萬分所有添撥湖北協濟閩餉每月

一萬兩浙省實在無力籌措詳請

奏懇免撥等情轉咨前來 臣覆查無異相應請

旨俯准將湖北每月協濟閩餉銀一萬兩免歸浙省添

撥以免貽誤謹會同浙江撫臣馬新貽合詞恭摺具

奏伏

皇太

皇上聖鑒謹

奏同治四年七月二十三日

軍機大臣奉

初編卷二十五

三

旨戶部速議具奏欽此

擊賊獲勝各軍分道進剿摺

奏為官軍剿賊獲勝現飭各軍分道進剿恭摺馳奏仰

聖鑒事竊康國器一軍進駐鎮平東南高思程官埠將

石排坑藍坊南坑頭等處賊壘掃蕩後七月十三日汪

逆海洋復率悍黨二萬餘分八路漫山遍野而來康國

器飭各營嚴陣以待汪逆以大隊屯距各處山巔另挑

悍賊萬餘直撲程官埠營壘營官林本能應烈羅洪標

馮南斌等督隊更番猛戰自辰至未殺賊二百數十名

初編卷二十五

三

斬敵三十三級賊勢稍却康國器復飭康熊飛率昭武

兩營袁岳雲率德義一營橫截而出該逆分黨來拒康

熊飛等麾軍痛擊斃悍賊三百餘名斬敵四十五級生

擒偽神將祝雲等正酣戰間適吳光亮關鎮邦率所部

分路抄截又斃悍賊二百餘名陣斬偽神將朱三元生

擒偽先鋒游竹游諸生潘得壽等多名賊遂紛紛敗竄

時已戌刻官軍乃收隊還十四日汪逆挑親隨悍黨數

千即賊中號稱標旗手者並偽奉王黃十四等逆眾萬

餘傾巢來犯康國器料賊詭謀必虛攻程官埠待高思

各軍出援即圍襲後路當一面飭林本馮南斌率所部馳往程官埠助剿一面飭康熊飛吳光亮關鎮邦等嚴守營壘挑選銳卒伏於石灰崗烏泥嶺兩山之間伺賊竄入然後擊之辰刻汪逆果喉胡瞎子何明亮等率眾分撲程官埠營壘勢甚洶湧林本馮南斌熊應烈羅洪標湯彪等屹立不動賊撲近官軍排鎗轟擊斃賊甚多賊却復前者十餘次知官軍難撼汪逆乃令胡瞎子等牽制程官埠各營親率偽奉王黃十四偽王宗汪大力等二萬餘人運撲高思官軍營壘康熊飛率隊登山迎

初編卷三十五

西

敵佯退誘之迨賊入伏中吳光亮康熊飛關鎮邦等從兩邊山坳突出伏兵盡起鎗炮如雨偽王宗汪大力中鎗立斃偽奉王黃十四擊傷右腿墜馬落澗而遁官軍四圍縱擊陣斃偽恭護汪得勝等悍賊六百餘名斬賊四百七十餘級奪騾馬四十餘匹鎗炮旂幟千餘件賊大敗退上山巔汪逆痛哭上馬勒諸賊拚死回關康熊飛率昭武兩營擊其前吳光亮關鎮邦率飛虎德義兩軍抄其後鎗炮齊施刀矛緊接鏖戰一時之久哨弁康達本身受鎗傷猶真創血戰賊漸不支康熊飛督隊猛

進見汪逆手執令旂往來趨賊即調緞鎗隊指定轟擊鎗子洞穿汪逆左手腕擊逆急昇之遁走賊隊大亂立斃悍賊四百餘名斬賊一百八十三級吳光亮關鎮邦又從兩路抄來賊愈喪膽墜崖落澗死者不下數千時林本馮南斌熊應烈羅洪標湯彪亦將胡瞎子何明亮兩逆擊斃斬賊四百餘名汪海洋胡瞎子等遂連夜遁回鎮平官軍沿路追殺至亥刻始行收隊計是役共陣斃悍賊二千餘名受傷者不計其數官軍陣亡四十五名受傷者二百三十四名是日張恒祥亦率隊至分水

初編卷三十五

五

均一帶察看地勢遇賊數百擊走十五日黃少春張恒祥復出隊至羅岡羣賊皆鼠伏不出此康國器一軍剿賊連獲勝仗之實在情形也竊賊與餘逆惟汪海洋一股兇狡最著此次經康國器督軍剿敗斃斃悍賊甚多旬日以來伏匿不出兇醜頓衰屢據逃出賊供鎮平賊久思由武平竄深西因汪逆新被重創一時猝難遠竄臣等以賊踞鎮平尙未竄動各軍自應以剿爲防步逼步進現劉典所派總兵劉明燈簡桂林副將張福齊等已抵武平臣等即飭高連陞黃少春兩軍由巖前中赤

進駐廣福鄉以攻鎮平之北劉典所部填寨下填盤龍

岡為各軍聲援兼顧江西其王德榜一軍則由上杭象

洞相機前進以與高連陞黃少春康國器各軍互相聯

絡粵軍能嚴扼鎮平西南不任賊蹤紛竄閩浙各軍由

鎮平東路北路東南路節節逼剿而進自可漸合長圍

以期聚殲惟頃據廣東藩司李福泰稟報長樂縣城又

被花旗賊竄陷現催卓興鄭紹忠等軍往剿是該藩司

前議先將花旗撲滅再集龍長之師會歸鎮平既勢有

未能聞軍亦逼不及待而方耀鄧安邦兩軍現雖駐鎮

初編卷三十五

六

平之南距城尚遠亦未知能力扼西南否也所有此次

康國器一軍越境剿賊以寡勝眾在事弁勇實屬奮勉

異常可否由 臣等查明擇尤請

獎其力戰陣亡之把總區昌克復龍巖及永安解圍計

功應保守備應請

飭部照守備陣亡例議卹以慰忠魂理合恭摺馳

奏伏乞

皇上聖鑒訓示施行再此摺係 臣宗棠主稿合併聲明

謹

卷同治四年七月三十日

軍機大臣 字寄閩浙總督一等恪靖伯左宗棠廣州

將軍兼署兩廣總督瑞麟福建巡撫徐宗幹江西巡撫

劉坤一署廣東巡撫郭嵩壽傳諭暫護江西巡撫布政

使孫長綬同治四年八月二十三日奉

上諭左宗棠等奏官軍剿賊獲勝親飭各軍分道進剿

瑞麟等奏花旗股匪闖入長樂縣城官軍合力圍攻各

一摺覽奏均悉竄勇餘逆惟汪海洋一股兇狡最著此

次經康國器督軍痛剿殲斃悍賊甚多任逆身受重創

初編卷三十五

七

一時卒難遠竄自應以剿為防步步圍逼方能聚而殲

旃左宗棠現飭令高連陞等進逼鎮平之北令劉典王

德榜等分屯要隘聯絡聲援惟鎮平西南一路必須專

軍嚴扼其衝而花旗股匪竄陷長樂卓興等軍為所牽

綴僅餘方耀鄧安邦兩軍恐不足以退賊奔突著瑞麟

郭嵩壽督飭方耀等實力扼守一面嚴飭卓興等將長

樂縣城迅圖攻克殄滅花旗一股庶得早日合兵殲除

汪逆席寶田唐雲慶等軍前已有旨令其馳赴鎮平會

剿即著劉坤一孫長綬遵照前旨迅速調派毋得稍分

畛域左宗棠前已有旨令其馳赴鎮平督辦軍務廣東福建江西三省兵勇均歸節制即著懷遠前旨迅速前進妥籌一切如有不遵調遣及遲玩軍務者並著查明參奏以一事權康國器一軍越境剿賊以寡勝眾著准由左宗棠等查明出力員弁擇尤保奏力戰陣亡之把總區昌著照守備陣亡例議卹以慰忠魂長樂文武下落著瑞麟等查明具奏都司黃添元鄧奮鵬奉派馳援長樂輒因溪漲路阻未克迅速赴援以致被匪攻陷實屬咎無可辭黃添元鄧奮鵬均著即行革職仍令隨營

初編卷十五

六

効力贖罪將此由六百里諭知左宗棠瑞麟徐宗幹劉坤一郭嵩焘並傳諭孫長紱知之欽此

請將救援不力之將備革職等因片

再前署福建陸路提督林文察上年十一月初三日在漳州瑞香亭地方陣亡所有救援不力之營官已革副將惠壽遊擊許忠標賴正修守備許如龍曾奏參革職等因在案茲查都司蔡茹守備許忠勝均當時率勇先潰參將顧飛熊營漳州東北渡頭黃坑當林文察戰沒時亦未實力救援並分去林文察遺存餉銀四千三

百兩事後報稱添募壯勇四百名先後據林文察之叔候選知府林尊國前護漳州鎮總兵郭什春具稟前來相應請

旨將參將顧飛熊都司蔡茹守備許忠勝一併革職拿問以便歸案審辦理合附片具

奏伏乞

聖鑒謹

奏同治七年七月二十日

軍機大臣奉

初編卷十五

九

旨顧飛熊蔡茹許忠勝著一併革職等因歸案審辦欽此

分路進剿大勝現存辦理情形摺

奏為各軍分路進剿克復大勝現籌辦理情形恭摺馳奏仰祈

聖鑒事竊康國器一軍進駐鎮平東南高思程官軍擊賊獲勝後汪逆海洋伏若鎮平不出時遣賊黨至分水均一帶窺犯閩邊仍希由武平以竄江西劉典所部副將張福齊總兵劉明燈同桂林等已抵武平進剿下壩最後路之防高連陞黃少春即於七月二十四五等日陸續進紮鎮平北路廣順鄉羅岡道員張恒祥分撥三

初編卷三十五

三

營與黃少春合紮高連陞等踰嶺下窺賊勢見賊於縣城東北路亭下修築堅壘外開長壕守禦甚固嶺路屈折嶙削不堪容趾旁徑如流並非戰地而形勢險要在所必爭八月初一日高連陞飭親兵進紮分水均中路魏光邴朱體盛兩營紮於均之左張志公一營紮於均之右自率各營列隊均外伺之該逆初伏不出午刻突出數千乘我營壘未就拚死來撲副將曾光德等督隊馳擊賊甚多適黃少春率親兵馳至賊仍縮入卡內高連陞黃少春會商賊必猛撲新壘俟其逼近兩軍分

左右縱擊乃可多殺即就陣上指示所部將士合其屆

時遵照布置相機應之初二日汪逆果親率悍黨數萬領巢大出分三路直撲分水均新壘高連陞飭魏光邴張志公朱體盛等堅壁勿出靜以待之飭李士順率所部從右路錢桂仁率所部從左路曹光德率所部從中路迎擊高連陞自率親兵馬隊居中策應官軍奮威衝擊該逆不能抵禦紛紛敗走正麾軍乘勢掩殺間汪逆又嗾大前大左副後各賊由左路偽佑王李遠繼偽平東王何明亮偽奉王黃十四由右路翻山而下勢極兇

初編卷三十五

三

湧將抄出分水均各營之後高連陞飭曹光德穩扼中路抽親兵三哨及鎗隊分助左右兩路飭魏光邴分隊助守朱體盛營壘飭朱體盛督隊出壘迎擊甫戰十餘合朱體盛右臂忽被鎗子洞穿恭將黃北海急率鎗隊橫出夾擊魏光邴錢桂仁亦督隊馳應賊不能支退上山巔時張恒祥所部副將李大有等亦正從左路來援見賊退聚山巔李大有率各勇擊之立斃悍賊多名其李士順在右路迎敵先已將賊擊敗旋因中路之賊漸趨右路愈眾愈多李士順持矛衝入賊中身受三傷勢

幾不支適黃少春飭所部總兵劉端冕副將馬駿發高  
方吉遊擊謝復雲劉甫田已各率所部馳至黃少春復  
力疾督隊繼之各路如牆而進賊不能當祐逆李遠繼  
復逼諸賊回鬪劉甫田率親兵馳馬大呼陷陣左路忽  
出悍賊數十矛刺劉甫田戰馬立斃劉甫田奪矛衝殺  
劉端冕馬駿發謝復雲亦各下馬持矛與賊鏖戰擬保  
副將羅其泰擬保遊擊陳高華擬保都司唐有才周柱  
良副將譚同聲花翎守備盧起鳳羅得勝各挺矛刺殺  
數賊譚同聲盧起鳳身受重傷猶裹創血戰賊眾披靡

初編卷二十五

三

奪路狂竄官軍追過山坡又爲高連陞各部所截賊攀  
崖越澗紛向城壘而竄汪逆見兩路之賊俱敗即飛馬  
逃回鎮平曹光德率隊由中路追殺數里天晚始行收  
隊計是役轟斃戮獲悍賊約三千餘名生擒百數十名  
內有偽天將等賊目十餘名賊之自相蹂藉墮崖落澗  
死者不下數千奪旗幟鎗礮千餘件官軍受傷陣亡者  
亦百餘名其康國器一軍於七月三十日進攻鎮平城  
東南九曲皮脚石古排賊壘甫抵該處逆賊率黨來拒  
康熊飛吳光亮林本關鎮邦等督各勇奮擊斃賊目二

名賊黨五六十名勢稍却逆首胡瞎子率黨從九曲皮  
分三路來援康熊飛吳光亮林本關鎮邦督各軍分投  
迎敵又鏖戰逾時斃先鋒悍賊二十餘名斬賊十四級  
賊敗翻山而遁石古排之賊見援賊已敗不敢戀戰紛  
退入壘時熊應烈羅洪標湯彪督隊馳至合軍追擊斃  
賊無算奪旗幟軍械二百五十餘件追抵石古排賊壘  
濠邊始行收隊是日偽天將張祥順周建榜及各賊日  
楊貴雲李吉寬盧東芳等見官軍進攻即率黨千餘由  
峯日村小路乘間脫出赴高思康國器營乞降康國器

初編卷二十五

三

受之分別桃留遣散此各軍分路進剿獲勝之實在情  
形也竊汪逆海洋經官軍迭次剿敗勢本窮蹙急思覓  
路逃竄恐聞軍追蹙其後不能善脫妄圖衝犯閩邊各  
壘由間道逃竄江西邊界是日擒斬各賊身邊皆帶有  
包裹乾糧是其徵也據康國器稟報接廣東藩司李福  
泰函稱長樂逆首林正場已將偽來王陸順德擒獻到  
營輸誠自首即日可期截事粵東騰出龍長兵力自可  
速進鎮平西南以相擒魚據降人密稟各則以汪逆兇  
虐難堪多願納款現王德榜率軍由象河前進高連陞



黃少春康國器等軍距鎮平縣城均不過二三十里臣宗棠本擬俟高連陞分水均營壘紮定即飭其漸次延臣紮而西以出平遠與劉清亮盤龍岡之師會合遇賊奔臣衝昨接記名提督正定鎮總兵婁雲慶稟報接江西撫臣劉坤一飛函進兵會剿擬八月中旬拔過長甯從八尺出平遠大柘席寶田一軍出平遠東石是鎮平西路平遠一帶亦有重兵與閩粵各軍聲勢皆可聯絡高連陞黃少春康國器等軍即可由鎮平北路東路東南路併力逼攻免致顧此失彼臣等惟當慎以圖之所有此

初編卷三十五

五

次剿賊尤為出力之閩浙補用總兵趙勇巴圖魯劉端冕請

賞換清字勇號副將馬駿發李大有請

賞加總兵銜叅將銜遊擊謝復雲請以叅將留於福建

補用并請

賞加副將銜藍翎守備劉雨田請以都司留於福建補

用並

賞換花翎以示鼓勵其餘出力將弁勇丁可否由臣等

奏案保

奏出自

天恩理合恭摺馳

奏伏乞

皇上聖鑒訓示施行再此摺係臣宗棠主稿合併聲明

謹

奏同治四年八月十五日

同治四年九月初六日內閣奉

上諭左宗棠徐宗幹奏官軍分路進剿鎮平距匪迭獲

大勝一摺髮逆汪海洋伏匿鎮平堅壘固守高連陞黃

初編卷三十五

五

少春等由北路分水均進攻任逆傾巢分三路來撲官軍奮勇衝擊該逆紛紛敗走左右兩路之賊復翻山而下將抄官軍之後高連陞分隊迎擊賊不能支退上山嶺李大有等從左路進擊斃賊多名中路之賊漸趨右路黃少春督隊繼進血戰而前賊眾披靡奪路狂竄江遊見兩路之賊俱敗逃回鎮平官軍追殺數里統計斃悍賊三千餘名生擒百數十名內有偽天將等賊目十餘其自相蹂躪墮崖落澗者不下數千名康國器等一軍由鎮平東南進攻屢戰逾時斃賊多名匪黨翻山遁

竄追至石古排賊壘偽天將張祥順等赴營乞降剿辦均為得手此次尤為出力之總兵劉端冕著賞換格洪額巴圖魯名號副將馬駿發李大有著賞加總兵銜遊擊謝復雲著以叅將留於福建補用並賞加副將銜守備劉甫田著以都司留於福建補用並賞換花翎其餘出力將弁等准左宗棠彙奏保奏以示鼓勵本日復據劉坤一奏江西赴粵會剿各軍迭次獲勝一摺席寶田一軍由平遠進逼鎮平賊眾五六萬人來犯席寶田麾軍掩殺十盪十决力戰四時之久殺賊六七千人生擒

初編卷三十五

兵

二三千人棄械乞降者無數汪逆復率黨七八萬與偽東平王繼至官軍分路迎擊又斃三四千人內有偽小王宗汪林等賊目十餘名將偽東平王一股全行擊散前後招降一萬三四千人婁雲慶一軍出平遠之八尺墟聞賊已為官軍所挫折竄大柘即率隊馳往邀擊屢戰數時乘勢追殺二十餘里共斃賊三千餘名生擒八十餘名婁雲慶復田間道追剿該逆且拒且卻官軍槍礮轟擊又斃賊二千餘名生擒一百餘名援剿甚為得力即著左宗棠劉坤一飭令江西閩粵各軍乘此聲威

掃穴擒渠盡殲醜類陣亡叅將許貴元藍翎都司楊興元藍翎守備劉得芳藍翎把總張萬明均著交部從優議卹欽此

軍機大臣一字寄閩浙總督一等恪靖伯左宗棠廣州將軍兼署兩廣總督瑞麟江西巡撫劉坤一福建巡撫徐宗幹署廣東巡撫郭嵩燾同治四年九月初六日奉諭左宗棠等奏各軍分路進剿克獲大捷現籌辦理情形劉坤一奏馳抵江西任事赴粵會剿各軍迭獲勝仗各一摺本日已明降諭旨將劉端冕等照左宗棠等

初編卷三十五

三

所請分別獎勵許貴元等照劉坤一所請分別優卹矣汪逆盤踞鎮平迭經官軍剿敗急思覓路逃竄遣黨至分水均一帶圖由閩邊竄犯江西高連陞黃少春等分路縱擊殺賊甚多汪逆復逃回鎮平席寶田由平遠進扼東石連獲大捷斬賊及招降者甚眾逆眾折竄大柘復經婁雲慶擊敗江閩等軍入粵先後敗賊賊勢已蹙惟汪逆人數尚多難免橫流旁溢之患左宗棠現飭高連陞等由鎮平北路東路東南路進逼而席寶田婁雲慶與駐紮鄉堡等處之兵皆已嚴為之備著左宗棠劉

坤一卽檄飭各軍實力進攻無任竄逸左宗棠當懷遵迭次諭旨迅赴粵境調度各軍以一事權劉坤一仍檄催劉連捷等速抵南安定南以固江省門戶一面嚴催入粵之席寶田婁雲慶各軍會合閩粵各軍協力圍剿投誠一股人數甚眾者妥爲安插勿稍大意左宗棠奏長樂逆首林正揚已將僞來王陸順德擒獻到營輸誠粵東騰出龍長兵力自可速進鎮平西南與各路援軍互相掎角著瑞麟郭嵩壽檄令卓興等移紮鎮平聽左宗棠調遣以資得力將此由六百里各諭令知之欽此

初編卷三十五

六



奏報克復鎮平縣城追剿獲勝情形摺  
奏爲官軍克復廣東鎮平縣城追剿賊大獲勝仗恭摺

摺仰祈

聖鑒事竊高連陞等分營進紮鎮平北路分水均擊賊獲勝後八月初七八等日高連陞復率副將曹光德都司錢桂仁兩營紮於分水均之中黃少春率所部各營紮於分水均之左道員張恒祥分所部三營紮於分水均之右其地距鎮平縣城二十里距白泥湖賊壘僅三

初編卷三十五

七

四里登高而望形勢瞭然該逆屢爲官軍所敗又見官軍逼近俯瞰鎮平甚爲洶懼乘我營壘未就突出數百人拚死來犯經高連陞黃少春督各營擊敗之是日康國器由鎮平東南督康熊飛吳光亮率所部攻石古排賊壘林本關鎮邦率所部攻對門營賊壘熊應烈羅洪標湯彪率所部攻白果山賊壘分路并進康熊飛等甫出長旗嶺逆首胡瞎子已列隊九曲岌頂月挑洋鎗騎馬悍賊數千飛奔而來康熊飛吳光亮督隊奮擊斃騎馬悍賊五十餘名斬馘三十餘級奪馬二十餘匹賊猶

死拒不退林本闕鎮邦熊應烈羅洪標從左右夾擊斃賊數百名賊始潰走康熊飛吳光亮等追抵賊壘濠邊連施鎗礮順民龔長春張祥順等拔開鐵樁越濠而進壘垂破矣遇大雨收隊雨止復攻是夜逆首胡永祥即胡瞻子遞稟乞降康國器料其詐也飭各營乘夜疾進直薄壘下守備李如奮勇先登中鎗陣亡康熊飛督各營繼之噴筒火箭迸注賊壘煩刻烟燄飛騰官軍乘勢破柵而入立將石古排賊壘焚毀各壘之賊亦同時驚潰康國器令各營乘勝急攻鎮平縣城比抵城邊汪逆

初編卷三十五

三

已率黨開西門逃竄是時高連陞黃少春等軍已將白泥湖賊壘掃蕩疾驅而至高連陞遂率所部魏光祁曹光德張志公劉三元李士順錢桂仁程學明等由北門黃少春率所部劉甫田李良平高方吉劉端冕馬駿發謝復雲伍先申及張恒祥所部由東門吳光亮關鎮邦等由南門衝殺而入搜斬逆賊千餘當於初十日卯刻將鎮平縣城克復即分率所部蹑踪追擊至城外河邊汪逆猶驅各賊於橋頭力堵高連陞黃少春等分路抄擊康熊飛等亦督隊馳至立斃騎馬執黃令旗賊目四

名斷後悍賊數十名賊大披靡爭搶過橋各軍乘勢逼近陣斬悍賊千餘擁擠落水死者約二三千獲賊馬百餘匹拔出難民數千該逆前隊已分三路祐逆李遠繼一股向梅子畚叛逆黃矮子一股向大寨康逆汪海洋一股由東石均向平遠而遁是日午後高連陞黃少春等復分路追至冬桃鄉擒斬餘敵無數十一日黎明黃少春率所部各營由間道直趨東石鄉高連陞各營繼之比見後股逆賊萬餘正向平遠而來黃少春率中營及伍先申馬隊由中路劉端冕劉甫田高方吉三營由

初編卷三十五

三

左路馬駿發謝復雲李良平三營由右路邀擊該逆始猶抵拒官軍奮衝殺立斃騎馬悍賊數名賊勢不支紛紛竄走各營從左右抄出截賊數段賊棄器械輜重馬匹翻山狂竄官軍四圍縱殺斃賊千餘奪驟馬二百餘匹洋鎗百四十五桿另有賊一股四千餘人為官軍圍住紛紛伏地乞降黃少春傳令受之訊據賊目偽天將廖豐有偽朝將王滿瑞王陳英聶饒陳治等供稱皆廣東人偽為平東王何逆部黨本日官軍三路截殺何逆隻身逃走餘黨已死散殆盡矣其康國器所部分兩

路緊追至竹子灣賊方設伏圍官軍山樹叢雜間時  
露旂幟康熊飛即飭翼長春張祥順伴入誘之自率所  
部伏於山前吳光亮由間道截其後林本關鎮邦從山  
坑擊其旁布直甫定翼長春等鼓噪而進伏賊號炮齊  
發喊聲四起忽康熊飛從山前殺出林本關鎮邦分左  
右抄來伏賊遂破奪路紛竄吳光亮從後截殺羅洪標  
等亦率隊馳至合力痛剿斃賊一千餘名將沿途賊館  
二十餘處一律踏毀十二日追至茅樓坪適先犯東石  
之賊經江軍席寶田截擊大敗折回康熊飛等壓軍截

初編卷三十五

三

擊斃賊甚多該逆不取迎拒急向大柘而竄官軍追至  
大柘又斃賊七百餘名計克復鎮平後沿途追剿前後  
殺悍賊復萬餘名收降數千名拔出難民無數現高連  
陞黃少春康國器等軍躡踪緊追尙未收隊劉典所部  
副將張福齊總兵劉明燈簡桂林等進紮下壩聞賊竄  
動已由平遠出八尺攔截此克復鎮平縣城並追剿竄  
賊大獲勝仗之實在情形也竊汪逆海洋負隅鎮平登  
思由閩邊衝竄江西迄不得逞遂改由平遠覓路而竄  
汪逆知各賊息散其由鎮平竄出也盡將各賊及輜重

裏真中央其親信死黨則分隸前後以拒官軍幸江閩  
各軍前赴後追連日痛剿斃賊甚多兇鋒大挫據報賊  
踪又改由石正龍虎塘一帶分路竄走如汀粵各軍能  
嚴扼其前固軍復緊躡其後此股可與盡滅惟現在局  
勢席寶田一軍新在東石得獲大捷斐雲慶一軍正由  
平遠而來周寬世王開琳兩軍分駐長樂賊如仍圖就  
近竄江自可掃滅所慮由廣東興甯和平甯南雄將來  
必仍為江西湖南邊患 宗棠已分飭入粵各軍踞踪  
追剿如漸趨南雄則劉典一軍由武平出江西安遠信

初編卷三十五

三

暨急趨南安以兼顧湖南邊境此固制賊本謀也惟師  
行山谷之間險遠殊其未審能無誤事機否所有各軍  
克復鎮平連日冒雨追剿勞瘁異常可否由 臣等彙奏  
保獎以示激勵其力戰陣亡守備李如克復龍巖及永  
定解圍計功應保都司請  
飭部照都司例從優議卹理合恭摺  
奏伏乞

皇上聖鑒訓示施行再此摺係由 宗棠主稿合併聲  
明謹

奏 同治四年八月二十三日

軍機大臣奉

旨 另有旨欽此

附陳鮑提督所部仍請由該員自為主持月

再 宗棠欽奉七月初八日

舒諭鮑超力疾起程日期一摺 楚營叛勇現與花坊股匪合併竄擾興甯一帶大為江粵邊境之患 鮑超擬於六月二十六日力疾起程赴鄂募勇往剿具見以國事為重惟兵在精不在多 鮑超此次召募新勇尤當慎重

初編卷二十五

三

簡選嚴明約束務使增一勇得一勇之力不准再多尤不准再以無賴之徒雜廁其間致貽後患所有該營一切應用餉項即著官文鄭敦謹李瀚章孫長絨妥為籌畫設法協濟各該省每月撥餉若干並著迅速定議具奏一面加數撥解俾得通行康逆大股尙踞鎮平叛勇又於江粵交界出沒無常鮑超一軍應由何處先行進兵並著與左宗棠等妥商辦理鮑超到江西後一切進止機宜即著歸左宗棠節制以一事權專雲慶所帶各營本係鮑超舊部將來即可由該提督調度庶呼應靈

通剿賊必更得力將此由五百里諭知官文左宗棠鄭

敦謹李瀚章並傳諭鮑超孫長絨知之欽此 臣維鮑超

籍隸四川而流寓湖南最久自其富長沙協標兵丁時

臣即識之其為人也好勇負氣樸拙自喜於所敬禮之

人尙能屈意承之至意所不可則雖其人降心以從亦

不答也其治軍也貴勇而賤謀喜用眾而不能用寡其

徧禪專取猛士不盡責以紀律惟臨陣則法在必行所

部多悍卒川楚哥老會匪亦雜廁其間頻年馳援江西

皖南戰功卓著為賊所憚兩省士民遇賊至則喜其來

初編卷二十五

三

賊退則惟恐其去之不速正以此輩善擾足為聲名之累也

諭旨此次召募新勇尤當慎重簡選嚴明約束仰見

聖明燭照無遺現在雲慶一軍萬餘人自鮑超上年

抽調西征後雲慶從新整理聞已改觀鮑超到後統

其舊部自能得力將來與臣相距若近所有進止機宜

臣自當與之悉心商酌若彼此相距過遠勢難遙制古

云巧遲不如拙速仍應由鮑超自為主持不必歸臣節

制翻多延滯現在汪逆已敗竄西趨臣軍又成尾追之

勢應否請

旨飭下鮑超令其隨賊所向相機截剿自可掃蕩餘氛  
仰副我

皇上矜惜將才至意惟愚衷有不敢不盡者鮑超上年  
西行所部誤變因匪徒肇衅亦因月餉積欠過久致  
然客軍無籌餉之地武臣無籌餉之權一切惟仰給於  
人而該軍較各軍為分其欠餉亦較各軍為最鉅  
諭旨飭湖北湖南江西妥籌撥餉三省督撫臣自必盡  
力籌維以顧大局然協餉之不足恃久矣彼此時艱同

初編卷三十五

奏

值持籌者之諉謝本屬有詞客軍轉戰靡常出境後之  
徵求待以取厭正恐展轉延宕而該軍仍無極飽之期  
也今東南巨逆僅剩汪海洋一股如果閩粵江西三省  
合力剿辦截者截追者追自可悉數掃滅鮑超一軍既  
苦餉無從出似不如并其雲慶舊部精為挑汰約存五  
六千名令江西酌清舊欠以後師行所至各省應其新  
餉庶勇額減而餉易供支該軍得有的餉法令行而銳  
氣可期復振矣應否如斯之處伏候  
皇上採擇施行謹

奏 同治四年八月二十三日

軍機大臣奉

旨月有旨欽此

軍機大臣 字寄閩浙總督一等恪靖伯左宗棠廣州  
將軍兼署兩廣總督瑞麟福建巡撫徐宗幹江西巡撫  
劉坤一署廣東巡撫郭嵩燾同治四年九月十五日奉  
上諭左宗棠等奏克復鎮平官軍追剿竄賊大獲勝仗  
一摺與瑞麟郭嵩燾前奏大畧相同汪逆負固鎮平經  
康國器高連陞等督軍援剿連克堅壘直薄城下汪逆

初編卷三十五

奏

開西門逃竄復經高連陞等追剿斃賊甚多該逆現由  
石正龍虎墟一帶分路竄走如江粵各軍能嚴扼其前  
閩軍能緊躡其後自可漸就殄除著左宗棠即飭入粵  
各軍跟踪追剿不可稍涉鬆勁劉坤一即飭粵雲慶席  
寶田等軍迎頭截擊勿任闖入江境如由廣東與甯和  
平甯至南雄將來終恐為江西湖南邊患著瑞麟郭嵩  
燾督飭方耀等軍認真截剿如有越南雄信自左宗棠  
飭劉典一軍由武平出江西安遠信豐急趨南安兼顧  
湖南邊境該督撫等總宜通力合作將此股逆源剿盡

勿留遺孽致貽後患此次出力各員并著左宗棠等氣  
案擇尤保獎以示鼓勵陣亡之守備李如著照都司陣  
亡例從優議卹以慰忠魂另片奏鮑超一軍應由該提  
督自為主持等語前因粵省賊勢漸衰已有旨交  
勇成軍後帶赴楚豫交界剿辦張總愚股匪仍  
國藩節制婁慶軍本係鮑超舊部仍著該提督酌量  
檄調著左宗棠傳知該員慎遵前旨赴裕州泌陽地方  
剿賊如汪逆一股辦竣并著飭令婁慶一軍亦赴南  
裕一帶交鮑超調遣以資得力將此由六百里各諭令

初編卷三五

奏

知之欽此

覆陳查明侍逆已為汪逆所殺情形片

再臣欽奉閏五月二十六日

上諭李世賢一犯或云衝沒或云被擒或云自刎尚無  
實在下落乃著查明具奏欽此等前據各軍紛據逃  
出賊目稟報李世賢自永定敗潰後夜半偷渡隨行屬  
斃數人復見水上岸割去鬚髮逃匿山中以其能據  
州土音遂詭稱漳州難民人無知者於是夜行暨伏至  
六月二十八日隻身逃至鎮平縣倩民人送信汪逆汪

逆李黨郊迎並馬同入縣城因其舊黨百餘人滋訐汪  
逆猜狠之狀心不善之汪逆前曾藉詞不救侍逆殺其  
舊黨李元茂等茲見李世賢至亦不自安遂於七月初  
三夜密遣賊黨四人乘李世賢酣臥時殺之並殺其舊  
黨偽王宗偽天將偽朝將等五人傳示各賊館揚言侍  
逆已降官軍茲入鎮平復結常圖為內應也臣等猶恐  
所聞不確未敢遽以入

奏茲鎮平克復之後詢之降人難民所言皆同並見汪  
逆所貼偽示中有侍王心懷險毒不得已而行此法等

初編卷三五

奏

語則侍逆之具轉求生而卒遭汪逆毒手實無可疑此  
賊與李秀成同為金陵巨逆屢經官軍痛剿將欲就擒  
輒復逸去本年正月二十四日高連陘鎮門大捷已獲  
其馬徧覓侍逆不得後乃知顏眉前土民顏魁以破舟  
載之回漳也此次敗後潛逃以投汪逆而卒為汪逆所  
殺益見天網恢恢疏而不漏臣等謹據實覆陳伏乞

聖鑒施行謹

奏同治四年八月二十三日

軍機大臣奉



旨知道了欽此

陝西准將曾道留閩俟補缺後送部片

再前任興泉永道曾憲德於同治三年四月十二日奉  
上諭著開缺送部引見等因欽此交部後本應給咨送  
部適值閩省軍務告罄經一等奏留辦理巡防局務旋  
委赴廈門查辦洋人濟匪一案因辦理悉臻妥協並查  
獲古董輪船一隻通逆洋匪多名復經一等奏請以道  
員仍留福建補用並  
賞加按察使銜奉

初編卷二十五

聖

旨該衙門議奏欽此嗣准吏部議覆所請以道員仍留  
福建補用應俟赴部引

見後再行分別核辦等因伏查曾憲德前任興泉永道  
於廈門地方情形甚為熟悉現辦理廈門釐稅及轉運  
事宜均能認真經理鄧廷枏既檄遞赴臬司本在所遺  
興泉永道篆務之員接署已

奏請將該員署理可否仰懇

天恩俯准將曾憲德以道員仍留福建補用俟補缺後  
再行送部引

見之處出自

聖裁伏乞

皇上聖鑒謹

奏 同治四年八月二十三口

軍機大臣奉

旨另有旨欽此

軍機大臣 字寄同治四年九月十五日奉

上諭又奏前興泉永道曾憲德熟習地方情形人甚明  
幹請令仍署興泉永道並請將曾憲德仍以道員留福

初編卷二十五

聖

建補用等片均著照所請行惟曾憲德一員二年間由  
左宗棠於年終密考摺內稱其前在延建邵道任內辦  
事諸多委卸才識均庸是以有開缺送部引見之旨此  
次復據該督保奏何以該員一人之身前後異轍如此  
著查明覆奏將此由六百里各諭令知之欽此

克復武康等城暨截剿出力員弁請獎摺

奏為遵將克復武康德清石門孝豐安吉湖州各城暨  
三次截剿竄賊出力員弁彙案保獎恭摺仰祈

聖鑒事竊臣 欽奉同治三年三月二十六日

上諭左宗棠奏官軍克復武康德清石門三縣並截剿

竄匪獲勝一摺其餘出力員弁准其由左宗棠存記彙

案保獎該部知道欽此又奉三年六月二十三日

上諭左宗棠奏進規湖郡迭獲勝仗並攻克孝豐縣城  
生擒首逆一摺其餘出力員弁著俟克復湖州彙案保

初編卷三十五 聖

獎該部知道欽此又奉三年八月十五日

上諭左宗棠奏克復湖州安吉兩城並追剿竄賊大獲

勝仗各摺片所有在事文武數月以來迭次苦戰尙屬

著有勞績著俟此股竄賊剿除即由左宗棠分別保獎

候旨施恩欽此又奉三年九月二十三日

上諭左宗棠奏浙軍出境追剿連獲勝仗見籌剿辦情

形一摺各軍追奔逐北千餘里備極勤劬著准其量入

克復湖州安吉案內一併保獎欽此伏查杭州餘杭兩

城攻克後逆賊負踞石門及湖州各屬經蔣益澧楊昌

溶分督水陸各軍將武康德清石門等縣克復並連破

菱湖東林山等處要隘由東南節節逼剿而進首逆傷

堵王黃文金猶恃孝豐安吉長興各城未下足與湖郡

犄角拚死相持迨長興孝豐攻克官軍迭次苦戰獲勝

東路南路險要盡已攻克蘇軍復由西北兩路並進該

逆勢窮力絀恐官軍四面合圍乃於七月二十六夜棄

湖郡竄走一向廣德一向孝豐其安吉踞逆亦於二十

八夜出竄合計兩路及廣德上竄之賊人數尚不下二

十餘萬官軍沿途追殺殲斃溺斃及逃散就撫者實有

初編卷三十五 聖

十數萬人首逆黃文金斃於昌化白牛橋賊勢愈益渙

散官軍復於清安威坪徽州建口遂安開化等處節節

攔截後越境追至江西玉山廣豐鉛山湖坊陳坊以至

福建交界之雲祿關乘勝逐北一千餘里將二十餘萬

狂寇悉就皖浙江閩邊界殲除漏網者不過數千卒為

江西所滅在事文武實屬奮勉異常勞瘁倍著其黃少

春王開琳等軍上年正月在遂安截剿蘇皖竄賊擒斬

解散萬餘人三月截剿陳炳文汪海洋大股由歙境小

川以至玉山妙溪又斃賊萬餘援出難民二三百皆迭

次陳明應彙案保獎茲據各營開摺請獎前來臣逐加覆核雖所保人數較多然實係克復武康德清石門孝豐安吉湖州各城及三次截剿竄賊在事尤為出力水陸馬步共百餘名彙歸此案辦理尚無冒濫除記保以藍翎千總把總外委援補者咨部註冊暨武職各員均係打仗出力外其文職各員亦分別填註考語一併開列清單恭呈御覽伏乞

皇上聖鑒訓示 行再此次所保文員俱係隨營出力

初編卷二十五 聖

及辦理局務勞績尤著者其餘地方員紳籌辦防守餉需等事亦尚著有微勞當全省肅清自亦應酌予獎叙容再查明另案辦理合併聲明謹

奏 同治四年八月二十五日

請給楊臬司三代二品封典以示優獎片

再浙江按察使楊昌濬上年克復餘杭後即督各軍臨踪進剿於三月初四日攻克武康縣城分營進駐三橋埠以與湖州南路台頭各營聯絡并一面督軍進規安吉迨湖州克復安吉踞逆亦連夜竄走楊昌濬督率各

營由安吉孝豐迨至甯國縣屬七都擒斬解散無數賊由此路竄逸者僅祇數百人實屬盡瘁馳驅勞績卓著可否仰懇

天恩俯准將浙江按察使楊昌濬

賞加布政使銜並

賞給該員三代二品封典以示優異理合附片具

奏伏乞

聖鑒謹

奏 同治四年八月二十五日

初編卷二十五 聖

請將助剿出力洋將給予加銜翎頂片

再權授中國總兵德克碑曾波稅務司日意格均法國人上年赴湖州助剿當逆賊圍攻東埠官軍營壘時德克碑日意格督率所部洋鎗隊淺水輪船前往助戰甚為踴躍迨湖州克復全浙肅清該總兵等奉檄撤遣一切均恪遵條約毫無參差並稱嗣後中國如有差遣仍願在中國出力在諸洋將中最為恭順查前次攻克杭州德克碑已蒙

恩賞給頭等功牌並銀一萬兩此次可否將德克碑

賞加提督銜日意格

賞加總兵銜其隨同剿賊出力之英國教師懷栲常林  
模可否

賞給五品翎頂軍功梅勒西僕舒二名可否

賞給四品頂戴以示鼓勵現在德克碑早回本國日意

格尙在甯波屢各申啓求於湖州保案奏懇

天恩似有希望之意得此以爲榮幸臣不敢壅於

上聞理合附片具陳伏乞

聖鑒施行謹

初編卷三五

吳

奏同治四年八月二十五日

查明迭次打仗陣亡傷故員弁請議卹摺

奏爲查明迭次打仗陣亡傷故員弁請

旨分別議卹恭摺仰祈

聖鑒事竊照劉典一軍於同治二年援剿江西皖南黃

少春王開琳等軍於三年駐防嚴州遂安兩次截剿竄

賊並楚湘水陸各軍攻剿湖州安吉孝豐等處及沿途

追剿竄賊陣亡弁勇除業經隨摺請

卹外茲據各營開具清摺並受傷病故各員彙案請

卹前來臣覆查無異合無仰懇

初編卷三五

吳

天恩俯准飭部分別議卹以慰忠魂理合繕列清單

恭呈

御覽伏乞

皇上聖鑒施行謹

奏同治四年八月二十六日

恪靖奏稿初編卷二十六目錄

追剿竄賊大捷現籌辦理情形摺

附陳土匪搶奪官軍輜重軍火情形片

截剿獲勝現籌辦理情形摺

官軍追剿逆匪被黃陂墟一帶土匪搶殺片

請將病故道員從優議卹片

懇請收回節制三省各軍成命及近日賊情摺

官運幫額不敷現飭疏銷籌補摺

浙軍援江克復縣城出力員弁併案請獎摺

初編卷二十六目錄

覆陳廣東軍務貽誤情形摺

陳請改派訪查事件及應行回避摺

附陳軍營染患時疫情形片

剿辦土匪情形并請將疏縱知州革職留任摺

追剿竄賊大捷現籌辦理情形摺

奏為官軍追剿竄賊克獲大捷現籌辦理情形恭摺馳奏仰祈

聖鑒事竊高進陞黃少春康國器等軍將鎮平縣城克復追剿獲勝後該逆正圖竄平遠八赤地方適江西雲慶一軍由長甯而來劉典所部副將張福齊總兵劉明燈簡桂林等從下壩馳至賊不敢犯折回大柘竄走其尾股尚踞河頭鄉張福齊劉明燈簡桂林等各率所部於八月十三夜分道疾進直抵河頭見山谷間炊火

初編卷三十六

爨然齊隊衝殺逆賊驚慌無措棄械沿山而走官軍左右抄擊斃斬千餘名墮崖死者千計都司蕭雅泗守備銜丁泰陽軍功王得勝等復從山谷中突出截殺收降賊目儂朝將何人傑等六百餘人其高進陞一軍追抵東石鄉見賊已向石正敗竄即率所部五營躡蹤緊追於十三日辰刻馳抵石正適康國器所部先追至楓葉坑與賊接戰正相持間高進陞督各營疾馳而前奮威衝殺賊眾披靡紛紛奪路逃竄高進陞康國器合軍追殺十餘里斬敵四五千名墜崖落澗死者數千餘逆分

路奔竄一向與甯所屬黃陂墟一向羅浮司十四日高連陞飭副將張志公宵光德兩營先進自率副都右後桂字三營繼之飭康國器所部知府康熊飛等各營從後策應張志公等疾馳四十里至黃陂墟過去之高坳上見賊大股正覓路竄走人眾路仄擁塞不通高連陞各營揚旗發號而至逆賊經官軍連日痛剿心搖膽落茲見官軍又躡蹤追及紛紛棄械狂竄官軍縱橫痛擊刀砍矛刺及自相踐踏死者約其七八千名沿途屍體枕藉奪獲賊馬二百餘匹旗幟器械無算汪逆驅諸賊

初編卷三十六

二

回關官軍乘勝壓擊勢不可當仍奪路狂竄追至羅岡時已薄暮高連陞即飭各軍暫屯山下俟後隊到齊復進該逆即於是夜急向羅浮司遁去適記名提督署衢州鎮總兵劉清亮由平遠馳至見賊竄羅浮即連夜跟蹤追擊十六日黎明汪逆率黨甫由羅浮司西門出竄劉清亮督軍追及殲斃後股悍賊甚多奪獲驃馬多匹旗幟器械無算該逆狂竄赤石司其前隊已由間道出黃頁嶺竄至絲茅坪距江西長甯縣公墟五十里時已革總兵王開琳已進駐葛公墟探知賊逼江境即於十

九日黎明率所部六成隊出龍川所轄小山墟迎擊營官鄧仕高王開氣熊常富羅瑞山湯有光等行抵細坳墟適遇汪逆頭隊四五百人由絲茅坪蜂擁而來羅瑞山王開氣等分兩路抄擊熊常富等隊由中路猛進該逆猝不及防紛紛驚潰官軍追殺數里該逆後股踵至王開琳當飭羅隆貴郭德馨曾桂堂楊大亨等各營從左右策應喻勝榮喻啟英陳清泰莫坤和各營繞出賊後截殺該逆拚死拒戰熊常富鄧仕高當先衝入賊陣手刃悍賊數名賊仍敗走官軍追至絲茅坪沿途斃賊

初編卷三十六

三

數百名生擒長髮老賊三十餘名始收隊還計十三十四十九等日諸職實其斃賊一萬數千解散不計其數據生擒賊供汪逆自鎮平竄去晝夜狂奔刻無停趾悍黨已殲除及半其偽平東王偽祐王及霆營叛勇黃矮子等股則已殲除逃散殆盡矣此各軍前截後追克獲大捷之實在情形也竊汪逆詭謀竄越江西另覓生路聞軍扼之武平不能北竄乃改由鎮平西南犯平遠適江軍席寶田截之東石關軍自後急躡之復由大柘以向甯興之黃陂墟羅浮司聞軍追之急復折而北趨圖

由江西之長甯竄去頃據各路稟報賊蹤已竄至長甯  
交界之小山墟青龍墟洋坑一帶賊眾之尚存者雖未  
知其確數然以各軍追賊行程計之賊蹤一日即盡則  
捕誅者亦必無多江軍席寶田婁雲慶兩軍已由平遠  
折回長甯王開琳周寬世兩軍分掘長甯之篁鄉堡鵝  
公墟等處賊如由此路竄江西江軍截其前閩軍躡其  
後自可共收夾攻之效惟由江粵邊境翻山西竄江軍  
猶可橫出迎頭截之閩軍則入粵以後處處俱成尾追  
之勢譬猶捕鹿有其犄之無與角之終必絕塵而奔也

初編卷三十六 四

臣宗棠慮高連陞所部兵力尙單已飭記名提督署衛  
州鎮總兵劉清亮所部三千名與高連陞同作一路并  
康國器關鎮邦所部五千餘名新收降卒千餘名統歸  
高連陞節制調遣規賊所向由粵東躡蹤前進為追勦  
之師劉典所部照前議由江西會昌安遠信豐趨南安  
並飭黃少春一軍由平遠出安遠信豐繼之冀助江西  
之防而扼湖南之隘為攔頭之師計兩路出境及先駐  
邊境王開琳一軍已近三萬人福建得勝之軍除蘇軍  
八千遣回江蘇王德初一軍回駐閩境外餘悉資遣以

行矣閩粵江西交界山徑犬牙相錯險遠異常各軍相  
距日遠文報旬餘始達上等恐奏報稽遲上煩

宸廑已分咨高連陞劉典黃少春等以後戰事咨請江  
西廣東各該省督撫代奏以期迅速而免歧誤臣宗棠  
俟各路軍事及轉運事宜布置就緒後再旋省署其王  
德榜一軍凱旋後應暫留潯泉一帶搜勦餘匪而資鎮  
壓所有此次追勦出力將弁可否由臣等存記彙案請  
獎出自

天恩理合恭摺馳

初編卷三十六 五

奏伏乞

皇上聖鑒訓示施行再此摺係臣宗棠主稿合併聲明  
謹

奏 同治四年九月初三日

軍機大臣奉

旨另有旨欽此

附陳土匪搶奪官軍糧重軍火情形片

再正拜摺間接據延建邵道康國器稟報八月十四日

知府康熊飛副將吳光亮等隨同高連陞追賊至黃陂

塘過去數里克獲大勝後十五日高連陞仍率隊先進  
康熊飛等繼之速發探馬向前偵探不見一賊謂之士  
人僉稱賊眾連夜狂奔已至巖下相隔六十餘里康熊  
飛等疾馳十餘里見沿路山勢峻惡樹木陰翳人馬不  
能並進心竊疑之又行數里忽聞前面礮聲不絕知高  
連陞一軍業已接戰即催各營速進賊數千從兩邊  
山坳突出高連陞麾軍迎敵康熊飛等亦從後殺人斃  
賊多名汪逆復率黃衣紅衣悍賊層層逼而上都司  
關鎮邦匹馬直取汪逆胸受矛傷營官馮南斌等疾馳

初編卷三六

六

往救關鎮邦猶裹創力戰餘了復中胸腔親兵急欲負  
之而走關鎮邦叱之目眦盡裂麾令各勇奮前力戰手  
及悍賊數名賊以長矛戳刺其喉殞命馮南斌亦身受  
重傷親兵從死者五十餘人名軍益憤康熊飛吳光亮  
羅洪標熊應烈等大呼陷陣與高連陞一軍併力衝殺  
縱橫決盪十餘次賊漸不支詎白水寨及沿途各土堡  
伏賊盡起後面土匪亦齊聲吶喊助勢直抄官軍之後  
康熊飛吳光亮等與高連陞商以後隊作前鋒前隊作  
後殿排開鎗礮四面轟擊傷賊甚多賊圍始解官軍即

乘勢殺出在於地勢稍寬之處整齊隊伍分投接戰土  
匪四散奔逃在逃亦同時竄走康熊飛等收隊後細訊  
被擄逃出勇丁據稱十四日行抵黃陂墟隔大隊不過  
數里忽遇大夥土匪將輜重軍火盡行搶去勇丁被害  
百餘名高連陞營中落後勇夫則概被肢害並訪悉汪  
逆自關人粵境後黃陂墟羅岡白水寨一帶土匪皆與  
勾結茲汪逆因連日受挫恐不得脫以重金賂該處土  
匪先給官軍入伏而後截奪輜重軍火十六日高連陞  
康熊飛仍整隊往追午刻馳抵羅浮賊已由羅浮下面

初編卷三六

七

過河折斷浮橋竄走矣竊汪逆自鎮平竄出經官軍迭  
次勦敗其勢本已窮蹙詎又勾結黃陂墟等處土匪乘  
官軍遠道窮追於山徑叢雜之間潛行設伏致有此挫  
康國器一軍據稟陣亡弁勇二百十六員名受傷弁勇  
三百十五員名被土匪殺害勇夫一百餘名高連陞一  
軍七傷若干尚未據呈報查粵東嘉應一帶民情狡獪  
克頑實為戎首上年前福建臬司張運蘭所部湘勇駐  
嘉應州時被方耀殘殺湘勇二百餘名案猶未結本年  
春間高連陞黃少春等所派勇丁赴粵境偵探者亦被



截殺多名克復平和縣城時黃少春所部勇丁因偵探賊蹤經過粵界被粵軍殺死十餘名自昨康國器稟報七月十三十四等日大勝臣差親兵同康國器所遺報捷親兵同寶銀牌八百面功牌四百張往撫其軍行至鎮平嘉應交界地方亦被該處團總槍奪並斃康國器來勇一名臣均咨廣東督撫臣查該處向來惟恐粵臣於閩境肅清之先遣康國器團練部卒所部入粵而不敢遽派各軍者原以臣部多楚人恐彼此尋衅不已致誤大局不如以粵軍入粵庶可相安也旋因長樂失

初編卷三十六

八

陷粵中軍情倍緊又屢奉

寄諭防備不准稍分畛域不得借高連陞等軍速進鎮平白克復鎮平以至追勦賊聞軍六晝夜未嘗停趾未聞粵軍一卒一騎會勦此次應蹤緊追土匪又敢肆其兇頑載其輜重軍火受賊重斯賊害官軍致垂盡餘氛得以乘隙逸去現據報賊已盡入江西邊境克復復強康國器一軍已暫回興甯稍資休息高連陞劉清亮兩軍仍跟蹤追剿所望江西各軍能竭力堵遏不任闖入或倘可收夾擊之效然實不敢必也可臣

旨飭下廣東督撫臣嚴辦土匪以弭後衅出自聖裁所有力戰陣亡之擬保恭將花翎都司關鎮邦沈毅勇敢履著戰功應請

飭部照副將例從優議卹擬保都司外委康達本擬保遊擊藍翎都司補用守備李恒擬保游擊花翎都司銜補用守備王興寶擬保守備把總梁材擬保千總大品軍功吳世欽均請

飭部照擬保官階從優議卹以慰忠魂理合附片陳明伏

初編卷三十六

九

聖鑒訓示謹

奏同治四年九月初三日

軍機大臣奉

旨另有旨欽此

軍機大臣 字寄閩浙總督一等恪靖伯左宗棠廣州將軍兼署兩廣總督瑞麟江西巡撫劉坤一署廣東巡撫郭嵩燾同治四年九月二十四日奉

上諭左宗棠等奏消賊獲捷現籌辦理情形並粵省土匪助逆襲陷圍軍請飭粵省嚴辦各摺片在逃由鎮平

竄出經左宗棠督兵追擊疊獲大勝斃賊一萬數千名甚屬得手前據劉坤一瑞麟等各奏稱賊已由江西竄出定江一路直撲龍南已疊諭左宗棠盡力窮追並飭廣東江西等省各督撫會勦堵截著左宗棠仍遵前旨嚴檄各省之軍實力追擊瑞麟劉坤一郭嵩燾分路堵截毋任紛竄至汪逆由鎮平逃出勢本窮蹙不難立時殄盡乃該處土匪竟敢貪受汪逆金帛暗伏要路於高連陞等追至黃陂墟時突出橫截奪去輜重軍火並將兵勇戕害甚多帶勇員弁被戕甚眾以致汪逆得以從

初編卷二十六

十

容遁去此等土匪名為鄉團實與叛賊無異可恨已極若不趕緊勦滅勢必又釀成巨股瑞麟郭嵩燾責無旁貸著迅派兵勇將此起土匪會同圍軍實力勦洗務須掃除淨盡不准一名漏網以警克頑其方耀殘殺張運蘭所部湘勇二百餘名及高連陞黃少春所部勇丁在粵被戕並左宗棠差兵齎往銀牌等件赴粵被該處團總槍殺各案均著瑞麟郭嵩燾即行捕獲賊犯正法毋稍寬縱方戰陣亡之擬保參將都司關鎮邦著交部照副將例從優議卹擬保都司外委康達木擬保遊擊都

司銜守備李恆王興寶擬保守備把總梁材擬保千總六品軍功吳世欽均著交部各照擬保官階從優議卹將此由六百里各諭令知之欽此

初編卷二十六

十一



截勦獲勝現籌辦理情形摺

奏為官軍截勦獲勝現籌辦理情形恭摺馳

奏仰祈

聖鑒事竊已革總兵王開琳進駐江西長甯鵝公墟八月十九日迎勦獲勝後注逆全股竄至小山墟青龍墟羊坑等處並分股擾及瑞田距鵝公墟十餘里仍圖由長甯竄江西二十一日王開琳出隊至瑞田將賊擊敗賊知此路不能偷越急欲改道向天花寺旁竄二十二日王開琳率所部七成隊由瑞田進剿賊於嶺路險仄

初編卷二十六

三

之處橫築兩卡以阻官軍王開氣熊常富奮勇當先突入賊卡立斬守賊十餘名餘賊驚潰官軍追過烏鴉寨見賊又砌石卡一座王開琳飭鄧仕高羅瑞山湯有光喻起英陳清泰莫坤和各營從左右兩路環擊熊常富等由中路猛進破柵直入王開氣會桂堂繼之立將石卡平毀賊眾六七千排列山岡及田隴一帶蜂擁而來王開琳督各營分路齊進該逆拚死猛撲糜戰兩時陣斬悍賊五六百名內有騎馬賊目二名執黃旗賊十餘名熊常富復怒馬陷陣手及黃衣賊一名王開氣會桂

堂各斬悍賊數名賊稍却官軍乘勢追至青龍墟伏賊

由兩邊山谷中突出敗賊亦回頭死拒逆鄧仕高喻啟英陳清泰三營由右路抄至該逆猝不及防紛紛潰走隨處死者不計其數王開氣會桂堂湯有光等由中路追殺亦斃賊千餘名躡追二十餘里忽小山墟出賊來援洋鎗洋礮子驟如雨注方有才督隊力戰王開琳率親兵從後策應正相持間羅瑞山熊常富莫坤和等馳至羅瑞山當先衝擊熊常富莫坤和從左右兜勦喊殺之聲震動山谷立將後股援賊擊敗追過小山墟里許

初編卷二十六

三

始行收隊計是役共斃賊數千名生擒七八百名內有長髮老賊百餘名訊明正法奪獲旗幟鎗礮千餘件拔出難民無數餘逆悉向天花報一路逃竄是夜王開琳率隊疾追比曉行抵白水渡見沿途僅餘一二千賊皆患病帶傷不及奔走者當即分別斬釋復馳十餘里追及賊之尾隊該逆尚於田隴列隊回撲王開琳飭各營分路縱擊斬賊千餘該逆且戰且走追至下歷司羣賊皆翻山越嶺而遁此王開琳一軍先截後追連獲勝仗之實在情形也其江西席寶田婁雲慶兩軍戰事未據

稟報計江西撫臣亦必馳陳竊汪逆本謀竄江因平遠未能竄越遂圖竄長甯茲經王開琳擊敗復由間道遁入龍南縣境據王開琳稟江西席寶田婁雲慶兩軍已折赴南安如能扼其奔衝賊必伺隙橫出以圖竄擾江粵湘三省邊境劉典一軍臣宗棠飭其由安遠信豐前進本擬為攔頭之師詎劉典甫抵會昌賊蹤已入龍南刻下局勢惟望江粵各軍能分守邊隘數日截賊出路俟劉典黃少春等由江西南安趕到或尚可圖夾擊之效否則又成尾追也其高連陞康國器兩軍自鎮平克

初編卷二十六

古

復後窮追六晝夜未稍停趾正期得手為土匪所紿深入伏中輜重軍火又為土匪截搶淨盡停追一二日賊蹤業已遠颺不能追及矣如賊為南安官軍所扼折竄南雄自當迅速馳剿就圍軍而論賊在江西湖南邊境當責劉典黃少春兩軍會合江楚防軍夾擊賊竄粵東當責高連陞劉清亮康國器等軍會合粵軍夾擊惟當竭力圖之至於事機之應手與否則固不能預料也所有此次剿賊出力已革總兵王開琳可否請旨開復革職處分已革參將熊常富可否免其革職等

功卹仕高可否以守備補用並加都司銜以示鼓勵

哈恭摺馳

奏伏乞

皇上聖鑒訓示施行再此摺係臣宗棠主稿合併聲明

謹

奏同治四年九月初七日

軍機大臣奉

旨另有旨欽此

官軍追勦逆匪被黃陂墟一帶土匪搶殺片

初編卷二十六

五

再康國器一軍追賊至興甯所屬黃陂墟輜重軍火被土匪截搶並戕害勇丁百餘名業經臣等馳奏在案茲據高連陞稟報十四日馳抵羅岡十五日督軍先進康熊飛繼之沿途詢之士民均稱賊已連夜竄走六十里不在羅浮司矣而羅而去羅浮司尚四十里嶺谷深幽樹木叢雜官軍行二十餘里見山徑險仄愈甚疑其有伏詢之士人猶以賊蹤去遠為辭比高連陞派弁勇數十人搜山而進瞥見兩邊山坳伏賊突起即飭張志公曹光德上山搜殺甫將伏賊擊退汪逆又親率悍黨數

千騎從前面撲來敗賊亦回頭死拒高連陞飭錢桂仁所部並正左營四哨突前衝殺自督親兵策應逆賊愈裏愈厚官軍再接再厲猛戰十餘合斃賊甚多賊勢稍却適康熊飛督隊馳至正欲乘勢併力痛勦詎白水寨及沿途各土堡伏賊盡起從後抄來高連陞以地勢險窄不能展步遂與康熊飛等以後隊作前隊前隊作後隊且戰且退殺透重圍至地勢稍寬之處排齊隊伍分數路向前衝擊該處土匪復糾聚一二萬人四面撲來沿途助逆各土堡亦助施鎗礮高連陞與康熊飛等分

初編卷二十六

六

投迎敵血戰兩時將汪逆擊敗土匪四散奔逃始收隊回至羅岡該處土匪又出攔路搶殺弁勇多傷斃者先是十四日高連陞追賊過大柘石正黃陂墟等處輜重軍火在後相距十餘里被該處匪徒將押解弁勇及挑夫百餘名盡行殺害輜重軍火搶劫一空高連陞急飭哨長花翎參將鄒朝瑞藍翎千總胡得貴李起生帶勇二百名馳往查探十五日早甫抵黃陂墟復遭該處土匪戕殺殆盡羅岡白水寨一帶匪徒又與賊通肆行搶殺高連陞等急於追賊未暇過問十六日仍與康熊飛

督隊追勦午刻馳抵羅岡司賊早已連夜遁去矣復追二十餘里至樟樹坪河邊浮橋被賊拆斷欲渡無舟高連陞因裹糧已盡率隊回至羅浮該處土民又已閉糧後路土匪充塞軍火糧餉不能轉運不得已忍饑暫紮三日回駐興甯縣城伏查高連陞一軍三十三四十五等日諸戰陣亡弁勇尚不過二百名其被土匪戕害者竟至三百餘名之多粵境嘉應一帶徧地匪蹤種種克悖情形實與坂逆無異臣等昨已請旨飭下廣東督撫嚴辦土匪以弭後畔合再據稟陳

初編卷二十六

七

明所有此次刀戰陣亡之擬保副將銜花翎參將王得盛擬保遊擊花翎都司銜守備李鳳翔遊擊銜花翎都司周興義擬保遊擊花翎都司於長林擬保都司花翎守備王汝洪擬保都司藍翎守備銜千總朱傳孝擬保守備藍翎千總李光斗及被匪戕害之花翎參將鄒朝瑞藍翎千總胡得貴李起生均請飭部照陣亡例從優議卹以慰忠魂伏乞皇上聖鑒訓示謹奏 同治四年九月初七

軍機大臣奉

旨另有旨欽此

請將病故道員從優議卹片

再按察使銜福建補用道張恆祥係前福建臬司張運  
蘭之姪上年張運蘭剿賊陣亡接帶所部凱營由汧州  
轉戰而前迭次攻勦甚屬出力聞境肅清後復隨提督  
黃少春進駐分水坳隨同克復鎮平縣城該道自七八  
月以來即因積勞致疾屢次稟求遣撤等以軍事方  
殷諭其力疾從征勉圖報稱鎮平克復始飭令將所部

初編卷二十六 貳

遣撤詎八月二十五日竟在營染患時疫病故實堪憫  
惜相應請

旨飭部將張恆祥照道員立功後病故例從優議卹理

合附片具

奏伏乞

聖鑒謹

奏 同治四年九月初七日

軍機大臣奉

旨張恆祥著交部照道員立功後病故例從優議卹欽

此

初編卷二十六

貳

懇請收回節制三省各軍成命及近日賊情摺  
奏為遵

旨覆奏事竊臣於九月初五日正拜摺間欽奉  
寄諭孫長絨奏遵

旨調派各軍赴粵會剿一摺據稱林逆竄往長樂翟逆  
尙距龍川康逆由鎮平移糧東石地方似有他竄之意  
現飭令雲慶等會同接勦而兵力尙單且須兼顧江  
境惟有步步為營以初為堵請特派重臣進駐粵境節  
制三省各軍督勦等語康逆一日不除粵境一日不靖

初編卷二十六

三

江關邊防迄無了期自應合三省兵力圍逼夾攻迭圖  
殄滅第主客各軍營數既多職分又各不相下且該將  
領進止候宜須俟各該省督撫指揮調度勢必遷延觀  
望坐失事機左宗棠廓清浙閩威望素著著即督率高  
連陞馳赴粵境調遣三省之軍相機合力攻勦所有江  
西廣東援勦各軍均着歸左宗棠節制以一事權務將  
鎮平踞匪刻日殲除林翟諸逆次第掃蕩俾粵省一律  
肅清全功克竟方為不負委任汪海洋以敗殘餘孽竄  
踞鎮平與軍進攻數月迄未得手殊屬疲玩著瑞麟等

嚴飭李福泰方權等認真攻勦迅拔堅城如敢再舉因  
循即著左宗棠從嚴參辦劉坤一計期應已抵任並著  
恪遵前旨極飭江境防軍入粵會剿聽候左宗棠調遣  
以期迅速藏功欽此竊維近時賊勢與孫長絨前奏已  
迥不相同鎮平克復閩軍緊追六晝夜汪逆已竄江西  
長甯龍南各地境以趨南安龍川之逆據報亦由粵東  
竄江西邊界與汪逆合當即遣火姑一股其林正揚一  
股聞已縛偽來土陸順德投入粵軍粵境無賊江境有  
賊臣自無庸入粵調遣各軍臣自閩省肅清後揣汪逆

初編卷二十六

三

必仍竄入江西屢經陳奏其調康國器關鎮邦兩軍入  
粵攻鎮平之東與南而令高連陞黃少春劉清亮嚴扼  
武平之巖前中赤下壩以攻其北劉典一軍分扼武平  
及灌田一帶者意設為重複之險誘賊由閩竄江節節  
截勦俾無遺種也嗣廣東以閩省馳賊入粵為言以康  
國器關鎮邦兩軍為少仍催閩軍會剿而其時又聞賊  
已入龍川陷長樂臣恐賊深入粵東腹地不得已催高  
連陞黃少春等移軍前進以綴之惟閩軍既踰嶺入粵  
則步步皆落賊後處處皆成尾追殊不得勢然猶私幸

粵軍能除龍川長樂股匪得合鎮平西南之圍收夾擊之效不料鎮平克復賊從西南竄出犯平遠不得折趨江西長甯終遂其入江本謀閩軍窮追六晝夜粵東竟無一騎一卒會勦也賊既入江西邊境橫出龍南定南邊界以趨南安以現在局勢言之南安有江軍攔頭廣資田婁雲慶王開琳三軍躡擊劉典一軍復從會昌安遠信豐以向南安而扼湖南桂陽邊隘似大局尚可收夾擊之效然終慮逆賊乘虛突竄山路處處可通官軍之堵者不能徧堵皆將成尾追之局耳賊之蓄意竄江

初編卷二十六 三

西欲由江西別覓生路其勢必於江粵湘三省邊界奪路狂奔臣所部各軍均已分道入粵入江其駐漳州者僅祇親兵八百人現去賊已千數百里勢不相及文報往還徒滋曠悞前摺請將高連陞戰事歸廣東督撫臣代奏黃少春劉典兩軍戰事歸江西撫臣代奏者此也兵機最忌遙制臣非敢有意推諉伏懇收回節制三省各軍成命俾各將領得免觀望遷延實於大局有益臣謹已分咨江粵各督撫臣矣至辦賊必須得人用兵必須選將古云天下危注意將即今督辦

之任也督撫雖不必親履行陣要必精於選將委任而責成功法以守則固以戰則克而賊無不滅矣瑞麟所奏粵東三大將以臣所聞驕快有餘樸勇不足宜其不能戰也廣西自劉長佑蔣益澧去後僅恃劉坤一支持張凱嵩當咸豐二三年間作牧令時聲望甚著近不如前臣前接其來咨劉坤一赴任後以記名總兵五月亮代統其軍臣維三月亮上年帶勇在浙經臣奏參摘頂准其假歸其人向尚勇往近多嗜好用充統領竊慮其必有貽誤也概自金田逆匪作不以來天下受其荼毒

初編卷二十六 三

而賊首則皆廣東人即楊秀士肅朝貴雖籍廣西而亦廣東流民之佔籍者廣東民俗類多狡猾兇頑出人意表此次從賊歸來者又多以投誠倖免恐而廣兵事尙無已時若得治軍之才如李鴻章蔣益澧其人禍亂庶有弔乎臣心有所知不敢不畢獻其愚伏祈聖鑒謹奏 同治四年九月初七日 軍機大臣奉 旨另有旨欽此



軍機大臣 字寄同治四年九月二十八日奉

上諭左宗棠奏近日賊情請收回節制三省成命並官軍勦賊獲勝及土匪戕害官兵情形各摺片覽奏均悉賊由粵境竄擾江西定南龍南之交其勢甚張疊經諭令左宗棠瑞麟郭嵩燾劉坤一等派兵會剿並令李瀚章嚴防楚境茲據左宗棠奏逆氛已竄江西勢將於江粵湘三省邊界奪路狂奔該督現駐漳州去賊甚遠兵機最忌遙制請收回節制三省各軍成命等語賊蹤雖距閩粵較遠左宗棠即可不必入粵惟各路將領必須

初編卷三十六 語

有威望重臣節制調度方足以一事權不至各懷觀望致誤事機左宗棠惟當視賊所前往江西居中調撥相機剿辦以期迅殄狂氛俟此股賊匪殄除淨盡方能卸此重任此次所請收回成命之處著毋庸議其八月二十一日寄諭命查之件仍著左宗棠迅速查辦據實覆奏劉坤一當飭甯寶田等軍乘勝痛剿瑞麟郭嵩燾慎遵疊次諭旨督率粵軍跟蹤夾擊黨任令該將領等遲延觀望縱賊不剿必惟該督撫等是問李瀚章仍遵前旨督飭防邊各軍實力扼截不得任賊竄突王開琳

一軍進駐江西長甯勦賊獲勝尙知愧奮已革總兵王開琳著開復革職處分已革參將熊常富著免其革職軍功鄧仕高著以守備補用並賞加都司銜以示鼓勵高連陞等軍奮勇追賊為粵東上匪截殺戕害竟至三百餘名之多實屬情同叛逆可惡已極著瑞麟郭嵩燾懷遠前旨趕緊嚴拏盡法懲治嘉應一帶徧地土匪尤應捕治淨盡不可稍涉姑容敷衍了事貽後日無窮之患左宗棠片著抄給瑞麟等閱看所有力戰陣亡之擬保副將銜參將王得盛擬保遊擊都司銜守備李鳳翔

初編卷三十六 語

遊擊銜都司周興義擬保遊擊都司於長林擬保都司守備王汝洪擬保都司守備銜千總朱傳孝擬保守備千總李光斗及被匪戕害之參將鄒朝瑞千總胡得貴李起生均著交部照陣亡例從優議卹以慰忠魂將此由六百里各諭令知之欽此

官運籌補不敷現飭疏銷籌補摺

奏為開省西路官運籌補第十三十四兩屆期滿核計額數不敷現飭疏銷籌補恭摺具

奏仰祈

聖鑒事竊照開省西路光建等幫倒懸達額前因乏商辦運經前督臣劉韻珂撫臣徐繼畲援照粵省潮橋成案

奏請捐輸運本委員試辦聲明每屆一年如有盈餘即儘數繳存道庫以備補銷不足之年酌提彌補仍將每

初編卷二十六

三

年盈細確數專摺

奏報計自道光二十九年七月初一日開幫起至咸豐十一年六月抵止共歷十二屆所有每年收支出各數均經先後具

奏在案茲自咸豐十一年七月初一日起扣至同治元年六月抵止第十三屆一年期滿據官運總局委員冊報現辦西路光建兩幫併兼辦順昌南平等幫各懸額共計領過運本銀一十八萬五千兩內除九十兩屆被匪搶失鹽錢等項未經歸補銀三萬二千三百六十四

兩五錢一分六釐現經片案籌議勻賠應俟追回清楚

再行核實作收外實存運本銀一十五萬二千六百三

十五兩四錢八分四釐買備場鹽轆轉運除完納課

雜及支銷各項經費之外實存省幫各館埠鹽錢倉船

器具等項合錢共一十五萬二千八百五十五兩四錢

五分八釐內應歸還庫領成本存銀一十五萬二千六

百三十五兩四錢八分四釐外計獲盈餘銀二百一十

九兩九錢七分四釐併據該局員造冊開報又自同治

元年七月初一日起至同治二年六月抵止十四屆一

初編卷二十六

三

年期滿並據冊報該幫各懸額共計原領成本實存銀

一十五萬二千六百三十五兩四錢八分四釐買備場

鹽轆轉運除完納課雜及支銷各項經費之外實存

省幫各館埠鹽錢倉船器具等項合共銀一十三萬二

千七百三十四兩九錢一分九釐又光建兩幫雜款項

下另存銀一千四百五十九兩九錢二分六釐統共銀

一十三萬四千一百九十四兩八錢四分五釐以之歸

還原領成本計不敷銀一萬八千四百四十四兩六錢三

分九釐此項不敷銀兩因二年三月間逆首李阿四勾

結土匪滋擾焚掠商販裹足幫鹽滯銷以致辦理稍有  
短絀應請俟下屆獲有盈餘陸續補還欵等情由福  
建鹽法道吳大廷會同前布政使張鈐慶及總辦官運  
局務浙江督糧道周開錫具詳請

奏前來臣等覆查無異除飭將不敷銀兩趕緊設法疏  
銷籌補外臣等謹合詞恭摺具

奏伏乞

皇太后

皇上聖鑒飭部查核施行謹

初編卷三六

五

奏同治四年九月十六日

軍機大臣奉

旨該部知道欽此

浙軍援江克復縣城出力員弁併案請獎摺  
奏為查明浙軍援江克復崇仁東鄉宜黃縣城在事出  
力員弁併案請獎恭摺仰祈

聖鑒事竊前署浙江按察使劉典記名總兵王開琳上  
年赴江援剿於七月初十日克復崇仁東鄉縣城十二  
日克復宜黃縣城經楊岳斌沈葆楨先後奏奉

諭旨准其擇尤保奏在案旋據各營開摺呈送前江西  
撫臣沈葆楨核辦沈葆楨以劉典王開琳所部皆浙軍

復咨請臣核辦本年四月該江西撫臣孫長紱奏保克

初編卷三六

五

復崇仁等縣城出力員弁復欽奉

諭旨所有劉典王開琳兩軍出力員弁勇丁仍著孫長

紱知會左宗棠迅即查明保奏俾免向隅欽此准孫長

紱恭錄咨會到臣伏查上年道首李世賢等各股鼠據

江西蔓延撫州建昌一帶幸劉典在籍招募勇丁迅速

馳援力扼臨江保全贛西各縣嗣復與王開琳會合江

西各軍克復崇仁東鄉宜黃各城在事文武官屬異常

奮勉除記保以藍翎千總把總外委拔補者咨部註冊

外所有奏保各員理合開具清單恭呈

御覽伏乞

皇上聖鑒訓示施行再王開琳所部老湘營有上年正月八月兩次截勦竄賊歸入湖州案內保獎者是以此次俱照擬保官階續行請獎合併聲明謹

奏同治四年九月十六日

軍機大臣奉

旨另有旨欽此

初編卷二十六

三

覆陳廣東軍務貽誤情形摺

奏為遵

旨覆陳事竊臣於九月十三日接准軍機大臣字寄同治四年八月二十一日奉

上諭郭嵩燾奏多病蹇訓請准開缺一摺另奏廣東軍務約有數誤請將督署幕友徐灝擯退請飭左宗棠督辦鎮平賊匪並覆陳御史潘斯濂條陳各片覽其所奏語多負氣本日已明降諭旨將郭嵩燾嚴行申飭令左宗棠赴粵查辦矣郭嵩燾與瑞麟意見不合致多掣肘

初編卷二十六

三

何妨據實陳奏乃竟稱疾乞退殊失和衷之道其所陳廣東軍務致誤之由如李福泰粉飾軍情鎮平失守二十餘日李福泰並未稟報方耀防堵平遠數月聞賊至而先期避去致令全軍潰散卓興駐省兩月索餉二十萬由老隆調赴興甯徑報率勇歸家已而復稱各勇均經招回瑞麟不查問長樂失守惠州戒嚴郭嵩燾欲駐紮惠州瑞麟將會商之司道而斥且對眾宣言巡撫欲加整頓卓興方耀將反如果實有其事實屬有意型別幕友徐灝係屬何人郭嵩燾但請擯退而未明言其

如何盤踞把持敗壞風氣廣東盜風近來能否稍戢乘  
圍圍等處生息銀兩已否歸還前有諭旨令左宗棠馳  
赴鎮平督辦軍務將廣東江西福建三省兵勇節制調  
遣刻下計已接奉此旨即著就近將郭嵩壽所奏各節  
確切訪查該署督撫因何不協究竟為公為私據實覆  
奏請旨遵行粵省軍務乃般若疆臣各存意見不能和  
衷將士復粉飾軍情不肯盡力大局何堪設想左宗棠  
秉心公正諒不肯稍涉徇徇代人受過郭嵩壽摺片四  
件均著抄給閱看欽此 臣維鎮平克復後閩軍緊追六

初編卷二十六

三

晝夜汪逆全股竄江西長甯龍南各地境廣東龍川之  
賊亦由粵東竄江西邊界江西有賊廣東無賊情形業  
經 臣於九月初七日馳報並懇

收回調遣三省兵勇

諭旨免各軍將領觀望遷延計江西撫臣劉坤一已履  
新任江西辦賊有人所有各戰情形自已據實陳奏矣  
頃據廣東提督高連陞函報八月二十五六等日汪逆  
全股竄至江西定南信豐連界小江墟一帶經席寶田  
黃雲慶等擊敗二十八日退竄龍南暫踞黃沙榨地方

奈度賊情又將假道廣東南韶以犯湖南而入廣西也  
汪逆之竄踞鎮平本因計無復之姑假息於此為賒死  
之計其必不欲久留於粵者緣汪逆籍隸安徽全椒其  
死黨多江北江西湖南劇賊向與廣東股匪氣類攸分  
也 臣之遣康國器關鎮邦兩軍入粵以助粵軍而分布  
各軍擬助江西保湖南邊隘者蓋謂制流寇之要在審  
其必出之途俟其竄動而要擊之庶可省兵力而策全  
効若待賊蹤他向形勢畢露而後圖之節節尾追殊不  
得勢耳閩軍駐武平邊隘距鎮平縣城四十五里扼賊

初編卷二十六

三

由閩竄江要衝廣東必欲催其入粵而粵軍之分攻鎮  
平者僅祇方耀一枝又距鎮平百餘里鎮平未克不會  
閩軍攻城鎮平既克不會閩軍追勦是有會勦之名無  
會勦之實也迨閩軍分攻鎮平之北東南三面江軍進  
平遠東石遙扼其西北一面粵東所宜防者僅西南一  
面耳八月初五日長樂之賊既已獻城則粵軍卓興一  
枝正可由長樂以守興甯力扼西南竄路乃閩軍於八  
月初九夜復鎮平縣城即躡蹤猛追六晝夜至羅岡已  
越興甯而前未見方耀之軍亦並未見卓興之軍而龍

川之賊反得與汪逆會合並越江西長甯地界長樂距  
興甯不過百里兩日可到賊之由鎮平竄走在長樂收  
復後五日其展轉而竄至興甯則在九日之後粵軍果  
欲嚴西南之防與閩軍收夾擊之效豈九日不能爲百  
里之行胡爲遲遲又久避賊而兼避閩軍乎此不能爲  
卓興方耀解者也臣於粵軍將領長短素無所知初見  
瑞麟鈔摺咨會以方耀卓興爲粵中大將意其不能戰  
或尙能守不圖其驕與怯俱貽誤一至於此郭嵩燾所  
陳數誤自係實在情形茲第就瑞麟迭次奏報粵中戰

初編卷二十六

三

事情形及竄賊踪跡與粵軍進止時日言之事理明白  
實有不待訪察而知者瑞麟之用方耀卓興或亦有取  
於使貪使詐之說無論貪詐本不可使卽欲藉其詐力  
以濟一時亦須駕馭鞭策俾其有所做畏不致誤事方  
收使貪使詐之效而不至爲貪詐所使瑞麟於方耀卓  
興貽誤種種情形不據實奏參又從而徇之縱之此不  
能爲瑞麟解者也臣察廣東軍事之誤蓋不止郭嵩燾  
所陳數端方賊之在閩也

諭旨屢飭粵軍在閩者歸臣調遣而前督臣毛鴻賓恐

臣調令深入空粵境之防奏請留粵調遣不知臣於所  
部王開琳老湘全軍尙以嚴扼江西竄路爲主未嘗調  
令深入江粵事均一體豈有調粵軍入閩不顧粵境之  
理使方耀於賊竄大埔折撲永定之時稍能不分畛域  
與劉典康國器王開琳諸軍共圖夾擊但出紮數十里  
相持數日而高連陞黃少春等軍已從漳州馳至矣汪  
逆不能越永定以至武平更何能越武平以犯鎮平乎  
乃閩軍猛追於後粵軍不會堵於前致賊得從夾縫中  
逸出以陷鎮平翻以閩軍七八萬驅賊入粵爲言實則

初編卷二十六

三

閩軍破賊原祇三萬五千餘並無七八萬之衆賊自乘  
廣東之虛而入並非由閩軍之驅也此一悞也雲慶  
一軍爲江西防邊之軍然距粵界僅數十里臣前因郭  
嵩燾慮賊將入粵奏請

飭雲慶兼防江粵之交而兩省分濟其餉廣東立予  
奏駁遂止不行致平遠鎮平被賊竄入此又一悞也郭  
嵩燾懇懇篤實廉謹有餘而應變之略非其所長臣曾  
以

聖明在上海事宜慷慨直陳相勗而郭嵩燾復緘以時

艱同值宜委曲以期共濟頗以臣倖直為非茲因粵事  
貽悞已深憂懼交集始侃侃直陳而已無及矣  
諭旨責其負氣責其不據實陳奏而稱疾乞退是郭嵩  
嘉咎由自取早在

聖明洞鑒之中臣亦不敢因親好私情稍涉回護也幕  
友徐灝少蹟臣無從查知不敢置喙自古用兵之際主  
兵者每因軍務繁重不得不廣辟幕僚相助為理如唐  
之掌書記晚唐五代之典籤皆是也然必主兵者能躬  
自綜理乃免貽誤若一委之幕客而幕客又不得其人

初編卷二十六

義

則因緣為奸勢所必致

皇上察廣東軍務之誤則知瑞麟察瑞麟之誤則知幕  
友徐灝矣至督臣之於撫臣雖有節制之義然分本等  
夷彼此當以協恭為尚如宋臣韓琦范仲淹富弼歐陽  
修之在朝堂遇有意見不合則力爭之退則依然友朋  
之素此和而不同之君子也若必以相忍為和則樹黨  
養交弊從此起臣下之利非朝廷之利臣愚以為臣下  
意見不妨時有而是非要不可不明此自在  
聖明之權衡酌奪而已除將臣與郭嵩嘉有應迴避另

摺請

旨改派查辦之員外謹就愚見所及據實直陳伏乞聖  
鑒訓示施行謹

奏 同治四年九月十八日

初編卷二十六

義

陳請改派訪查事件及應行迴避摺

奏為奉

諭訪查事件應請迴避請

旨改派事竊臣欽奉八月二十一日

寄諭郭嵩燾奏多病懇請准開缺一摺另奏廣東軍

務約有數誤請將督署幕友徐灝擯退請飭左宗棠督

辦鎮平賊匪並覆奏御史潘斯濂條陳各片前有旨諭

令左宗棠馳赴鎮平督辦軍務刻下計已接奉此旨即

著就近將郭嵩燾所參各節確切訪查據實覆奏本日

初編卷二六

三

又據孫長絨奏粵匪兩軍現議取道赴粵並探聞李世

賢為汪逆刺斃並著查明具奏欽此跪聆之下悉我

皇上軫念海疆實事求是至意惟鎮平業經克復粵境

之賊悉數竄入江西邊界距閩太遠臣部各軍已分

道追剿業經臣疊次馳報在案局勢迥異從前察看賊

情西趨甚速江西粵東均非其駐足之所臣自毋庸入

粵並恐各將領藉詞聽臣調遣翻致觀望遷延更滋貽

誤業經臣覆陳並懇

收回成命矣至郭嵩燾各摺片

諭交臣就近訪查據實覆奏臣與郭嵩燾生同里開且與胞兄兒女姻親應請迴避伏懇

簡派委員查辦以昭核實除首逆李世賢實被汪逆海

洋刺斃臣已附片陳明外謹據實覆陳伏乞

皇太后

皇上聖鑒訓示施行謹

奏同治四年九月十八日

附陳軍營染患時疫情形片

再各軍近因疾疫繁興紛紛具報蓋師行山谷之間飽

初編卷二六

三

受烟瘴又時冒雨忍饑枕戈露宿足以致之現據高連

陞劉清亮劉典等報稱軍中患疫者皆逾一半弁勇傳

染物故頗多而康國器一軍為尤甚王德榜一軍拔赴

汀州後亦患病紛紛惟黃少春一軍尚未據呈報康國

器因病勇過多良懇暫撤臣以軍事喫緊未便准行而

一時清發積餉亦實苦無從搜括已勉諭其將精銳挑

留好為調養矣頻年軍中患疫率在溽暑之時茲則節

交霜降乃發一發即沈篤不起如道員張恒祥副將余

佑民之亡尤堪憫惻高連陞已由興甯前進劉典一軍



已於九月初一日由會昌取道贛州赴南安黃少春一軍亦由武平會昌續進劉清亮則尚駐江西長甯未能拔行也病勇即須人昇行軍火輜重累贅尤甚邊界土匪極多不但無夫可僱且并受其侵掠之害軍行艱苦於斯為最然局勢所在又不得不疾起赴之臣惟有勉其盡瘁馳驅冀竟全功以紓宸厯理合附片陳明伏乞

聖鑒謹

奏 同治四年九月十八日

初編卷二十六

單

軍機大臣奉

旨另有旨欽此

剿辦土匪情形并請將疎縱知州革職留任摺  
奏為剿辦上下府各屬土匪情形並請將疎縱要犯之知州革職暫留本任恭摺奏祈

聖鑒事竊照閩省興泉永漳各屬負山濱海民風犷悍向有烏白旗紅白旗小刀會千刀會等名目結黨拜會殺人行劫靡惡不為上府延平所轄南平永安沙縣順昌等處游匪亦時散時聚乘機剽掠經臣等迭次剿辦並一面出示剴切曉諭一面督飭地方文武隨時搜捕會附片

初編卷二十六

單

奏明在案茲查永春州屬上場堡埔頭鄉一帶皆小刀會匪聚匿之所本年六月毀搶永春釐局一案當時雖緝獲要犯李達顏買即陳啓洪春顏圍等四名而隨同搶局之上場堡顏姓埔頭鄉林姓以及西門街地棍李梓陳漢等尚未獲案並據永春州知州周式濂稟稱本年密緝埔頭鄉逃匪林乖曾傳伊家長監生林俞孝到案訊供行至中途被該鄉匪徒奪回上場堡顏姓於咸豐十一年糾眾焚搶生員鄭和光一案迄今未結此次該二鄉匪徒又聚眾毀搶釐局臣等當飭道員朱明亮

督同周式濂先行曉諭該家長等自將要犯網送如仍抗違再予剿辦詎該鄉匪徒倚恃黨羽眾多且有桃林舊城險要可據不交一犯七月二十七日朱明亮督勇馳赴上場堡該匪竟敢開放鎗礮轟擊傷守備羅得彪胸膛殞命石鼓徐山兩村援匪復蜂擁而來朱明亮督隊迎敵將援匪擊敗而寨內各匪猶負隅抗拒守備黃得勝奮勇先登中礮陣亡勇丁連傷十餘名朱明亮見勢不可已傳令施放噴筒火箭將附寨房屋焚毀羣匪驚潰各勇乘勢殺入立斃匪黨五十餘名並獲該鄉家

初編卷三十六

聖

長捐職千總顏必魁發州收審責令跟交各犯迺該鄉匪徒仍肆克頑八月初三日將朱明亮派赴同安挑運軍裝勇夫三十五名於距州城二十里之元帥格寒樓隘地方殺害僅逃出勇夫四名初七日復將朱明亮派往興化之外委陳林鳳及勇丁一名於途中殺害被押千總顏必魁旋即在押脫逃匪勢益張二十八日顏姓匪徒竟糾聚數千人至西門街圍撲官軍營壘朱明亮督隊迎剿斃匪一百三十餘名官軍亦陣亡藍翎守備章起厚外委周勝彪擬保藍翎外委會獻龍等三名受

傷三十餘名薄暮收隊西門街顏姓當舖內又突出伏匪數百從後攔截經該營幫辦范秉誠等督飭各勇開放鎗礮擊退二十九日朱明亮復督各弁勇分攻石鼓徐山上場堡匪巢轟擊逾時該匪拚死抗拒朱明亮飭各勇佯退誘其出巢擊之匪果傾巢衝撲各勇乘勢縱擊斃匪百餘名適副將朱德明等將石鼓徐山攻破兩路兜剿共斃匪數百名立將桃林寨舊城平毀埔頭各鄉聞風畏懼願具限細交各犯求免剿捕等現已飭朱明亮等分別辦理矣其安溪縣所轄永安里謝姓長

初編卷三十六

聖

二兩房亦恃族大人多屢次行劫抗糧拒傷兵役本年該鄉匪徒謝良等復搶劫武舉李維龍並泉州府商人金興順米石永春州商人鄭金成夏布各案該縣知縣羅運端三次赴鄉擊辦不交一犯比會營往擊又拒傷兵丁數名經臣等檄飭駐紮同安記名總兵楊和貴就近督帶弁勇馳赴安溪飭諭該家長等指擊著名各犯仍抗不交出楊和貴督縣親赴該鄉謝姓長房竟聚眾開放鎗礮抗拒官軍列隊齊進擊斃匪黨七十餘名餘匪逃散立將匪巢洗蕩並續獲首犯謝拈一名正法其

同安縣前次助逆撲城土匪經署該縣知縣白玉冠擊獲要犯邵敦正法又續獲要犯蘇吉楊綿二名均訊明通逆謀叛各情不諱已飭就地正法臬示又代理長泰縣知縣吳榮鼎先後擊獲楊代母楊眷楊知陳佐陳銳卽柯銳葉鎗楊吸楊任戴鼎葉植葉鼎等十一犯又代理龍溪縣知縣楊慶容續獲方開歐揀任中三犯均訊明通逆濟匪屢次搶劫不諱已飭就地正法又詔安縣屬景坑東沈村厚廣村匪徒本年勾引髮逆攻陷縣城逆賊敗竄後經代理該縣知縣張鴻書擊獲東沈村首

初編卷二十六

四

犯沈宅並沈品沈培元沈純貢沈容書沈石秀吳陳六犯厚廣村李勇卽李友李風李恤李潤李樵李茂李枝狹李雲水李鍾李邊等十犯訊明正法旋查該鄉漏網匪犯甚多紳民控詞屢繁復飭署漳州鎮總兵羅大春前往查辦諭知景坑一鄉兇惡最著不但詔邑人民遭其擾害卽閩粵來往各商民亦時被詐擄斃命該鄉皆屬張姓四面環以小村地勢較厚廣東沈兩村寨尤爲幽險羅大春到詔安明示以抗不繳犯必予痛剿匪等仍置若罔聞八月二十六七八等日師進景坑匪徒數

千恃險抗拒當經羅大春指麾縱擊斃悍匪四十餘名生擒張鍾酒等十九名奪獲鎗礮五十三桿大礮兩尊旗幟九面將匪寨一律焚毀一邑稱快現已飭令該鄉及厚廣東沈等村一體細送首要各犯此剿辦下府各屬土匪之情形也其上府延平一帶本年春間擒獲首犯鄭基卽下府基正法後尙有鍾義古賴三滿鍾官仔等數要犯未獲六月間鍾官仔復糾聚匪黨竄至距洋口四十里甌甯縣所轄紫竹灘地方大肆焚掠殺斃多命復連擾大厝口廣根坑頭下臺三鄉范坑半坑等處

初編卷二十六

五

代理南平縣知縣王蘭會營往擊該匪已經各鄉聯甲擊散僅於山厰內搜獲陳雲清陳生清張藍八何十四等四犯訊供聽從鍾官仔糾邀入夥焚村殺人不諱當經批飭正法 臣宗棠初接延平文武稟報卽飭刑部員外郎張樹葵帶勇五百名馳往剿辦比抵延郡該匪業已四散現僅於延平附城一帶搜獲匪犯數起已訊明分別辦理其順昌縣知縣陳星聚於六月間飭團擊獲匪首郭英一名永安縣聯甲擊獲匪首蘇楊一名代理汀州府知府朱以鑑督縣責令浚坊紳工細送著名匪

犯涂三滿致若湖五涂缺之五李青源蔡福成蔡老陳  
牯劉揚七致張雞斗涂經致涂廣東狗等十名均就地  
正法現與江西會昌瑞金連界之武平長汀等縣土匪  
最多由營假歸弁勇及昨次劉典移營赴會昌追截贖  
賊各弁勇患病落後沿途被匪劫掠斃命者已據各營  
稟報不下數十人而已保花翎參將劉三元亦被匪毆  
搶致斃其扶病得脫者率皆劫洗一空裸體偃臥道左  
待填溝壑臣現咨江西撫臣飭屬嚴辦一面飭閩省地  
方文武隨時會拏無分畛域期將各匪逐一捕誅以儆

初編卷二十六

巽

姦頑而安商旅此剿辦上府各屬土匪之情形也竊維  
閩省上下游各屬土匪橫行相沿成俗種種克恃情形  
無殊叛逆雖迭經搜捕匪風稍覺息而積習既久驟  
難期其革面革心現如興化泉州等處紅白旗烏白旗  
會匪尙未及懲辦永春州土匪剿捕亦未竣事汀州延  
平一帶游匪伏路劫殺出沒於水陸衝僻地方爲害商  
旅兵至則匪兵撤復起兵少則拒兵多則逃非有精兵  
良將建威而銷其萌廉明守令久任而善其俗行保伍  
之法嚴首惡之誅必致浸淫日久釀爲異患臣等不敢

姑息將就重貽地方之害惟當慎以圖之永春州知州  
周式濂於上場堡埔頭鄉匪徒始則稟請剿辦繼因該  
州紳士等有捐免坐賈洋銀八千元之稟又請並顏林  
兩姓匪徒免其拏辦臣宗棠以捐免坐賈義無所取飭  
令毋庸收受而應辦各匪犯仍當責令該鄉緝送以正  
刑章周式濂日久未獲一犯而朱明亮所獲發審之顏  
姓家長顏必魁又於在押時潛逃周式濂復具稟請將  
捐免坐賈洋銀四千元作爲團費其中情節支離恍惚  
非畏事圖安卽得賄徇臣宗棠現飭周式濂據實稟

初編卷二十六

巽

覆並密行察訪外相應請  
旨將周式濂先行革職暫留本任勒令嚴緝要犯顏必  
魁到案審訊聽候察辦其剿匪陣亡之守備羅得彪黃  
得勝章起厚外委周勝彪擬保藍翎外委曾獻龍並請  
飭部照例議卹理合恭摺具  
奏伏乞  
皇上聖鑒訓示施行謹  
奏同治四年九月十八日  
軍機大臣奉

旨另有旨欽此

同治四年十月十二日內閣奉

上諭左宗棠徐宗幹奏剿辦上下府各屬土匪情形一摺福建興泉永漳各屬小刀會等匪黨素為民害經左宗棠等派兵剿捕將首要各犯次第擒斬辦理甚屬認真仍著督飭地方文武實力搜捕以消奸宄而安善良永春州知州周式濂於土場墜地頭鄉應擊匪徒日久未獲一犯輒請免其擊辦於發審之類必魁一犯又復在押潛逃并請將該州紳士免捐坐賈銀兩作為團費

初編卷三十六

吳

種種情節支離難保無有心賄縱情弊周式濂著先行革職暫留本任勒令嚴緝要犯頭必魁到案審訊聽候查辦其剿匪陣亡之守備羅得彪黃得勝章起厚外委周勝彪擬保藍翎外委曾獻龍均著交部照例議卹欽此  
軍機大臣 字寄閩浙總督一等恪靖伯左宗棠廣州將軍兼督兩廣總督瑞麟福建巡撫徐宗幹署廣東巡撫郭嵩燾同治四年十一月十二日奉  
上諭左宗棠徐宗幹奏剿辦上下府各屬土匪並左宗

棠奏覆陳廣東軍務貽誤情形請將訪查事件另行派員查辦各摺覽奏均悉本日已明降諭旨將瑞麟郭嵩燾嚴行申飭並令瑞麟將募友徐灝驅逐矣粵東軍務正當防範喫緊之時瑞麟於布置調度機宜自當虛衷延訪共濟時艱郭嵩燾亦當和衷商酌務求至當不得偏執已見此後該督撫遇有公商事件總當以國事為重毋許各懷私見再蹈前非方耀於軍務喫緊之際竟敢逗遛不進縱賊竄逸實屬玩愒業據瑞麟等奏參撤銷提督銜革職留營著瑞麟等即飭令該總兵奮勉圖

初編卷三十六

吳

功以贖前愆倘再畏葸貽誤即著嚴參治罪卓興如不實力剿賊亦著從嚴參辦毋稍姑息賊蹤現又回竄粵東該省兵力本不如閩軍之精銳且卓興方耀不善駕馭仍恐不能得力必須左宗棠親往督剿方可掃盡狂氛著左宗棠懷遵前旨迅行前往認真剿辦瑞麟前已有旨令赴潮州辦理洋務即著迅速前往妥籌辦理李福泰是否可用有無粉飾貽誤之處左宗棠此次摺內並未提及仍著查明具奏閩省上下游各屬土匪橫行相沿成俗種種兇悖情形無殊叛逆左宗棠等現飭地

方文武帶兵搜捕擒斬多名餘匪始稍知斂息第積習既久驟難期其革心且兵至則伏兵撤則起尤為該逆等慣技左宗棠等惟當飭令在事員弁隨時訪查拏辦以銷其萌又擇廉明守令遇事化導久任而變其俗庶沉痾之疾或可有起色則匪陣亡之守備羅得彪等已明降諭旨交部議卹知州周式濂亦照請革職留任其辦理土匪是否得萌徇情著左宗棠等查明參奏左宗棠另片奏軍營染疫等語高麗陞劉清亮劉典等軍患疫過半而康國器一軍為尤甚該將士等為國剿賊

初編卷二十六

幸

馳驅况瘁近因師行山谷枕戈露宿飽受烟瘴以致傳染疫氣物故頗多覽奏之餘曷勝惻惻著左宗棠宣布朝廷德意多方拊循妥籌醫治給發餉需俾得迅消殄瘳足資飽騰以副軫恤戎行至意將此由六百里各諭令知之欽此

裕靖奏稿初編卷二十七目錄

賊踪竄粵現擬相機防剿布置情形摺

保奏人員先後異轍請交部察議片

籌調官軍分路進剿布置情形摺

覆陳廣東李藩司粉飾軍務情形片

附陳督署事件委藩司代折代行片

滙陳閩鹽試行票運情形摺

請將陣亡之何副將等議卹片

師船獲盜出力員弁陳請獎勵摺

初編卷二十七目錄

賊踪竄現擬相機防剿布置情形摺

奏為賊踪回竄粵境微臣現擬相機防剿並籌畫布置情形恭摺馳

奏仰祈

聖鑒事竊臣前奉

諭旨馳赴粵境調遣廣東江西福建三省兵勇彼時因賊竄江西長寧龍南各地境江西有賊粵東無賊臣自毋庸入粵奏懇

收回節制三省各軍成命於十月二十日欽奉九月二

初編卷二十七

十八日

寄諭左宗棠奏逆氛已竄江西勢將於江粵湘三省邊界奪路狂奔該督現住漳州去賊甚遠兵機最忌遠制請收回節制三省成命等語賊踪雖距閩粵較遠左宗棠即可不必入粵惟各路將領必須有威望重臣節制調遣方足以一事權不至各懷觀望致悞事機左宗棠惟當視賊所前往江西居中調撥相機剿辦以期迅殄狂氛俟此股賊匪殄除淨盡方能卸此重任此次所請收回成命之處著毋庸議欽此又於十月二十二日

欽奉十月初一日

上諭著左宗棠仍遵二十八日諭旨迅赴江西擇要駐紮居中調度徵飭各軍剋期會剿欽此伏查康逆汪海洋一股由江西定南敗竄廣東連平所轄上下坪一帶時道賊黨接及龍南始興邊境意在由南韶奪路竄江西湖南邊界與全軍由江西南康進駐廣東南雄高連陞一軍由廣東河源進督軍扼賊內犯廣東之路黃少春一軍由贛州進駐江西之信豐扼賊旁竄江西之路賊知去路已斷忽由連平翻山繞竄和平與各境所

初編卷二十七

二

過城邑皆繞道急趨突犯嘉應頃據遊擊賴長自永定飛稟探報嘉應州城圍已於十月二十一日賊到時失守旬日之間狂竄數百里其由閩邊以犯江西之勢已成閩軍悉數入江入粵原為截賊去路去閩日遠此次逆賊乘虛回竄一無阻遏閩軍為賊所隔且東江一帶徧地土匪楚軍隊伍輻重落後者均被劫殺言連陞劉清亮屢次緘報相同各軍又值疾疫盛行之後疲乏殊甚此次回剿之不能迅速已在意中查嘉應入閩約有三道一入永定一由鎮平入武平一由大埔入平和均

不過百數十里而永定尤為衝要臣現飭賴長率所部  
勇丁一千嚴扼之復徵藩司王德榜速率所部二千五  
百人由汀州拔營馳往裁剿飛飭黃少春由江西信豐  
過安遠以扼武平並咨江西撫臣劉坤一嚴扼會昌瑞  
金與汀州鎮沈俊德一軍相為聯絡惟平和一縣僅副  
將林珠一營駐守兵力太單而此時實無兵可撥臣擬  
即日率親兵八百人並調記各總兵楊和貴一營由屯  
瑄溪以扼漳州之衝而兼顧平和一路俟各軍到齊再  
相機前進督剿如賊竄江西臣自當遵

初編卷三十七

三

旨赴江西視賊所向會江西撫臣檄飭各軍相機安辦  
所有逆賊回竄粵境及現籌辦理情形謹據實馳

奏再臣得報後即行陳

奏不及與撫臣臧商故未會銜合併聲明伏乞

皇上聖鑒訓示施行謹

奏同治四年十月二十六日

軍機大臣奉

旨另有旨欽此

軍機大臣 字寄同治四年十月十九日奉

上諭左宗棠奏賊踪回竄粵境現籌布置情形一摺康  
逆江海洋一股由連平統竄和平與各境突犯嘉應  
該州城池於十月二十一日失守左宗棠現派賴長等  
軍各率所部分路扼剿所籌均屬周妥該匪旬日之間  
狂竄數百里其欲由閩遷以犯江西已可概見著左宗  
棠檄飭派出各軍將由嘉應入閩之路分投堵截遇賊  
即擊以剿為防務將此股賊匪迅速掃除肅清疆圉以  
竟全功該逆既有圖竄江西之勢亟應實力嚴防以扼  
其紛擾之路著劉坤一督飭防軍認真堵禦並嚴扼會

初編卷三十七

四

昌瑞金一帶與汀州鎮沈俊德一軍聯絡聲援會籌剿  
洗為一鼓聚殲之計嘉應州城被陷著瑞麟郭嵩壽將  
失事情形並文武下落查明具奏並著嚴飭卓興方耀  
等軍迅圖克復州城一面將此股賊匪痛加剿洗就地  
殲滅毋令再竄福建江西等省又成不了之局平和一  
路兵力較單該督擬出屯瑄溪以扼漳州之衝兼顧平  
和一路即著移營前進相機布置如賊竄江西並著左  
宗棠擇要駐紮會同劉坤一督飭各軍視賊所向立圖  
掃蕩該督成算在胸諒能通籌全局迅殄逆氛也將此



由五百里各諭令知之欽此

保奏人員先後異轍請交部察議片

再十月初八日欽奉

寄諭曾憲德一員二年間由左宗棠於年終密考摺內稱其前在延建邵道任內辦事諸多諉卸才識均庸是以有關缺送部引見之旨此次復據該督保奏何以該員一人之身先後異轍如此著查明覆奏欽此臣維曾憲德一員前在延建邵道任內粵賊李阿四竄入轄境曾憲德稟飭護邵武營參將吳連升扼要防剿吳連升

初編卷二十七

五

遷延不行致賊勢肆竄地方多被擾害其時曾憲德屢次稟陳軍務言賊踪必至某處某處後果歷歷不爽然於吳連升外別無調撥臣參劾吳連升曾憲德又具稟為之解說臣當將曾憲德批飭比即奏明延汀等處土匪應責成曾憲德督率各軍剿辦如再貽誤定將該道將等

奏請從重治罪密考稱其諉卸者臣以其有料賊之明而無制賊之效也稱其才識俱庸者臣以其既知吳連升之遷延貽誤不擇人更換又不厭其責成也本年春

間李逆世賢踞漳州勾結洋人潛謀下海洋官柏威林與之通公然作梗臣擬以利啖柏威林俾為我用庶李逆聞而猜懼其交可離與撫臣徐宗幹密商及之撫臣謂曾憲德在興泉永道任內為柏威林所信服宜若可使臣比即會銜札委曾憲德赴廈門察辦軍務並令美里登偕行卒能鈐制柏威林以斷勾通接濟之路並搗獲洋人濟匪者多名亦並未賞以厚賞也李逆聞柏威林旋有禁洋人私通接濟之議懼為洋人所賣藉所製炮子未能炸裂立斬洋人三名於是李逆與洋人之交

初編卷二十七

六

始絕臣入漳州尚見洋匪代賊鑄造田雞砲四具銅開花礮子數百枚並洋匪遺棄衣帽多件若當時非曾憲德明幹有為上遠人所信服得駕馭而牽制之則漏逸下海一著必所难免臣到漳州後見曾憲德所辦諸事尚均妥協暗詢其當日在延建邵道時事據稱以其時實無好兵好將又所上公牘多徑抵代辦衙門臣處無從閱悉臣益釋然適值興泉永道鄧廷枏奉旨陞授福建臬司應赴新任臣故奏請以曾憲德署理是缺一則人才可用一則中外情

形熟悉也其兩次

奏保該員未將密考叙入者竊以年終密考向無於奏摺中聲明體式遂致過於拘泥上千詰責此則微臣咎有難辭應請

旨將臣交部察議謹據實覆

奏伏候訓示施行謹

奏同治四年十月二十六日

軍機大臣奉

旨知道了左宗棠著加恩免其察議欽此

初編卷三十七

七

籌調官軍分路進剿布置情形摺

奏為籌調官軍分路進剿仰祈

聖鑒事竊臣自聞廣東嘉應州失守即將籌辦情形馳報一面率親兵及記名總兵楊和貴新右營出屯平和縣瑄溪以固漳州南靖門戶遏賊內犯催調籌辦軍務劉興全軍由廣東南雄州取道江西南安贛州入閩署浙江提督黃少春由南安贛州入閩而廣東提督高連陞福建延建邵道康國器署浙江衢州鎮總兵記名提督劉清亮三軍皆隔在賊後無從檄調臣抵瑄溪後訓

知賊蹤尚未竄動而察江西各軍皆以先固本省疆圍而後徐取遠勢截剿竄賊為主議論紛紜尙無出境確見適奉

諭旨鮑超一軍仍歸臣節制鮑超書來亦亟思隨同臣軍進剿臣當即咨鮑超率所部新舊各營一萬二千人入閩分扼武平上杭劉典率所部勇丁八千餘名入閩後徑趨永定其黃少春一軍三千人王德榜一軍二千五百人檄令隨臣進剿旋據高連陞康國器械報已尾賊而來由興甯向東北疾趨高連陞已紮嘉應州東北

初編卷三十七

八

三十里葵嶺康國器已紮鎮平縣城其嘉應州城之西三十里藍口地方聞粵軍方耀邵安邦駐紮其東南一面賴長所部一千人已進紮丙村對河之井塘與惠潮嘉道張銑所派潮州協副將何雲章五品軍功容潮彰之勇丁三千餘名夾河而守是四面布置粗有規模然賊之困於連平上下坪也實垂燼之餘因江西龍定之軍未及合圍廣東連平之軍未能攔截致旬日間鏖走嘉應兇險忽張廣東土匪及遺散之勇從之者眾若復令其颺忽四竄兵事將無了期臣現催鮑超由平遠東

石徑趨嘉應西北相公亭一帶俟其到防再令扼要  
營延至藍口畚城一帶以扼其西其藍口現禁之圍  
俟鮑軍到防後當移紮對河之長沙墟一帶憑河而守  
與丙村諸軍聯絡以扼其南劉典一軍由武平上杭出  
松源一帶巡抵松口再進與蔡嶺高連陞及賴長之軍  
聯絡以扼其東與南高連陞既進蔡嶺康國器一軍應  
即由鎮平出三圳新埠墟紫石峯徑東連高連陞軍西  
連鮑超軍以扼其北賊知東西北三面無路可竄必於  
南路潮州及豐順揭陽一帶別覓生路而嘉應南濱支

初編卷三十七

九

河至三河壩而後入汀州幹河以趨潮州故由嘉應以  
趨潮州水路之要在三河壩而由嘉應以趨揭陽則言  
嶺關實當其衝粵軍三千餘分扼兩處兵力尙單而帶  
勇之員弁一爲前署潮州黃岡協副將遊擊何雲章一  
爲五品軍功容朝彰臣慮其不足深恃一面飭其深溝  
高壘嚴斷接濟一面飛咨廣東督撫飭局趕籌製造礮  
船以扼水路復飭賴長於三河壩上海一帶河道水淺  
處密釘木椿深處雇船配鎗砲手扼之暫濟目前之急  
務潮州鎮翟國彥及惠潮嘉道張鏡督府嚴城守臣

卽率所部由平和出大埔繞三河壩赴松口將水路形  
勢察看明白然後折而北趨駐營嘉應州北路將東西  
兩路各軍分勻派紮浙迤浙進迤地近兵多足敷防剿  
則分兵過河繞紮南路而四圍鎖圍之勢可成矣臣維  
天下變逆一極僅騰江海洋而廣東忠氣在惠潮嘉三  
郡茲逆回竄嘉應土匪散勇及降人之復叛者多附  
其中正宜全力兜圍無遺種庶可殄餘孽而靖嶺南  
事關大局不計一時之功效但能草薶擒獮完此浩劫  
雖曠日持久亦所不惜可否仰懇

初編卷三十七

十

皇上天恩寬其督責假以便宜俾得從容就緒不勝感  
激之至現在署浙江提督黃少春已抵營劉典全軍  
已抵武平上杭可以漸次聯絡齊進惟鮑超一軍尙未  
得其行抵何處信息臣已四次飛催此軍入粵以後入  
地生疏必須廣東設立米局始免缺乏臣已咨請廣東  
督撫臣委員辦理其月餉由江西籌解伏乞  
皇上天恩飭下江西撫臣力籌按月接濟不致如從前  
新湘長左等營一入閩境卽推置不顧方於大局有益  
實則此軍進嘉應西路足可屏蔽江西之長籌會昌瑞

金鈞門嶺一帶所費雖多較之分布各軍株守本境猶為節省劉坤一深知兵事當亦諒之也謹將現在布置情形據實馳陳伏乞

皇上聖鑒訓示施行謹

奏同治四年十一月十六日

軍機大臣奉

旨另有旨欽此

覆陳廣東李藩司粉飾軍務情形片

再臣欽奉

初編卷二十七

十一

諭旨李福泰是否可用有無粉飾貽誤之處左宗棠此次摺內並未提及仍著查明具奏欽此臣聞李福泰在廣東作知縣時頗得時譽於兵事本非所長廣東委其督辦軍務不過責以調和諸將主餉饋治文書而已但未親戎馬之事並未假以統馭之權且其所謂大將者已保至提鎮又皆強狠自遂一流進止機宜督撫尙不得制之李福泰一藩司安能令其俯視調遣是貽悞之咎李福泰似有可原也至粉飾一節李福泰於粵東兵事向未兼稟臣處偶於檄牘中略為叙及亦祇寥寥

數語無從測其虛實臣前奏未曾提及茲以未得實據不敢妄有論列也惟昨次賊由連平上下坪竄走嘉應時李福泰靦然報攻克追剿之功實則並無其事即此以觀則李福泰從前各稟專務粉飾可知謹據實覆陳伏祈

聖鑒施行謹

奏

軍機大臣奉

旨另有旨欽此

初編卷二十七

十一

軍機大臣 字寄同治四年十二月初九日奉 上諭左宗棠奏籌調官軍分路進剿一摺汪逆大股竄踞嘉應州城高連陞已紮嘉應東北三十里之葵嶺康國器已紮鎮平縣城嘉應城西藍口地方有粵軍方耀鄧安邦駐紮四面布置已有規模左宗棠現擬率所部由平和出大埔繞三河壩赴松口將水陸形勢察看明白然後折而北趨駐紮嘉應州北路并飛催鮑超軍入粵所籌均屬妥協現在黃少春已抵左宗棠營劉典全軍已抵武平上杭著左宗棠即行入粵調度各軍聯絡

聲勢務將汪逆全股及土匪叛勇盡數殄除勿任再行  
出竄鮑超一軍前已據奏行抵會昌聽候調遣著該提  
督卽進兵嘉應會師圍剿聽左宗棠調遣左宗棠有節  
制三省之責著於入粵後妥籌調度如江粵各省之兵  
有疲茶不能得力貽誤事機者卽由該督嚴參治罪瑞  
麟郭嵩壽卽飭方耀等軍歸左宗棠節制與江閩諸軍  
聯爲一氣並檄惠潮等郡文武員弁妥籌守禦以防該  
逆旁竄所需礮船卽飭局趕造以遏水路要衝鮑超一  
軍入粵人地生疏著劉坤一按月籌餉解濟瑞麟等派

初編卷三十七

三

令委員設立米局均須寬爲籌備勿任缺乏劉坤一仍  
當慎遵疊次諭旨催軍出境會剿不得稍存畛域之見  
左宗棠另片奏遵查李福泰於賊由連平上下坪竄走  
嘉應時岷然報攻克追剿之功實則並無其事實屬粉  
飾廣東布政使李福泰著先行交部議處並著左宗棠  
察看如始終不能得力卽另揀委員統帶將該藩司撤  
回參辦將此由六百里諭知左宗棠瑞麟劉坤一郭嵩  
壽並傳諭鮑超知之欽此

附陳督署事件委藩司代拆代行片

再臣既遵

旨節制廣東江西軍務現在賊踞嘉應州臣自應入粵  
督剿現擬帶卽出境所有臣署日行事件仍照例委藩  
司代拆代行其尋常題咨事件臣既出境尤難兼顧應  
卽咨請撫臣徐宗幹代辦庶得壹意攻剿而免稽延曠  
誤之虞除咨明撫臣及檄行署藩司周開錫外理合附  
片陳明伏乞

皇上

聖鑒謹

初編卷三十七

四

奏

軍機大臣奉

旨知道了欽此

辦陳閩鹽試行票運情形摺

奏爲滙陳閩鹽試行票運情形恭摺

奏仰祈

聖鑒事竊臣按准戶部咨開議復閩鹽試行票運一摺

同治四年九月十五日奉

旨依議欽此欽遵投摺飛咨到臣竊維前奏福建試行

票進一案實因釐務積弊相承漸至不可收拾致

國家自有利源盡供中飽因檢閱舊卷見咸豐元年戶部有就場徵餉按包抽稅之奏咸豐三年御史蔡徵藩有脩復收場舊章按照閩省現商完課數目改收場稅關稅之奏皆奉

旨詳悉妥議切實具奏維時督撫諸臣皆劫於浮言不敢獨執其咎因循至今全綱頹壞良用慨然因與撫臣會商毅然有改行票運試辦一年之請初不意遽有成效也旋查自本年閏五月起試行票運截至十月底止

初編卷二十七

七

甫及半年鹽庫實支解司庫暨營軍餉已一十五萬兩一切照例雜支之款亦一萬數千餘兩尚有各商在幫應完未收之一半課釐約計亦可十餘萬兩伏查同治元年報收銀二十一萬兩有奇實支解京餉及司庫共祇八萬兩有奇二年報收銀一十六萬兩有奇實支解京餉及司庫共祇六萬兩有奇兩相比較試行期內半年之久所收實解之款已抵前此一年及一年半之數此明效大驗一覽而知者臣初亦疑上有所益則下必有所損課釐並納民或有食費之虞乃詢諸市價則

無所增也贏絀相形商或有偏累之苦乃察之商情均

以為便也臣方詫為始願所不及即當創議之初應諱而竊笑之者亦爽然若夫不敢妄持異議茲聞部咨部臣亦知以開釐徵餉為可慮亦不以票運為不可行而特以慎重更張預為詰責於是有一四可慮之議如原奏云在商嚴定者成尚有補救之弊此時免計分數能無停釐之虞又云現辦各商一經裁撤萬一新釐商少課額虧短再欲復舊章勢有萬難一節不知臣所以請免計分數考成者以開釐彌弊最深驟議改革難求速

初編卷二十七

共

效是以援照兩浙成案懇請試辦從前考成雖嚴每屆奏銷僅以五分舉責其中虛抵虛收尚復不少現在試辦票運實收實解方且一洗從前挪移陋習從前解款半而今解款倍之其無侵蝕之事可見舊商只令昭額認辦分別買票幫銷完繳課釐不准挂欠一切浮費則概行革除並未撤退舊商全招新販向之疲滯口岸自試行新章漸有商販認辦視前此愈殷富充商以行鹽為勒捐之計者迥不侔矣此不足慮者一也部議西路商幫額大課重招徠小販力不能勝又苦陋規太多必

致捆運無人則不但虧課而且病民夫陋規不除則由昔之道由今之道均一虧課病民豈有力求整飭而不革除陋規之理今西路世業大商仍任其認岸專辦此外官運亦歸一律而自衙門至大小鹽務衙門規費一概革除計所裁之數每年不下七八萬兩又停收一切雜支之款是皆向之所謂以陋規太多為苦者一經釐革淨盡盡情欣然如沈疴之釋體方且於應完正課外輪釐金捐牙帖開設官行一以彌補雜款一以接濟軍需無加額之名而有裕課之實此不足慮者二也部

初編卷三十七

十七

議開場濱海民風強悍梟販繁多抽釐更難措手師和彈壓萬一辦理不善得不償失臣查此次試辦章程釐隨課出皆取之買票商販並未沿海散抽商販既完課釐成本較重必須官為緝私銷路乃暢衛商即所以顧課也數月以來並無私梟拒捕之案如果奸梟滋事則執法懲之豈有慮民強而廢法之理乎至謂閩省從未報解鹽釐遂謂無從措手則未知從前閩事之積玩有非意想所到者沿海州縣多係縣濶官幫平時包與戶官但坐收課費以充私橐而報解實銀者寥寥正賦

尙缺遑云抽釐今設局招徠不假丁胥之手新販既認口岸與西路商幫無異無不交相奮感以冀暢銷現在縣濶各幫次第遵照新章完納課釐該局隨收隨解並無帶欠蓋挈向時官吏私攫之款涓滴歸之公家名雖取之於商實則變私費為公帑益上而不損下此不足慮者三也部議閩鹽積欠不下數百萬兩雖未能依限清完而軍務肅清可期漸有起色一旦全議更張欠款未便置之不論如票運僅能保完謂額前項已無着落現充各商一經裁撤責令如數完欠恐亦甚難臣查閩

初編卷三十七

十八

鹽積欠已至四百餘萬兩之多此非一朝一夕之事亦非始於軍興之時蓋其積疲也久矣票運僅能保完課額前項固無着落然若不早議變通日復一日前項豈歸有着乎即軍務肅清頓如從前無事人物滋豐之時而利孔百出雖行銷日旺亦祇悉歸中飽於國計有何裨益未改票運以前求保完課額而猶有未逮部臣不之責也甫試改票運力顧課額而部臣尙欲求多是舉數十年之不能辦者責望於一時恐管晏竭其才桑孔盡其術而亦有所不能譬如力舉百鈞者如以百鈞之

重責其負荷已覺不能日中其程若再累而增之其不致顛覆者幾何况現雖試行改票專顧課釐而舊欠仍未嘗不按期催繳自四月至十月官欠尚欠已收回銀五萬餘兩視前百呼而不一應者亦覺迥異惟閩商資本素微又值凋敝之後責其趕完課釐又責其清完陳欠恐陳欠未必能清而舊商日益倒罷是以請將積欠帶輸等銀分別減免總期商力稍紓漸能照額買票趕運暢銷或可以盈補絀此不足慮者四也至部議以先清埕坎次查戶口出入兼權可得大概議原奏未之

初編卷二十七 九

及一節竊謂清埕坎查戶口本是鹽務常談非救時急務閩省官埕官坎倒廢矣止百年所僅存者多係濱海窮民自行修整非次第清理不能挈私而還之官若驟奪私修之埕坎而歸之官事必有所難行必致如部所慮辦理不善得不償失翻不若抽釐之較為得實至戶口星散稽核難周海濱掬水成鹽人皆食鹽之人即人皆煮鹽之人必欲計口授食不但徒託空言轉恐益滋煩擾故原奏未之及而但以推釐權其轉賦之鹽也部議務期毫無窒碍確有把握再議試辦果如部所

言臣能預知毫無窒碍確有把握則當徑奏改票不必以試行為請試行云者原欲詳察利弊決其可否斟酌行止以俟謂

旨定奪今必謂試行亦須俟部議而行則凡外吏遇有試行事件均必先咨部上定議而後入

若亦似與定制不符從前部臣知閩釐之日壞奏議改章若前任督撫肯不計身家利害毅然為

國家久長之計則現在新獲之效早行之十餘年以前計所獲已不下二百餘萬兩何至積欠至四百餘萬兩

初編卷二十七 三

之多乃從前積欠至四百萬兩不聞部臣恭辦責賠茲力排羣議

奏請試行而部臣轉持苛論事關

國計臣安敢緘默不言總之任法不如任人人存而政

斯舉與利不如除弊弊盡而利自生鹽務為腥羶之場

為奸弊之藪見效最難致謗則易苟無際已奉公獨立

不懼之員即改行票運臣亦自能保其必無流弊惟據

現在而論臣雖不肖斷不敢計及身家利害重負

君父國道吳大廷尚知自愛又正當感



臣與撫臣隨道以參人之稱如該督等不候

命下已竟撤向行票將來額虧短全綱底散臣部惟有從嚴參辦並將虧短課款責成率詳之鹽道與率准之督撫分成賠繳以肅功令而重鹽政臣與吳大廷無所媿亦無所快也若後此兼管鹽政以及鹽道不得其人則此時試行之章安知非從前相沿之弊是則非微臣所敢任而亦部所能議者可否

初編卷三七

三

奏俾微臣得免意外吹求不勝感悚之至至鹽政原督甘兼管與撫臣無涉隨道雖係專司之員然舉行票運實微臣一時愚昧之見並疊次緘膺責令毋避嫌怨詳議候核非鹽道所能再似可一併無庸置議所有此次覆陳由臣軍銜拜發之處合併聲明伏候

皇太后

皇上聖鑒訓未施行謹

奏 同治四年十一月十六日

軍機大臣奉

旨另有旨欽此

同治四年十二月初九日內閣奉

上諭前因左宗棠奏閩省鹽政疲壞請試行票運一年當交戶部議奏嗣經該部以鹽政改行票運全議更張恐虧課病民咨令該督妥籌期於毫無窒礙茲據奏稱自本年閏五月起試行票運甫及半年所收實解之款已抵前此一年及一年半之數向之疲滯口岸日試行新章以來漸有商販認辦各衙門一切陋規所裁不下七八萬兩羣情翕然且釐隨課出皆取之買票商販並未沿海散抽數月以來亦無私梟拒捕之案從前縣灣官幫坐收課費以充私橐今則擊向時官吏私攫之款涓滴歸公至關鹽積欠數百萬兩現雖專顧課釐而積欠仍未嘗不按期催繳請仍飭部將試改票運行止速行議覆等語覽其所奏於開省鹽綱之積弊及現辦票運之可行實為洞悉原委總之鹽務為國課大宗亦為奸胥利藪惟在得人而理斯能力挽頹綱票運之行雖不能保其必無流弊倘承辦之員均能潔已奉公不為私計自足以除從前積重難返之弊而與為更始該督

初編卷三七

三

未沿海散抽數月以來亦無私梟拒捕之案從前縣灣官幫坐收課費以充私橐今則擊向時官吏私攫之款涓滴歸公至關鹽積欠數百萬兩現雖專顧課釐而積欠仍未嘗不按期催繳請仍飭部將試改票運行止速行議覆等語覽其所奏於開省鹽綱之積弊及現辦票運之可行實為洞悉原委總之鹽務為國課大宗亦為奸胥利藪惟在得人而理斯能力挽頹綱票運之行雖不能保其必無流弊倘承辦之員均能潔已奉公不為私計自足以除從前積重難返之弊而與為更始該督

5 反文卜

既稱商情既便市價無增無加額之名而有裕課之實  
即著照所請先行試辦一年俟有成效即行奏明著為  
定章以肅蠲政而裕課餉該部知道欽此

請將陣亡之何副將等議卹片

再查副將何萬華遊擊彭水壽前於同治元年十二月  
間隨同營司蔣益澧會剿湯溪開化等處踞逆憤攻賊  
壘冒險登壘中砲陣亡又花翎都司羅玉貴係貴州銅  
仁縣人前於同治三年七月間隨同候選同知蔡元吉  
補用遊擊楊應龍駐紮湖州府歸安縣屬思溪地方被

初編卷二十七

三

賊圍逼楊應龍突圍陣亡該都司亦同時戰歿茲據浙  
江布政司蔣益澧查明詳請

奏卹前來臣查該員等或憤攻賊壘中砲陣亡或突圍  
殺賊力竭陣亡均屬為

國捐軀深堪憫惻相應請

旨將副將何萬華遊擊彭水壽都司羅玉貴勅部從優  
議卹以慰忠魂謹附片陳明伏乞

聖鑒謹

奏

軍機大臣奉

旨何萬華等均著之卹從優議卹欽此

師船獲盜出力員弁陳請獎勵摺

奏為水師兵船在洋獲盜並查明在事出力員弁仰懇  
獎勵以昭激勸伏祈

聖鑒事竊照閩省洋面島嶼紛歧海洋遼闊時有盜艇  
出沒賊害商漁經臣等歷次督飭各舟師認真巡緝茲  
據具報潮州洋面有匪艇三隻擄木商船五號勒人回  
贖情事經署廣東水師道曾憲德訪聞維時水師提督吳

初編卷二十七

三

全美先期出洋當即會水中軍參將陳允彩飭委水提  
右營遊擊陳世榮督帶弁兵會同英國水師官穆爾德  
道事六品軍功員文經偕坐火輪兵船駛往圍捕水師  
提督吳全美聞報亦飭派儘先副將梁正源等管駕慶  
瀾兩營紅單拖帶各船協同剿捕緣輪船駕駛迅速十  
月初六日先行駛到該匪艇疑係放回向民報官往拿  
即將擄禁客商三十餘人一併殺害棄屍下海遊擊陳  
世榮統帶穆爾德等督兵並力向前開砲攻擊匪艇回  
砲抵禦相拒一時之久斃匪十餘人旋值記守備水

提右營千總黃安標等督駕靖海輪船由省運餉回廈  
經過該處馳往協剿各匪猶敢拚死抗拒復經英官穆  
蘭德軍功呂文經等環施洋砲奮勇擊剿轟燬賊火藥  
大匪艇一隻焚溺盜匪甚多千總黃安標等亦各爭先  
開砲擊沈小匪艇一隻斃匪數名賊勢不支紛紛見水  
潛逃英官穆蘭德遊擊陳世榮軍功呂文經等生擒艇  
匪十餘名奪獲盜船一隻千總黃安標全獲艇匪三名  
餘匪登岸逃避該處水淺輪船未能駛入適副將梁正  
源等所部師船於初七日黎明趕到督兵分駛杉板小

初編卷三十七 三

船上岸沿山搜捕擒獲匪犯九名點交軍功呂文經一  
併附解統共獲到盜犯二十三名盜船一隻並救回難  
商六名商船五隻各該員弁仍駕坐輪船官解回廈所  
獲盜船一隻繫輪船之後途次風濤洶湧輪駛浪激擊  
斷繫纜隨風漂擊方板無存將救出難民洪向榮等六  
名連同各盜犯曾阿鳳等二十三名轉交與泉永道轉  
發廈防同知提訊解勘其救出難民洪向榮等六名均  
係附搭杉木船回浙被匪擄禁屬突並查知被擄商船  
五號尚有舵水在船管帶均經分飭撫恤釋放領回去

後旋據廈防同知馬珍訊明犯供開摺而報內柯月一  
名亦係木商水手被匪擄禁當飭難民洪向榮等保認  
提釋暨將餘犯二十二名復解交與泉永道曾憲德親  
提隔別研訊據盜犯曾阿鳳即阿才供稱伊與賴阿三  
李阿保黃阿三鄭阿宗范阿瑞黃阿義所從匪首伍阿  
洗糾約于本年五月間在洋劫過商船一次得財分用  
又先後擄到李阿江鄭阿朴黃阿柏嚴阿真石阿二賴  
阿妹宋阿二廖阿三袁阿倫等九名上船同夥行劫七  
月十七日遇見杜阿桂駕船捕魚隨將杜阿桂並水手

初編卷三十七 三

吳阿水等連船貨一並擄劫伊殺斃水手一人十月初  
六日又在湄川洋面牽擄載木商船五隻客商四十一  
人幼孩二人當時放回一人取銀回贖旋因輪船往捕  
疑係放回商人報信即將船上三十四人並幼孩二口  
一並殺斃丟屍下海尚有六名因輪船迫近未能殺害  
隨即併力抗拒船被砲火擊燬經官兵擊獲解訊伊與  
賴阿三等在洋行劫三次李阿江等行劫二次至杜阿  
桂吳阿水張阿興梁阿保曾阿宗朱阿鍾等六名委係  
先後被擄在船並無夥劫分財等語再三究詰矢口不

移並據賴阿三等李阿江等同供屢次聽糾夥劫得贓  
分用各情不諱查該犯等情罪重大現值懲辦洋匪之  
時未便稽誅應遵前奉

諭旨一並就地正法以昭炯戒隨即會營監提盜犯曾  
阿鳳前阿才賴阿三李阿保黃阿三鄭阿宗李阿江鄭  
阿扎黃阿柏嚴阿真石阿二賴阿妹宋阿二廖阿三袁  
阿尙等十四名先行綁赴市曹處斬尚有據報被砲受  
傷在監病故之范阿禮黃阿義一名照例戮屍一並梟  
首示眾所有被擄之杜阿桂等六名訊係安分良民業

初編卷二十七

三

已飭聽取保省釋據署福建興泉永道曾憲德稟報前  
來臣等伏查盜犯曾阿鳳等屢次在洋行劫擄人勒贖  
道經兵船圍捕復將擄禁商民孩童慘行殺害至三十  
六口之多尤敢糾黨抗拒實屬罪無可逭業據欽遵前  
奉

諭旨一並就地正法以快人心查英官穆蘭德等督帶  
兵船協獲洋盜業由該道曾憲德捐廉犒勞記升守備  
水提右營千總黃安標通事六品軍功呂文經從前屢  
次駕駛輪船出洋獲盜奪船著有功績此次復行協剿

獲匪徒多名均屬始終奮勉出力合無仰懇

天恩俯准將記升守備千總黃安標以守備儘先補用  
並請

賞都司銜六品軍功呂文經請以把總歸入水提營儘  
先超拔以昭激勵除抄錄全案供招另行咨部外臣等  
謹合詞恭摺具

奏伏乞

皇太后

皇上聖鑒訓示施行謹

初編卷二十七

三

奏同治四年十一月二十四日

軍機大臣奉

旨黃安標著以守備儘先補用並賞加都司銜呂文經  
著以把總歸入水提營儘先超拔該部知道欽此

恪靖奏稿初編卷二十八目錄

浙逼嘉應現籌合圍情形摺

瀝陳廣東兵事餉事情形片

剿辦龍溪縣屬土匪殄除殆盡摺

請將侵挪軍米之知縣革職拏問片

附陳鮑提督親裝服關在籍補制期滿片

奏報嘉應東路痛剿大勝首逆伏誅摺

請將罵賊殉難之遊擊優卹建祠片

閩省鹽場繁缺陳請暫歸部選摺

初編卷二十八目錄

浙逼嘉應現籌合圍情形摺

奏為官軍漸逼嘉應各匪入粵現籌合圍情形謹據實

馳奏仰祈

聖鑒事竊臣於十一月十六日在平和縣培溪營次業

將籌調官軍分路進剿情形恭摺馳報一面催浙江提

督鮑超由平遠趨嘉應西北幫辦軍務劉典由武平上

杭出松日延紮東南其東北之廣東陸路提督高連陞

署浙江衢州鎮總兵記名提督劉清亮兩軍已於十三

日進紮樟樹坪臣在瑯溪聞鮑超行抵會昌當即檄署

初編卷二十八

浙江提督黃少春記名總兵楊和貴道員朱明亮先進

大埔臣以親兵中哨及馬隊隨署漳州鎮總兵羅大春

帶回漳郡協勦土匪即率親兵六百人繼進於二十八

日在大埔途次接據高連陞劉清亮報稱二十四日卯

刻劉清亮由樟樹坪進紮蔡嶺前之鳳寨高連陞派隊

列鳳寨之前以防衝突汪逆窺知我軍進紮親率城壘

各悍黨傾巢而出設伏黃竹洋雙板橋一帶劉清亮甫

將築壘賊即趨至湯山徧野聚約數萬賊騎四五百各

帶洋鎗悍賊數人直前衝突高連陞督所部各營六成

隊分四路迎敵副將曹光德游擊朱體盛都司錢桂仁游擊陳得勝率各營前敵總兵丁賢發副將張志公游擊程學明道員魏光邴率各營接應高連陞率親兵往來策應諸路朱體盛躍馬堂先大呼陷陣連斬騎馬賊目二人賊以洋鎗環擊之朱體盛揮兵力戰刀矛并進鏖賊頗多忽被鎗子貫腦墜馬陣亡張志公馳前接戰高連陞復派參將何世載率洋鎗右哨助之賊悉銳分撲我軍亦分路鏖戰賊中鎗子紛如雨注曹光德錢桂仁坐馬被子傷乃棄馬步戰該逆前隊已敗後隊迭進

初編卷三十八

錢桂仁身被數創手刃悍賊四名力竭死之高連陞急揮各路接應之兵齊進奮殺丁賢發怒馬當先魏光邴程學明各率親兵繼之矛刺鎗擊縱橫過決高連陞督兵分助各路往來回合數十次各將士裹創血戰自辰至未四時之久戰愈惡而氣愈壯約斃悍賊數十名賊始潰走我軍步逼緊追直至雙板橋邊始收隊而還方高連陞分兵接戰時劉清亮見賊大至勢難分紮營壘因各列陣以待參將陳武職游擊李世祥為左路總兵李運榮游擊孫永忠為右路劉清亮為中路屹立勿動

俟賊逼近排鎗轟之如是數四賊稍卻詎山上之賊復分兩路抄出我軍左路之後先擊卻之又復回撲賊騎數百直前衝突李世祥陳武職奮力迎敵斃賊多名賊來愈眾礮傷我軍哨長二人陳武職右臂為賊矛刺傷勢幾不支劉清亮抽右路孫永忠往助直陷賊陣所向披靡正酣戰間被鎗子穿傷腰腹猶與李李世祥合力將賊擊動汪逆見我軍再接再厲嗾白衣悍賊數千直向中路猛衝十餘次劉清亮督隊力戰中營哨長亦陣亡五人而李運榮獨當右路哨長何文祿亦力

初編卷三十八

三

竭陣亡劉清亮所派同知銜湖北候補知縣汪遇元候選縣丞晏際時持刀壓陣各勇向前奮殺汪遇元晏際時忽中鎗陣亡劉清亮與李運榮下馬持矛當先殺賊我軍銳氣倍長鎗矛奮擊斃賊無算賊不能支亦從雙板橋遁去劉清亮與高連陞合隊沿港追殺汪逆猶驅各賊扼橋回抗相持一時許始漸縮退高連陞等以時已薄暮勢難再紮營壘賊雖被擊退然我軍已苦戰一日宜令少歇遂收隊回樟樹坪老營暫駐相機再進是日福建延建邵道康國器一軍已進紮州城北三十五

里之烏泥坪二十七日賊眾復傾巢而出圍撲官軍營  
畢旋自遁回此東北路各軍擊退汪逆大股及北路進  
紮之實在情形也其東西南三路西路紮藍口之粵軍  
方耀營盤十六日夜間被賊掩襲小挫東南紮西洋白  
宮市之粵軍何雲龍軍容朝章二營二十一日遇賊  
敗潰失去兩營容朝章陣亡何雲龍退回丙村幸駐丙  
村對岸井塘之副將銜署福建龍巖游擊賴長水陸依  
護得以勉強支持臣得報後即飛飭按察使銜福建補  
用道朱明亮帶所部速由大埔馳至三河壩扼賊犯潮

初編卷三十八 四

郡之路二十九日臣進大埔適督辦軍務劉典由永定  
馳至臣即商請飭其前隊由松口進州城東南之丙村  
並飭賴長歸劉典節制調遣一面檄黃少春福建布政  
使王德榜於十二月初二初三等日以次由松口繼進  
王德榜向塔子坳以扼正東佛子高賊來之路與劉典  
井塘丙村之營相接黃少春向金谷坑以扼東北蔡嶺  
賊來之路與高連陞樟樹坪之營相接中間黃少春王  
德榜兩軍又互相聯絡高連陞樟樹坪之營與布政使  
銜福建延建邵道康國器烏泥坪之營相距不過十里

亦可互相聯絡是嘉應州城東路東南東北及北路長  
圍之勢漸成然猶去賊二三十里也其所以不欲近逼  
者以州城西北三十里之相公亭及三十餘里之大坪  
兩路急盼前調鮑超全軍及江西撫臣檄調席寶田劉  
勝祥兩軍由江西會昌長甯出平遠進紮相公亭大坪  
兩路庶可遏其北竄平遠西竄興甯之路現尚未接其  
到平遠消息師行山谷之間購運軍米極為艱阻又客  
軍入粵人地生疏語言更難通曉非粵軍設局供應勢  
難速赴戎機臣已累次飛咨廣東督撫臣委員設局廣

初編卷三十八 五

為採辦並咨江西撫臣速籌撥餉銀三萬兩委員赴粵  
為席寶田劉勝祥採辦軍米臣亦勻撥閩餉一萬六千  
兩為鮑超採辦軍米如鮑超席寶田等能於旬日內陸  
續馳至臣當率親兵及記名總兵楊和貴新右營由東  
南松口繞至東北一路親歷各營其商分布長圍之策  
大約各軍未集之先各軍營壘宜若斷若續若即若離  
令賊不覺一俟各路取齊則剋期并進一面出隊一面  
築營撤作鎖圍乃能因此殘寇也東路西北三面逼緊  
賊必從西南及南面衝竄臣已飛調粵軍記名總兵鄭

紹忠帶所部六千先扼長沙墟如西路江軍延紮而南則粵軍方耀鄧安邦萬餘人可由藍口延紮沅坑長沙墟屆時紹忠又當由長沙墟進紮而東閩軍可由丙村進紮而西互相聯絡四西鎖固賊免流毒他方致成不了之局其嘉應通汀潮之水名曰梅江賊已先據民船希圖下竄湖郡臣前飛咨粵東督撫趕緊造船配礮以防春水暴發又慮新造礮船緩不濟急飭惠潮嘉道張銑趕調八槳礮船數十號交粵將黃聯開挑募管帶以扼三河攔與朱明亮陸路之兵緊相依護則全局更

初編卷二十六 六

無滲漏可望聚賊自回竄嘉應土匪附私者多除死黨悉收入州城餘黨之分紮附城東西北三面者約五十餘壘兇醜復張臣愚竊擬於此間調集三省兵力一鼓殲除不爭數戰之效賊狂於數入絕地復得逸去為可常恃故竄嘉應後不圖遠竄機本可乘如果江粵兵力餉事均無礙則此局或冀有成臣惟有盡瘁圖之求以仰紓  
慈廩所有各戰陣亡之同知銜湖北候補知縣汪遇元候選縣丞晏際時擬保花翎游擊銜都司劉永茂蕭勝

文劉宣元擬保游擊銜都司王連斌趙玉林花翎都司何文祿擬保花翎都司銜守備鄭秀章擬保都司銜守備蕭煥武閩浙補用游擊朱體盛游擊銜閩浙即補都司錢桂仁擬保花翎游擊都司銜守備鄭炳禮藍翎都司銜守備鍾洪霖擬保守備千總鍾成魁擬保參將花翎游擊鍾敏遠擬保守備五品軍功容朝章合無仰懇天恩飭部一併照擬保升階議卹以慰忠魂伏候聖鑒訓示施行謹  
奏同治四年十二月十二日

初編卷二十六 七

軍機大臣奉  
旨另有旨欽此  
歷陳廣東兵事餉事情形片  
再廣東一省兵事實無足觀而餉事亦不可問軍興既久各省兵事或由弱而漸強粵則昔悍而今弱各省餉事或由匱而漸裕粵則昔饒而今竭矣自金田起制兵不足用不能不召募勇丁天下所同也粵之推將也尚詐力不尚樸勇所募勇丁皆市井無賴其從軍也貪狼善擾軍令有所不行及其撤遣則仍為匪類而



已前督臣葉名琛黃宗漢不知餉薄令弛不能馭將而務爲刻齊以博綜敷之名於是勇丁每日一錢長夫每日六分之例比及撤遠則又有四六折減給實銀之事自是管官統領於名募之始卽虛增勇數預待駁減募千人者實止六七百又任勇丁來去自由利其截曠爲彌補虧欠及自肥計上有刻薄之名下有逐其浮冒之實將卒均知利而不知義以故索餉則強抗令則強私鬪則強一遇悍寇猝至勉強支吾而守不能固戰不能克矣論語曰好勇疾貧亂也又曰小人有勇而無義

初編卷二十六

八

爲亂其殆謂今日之粵軍乎此時而欲破除積習轉弱爲強非擇將不可非汰其冗雜虛額之勇丁不可非給以實餉不可然此事非能猝辦也卓興方耀聞臣入粵未嘗不稍存儆畏之心也稽兩軍積欠之餉共一百數十萬兩粵餉告竭欲撤不能祇可暫寬既往責其實心承奉以圖後效如有違悞再據實嚴懲治罪以服其心臣所部入粵諸軍薪糧皆由閩浙支應於粵東諸軍餉事原可不問惟兵與餉二者相因未有乏餉而能用兵者入粵之初卽詢廣東督撫臣各軍欠餉之數及藩運

兩庫與釐稅經入之數准咨開清摺前來合計每月所入不過十七八萬兩而經出之數約近三十萬何怪其日求節省日趨窘迫乎廣東所以素稱饒富者五口未開得專番船之利也近則散之各省而沿海各子口既以洋人故不敢設局抽釐子口以內釐稅可抽又以地方劣紳挾制頑民抗阻與官爲難播造謠言不能舉辦且恐事未行而科道已指摘及之事甫行而部臣駁斥隨之以是因循不舉坐以待困臣抵大埔接晤潮郡官紳士民詢及潮郡釐稅合計雜貨之釐洋藥之釐汕頭

初編卷二十六

九

行釐船捐每年所得共止三萬餘兩是一年所入不足六千人一月之餉也潮州爲粵東腴郡而釐稅之少如此此外已可類推聞海關各口所收每歲不下二百萬兩其解京之數無從稽考此項若能由督撫臣設法籌辦於正供固期無誤而於該省籌餉大局實裨益非淺特此爲二百年來舊制非外臣所敢輕議倘能如浙江杭州織務新章之改兩浙紳商士民至今歌頌聖德與減賦曠典永戴

皇恩則粵東大局或猶可爲也臣率客軍入粵偶有開  
見自不敢不據實直陳至兵餉兼籌任大責重非明幹  
開濟之才不能勝任浙江布政使蔣益澧才氣無雙識  
器高世數等若蒙

天恩調令赴粵督辦軍務兼籌軍餉於粵東目前時局  
必有所濟謹附片陳明伏乞

聖鑒訓示施謹

奏 同治四年十二月十二日

同治五年正月初八日內閣奉

初編卷二六

十

上諭浙江布政使蔣益澧著馳赴廣東辦理軍務兼籌  
軍餉浙江布政使著馬新貽派員署理欽此

剿辦龍溪縣屬土匪殄除殆盡摺

奏爲剿辦龍溪縣屬土匪殄除殆盡恭摺

奏祈

聖鑒事竊漳州府屬龍溪縣西北二十五都岱山社郭  
姓一村在漳城西北八十里村中舊有土寨周圍約半  
里高四丈累石爲牆排開鎗眼形勢險峻儼若一城  
平日擄人關禁嘯聚搶劫隣近各鄉往來商旅無不被

其據言上年賊踞南靖該社匪徒郭凸郭好等率眾投  
入僑匪逆陸順德股內受封偽職導賊焚掠二十餘村  
濠城克復尙復藏留賊目肆其劫掠靡惡不爲節經派  
內祖官古社北坑社前山社等處紳民環繞聯控訪問  
屬實等語以辦匪與剿賊有關係能網送首惡及著名  
要犯到官誅治餘眾宜早日肅清該地方官先諭該村  
民等緝獻首惡及藏留逆等便准免剿乃該社一味  
凶頑形同化外經署漳州鎮總兵羅大春署汀漳龍道  
夏獻綸稟請分別剿辦羅大春稟騎先往該社四面察

初編卷二六

十一

着見山徑崎嶇間道雜出林深路窄地勢極險非多派  
弁勇協力兜圍恐多漏網馳赴 宗棠瑄溪行營面商  
辦理 宗棠立派親兵中哨及馬隊隨羅大春回漳勦  
辦十一月二十一日羅大春統所部漳勇五百人弁率  
者領標城守營都司楊朝陽署右營守備賀和任營帶  
左右城守三營漳勇二百四十人有同代理龍溪縣楊  
慶容自漳前赴南靖會合整軍中哨親兵及馬隊星  
夜前進次日辰刻即抵該社仍諭細送首要各犯該匪  
竟敢不聽 羅列陣分擄官軍羅大春列陣以待匪徒

衝近連施鎗斃匪十餘名匪力不支中哨洋鎗隊及馬隊四面兜擊又斃匪五十餘名該匪遁入寨樓希圖死拒羅大春飭將寨外匪巢一律平毀飭縣再加開導自午至酉傳諭三次該匪等總恃樓高寨堅死抗不出復密布鎗礮子如雨注官軍陣亡三員名受傷二十四員名署都司楊朝陽右手亦受重傷擬保藍翎把總楊步高左胸膛中礮子所傷羅大春見勢不可已二十三日即飭各弁勇奮力圍攻一晝夜飛礮入樓火光四起匪多焚斃其奮門奔突及自墻穴跳出者均經撲殺共

初編卷二十六

三

斃匪二百數十名獲獲生匪供稱社內著名首要匪犯郭好等均被官軍焚殺隣近被害各鄉無不稱快當即收隊回營自此漳州龍溪著名土匪一律肅清閩里可以安枕所有勦匪陣亡之藍翎千總鄭炳星儘先千總邵來旬應請  
飭部照例議卹理合恭摺具  
奏伏乞

皇上聖鑒訓示施行謹

奏同治四年十二月十二日

軍機大臣奉  
旨另有旨欽此

同治五年正月初八日奉

上諭左宗棠奏官軍漸逼嘉應現籌合圍及龍溪勦匪情形各一摺汪逆盤踞嘉應左宗棠籌調各軍分路進勦其東北之高連陞劉清亮兩軍由樟樹坪進紮遇賊於雙板橋一帶血戰數時雖將賊擊退而哨弁傷亡不少東西南三路任紮之粵軍亦復被賊掩襲或失去營壘是賊勢雖感而克歛頗張該督現進大埔分布劉典

初編卷二十六

三

王德榜黃少春高連陞康國器等軍互相聯絡嘉應州城東路東南東北及北路長圍之勢漸成正可力圖進取昨據劉坤一奏鮑超已於十二月初六七以次前進平遠之相公亭席寶田劉勝祥兩軍於初九十以次前進東石大柘兩路官軍計日業已到防自可遏其北竄平遠西竄興甯之路即著左宗棠督飭各軍剋期齊進務期步步近逼合力兜圍毋留縫隙以收聚殲之效並著瑞麟郭嵩焘檄令鄭紹忠方耀等軍與江閩之兵互相聯絡嚴密布置倘粵省帶兵員弁不能得力致賊銜

走卽由左宗棠嚴叅治罪鮑超及江西客軍入粵人地  
生疎瑞麟等務須設局寬爲採辦軍米以期無誤兵食  
劉坤一並著迅速前旨出省督飭各軍會攻一面嚴扼  
本境邊防毋稍疎懈賊見長圍勢合擄船下嵐湖郡必  
在意中左宗棠瑞麟等務當多備礮船飭令黃聯開朱  
明亮水陸各軍嚴備要隘毋令賊踪善脫又成不了之  
局所有此次力戰陣亡之同知銜知縣汪遇元縣丞晏  
際時擬保游擊銜劉永茂蕭勝文劉宜元王連斌趙玉  
林都司何文祿擬保都司銜守備鄭秀章蕭煥武游擊

初編卷三十八

五

朱體盛游擊銜都司錢桂仁擬保游擊都司銜守備鄭  
炳禮都司銜守備鍾洪霖擬保守備千總鍾成魁擬保  
叅將游擊鍾敏遂擬保守備五品軍功容朝章均著一  
併照擬保計階交部議卹以慰忠魂龍溪縣土匪郭凸  
郭好等踞寨從逆怙惡不悛經左宗棠調派羅大春等  
將該寨匪徒殄除淨盡自此漳州龍溪著名土匪一律  
肅清實屬大快人心其剿匪陣亡之千總鄭炳星邵來  
旬均著交部照例議卹片奏粵東籌餉事宜已交部  
議奏浙江布政使蔣益澧已明降諭旨飭令馳赴廣東

辦理軍務兼籌軍餉矣將此由六百里各諭令知之欽  
此

請將侵挪軍米之知縣革職拏問片

再臣此次由漳州進兵取道瑄溪平和以出大埔計程  
雖止三百餘里然所經皆是嶺路山石犖确一徑微茫  
實爲險絕微臣及同行各員遇險仄之處皆牽扶步行  
而長夫之墜崖死者已三人馬之墜巖斃者以十數計  
矣先時以米糧難於轉運預飭署永定縣知縣李華穰  
領銀六千兩就近採辦軍米二千石以供來往各軍行

初編卷三十八

五

糧業據稟報已如數購備嗣飭運解大埔轉運總局忽  
稱祇購到米糧千石有奇前後自相矛盾其侵挪情弊  
顯然可見除遴員前往摘印接署外相應請  
旨將署永定縣知縣李華穰革職拿問以儆貪鄙而重  
軍務護會同福建撫臣徐宗幹合詞附片具陳伏乞  
皇上聖鑒訓示施行謹

奏同治四年十二月十二日

軍機大臣奉

旨永定縣李華穰著革職拿問按律懲辦該部知道欽

此

附陳鮑提督親喪服闋在籍補制期滿片

再查署浙江提督一等子爵鮑超前於同治元年十一月在安徽甯國府宣城縣營次接到家書知嗣母鄧氏於是年九月二十三日在四川奉節縣原籍病故聞訃丁憂奉喪回籍當經兩江督臣曾國藩代奏奉

上諭鮑超聞訃丁憂著毋庸開缺改為署理俟江西軍務大定再行給假回籍營葬等因欽此嗣同治二年閏遵奉前

初編卷二十八

六

旨請假回籍葬親經兩江督臣曾國藩奏奉

上諭現在江西安徽兩省賊踪已靜鮑超繫心宦喪悽惻陳情未便再拂所請著賞假兩個月回籍葬親以遂孝思等因欽此遵即交卸軍務料理起程於同治四年三月二十六日到籍料理葬事完竣於六月二十八日奏報力疾起程募勇東征會集留江舊部進剿閩粵髮逆應自同治元年十一月聞訃起不計閏扣至同治四年二月止計足二十七個月服闋本年三月二十六日到籍連聞至六月二十八日起程在籍已逾百日似與

補制成例相符惟該署提督咨報前來理合附片陳明

伏乞

皇上聖鑒訓示謹

奏

軍機大臣奉

旨另有旨欽此

同治五年正月初八日內閣奉

上諭左宗棠奏著浙江提督一等子爵鮑超現在服闋並在籍補制期滿等語鮑超著補授浙江提督實缺該部

初編卷二十八

七

知道欽此

奏報嘉應東路痛剿大勝首逆伏誅摺

奏為官軍進逼嘉應東路痛剿撲壘全股悍賊大獲勝  
仗首逆伏誅恭摺報仰祈

聖鑒事竊嘉應康逆汪海洋知官軍漸次進紮屢率劇  
悍騎賊至州東佛子高分水鄉曹塘一帶窺探地勢冀  
圖設伏以待我軍初至營壘未固猛力衝撲經臣宗棠  
商請幫辦福建軍務二品頂戴劉典會同廣東陸路提  
督高連陞署浙江提督黃少春福建布政使王德榜前  
往塔子壘分水鄉等處探看形勢剋期該營進紮並令

初編卷二十六

六

細探曹塘小路以防該逆設伏包抄本月初十日黃少  
春王德榜各率所部紮橫徑深坑石灰窰一帶十二  
日五鼓黃少春率其中路中營中營及總兵劉端  
冕楚軍前營由橫徑進紮塔子壘之中右兩路抽派所  
部及副將馬駿發督標左營謝復雲楚軍湘營之橫徑  
各老營六成隊紮護築壘以四成隊守老營王德榜率  
其左後兩營進紮塔子壘之左黃少春王德榜各率親  
兵列隊策應高連陞暨署浙江衢州鎮總兵記名提督  
劉清亮布政使銜福建延建邵道康國器各率所部六

成勇丁赴塔子壘列隊出伏葵嶺山坡劉典飭總兵張

福齊率左路五營道員李耀南率後中後勁飛虎三營  
赴塔子壘列隊策應汪逆先峽悍黨實夜由曹塘小路  
出指湖頂雙坑以抄橫徑一帶營盤之後黎明我軍在  
塔子壘築壘忽見賊從左側衝出黃少春王德榜各飭  
所部槍營壘自率親兵擊退之不逾時汪逆與胡瞎  
子等率悍賊數萬分四路蜂擁而來賊從旁出二枝一  
由曹塘小路來者後隊雖被黃少春王德榜擊卻其前  
隊已潛抄深坑一帶一由雙板橋潛經蔡嶺均圖抄襲

初編卷二十六

六

我軍之後又由黃坑出一枝以牽制井塘丙林各官軍  
而中路汪逆由佛子高大路胡瞎子等由佛子高黃竹  
洋緣嶺左右又分三股狂衝猛撲湯山遍野勢極披猖  
張福齊令副將宋定元軍功王得勝當右路胡瞎子一  
枝令游擊張佑廷軍功鍾雲傑千總向明幹率勇伏塔  
子壘石松林中以應之張福齊率左中營及蕭雅泗之  
先鋒營周玉堂之左二旅李耀南率後中營及田向陽  
之後勁營已草都司祝鑑高之飛虎營當汪逆大股中  
左二枝總兵簡桂林登山際望見賊勢洶湧山徑多設

埋伏率所部六成隊馳前接應自辰鏖戰至未盪決  
數十合盡斃及陣斬賊匪已不下二三千汪逆以中三  
路均不得逞親率死黨力抗官軍有不攻破不回城之  
誓蓋恃有兩路包抄之賊猶冀前後堵撲也我軍再接再  
再厲無不奮勇爭先適劉典親督老中營及丁大洋副  
右營斜出迎見指湖頂上一枝伏賊已抄出深坑當與  
李耀南定計先擊此股即飭丁大洋率所部疾馳上嶺  
老中營應之并調齊蘭禮率副中營助勦黃少春王德  
榜塔子營營壘已成皆出隊夾擊各營將弁皆舍騎步

初編卷三十六

三

戰琴旗陷陣軍士皆一以當百鎗礮環轟聲震山谷逆  
黨死傷甚夥黃少春所部橫徑各營王德榜所部深坑  
各營亦一齊出隊奮擊黃少春王德榜各率親兵緣崖  
而出以橫截之賊遂敗走我軍乘勢掩殺斬賊不可勝  
數而汪逆大股尚在前抵死撐拒經張福齊李耀南與  
蕭雅泗等麾兵痛勦該逆亦殊死鬪正酣戰間簡桂林  
與哨長甘大有鄒正魁等下馬持矛大呼衝陣賊眾勢  
如山頽我軍奮威衝殺矛刺鎗擊賊屍枕藉匪追至佛  
子高時已酉刻始各收隊歸途見大戰處血漬滿踐徑

湖水盡赤矣其雙板橋一枝抄後之賊經高連陞督親  
兵洋鎗馬步各隊橫出分水鄉以斷賊後令道員魏光  
祁率副將黃北海游擊陳得勝由葵嶺翻山斜趨分水  
之右待賊退時攔截之飭總兵丁賢發副將曹光德張  
志公游擊程學明合劉清亮康國器所部列隊之兵分  
三路直向雙板橋迎擊高連陞督親兵從分水鄉出遲  
出賊不意開鎗轟擊逆眾在前者甫抄出橫徑後面之  
玉水見歸路已斷遂大驚亂適劉典黃少春王德榜各  
軍合兵衝殺賊遂紛紛從分水右側山下奔路潰奔魏

初編卷三十六

三

光祁等伏山腰林木中橫鎗擊之賊眾自相蹂躪不敢  
仰視高連陞從後追殺斃賊數百名生擒二十九名雙  
板橋餘賊不敢戀戰鼠竄回奔我軍追至黃竹洋沿途  
蕪篔不少其黃坑一路之賊見我軍後路有備未敢渡  
河下窺據各軍生獲賊供并乞降賊首來稟僉稱首逆  
汪海洋被鎗子從頭左偏穿出眉之際立即墜馬比至  
昇回州城則已氣絕臣宗棠初猶未信比接各軍探報  
一一相符且各賊稟赴營乞降者兩日之間已三四  
至觀其紛擾情狀知汪逆之陣前盡斃確無可疑矣計

是戰其斬悍賊數千名誦傷截傷者無數可計墜崖死者約數百名生擒二百餘名奪獲鎗械無算賊馬數十匹諸將士皆言逆賊是日分布之密搏鬪之苦實爲從前數年來所僅見蓋狙於近來未經痛創而所糾賊黨所收叛勇皆兇悍百戰之餘土匪又熟習路徑從而導引之故膽大氣驕如此此十二日各軍血戰竟日大獲全勝之實在情形也是役也劉典黃少春高連陞同心共濟謀勇兼資在事將士踴躍用命勇氣百倍仰賴我皇上天威殲除首逆現據賊中諜報賊黨因汪逆伏誅

初編卷二十六

三

推僞借王譚體元爲首賊首如胡瞎子汪麻子黃矮子何明亮等皆踞紫城內外人數尙多必須速合長圍令飛走絕跡然後誅其桀悍宥其脅從勦撫兼施乃可戢事宗棠拜摺後卽率親兵及記名總兵楊和貴新右營由松口前進先檄高連陞由東北葵嶺進紮黃竹洋黃少春王德榜由正東分水鄉進紮佛子高延紮而北與高連陞黃竹洋之營相接浙江提督鮑超十三日抵平遠康國器接其途次來函謂十五日可進州西北相公亭已飭康國器俟鮑超營盤紮定卽會期列隊逕由

烏泥坪進紮州正北洋門岷要隘右與鮑超左與高連陞聯絡咨商鮑超進紮西北平成舖石壁官前一帶并飛催席寶田劉勝祥兩軍速進西北大坪堡飭道員朱明亮桂營進紮井塘使劉典全軍得由正東趨東南之口官市西洋龍津橋進紮黃坑渡再進至芹菜洋自東南隅右旋至西北隅各軍密布則正南西南正西各路要隘防賊衝窟粵軍方耀鄧安邦一萬四千人扼西面歸口一處前調粵軍鄭紹忠所部六千人又添調粵軍曾敏行一千五百人迭飭會同進紮西南之長沙墟尙

初編卷二十六

三

未卽進臣宗棠又飛檄督之責其速紮以彌西南一隅虛隙更調新募八檣礮船抵南路水陸依護以成鎖圍期竭奮銳迅速戡役仰紆宵旰慈廑此次尤爲出力之記名閩浙總兵傑勇巴圖魯閩桂林擬保閩浙補用總兵楊勇已圖魯張福齊懇恩賞換清字勇號遇有閩浙總兵缺出題奏請旨閩浙補用總兵格洪額巴圖魯劉端冕可否以總兵記名請旨簡放按察使銜浙江補用道李耀南請



賞加二品頂戴總兵銜副將馬駿發請以總兵補用留  
浙副將樂連生擬保留閩副將甘大有閩浙儘先補用  
副將劉傳儀留浙副將高方吉均請

賞給勇號樂連生並請

賞加總兵銜擬保留閩儘先副將周玉堂請

賞給勇號副將銜留閩參將謝復雲補用參將宋成祥

藍翎游擊張佑廷均請以副將留閩補用張佑廷並請

賞換花翎副將銜參將戴清輝鄒玉林杜登雲吳茂軒

均請以副將留於閩浙遇缺即補參將鄒正魁花翎參

初編卷二十八

二十六

將李銘新姚連陞均請

賞副將銜花翎儘先游擊余宏亮請以參將留於閩浙

即補游擊張金榜黃復勝陳厚順均請以參將留於閩

浙遇缺即補花翎留閩都司蕭雅泗田向陽均請以參

將仍留閩補用先換頂戴花翎都司羅東成湯世成周

繼世藍翎都司陳龍香均請以游擊留於閩浙補用花

翎留閩都司劉甫田請以游擊仍留福建補用擬保花

翎守備黃文光藍翎守備謝紅蛟均請以都司儘先補

用守備余洪勝林三友秦添福江同恩陳殿立葉義秀

均請以都司補用藍翎千總向明幹請以守備儘先補  
用並

賞加都司銜軍功鍾雲傑請以千總儘先拔補弁

賞戴藍翎軍功宛乾元張興發均請以千總即補弁

賞戴藍翎軍功范振升請以千總即補並

賞加守備銜已革都司祝鑑高請開復原官弁免繳捐

復銀兩其餘在事出力員弁可否由 臣宗棠存記彙案

保獎之處出自

天恩其陣亡之擬保留閩儘先副將陽命伸副將趙輝

初編卷二十八

二十七

元應請

旨飭部均照總兵例議卹副將銜閩浙補用參將周壽

臣請照副將例議卹花翎都司歐隆勝施輝林章海輝

均請照都司例議卹擬保守備蔡文蔚請照守備例議

卹藍翎外委蔡名吉請照千總例議卹其餘傷亡各弁

勇再行分別核辦所有十二口大獲全勝首逆伏誅緣

由謹合詞恭摺馳

奏伏乞

皇上聖鑒訓示施行謹

奏同治四年十二月十七日

軍機大臣奉

旨另有旨欽此

同治五年正月十五日內閣奉

上諭左宗棠等奏官軍進逼嘉應東路痛剿撲壘賊匪  
六獲勝仗首逆伏誅一摺逆首汪海洋盤踞嘉應州城  
經左宗棠調派諸軍分路進軍二年十二月十二日官  
軍由嘉應州城東橫徑地方進紮塔子嶺中右兩路甫  
經築壘該逆已由左側衝出經提督黃少春布政使王

初編卷二十八

五

德榜親督兵勇擊退該逆復率悍當數萬三路來撲并  
分股潛抄深坑葵嶺等處圍襲官軍後路由黃坑另  
出股匪牽制井塘丙村諸路官軍漫山遍野勢極披猖  
官軍分路迎擊其前一面派兵截勦山徑埋伏及抄出  
深坑之賊各營齊出鏖戰山谷逆當死傷甚多深坑之  
賊亦皆敗走汪逆大股仍在前路抵死抗拒官軍合力  
酣戰總兵簡桂林等率眾下馬奮力衝陣賊眾勢如山  
頽屍骸枕藉血滿蹊徑澗水盡赤其由雙板橋一路抄  
後之賊亦經提督高連陞等督兵截擊並分路繞出橫

徑後面玉水地方斲賊歸路由山腰林中伏鎗橫擊殺  
斃賊匪不計其數詢據官軍所獲賊供僉稱首逆汪海  
洋頭左被鎗子中傷由眉際穿出立時墜馬氣絕實足  
以伸天討而快人心著左宗棠迅督各路官軍四面合  
圍將餘黨速行殄盡毋留餘孽所有尤為出力之總兵  
簡桂林著換鑲僧額巴圖魯名號張福齊著賞換達桑  
阿巴圖魯名號以上二員均著遇有閩浙總兵缺出題  
奏劉端冕著交軍機處記名遇有總兵缺出請旨簡放  
道員李耀南著賞加二品頂戴副將馬駿發著以總兵

初編卷二十八

五

補用樂連生著賞給力勇巴圖魯名號甘大有著賞給  
武勇巴圖魯名號劉傳儀著賞給果勇巴圖魯名號高  
方吉著賞給効勇巴圖魯名號樂連生並賞加總兵銜  
周玉堂著賞給協勇巴圖魯名號恭將謝復雲宋成祥  
游擊張佑廷均著以副將留於福建補用張佑廷並賞  
換花翎恭將戴清輝鄒玉林杜登雲吳茂軒均著以副  
將留於閩浙遇缺即補鄒正魁李銘薪姚連陞均賞加  
副將銜游擊余洪亮著以參將留於閩浙即補張金榜  
黃復勝陳厚順均著以參將留於閩浙遇缺即補都司

羅東成湯世成周繼世陳龍香均著以游擊留於閩浙  
補用劉甫田著以游擊仍留福建補用守備黃文光謝  
紅蛟均著以都司儘先補用余洪勝林三友秦添福江  
同恩陳殿立葉義秀均著以都司補用千總向明幹著  
以守備儘先補用並賞加都司銜軍功鍾雲燕以千總  
儘先拔補並賞戴藍翎苑乾元張興發均著以千總補  
用並賞戴藍翎范振升著以千總即補並賞加守備銜  
已革都司祝鑑嵩著開復原官並免繳捐復銀兩其餘

初編卷二十八

天

在事出力員弁著准由左宗棠存記彙案保獎候旨施  
恩陣亡之擬保留閩儘先副將陽命仲副將趙耀元著  
照總兵例議卹副將銜閩浙補用參將周壽臣著照副  
將例議卹都司歐隆勝施輝林章海輝均著照都司例  
議卹擬保守備蔡文蔚著照守備例議卹外委蔡名吉  
著照千總例議卹該部知道欽此  
軍機大臣 字寄閩浙總督一等恪靖伯左宗棠廣州  
將軍兼署兩廣總督瑞麟江西巡撫劉坤一署廣東巡  
撫郭嵩壽同治五年正月十五日奉

上諭左宗棠等奏官軍進逼嘉應東路痛剿撲壘悍賊  
大獲勝仗首逆伏誅一摺已明降諭旨宣示將出力之  
總兵簡桂林等均照所請獎勵陣亡副將陽命仲等交  
部議卹矣康逆汪海洋見官軍漸次進剿率領全股悍  
賊乘我軍初至營壘未固猛力衝撲經劉典黃少春高  
連陞同心共濟謀勇兼資在事將士踴躍用命勇氣百  
倍大獲勝仗殲除汪逆自應乘賊勢新挫之時一鼓作  
氣聚而殲旃左宗棠現率親兵由松口前進飭令高連  
陞等軍分布各路四面兜剿布置甚合機宜即著督飭

初編卷二十八

天

各軍合力進逼嚴密堵剿其方耀鄧安邦鄭紹忠等軍  
並著瑞麟郭嵩壽飭令迅速進剿倘敢稍涉遲延致鏖  
隙未彌賊得竄突必將該員等從重治罪鮑超已抵平  
遠著左宗棠調令進屯西北平城舖一帶會師剿賊並  
著劉坤一迅檄席寶田等軍由西北步步進兵務令四  
面合圍使此股殘寇飛走路窮盡行殄滅以彰天討而  
靖疆圉有厚望焉將此由六百里各諭令知之欽此  
請將罵賊殉難之游擊優卹建祠片  
再查分駐嘉應之潮州鎮署左營游擊英秀於上年賊

踪逼近嘉應時招集紳團力籌堵禦每慷慨自矢與城  
存亡本年十月二十一日髮逆竄陷州城時英秀倉猝  
登陣見賊眾已薄城下守卒星散知事不可為以幼子  
屬一親兵携之出走朝服坐堂手劍以待賊至大罵不  
絕口身被數創死於游擊署左袖樹下賊嘆其忠義就  
樹下掘坎瘞之將欲斷髮辮及冠服懸東門城外見者  
哀之該游擊之妾呂氏同時殉節一女生甫六月亦被  
害據嘉應州紳士陝西補用同知直隸州張其翽稟報  
前來臣面詢該游擊死狀甚悉不覺涕出聞其幼子經

初編卷二十六

三

親兵負之走潮郡除飭廣東惠潮嘉道張飭訪求忠裔  
善為存恤外並由臣捐廉贍助伏查潮州鎮署左營游  
擊英秀視死如歸被害慘烈孤忠亮節凜然猶生應請  
旨飭部從優議卹並於嘉應州建立專祠以慰忠魂而  
勵臣節謹附片具陳伏乞

聖鑒施行謹

奏

軍機大臣奉

旨英秀著從優議卹並准於嘉應州建立專祠該部知

欽此

初編卷二十八

三

閩省鹽場繁缺陳請暫歸部選擇

奏為閩省鹽場繁缺應調乏員請

旨暫歸部選擇恭摺具

奏仰祈

聖鑒事竊照下里場鹽大使劉耀南因病出缺例應由外揀員調補當經督飭福建藩司監法道在於閩省簡缺填員內詳加遴選內除業已調繁及甫經請補各員不計外僅有帶單馬鹽大使陳光耀一員係捐納部選歷俸雖滿三年尚未請銷試俸與例未符其餘並無合

初編卷二十八

三

例人員查例載佐雜微員凡在外揀選之缺照例咨部改調如無可調之人於現任應陞人員內有曾經薦舉卓異及保薦俸滿即陞者咨部陞補如無應調應陞之人據實奏

聞於候補人員內揀選引

見補授倘候補人員不敷揀選即於候選人員內揀選補授等因歷經遵辦在案今下里場繁缺專司督廳巡緝與知縣以上等官不同閩省現無合例應調及應補應陞人員相應據實

奏明請

旨俯准將下里場繁缺暫由部 臣在於候選人員內揀選補授將來續經出缺如有合例堪調之員仍准由外調補據署福建藩司周開錫監法道吳大廷會詳前來除咨吏部查照外 臣等謹合詞恭摺具

奏伏乞

皇上聖鑒勅部議覆施行謹

奏

軍機大臣奉

初編卷二十八

三

旨吏部議奏欽此

恪靖初編奏稿卷二十九目錄

奏報收復嘉應州城餘孽蕩平摺

請給劉幫辦三代一品封典片

陳明鞠訊偽總統胡瞻子凌遲處決片

奏報粵東軍務速蒞班師回閩摺

請將歸誠之黃朋厚免罪給守備銜片

軍務完竣提臣應令各赴新任摺

陳明劉幫辦劉頌康道回籍省親墓片

陳明入粵助剿各軍分起回江西日期片

初編卷三目錄

附陳派員查辦汀漳興泉永一帶土匪片

懇陳仍檄高提督帶所部赴任片

恩免祭議謝

恩摺

奏報收復嘉應州城餘孽蕩平摺

奏為官軍圍逼嘉應逆匪宵遁各軍分路截剿均獲大捷賊首殲斃淨盡州城收復餘孽蕩平恭摺馳報仰祈聖鑒事竊自十二日之戰汪逆伏誅後偽僭王譚體元代統其眾與胡瞻子等負嵎死拒尙敢抗我官軍圍撲東路營壘經幫辦福建軍務二品戴劉典廣東陸路提督高連陞署理浙江提督黃少春福建布政使王德榜會商連營進紮臣宗棠復飭道員朱明亮桂營進駐井塘顧各軍後路每日出隊協護築壘於十九二十兩日

初編卷三九

高連陞黃少春王德榜各軍環逼州東北東面之黃竹洋佛子高曹塘一帶而營劉典督所部福建福甯鎮總兵劉明燈總兵簡桂林道員李耀南等於十八日冒雨進紮西洋市十九日留閩補用副將署龍巖遊擊賴長水陸三營進紮龍津橋並飭各軍於西洋搭造浮橋夾河並進該逆見我軍彼此列隊聲威極壯不敢復犯適浙江提督鮑超全軍於十七日抵州西北三十里之相公亭十九二十兩日率隊至平成舖山子下築壘廣東布政使李福泰亦至州西藍口令總兵方耀鄰司鄧安

拜所部至古塘坪列隊與鮑超為犄角之勢十九日該  
逆出七樹逕直撲輿軍方耀鄧安邦扼金雞石坳口列  
陣以待賊分三路猛撲數次方耀等分投迎擊自午至  
酉鏖戰四時將賊擊敗斃賊百餘名生擒一名我軍陣  
亡三名二十日鮑超出隊相視營地譚逆復率悍黨分  
股來撲鮑超令提督康仁廉等由中路進已革提督譚  
勝達等由左路進總兵曾成武等由右路進以提督李  
文益總兵銜副將龔占登記名總兵貴州清江協左營  
都司羅運昌等分路策應總兵段福記名提督直隸正

初編卷三九

二

定鎮總兵婁雲慶分率各營左右抄擊唐仁廉等擊退  
中路之賊左右路賊黨尙盤踞而來譚勝達等奮力猛  
擊斃賊甚眾左路賊亦潰曾成武鏖戰一時與已保守  
備顧惟奇皆受子傷裹創血戰力將右路賊擊敗乘勢  
追殺婁雲慶率副將徐連陞等橫截之賊益驚亂鮑超  
督各軍掩殺直追至城下而返斃賊四千餘名生擒老  
賊二百餘名我軍陣亡弁勇四十名此十九日二十日  
兩軍擊賊獲勝之實在情形也汪逆伏誅賊中膽落又  
不得逞於西北臣宗棠料其必圖速竄咨行各軍統帥

逃合鎮圍以便剿撫兼施免其漏逸而州南一面須專  
軍進紮而東圍軍進紮而西方無鎮障粵軍總兵曾敏  
行副將鄭紹忠十八日進羅衣堡擬俟二十二日進州  
西南十五里之長沙墟延紮州南之小壘而劉典所部  
總兵張福齊二十一日已進紮黃坑芹葉洋之間距州  
南稍東已不過數里江軍記名布政使貴州按察使席  
寶田總兵劉勝祥兩軍十九日馳紮太坪後臣宗棠飭  
其延紮州西面一帶以便藍口粵軍方耀鄧安邦延紮  
州西南之大乍堡三門坳策應曾敏行鄭紹忠兩軍俾

初編卷三九

三

可速由長沙墟進逼州南與閩軍聯成一氣臣宗棠於  
二十一日率親兵及總兵楊和貴新右營前進二十三  
日已刻在東州三十里之井塘途次接據各軍稟報賊  
於二十二夜二更後潛竄西南門由小壘出黃砂嶂而  
遁胡瞎子當先譚逆及各賊首斷後幸劉明燈先遣降  
賊入城偵探至是到營飛報劉明燈與簡桂林賴長立  
率所部疾趨黃砂嶂一路追截黃砂嶂者州南狹隘羣  
峯峭削一徑縈紆為嘉應出新田大田右至豐順左至  
潮州之間道賊以數萬之眾冒死出險急不得前劉明

燈簡桂林賴長馳抵泮坑斬殺尾賊數百名生擒三十  
餘名追過小窰遇鄭紹忠安勇營盤彼此不相識別混  
戰一時天明始各向黃砂嶂併力追擊復斃賊二千餘  
名生擒五百餘名先是賊目劉廷貴沈文有等已輸款  
於黃少春城賊出走時沈文有飛報各軍高連陞黃少  
春與記名提督署浙江衢州鎮總兵劉清亮四鼓率隊  
入東門搜剿餘賊副將馬駿發追至南門外水南塘河  
邊排鎗擊之轟溺甚夥偽佐將劉廷貴率三壘之賊投  
降黃少春軍前其另股千餘人赴劉典軍前乞降高連

初編卷三十九

四

陞王德榜布政使銜福建延建邵道康國器各軍逕向  
黃砂嶂追剿鮑超督所部入州城旋即派隊繼進劉典  
率所部追及小窰長沙墟黃少春亦至各路官軍齊進  
山路逼仄不能容眾因回營安插降眾資遣難民張福  
齊李耀南追至今溪斃賊不可勝計方耀鄧安邦由七  
樹運三門坳大乍堡過河追擊亦至黃砂嶂而返此二  
十三日黃砂嶂以北各軍追剿受降之實在情形也其  
過黃砂嶂者劉明燈簡桂林賴長綠匡衝殺該逆初猶  
死鬪經我軍奮力壓剿逆眾喪膽狂奔我軍乘勢痛剿

如摧枯拉朽殺不勝殺斬賊目二十餘名賊三千餘名  
生擒千餘名墮崖落澗死者人以數千計馬以數百計  
解散難民數千名奪獲賊馬五百餘匹偽印數百餘顆  
鎗械無數我軍陣亡勇丁數名正追殺間高連陞劉清  
亮又至合兵縱擊追至土地園賊眾狼奔豕突高連陞  
劉清亮率總兵丁賢發道員魏光炳副將曹光德張志  
公黃北海遊擊孫永忠陳得勝等奮威剿殺鎗擊矛刺  
斃賊極多直至分水坳劉明燈等因將士夜半出隊窮  
追竟日饑疲特甚且鮑超王德榜康國器各軍又已踵

初編卷三十九

五

至前路愈形擁擠乃收隊回營高連陞等追殺至新田  
少憩覓食鮑超前隊又至三更後高連陞等整隊急追  
黎明及賊於大田該逆大股磨聚猶抵死奪路而奔我  
軍奮勇掩殺又追二十餘里賊屍枕藉被獲賊黨伏地  
乞降者約萬餘人高連陞受之搜斬叛勇頭目歐陽輝  
及逆首賴裕新即賴剝皮之母梟首軍前悍賊猶越嶺  
狂竄我軍四路搜殺計又斃賊二千餘名奪賊馬千餘  
匹鎗械五百餘件高連陞劉清亮暫駐大田督隊搜捕  
餘賊至長良見高山密林中一黃衣賊擁賊千餘輩



伏匿亟飛登山頂逆眾駭奔丁賢發直前奮擊手擒黃  
衣賊乃偽總統胡瞎子即胡永祥也餘賊悉降又搜二  
十里尋軍於嶺春詢之附近並無賊踪始收隊回其  
王德榜一軍由黃砂嶂左路追殺二十三夜及賊於北  
溪諸處四圍皆山賊眾遍野我軍扼其去路登高呼曰  
降者棄械上山偽右先鋒眉天義曹玉科偽前鋒鈞  
天義楊世如偽會天福何玉清偽天將彭大貴偽神將  
馬有王及偽天義天福彭大元劉福勝等率眾跪馬前  
泣求免死王德榜受之約四萬人鮑超所部二十三日

初編卷二十九

六

由黃砂嶂左路追至北溪白沙壩何明亮黃矮子等仍  
思抗拒唐仁廉率各營縱擊總兵銜副將孫開華等由  
右路擊賊之腰譚勝達等由左路越嶺將賊截斷逆眾  
大潰各軍連夜躡追唐仁廉率洋鎗八營由兩崖小徑  
乘夜疾繞賊前二十四日黎明該逆復嘯黨拼死奪路  
狂衝數次鮑超親率駐城十營由小路追及飛令唐仁  
廉扼塞前途山銜副將楊德珍率兩營抄捷徑而前為  
唐仁廉後應譚勝達孫開華等由左右山岡壓下段福  
率五營往來策應雲慶由中路進擊泰將鮑超等應

之鮑超麾兵奮威齊進逆眾向前鼠竄唐仁廉排洋鎗  
環擊孫開華等由右路疾馳而下逆眾撲跌落崖者甚  
夥雲慶在中路奮刺譚勝達自左側抄出乘勝喊殺  
唐仁廉等不避險阻愈戰愈奮將賊截作數段屍橫遍  
地積械如山兩日其斃賊八千餘名墜崖死者難以數  
計逆眾見四面皆已被圍始羅拜求生當將二萬餘眾  
一律兜擒查出偽忠誠天將何明亮偽大佐將何明輝  
戴禮煌偽佐將蕭秋林偽朝將黃壽發偽先鋒鍾有誠  
黃正元劉明盛偽哨天義吳慶實偽奮天安廖大順偽

初編卷二十九

七

祈天安楊文魁偽袁天義袁戴春偽意天豫鍾意與偽  
段天福巫得盛偽陳天安陳世路偽衛國侯龍太寶及  
張益元黃茂林黃得勝吳水源張元柏及叛勇頭目黃  
矮子等陸續誅戮其偽侯丁德泰等大小頭目七百三  
十四名亦經訊明軍前正法惟康國器一軍從右路攔  
擊尚未接其稟報計擒斬亦自不少此二十三十四兩日  
黃砂嶂以南各軍窮追痛掃分別剿撫之實在情形也  
臣於宗棠廿三日開報後以各軍所收降賊僉稱譚逆  
因官軍圍逼泣商各賊首欲西竄與甯和平以趨廣西

胡逆不允堅欲由豐順潮州一帶竄越閩浙邊界以歸皖南等語賊蹤既趨豐順縣境距潮程不遠當即飛飭潮州文武固守城池一面飛調三河壩蓬萊灘礮船五十號進赴隘隘以扼要津並將進賊各軍已收隊者抽撥前往湖碓水陸依護防守宗棠於二十五日折回松口即向隘隘進發仍飭席寶田劉勝祥扼與甯以固江西藩籬粵軍方耀等四軍共扼長樂永安之衝以固惠州門戶檄高連陞劉清亮所部在嘉應者分紮州城及長沙墟一帶令鮑超及閩軍之未收隊者跟蹤追剿

初編卷二十九

八

無論該逆向惠向潮均以盡賊爲度旋據各軍報稱二十三四兩日追至溪白沙瀾距豐順縣尙四十里全股業已盪平臣宗棠自可無須馳赴潮郡即在松口暫駐將降眾分別辦理擬將其著名某點弄惡貫盈者仍從嚴懲處其情罪可原者應即免其駢戮給護票散遣回籍以廣

皇仁仍挑其精壯分隸各軍暫給口糧以俟分起遣散伏查嘉應城踞逆不過十萬餘眾綜計各軍擒斬盡斃之賊實一萬六七千名生擒數千名墜崖死者不計其

數解散難民萬餘先後收降五萬餘人奪獲賊馬一千六百餘匹偽印旗幟鎗礮器械拋棄滿途拾不勝拾而此股各首逆譚體元被首先追及之閩軍於黃砂嶼北鎗傷墮馬落崖死者胡瞎子爲高連陞所部生擒何明亮黃雙子爲鮑超所部擒斬汪麻子亦中鎗殞命殲除殆盡無一漏網即多年積誅之積賊與近時投附之叛勇本地從賊之土匪亦皆撲滅無遺此固非臣等始願所及也仰蒙

初編卷二十九

九

皇上聖謨廣運將士用命一旬三捷將十餘年髮逆種類一鼓盪平從此海濱山陬兇悖之民當益震懼天威不敢狡焉思逞而東南各省亦可脫甲解嚴與民休息矣此次尤爲出力之記名提督唐仁廉已請開復遇缺題奏提督譚勝達記名提督直隸正定鎮總兵雲慶擬保記名提督總兵曾成武可否懇

恩從優獎勵擬保提督銜記名總兵副將孫開華可否交軍機處記名遇有提督總兵缺出請旨簡放擬保記名提督總兵鄧訓誥請以提督遇缺題奏記名提督彪勇巴圖魯蕭得龍記名提督署浙江衢

州鎮總兵靖勇巴圖魯劉清亮記名提督智勇巴圖魯

李運廣提督銜記名總兵勝勇巴圖魯黎榮鈞並請

賞換清字勇號提督銜福建福甯鎮總兵劉明燈請

賞給清字勇號擬保遇缺題奏並請換清字勇號之記

名閩浙總兵簡桂林閩浙總兵張順齊及記名總兵楊

和貴擬保記名總兵劉端冕擬保總兵蕭連貴閩浙總

兵丁賢發均請

賞加提督銜丁賢發並請

賞給清字勇號記名總兵齊蘭禮請

初編卷三九

十

賞給該員三代二品封典擬保總兵馬駿發請

賞給勇號暫行革職記名總兵方耀請開復革職處分

擬保總兵銜留川副將龔占鰲副將張志公曹光德可

否均以總兵記名請

旨簡放龔占鰲並請

賞加提督銜總兵銜副將張再勝兩江補用副將賴光

斗喻名揚副將銜恭將涂祖昌均請以總兵補用並請

賞給勇號留閩副將著勇巴圖

賞換清字勇號並加總兵銜副將徐連陞擬保副將江

自康易進春均請免補副將以總兵補用並均請

賞給勇號總兵銜閩浙副將宋定元總兵銜副將陳集

賢均請

賞給勇號留閩副將甘大有毛惠德閩浙補用副將蕭

賞林署廣東羅定協副將鄭紹忠均請

賞加總兵銜副將黃北海譚勝清黃喜光均請

賞給勇號擬保留閩副將謝復雲副將睦金城擬保閩

浙遇缺即補副將鄒玉林戴清輝杜登雲吳茂軒均請

賞給勇號副將銜留浙恭將唐得勝副將銜恭將柳玉

初編卷三九

十一

清恭將葉善明朱長林陳道亨戴榮陞均請

賞給勇號副將銜恭將鄧榮佳請免補恭將以副將儘

先補用並

賞加總兵銜副將銜留閩恭將曾華國請以副將仍留

閩儘先推用留浙恭將陳德林恭將王正明恭將銜遊

擊徐萬福均請以副將留浙儘先補用副將銜留浙恭

將張介和擬保副將銜留浙恭將鄒正魁留浙恭將伍

先申均請以副將仍留浙補用恭將黎東溪請以副將

留閩補用四川補用恭將姜南全請以副將改留廣東

儘先補用副將銜恭將蕭佑飛副將銜儘先恭將余蘭桂儘先恭將蕭長興恭將林傳榜均請以副將留浙補用擬保閩浙遇缺即補恭將張金榜陳厚順黃復勝擬保閩浙即補恭將余宏亮均請以副將仍留閩浙補用遊擊張復順請以恭將留閩補用並

賞加副將銜擬保留閩遊擊劉甫田請以恭將仍留閩補用並

賞加副將銜恭將銜遊擊張逢春恭將銜儘先遊擊張榮華遊擊廖得揚劉道得請以副將補用遊擊孫永忠

初編卷三九

三

陳得勝均請以恭將留閩補用遊擊銜儘先都司彭惟貴盛照魁遊擊銜都司萬起順黃仁山擬保都司秦添福均請以恭將補用留閩都司彭錫芝請以遊擊留閩儘先補用並請

賞換花翎都司趙煥雅請以遊擊儘先補用並

賞加恭將銜藍翎都司喻經魁請以遊擊補用並

賞換花翎擬保都司江同恩陳殿立葉義秀均請以遊

擊即補守備吳起順胡昌海范長春文希財均請以遊

擊即補廣東儘先都司鄧安邦請

賞加遊擊銜都司銜儘先守備朱芳遂請以遊擊留閩

儘先補用守備桂順傳請以都司留閩儘先推補守備街丁大洋請以都司留閩儘先補用並請

賞戴花翎留閩千總宛乾元請以都司仍留閩儘先補用藍翎千總聶章壽程宏彪賀宋來邵添壽請以都司

即補並

賞換藍翎把總黃承佐請以十總即補軍功王藍臣劉忠發祝鑑廷均請以千總儘先拔補加守備銜並

賞戴藍翎軍功陳順利請以千總留閩儘先補用並

初編卷三九

三

賞戴藍翎擬保二品頂戴按察使銜浙江補用道李耀南請

賞加勇號按察使銜福建補用道朱明亮請

賞給二品頂戴記名閩浙道員魏光那請

賞加鹽運使銜同知銜候選知縣丁華先請免補知縣以同知直隸州留閩遇缺儘先補用留浙補用從九品

請成章請以府經歷縣丞仍留浙江遇缺先補用並

賞加鹽提舉銜其幫辦福建軍務二品頂戴前布政使銜浙江按察使阿爾剛阿巴圖魯劉典浙江提督蘇博

迪額巴圖魯

賞戴双眼花翎

賞穿黃馬褂一等子爵鮑超廣東陸路提督

賞穿黃馬褂特本巴圖魯高連陞

簡署浙江提督達春巴圖魯黃少春福建布政使達冲

阿巴圖魯王德榜統兵圍剿普珍餘氛謀勇兼資勤勞

懋著惟職分較崇臣等未敢妄擬甄叙應如何

獎勵之處出自

天恩其餘在事出力各員弁並請由臣宗棠查明擇尤

初編卷三十九

西

彙案保獎擬保留閣副將宋成祥十二日在塔子鼻奮

勇殺賊身受重傷旋於十六日因傷殞命應請

旨飭部照副將陣亡例從優議卹並鮑超所部二十日

陣亡之藍翎守備鍾福春守備銜千總章邦俊藍翎千

總余勝才藍翎把總蕭大春方惠林藍翎外委王與志

藍翎軍功王錫坤軍功王金玉查成發顧洪平汪心田

朱福才何福興謝光輝汪炳林李芳桂李正洪傅松亭

梁大發梁英階張有登葉得勝劉亮順黃謙益桂明東

李振義何上交肅連陞李國才周泰和朱進達呂士之

溫國勝潘文盛著案高將崇祖陳德貴劉炳榮戴雙福

杜善功及追賊陣亡之提保守備顧惟奇藍翎千總李

賢連均請從優議卹其顧惟奇一員請照擬保官階優

卹所有收復嘉應州城追剿竄賊全股撲滅緣由謹合

詞會同江西巡撫臣劉坤一福建巡撫臣徐宗幹恭摺

馳報伏乞

皇上聖鑒訓示施行謹

奏

軍機大臣奉

初編卷三十九

五

旨另有旨欽此

請給劉萬辦三代一品封典片

再查幫辦福建軍務二品頂戴劉典前在浙江按察使

任內於同治二年九月十八日皖南軍次聞計丁親父

憂時皖浙軍務孔亟臣以劉典帶兵獨當一路

奏請改為署任浙江按察使俟軍務稍定准其回籍治

喪事畢赴浙仍領原部劉典於是年十月二十一日由

浙江嚴州營次請假奔喪回籍丁二月十二日抵湖南

甯鄉縣原籍三年二月初一日奉親事畢迭經履歷

尋勇剿賊於四月初旬由籍起程帶勇入江西助剿賊  
奉

恩命幫辦江皖軍務轉戰數月江省全境肅清復奉

旨開缺仍以二品頂戴幫辦福建軍務四年五月閩疆

肅清劉典呈請終制臣憊以勇於戰陣為孝總期逆氛

盡掃乃釋仔肩半載以來屢獲江粵嘉應被陷又自南

雄兼程回剿自同治二年九月十八日聞訃起不計閩

邦至同治四年十二月十八日已屆二十七箇月服闋

劉典於同治二年十二月十二日回籍見喪至同治三

初編卷二十九 六

年四月墓勇赴江之日在籍居喪已逾百日自無庸補

行守制惟劉典至性過人昨來營面晤服闋後仍穿用

素服並堅請回籍守制臣以典禮攸關過猶不及現已

服闋應即據咨代為恭報伏查劉典自幫辦福建軍務

盡瘁馳驅忠勤卓著每戰必先與將校履勘地勢指畫

攻守械宜以故所向克捷雖履瀕危險弗顧也此次全

股髮逆所以迅即撲滅者由於十二日大捷汪逆陣斃

賊眾瓦解之故是戰賊傾巢冒死衝突克悍實異尋常

各軍縱橫血戰竟日克獲奇捷實由劉典先數日將數

十里大小路延預與各統領營官履勘指畫瞭如指掌  
故臨時衝堵抄截各盡其能雖汪逆胡逆百戰克恃之  
餘終無能逃其規畫也其由湖奉

命赴江西之接保全贛西各砲嗣赴閩援力過汀連甯

衝會規漳郡旋因汪逆由鎮平竄至連平臣飛檄速赴

江西南安廣東南維截賊入江甯湘之路比賊乘後路

空虛復由連平竄陷嘉應意在由閩入江臣時駐漳州

率親兵八百出屯瑄溪飛檄各軍馳回防剿而劉典聞

警約黃少春星夜奔馳先到會昌偵賊猶踞嘉應即由

初編卷二十九 七

上杭出大埔迅與臣會合攻剿相距較遠馳援最先卒

能掃除巨寇俾無遺種是劉典之功不可沒也劉典每

與臣言及親喪未克終制私懷耿耿聲與淚俱臣察其

至誠亦為悽愴查該員以二品頂戴幫辦福建軍務

得三代二品封典茲當大局勘定可否

賞給劉典三代一品封典俾慰孝思之處出自

皇上恩施伏乞

聖鑒施行謹

奏

軍機大臣奉

旨另有旨欽此

陳明翰訊偽總統胡瞎子凌遲處決片

再臣宗棠正在繕摺拜發聞高連陞將偽總統胡瞎子  
即胡永祥解送來營鞠訊供稱年三十三歲安徽東流  
縣人咸豐三年九月在安慶被偽丞相賴裕新擄至廬  
州歷隨賴裕新楊秀清陳玉成石達開彭大順童容海  
陳炳文汪海洋竄擾三江兩湖閩廣各省地方攻陷瑞  
州吉安邵武東安和平各府縣兩陷杭州汀州瑞金等

初編卷三十九 六

城同治二年隨汪海洋踞餘杭結為死黨本年夏間在  
閩粵交界輾轉竄突被官軍擊敗奔竄鎮平官軍攻急  
復由大柘東石斜趨羅浮司至龍南旋由和平攻連平  
回紮上坪一月未打仗折回原路竄陷嘉應州城因官  
軍緊逼汪逆又死想衝粵軍營盤走黃砂嶂赴潮州再  
尋生路二十二夜首先開路走至北溪正擬紮營官軍  
追及因逃至長良山寨旋被擒獲等語竊惟該逆與汪  
海洋在賊中最高為兇狡據供逆情不諱罪大惡極死有  
餘辜當即凌遲處決以彰

天討而快人心謹附陳伏乞

聖鑒謹

奏

軍機大臣奉

旨知道了欽此

同治五年正月二十三日內閣奉

上諭劉坤一奏江西各軍剿賊大勝嘉應餘匪棄城宵  
遁本日復據左宗棠瑞麟郭嵩焘奏截剿竄匪連獲大  
捷餘孽蕩平各一摺嘉應踞城髮逆自汪逆伏誅後偽

初編卷三十九 九

借王譚體元代統其眾與賊目胡瞎子等負隅死拒圖  
撲東路營壘經劉典高連陞等聯營進紮賊不敢犯上  
年十二月十九日方耀等軍敗賊於州西之七樹迳二  
十日賊犯鮑超營經鮑超督率唐仁廉等軍分別截  
殺斃匪四千餘名生擒老賊二百餘名逆賊膽落於二  
十二日夜潛啓西南門由小窰出黃砂嶂而遁經劉明  
燈簡桂林賴長等立率所部疾追斃賊二千餘名生擒  
五百餘名高連陞黃少春劉清亮等聞賊宵遁即率隊  
入城搜剿餘賊偽佐將劉廷貴等遂分各營乞降餘賊

高連陞王德榜康國器鮑超各軍均向黃砂嶂繼進賊  
之過黃砂嶂者劉明燈等緣崖衝擊乘勝痛剿勢等拉  
朽摧枯斬擒不可數計高連陞鮑超等軍復及賊於大  
田奮勇掩殺賊屍藉降其脅從萬餘人搜斬叛勇頭  
目歐陽輝及逆首賴裕新即賴剝皮之母梟首軍前悍  
賊猶越嶺狂竄我軍四路搜殺又斃賊二千餘名丁啓  
發復生擒偽總統胡瞎子即胡永祥餘眾悉降王德榜  
軍及賊於北溪賊無去路降者四萬餘人鮑超所部追  
賊至白砂壩賊目何明亮黃矮子等抗拒敗潰唐仁廉

初編卷二十九

三

等繞出賊前鮑超親率十營合兵截殺賊屍遍野積械  
如山二十三等日其斃賊八千餘名墜崖死者難以  
數計逆眾見四面被圍羅拜求生當將二萬餘眾一律  
拋擒查出偽天將何明亮等叛勇頭目黃矮子等陸續  
誅磔其偽侯丁德泰等大小頭目七百三十四名亦經  
訊明軍前正法逆首譚休元於黃砂嶂北鎗傷墜馬落  
崖身死汪麻子亦中傷殞命殲除殆盡無一漏網粵逆  
自由閩竄江西入廣東復有叛勇合併為一肆行兇悖  
各將士踴躍用命一旬三捷將十餘年髮逆餘孽一鼓

蕩平實足以伸天討而快人心聞浙總督左宗棠督辦  
軍務調度有方著賞戴雙眼花翎署兩廣總督廣州將  
軍瑞麟著賞還花翎三品頂戴署廣東巡撫郭嵩燾署  
賞給二品頂戴江西巡撫劉坤一著賞給頭品頂戴浙  
江提督一等子爵鮑超著賞加一雲騎尉世職二品頂  
戴前浙江按察使劉典廣東提督高連陞均著賞給雲  
騎尉世職劉典並賞給三代一品封典記名提督婁雲  
慶著以提督遇缺儘先題奏仍交部從優議叙提督唐  
仁廉譚勝達曾成武黃少春福建布政使王德榜均著

初編卷二十九

三

賞穿黃馬褂總兵孫開華著交軍機處記名遇有提督  
總兵缺出請旨簡放鄧訓誥著以提督遇缺題奏提督  
蕭得龍著賞換博奇巴圖魯名號劉清亮著賞換西林  
巴圖魯名號李運勝著賞換法什尙阿巴圖魯名號總  
兵黎榮鈞著賞換愛星阿巴圖魯名號劉明燈著賞給  
斐凌阿巴圖魯名號簡桂林等六員均著賞加提督銜  
內丁賢發並賞給伊勒達蒙額巴圖魯名號齊蘭禮著  
賞給該員二代二品封典馬駿發著賞給直勇巴圖魯  
名號方耀著開復革職處分副將龔占鰲張志公曹光



德均著以總兵記名請旨簡放龔古熬並賞加提督銜  
張再勝等四員均著以總兵補用張再勝並賞給彥勇  
巴圖魯名號賴光斗並賞給俊勇巴圖魯名號喻名揚  
並賞給衛勇巴圖魯名號涂祖貴並賞給確勇巴圖魯  
名號副將賴長著賞換剛安巴圖魯名號並賞加總兵  
銜徐連陞等三員均著免補副將以總兵補用徐連陞  
並賞給勳勇巴圖魯名號江自康並賞給強勇巴圖魯  
名號易進春並賞給勳勇巴圖魯名號副將宋定元著  
賞給果勇巴圖魯名號陳集賢著賞給靖勇巴圖魯名

初編卷十九

三

號甘大有等四員均著賞加總兵銜黃北海著賞給傑  
勇巴圖魯名號譚勝清著賞給信勇巴圖魯名號黃喜  
光著賞給鋒勇巴圖魯名號謝復雲著賞給資勇巴圖  
魯名號睦全城著賞給志勇巴圖魯名號鄒玉林著賞  
給安勇巴圖魯名號戴清輝著賞給佐勇巴圖魯名號  
杜登雲著賞給碩勇巴圖魯名號吳茂軒著賞給紳勇  
巴圖魯名號恭將唐得勝著賞給勵勇巴圖魯名號柳  
玉清著賞給爽勇巴圖魯名號葉善明著賞給制勇巴  
圖魯名號朱長林著賞給勝勇巴圖魯名號陳道亨著

賞給彰勇巴圖魯名號戴榮陞著賞給敢勇巴圖魯名  
號鄧榮佳著免補參將以副將儘先補用並賞總兵銜  
曾善國著以副將仍留福建儘先推補陳得林等三員  
均著以副將留於浙江儘先補用張介和等三員均著  
以副將仍留浙江補用黎東溪著以副將留於福建補  
用姜南金著以副將改留廣東儘先補用蕭佑飛等四  
員均著以副將留於浙江補用張金榜等四員均著以  
副將仍留福建浙江補用遊擊張復順著以參將留於  
福建補用並賞加副將銜劉甫田著以參將仍留福建

初編卷十九

三

補用並賞加副將銜張逢春等四員均著以副將補用  
孫永忠等二員均著以參將留於福建補用都司彭惟  
貴等五員均著以參將補用彭錫芝著以遊擊仍留福  
建儘先補用並賞換花翎趙煥弛著以遊擊儘先補用  
並賞加參將銜喻經魁著以遊擊補用並賞換花翎江  
同恩等三員均著以遊擊即補守備吳起順等四員均  
著以遊擊即補都司鄧安邦著賞加遊擊銜守備朱芳  
遂著以遊擊留於福建儘先補用桂順傳著以都司留  
於福建儘先推補守備銜丁大洋著以都司留於福建

儘先補用並賞戴花翎千總宛乾元著以都司仍留福建儘先補用黃章壽等四員均著以都司即補並賞換花翎把總黃永佐著以千總即補軍功王蓋臣等三名均著以千總儘先拔補並賞加守備銜賞戴藍翎陳順和著以千總留於福建儘先推補並賞戴藍翎道員李耀南著賞給奮勇巴圖魯名號朱明亮著賞給二品頂戴魏光祜著賞加鹽運使銜知縣丁華先著免補知縣以同知直隸州知州留於福建遇缺儘先補用從九品譚成章著以府經歷縣丞仍留浙江遇缺先補並賞加

初編卷三九

誥

鹽提舉銜其餘在事出力各員弁著左宗棠查明擇尤彙案保獎侯旨施恩因傷殞命之擬保副將宋成祥著交部照副將陣亡例從優議卹並鮑超所部陣亡之藍翎守備鍾福春守備銜千總章邦俊藍翎千總余勝才藍翎把總蕭大春方惠林藍翎外委王與志藍翎軍功王錫坤軍功王金玉查成蒼顧洪平汪心田朱福才何福興謝光輝汪炳林李桂芳李正洪傅松亭梁大發梁英階張有登葉得勝劉亮順黃謙益桂明東李振義何上交蕭連陞李國才周泰和朱進達呂士之温同勝潘

文盛黃榮富蔣崇祺陳德貴劉炳榮戴雙福杜善功及追賊陣亡之擬保守備顧惟奇藍翎千總李賢連均著交部從優議卹顧惟奇並著照擬保官階從優議卹以慰忠魂該部知道欽此

軍機大臣 字寄

欽差大臣協辦大學士兩江總督一等毅勇侯曾國藩閩浙總督一等恪靖伯左宗棠廣州將軍兼署兩廣總督瑞麟江西巡撫劉坤一署廣東巡撫郭嵩壽同治五年正月二十三日奉

初編卷三九

誥

上諭本日據劉坤一奏江西進逼嘉應獲勝會同收復州城並左宗棠瑞麟郭嵩壽奏收復嘉應州城追剿竄匪全股蕩平詳細情形各一摺覽奏曷勝欣慰業經明降諭旨宣示分別加恩矣迨匪盤踞嘉應州城屢思衝突出竄經左宗棠督飭江閩粵三省之軍回西地擊逐使該逆無路可竄一鼓殲除深堪嘉尚惟投誠之人為數最多必須妥為遣散分別安插方免後患閩粵地方向多土匪積年為患亦應搜捕淨盡永絕根株並飭地方文武將應辦事宜認真妥辦毋稍大意所部各軍自

應由左宗棠會同瑞麟郭嵩壽劉坤一酌量分別遣留  
惟現在東南雖已肅清而捻匪竄擾北路楚豫等省到  
處戒嚴防期正當喫緊鮑超一軍前奉令其馳赴北路  
助勦此時粵賊業已辦結即著左宗棠飭令統帶所部  
迅赴楚豫之交聽候旨國藩調遣其江閩各路得力將  
弁兵勇有可調赴楚豫江皖助剿者並著旨國藩迅速  
函商左宗棠等酌量調往以期厚集兵力早殄逆氛左  
宗棠等仍當聽候旨國藩商調派將士之信分別遣  
留不得先將得力諸軍概行遣撤以顧全局特此由六

初編卷二十九

兵

百里各諭令知之欽此

奏報粵東軍務速戡班師回閩摺

奏為粵東軍務速戡微臣班師回閩恭摺馳報仰祈

聖鑒事竊自上年十二月二十二夜收復嘉應州城二

十三四等日追剿竄賊擒斬各逆全數蕩平當經臣會

同廣東督撫臣暨江西撫臣福建撫臣山驛馳報續據

布政使銜福建延建邵道康國器稟二十三日追剿至

豐順縣北白水寨一帶擒斬無算生擒逆渠洪秀全女

婿偽金王鍾英偽幼陪王譚標偽懷王周春之姪周社

福偽朝將黃松偽佐將何昌勝黃蘇實解營臣親訊

初編卷二十九

七

明確軍前正法浙江提督鮑超續於降人中盤獲首逆

汪海洋養子汪長林偽王宗汪起賢福建藩司王德榜

續於降人中盤獲汪逆海洋之妻張氏訊明汪逆無子

除養子汪長林已正法外上年在連城楊家坊擄得農

家五歲小兒養為己子取名小貴當將張氏正法小貴

交汀州紳士訪其父母領歸又獲偽列王李海清天將

粟時之神將劉文昌朝將尹炳朝龍天義劉大福安天

義譚有年魯天義謝引富喜天義陳大有合天義蔣明

富保天福楊世求及各賊目張開元馬東海唐有元宋

興曹魏亞底周助坤葛金勝曹正保等三百餘名粵軍副將鄭紹忠搜獲獲王賴阿養朝將劉必勝及悍賊一百九十六名粵軍副將鄧在倫總兵銜副將李元順等亦搜獲王友才江德勝王亞劉等十數名均立亭斬決此外克惡素著面貌猙獰者訊明從嚴懲辦其老弱及被脅口淺者委弁遞送各原籍安插婦女幼孩不能行走者僱海船解送閩浙各省由各原籍紳商留養贖覓其親屬領歸其壯丁五千餘名江西安徽湖北各省民人暫派各營安插給以日食帶出粵境陸續查遣以

初編卷二十九

三

廣

皇仁據廣東署豐順縣知縣同知銜候補知縣錢誦清正月初六日稟報旬日以來帶團丁窮搜巖穴百數十里間踪跡殆徧實無一賊藏匿其惠潮所屬各縣則才無一賊闖入也十五年通誅劇寇自入羅網四五萬被脅殘民長登衽席此固非人力所及亦非微臣始願所及也布政使銜福建延建邵道康國器可否賞給該員三代二品封典總兵銜補用副將福建陸路提標前營遊擊李元順可否俟補副將後以總兵陞用

副將鄧在倫可否

賞加總兵銜同知銜署豐順縣知縣錢誦清可否以同知仍留廣東補用出白

天恩頻年効力戎行未遑安處自浙江嚴州軍營患瘧愈後即患瀉泄至今數日即復近來左脅下多生小疔左手左足麻木酸楚艱於乘騎昨自平和趨程入粵嶺路墜馬左腕疼痛益劇自念大馬之齒甫五十有五不應衰憊至此惟不及早調治恐漸成偏枯之症擬於本月二十四日班師回閩由水路至潮州取道詔安以

初編卷二十九

三

就坦易到關後急為調理如能速痊不敢乞假請陳也所有軍務辦竣回閩日期謹據實馳院伏乞

皇上聖鑒訓元施行謹

奏 同治五年正月二十日

軍機大臣奉

旨另有旨欽此

請將歸誠之黃朋厚免罪給守備銜片

再偽奉王黃十四即黃朋厚於上年十二月初間密遣人赴劉典軍前乞撫劉典許之仍飭劉規法並勸黃隨

時稟知十二預之戰黃朋厚告都司蕭雅泗務為之備  
汪逆伏誅後請明厚密陳羣賊洶洶之狀轉請夥黨勿  
抗官軍日取誅戮賊窟時黃朋厚極其罪惡滅伏地隻  
身潛匿山穴越兩日款營就撫其歸誠在先解散賊黨  
亦與有力可否免罪並  
賞給守備銜之處出自  
天恩謹附片具陳伏乞  
聖鑒訓示施行謹  
奏

初編卷三九

三

軍機大臣奉

旨另有旨欽此

同治五年二月十四日內閣奉

上諭左宗棠奏粵東搜捕餘匪淨盡軍務告竣班師回  
闕一摺廣東嘉應州城於上年十二月二十二日經左  
宗棠督軍克復逆首譚仁芳等均已伏誅當經降旨宣  
示茲復據該督奏稱康國器一匪追擊餘賊於豐順縣  
之北白水寨土擒賊渠洪秀全之婿偽金王鍾英偽幼  
陪王譚標等多名復經帥趙玉德榜獲獲在海洋養子

汪長林偽王宗汪起賢汪海洋之妻張氏及偽列王李  
海清等二百餘名鄭紹忠搜獲偽贊王賴阿養等一百  
九十餘名鄧在倫李元順等搜獲賊目王友才等十餘  
名均經左宗棠訊明正法其被脅老弱婦女等分別解  
送原籍安插窮搜巖谷百數十里間並無一賊藏匿搜  
捕甚為認真辦理亦屬妥協所有此次出力之福建延  
建邵道康國器著賞給該員三代二品封典遊擊李元  
順著俟補副將後以總兵陞用副將鄧在倫著賞加總  
兵銜知縣錢誦清著以同知仍留廣東補用以示鼓勵

初編卷三九

三

另片奏偽奉王黃十四即黃朋厚自上年十二月乞撫  
後密覘賊情隨時稟報復能解散賊黨棄械投誠尚屬  
真心效順黃朋厚著免其治罪并賞給守備銜該部知  
道欽此

軍務完竣提臣應令各赴新任摺

奏為軍務完竣提臣應令各赴新任以重職守恭摺仰

祈

聖鑒事竊自嘉應收復髮逆蕩平閩粵江西三省一律  
解嚴臣已面商廣東陸路提督高連陞署浙江提督黃  
少春請各率所部即赴新任廣東惠潮嘉一帶俗傲民  
頑久為奸宄涵濡卵育之所此次從逆匪徒大受懲創  
諒已震懾

天威不敢狡焉思逞然大兵速撤或啟戎心高連陞所

初編卷三十九

三

部應令統帶赴任以資鎮壓該軍正月以前月餉由臣

清給二月以後應由廣東督撫臣按月照發以資飽騰

浙江提督久未履任責任甚重曠誤堪虞黃少春既蒙

特旨簡署是缺軍務既竣自應帶所部前赴新任以重

職守除分咨高連陞黃少春各帶所部赴任外理合恭

摺具報伏乞

皇上聖鑒訓示施行謹

奏 同治五年正月二十日

軍機大臣奉

旨高連陞黃少春均著各帶所部即赴新任欽此

陳明劉勳辦劉鎮康道回籍省親省墓片

再據幫辦福建軍務二品頂戴劉典面稱父服已闋而  
老母年踰七十定省久疏現在軍務告竣急思回籍省  
視臣念其至性難遏勉允代為陳情除將所部酌留十  
營歸記名總兵張福齊簡桂林分統外劉典率凱撤六  
營就近回籍省親又福建福甯鎮總兵劉明燈由武舉  
於咸豐十年從臣討賊轉戰五省無役不從六載馳驅  
思親倍切且其祖母年逾九十近復衰病侵尋請假暫

初編卷三十九

三

回湖南永定縣籍省視延建邵道康國器轉戰四省從  
軍十餘年今幸軍事底平適在粵東本籍請假就近回  
南海縣省墓各據稟請前來臣惟采薇杖杜古之勞還  
卒還役者曲盡人情至今諷詠遺篇猶餘懷慕茲當餘  
孽殄除東南戡定之時謹體

皇上孝治天下之心各如所請所有劉典回籍省親及

劉明燈康國器請假四日回籍省親省墓再赴福甯鎮

延建邵道各本任之處理合附片具陳伏乞

聖鑒謹

奏

軍機大臣

旨知道了欽此

陳明入粵助剿各軍分起回江西日期片

再江西各軍奉

命入粵助剿署浙江提督鮑超一軍自上臘十七日由平遠進嘉應州西北三十里相公亭十九日進州北十九里之平成舖二十三日入嘉應州城是日追賊二十四日收隊所有戰勝情形已由臣彙報茲據緘報正月

初編卷二十九

請

十一十二等日拔營回江西以應湖北之調其貴州按察使席寶田總兵劉勝祥兩軍上臘十八九等日由長甯進嘉應州西北二十餘里之大坪遵臣續調延紫州西寺塘良一帶二十二夜賊由嘉應州城西南門出折由水南墟竄走距席寶田劉勝祥兩軍稍遠未有戰事臣續調其移駐與甯以防紛竄現據稟軍務告竣已於正月初二初七等日分起由平遠回江西至粵東各軍撤留應由廣東督撫臣自為酌度餉事是否應手臣不能知也謹附片陳明伏乞

皇上聖鑒謹

奏

軍機大臣奉

旨知道了粵東各軍著至宗棠咨明瑞麟等分別撤留妥為辦理欽此

附陳派員查辦汀漳興泉永一帶土匪片

再上年閩境肅清後臣部各軍入粵入江分道追剿自臣奉

命入粵悉率從征閩境空虛漸啟莠民玩視之漸所有

初編卷二十九

請

各郡未獲土匪仍須一律按治以除積年隱患除飭總兵張福齊率所部回駐汀州簡桂林率所部回駐漳州道員朱明亮副將賴長林珠各率所部查辦永定積匪外其福建布政使王德榜一軍應令前赴興泉永一帶隨地勸辦以淨根株所有察辦情形容即隨時馳報謹附片具陳伏乞

聖鑒謹

奏

軍機大臣奉

旨知道了欽此

歷陳仍檄高提督帶所部赴任片

再正拜摺問適准署兩廣督臣瑞麟正月初十日來咨以東路肅清催高連陞赴廣東陸路提督本任令其將部曲交各將領接管聽臣檄飭凱旋臣維高連陞一軍馬步僅四千五百人上年臣檄署衡州鎮劉清亮一軍三千餘人延建邵道康國器所部五千六百人歸其節制調遣入粵會剿合共一萬三千餘人截至本年正月月底止所有薪糧均歸閩浙糧臺給領廣東僅於餉道中

初編卷三十九

梗時曾解過該軍餉銀四萬兩茲因軍務告竣廣東催高連陞赴任復咨所部由臣檄飭回閩其意不過以此軍之餉始終推卸於閩耳如果廣東兵力有餘募勇足恃無需借助客軍則高連陞一軍入粵為營臣遵旨檄調各軍入粵可以無庸即廣東新募馮子材舊部之舉亦可不必要如果此次軍務告竣之後廣東所收降卒各軍所撤勇丁各屬通誅上匪能保其不復滋生事端則臣之預留高連陞一軍擬之誠為過慮特還詢之廣東督撫臣亦必不能自釋也高連陞一人名將正宜

為時局珍惜俾盡所長今令其隻身赴任責以整頓

理之制兵治不可數計之匪寇勢必不能為廣東慮之且不得不為高連陞惜之現計高連陞所部除撤遣旋聞外僅留五千餘人每月需餉不過三萬餘兩自本年二月起始歸廣東支應并非強以所難臣們心自問所以為廣東謀者不為不至而廣東額難之欲臣一概檄飭旋聞茲臣所不解也如謂高連陞軍餉仍應田園支領則試為廣東籌之應解協閩之餉約尚有三十餘萬而此次資遣各省難民及嘉應州鎮平贛賑恤平糶

初編卷三十九

米糧及臣勻撥鮑超一軍軍米價銀應由廣東解還歸欵者亦約五萬餘兩即以此欵悉數移充高連陞軍餉以開餉源開軍約足一年之需一年之後諸患漸平陸續裁撤此軍亦未為晚伏思海疆之患起於廣東中原盜賊之患亦起於廣東當此軍務甫竣之時有籌兵籌餉之責者應如何懲前愆後以圖自強若仍以庸闇為寬厚以諉卸為能事明於小計暗於大謀恐未足紓朝廷南顧之憂也合無請旨飭下廣東督撫臣熟思審處仍檄高連陞帶所部赴



任之處出自

聖裁謹據實陳伏乞

皇上聖鑒訓示施行謹

奏

軍機大臣奉

旨另有旨欽此

軍機大臣 字寄同治五年二月十四日奉

上諭左宗棠奏粵省軍務告成班師回閩請令高連陞帶所部赴任各摺片粵東之賊全股蕩平後復經康國

初編卷三十九

奏

器等追捕餘匪並於降人中搜獲逆裔戎悍賊數百名立予斬決老弱壯丁分別贖道辦理甚為妥協本日已明降諭旨將康國器等員照請獎叙矣該督以墜馬致舊病增劇現於本月二十四日班師回閩著於到閩後安心調理期於速痊以慰廬系左宗棠凱旋後粵省安插降卒搜誅土匪善後之事方多正當留紮勁兵以資鎮遏瑞麟既資催高連陞赴廣東提督本任何以反令左宗棠將其部曲檄飭回閩該署督徒為推諉該軍餉需起見曾不為地方計殊味軍機該省民屬著各刁悍

平日所養制兵毫不得力徒耗餉需倘聞軍凱撤而降

卒土匪又復滋生事端重煩兵力該署督其能當此重

咎耶高連陞所部五千餘人計每月需餉不過三萬餘

兩即著左宗棠檄飭該提督帶所部赴任月餉由瑞麟

郭嵩燾按月籌給不准絲毫短少帶欠致有掣肘之患

俟該省諸患悉平伏莽淨盡再議裁遣劉典現在請假

省親該臬司久歷戎行素稱得力若令投閒殊屬可惜

著左宗棠諄飭該員於省親後即行銷假應派往何路軍營帶兵剿賊並著左宗棠斟酌奏聞將此由六百里

初編卷三十九

奏

各諭令知之欽此

恩免察議謝

恩摺

奏為恭謝

天恩事竊臣於同治四年十月二十六日在漳州營次

附驛獲陳道員曾憲德考語前後歧異請

旨將臣交部察議一片十二月十五日在廣東大埔營

次准兵部火票遞回原片後開軍機大臣奉

旨知道了左宗棠着加恩免其察議欽此雖聆之下感

陳真名伏念臣識之知人情殷薦士以考績乃循

歲省之義鑑本宜空而等邊尤為時局所需瑜終難揜

初編卷三九

罕

樹同溫室竊恐直白非宜材愧拘墟儼若雌黃有意未

化迂牽之見致冒

宸嚴自貽疏脫之譏敢述吏議乃蒙

皇上聖慈垂諒曲予優容審先後異考之有因念人地

相需之屬實仍邀

俞允並赦微愆臣惟有益切慎勤時加綜核冀仰答

高厚鴻慈於萬一所有微臣感激下忱理合繕摺恭謝

天恩伏乞

皇上聖鑒謹

奏同治五年正月二十日

軍機大臣奉

旨知道了欽此

初編卷三九

罕

恪靖奏稿初編卷三十目錄

奏報齋匪闖入崇安建陽旋即收復情形摺

恭報回省日期及沿途察看情形摺

陳明譚體元伏誅緣由片

陳請撫臣暫緩北上片

陳明浙江協濟閩餉停其委解片

請將已革吳副將開復原官留閩補用摺

賞戴雙眼花翎謝恩摺

補陳閩浙提鎮司道府各官年終密考摺

初編卷三十目錄

軍功武職復中武科應否註冊註銷陳請核議摺

軍機大臣 字寄

欽差大臣大學士湖廣總督一等果威伯官文

欽差大臣協辦大學士兩江總督一等毅勇侯曾國藩

閩浙總督一等恪靖伯左宗棠署理兩江總督一等肅

毅伯李鴻章浙江巡撫馬新貽江西巡撫劉坤一湖南

巡撫李瀚章同治五年二月初一日奉

上諭前因廣東嘉應州髮逆全股殄滅東南各省大局

雖已肅清而豫楚捻匪奔突靡常蔓延數省特經諭令

左宗棠等將閩江各軍暫行停撤聽候曾國藩函商將

初編卷三十

得力將士揀調北路江皖楚豫各營助剿並令鮑超先

統所部馳赴鄂豫聽候曾國藩調遣以期厚集兵力迅

掃捻氛因思甘省甯夏雖經收復而回匪到處肆擾靈

固及秦涼狄河等處盤踞勾結其勢甚熾楊岳斌所部

兵勇頗單不敷防剿之用現在江閩各軍除應撥鄂豫

江皖助剿尚餘若干名可以調赴甘省軍營將領中何

人可以派令帶往總以精銳得力為主此時江閩粵東

軍務已平浙江江西湖南亦應撤防自可將各該省餉

項移作甘省軍需之用嗣後江西浙江湖南每月可協

濟甘省餉銀若干兩並協濟調赴鄂豫江皖助剿勇營  
餉銀若干兩鮑超一軍調赴鄂豫約有若干名楚北可  
協濟此軍餉銀若干兩江蘇省能否於現協甘省月餉  
外再行籌添若干兩均著官文曾國藩左宗棠李鴻章  
劉坤一馬新貽李瀚章妥籌速奏從前南省勇丁以甘  
肅地方瘠苦多不願往此時若將調赴甘省勇丁酌增  
餉銀若干或再將員弁勇丁之從征西路者變通章程  
從優保舉當可樂於從事益加奮勉曾國藩左宗棠李  
鴻章識見素優此舉是否可行即著詳晰奏聞倘南勇

初編卷三十

二

以水土異宜難於調赴甘省此外如有嘉謨碩畫可以  
統顧全局者亦當各抒所見以期謀出萬全早蒞軍事  
有厚望焉廣東髮逆雖平而土客匪徒互關蔓延糾結  
為患方長且降眾土匪徒處各州縣伏莽甚多嘉應新  
降匪徒亦須籌畫安插均不可無得力兵勇彈壓左宗  
棠仍當酌留閩軍在粵不可槩行遣撤並著該督仍留  
粵東辦理善後事宜毋庸遽回閩省肇慶等處茲事匪  
徒即由左宗棠派兵剿辦分別良莠懲勸兼施預遏亂  
萌以副殷望嘉應州前助髮逆戕害官兵之士匪亦應

分兵搜捕淨絕根株毋留餘孽將此由六百里各諭令  
知之欽此

初編卷三十

三

奏報齋匪闖入崇安建陽旋即收復情形摺

奏為齋匪突陷崇安建陽官軍速集兩城旋即收復追剿獲境現飭越境窮追並咨江西會剿以淨根株恭摺馳報仰祈

聖鑒事竊福建崇安一縣地與江西封禁山一帶昆連縣之西北大漣嵐角等處近有齋匪傳徒習教情事其齋匪則伏匿封禁山寬堅交秘無從調察一月十三四等日署崇安縣申其昌遣人偵探賊情據地方百姓回稱並無踪跡十五日有匪數百從北鄉突入縣城申其

初編卷三十 四

昌方出署彈壓見頭裹白巾紅巾綠巾者已遍塞街衢旗幟大書天國曾有等字戈矛林立正詰責間被匪刀斫矛刺立即陣亡署遊擊臧宗全聞變馳至被賊拘禁弁兵星散未及救護宗全乘間投水殉之賊踞城後竟夥踵至人數日多惟 臣宗棠甫於十八日回省十九夜得署建陽縣知縣湯箴衛告急之稟即會商調兵援剿時則由粵分道凱旋各軍均未知其行抵何處始以道里時日計之調署浙江提督黃少春由江西鉛山進崇安之北傾其巢穴調記名總兵張福齊由汀州出邵武

進崇安之南調浙江補用知府康飛熊率所部速赴延平調藩司王德榜由泉州徑德化以出延建之交調署都司吳得鳳帶督標兵丁三百名赴延平俾馳延平之留浙知府張樹葵率所部楚軍新中營速赴建甯以截其分竄之路明知齋匪無甚伎倆初起人數無多不值重兵兜剿惟念崇安為閩省茶市要區距江西封禁山最近封禁山既為齋匪老巢不迅速肅事轉瞬茶市將興下府無賴之徒藉摘茶餉上趨食者不下十數萬恐其勾結齋匪滋蔓難圖而江西浙江福建不得安枕也

初編卷三十 五

臣宗棠路過興化時接見官紳均言近日地方輿齋念佛者多但無包藏禍心之事比即深以為慮留親兵五哨交幫辦營務處花翎同知虞紹南營帶駐紮其間會同署督標中軍副將楊在元署興化府知府章倬標搜捕土匪並留心伺察以遏其萌其隨帶回省者僅左右兩哨而已是以未及派撥二十三日復接署建甯鎮劉朝太代理建甯知府周星詒飛稟二十一日崇安齋匪忽擁入建陽縣城署知縣湯箴衛調集聯甲未至倉卒拒敵受傷居民因其官聲素好擁救出城退保徐墩街

是日知府張樹葵率所部新中營由延平冒雨馳抵建甯城東夾河而營水師都司余得彪楊政寬等亦帶所部繼至適大雨連日溪水暴漲不能急進賊聞官軍水陸並集意頗慌怯又湯篤備在徐墩調集聯甲已齊旦夕將至二十三日寅刻雷雨出城分竄張樹葵湯篤備二軍適至擒斬落後賊數十遂復建甯縣城賊之出城分竄者一由西北回崇城一由西南出麻沙以入九龍山方賊之由崇安竄建甯也崇安縣城之匪無多江西廣信府知府鐘世植遣泰將王益隆帶勇乘虛襲擊立

初編卷三十

六

復縣城旋聞賊將竄擾廣信王益隆遂於二十五日引所部回駐邊界幸黃少春旋浙之軍於二十三日甫抵邵武即於二十五日分軍赴界首進剿賊之回崇安者一十六日寅刻復入縣城聞黃少春至是夜三鼓又棄城北竄黃少春率所部劉傳儀高方吉等四營於二十七日辰刻馳至崇安縣城斬賊數十生擒廖捌廷張世清等十二名訊知賊踪屬集大潭嵐角一帶巢穴隨飭劉傳儀高方吉帶隊躡踪急追次日張樹葵亦帶所部由建甯馳至二十九日辰刻劉傳儀高方吉分四路縱

擊賊不能當拋棄騾馬器械抱頭鼠竄官軍分途掩殺斃賊數百生擒百餘名奪旗幟一百三十餘鎗礮雜械無數馬十二匹初一日派隊搜山擒斬百餘名居民縛送逸匪十餘名福建境內業已肅清惟此股齋匪起自江西封禁山踪跡詭秘匪據生賊均供不知大頭目名姓惟知此次小頭目係王有才安喜孫陳奴一彭二郎蕭如機等餘多江西南豐及崇安東北鄉一帶棚民安喜孫即崇安革兵安邦慶各匪首是否概經擒斬尙待查悉臣等已前咨黃少春如賊已竄即迅速越境躡踪

初編卷三十

七

追剿一面飛咨江西撫臣派員帶兵會辦並查封禁山齋匪伏匿之所嚴密搜捕以淨根株矣其由麻沙竄九龍山一股經署洋口通判花翎同知楊鼎勳及聯甲等截剿斃賊十餘名餘黨均紛紛棄械鼠竄楊鼎勳乘勢深入九龍山將積年逋誅匪首陳仕成掩擊斃之並格斃助匪拒捕黨眾十餘人此路亦無餘孽現在凱旋之軍四集民心已定縱有餘匪祇須留心搜緝便可蕪事其各部劫辦土匪諭禁齋匪容再稟案具報此次匪徒突起五日連陷兩城事出倉卒除署崇安縣知縣候補

知縣申其昌被匪戕害署遊擊臧宗全投水捐軀請  
旨飭部議叙

卹典外其署建陽縣湯箴衛於鄰匪闖入時未能先事  
預防咎有應得惟該縣倉卒拒守曾經受傷未及三日  
旋即帶勇隨同收復城地且平日官聲尚好可否仰懇  
天恩將湯箴衛革職仍留建陽縣任以昭允協之處伏  
候

聖裁所有崇安建陽兩縣突被齋匪闖入旋即收復城  
池剿辦獲勝及現在追剿情形謹據實合詞恭摺馳

初編卷三十 八

奏伏乞

皇太后

皇上聖鑒訓示施行謹

奏 同治五年三月初十日

軍機大臣奉

旨另有旨欽此

軍機大臣 字寄閩浙總督一等恪靖伯左宗棠福建  
巡撫徐宗幹江西巡撫劉坤一同治五年三月二十八  
日奉

上諭左宗棠徐宗幹奏收復崇安建陽兩城派軍會剿  
齋匪一摺齋匪竄陷崇安建陽兩城夥黨甚眾經左宗  
棠等督飭黃少春等軍會合江省官兵乘其初起迅速  
進剿即將崇建兩城克復福建境內業已肅清辦理尚  
屬妥速惟此股齋匪起自江西封禁山藏匿已久現在  
生擒賊匪尚不知大頭目名姓其踪跡難尋已可窺見  
若不嚴行搜捕盡絕根株難保不因官軍凱撤復出滋  
擾著左宗棠徐宗幹督飭黃少春等越境踴躍追捕劉  
坤一懷遵前旨嚴飭副將余朝貴等會同閩軍務將山

初編卷三十 九

內齋匪伏匿之所查明認真搜捕毋留餘孽其竄九龍  
山一股業經閩軍擊斃匪首陳仕成格殺黨眾十餘人  
其餘夥匪亟著左宗棠等督飭地方文武實力搜捕以  
期速行肅事被匪戕害之署崇安縣知縣申其昌投水  
捐軀之署遊擊臧宗全均著交部照例議卹署建陽縣  
知縣湯箴衛未能先事預防咎有應得第該知縣倉卒  
拒守曾經受傷城陷未及三日即能帶勇隨同收復且  
據左宗棠等聲稱平日官聲尚好著准將湯箴衛革職  
仍留建陽縣任以觀後效將此由五百里各諭令知之

欽此

初編卷三十

恭報回省日期及沿途察看情形摺

奏為恭報微臣回省日期及沿途察看情形仰祈

聖鑒事竊臣於上年十一月十六日由平和縣搭溪進

駐廣東大埔當將帶印出境暨咨撫臣徐宗幹代辨

題咨事件檄藩司照例代行臣署日行事件各緣由附  
摺具

奏奉

旨欽遵辦理茲臣於本年二月十八日班師回省所有

臣署同治五年二月十九日起一切

初編卷三十

十一

題咨日行事件仍歸臣一手經理除咨明撫臣及檄行

署藩司周開錫外合將微臣回省辦事日期恭摺具報

再臣旋師經廣東嘉應潮州各屬地居粵嶠之南前臨

大海土肥氣暖豆麥暢茂物產充盈由饒平分水嶺而

東入閩之詔安西界厯詔安雲霄漳浦取道海澄轉境

以至漳州地瘠民情春花滅收亂後民物彫殘亟宜加

意休養由漳州過同安南安而晉江而仙遊春花暢茂

惟惠安則瘠苦特甚由莆田厯福清以抵閩縣土地沃

衍較泉屬所產為饒民間雜植則龍眼荔枝茶蔗諸果



之屬為多桑麻棉葛絕少栽種以故布帛之利仰給各省民之無衣甚於無食此則厚生之道亟應講求者也  
滄泉興化地皆瀕海居民以海為田除漁船一項外多置船為經商之計近自番船西來受載多而行駛速內地船商之利遂被侵奪無遺昔之海濱有船數十者近則祇存數號而已商船日少舵水人等歇業無依勢必流為匪盜近日洋面不靖半由於此至民俗則弱肉強食久已相習成風爭鬪搶奪相仍莫可禁止非誅鉏豪猾嚴治匪盜無以肅法紀而平怨毒漳州一郡漸就軌

初編卷三十

三

轍泉州興化永春亦當以次施治期於刑期無刑現已分軍次第辦理各俟彙案奏報所有後同省及沿途察看情形詳據實陳明伏乞

聖鑒訓示謹

奏同治五年三月初十日

軍機大臣奉

旨知道了欽此

陳明譚體元伏誅緣由片

再臣前奏偽借王譚體元竄入黃砂嶼經閩軍鎗刺墜

崖而斃嗣正月二十一日署浙江提督黃少春由大嶺沙來臣松口行營稟商軍事歸途見一丐頭戴笠立身衣敗絮偃卧道傍呻吟轉側隨令親兵向其詰問適新收勇丁王有勝係前獵射地陣亡總兵丁長勝舊部曾聞賊中者諦視之認即偽借王譚體元惟面親枯瘦異而耳黃少春比即親解折回臣營臣親提訊供該逆初猶抵賴繼令王有勝回質上年獵射地之役總兵丁長勝被其戕害情狀該逆始俯首承認驗視該逆右肩鎗傷痕跡宛然腰背酸膝足趾皮骨破均係跌傷所致詎

初編卷三十

三

其墜崖未死之故據供當時暈絕不省人事次日甦醒見溝中死屍枕藉因剝取布衣穿著並順拾簪帽戴之藉以遮掩面目免人識認適各營送飯長夫絡繹過路詭稱被脅難民向其乞食幸未識破旋伏匿山坡挖取地底皮日因受傷已重又餓病兼旬不能行走到此忽被盤詰此是命合該絕惟求速死又據供稱年三十三歲廣西象州人十五歲時入洪秀全營後隨石達開陳玉成李世賢等屢擾廣西兩湖兩江浙江江西福建等省前年在咸坪窺浙經浙江官兵剿敗黨羽散失當節

雍髮齊逃後知陳炳文汪海洋在建昌始來合夥故照  
髮不長等語臣查該逆譚體元於汪海洋死後移充渠  
目從逆已十餘年罪大惡極當即凌遲處死梟首嘉應  
州城外以昭炯戒所有譚體元伏誅緣由與前摺不符  
應據實陳明伏乞

聖鑒謹

奏 同治五年三月初十日

軍機大臣奉

旨知道了欽此

初編卷三十

古

陳請撫臣暫緩北上片

再撫臣徐宗幹上年

奏請

降見奏

旨俟軍務肅清再行奏請現值東南逆氛熾平軍務速

蕙撫臣應即北上惟念微臣蒙

恩簡任閩浙總督以來僅上年由延平赴漳於路過省

會時留任司口督署應辦之事多商之撫臣撫臣由循

良起家漸歷今職臣閱日久於民情吏事素稱諳悉居

官持廉宅心寬厚實非微臣所及茲臣甫還省署正請

務紛集之時因積受風濕舊恙未痊現雖趨緊醫調次

第料理尤賴撫臣遇事指示得免曠誤合無仰懇

天恩俯准撫臣暫緩北上俾微臣得就近諮訪以期周

妥之處出自

皇上聖裁謹附片具陳伏乞

聖鑒謹

奏 同治五年三月初十日

軍機大臣奉

初編卷三十

去

旨著照所請欽此

陳明浙江協濟閩餉停其奏解片

再浙省每月協濟閩餉銀十四萬兩久形竭蹶浙江撫

臣馬新貽請司蔣益澧知閩中困敝情形力圖共濟從

末以艱於籌措稍事延宕新造之區鳩集巨款實未

易事解至上年十月實已力盡筋疲加之海塘鉅工關

係吳越農田水利自開工至今每以時絀舉廢未能克

期蕙役臣肅任兼圻理宜兼顧祇因閩粵軍事未了遂

致忽視要工每念浙民彫敝情形尤增心疚茲幸粵逆

全數蕩平應將浙江協閩月餉十四萬兩截至上年十  
月底止停其委解俾浙江稍資周轉得蕺塘工除咨浙  
撫臣馬辨貽察照外謹附片陳明伏乞

聖鑒并懇

飭下戶部一併知照謹

奏 同治五年三月初十日

軍機大臣奉

旨戶部知道欽此

初編卷三十

六

請將已革吳副將開復原官留閩補用摺

奏為已革水師副將節次隨營剿匪出力現在軍務肅  
清懇

恩先予開復以資選用恭摺奏祈

聖鑒事竊照已革副將吳鴻源由軍功出身熟諳水務  
巡洋有年歷次捕盜剿匪出力節經前任各督臣保奏  
薦升安平協副將記名總兵蒙

賞勇號會剿浙省温州平陽等處逆匪肅清後回閩署  
海壇鎮事因臺逆未平令護福建水師提督帶兵東渡

初編卷三十

七

督剿先平南路逆匪解嘉義城圍進攻南靖等處賊巢  
日久未下所部粵勇因餉缺潰散臣左宗棠奏革職

擊問正在提省查辦據臺灣道府以臺屬紳民僉請暫  
留該革員沿海一帶堵截匪股經臣徐宗幹奏奉

諭旨暫緩擊問旋據報南靖等庄以次剿平復奏蒙

恩旨免其治罪飭令帶勇隨同上游各軍防剿竄匪以  
贖前愆而觀後效等因欽此欽遵轉行去後該革員於

同治三年四月間到省稟稱前在建汀各屬防剿江西  
竄匪舊部族黨親勇五百名一同前來請帶往上游軍

營效力隨令前往延建邵道康國器行營曾經奏明隨  
軍剿退邵建各屬關外竄匪又於延平府屬上洋等處  
搜捕汀廣游匪殲擒多犯亦經附片奏陳嗣延建各路  
平靖暫回泉州原籍及閩漳郡之變備備機船巡防厦  
口至四年二月間調派管帶長龍船二十號防守省港  
旋因通商局購備輪船一隻等以該革員熟悉海防  
派令帶駕挑選練習洋鎗兵丁統帶前赴厦門與道員  
曾憲德查辦逆洋匪沿海盜劫多隻並搜獲洋  
船私運軍器鎗砲六百餘件收泊漳屬石碼海澄各口

初編卷三十

六

阻截接濟漳賊匪船帶領水師員弁協獲洋匪謝應龍  
等多名搜繳洋鎗等件探聞漳浦收復賊趨海濱雲  
霄詔安踞匪將合併赴銅山港口即添備龍船七號  
配募水勇同參將陳允彩等馳往銅山攔截竄匪入海  
之路復駛進雲霄與官軍將廳城克復並收復詔安縣  
於海口截殺竄賊三百餘名經 臣 等先後奏報在案自  
臣 左宗棠移營以後該革員駕駛輪船赴省解軍火餉  
銀至厦門轉運衝風破浪往返十餘次皆安速無誤實  
屬始終奮勉出力現在軍務業已肅清洋防亟應整頓

而水師將備難得諳練任勞之員合無仰懇  
天恩俯准將已革副將吳鴻源先予開復副將原官免  
繳捐復銀兩仍留於閩省水師補用以資調遣而利操  
防 臣 等謹會詞恭摺具奏伏乞

皇天

皇上聖鑒訓示謹

奏 同治五年三月初十日

軍機大臣奉

旨另有旨欽此

初編卷三十

九

同治五年三月二十八日內閣奉  
上諭左宗棠徐宗幹奏革員隨營剿匪出力請先予開  
復一摺福建已革副將吳鴻源前因進攻南靖等處賊  
巢日久未下部勇潰散經左宗棠奏參革職等因旋經  
徐宗幹奏請暫緩擊問並因剿平南靖等庄降旨免其  
治罪飭令帶勇剿匪以贖前愆茲據左宗棠等奏稱該  
革員於同治三年四月間到省後隨同官軍剿退邵建  
各屬關外竄匪又於延平府屬殲擒汀廣餘匪多犯復  
督帶長尤船緝獲洋盜連次克復雲霄詔安等城實屬

始終奮勉出力等語吳鴻源著准其先行開復副將原官免繳指復銀兩仍留於福建水師補用該部知道欽此

初編卷三十

三

賞戴雙眼花翎謝

恩摺

奏為恭謝

天恩仰祈

聖鑒事竊臣於同治五年二月十一日與化楓亭途次

准兵部火票遞到同治五年正月二十三日內閣奉

上諭閩浙總督左宗棠督辦軍務調度有方著賞戴雙

眼花翎欽此跪讀之餘莫名感悚伏念臣才庸鳳崗遇

慶鴻毛受

兩朝特達之知忝五等

初編卷三十

三

褒封之列雲移扇尾逆風

復目於元辰星落旄頭幸合重圍於五橫欽惟我

皇上德符明兩

治合登三師克在和傳

命而雷霆一氣

德威惟畏銷兵而日月雙暉湖跳梁已十七年一旦竟

無遺種計解甲者五六省萬姓於以父安臣仰稟

宸讓兼資羣力效馳驅於大馬迄解微勞增光耀於蟬

貂早驚非分乃荷

温綸下逮

異數頻加雙量增華顧影愧鸞翔之度聯珠煥采感

恩同齎戴之誠登閩南校射之場雲棚輝映際嶺表旋

軍之會露冕爭看有惟有志勵為儀力殫舉羽仰

重華之光被全銷氛稜於八埏慶彗泰之

昌期益矢消埃於內念所有微感激下忱理合繕摺

恭謝

夫恩伏乞

皇上聖鑒謹

初編卷三十

三

奏同治五年三月十二日

軍機大臣奏

旨知道了欽此

補陳閩浙提鎮司道府各官年終密考摺

奏為補陳閩浙兩省提鎮司道府各官年終密考仰祈

聖鑒事竊照提鎮司道府等官例應於年終出具切實

考語密行陳

奏臣上年冬間奉

命督師入粵方一意剿賊未及以時密陳地在凱旋回

閩於閩省各官覆加詳察凡人材臧否輿論是非俱得

梗概浙江文武各員或久經綜核知其吏治得失或接

閱稟詳攷其政績設施其兩省提鎮由軍營立功奉

初編卷三十

三

旨特權俱未履任現在委署各缺多係久經行陣及軍

營奏留補用人員冀可漸圖整頓除署事及未紓到任

者例不註考外謹就現在各員分別出具切實考語密

繕清單恭呈

御覽伏乞

皇太后

皇上聖鑒謹

奏同治五年三月十七日

軍機大臣奏

旨知道了單二件留中欽此

軍功武職復中武科應否註冊銷陳請核議摺  
奏為軍功武職復中武科應否將軍功官階註冊抑或  
註銷保案請

敕部核議事竊臣所部楚軍員弁內擬保副將銜花翎  
儘先補用叅將劉錦臣由軍功於同治元年入臣軍中  
營充當勇丁克復遂安援剿江山案內打仗出力請以  
藍翎把總用劉錦臣於未奉

諭旨之時告假回湖南永定縣籍省親在籍應試考取  
武生是年十二月回營二年正月以克復金華湯溪龍

初編卷三十

西

初編卷三十

差

游蘭溪及肅清浙東各郡縣案內打仗出力彙保儘先  
千總並加守備銜三年二月克復杭州餘杭海甯富楊  
桐鄉各城案內打仗出力彙保儘先都司並請  
賞換花翎克復武康德清石門孝豐湖州各城案內打  
仗出力彙保儘先叅將均蒙

諭旨准行是秋復告假回籍應同治甲子科並補行咸  
豐辛酉科湖南鄉試中式武舉四年四月仍即來營克  
復漳州等處案內在事復又出力尙未叙保開五月請  
咨赴部應乙丑科武會試中式恭應

殿試引

覓奉

旨點用三等侍衛該員前由營赴部應試所有迭次保  
劄均在原籍未及攜帶隨身中式後因恐各案保舉奉  
旨日月記憶不確

殿試時未及將原保官職翎枝在部呈明迨蒙

點用侍衛正當感蒙

新恩之時不敢補呈請續據其胞兄提督銜福建福甯

鎮總兵裴凌阿巴圖魯劉明燈代為呈報前來 臣杏三

初編卷三十

三

等侍衛劉錦臣前在臣營屢著戰功回籍省親應試入

學身歷行陣志切觀光一試舉於鄉聯捷成武進士茲

既備員

禁衛似可毋庸再計前資惟念其從軍四載屢經戰陣

所得勞績保案似亦未可泯沒應據實陳明仰懇

皇上天恩飭部核議三等侍衛劉錦臣前保花翎儘先

補用叅將各案應否准其合併計算註冊抑或將以前

疊次保案註銷作為三等侍衛供職之處出自

聖裁謹據實具

奏伏乞

聖鑒施行謹

奏 同治五年三月十七日

軍機大臣奉

旨兵部議奏欽此

初編卷三十

三



恪靖奏稿初編卷三十一目錄

剿辦齋匪越境追剿淨盡情形摺

馬副將好學知書陳懇改用文職片

陳明續辦上下游各屬土匪情形摺

克復紹興等城出力各員請照原請給獎摺

附陳張補用總兵更名福齊片

初編卷三十一

剿辦齋匪越境追截淨盡情形摺

奏為官軍剿辦齋匪越境分道追截殄滅淨盡提督

剿事竣統帶所部前赴署任恭摺馳

奏仰祈

聖鑒事竊齋匪經署浙江提督黃少春所部於二月廿

九三月初一兩日在大浙嵐角一帶兜剿搜殺聞境肅

清餘匪不及千人竄出岑陽關向距嵐角八十里之江

西上饒縣轄高洲地方奔逸追軍急躡其後匪黨不敢

稍停初二日竄過高洲四十里由上羅坂左抄小逕向

初編卷三十一

鉛山縣屬石塘一路而竄黃少春飭副將劉傳儀督隊

躡追副將高方吉軍功劉應桂兩營聞道截擊又派遊

擊趙喚拋出分水關取道子溪截之初三日午刻劉傳

儀高方吉劉應桂追至上羅坂偵知匪趨石塘劉應桂

循左路尾追劉傳儀由中路徑出石塘夾擊之高方吉

一營取右路以趨鉛山劉應桂馳抵烏寶圍距石塘五

里該逆聞官軍倏至列隊石塘左側之桃姑山以待劉

應桂率隊飛奔上山左右衝擊該匪刀矛擗刺鎗礮環

應亦殊死鬪官軍向前奮殺斃匪數十名奪馬三匹匪

勢不支退踞平頂山劉傳儀適至分兩哨沿河進擊兩哨抄桃姑山後之羅漢衝自督中哨趨平頂山與劉應桂併力圍剿該匪被困核心前阻一水爲北達河口廣信要津水深溜急更無出路始紛紛潰竄官軍乘勢掩殺斃悍匪四五百名羅漢衝抄後之兵又至復陣斬百餘名殘匪僅數十人翻山逃竄時已暮昏劉傳儀等收隊駐紮石塘次早派隊窮搜山穴僅獲數人據居民僉稱逆匪經昨日兜剿漏網無幾矣旋據距石塘二十里之三十都紳士聲稱初四日辰刻零星敗匪四五十人

初編卷三十一

二

竄至該處當經截殺搜緝附近村落並無匪蹤是役官軍陣亡一名受傷十餘人此三月初三日截剿齋匪餘黨悉數撲滅之實在情形也留浙知府張樹葵一營抵崇安後飭具搜緝伏匪辦理善後陸續捕獲竄擾建陽匪首僞大將軍陳奴奴卽武生陳順光僞將軍安親德卽安寶妹王搭耳楊富孫及起意倡亂之楊維忠并安壽仔安喜孫叛屬訊明分別辦理其戕害崇安縣知縣申其昌之匪目安糠壳經分水關鄉民獲送崇安中途投水淹斃經張樹葵將安糠壳驗明戮屍以昭炯戒並

捕獲乘機搶劫之爲首廣匪劉黃地暨各鄉族長縛獻從逆齋匪六十餘名均經訊明誅斬嵐角大渾嵐頭吳屯山均等處匪徒畏戢自盡及家長處死報驗者亦數十名首逆安壽仔一犯經崇安溫林關紳士獲送鉛山轉解廣信據江西廣信府知府鍾世植稟報訊據安壽仔供係崇安縣人年二十六歲先充營兵因事責革並供認與陳奴奴等爲首謀叛戕官踞城等情不諱當將該逆凌遲處決傳首崇安示眾其彭二郎一犯二月廿九日之戰爲黃少春所部擒斬通逆內應之崇安匪首

初編卷三十一

三

鮑得高爲代理建甯府知府周星詒購獲訊辦至安喜孫卽已革營兵安邦慶及王有才蕭如機等犯是否已經陣斬尙未查得確據除飭張樹葵隨時查緝並檄分駐崇安之新委建甯鎮標左營遊擊朱光斗將營兵分別查辦外聞省各郡傳習齋教者亦多經一等刊發簡明示諭查擊爲首習教傳徒之犯其鄉曲無知喫齋而未爲匪者許其自首免罪以仰體我皇上好生之仁查齋教一種卽宋時喫菜祀魔邪教其始以戒殺放生消災避劫爲言愚民動於禍福之說易

為所惑迫人數既多竟敢謀為叛逆戕官踞城蔓延四起其黨堅交秘執迷不悟實有出尋常意料之外者此次齋匪之起由江西流傳闖境其巢穴在江西封禁山是山舊名銅塘山盤亘廣信建昌兩郡之交延袤數百里巖谷幽邃素為逋逃之藪昔人於山賊戡定後禁民入山耕墾良有深意嗣因年久禁弛柵民懇關益多乃奏請展界安插而外來奸民遂得隱匿其間是欲清匪源非入山搜捕不可也方賊之趨石塘也江西齋匪蠢蠢欲動石塘距鉛山僅三十里距河口六十里敗匪距

初編卷三十一 四

之勢將勾結響應蔓引無窮時則江西調兵未集廣信府知府鍾世楨等連緘累牘飛請黃少春分軍援剿自高方吉一營於初三日申刻馳抵鉛山劉傳儀等殲匪於石塘廣信匪徒始不敢狡焉思逞而河口一帶商賈輻輳之區得以晏然無事迨江西撫臣劉坤一派記名布政使貴州按察使席寶田率所部三千人兼程馳赴河口會剿而此股已掃除殆盡矣封禁山南連閩粵之處皆懸崖壁立攀越維艱入山之徑均在江西上饒廣豐所轄地方賊自風角擊敗後急圖回竄老巢幸黃少

春一軍越疆分途截剿得以迅速蕪事而閩浙江西三省均免調撥之煩其勞固有不可沒者黃少春自二月十三日道出邵武布置妥協迅赴戎機浹旬而蕪是役非臣等意料所及前飭劉傳儀等三營暫駐鉛山以俟江軍接替然後拔行現在江軍早已到防足資入山搜捕臣等已飭張樹榮仍帶所部駐紮崇安相機會辦黃少春一軍自應責令其帶往浙江即赴提督署任以重職守該提督此次剿辦迅速保全甚多可否請旨交部從優議敘所部尤為出力之閩浙補用副將劉

初編卷三十一 五

傳儀浙江補用副將高方吉均請賞加總兵銜五品軍功劉應桂請賞加都司銜江西補用知縣吳清濤請賞加同知銜代理建甯府知府汀州同知周星詒所轄崇安建陽兩縣失守原有應得處分惟此案事起倉猝未及旬餘旋即收復城池盡殲匪類周星詒巡防緝捕亦有微勞且平日官聲尚好可否懇恩免其議處伏候聖裁其餘在事出力各員并可否擇尤彙案酌獎之處

出自

天恩所有越境截剿齋匪全股撲滅暨提督剿事竣統兵前赴署任各緣由謹合詞恭摺由驛馳奏伏乞

皇太后

皇上聖鑒訓示施行謹

奏 同治五年四月十九日

馬副將好學知書陳懇改用文職片

再臣營帶院勇花翎安徽補用副將馬復震由雲騎尉世職累著戰功經兩江督臣曾國藩保奏將入

初編卷三十一

六

營後保陞副將並換花翎該員家世以文學著稱為桐城望族其祖馬瑞辰中式嘉慶乙丑進士由翰林院改官工部員外郎咸豐三年桐城失守時同子馬星曙孫馬登瀛等男女大小十一名口同時被害其父優貢生保舉孝廉方正馬三俊夙以文章氣節自負激昂慷慨有烈士風方在楚豫之交招集義勇屢與賊戰為賊所憚嗣隨官軍赴舒城剿賊陣亡咸豐四年秋間經安徽前撫臣福濟專摺奏請一併從優議卹建立專祠欽奉諭旨允准該員馬復震膽識堅定血性過人其父亡時

年有十六立志復仇負其遺書出入鋒鏑之交幸未失

墜現年二十八歲隨臣征戰已歷三年近留置幕中

講習經史觀其志趣卓犖實堪造就該員係花翎副將

閩省肅清案內亦有微勞擬請改用文職而未敢擅擬

何項官階可否仰懇

天恩俯念忠義後裔好學知書堪以文員改用

特賞一官留閣補用並准留戴花翎仍襲雲騎尉世職

之處伏候

欽定謹附片具

初編卷三十一

七

奏伏乞

聖鑒施行謹

奏

軍機大臣奉

旨另有旨欽此

同治五年五月初八日內閣奉

上諭左宗棠奏安徽補用副將馬復震因祖父先後殉

難立志復仇隨同該督征戰多年好學知書志趣卓然

於閩省肅清案內著有微勞懇請改用文職等語向來

有無似此成案著該部查明具奏欽此

陳明續辦上下游各屬土匪情形摺

奏為續辦上下府各屬土匪情形恭摺具陳仰祈

聖鑒事竊閩省上下游土匪橫行自上年將延平漳州  
泉州永春各屬土匪先加懲創匪風稍戢嗣因 臣宗棠  
督師入粵將辦匪之桂營新右營併調出境瑄溪營次  
以漳屬岱山社土匪兇悖最著特抽撥親兵交署漳州  
鎮總兵羅大春帶往剿辦以儆其餘而各屬匪徒實未  
暇分軍兼辦所部楚軍僅留知府張樹炎一營紮延平  
一帶為上府游師署督標中軍副將楊在元三旗駐紮

初編卷三十一 八

初編卷三十一 九

省會兼顧興泉張樹炎分派各哨於延平所屬要隘及  
延建接壤之黃村太坪等處節節移營勘辦延平北路  
安豐橋果子坑匪眾上年八月經張樹炎帶隊剿捕鎗  
斃數人餘皆竄逸旋復四出搶擄築卡負隅官軍擊之  
斃匪十餘名旋又逃散張樹炎派隊裹糧追截於南平  
沙縣交界之沙溪口青洲一帶捕獲要匪葉裁林挑林  
棍等三犯續獲匪首康流一犯訊明正法又永安縣屬  
大嵐美羅山有廣東嘉應邪教匪首王德海包廠傳教  
甫將蠢動經張樹炎派千總李邦翰密探匪蹤會圍淹

獲並起出妖書妖圖旗幟多件訊據供認造作妖書妖圖傳教煽眾迭次拒敵官兵聯甲等情不諱其旗幟有太平天國大元帥王字樣妖書語尤狂悖其爲通逆巨匪無疑當飭斬梟示以昭炯戒匪黨王亮嵩飭交永安縣訊辦各股匪向有搶劫過年之事上年冬季張樹葵領知汀州德化等處匪首陳撥在建陽建安界內糾搶當即派勇往捕該匪竄逸南平東路張樹葵親往督捕並會同署延平府知府趙均督團克截陳撥被水師轟斃餘匪麇聚大窟張樹葵乘夜掩至格殺五人搜獲

初編卷三十一

十

小鎗刀矛多件帶同聯甲分搜捕獲李涓林長卽林夏郭岳曾巧卽曾蓋賴事林坪周和周漢毛等八犯暨所部遊擊賀定貴捕獲滌頭洋放鎗拒捕著匪屠健葉義盧吉等三犯均訊明斬之並先後捕獲著名首要土匪徐班周留周批王榮二林團康裕蘇泊賀起蔡乃揚張老仔寇阿定寇阿水林虞林縮李稠李姜顏春添等十七犯訊明正法林阿基卽方阿基方阿布卽黃阿布二犯分別定擬辦理張樹葵復會同趙均派團董李鍾元等踞獲拜會收徒之著名汀幫匪首鍾義古卽羅鍾二

古訊供曾糾幫匪千餘約會大幫匪首自歸化縣屬之下洋至將樂縣屬之槽胡地方共擾害四十餘鄉殺死鄉民搶掠牲畜銀米不可勝數該匪漏網八年據供前情不諱當飭斬梟示眾順昌縣知縣陳星聚上年閏五月率勇督團勦辦吉舟山後十八窠土匪團董何欽夏手刃拒捕悍匪二名勇聯奪擊復斃匪數名墜崖死者七人獲鎗矛旗幟五十餘件焚其巢並陸續緝獲堅旗糾眾起班搶劫匪首鍾六滿著匪老盧黃阿六鍾言宗連金才沈爾長鄭派陳思約劉冬鄭慶李羊蘭陳琴等

初編卷三十一

十一

十二犯均訊明正法署南平縣知縣馬騰駿會同前代理知縣黃蘭緝獲迭劫盜匪林烏面卽林總林阿烈余潭林阿水留牛秀林勇陳壽升陳金長等八犯亦均訊辦延平一帶游匪飄警無蹤倏起倏伏非清查戶口窮搜山廠不能除內匪而杜窩藏比飭張樹葵會同地方官一面籌辦聯甲以絕匪迹並嚴拿花會寶廠以清匪藪經該營哨長於南雅口寶廠當場格殺拒捕匪犯蔡阿波等二名賭匪遂以斂戢張樹葵單騎赴建復與代理建甯府知府周星詒籌整鄉里聯甲實行保伍連坐

之法使土客各匪無所容身故此次齋匪猝起僅九龍山通誅匪首陳仕成謀與勾應為署洋口通判楊鼎勳所斬此外別無揭竿附逆之徒除搜緝崇安餘匪情形應歸另案專報外此續辦上府各屬土匪之情形也其下府興化一帶土匪最多郡城地方曠闊居民良莠不齊各鄉匪徒與城中莠民黨堅交秘瀝師劫犯習為故常非有重兵不易勘辦前派楊在元前往鎮壓嗣宗棠由粵旋閩又留幫辦營務處花翎同知虞紹南帶親兵駐紮郡城會同楊在元暨地方文武以次訪拿乃莆

初編卷三十一

三

田縣屬柯朱鄉土匪猶敢白晝搶劫劫人私禁楊在元派隊查辦該逆復敢糾眾千餘拒傷勇丁比聞官軍將至驀山遠竄僅據家長細交柯竹柯家兩犯楊在元由黃石移駐笏石勒兵以待現將著匪指名責交總總兵簡桂林一軍參將彭惟貴一營自漳來省比即檄留興化會辦據署興化府知府章倬標署莆田縣知縣黃道傳將訪實各鄉首要匪犯開單請辦並稱郡西莒溪地方四面山谷幽深匪寨羅列該匪結寨互鬪焚搶擄殺習以為常現復糾集匪類圍抗官軍當飭虞紹南簡桂

林分道兜擒彭惟貴留城鎮壓三月廿二日虞紹南簡桂林潛襲莒溪匪皆竄匿山谷黃道傳率壯勇八十人繼至附近伏匪猶敢從後抄襲比見虞紹南派隊採迎始從山嶺猴騰而去簡桂林由溪南直至下吳見匪眾持械悍拒始行進擊斃匪十餘名餘即潰退伏兵會合兜擊復斬悍匪十餘名餘匪越嶺紛竄毀其山寨各營兜捕八十餘人黃道傳鞠得真匪七名皆供認放鎗拒敵不諱即行處決其餘訊無抗拒情事槩予釋回安業虞紹南及參將王有慶從溪北直抵東捕擒斬抗關匪

初編卷三十一

三

犯五名奪獲鎗矛甚多偵知該匪踞未洋村二十四日會同簡桂林乘夜圍捕諭令家長縛獻首匪即免剿辦該匪放鎗劫石成傷勇丁數名各營始逼近攻擊當將山寨攻破斃匪數十名獲九節礮二尊小鎗七十餘桿刀矛二百餘件附近坑尾土匪復敢糾合利溫匪黨謀撲營壘簡桂林近剿坑尾匪皆上山乃佯為收隊設伏以待匪果出巢猛撲鎗礮連環伏兵突起擒斬五名匪即飛奔山巒官軍二次擊匪陣亡勇丁八名受傷四十九名現飭駐紮莒溪分別剿辦一面購拿首匪務淨根

株其平日良懦被匪凌虐者設法招集發米撫卹俾名  
安業以赴農功並經虞紹南楊在元會商章倬標暨委  
署興化協副將彭榮華設法購獲九里洋匪首李松三  
一犯訊供年七十二歲莆田縣人曾充鄉勇並據供認  
抗糧唆訟主使械鬪結匪分莊并奉提解省候黨搶脫  
拒傷兵勇各重情不諱李松三係前此

奏明嚴拿之犯既經獲訊猶恃徒黨眾多毫無畏懼至  
此始獲伏法所有陸續捕獲首要著匪陳烏杰方拐脚  
即方美宋粗注陳雞谷陳天富林輝林粗海陳重三李

初編卷三十一

法

發許豬曾老虎即曾命鄭周祥謝粗五許狗沈積母黃  
挺駱英高潤方管方物翁中林煥八李祥曹良吳伯連  
二十二楊興陳謨陳幅升林涼蔡桂王涂王五五道陳  
海王六一即王祿陳交陳蒼五林漲林盛生林注四林  
樹許燦劉潘鄭梓黃蘭羅坤翰作林鈕蔡集劉燕陳木  
黃烏賊精李銳翼一等五十四犯已節分別臬示餘續  
獲未結及家長緝送并悔罪投案者六十餘名由章倬  
標等訊明詳辦署興泉永道曾憲德督飭購獲匪首張  
卓一犯署同安縣知縣白冠玉續獲蘇懦一犯認據張

卓供認前次通賊謀叛撲犯同安縣城蘇懦供認通逆  
謀叛各重情不諱先後飭令就地正法臬示其代理泉  
州府知府沈應泰會營捕獲晉江縣屬沙岡土匪施世  
施省施泰施德施插等五犯仙遊縣知縣余懋勳密飭  
巡檢會汛緝獲冬一犯均訊明詳治詔安縣屬厚廣  
東沈雨村前次引進陷城之匪自上年八月羅大春先  
將地險黨眾之景坑剿洗後厚廣村匪知官軍至猶節  
節拒敵當經擊斃五十餘名奪獲洋鎗十九桿偽元帥  
府李令字旗五十三桿追至馬厝城經紳耆聲稱厚廣

初編卷三十一

法

著匪數十人均已被殺逆首李大海已隨髮逆同去願  
具切結互保有犯甘坐羅大春許之即搜捕東沈匪犯  
旋據景坑東沈梅洲厝廈等三十餘村家長各具切結  
羅大春收隊回漳該縣所屬帖服無敢再犯其李大海  
一犯旋經署詔安縣知縣蔣洪潤購線在南澳地方緝  
獲就近飭廳訊認通逆陷城受封偽職重情不諱即飭  
磔誅傳首詔安示眾福建布政使王德榜一軍前經飭  
辦興泉永土匪嗣因齋匪旋起旋滅該藩司折趨延平  
途次龍巖接仍回興泉辦匪之檄就近督辦大池小池



一帶土匪獲陳際清陳瓊林陳獻彩呂惠安吳育春等  
五犯訊明正法龍巖所屬已漸收平現今馳赴泉州一  
帶會同委署福建陸路提督羅大春勘辦泉屬匪徒其  
永定縣小蘆溪地方界連平和南靖巖穴阻深土匪恃  
險抗糧為二百年來連逃之藪屢次拒敵官軍從未收  
創二品頂戴福建補用道朱明亮督同補用副將翁龍  
巖營遊擊長代理永定縣知縣周德至馳往剿辦該  
匪踞堡放鎗抵死抗拒朱明亮所部後旗閩浙補用總  
兵何德明哨長袁先福均被鎗子傷顯弁勇受傷者二

初編卷三十一

去

十一名朱明亮見勢不可已揮眾猛攻連破五堡斃匪  
百餘名獲其鎗礮數百件旗幟百餘件生擒陳阿揚陳  
阿良陳三樂陳阿海陳孔昭陳學孔陳二嵩陳拔萃陳  
白毛陳阿遙陳阿鼓陳阿華陳阿田陳阿得陳阿建等  
十五犯均係持械抗鬪稔惡匪犯並捕獲河口漳汀司  
等處著匪陳有能曾阿理陳風陳丹清陳壻等五犯先  
後訊明正法匪首陳天庇之子陳連據匪供在土堡內  
被礮轟斃朱明亮督縣整辦鄉團實行保甲將附近大  
瀘溪下洋草鞋峽各村一律編查尋報捕獲匪首武舉

陳國寶飭卽由縣解交署汀漳龍道夏獻綸訊供詳辦  
而惡最尤著之陳天庇逃匿廣東大埔白猴山中亦為  
朱明亮購線捕獲到案俯首伏辜當飭將該匪首斬決  
梟示各鄉無不稱快朱明亮前在永春捕獲焚搶釐局  
之林力暨上場堡逆匪顏海顏德端等三犯亦經訊明  
誅治此續辦下府各屬土匪之情形也竊維閩省上游  
客匪出沒無常下府悍族強宗習為匪盜地方受病已  
久必應次第廓清庶良善相庇以安得免異患現如興  
泉等處正在次第按治漳州碇口海島方飭水陸會辦

初編卷三十一

去

汀州甯化縣屬泉上里之江湖會匪卽哥老會檄飭總  
兵張福齊回汀剿辦尚未得其稟報自非實行保甲以  
銷伏莽之戎脩明政教以杜煽誘之漸急練水陸額兵  
以承募勇之乏久任廉明守令以觀禮讓之興則目前  
雖帖耳畏服而攻心無術難必其日久能馴故乘此  
天威震疊之餘分軍而辦又申誠將領凡臨鄉辦匪不  
惟從前收受兵費之習不准效尤並加意約束兵丁秋  
毫無犯不惟不准妄戮一人並於平民之畏匿者或購  
為眼線或酌量賑撫以廣緝來冀得去殺勝殘同安善

治擬俟首惡陸續就擒後凡屬從犯並限准其投首量予減等科辦以勸自新不忍忿疾於頑亦不敢姑息貽患以期仰副我

皇上仁育義正之懷所有續辦閩省各屬土匪情形謹合詞恭摺具

奏伏乞

皇太后

皇上聖鑒訓示施行謹

奏 同治五年四月十九日

初編卷三十一

六

軍機大臣奉

旨覽奏均悉查拳土匪甚屬認真籌辦善後事宜亦極周妥即著督飭地方文武遵照辦理以清盜源而安良善欽此

克復紹興等城出力各員請照原請給獎摺

奏為克復紹興桐廬金華湯溪杭州餘杭各城在事出力各員籲懇

天恩仍照原請給獎以昭激勸恭摺奏祈

聖鑒事竊照克復紹興桐廬金華湯溪杭州餘杭各城在事出力各員當經 臣先後列單保獎均奉

諭旨允准嗣准部咨以所保各員格於定章分別指駁等因復經分別咨行遵照在案伏查部 臣議駁各員經 臣逐加細核內因勞績卓著自別省官階班次已改應

初編卷三十一

六

合掣簽不准改省留省或本係軍務省分人員在浙保奏應將獎敘撤銷在部 臣按照章程分別議駁原係綜核名實畫一辦理惟查原定章程指省人員在別省著有勞績官階班次已改應另掣簽不准改省留省及軍務省分人員在別省著有勞績奏保應將獎敘撤銷三層原杜各員趨易避難而言竊同治元二年間江浙郡縣多被賊陷東南遍地烽煙其時升在浙江藩司蔣益澧在粵奉

命統師援浙當粵西拔隊起程時營務一切在在需員

辦理數千里遠道長征軍士每視為畏途該司於隨營辦事得力及粵西文武中擇其人材可用者多方激勸始獲隨營來浙以供臂助各該員等踴躍從戎不避艱險犯衝鋒鏑著有微勞今若因格定章概予議駁空受數年艱苦似不足以昭激勸據升任浙藩司蔣益澧查明該司隨營議駁各員開摺具稟前來臣覆核無異合無籲懇

天恩俯准

勅部概照原請給獎註冊俾昭激勸以示公允出自

初編卷三十一

三

聖裁除將原保各員另繕清單恭呈

御覽並咨明部臣查照外臣謹恭摺陳

奏再補用總兵留浙卽補副將唐連勝前帶楚軍水師後營於克復武康德清石門孝豐安吉湖州各城及三次截剿竄賊甚為出力上年彙案請獎時僅據接帶該營之花翎恭將尤大縉酌保數員而唐連勝原保清單漏未核獎茲據唐連勝稟請補獎前來臣逐加覆核尚無冒濫謹一併繕具清單伏懇

天恩准予獎勵俾免向隅其記保以藍翎千總把總外

委撥補者仍援案咨部註冊合併陳明伏乞  
皇太后

皇上聖鑒訓示謹

奏 同治五年四月二十日

附陳張補用總兵更名福齋片

再定例武職官員有呈明更名者經該督撫查明並無奉

旨不准保升及曾經獲咎不准捐復並奉

特旨永不敘用者准其更改茲據閩浙補用總兵達桑

初編卷三十一

三

阿巴圖魯張福齋稟稱緣入營時本名福齋嗣因打仗立功營主稟報填賞功牌誤書福齋遂未及更正近因族人修譜寄知齋字與遠祖名同心殊不安擬更名福齋理合稟請

奏咨更正等情前來臣覆查該員呈請更名福齋並無

別故似可准其更正除咨部註冊外合無仰懇

天恩俯准勅部註冊謹附片陳明伏乞

聖鑒謹

奏 同治五年四月二十日

恪靖奏稿初編卷三十二目錄

擬購機器僱洋匠試造輪船先陳大槩摺

閩商應帶完課銀請歸票運收算摺

請將前保各員仍准開復原官片

閩餉支絀仍請接撥關稅銀兩接濟摺

初編卷三十二

擬購機器僱洋匠試造輪船先陳大槩摺

奏為謹擬購買機器募雇洋匠設局試造輪船先陳大

概情形仰祈

聖鑒事竊維東南大利在水而不在陸自廣東福建而

浙江江南山東直隸

盛京以迄東北大海環其三面江河以外萬水朝宗無

事之日以之籌轉漕則千里猶在戶庭以之籌懋遷則

百貨萃諸屬肆匪獨魚鹽蒲蛤足以業貧民舵舳水手

足以安游眾也有事之時以之籌調發則百粵之旅可

初編卷三十二

集三韓以之籌轉輸則七省之儲可通一水匪特巡洋  
緝盜有必設之防用兵出奇有必爭之道也况我

國家建都於燕津沽實為要鎮自海上用兵以來泰西

各國火輪兵船直達天津藩籬竟成虛設星馳馳舉無

足當之自洋船准載北貨行銷各口北地貨價騰貴江

浙大商以海船為業者往北置貨價本愈增比及回南

費重行遲不能減價以敵洋商日久銷耗愈甚不惟虧

折貨本寔至歇其舊業濱海之區四民中商居什之六

七坐此閩閩蕭條稅釐減色富商變為窶人游手驅為

人役並恐海船擱朽目前江浙海運卽有無船之慮而漕政益難措手是非設局急造輪船不爲功從前中外臣工屢議雇買代造而未敢輕議設局製造者一則船廠擇地之難也一則輪船機器購覓之難也一則外國師匠要約之難也一則籌集巨款之難也一則中國之人不習管駕船成仍須僱用洋人之難也一則輪船既成煤炭薪工需費不貲月需支給又時須修造之難也一則非常之舉謗議易興創議者一人任事者一人旁觀者一人事敗垂成公私均害之難也有此數難毋怪

初編卷三十二

二

執咎無人不取一紆籌策以徇公家之急臣愚以爲欲防海之害而收其利非整理水師不可欲整理水師非設局監造輪船不可泰西巧而中國不必安於拙也泰西有而中國不能傲以無也雖善作者不必其善成而善因者究易於善創如慮船廠擇地之難則福建海口羅星塔一帶開槽濬渠水清土實爲粵浙江蘇所無臣在浙時卽聞洋人之論如此昨回福州參以衆論亦復相同是船廠固有其地也如慮機器購覓之難則先購機器一具鉅細畢備僱西洋師匠與之俱來以機器

製造機器積微成鉅化一爲百機器既備成一船輪機卽成一船成一船卽練一船之兵比及五年成船稍多可以布置沿海各省邊衛津沽由此更添機器觸類旁通凡製造鎗炮炸彈鑄錢治水有適生民日用者均可次第爲之惟事屬創始中國無能赴各國購覓之人且機器良楨亦難驟辨仍須託洋人購覓寬給其值但求其良則亦非不可必得也如慮外國師匠要約之難則先立條約定其薪水到廠後由局挑選內地各項之少壯明白者隨同學習其性慧夙有巧思者無論官紳庶

初編卷三十三

三

士一體入局講習拙者惰者隨時更補西洋師匠盡心教藝者總辦洋員薪水全給如靳不傳授者罰扣薪水似亦易有把握如慮籌集巨款之難就開論海關結款既完則此款應可劃項支應不足則提取釐稅益之又臣曾函商浙江撫臣馬新貽新授廣東撫臣蔣益澧均以此爲必不容緩願湊集巨款以觀其成計造船廠購機器募師匠須費三十餘萬兩開工集料支給中外匠作薪水每月約需五六萬兩以一年計之需費六十餘萬兩創始兩年成船少而費極多迨三四年則工以

熟而速成船多而費亦漸減通計五年所費不過三百餘萬兩五年之中

國家捐此數百萬之入合雖見多分亦見少似尙未爲難也如慮船成以後中國無人堪作船主看盤管車諸事均須僱請洋人則定議之初卽先與訂明教習造船卽兼教習駕駛船成卽令隨同出洋周歷各海口無論兵弁各色人等有講習精通能爲船主者卽給予武職千把都守由虛銜補實職俾領水師則材技之士爭起赴之將來講習益精水師人材固不可勝用矣且臣

初編卷三十一

四

訪聞浙江甯波一帶現亦有粗知管駕輪船之人如選調人局船成卽令其管駕似得力更速也如慮煤炭薪工按月支給所費不貲及修造爲難之費則以新造輪船運漕而以雇沙船之價給之漕務畢則聽受商僱薄取其值以爲修造之費海疆有警專聽調遣隨賊所在絡繹奔赴分攻合剿刻期可至大凡水師宜常令住船操練俾其服習風濤長其精力深其閱歷然後可恃爲常勝之軍近觀海口各國所駐兵船每月操演數次儼臨大敵遇有盜艇卽踊躍搜擊以試其能所以防其惡

勞好逸者如此且船械機器廢擱不用則朽鈍堪虞時加淬厲則晶瑩益出故船成之後不妨裝載商貨藉以捕盜而護商兼可習勞而集費似歲修經費無俟別籌也至非常之舉謗議易興始則憂其無成繼則議其多費或更譏其失體皆意中必有之事然臣愚有竊說焉防海必用海船海船不敵輪船之靈捷西洋各國與俄羅斯味利堅數十年來講求輪船之制互相師法製作日精東洋日本始購輪船折視仿造未成近乃遣人赴英吉利學其文字究其象數爲仿製輪船張本不數年

初編卷三十一

五

後東洋輪船亦必有成獨中國因頻年軍務繁興未暇議及雖前此有代造之舉現復奉諭購置輪船然皆未爲了局彼此同以大海爲利彼有所挾我獨無之譬猶渡河人操舟而我結筏譬猶使馬人跨駿而我騎驢可平均是人也聰明睿知相近者性而所習不能無殊中國之睿知運於虛外國之聰明寄於實中國以義理爲本藝事爲末外國以藝事爲重義理爲輕彼此各是其是兩不相喻姑置弗論可耳謂執藝事者舍其精講義理者必遺其粗不可也謂我之長

不如外國藉外國導其先可也謂我之長不如外國讓外國擅其能不可也此事理之較著者也如擬創造輪船即預慮難成而自沮然則治河者慮合龍之無期即罷耨築治軍者慮威役之無日即罷徵調乎如慮糜費之多則自前道光十九年以來所糜之費已難數計昔因無輪船致所費不可得而節矣今仿輪船正所以預節異時之費而尚容斬乎天下事始有所損者終必有所益輪船成則漕政興軍政舉商民之困紓海關之稅班一時之費數世之利也縱令所制不及各國之工究

初編卷三十三

六

之慰情勝無倉卒較育所恃且由鈍而巧由粗而精尚可期諸異日孰如羨魚而無網也計閩浙粵東三省通力合作五年之久費數百萬尚非力所難能疆臣謹在體

國奉公何敢惜小費而忘至計至以中國仿製輪船或疑失體則尤不然無論禮失而求諸野自古已然即以鎗炮言之中國古無範金為砲施放藥彈之製所謂砲者以車發石而已至明中葉始有佛郎機之名

國初始有紅衣大將軍之名當時得其國之器即被以

其國之名謂佛郎機者即法蘭西音之轉謂紅衣者即紅夷音之轉蓋指紅毛也近時洋鎗開花砲等器之製中國仿洋式製造亦皆能之砲可仿製船獨不可仿製乎安在其為失體也臣自道光十九年海上事起凡唐宋以來史傳別錄說部及

初編卷三十三

七

據云大致不差惟輪機須從西洋購覓乃臻捷便因出法國製船圖冊相示並請代為監造以西法傳之中土適髮逆陷漳州臣入閩督勦未暇及也嗣德克碑歸國繪具圖式船廠圖冊並將購覓輪機招延洋匠各事宜逐款開載寄由日意格轉送漳州行營德克碑旋來漳州接見臣時方赴粵東督勦未暇定議德克碑辭赴暹羅屬日意格候信彼此往返講論漸得要領日意格聞臣由粵凱旋擬來閩面訂一切臣原擬俟其來閩商妥後再具摺詳陳請

首因日意格尙未前來適奉購履輪船

寄諭應先將擬造輪船緣由據實馳陳伏乞

皇太后

皇上聖鑒訓示至設局開廠購料興工一切事宜極為

繁重俟奉到

諭旨先行後再當條舉件繫恭呈

御覽合併聲明謹

奏同治五年五月十三日

初編卷三十二

八

閩商應帶完課銀請歸票運收算摺

奏為閩商改行票運日有起色各商應帶完正溢課銀

請准歸票運案內統收統算分別劃完免計分數奏祈

聖鑒事竊照閩省鹽商應完同治三年正課二年溢課

共銀二十萬六千一百餘兩先因體察商情情形凋敝

未能依限清完當經臣等奏蒙

聖恩准將此兩年正溢奏銷停辦一年自同治四年十

一月造報元年溢課起分作四年按年起限核數帶完

分清欸目附案奏銷維時尙未議請改行票運保就從

初編卷三十二

九

前情形核辦嗣通籌全局非留商改票不能重整離綱

迨改票後幸各商盡力辦運課釐並抽整頓日有起色

惟商幫向係先完課銀後發引照所有三年正課二年

溢課查該前道潘駿章任內未據各商完繳課銀亦未

由道核給引照是該商等並未運鹽銷餉乃屬各商應

先籌墊繳完之欸查該商未完二年正課元年溢課以

及帶輸帑息等欸頻年積欠尙未能依限清完惟現時

行票之取即多屬從前欠課之商茲當力行票運之際

既責令照章買票課釐並完復催令帶完舊銀以清積



欠商力已屬竭蹶萬分今若再欲責以按限帶完應墊  
二三等年正溢賠課實屬力有不能今計自去年五月  
改票起新舊課率算已徵銀四十餘萬兩較諸從前幾  
加兩倍此皆各商販勉力營銷儘銷儘解明證所有三  
年正課二年溢課應徵帶完銀兩惟有查照票運章程  
歸於票課案內統收統算方足以卹商艱而資周轉茲  
自上年五月二十二日改辦票運起截至現在將屆試  
辦一年期滿除飭道另行截數造冊

奏銷外其內有帶完各年正溢課及官商舊欠課銀均

初編卷三十一

十一

請於截數時分別造報其二三年商幫正溢額課原請  
分年起限帶完茲亦請免其按照原限年分銀數扣計  
所有帶完之銀應如何按年分別劃收咨俟奏銷造報  
逐款聲明聽候部核示辦理惟銀已統收統算即從  
前經督徵及接辦分數亦均無從核計應請免予查奏  
似此量予變通俾得盡心籌畫儘力徵完總期有裨  
國課有便商民力除從前積弊庶於新章舊欠均有起  
色據福建鹽法道吳大廷會同署福建布政司周開錫  
核議具詳前來臣等查該司道等所議係為顧全商課

新舊統籌起見尙屬實在情形除咨戶部外理合據實  
奏懇

聖恩俯賜勅部照議核覆施行再前奏請將四十限帶  
輸一欸除應完歸補司道庫墊銀欸二十六萬二千餘  
兩外其餘銀八十七萬一千餘兩請援案減免一摺亦  
經部臣議令釐查實在倒革無着若干或現商應完若  
干飭即查造清冊分別應免應追核實辦理業已飭令  
鹽法道核實釐查咨俟查明另案具奏合併陳明臣等  
謹合詞恭摺具

初編卷三十一

十二

奏伏乞

皇太后

皇上聖鑒訓示謹

奏 同治五年五月十八日

請將前保各員仍准開復原官片

再臣前於保獎克復杭州餘杭各城出力案內將已革  
前代理海甯州事海甯州判宋昭綸代理平湖縣事  
候補同知汪元祥升用同知餘姚縣知縣陶雲升署餘  
杭縣事候補知縣蔣鳳祥署鄞縣事壽昌縣知縣咸均

續修四庫全書 史部 詔令奏議類

之署會稽縣事宣平縣知縣邊厚慶署嘉興縣事候補同知彭祖壽署慈谿縣事補用同知松陽縣知縣牟温典代理山陰縣事雲和縣莊鳳威等疊摺

奏保請將該員等開復原官仍留浙江補用欽奉

諭旨允准在案旋准部咨以該員等均係失守城池之員查係尋常勞績核與章程均不相符所請開復原官仍留浙江補用均請

旨撤銷未昭綸得有何項勞績令查明再行核辦當經轉行遵照亦在案臣伏查杭城自咸豐十一年十一月

初編卷三十一

三

間再陷浙江全省傾覆州縣存者皆獲咎之員臣時以孤軍入浙無員差遣訪悉汪元祥陶雲升臧均之邊厚慶彭祖壽牟温典莊鳳威蔣鳳祥實屬兼能出眾官聲素好故留其隨營差遣或委採購軍糧或派籌捐濟餉或隨同堵剿俱勉相從勤劬備至其時兵單餉竭局勢甚危不獨來營投効者絕少其人即選補實缺人員亦皆延不赴浙獨該員等於艱難之際盡瘁馳驅俾微臣得稍收指臂之助勞績似非尋常可比即以見在浙省官評言之此數員者亦不居第一流也至前代理海

甯州事海甯州判宋昭綸一員於省城陷後八日猶力

守孤城天死弗去迨十二月初五城陷該員左肩及腰

肋均被鎗矛重傷比即暈絕賊以為已死昇置城外民

懷其恩輿歸將養始獲更生臣撫其創痕猶為流涕但

惜其已老耳若以勞積而論固不能與汪元祥等比然

臣當此時未忍以尋常失守之員目之邦臣謂與保獎

新章不符臣何敢更持異議惟該員等或勞績實異尋

常或失守情節有異而皆為難得之好官若予以開復

原官留浙補用必能有裨地方合無仰懇

初編卷三十一

三

天恩俯念人才難得准仍照原請

勅部毋庸查照尋常勞績核減之處出自

皇上逾格鴻慈臣謹附片陳

奏伏乞

聖鑒訓示再尙有奉部指駁之原保暫革湖南補用道

王加敏已革知縣高樸材咨俟查明另行分別覆

奏合併陳明謹

奏同治五年五月十八日

閩餉支絀仍請接撥關稅銀兩接濟捐

奏為粵東軍務雖竣閩省餉需甚絀仍請接撥關稅銀兩以資接濟恭摺會

奏仰祈

聖鑒事竊查同治三年九月粵逆竄入閩疆籌辦防剿

當經

奏請將閩海關稅月協浙餉銀五萬兩改留閩省應用

旨欽遵辦理嗣請於協餉每月五萬兩外將閩海關稅

初編卷三十一

古

福厦二口截至同治四年十一月結期止除原撥京餉暨酌留京餉並應還扣款及撥補正額等項支銷外其餘銀兩儘數撥充閩餉以利征剿戶部雖議覆咨行然以酌留京餉仍儘提關稅之銀此外別無贏餘足資接濟故月協五萬兩之外雖曾仰邀

恩旨准再儘支而部臣綜覆無遺儘提京餉之外實則無可動撥此因軍餉缺乏不得已而借貸洋商暫供支發現值東南巨逆盪平正擬酌遣各軍以求節省惟閩省各屬土匪充斥仍須分軍次第勦辦並邊要奉

寄諭將本擬續撤數營暫行緩撤支應仍慮不敷兼之撤勇必清所欠月餉積微成鉅一時籌措亦屬維艱是撤勇既須籌撤勇之費而留軍尤應籌留軍之餉况制兵缺餉已久欲圖從新整頓以收養兵之效必須漸復額餉以練兵之資計每月非的餉十餘萬兩不敷支放加以前借洋商銀應還本息三十餘萬兩必應分別清釐閩省庫存久虛近日藩鹽兩庫雖得人而理較有起色而出項過多一時實難周轉所指望者征收稅釐稍供挹注乃上游稅釐較旺之區適值崇安齋匪滋事商

初編卷三十一

古

賈不通釐局幾同虛設查崇安為茶商總匯茶市為釐務大宗頭春尤茶務要候閩省釐源此項實居一半將來能否照常徵納未可預知而前此奏准浙江協閩之餉每月十四萬兩一欵浙江解至上年十月實已力盡筋疲臣等感其力顧鄰疆未敢再為竭蹶盡忠之舉已咨請自上年十月底截止俾解並附

奏聲明此外別無可籌諒邀

洞鑒臣等公同商酌惟有仰懇

聖慈准將前項關稅改撥閩餉五萬自本年三月以後

仍按月照數接濟以資支發出自

天恩備事順利閩餉畧堪敷衍自當隨時據實陳明聽候部臣提撥所有閩餉支絀仍請接撥關稅銀兩緣由謹合詞恭摺具陳伏乞

皇太后

皇上聖鑒訓示施行謹

奏 同治五年三月初十日

軍機大臣奉

旨戶部速議具奏欽此

初編卷三十三

六

恪靖奏稿初編卷三十三目錄

錫爵恪靖伯謝 恩摺

浙省建祠合祀陣亡將士請入祀典致祭摺

閩鹽票運成效截數迭報擬請著為定章摺

閩省無出師馬匹請免造扣乾銀摺

請給出力洋將功牌翎頂金牌片

陳明捕治興泉汀漳各處土匪情形摺

按治土匪出力人員陳請可否保獎片

懇免現商帶輪俾顧課釐摺

初編卷三十三目錄

閩商力顧票運課釐懇免兼徵帑息摺

錫爵恪靖伯謝 恩摺

奏為恭謝

天恩仰祈

聖鑒事竊臣准吏部咨開內閣抄出同治四年四月十

四日具奏

賞曾國洪等五員侯伯美名奉

御印印出左宗棠恪靖欽此補行知照前來跪聆之下

感悚莫名伏念臣滯荷

殊恩榮膺

初編卷三十三

錫爵憶重承平

異命夫容拙殿之辭封愧總制平師干即指延津而淬

劍仗

皇威之遠播訖粵嶠而班師方欣唱凱於梅州珠江注

甲乃奉傳宣於

芝陸

寶璽鈐珠稽班列而序次五侯沐

恩褒而榮踰一字恪之義同乎懋敢忘懸旆於重表請

之訓主乎謀願竭謀猷於

辰告臣惟有慎勤益矢龍利不居以期仰答

高厚鴻慈於萬一所有微臣感悚下忱理合繕摺恭謝

天恩伏乞

皇太后

皇上聖鑒

奏

初編卷三十三

浙省建祠合祀陣亡將士請入祀典致祭摺

奏為浙江省城建立楚湘忠義祠合祀陣亡員弁士卒

請

旨列入浙江祀典春秋致祭以妥忠魂恭摺奏祈

聖鑒事竊浙省兩遭髮逆竄擾列郡淪胥臣時奉

命督辦軍務率所部楚軍入浙並奏調陞任廣東巡撫

臣前浙江布政使蔣益澧統所部湘軍入浙分道攻剿

先後克復兩浙府縣城池並遣分軍援皖南江西截剿

各大股逆賊仰仗

初編卷三十三

三

天威以次就緒數載之間大小百戰員弁士卒臨陣捐

軀及積勞殞命者前後二千五百二十餘名茲據浙江

善後局司道詳稱各屬殉難士民業經設局採訪各就

郡邑建祠致祭其各戰陣亡將士為

國捐軀豈可轉關祀典因議於杭城三元坊地方價買

民房改建楚湘忠義祠詳具銜姓名氏或各設一主或

彙列一主員弁以品秩高卑為位次士卒以死事月日

為位次列於浙江祀典春秋遣官致祭請

奏明立案俾垂久遠臣謹按秉彝之性人所同也忠義

本於有生而俱來然非

祖宗德澤涵濡之久

朝廷褒揚矜恤感人之深則當事艱時艱投之於生死

呼吸之地鮮有不渝其素者此非徒恃節制精渣之可

取必於一時也詳察死事諸人時日戰地其為微臣親

歷之處所有搏鬪之苦創痍之狀呻吟之聲固猶歷歷

如在目前其為蔣益澧劉典楊昌濬等分兵轉戰之處

則於函牘中得知其大概雖已亡各員弁士卒同一死

綬無所軒輊而其間忠義勃發本血性而為至勇如古

初編卷三十三

四

所稱豪傑之士者實頗不乏其人平時或樸鈍如村農

或目不識書史或在弱如常人至其慷慨赴戰矢死靡

他浩氣英風蓋非尋常意度所能及以此益見人性之

無不善而

聖澤之不能忘也臣每惜當時奏牘不能遍詳至今猶

懷耿耿禮曰有功利於民則祀之以死勤事則祀之準

斯二義則陣亡員弁士卒合祀於浙於禮為宜除將活

冊咨部外相應請

旨飭部將楚湘忠義祠列入祀典春秋由浙省遣官致

祭垂為令典以妥心魂謹會同浙江撫臣馬新貽恭摺具

奏伏乞

皇太后

皇上聖鑒訓示施行謹

奏 同治五年七月二十日

初編卷三十三

五

閩鹽票運成效截數造報擬請著為定章摺

奏為閩鹽試行票運著有成效謹將一年期內收支各款截數造報擬請著為定章恭摺奏祈

聖鑒事竊臣等於同治四年六月十五日會

奏閩省鹽務全綱倒壞殆盡亟宜設法變通改行票運課釐並抽請先試辦一年限內儘徵儘解免計分數考成一摺奉

旨戶部議奏欽此是年十月十三日准到部咨議以閩鹽改行票運全議更張恐虧課病民應再妥籌期於毫無窒礙等因覆奏奉

初編卷三十三

六

旨依議欽此嗣臣左宗棠於十一月十六日恭摺覆奏憑陳閩鹽試行票運獲有成效情形請再

敕部議覆欽奉

上諭前因左宗棠奏閩省鹽綱疲壞請試行票運一年當交戶部議奏嗣經該部以閩鹽改行票運全議更張恐虧課病民咨令該督妥籌期於毫無窒礙茲據奏稱自本年閏五月起試行票運甫及半年所收實解之款已抵前此一年及一年半之數向之疲滯口岸自試行

新章以來漸有商販認辦各衙門一切陋規所裁不下七八萬有奇羣情翕然且釐隨課出皆取之買票商販並未沿海散抽數月以來亦無私梟拒捕之案從前縣粵官幫坐收課費以充私橐今則挈向時官吏私攫之款涓滴歸公至開鹽積欠數百萬現雖專顧課釐而舊欠仍未嘗不按期催繳請仍飭部將試行票運行止速行議覆等語覽其所奏於開省鹽綱之積弊及現辦票運之可行實為洞悉原委總之鹽務為國課大宗亦為奸胥利藪惟在得人而理斯能力挽頽綱票運之行雖

初編卷三十三 七

不能保其必無流弊倘承辦之員均能潔已奉公不為私計自足以除從前積重難返之弊而與為更始該督既稱商情既便市價無增無加額之名而有裕課之實即著照所請先行試辦一年俟有成效即行奏明著為定章以肅鹽政而裕課餉該部知道欽此欽遵在案本年五月十八日復經<sub>臣</sub>等會奏備陳同治三年正課二年溢課原請分作四年按限帶完抵因商幫向係先完課銀後發引照前項帶徵正溢各款前經道藩駁章案內並未開徵亦未給引察看

商情又難先行墊完請將三年正課二年溢課免其分年帶徵集同各年舊欠課款歸於票運案內統收統算應行如何按年分別劃收俟奏銷造報時聽候部<sub>臣</sub>核示辦理其票運案內徵收銀兩業已統收統算即從前經督徵及接徵分數亦無從核計並請准予查參各在案<sub>臣</sub>等伏查開省鹽課自國初定制歲僅徵銀八萬五千餘兩雍正元年各場委官監管地方督隨處設卡委員收稅先完課而後給單聽其配運售賣至乾隆七年

初編卷三十三 八

奏定盈餘銀一十四萬一千餘兩較前幾增兩倍然視兩淮課額不及數十分之一即較之浙江粵東各省亦遠不如推原其故蓋有數端閩省除汀州府屬向食粵鹽外臺灣一府遠隔重洋無從兼顧西路各幫則嶺嶠紆回溪河險阻轉運極艱其限於地利者一也地處海濱僻而瘠富商大賈不屑措意業鮮者祇僅本地商人資本既微營運又細其限於人力者一也迨其後會商定地以當年稅銀作為引照此法變通商之淨費遂增鹽之行銷亦溢積漸因循至同治元年報收銀廿一萬



兩有奇實抵支解京餉及撥解司庫共銀八萬兩有奇  
二年報收銀一十六萬兩有奇實抵支解京餉及撥解  
司庫共銀六萬兩有奇至於三年正課二年溢課迭請  
展緩蓋已岌岌乎有全綱倒歇之勢矣 臣等推求弊源  
力圖挽救於該鹽道吳大廷到任後即飭痛裁陋規截  
清陳引舉百數十年之宿垢概予掃除自同治四年五  
月二十二日留商改票設局試行是時下游官幫各廳  
縣軍務未靖先從西路南路各幫辦起官軍商販幸均  
遵照新章力求整頓課釐並完行之數月漸有起色道

初編卷三十三 九

全開肅清七八月之間先後選派委員馳赴石碼泉州  
一帶招徠販戶改行票運除莆田一縣尚無販戶認辦  
仍歸該縣官辦臺灣一府酌量抽釐東路一帶仍復按  
担抽課永德田南幫係屬官代商運仍飭道遴委委員  
開幫舉辦外其福興泉漳各官幫均已設法招販試行  
票運所有未經招販以前仍分別正溢課什等款另行  
附冊咨部以示區別而昭核實以上各官幫或招販之  
遲速不同故造報之日期不一現已試辦期滿自應截  
清一律統作本年五月二十一日為止以歸畫一庶下

屆期滿造報各冊易於稽核茲查自上年五月二十六  
日改行票運起至本年五月二十一日止試辦一年期  
滿共收新鹽課耗釐銀四十萬五千三百七十一兩五  
錢四分九釐一毫四絲舊釐金銀三萬八千三百七十  
二兩五錢六分九釐勸捐牙帖子店缸捐共銀三萬七  
千六百二十七兩二分八釐帶徵未改票以前正課溢  
課什裕息帶輸運本等項共銀一十二萬二千六十七  
兩九錢六分三釐一毫九絲統計共徵銀六十萬三千  
四百九十三兩一錢九分三毫三絲除開支解本省同

初編卷三十三 十

治乙丑等年兵餉武職養廉解送內閣庶吉士四年分  
費用銀兩支給俸廉役食祭祀等項支銷製造臺械工  
料價銀並牙帖子店缸捐鹽釐運本等項撥充軍餉撥  
解軍標馬價盤費營奉造金山州戰船孤貧口糧鄉閭  
貢院閱侯兩縣醫貧出旗貧民口糧掩埋棺槨義倉經  
費丁憂場員盤費等款同撥還各款原墊銀兩統共除  
銀四十四萬一千四百四十三兩三錢二分四釐一毫  
實在應存課耗釐並正溢課坵折等銀一十六萬一千  
九百九十五兩七錢七分五釐二毫三絲據福建鹽法

道吳大廷分別造冊詳請

奏咨前來除將各冊咨送部科查核外臣等謹合詞恭摺具

奏伏乞

皇太后

皇上聖鑒訓示並將支收各款數目開到清單恭呈

御覽仍請

勅部核覆施行以便著為定章俾垂永久再查各官幫

所繳課款雖未能按額全完然較前此僅完二三分者

初編卷三十三

五

已覺過之且招販認辦均在四年八月以後加以地濱

場壤私梟充斥舉辦伊始銷數遽難暢旺自此認真緝

私當能逐漸起色至於西路商販及其餘各幫一年期

內盡心籌辦取從前銷冊兩相比較贏絀迥殊如果著

為定章得人而理庶幾弊盡利生民商均便有裨

國計良非淺鮮設非遇陰雨過多場壤缺產地方有事

銷埠滯銷課額當不至過於減少也嗣後西路及官運

商幫本代額票買足之外如有額外加買運幫行銷者

固聽其便或銷數短絀事出有因以致本代票額不能

買定者亦似應准予儘微儘解不限以額俾紓商力而

保利源至實存課釐銀除應例支銷外應如何分年劃

撥之處仍候部臣核示辦理至遞年鹽課奏銷原應造

冊

題報茲因試辦票運初屆造報是以先行具

奏俟離章定後仍按年循例具

題旨並陳明謹

奏 同治五年八月初七日

謹將試行票運一年期內徵收課耗釐金並帶徵積欠

初編卷三十三

五

課款及勸捐牙帖子店釘指各銀兩分別徵收支解目

數備開四柱清單恭呈

御覽

計開

舊管

無項

新收

一收票運課銀二十四萬七千八百五十四兩五錢五

分八釐

一收耗銀二萬四千七百八十五兩四錢六分二釐  
一收釐銀一十二萬三千九百二十七兩二錢八分四釐

一收商幫舊鹽釐銀三萬八千三百七十二兩五錢六分九釐

一收汀州府鹽釐銀四千七百六十二兩五錢七分九釐一毫四絲

一收臺灣府鹽釐銀四千四十一兩六錢六分六釐  
一收勸捐鹽官行牙帖銀二萬二千二百兩

初編卷三十三

三

一收各鹽舖戶捐請子店執照銀一萬八百五十兩

一收省城舊園捐繳缸捐銀四千五百七十七兩二分八釐

一收官商兩幫完繳帶徵未改票以前各年分正溢課等銀九萬六千六十一兩八錢二分三釐三毫七絲

一收官幫完繳各年分坵捐錢九千九百七十一兩九錢五釐八毫二絲

一收官商兩幫完繳未改票以前價水引費等款銀八百二兩七錢七分五釐

一收商幫完繳未改票以前報部帑息共銀二千九百四兩六錢四分一釐

一收商幫完繳五限帶輸銀五千四百一十三兩一錢六分九釐

一收各屬繳還運木銀四千九百兩七錢一分

一收商幫完繳未改票以前不報部帑息銀二千一十二兩九錢三分九釐

以上統共收銀六十萬三千四百三十九兩一錢九釐三毫三絲

初編卷三十三

四

開除

一解藩司庫乙丑年本省兵餉銀一十五萬兩

一解藩司庫同治四年武職養廉銀一萬五千一百七十九兩二錢九分

一給委員海防同知俞林解送內閣衙門同治四年分費銀二百兩

一給委員海防同知俞林解送戶部同治四年分庶吉士銀八十兩

一支給同治四年秋季起至五年夏季止俸廉役食銀

祀等項支銷銀三萬五千二百七十二兩八分四釐三毫

一解藩庫同治四年分本省兵餉銀三萬兩

一解軍需局鹽釐充餉銀九萬一千六百四十二兩九錢七分二釐

一鹽釐項下動支軍標馬價盤費搭峯併辦造金州三號戰船及孤貧口糧等項共銀一萬五千三百五十八錢八釐

一耗銀項下動支鄉閩貢院理事額外孤貧口糧閩侯

初編卷三十三

五

兩縣督貧口糧出旗貧民冬月口糧收掩棺罐經費丁

憂場員資助盤費義倉經費等項共銀三千四百七兩七錢一釐一毫

一解軍需局牙帖充餉銀二萬二千二百兩

一解軍需局子店執照充餉銀一萬八千五百兩

一解軍需局醬園缸捐充餉銀四千五百七十七兩二分八釐

一解藩司衙門咸豐七年分武職養廉動支各年分盈餘銀三千二十七兩一錢一分二釐七毫

一解藩司衙門同治元年分佐什養廉銀三千五百六十兩

一撥充道庫價水不敷支銷動支同治元年分盈餘引課銀二萬兩

一撥福州八旗營請製逾限損壞子炮估需工料動支盈餘銀四百二十二兩一錢四釐

一解軍需局運本撥充軍餉銀四千九百兩七錢一分

一撥還價水引費等款原墊銀八百二兩七錢七分五釐

釐

初編卷三十三

六

一撥還欽工軍標馬價盤費搭峯普育等款原墊銀二千九百四兩六錢四分一釐

一五限帶輪撥還道庫墊銀五千四百一十三兩一錢六分九釐

一撥還貢院閱兵旂民掩埋閩督侯督鳳池鄉閩資助等款原墊銀二千一百二十九錢三分九釐

以上統共除銀四十四萬一千四百四十三兩二錢三分四釐一毫

實在

實

實

一存票課銀一萬七千一百二十三兩一錢八分三釐  
七毫內截存應解同治四年分河工銀三千兩應行截  
存月行委員解送外

實存銀一萬四千一百二十三兩一錢八分三釐七毫

一存耗銀二萬一千七百三十七兩七錢六分九毫

一存鹽釐銀六萬四千一百二十一兩三錢一分八釐

一毫四絲

一存各年分正溢課等銀四萬九千五十二兩六錢六

釐七絲

初編卷三十三

七

一存各年分坵折銀九千九百七十一兩九錢五釐八

毫二絲

以上共存銀一十六萬一千九百九十五兩七錢七分

五釐三毫三絲內截存應解同治四年分河工銀三千

兩外尚存銀一十五萬八千九百九十五兩七錢七分

五釐三毫三絲

謹將各商閩省應完帑息額欸目銀數開具清單恭呈

御覽

謹開

一軍標年額息銀二千三百一十六兩六錢六分

閏月加息銀一百九十二兩五分五釐

截至同治四年五月底止官商各幫共欠息銀一萬七

千一百一十五兩五錢九分六釐六毫

一馬價年額息銀二千四百兩

閏月加息銀二百兩

截至同治四年五月底止官商各幫共欠息銀一萬八

千三十九兩一錢一分三釐

一盤費年額息銀一千二百兩

初編卷三十三

六

閏月加息銀二百兩

截至同治四年五月底止官商各幫共欠息銀八千八

百二十三兩三分六釐四毫

一欵工年額息銀五千四十兩

閏月加息銀四百二十兩

截至同治四年五月底止官商各幫共欠息銀六萬二

百一兩三錢七分二釐

一普育年額息銀一千八百七十三兩一錢五分二釐

閏月加息銀一百五十六兩九分六釐

截至同治四年五月底止官商各幫共欠息銀一萬五

千五百八十五兩七分六釐

一釐年額息銀一千二百六十兩

閏月加息銀一百五兩

截至同治四年五月底止官商各幫共欠息銀八千五

百二十五兩一錢二分五釐

前六件歷年各商完納不前帶欠頗多均係道庫月挪

別款墊解墊給改票以後各商專顧課釐更無餘力顧

及裕息擬請概予停止理合登明

初編卷三十三

九

一養龍年額息銀一萬三千二百兩

閏月加息銀一千一百兩

一風災年額息銀一萬二千兩

閏月加息銀一千兩

前二件咸豐九年十二月間因商力敝竭

奏請停息五年之後完息作本計至同治三年即應起

徵至今兩年有餘屢加嚴催並無完繳擬請展限五年

之後再行完息作本以蘇商困理合登明

閩省無出師馬匹請免造扣乾銀摺

奏為閩省綠營出師官兵並無隨帶馬匹本營原估馬

乾銀兩應請免予扣缺造報恭摺

奏仰祈

聖鑒事竊案查前准戶部咨查出征官兵本營原估馬

乾銀兩例應扣缺造報奏明咨令各省應將道光三十

年起各營出征官兵離營回營各日期及應扣馬乾銀

兩分晰造冊報部再前據廣州將軍將出師陣亡病故

官兵領過馬乾銀兩可否免追咨請部示當以馬乾銀

初編卷三十三

三

兩原以喂養馬匹之需並非給與官兵家屬養贍之項

各該營出師官兵原營馬乾照舊開支係屬錯悞是以

著落不行扣缺之員名下追繳所有各省綠旗各營出

征陣亡病故官兵原營馬乾銀兩亦應照此一律辦理

通行一體遵辦均經轉行遵照在案茲據署福建布政

使周開錫詳稱案奉移准省會總局司道移覆以閩省

軍興以來派派調綠營官兵前赴各處勦匪並無具報隨

帶官馬出營沿途各屬州縣亦無報銷草料銀兩至前

辦各案軍需帶兵員弁無論官階大小每員給騎款馬

一匹折夫二名按站給價歷係查照辦理咸豐十年  
續准浙省抄移減半鹽折章程以後派出各官折給人  
夫工食係與同本員應支鹽菜造銷等語查綠營弁兵  
前赴各處勒匪既無具報隨帶官馬及在途支領草料  
情事是例馬皆係存留原營即喂養不能缺乏閩省山  
隘崎嶇與北方平曠情形不同如遇征剿前進應當優  
加體恤似不能因其不便帶馬概令待步前行如因給  
有夫價應將馬乾截扣則留營馬匹喂養無責轉致出  
兵即多征剿之苦復有賄貼馬乾之累衛情酌理自覺

初編卷三十三

三

失平且自前道光三十年起頻年征調其間等名殉難  
者指不勝屈如將已領之銀坐扣現領之餉則現任代  
人賠累勢有所難即欲扣之兵丁而兵丁額餉本微何  
能勻扣十餘年前攤賠貼款即照廣州成案看落不行  
扣缺之員名下追賠則時移事異其間事故員弁亦復  
不少恐徒有追賠之名仍無繳完之實夫馬乾原係喂  
養馬匹而設如馬屬留營自應准予照舊支銷其從前  
已領銀兩應請免予追繳方足以示體恤而昭公允據  
該部臬司查明具詳前來等覆查無異理合恭摺會

奏伏乞

皇太后

皇上聖鑒勅部核覆施行謹

奏 同治五年七月二十六日

請給出力洋將功牌翎頂金牌片

再法國官德稜前經幫帶洋鎗隊調赴杭州助戰嗣又  
隨同官軍克復湖州郡城恪遵紀律著有微勞今該洋  
將擬即挈眷回國稟由浙江布政使楊昌濬請照會法  
國通商大臣衙門查照並給發翎頂功牌更賜金牌一

初編卷三十三

三

面俾回國增輝等情前來 臣伏查克復杭州湖州等城  
案內權授中國總兵洋將德克碑等均經 臣奏懇  
聖恩俯准分別加銜並賞給翎頂功牌以示優異在案  
今實德稜同屬法國將弁在事亦屬出力因欲回國稟  
乞奏懇功牌翎頂金牌無非希沐  
殊榮以增光寵現值髮邊蕩平東南底定之際可否仰  
懇  
天恩俯俞所請給予二品功牌翎頂金牌以示懷柔之  
處出自

一第... 升... 0... 2...

鴻施如蒙

聖慈俞允其功牌翎頂金牌似可即援照德克碑等例  
由浙製給傳

旨頒賞<sub>臣</sub>謹附片具

奏伏乞

聖鑒訓示謹

奏 同治五年七月二十六日

初編卷三十三

三

陳明捕治興泉汀漳各處土匪情形摺

奏為捕治興化泉州汀州漳州各處土匪恭摺彙

奏仰祈

聖鑒事竊自閩軍凱還後分屯各郡勘辦土匪業將辦理情形合詞彙報嗣以上游齋匪既除酌留浙江即補知府張樹葵一營署建甯鎮左營游擊朱光斗一哨駐紮崇安延建邵道康國器兩營分駐延平一帶而以各軍注重下游分委浙江補用同知虞紹南總兵簡桂林署督標中軍副將楊在元叅將王有慶彭惟貴駐興化

初編卷三十三

三

一帶會同署興化府知府章倬標署興化協副將彭榮華莆田縣知縣黃道傳按治土匪陸續捕獲柳園匪首卓徵即六九王莒溪匪首楊惲葬即楊八李泗郎即李十六羅劍七曾布即曾廿七利溫匪首陳犯即陳廿二陳流五即烏狗鑿埔頭匪首楊元五何厝匪首何元郎何十八柯朱鄉匪首柯竹柯秤柯楊柯沙柯家柯洽及投首之柯榜等十四名又捕獲巨匪楊玉郎潘水唐老七唐全二朱泉林皆許十九潘清即潘耳龔張添資張能林預老黃科三林發吳旺李如蘭李如玉吳盛黃茂



郎黃臭頭魏虎德魏插肝李詠李小慨陳但陳長一林  
居吳九十五楊得信吳紂五林蒼二吳樸郎吳廿九顏  
芬曾薯曾角林錦黃稅鄭湮鄭盤三龔捷郎龔士猴盧  
盛郎林新郎郭狗娘吳樓三李榜郎鐵脚榜戴芋頭朱  
水郎劉相三劉還伍朝煥林旭羅尙郎羅七九羅筆郎  
羅三十九羅膽郎羅七八陳幗顯羅蝶七羅俊羅育郎  
羅四五吳三郎吳三十一曾獅曾成曾梧楊余三陳遠  
曾蘭程又十三郎新伯十三吳喜吳錦曾科林山黃石  
連何烏四王壽林至楊四吳鑽李開李添黃容趙鑾陳

初編卷三十三

三

賢龔水郎龔文徒童尾翁坤翁茂劉烏陣劉漲李姜十  
林環童阿洞郎因洪喜洪試五郭茂郭行五陳廣陳炳  
楊藩李根李珍魏占魏鍾郎范炳郎范三十陳祥林定  
陳尙蘇火黃潤黃寬四黃路駱梓二鄭玉曾滔王象四  
潘火黃文朱瓜林七十郎林耳龔何毛郎歪嘴毛陳添  
祥楊板楊鍾六楊文王床蘇煥林煥郎林廿五方鹿林  
尾郎翁尾陳木潘立吳全陳尾丁老雞蔡佔等一百三  
十三名暨仙游巨匪黃接黃維黃代孝黃高黃法黃東  
隆黃兩友黃簡郎勇郎郎遠郭高柯齊何添祥石顯陳

璜楊章求等十五名仙游縣知縣余懋勳緝獲巨匪鄭  
高一各其莆田九里洋一帶負山濱海向為烏白旂匪  
巢比經咨商水師提臣李成謀檄飭署金門鎮總兵郭  
定猷乘會辦泉屬土匪之便密約虞紹南簡桂林等出  
匪不意水陸兼擒兵合九里洋水師扼壁頭寨塔子灣  
海口虞紹南駐石亭簡桂林所部分駐江口汎灌後邦  
尾王荷慶駐東蔡彭惟貴駐移頭四面環紮勒交首要  
各犯獲歐三秒歐妹治謝招郎郎薛招郎余圭尾李三  
妹黃玉柏黃日林青盲老許進生關成陳度度李桃郎

初編卷三十三

三

江口桃蘇粗光徐和郎烏目和鄭土古鄭天湖黃泰陳  
富許五秒許五郎江口五李蘊王捷郎郎王缺尻莊哮  
烟李惡李慶十李老疇李田居李斌許屈方山里李下  
兵李蝦尾李秒郎紅頭秒黃珠郎臭頭珠陳烏郎烏六  
哥王水郎王七十關日生戴海洋郎戴窗蔡吾銅姚米  
粉郎姚三十四李開章郎陳章三郎東尾吳老盛郎紅  
壳蠟黃四吓歐十陳添盛李鈺李金俊蔡大狗歐鳳尾  
游廣中陳欺頭等五十二名江口汎把總陳陞緝獲登  
次糾搶械鬪曾斃五命之匪首胡述培一名楊在元移

營平海拿獲著匪黃花錦林成村林阿六等三名黃道  
傳捕獲黃銀一名此與化治匪情形也分委福建布政  
使王德榜駐紮泉州所屬之惠安督飭印委各員聯絡  
紳士設局行保甲法先後獲匪犯四十餘名其蕭厝等  
鄉暨橫時口下湄洲各海灣兇悖尤著當咨提臣李成  
謀督同署金門鎮郭定猷統帶師船與王德榜水陸會  
勦王德榜令所部記名提督蕭得龍勦辦大路東吳柯  
寨等鄉自率親兵及前後兩營疾趨蕭厝該匪自劫掠  
鹽艘日夕畏捕藏艇以待兵至果遁對港橫時口旋避

初編卷三十三

三

匿下湄洲王德榜至海濱獲其後者一艇起出大礮二  
尊於蕭厝村中搜獲匪首蕭干臣水師至王德榜率隊  
渡湄洲會同水師圍捕獲匪八十餘名起獲大礮六尊  
洋鎗五十餘桿銅冒洋火四萬顆餘匪駕小艇向龜山  
駛逃李成謀郭定猷師船追出外洋擊沉匪艇數隻擊  
斃匪首蕭缺嘴生擒蕭塗殺蕭雙楸連錦高琇曾嬉生  
等五名大路各鄉匪眾憑寨抗拒官軍攻破之生擒陳  
烏等四十六名王德榜復自湄洲同攻東吳柯寨破之  
獲白旂匪首吳泗吳任多吳藝吳响吳脚秋吳紐毛汶

魁吳大平孫吳五細孫等一百餘名其附近郭厝塢頭  
南莊山腰峯崎等五鄉各將著匪縛獻惠安文武及局  
紳葉春暉等諭令家長獲送者亦十餘人經王德榜派  
員會同署惠安縣知縣王佑慶訊明陳紅安即陳紅紅  
陳烏陳興即王翁興陳經琇蕭虎翁蕭秋蘭蕭阿蘭蕭  
歪吳紅郭長頭劉路陳瀾郭鹽郭成莊員仔莊利陳洗  
即陳洗心陳火何懷即何能莊皮阮連石何模即何圭  
蕭妹哥連洪九何駐冊即何洗等二十五名均係疊次  
槍劫擄禁傷害人命著匪陳紅安即陳紅紅並曾在楓

初編卷三十三

三

亭地方戕害前仙遊縣知縣黃際虞者也此惠安治匪  
情形也泉州府屬晉江南安安溪則署陸路提督羅大  
春督府縣按治之南安新營樸山兩鄉兇悖最著羅大  
春督同府縣星夜馳往飭署陸提右營游擊李東昇等  
分道入樸山親率提標新練精兵及所部漳勇至新營  
先飭紳耆理論該匪放鎗迎敵乃勒兵入鄉匪猶憑寨  
發鎗石放傷兵勇羅大春麾眾攻破山寨格殺悍匪李  
智榮李記南等三十餘名擒獲三十餘名樸山匪亦節  
節抗鬪敗踞寨樓官軍圍攻兩時之久始破之格殺二

十餘名擒首犯李魯李竹李全吉吳匪等二十餘名當  
將兩寨毀平共起獲鎗礮二百餘件羅大春復飭署陸  
提中軍叅將宋桂芳按治安溪土匪先經該縣知縣羅  
運瑞會汛捕獲謝場李線即李鏡李弁即李古  
盤頰腰並行劫四十年之九龍山積匪黃陞等五犯干  
總陳安高等獲李蝶即李碟一犯陳安高等續獲蕭開  
宋桂芳格殺芹山拒捕奪犯之悍匪三人獲林光漢即  
蕭光漢此泉州晉江南安溪治匪情形也汀州屢遭  
兵燹土匪勾結游匪伺劫為害而甯化一縣尤甚總兵

初編卷三十三

元

張福齊帶所部勇丁按治之捕獲江湖會首王忠即毛  
鞭會匪邱光賴王明李錦標鄒老冬賴揚芳管幅等福  
建即補同知直隸州丁華光亦派哨弁捕獲哥老會匪  
陳德彪即陳老五王世榮陳方梅趙宗位等其各鄉土  
匪以吳陂頭為最悍張福齊令副將張廷圖青萍堡叅  
將蕭雅泗圍水東堡自率副將周玉堂都司祝鑑高圖  
吳陂頭均委員紳特示令縛獻首要呈繳鎗礮吳陂頭  
匪恃其地險多蓄各處亡命之徒為助拒傷勇丁廿餘  
名陳亡數名張福齊合圍困之旋轟破土堡之角礮臺

一座斃匪十餘名麾軍直入生擒匪首綽號九千歲之  
吳二隆即吳義隆及匪目吳良棟吳忠攸等張福齊傳  
令呼老幼婦女出釋之急以兵入縛其壯者焚其寨訊  
據吳二隆供咸豐四年投入九龍山號九千歲積賊回  
籍仍糾搶擄詐私造水窖拷斃多命結會抗糧劫兵勇  
馬匹衣物起意糾抗官軍並訊出吳忠聚吳元者吳忠  
火吳用其吳用海吳茂發即用發吳尾幅吳忠乾即吳  
萬春吳忠王吳良進即吳金發等十犯均係結會拒捕  
悍匪張福齊復以附近淮土鄉糾眾圖抗移師勘治擒

初編卷三十三

辛

獲匪犯十名其劉桃保一犯逃匿江西石城縣境購線  
往捕該犯持刀拒關當經勇丁格殺其水東一鄉交犯  
遲延張福齊馳入其堡獲要匪一名搜其礮械燬其寨  
垣青萍鄉縛獻羅爾聰羅愛仔二首犯並平燬土堡繳  
出鎗礮刀矛數十件嗣獲羅爾香等三犯及各鄉積年  
稔惡之著匪黃貴生黃富生黃良久黃上匡羅爾香廖  
宗乾等共搜獲大礮十二座抬鎗十八桿鳥鎗二百餘  
桿長短矛四百餘枝匪寨悉平先是黃義柏村廖姓著  
匪被控殺斃一家十命重案聞官軍治匪急乃糾江西

尖刀會匪插血約誓負固以待泊官軍攻破吳陂頭堡  
該匪逃棄寨遁張福齊訪聞廖章進等潛回五里村派  
勇協線圍捕廖章進挺刃出拒當即格殺獲廖章進等  
三犯署上杭縣知縣張潤培先後捕獲登次搶劫奪犯  
傷差之葛麪客葛癩鬼邱九發溫穿耳朶羅恩長張演  
才等六犯此汀州治匪情形也漳州府屬惟漳浦一縣  
尙未辦過磔口海與四圍皆水尤爲匪盜淵藪屢與古  
竹土匪駛艇內港伺劫商漁署漳州鎮總兵楊和貴會  
商署汀漳龍道夏獻綸與泉永道曾憲德約水師會剿

初編卷三十三

三

四月初四日楊和貴率隊由中路進逼磔口飭副將周  
金品毛惠德徐連勝左右分抄周金品馬隊先至匪艇  
駛遁其後開者爲馬隊追及不及起旋泗水而逃被風  
浪衝沒是時海霧迷漫師船未能進口會捕其倉率出  
口之匪艇聞水師礮聲驚懼失措遭風傾覆兩隻約溺  
斃一二百名楊和貴督隊搜剿匪黨尙持械抗拒各營  
進擊斃匪十餘名擒獲二十餘名陳斬陳催江孝謝東  
卽楊東等三名獲洋鎗烏鎗各五十餘桿銅冒洋火十  
萬餘顆洋火藥三百餘斤刀矛八十餘件楊和貴以下

曾等社焚村佔產之案漳浦文武會同勘辦拒捕傷勇  
雖經署遊擊蔣葆齡斬林倣一犯尙未受創六月初  
三日督同周金品毛惠德等前往剿捕道經大抗白石  
赤湖後江各社將曾經械鬪現願遵斷之陳楊兩姓陳  
吳兩姓各家長諭令約束族人勿復滋事已據出具甘  
結並平毀炮臺以息爭競楊和貴偵知下曾等社匪已  
遠颺而古竹土匪潛踞獅頭社初五夜四鼓令蔣葆齡  
前行自率各營繼發黎明抵獅頭石堡堅峻背山臨海  
前僅一門左右皆高山地險而固諭令緝送首逆該匪

初編卷三十三

三

竟敢憑堡放鎗楊和貴分隊上山抄擊匪勢不支潛開  
石堡後門爭舟急遁官軍追及擊斃斃百餘人回攻石  
堡匪尙死守又斃十餘人破之生擒七名獲鎗械甚夥  
毀其堡勇丁受傷者十餘名其龍溪縣長北社匪徒上  
年經羅大春捕治各匪後匪首方烏參畏威遠避嗣經  
楊和貴訪聞該匪復歸行劫帶隊往捕匪黨抗拒當經  
格殺數人擒方游方燕方王添方來方助方燮等六犯  
訊明斬之方烏參負傷竄逸旋即捕獲伏誅其永定伏  
誅巨匪陳天庇之子陳成其卽陳三王爺逃匿甯靖洪

頭坡經楊和貴夏獻綸派遊擊曹仁順等督團獲解舟  
次夜遊曹仁順等之被砍數傷縛解漳州伏法其詔安  
科下村土匪現飭道員朱明亮帶隊勘辦此漳州治匪  
情形也他如福州府屬調署連江縣知縣孫壽銘督同  
巡檢劉杰等獲盜劫若匪鄭啓漢滕登珠二犯延平府  
屬署知府趙均督飭勇團拏辦糾黨焚搶及斃團董章  
鎮松之茶坪游匪當場格殺一名捕獲郭明朱阿發二  
名順昌縣知縣陳星聚督團緝獲九龍山著匪辜留潘  
巧劉勅等三名龍巖州屬署知州陳源豫拏獲從逆要

初編卷三三

三

匪鄧秋二鄧新富二名臣等於各文武獲犯錄供稟報  
時勘其罪狀兇橫險毒不禁毗裂髮指當即欽遵咸豐  
三年

諭旨批飭就地正法或加以梟示以伸

國法而快人心其情罪稍輕者飭府縣刑責鎖礮以示  
儆戒期於寬猛協中仰副我

皇上辟以止辟之意合計已獲治罪之匪首要十得七  
八稍遲即可歲事察看民風漸已更變前此畏懼兇威  
不敢控訴者今則告官捕捉泣求伸理矣前此庇匪求

免隨同附和者今則指引緝不復諱匿矣前此商旅  
畏出其塗陸必結伴水必聯船今則一夫可以夜行單  
船可以孤泊市廛漸增貨價漸減矣前此結黨械鬪掘  
塚創墳擄人勒贖拒捕抗糧恬若無事今則稍知

國法之不可倖逃巨案稀少矣一俟各處著名兇惡匪  
徒悉數就擒當即立限概准投首減等科罪斷不敢恣  
疾於頑淫刑以逞至水陸營汛有應改移歸併庶資控  
制者現與水陸提臣籌酌或修復舊汛或改駐分防容  
再片摺會陳所有辦理興泉汀漳等處土匪情形謹合

初編卷三三

三

詞恭摺彙案具

奏伏乞

皇太后

皇上聖鑒訓示施行謹

奏 同治五年八月十七日

按治土匪出力人員陳請可否保獎片

再治匪之道與剿賊異剿賊以多殺為功治匪則必以  
妄戮一人為誠物賊則賊物不禁取攜治匪則絲毫不  
容妄取苟非苦心分明加意約束則除暴或以為暴必

醜事端此次官軍分途接治土匪<sub>臣</sub>等尤切兢兢幸諸將領尚能仰體

朝廷仁育義正之懷恪恭將事故勞師數月之久兵民什處尚能相安其悍戾頑悖之鄉固已無所藉口若其素稱良善者則更欣欣然有重覩天日之樂矣諸將士勞烈雖不足言紀律尙有可取可否仰懇

恩准俟全省治匪事竣將在事出力各員弁擇尤彙案保獎之處出自

逾格鴻慈謹附片具

初編卷三十三

三

奏伏乞

聖鑒訓示謹

奏 同治五年八月十七日

懇免現商帶輸俾領課釐捐

奏為懇免現商帶輸以紓商力而顧課釐恭摺具

奏仰祈

聖鑒事竊照閩省鹽商歷年積欠按限帶輸一欸內除應歸補司道庫墊欸銀二十六萬八千八百六十五兩別出照案依限帶完外其餘銀曾經<sub>臣</sub>等

奏請減免奉

旨飭部議覆嗣准部咨飭將此項請免銀八十七萬一千二百六十六兩認真釐剔自定案後實在倒革無著

初編卷三十三

三

應於現商代完若干月造清冊懇

恩豁免統以報部有案為憑方准列入冊內其或新商認完舊商欠項舊商以館埠器具鹽包作抵此即與現商應完無異不得朦混列入其現商應完銀若干兩應仍照案依限帶完不准再行請免以示限制等因<sub>臣</sub>等細釋部議重在分別造冊准免退商仍追現商自係核實辦理慎重欸項之意然<sub>臣</sub>等前請減免帶輸原欲全現商非以庇脫倒商何也商既倒革必已產破家傾雖使追比類仍亦於

國課無補歷

奏帶輸積之既久而為數過鉅者姑毋庸論即此八十七萬餘兩之中退商約欠四十九萬有零現商約欠三十八萬有零自是現商欠少退商欠多以應歸司道庫墊款銀二十六萬餘兩其中退商無著均責現商勻完反足現商欠多退商欠少如應部指仍追現商則退商得選  
填與而現商轉抱向隅徒有豁免之名仍無豁免之實况今行票運之商多則昔時行引之商如此時易於追

初編卷三十三

三

完則從前不至積欠從前既至積欠此時何能追完縱令勒比監追間有完納亦無非那新賦以完舊欠帶輸一分舊欠即豆徵一分新賦是新賦無全繳之年舊欠即無清完之日也上在甫議改票之時首先請免帶輸蓋以輕舊道即所以重新賦紓商困即所以保利源留商改票俾得專顧蠶庶幾年清年款可為一勞永逸之計耳幸改票以來甫及期年成效大著便從此經理得人將來遞年盈溢之數積微成鉅即以後日之盈餘抵從前之積欠亦尚綽然有餘是各商既裕

逾格之恩

國家亦收無窮之利一時觀之雖若見細通盤計之實可取節也若必謂新商帶輸不可盡豁則商力既未能紓恐票運翻多窒礙臣等督同司道再四熟籌若不一律請豁殊與全綱大局攸關合再懇情奏懇  
天恩俯鑒愚忱

由賜允准即將前項帶輸銀兩除應歸補司道庫墊款銀二十六萬二千八百六十五兩照案依限帶完外其餘銀八十七萬一千二百六十六兩無分退商現商一

初編卷三十三

三

律豁免俾紓商力而顧課釐據福建鹽法道吳大廷會同署布政使周開錫具詳請  
奏前來臣等謹合詞恭摺具

奏伏乞

皇太后

皇上聖鑒訓示謹

奏同治五年八月初七日

閩商力顧票運課釐懇免兼徵帑息摺

奏為閩商力顧票運課釐懇

恩減免兼徵帑息以紓商力而重新賦恭摺奏祈

聖鑒事竊照閩省鹽幫疲敝已近百年司鹽務者設法  
挽救不出緩徵借帑兩策究之緩徵徒顧考成而帶輸  
每多拖欠借帑不無折扣而蓬額仍屬虛懸名為設法  
挽救實則暗肆侵欺如此而欲裕賦便商督猶倒行以  
求前也夫閩商資本雖微但使完課辦運亦何嘗不收  
微利無如終歲經營半耗於陋規之需索半迫於帑息

初編卷三十三

五

之虛賦商力幾何其堪此層層剝削而不倒罷相踵乎  
上年試行票運 等即督同該鹽道吳大廷悉心稽察  
裁革陋規歲約八萬餘金故改票以來課釐並抽微額  
較前加重而數十年疲敝商販尙能拮据趨公踴躍輸  
納茲屆試辦一年期滿將欲  
奏行票運著為定章而於虛賦之帑息仍事追求非惟  
不便於商抑實無益於事溯查各款帑息始於雍正年  
間迄今有數十載當領本之初雖或不無折扣而尙有  
現領之銀可資周轉且完息僅止一分不覺其為累也

迨原商倒罷轉流交現辦之商未必皆領本之商而  
積欠帑息無不盈于累萬商既倒罷豈尙有盈于累萬  
現銀交完欠息之事其所存抵者無非倉館器具及未  
運之陳引且有並倉館器具陳引而亦無之者新商接  
辦不能不隱忍認賠即司鹽務者亦明知虛賦之帑息  
斷難如數催徵惟既無從取償於倒歇之舊商不得不  
移累於接辦之新商新商既不能不為認完即不得不  
挪動正課故帑息未見取盈而正課轉因以大絀也頻  
年短徵數至四百萬兩之多受蔽之由此居其一然未

初編卷三十三

四

改票以前尙可執運陳引希冀夾帶偷漏且可停引不  
領將二三年所得之錢繳元二年應完之款而  
奏銷仍展之又展責以繳完帑息彼尙無可藉詞泊乎  
改票以後立將陳引截清不准執運積年影射夾帶之  
弊一掃而空而按額科票課釐並抽計自上年五月廿  
二日設局辦起截至一年期滿已收正雜各款六十萬  
餘兩較之歷屆  
奏銷征完正溢課帶輸帑息等款現銀十餘萬兩已增  
三部之多今日行票之商豈非即昔日行引之商乎何



以昔細今盈懸殊若此蓋以改票之時首先剔除上下  
匪規繼有請免帶輸並又將帑息項下應撥之款設法  
籌墊不為無益之追呼紛其心志故各商始得專力於  
課釐舊累輕而新賦自裕耳於鹽釐見正課之有餘但  
使能裕庫儲卽帑息暫不取盈可為以贏補細之計於  
試運見票章之已效然非稍輕積累則商情難於持久  
仍多顧此失彼之虞臣等再四籌商若不將帑息銀兩  
分別緩免實未足以紓商力而顧課釐合無仰懇  
天恩俯念商困未蘇力難兼顧准將軍標馬價盤費欵

初編卷三三

聖

工省育鰲峯等六欵帑息歷年官商欠完銀一十二萬  
六千二百餘兩概予豁免並請將年額息銀一萬四千  
八十九兩零遇閏加增銀一千一百七十四兩零概予  
停止惟軍馬盤三息若累雖較他欵為鉅且有關旗庫  
支欵難容全廢應請量減三分之一此外欵工為支造  
戰船之需胥育則孤貧賴以養贍鰲峯則人才藉以作  
育準理度情均難備廢擬請按照每年支解實銀數目  
在於鹽釐項下提解支給於奏銷時造冊咨送查核至  
於各項帑本未便置之不論請俟商力稍紓察看情形

援照風災養贍之案責令各商完息作本陸續歸還原  
欵其風災養贍二欵經前督臣慶端於咸豐九年十二  
月間

奏明停息五年之後完息作本扣至同治二年底止五  
年限滿三年卽應啓徵迄今屢加催迫並無完繳皆因  
商力未紓難以兼顧請再展限五年照案飭令完息作  
本似此量為變通可以恤商艱可以顧票運而年額帑  
息較有著落以視頻年追繳徒為商累而於庫欵仍無  
絲毫之益者此固於分別減免之中轉得實際矣據福

初編卷三三

聖

建鹽法道吳大廷會同署布政使周開錫具詳請  
奏前來除咨戶部外臣等謹合詞恭摺具  
奏並將各商應完帑息年額欵數開列清單恭呈  
御覽伏乞

皇太后

皇上聖鑒勅部議覆施行謹

奏 同治五年八月初七日

格請奏稿初編卷三十四目錄

請派幫辦軍務大員以資贊助摺

請派重臣接管輪船局務摺

肅清全閩彙保出力人等請獎摺

請加周藩司吳道二品頂戴摺

調補陝甘總督謝 恩摺

請擬減兵加餉就餉練兵摺

添建水師弁兵駐守緝五店地方摺

請移營駐紮湄洲健口等處摺

初編卷三十四目錄

臺灣吏事兵事均宜及早綢繆摺

釐定閩屬進出款項停止攤捐另籌公費摺

請派幫辦軍務大員以資贊助摺

奏為請

旨簡派幫辦軍務大員以資贊助仰祈

聖鑒事竊治軍首重得人用才貴於善任同一軍也用

之或勝或不勝則將帥之才否不同也同一才也用之

或效或不效則任使之宜否不同也茲 臣奉

命調督陝甘自維德薄能鮮忝荷重任深懼措置失當

為

朝廷羞亦惟藉助賢能以圖共濟二品頂戴前浙江按

初編卷三十四

察使世襲雲騎尉劉典戰功卓著已在

聖明洞鑒之中該 臣自咸豐十年入 臣軍與前布政使

銜道員

予諡貞介王開化今浙江布政使楊昌濬總理營務入

浙後分統 臣部轉戰江西皖南屢殲巨寇保全大局俾

曾國藩軍與 臣軍餉道常通得以登意進取 臣軍入閩

奏請幫辦福建軍務劉典由江西率師來會駐師西路

分扼江西浙江衝要俾賊不得出閩境一步卒收三路

蕩平之功遺孽汪海洋竄入粵東粵軍不能制賊賊勢

復張黃矮子歐陽暉等率叛卒由江西繞道湖南與之  
會合喉汪逆由湖南廣西入蜀將尋石達開故轍為西  
陝憂臣調其由江西出南雄力扼廣東西北路蹙之賊  
憚不敢前賊知官軍悉赴江西廣東乃乘虛回竄嘉應  
其時臣隨駐漳州者僅親兵八百耳劉典詞賊回竄深  
以臣兵單為憂謂所部將領及提督黃少春詞賊東趨  
甚急必圖出汀漳入江皖督帥必出戰然楚軍盡出奈  
力薄何言已泣下諸將感奮遂日夜兼程由間道馳援  
會臣軍於大埔卒克復嘉應蕩平餘孽若鮑超則七檄

初編卷三十四

二

而始至粵軍則十檄而猶未至也門事平後劉典請假  
省親還里繳連年散曠銀六萬餘兩將領皆為臣兵臣  
與劉典為布衣交在軍中雖有僚佐之誼若弟昆以  
上各戰績雖已具前後各疏中而艱難之際性情流露  
則有未敢詳者臣與劉典其事最久相知最深其為人  
剛明耐苦廉儉而有志節臣可保其斷不負  
國斷不厲民其用兵最長於審察地勢臨陣必身先士  
卒以倡勇敢之氣然性稍褊急有所見必直道其是非  
以此常見忤於人臣嘗言之曾國藩而曾國藩不甚以

為然言之楊岳斌並

奏請幫辦楊岳斌軍務而楊岳斌尤不以為然也前奉  
諭旨劉典現在請假省親該臬司久歷戎行素稱得力  
若令投閒殊屬可惜著左宗棠諄飭該員於省親後即  
行銷假應派往何路軍營帶兵剿賊並著左宗棠斟酌  
奏聞臣當恭錄緘咨准劉典覆稱母親衰老多病不忍  
久違定省又自揣與人寡合恐難竭才力以圖報稱臣  
復致書勸勉終不可強故未敢據情上達

天聽今臣赴陝甘大馬之齒漸增非復昔時精力可比

初編卷三十四

三

若所事無成不但上負

知遇之恩且自貽平生之戚可否仰懇

皇上天恩勅命劉典幫辦陝甘軍務並

勅下湖南撫臣令其敦促就道俾微臣得稍資助助臣

於西郵大局有裨謹據實籲陳伏乞

皇太后

皇上聖鑒允准施行不勝感激之至謹

奏

請派重臣接管輪船局務摺

奏為請

旨簡派重臣總理船政接管輪船局務以便開局試辦

恭摺馳

奏仰祈

聖鑒事竊維試造輪船兼習駕駛一事詳加諮度始

敢據以入

告欽奉

諭旨允行比即緘知原議之洋員日意格令轉告德克

初編卷三十四

四

碑速來定議時日意格方充江漢關稅務司得信後來

聞一面緘寄德克碑德克碑時方在安南海濱也日意

格於七月初十日來閩臣與詳商一切事宜同赴羅星

塔擇定馬尾山下地趾寬大一百三十丈長一百一十

丈土質水清深可十二丈湖上倍之堪設船槽鐵廠船

廠及安置中外工匠之所議程期議經費議製造議駕

駛議設廠議設局莫由粗而精由暫而久盡輪船之長

並通制器之利日意格立約畫押後候德克碑未至返

滬見法國總領事白來尼畫押擔保八月二十七日德

克碑自安南來閩臣出示條約無異詞惟慮馬尾山下

土色黃鬆積淤沙所致未能運浚臣比令開掘取驗泥

多沙少色青質膩知非淤成德克碑乃信其真可用也

正議令其到滬覓白來尼並約日意格及始議之按察

使銜福建補用道胡光墉等同來定議此事係德克碑

日意格兩人承辦非齊來面訂不可定約臣亦非俟條

約訂定不敢率行陳

奏也九月初六日奉到

恩命調督陝甘時德克碑正在署議事比即令其過

初編卷三十四

五

赴甯波約日意格據稱日意格江漢關稅務司已經辭

退惟向例須三月始能離任恐不能同來臣謂日意格

已經面議畫押即不借來亦可惟該洋員到總領事白

來尼處畫押後須速來此以便面訂移交後任德克碑

即覓輪船於十三日赴滬大約十月初旬內外始可開

闔也維輪船一事勢在必行豈可以去閩在邇忽為

擱置且設局製造一切繁難事宜均與洋員議定若

不趁臣在閩定局不但頭緒紛繁接辦之人無從諮訪

且恐要約不明後多異議臣尤無可諉答臣之不能不

稍留三旬以審此局之定者此也惟此事固須擇接辦之人尤必接辦之人能久於其事然後一氣貫注眾志定而成功可期亦研求深而事理愈熟再四思維惟丁憂在籍前江西撫臣沈葆楨在官在籍久負清望為中外所仰其慮事詳審精密早在

聖明洞鑒之中現在里居侍養愛日方長非若宦轍靡常時有量移更替之事又鄉評素重更可堅築事赴功之心若令主持此事必期就緒商之英桂徐宗幹亦以為然臣曾二次造廬商請沈葆楨始終遜謝不遑可否

初編卷三十四

六

仰懇

皇上天恩俯念事關至要局在垂成

溫諭沈葆楨勉以大義

特命總理船政由部頒發關防凡事涉船政由其專奏請

旨以防牽制其經費一切會商將軍督撫臣隨時調取責成署藩司周開錫不得稍有延誤一切工料及延洋匠雇華工開鑿局責成胡光墉一手經理緣胡光墉才長心細熟諳洋務為船局斷不可少之人且為洋人所

素信也此外尚有數人可以裨益此局者臣當咨送差遣庶幾製造駕馭確有把握微臣西行萬里異時得幸觀茲事之成區區微忱亦釋然矣至此事係臣首議試行倘思慮未周致多疏漏將來察出仍請

乞 皇太后

皇上訓示施行謹

奏 同治五年九月二十三日

初編卷三十四

七

肅清全閩請保出力人等請獎摺

奏為遵將克復漳州龍巖永定南靖平和漳浦雲霄詔安各府廳州縣城池並攻拔賊壘退悍賊截剿鼠賊肅清全閩及防守轉運出力員弁勇彙案保獎恭摺  
奏明

聖鑒事竊臣等迭次欽奉同治四年二月二十七日

上諭左宗棠等奏福建官軍分路進剿均獲大捷一摺其餘出力員弁著左宗棠等存記彙案擇尤請獎欽此又奉四月十五日

初編卷三四

八

上諭左宗棠等奏各路官軍迭獲大勝請將出力暨陣亡員弁分別獎卹一摺其餘出力員弁著左宗棠存記彙案請獎欽此又奉五月十三日

上諭左宗棠奏官軍進逼漳州大捷現籌辦理情形一摺其力戰獲勝將弁兵勇著准其彙案請獎欽此又奉五月十八日

上諭左宗棠等奏官軍攻克漳州南靖兩城一摺其餘出力員弁兵勇著左宗棠等查明彙案請獎欽此又奉五月二十四日

上諭左宗棠等奏官軍追剿賊連克平和漳浦雲霄各城一摺其餘出力員弁著准彙入克復漳州案內擇尤保奏欽此又奉閏五月二十六日

上諭左宗棠等奏官軍剿賊獲勝全閩肅清現飭越境追剿一摺所有此次追賊出以各軍及防守轉運各員弁著該督查明彙案擇尤供奉欽此又奉八月二十二日

初編卷三四

九

上諭左宗棠等奏官軍固剿賊獲勝現飭各軍分道進剿一摺展國器一軍越境剿賊以寡勝眾著准由左宗棠等查明出力員弁擇尤保奏欽此伏查於同治三年十月左宗棠在兼署浙江巡撫任內開城首李世賢汪海洋及各賊目率賊眾二十餘萬由廣東竄入汀州府屬武平境分竄龍巖永定南靖雲霄平和各廳州縣城及漳州府城全閩震動左宗棠當即飛檄調所部楚軍各軍三路進剿幫辦軍務劉典率所部八千餘人由江西廬建入汀州為西路扼賊西竄兼顧江西記名臬司王德榜所部二千五百人繼之提督黃少春劉明珍率所部馬步四千六百人由衢州江山入埔城趨建甯為中

略扼賊北竄兼顧浙江江西臣宗棠率親兵及總兵劉  
明燈簡桂林劉端冕各營繼之署浙江提督高連陞等  
所部四千五百人山海道逕趨福州為東路先顧省城  
繼由興泉以赴漳州扼賊東竄相機迎剿臣宗幹飭文  
武繕守具防海口嚴巡檄逆轉饋諸軍乘勝連戰克捷  
武平永定龍巖以次克復漳州賊亦屢經痛創勢漸窘  
蹙

皇上重念賊眾兵單復

命江蘇撫臣李鴻章濟師二月署福建提督郭松林提

初編卷三十四

十

督楊鼎勳率蘇軍八千航海抵廈門軍威益壯遂克漳  
州南靖漳浦雲霄平和詔安賊首李世賢敗亡之餘隻  
身走投汪洋為汪賊所殺凡六閱月閩疆平仰賴  
聖謨廣通飭發重兵鉅餉得以速赴戎機俾巨寇不致  
稽誅地方尅期底定而在事將士衝冒鋒鏑踴躍爭先  
卒能以四萬餘餉練之師殲賊十餘萬其勞烈亦未可  
掩抑者臣等參奉

恩旨獎勵當即恭錄行知各營茲據開摺彙案請獎前  
來臣等逐加覆核雖所保人數較多然實係克復漳州

龍巖永定南靖平和漳浦雲霄詔安各府州縣城池並  
登次攻守堵截打仗獲勝在事尤為出力水陸馬步共  
七十營七次欽奉

恩旨准保茲謹併歸一案彙獎未便過予核減除記保  
以藍翎千總把總外委拔補者咨部註冊外其文職各  
員亦分別填註考語一併開列清單恭呈

御覽伏乞

皇太后

皇上恩准獎勵以示激勵庶樂事勸功者感而益奮矣

初編卷三十四

十一

再聞中軍事尤以餉事為難此次所保人員除本係隨  
營出力及辦理轉運各員外所有籌辦餉需勞績最著  
各員任怨任勞不避艱險實與隨營出力無異應請  
敕部無庸查照尋常局務勞績核議其餘地方員紳辦  
理防剿團練暨整頓局務護解餉需等事並歷年辦匪  
出力各員弁均屬著有微勞當全省肅清之時自應分  
別請獎謹另摺具陳合併聲明謹  
奏 同治五年九月初一日

請加周藩司吳道二品頂戴片

再自古用兵特重轉餉閩省因軍務頻仍屢缺異常支  
細經

奏調周開錫吳大廷等來閩首將軍需稅釐兩局事務  
經營荒刻吳大廷旋奉

簡放鹽道周開錫經

奏著藩司自是經理得人藩鹽兩庫日有起色凡軍中  
所需無不豫備迨 宗棠入粵後供億之繁暨轉運之  
苦更甚於閩而該員等籌備接濟航海踰嶠應念而來  
故粵東軍務得以迅速成事周開錫吳大廷籌餉之功

初編卷三十四

三

實不可沒合無仰懇

天恩將該兩員

賞加二品頂戴以示鼓勵之處伏候

聖裁謹附片具

奏伏乞

聖鑒謹

奏 同治五年九月初一日

調補陝甘總督謝 恩摺

奏為恭謝

天恩事竊 於九月初六日承准軍機大臣字寄同治  
五年八月十七日奉

上諭本日據楊岳斌奏才力不及病勢日增懇請開缺  
業經明降諭旨令左宗棠調補陝甘總督其閩浙總督  
令吳棠補授所遺漕運總督令張之萬調補並令蘇廷  
魁署理河東河道總督矣陝甘為邊陲重鎮現當回氛  
甚熾楊岳斌於人地不甚相宜辦理未能有效查顧西

初編卷三十四

三

陝實深崖系左宗棠威望素著熟爛習於軍務地方  
俱能措置裕如因特授為陝甘總督以期迅掃回氛綏  
靖邊圉該督接奉諭旨即將閩浙印務交與英村兼署  
迅即馳赴新任悉心經理以慰系懷閩浙現雖平靖而  
營務吏治廢弛已久吳棠到任後務當認真整頓毋稍  
鬆懈欽此跪讀之下欽感莫名伏念 臣 佔俸微儒軍旅  
之事素所未諳頻年盡瘁馳驅時虞不逮茲復蒙  
皇上天恩特調西陲重鎮奉  
命之下悚惕益深比即檢點官書號召徒旅一俟經手



上書諸籍粗具即當卸篆起程惟微臣自草茅擢在封

圻從未入覲

天顏一盼

訓誨茲由閣中西上望

闕非遙仰懇

天恩許臣

陛見俾稍展瞻就微忱曷勝欣幸之至所有微臣感激

下忱理合陳

奏伏乞

初編卷三十四

十四

皇太后

皇上聖鑒訓示謹

奏 同治五年 月 日

謹擬減兵加餉就餉練兵摺

奏為勘浙兵制急宜變通謹擬減兵加餉就餉練兵以期  
實濟事竊自兵民分而不可復合於是歷代養兵之  
費最為繁鉅未有百年養之不收一日之用者也

國朝徵營兵丁雖較前代為少然亦六十萬有奇此次  
軍興東南各省惟廣西金陵曾有調用制兵之事餘皆  
招募勇丁以資戰守用兵十餘年轉戰十數省而陸營  
絕少調發始以勇丁助兵繼且勇丁代兵始以將弁領  
兵繼且以文臣代將此兵事之窮也各省召募日繁制

初編卷三十四

三十五

兵各額未減籌餉者既須籌戰士之餉又須餉不戰之  
兵餉無可籌不得不節縮額餉應之於是額餉積欠至  
數百萬待其呼號迫切又不得不稍為點綴以服其心  
然按營點綴每兵給飽數錢每月即需耗銀數萬兩在  
兵月得數錢之餉不能半餉在官月費此數萬之銀已  
成虛擲此餉事之窮也夫五方風氣各殊民生其間強  
弱亦異故就各省而論有可為兵者有不可為兵者然  
亦未可概論也吳越秀良而淮徐穎亳壽春台處金華  
之民則稱勁健關隴邊塞之兵素稱勁健而自拾回狼

一書... 2 反文內

倣當事又議調南軍卽以福建言之負山面海民情獷悍難馴宜其可以爲兵矣然臣自入閩徂粵以來肅清疆土掃除劇寇所用者仍祇此舊部楚軍未嘗藉閩兵之力而負閩之士匪伺路之盜賊尙須留楚軍剿捕不敢輒用閩兵崇安建陽告警時臣所部尙留興化比延平請兵臣調標兵三百赴之三日始克成行一月撤歸則思病者竟有百人詢其故曰水土不服也可笑如此謂閩兵之不可爲兵歎何以械闕則強爲匪盜則強一隸伍存便怯弱至此夫有兵不練與無兵同練之不勤

初編卷三四

六

與不練同今日之制兵陸則不知擊刺不能乘騎水則不習駕駛不熟砲械將領惟習趨踰應對辦名冊聽差使其練之也演陣圖習架式所教皆是花法如演戲作劇何裨實用省標尙有大操小操之名屆時弁兵呼名應點合隊列陣已箭籐牌鳥鎗擡鎗次第行走旣畢散歸不復相識此外各標營則久不操練並所習花法所演陣式而亦忘之矣水師戰船失修朽腐殆盡將領巡洋會哨但有文報而無其事遇需巡緝輒雇民船代之弁兵無船砲無從練習名則水師實則就岸居住一登

海船則暈嘔不堪站立不穩退云熟習沙線慣歷風濤設遇有事奚望其有萬一之位乎是則練兵爲救時之急務矣兵之應練將弁知之卽兵丁亦自知之彼見勇丁之積功得官未嘗不欣羨也知己之胆怯怯未嘗不內愧也將領之有志者見兵不可用亦未嘗不思練兵以有爲也督撫提鎮亦未嘗不思練兵以稍寬咎責也而勢固有所不能營制馬兵月餉銀二兩馬乾一兩戰兵月餉一兩五錢守兵月餉一兩米三斗間用折價近庫款告匱因有給銀欠米者有半銀半票者除省標八

初編卷三四

七

營外各標營水陸官兵銀米牽算每月僅獲半餉而福建地方狹瘠穀米豆麥棉麻雜糧之收不足供本地食用物價本昂素仰海船轉運接濟近自番船紛來專海洋之利沿海商歇業物價更形翔貴米一斗需錢七八百中價亦五百文布一尺寬者需錢六七十窄者亦三四十文他物稱是從前銀貴錢賤兵餉易錢尙多近則銀價日低物價日貴兵情艱迫異常計每兵所得月餉不足供一人十日之食餘二十日則懸釜待炊衣履無出其奉父母養妻子者更無論矣如是少壯者不

願入伍而入伍者多老羸疲弱窮無所歸之人其市井之人或掛名冊籍以小質傭工為本業而以餘暇應差操至下府民人之藉當兵支門戶者抗官府窩匪盜名當兵而從不與差操者其志並不在餉固不具論也夫以額餉之薄如此又從而減折之不能贍兵之身家並不能養兵之口體不聽其別營生理必不可得兵既別營生理不能按日演操散居市廛不能一呼即集訓練有所不能施禁令有所不能及心志因之而紛精力因之而懈技藝因之而生汰革則無精壯應募激勸則無

初編卷三十四 六

賦銳可拔如是則兵之冗雜怯弱不可為兵兵不任受如是則將之疏拙頹廢不可為將將亦不任受也是則加餉又為練兵之急務矣福建通省每歲經山之費一百七十餘萬兩營經入之款抵放尚短二十餘萬兩頻年軍事繁興協餉不到入款積欠相因實難敷衍此時因練兵而加餉餉從何出臣按方今各省綠營通病祇因餉薄不能練兵而餉之薄亦實由於兵之多耳與其欠餉易若減兵與其欠餉而仍養此無用之兵曷若練兵而益餉此可惜之餉即以閩浙言之閩之兵額六萬

二千浙之兵額三萬七千二百合計已近十萬豈不為多如果一兵得一兵之用制賊自有餘力何以巨賊入境所至成墟不但不能收一戰之功並不能為一日之守也然則

國家每歲所耗之餉不重可惜乎假令事關兩省有素練之兵五萬以之援鄰以之保境豈不綽然何至遠恃各軍多糜鉅餉惟其兵多故餉不能厚惟其餉薄故兵不能精此固前效之可睹者臣維兵之應亟汰者四老弱疲乏之兵吸食洋煙之兵虛名占伍之兵塘汛零星

初編卷三十四 七

之兵此皆無所用亦不用練者外此各標協營聽差傳號書識各名色不預操練之兵實為軍政之蠹須酌量裁減以實行伍物計應汰之兵至少不下四成餘兵既減少則員弁亦可酌量裁併所裁之廉俸薪乾亦可留養練兵大概挑留可練之兵五百有餘即以裁兵四成有餘之餉加給之餉米並計守兵每月可得銀三兩戰兵每月可得銀三兩數錢日用足敷無須別營生業自可聚居勤練而免散漫荒嬉之弊塘汛零星之兵有名無實或窩留姑賭擾害地方若併歸總汛聚居勤練

分段輪派巡緝吉勢較完訪察易遍較之三五錯雜無  
人管束訓練者自別是減兵云者祇減無用不可練之  
兵於兵制實無損加餉云者即扣此項裁兵之銀於餉  
事亦無所加也臣自廣東凱旋飭省標八營挑練兵丁  
為效勇計操兵每日加餉銀六分挑兵三千名分三起  
以次赴臣署前遊學習長洋鎗無亮捷鎗習陸路提  
督羅大春挑練泉州標兵一千二百名各協營轉相效  
法陸路漸有起色水師各營咨行提臣李成謀護海壇  
鎮黃聯開籌商辦理亦有端緒大約水師以洋面為汛

初編卷三十四

三

地以檣帆為營陣以砲械為技藝弁丁必分兩班更換  
上船出洋巡緝熟知海容形勢船用砲械乃期得力其  
減兵加餉與陸兵同現因船工停修陸續赴粵東購造  
拖摺式船必俟船齊乃可定弁兵數目也浙江郡縣克  
復時臣即飭逃潰兵丁不准收伍曾經  
奏明在案此時議復常制祇須少募新兵較閩之裁減  
舊兵翻為省事臣咨浙江撫臣並檄藩司楊昌濬專主  
其事與提臣黃少春熟商定議以期畫一如蒙  
允行臣謹當與閩浙撫臣提臣細商一切事宜妥為籌

議庶幾兵精餉實一挽練營精弊無負  
國家養兵衛民之意謹據實陳伏乞

皇太后

皇上聖鑒訓示施行謹

奏同治五年九月二十三日

初編卷三十四

三

添建水師弁兵駐守鰲五店地方摺

奏為馬巷廳屬鰲五店地方緊要請將水師提標後營遊擊衙署移建併添撥弁兵哨船分汛駐守以資控制恭摺具

奏仰祈

聖鑒事竊照福建水師提標後營遊擊衙署原建廈門西門外仁和宮咸豐三年被會匪折毀察看地勢兼採眾議僉稱原處毋庸建復曾經文武各員勘明應改駐鰲五店捕仔尾方為扼要久議移建因頻年軍務繁興

初編卷三十四

三

未暇及也上年臣駐營漳州飭署興泉永道曾憲德履勘議詳隨據會憲德稟稱會前任水師提督臣吳全美親詣履勘鰲五店地方背山環海西南東三路直達金廈兩島各計水洋六十里北距馬巷廳城二十七里距同安縣城五十七里均屬陸路旁通漳泉孔道行旅往來絡繹不絕商魚船隻進出口岸均須停船掛驗實為水陸要衝從前額設千把總暨巡檢各一員文屬馬巷通判專管武係後營遊擊兼轄派兵一百八十八名分駐灣頭等七汛及聖林一塘戍守以資巡防掛驗自咸

豐三年會匪之變附近潘塗官灣相頭等鄉民風最悍尤甚時有匪黨存聚此間動輒聚眾快船出洋行劫大為商漁行旅之害汛兵無多不足制之非移撥武職大員添兵駐防難資鎮壓擬將水師提標後營遊擊移駐於此做照左營遊擊改駐石碼之例鑄給關防添鑄駐防鰲江字樣庶船殼水陸足為建威銷萌之計應於水師提標五營存兵內挑選精練同安馬巷各廳縣戰守兵各一百二十名合共二百四十名効用隊自字識一切在內如挑有別營之兵卽以後營存兵互相撥

初編卷三十四

三

補毋庸添募並派撥龍船二號福字哨船二號遊派千總把總各一員外委額外各二員統歸後營遊擊銜東分派各汛駐守掛驗巡防至建造衙署等項除舊基估變抵用外共計估需工料銀一千三百兩已由前提臣吳全美率同五營將備及該處紳民量力捐助臣察酌情形鰲江地居水陸要衝改撥水提後營遊擊移駐為便除將應鑄鰲江水提後營遊擊銅篆關防造具印模清冊另行

題請鑄給暨建造官紳商民捐銀數目及各項冊結圖

形送部察核外其餘未成事官署隨時酌核辦理合將  
馬巷廳屬之鋪五塘地方緊要請將水師提標後營遊  
擊衙署改建併添撥弁兵哨船分汛駐守以資控制緣  
由謹會同福建巡撫臣徐宗幹福建水師提督臣李成  
謀合詞恭摺具

奏伏乞

皇太后

皇上聖鑒勅部核覆施行謹

奏 同治五年 月 日

初編卷三十四

奏

請移營駐紮湄洲港口等處摺

奏為湄洲港口等處洋防緊要請移營駐紮以資控制  
恭摺具奏仰祈

聖鑒事竊維海疆擇要安營原期建置得地乃可資控  
制而靖洋氛情形今昔不同則建置之宜亦有未可拘  
守舊制者福建興化府屬莆田縣湄洲地方孤懸一島  
屹立海中乃閩省商船出入門戶興泉二府扼要咽喉  
且為臺灣南北商艘往來必經之路原歸海壇右營派  
撥弁兵駐守查該處東南五六里南北約二千餘里民

初編卷三十四

奏

民三十餘社刁悍素著窩留匪類勾結擄搶視為故常  
重案迭出本年經水師提督臣李成謀統帶師船會同陸  
軍嚴密搜捕地方始稍稍安謐然再四審度非於湄洲  
安設營庫並擇高廠之地建築石寨砲臺煙墩望樓汛  
防堆口以專營駐守不足以重形勢而固洋防當經提  
臣李成謀會督署金門鎮總兵郭定猷署金門右營遊  
擊李廷芳等前往履勘上湄洲大洲山中附近之東萊  
鄉堪以建築石寨應於寨內建造衙署兵房以資栖息  
多設兵船常川巡緝其蕭厝浦禧小堆嶼窟等處為湄

洲藩離民俗頑獷不識兵威須設汛分防其內港淺水處所宜整備龍船隻梭織巡緝水陸交嚴方可除內奸而杜外匪茲准飭營繪圖開摺咨移前來 臣察核形勢就水師各營酌量調撥查金門鎮右營遊擊守備等員向係派駐漳州府屬之漳浦縣徑口地方輪流巡緝今宜移駐湄洲已檄飭該管文武勘估籌辦又徑口亦屬海口要隘向無專營僅建設衛署兵房添募新兵二百名歸金門鎮標右營遊擊守備各員輪流駐紮本嫌單薄自咸豐二年兵房衛署被會匪拆毀迄未起葺致

初編卷三十四 奏

輪駐弁兵無可棲止巡緝日就懈弛今金門右營既議改防湄洲則徑口亦應另行移營駐紮復准提 臣李成謀咨報營署該標中軍將陳允彩護水師提標前營遊擊胡星燦前赴徑口一帶勘得河墟地方背山而海離徑口鄉僅半里地勢較徑口為要亦應移設專營方資鎮壓原建衛署兵房業經匪毀擬于河墟地方起建遊擊守備及千把總各署並外委額外各兵房添建軍裝周庫箭道為官兵駐防操練之所即以水師提標前營遊擊原駐廈港前營守備原駐後海墘二處地方

均緊要不可移動准水師提標右營遊擊原駐廈門西門外燒灰宮邊為營守備原駐局口街巷內地勢散漫無關輕重右營遊擊應改駐廈港後營守備應改駐後海墘方為扼要似此酌量移置不獨地得其宜即洋面亦可分界管轄為周密所有交界處所已飭營另行造報其河墟建設衛署兵房現飭由陳允彩督率工匠核實勘估籌款購料興建所有右營遊擊舊署地基及後營守備損壞衛署均堪估變抵用除飭軍需局司道分移各該營員會同地方官悉心勘估籌款修建造具

初編卷三十四 奏

估變工料冊結繪圖具詳並將一切未盡事宜隨時籌辦外 臣謹會同福建巡撫 臣徐宗幹水師提督 臣李成謀合詞恭摺具

奏伏乞

皇太后

皇上聖鑒勅部 覆施行謹

奏 同治五年 月 日

臺灣吏事均宜及時綢繆摺

奏為臺灣吏事均宜及時綢繆以惠邊氓而弭異  
患事竊臣忝督閩浙於今三載有餘初因浙寇未平專  
意兩浙嗣浙事勾當甫畢巨逆李世賢汪海洋由粵東  
分道犯閩率諸軍入閩期賊閩匪肅清臣遵  
旨入粵道粵事速賊始抵任治事以次按治各郡縣  
土匪治軍之日多治事之日少計自二月十八日回閩  
以後甫七閱月復奉

恩命移督陝甘自維時日迫促智慮短淺上孤

初編卷三四

奏

朝廷倚注之

恩下負十郡士民望治之意俯仰愧怍莫可言官其最  
抱歉者莫如福甯臺灣兩府初意擬俟各郡治匪事畢  
再圖次第整理福甯一郡距省匪遙尚易隨時料量至  
臺灣則遠隔大洋聲氣間隔該鎮道等遇事專制略不  
稟承細察所辦各事無非欺飾彌縫毫無善狀現檄調  
補臺灣鎮總兵劉明燈臺灣道吳大廷於抵臺後逐加  
訪察實可銷慮未萌而吏事兵事應早為籌畫者不敢  
以去閩在即稍事緘默謹為我

臣上一一陳之臺灣設郡之始議由內地各標營調兵

更番戍守三載為期用意至為深遠計額兵一萬四千  
餘可謂多矣咸豐初年因內地兵事孔亟班戍之制不  
行見今存者不及三分之一名冊有兵行伍無兵一有  
蠢動即須募勇所募者本處游手無藉之徒聚則為兵  
散仍為匪勒索騷擾不問可知從前臺灣道設有道標  
以備調遣近自道標裁撤遇有剿捕之事文員不得不  
借重武營一切任其虛冒侵欺莫敢究詰武營縱兵為  
奸營兵以通賊為利全臺之患實由此起道光四年奉

初編卷三四

奏

旨鎮兵歸臺灣道察看久未奉行羣已習焉忘之今欲  
復兵制則宜遵班兵舊章三年更戍欲重道員事權則  
宜復道標俾有憑藉申明鎮兵歸道察看之例以杜欺  
回而重操防庶幾互相維制而軍政可肅也臺灣水師  
向設戰船九十六號今無一存者戰船既無而大修小  
修之費仍不肯減船無可修而修船之費仍不能無武  
營虛冒侵欺藉口定例非文員所能禁革而歷任總兵  
從未有舉而釐正之者將弁煬燬於下鎮臣回恐於上  
積習相沿由來已久如欲剔除痼弊移此款項製船巡



洋募練水兵以求實效必須鎮道得人同心共濟而部  
中不復以舊例相繩庶幾實事求是而船政可舉也臺  
灣物產素饒官斯土者惟務取陋規以飽私囊廳縣有  
收至一萬餘兩者臺灣道除收受節壽禮外洋藥樟腦  
規費概飽入已知府於節壽外專據鹽利武營以虧挪  
為固然恬不為怪交代延不結算自副將至守備多者  
十二任少者八九任四五任並無結報侵吞款項不知  
若干非廉明鎮道澈底清釐何從窮其底蘊茲據吳大  
廷稟擬將道署陋規樟腦洋藥等項悉數歸公永革節

初編卷三十四

三

壽陋規以昭清白劉明燈等亦毅然裁陋規革節壽為  
請是皆正本清源之策所不容已者惟陋規既已裁革  
則必別籌津貼以資辦公庶廉吏可為乃收正已率屬  
之效也閩省文武錮習以辦案索兵費為取盈之計近  
時內地嚴加懲誡此風稍止臺郡則遠隔大洋肆無忌  
憚民俗挾仇械鬥勝者輒佔敗者室家田產謂之紮厝  
地方官不為按律懲治先勒索勇糧夫價及其臨鄉則  
置正克於不問或捕捉案外一兩人聊以塞責良念官  
之貪庸也乃相率結會私鬪浸成巨案諺云十年一大

反五年一小反大概由此必賴廉正明幹之道員時以  
洗冤擇物為心嚴操守勤訪治孜孜奉公不敢暇逸庶  
幾惠澤下究人心固結乃收長治久安之效也臺灣生  
番性雖蠻野卻極馴順地方官如能清愁自持以簡佚  
之道處之最易見德從前生番獻水沙連六社之地請  
得雉髮比於內地民人臺臣以聞而部議格之生番鞅  
鞅失望率致游民勾番私墾徒長械鬪之風寢且裁垢  
納汗終為逋逃之藪至今臺人言之猶有餘恨夫馭邊  
振之道與內地殊此輩山獸河魚但能順其性而撫之

初編卷三十四

三

勿有擾害積漸自然自可無事無論生番輸款內附供  
糧當養於  
國家有益無損即令稍有所費亦當驅糜弗絕以示恩  
信何有擯絕不受坐視客民強佔虐使留為肇衅之端  
况近自洋人入駐要口以來游歷內山習知形勢設我  
棄而人取之尤於事體非宜現當生齒繁盛游民輻輳  
之時似宜弛墾荒之令並聽生番雉髮齒於編氓所有  
番社情事願內附者聽之但勿強為招致於事理似無  
不可至臺郡雖屬產米之區近因番船搬運頗多地方

官結士民時有蓄藏空虛之慮禁出勢有不能則當社  
立倉廩謀儲積似不可緩凡此均應由該鎮道察看情  
形隨時籌辦者臣原擬於諸務就緒後東渡一行今去  
閩有日無暇及此幸劉明燈吳大廷皆實心任事相信  
有素必能綢繆未雨為東南奠此巖疆以上所陳可否  
仰懇

皇上天恩飭下該鎮道察看地方情形隨時會銜陳

奏責成妥為辦理不勝感幸之至所有臺郡事宜臣任

內未及辦理謹擬責成新調之鎮道籌辦情形據實陳

初編卷三四

明伏乞

皇太后

皇上聖鑒訓示施行謹

奏 同治五年 月 日

釐定閩屬進出款項停止攤捐另籌公費摺

奏為釐定閩省各屬進出款項請將攤捐停止陋規裁

革另籌得給公費以杜官虧而蘇民困恭摺仰祈

聖鑒事竊維理財之道貴去中飽節用之道先杜虛糜

未有徵收漫無定制而得免侵欺弊累不弔蠲除而可

期整飭者也閩省吏治弛廢已久各屬經征錢糧往往

狃于歷年遞減分數從不全完每屆

奏銷雖迭札嚴催自愛者僅勉顧考成不肖者輒自甘

悉處猶復藉口於缺分瘠苦民俗刁頑以飾其催科不

初編卷三四

力之咎此固積習使然亦因邇年以來地方多事徵收

短絀復加以攤捐之賠累供應之浩繁入既未能取盈

出又難以樽節以致上虧

國課下賤民膏論律固無可寬而論情實有可恕現欲

力求整頓為正本清源之舉則州縣經徵錢糧不可不

亟為釐定也閩省地土瘠薄徵額不及江浙各省之多

淨收亦較浙江各省為少惟自咸豐三年以後上下各

府屢被賊擾徵冊毀失花戶應完錢糧官既無從稽考

但責成書吏徵收書吏又但以歷年所收分數比較偶

有盈餘亦不交出民間徵收之權在書吏完納時  
僅取書吏收條不問官之串票于是田賦有飛洒詭寄  
諸弊書吏得任意浮收強者任其抗延弱者肆其恐喝  
官民交困爲害無窮將欲剔除徵收錮弊必先清釐賦  
額將各該廳縣丁米按照向章連耗餘徵收若干出示  
勒石庶免藉端浮取而後民間完納多寡乃有定程然  
徵收之弊雖除攤捐各項不爲設法彌補則州縣之苦  
累未已其藉端浮取仍有不可得而禁者矣蓋攤捐有  
關報部者有由外銷者有州縣自行流攤者其報部及

初編卷三四

書

外銷者大率由養廉項下扣除其自行流攤者多由前  
後交代算抵故養廉一項虛有其名從無實給且有攤  
款較多養廉尙不敷劃扣者有因款目繁多往往事隔  
數年官逾數任未能清算者將欲輕減州縣苦累必先  
實給養廉並將流攤各款分別停免其必不可免者另  
行籌款彌補而後經費出入乃可約計又州縣苦累非  
止攤捐一端如上官過境夫馬酒席有費門包過山禮  
有費上官到任鋪墊執事有費及平時月費節壽名款  
目相沿已久名目陋規上官視此爲本分應得之項州

縣亦視此爲本分應出之項錢糧耗餘不足供則設法  
巧取于民以供之上官利其陋規徇其情面遇有過失  
輒爲隱護州縣卽以此陷上官隱相挾制自詎能幹止  
官之取州縣也一州縣之取于民也十何怪民生之自  
蹙仕風之日下乎此察吏之必先恤吏恤吏之必先裁  
革陋規也查兩司道府以及佐貳佐雜各官除廉俸外  
涓滴皆非應得之款既將各項陋規盡行裁革而養廉  
一項又扣除減成減平察看情形委實不敷夫用其署  
事人員僅領半廉者更無論矣竊維制用莫要于通籌

初編卷三四

書

而立法必期其核實陋規一項與其明爲禁革而暗任  
取携焉若予以限制而別籌津貼當飭署藩司周開錫  
通盤籌算先將各屬進出款目逐一開報以憑核酌存  
留均勻津貼務期取民有制均則無貧茲據周開錫詳  
稱除臺灣汀州兩府屬尙未據開摺呈送其餘各府州  
均已據各該管道府呈送前來應卽分別釐定各按所  
轄廳縣經徵地丁糧米向章連耗餘徵收若干出示勒  
石以便永遠遵守其糧冊毀失者並飭一律清查造報  
至擬捐各項除剿辦臺匪張丙夷務軍需兩案已詳請

專案奏免外尚有部飯等項年額應解銀二千七百八十餘兩又外銷津貼各衙門書吏紙張飯食等三十三款年額應給銀四萬三千餘兩又加辦各案工程應攤未補銀十餘萬兩各府廳縣自行流攤銀數萬兩又供應項下文武鄉試供給每科需用銀三萬兩除由司例給三千一百餘兩外尚不敷銀二萬八千餘兩二年一次應擬派銀八千九百餘兩又琉球貢差往返夫馬供應以及年例十三幫貢差夫價等項分年計算共需銀二萬八千餘兩均由司另行提款歸補此項如出差員

初編卷三十四 奏

弁盤費夫價及一切雜項差使隨時應給未能預計者亦分別酌量核給並綜核兩司道府暨佐貳佐雜缺分之簡繁用費之多寡酌提經費以資辦公期將來各項陋規概行裁革所有前項彌補攤捐提辦供應酌給公費銀兩即在閩安等七關稅餘茶葉起運稅耗驗箱經費並洋藥百貨釐餘項下提給等情前來等覆加查核除攤捐各項皆有成案另籌歸補外其提辦供應酌給公費通年核計為數雖覺稍多而實則未議定章以前取給於州縣者尚不止此且閩安稅課竹崎崇安浦

城光澤上杭七關閩稅年額應徵銀一萬六千餘兩先歸各縣徵收正項尚難足額改章以後先將陋規裁革始獲少有盈餘其茶葉起運稅耗驗箱經費向係各州縣於正稅之外私收入已現均提歸公用至洋藥百貨釐餘閩省章程於正項釐金外酌抽十分之一留充局用並一切開銷係向不報部之款現即以稅餘釐餘提給各項公費不再擾及州縣亦無須另動正款而出納一正其名予受可得其實似於吏治民生兩有裨益等既有所見不敢緘默不言謹合詞據實

初編卷三十四 奏

奏陳是否有當伏乞  
皇太后  
皇上聖鑒訓示施行謹  
奏 同治五年十月初五日

恪靖奏稿初編卷三十五目錄

閩省官吏應攤張丙夷務銀兩請免捐摺

籌款購買輪船機器請令沈前撫仍督船政摺

陳明酌增省標兵丁折色米價摺

請將傷發身故之副將從優議卹片

徵收起運運銷茶稅未能定毛情形摺

擬辦軍需支收款目總數章程摺

保獎克復鎮平府應儘平髮逆出力員弁摺

請給出力洋弁優加守備銜片

初編卷三十五目錄

保獎靈字全軍出力員弁摺

查辦齋教餘匪搜捕事竣地方安謐摺

閩省官吏應攤張丙夷務銀兩請免捐摺

奏為閩省官吏應攤臺匪張丙逆案並夷務軍需未補

銀兩懇懇

天恩免其攤捐恭摺奏祈

聖鑒事竊維設官分職優予養廉原為辦公有資冀其

清操自勵閩省各官養廉自奉文核扣減成減平額領

銀數已形短絀加以捐攤之案層見叠出所餘更屬無

幾甚有不敷捐扣者現將地方一切陋規禁革淨盡若

仍按款捐攤終至虧短正款除外攤各項概予刪除尙

初編卷三十五

有剿辦臺匪張丙軍需一欸應捐銀六十五萬九百九

兩六錢零且自道光二十五年五月初一日起截至同

治五年七月底止各官廉內已扣銀八萬三千六百七

十五兩零未扣銀五十六萬七千二百三十四兩六錢

零又辦理夷務軍需一欸應捐銀七十五萬三千六百

五十八兩三錢零自道光二十八年正月初一日起截

至同治五年七月底止已扣銀三萬六千八百八十五

兩六錢零未扣銀七十一萬六千七百七十二兩七錢

零由署藩司周開錫詳請奏懇免捐前來<sub>臣</sub>等伏查前

辦海寇蔡牽軍需案內應攤未補銀三十三萬四千餘兩曾於嘉慶二十五年八月二十七日欽奉宣宗成皇帝恩旨免捐其時

新正特頒羣情感服原以攤捐一事實官吏虧累之由缺分既素有積逋貪廉均無能免累任事一日即累一日任事一年即累一年於是有以後數十任代人賠償虧累者有以虧累太重而營求調劑者有以挪掩而被叅處者有以勒受交代而長屬參商屈抑好官者賢者歎廉吏之不可為其不肖者且或以虧累太多預料

初編卷三五

二

上司憚於舉發翻得遂其挾持之計吏治衰廢職此之由閩省軍務甫清正當革除弊政臣等竊維欲恤民必先恤吏欲行懲貪之令必先察其致累之原所有前項兩案軍需攤捐共未補銀一百二十八萬四千七百零伏懇

聖主迴格鴻慈免予攤捐以示體恤而資整飭謹合

詞恭摺具

奏伏乞

皇太后

皇上聖訓示施行謹  
奏 同治五年十月初五日

初編卷三五

三

籌款購買輪船機器請令沈前撫仍管船政摺

奏為籌撥購買輪船廠機器等件銀兩並請

旨諭令沈葆楨仍接管船政事竊臣前請

簡派前任江西撫臣沈葆楨總理船政當即抄摺咨請

接辦去後沈葆楨以丁憂人員不應與聞政事具呈固

辭引據經義堅不可奪惟思總理船政究與服官不同

所履之地並非公署所用之人亦非印委無宴會之事

不以素服為嫌公事交接可用函牘往返不以入公門

為嫌且在籍監造不為奪情久司船政可待著嚴親於

初編卷三五

四

忠孝之義究亦兩全無害若以事非金革勿避非宜則

此局所關非徒一時一地之計謂義同金革也可謂更

重於金革也亦可臣既奉

命西征尅日就道洋員回閩即須與之要約以便交替

非得中外仰望之人擔荷遠猷無以堅遠人之信非遠

人信服事難必成不敢輒發巨款交替之際則不容髮

復以此商之沈葆楨續准沈葆楨稱如果奉

旨節令辦理亦必請俟明年六月母喪服闋後始敢任

事其未釋服以前遇有咨

奏事件可由署藩司周開錫道員胡光墉詳請督撫代為咨

奏臣維製造輪船一事大致已有頭緒德克碑日意格

等於旬日內即可齊來定議應先行備辦之事臣早為

籌及周開錫胡光墉皆與知之數月以內沈葆楨暫緩

應事尚無不可惟當飭周開錫胡光墉遇事稟承庶接

辦時頭緒了然更期妥善遇有咨奏事件暫由周開錫

胡光墉面稟督撫代為咨

察庶大局可冀有成而沈葆楨居憂讀禮一事可無遺

初編卷三五

五

議其感荷

朝廷矜全之

恩更當何如耶應請

旨飭下沈葆楨於服闋後總理船政未任事之先所有

船局事宜仍一力主持以繫全望而重要工勿許固辭

至購買機器輪機鋼鐵及募雇師匠辛工路費洋將薪

水與器具水脚包紮保險等項有須半領者有須全領

者共訂關平銀十三萬三千八百六十六兩五錢應先

動款應付理合恭摺陳伏乞

一第... 頁五

皇太后

皇上聖鑒訓示施行謹

奏 同治五年十月初八日

初編卷三五

六

陳明酌增省標兵丁折色米價摺

奏為省標八營兵丁月支折色米價不敷養贍酌籌增給以卹兵艱恭摺奏祈

聖鑒事竊查福建省標八營兵丁應支糧米向按雙月支給本色單月支給折色其應放本色者督標中左右水師四營向係由臺配運來省盤收福州府倉由府移營關支前因暎夷滋事配運維艱

奏明將一半本色之中再改支一半折色每石計折價銀二兩應年秋季八月冬季十二月及度歲米價均由

初編卷三五

七

司給發其餘各月一半本色折米仍發福州府轉給其撫標左右營暨福協左右營軍並軍標各營應支雙月本色向由糧道及閩縣侯官等縣征收糧米項下撥給其單月應支折色每石祇給例價銀九錢向在通省兵餉項下估計內督標四營由司逕發撫標左右營福協左右軍暨軍標各營均向移糧道散給因查例價九錢合市價每米一石不及三分之一實屬不敷發贍現當整頓營伍之際臣等督同署藩司周開錫體察情形非酌籌增給例價實不足以資騰飽而卹兵艱爰酌議白



本年三月初一日為始凡省標入營應支折色之月均於每米一石折價九錢外另增給銀一兩一錢計每米一石合共折給銀二兩雖於市價尚覺未敷而比較例價已逾一倍以外其加給銀兩不在估餉之內司庫無可籌支當飭暫在稅項下移撥關支統由司庫逕發毋庸解道以省周折所有撫標各營向例價九錢即在單月解道米折銀內扣除以免轉轉所有例價及加給銀兩統容俟裁兵加餉章程議定分別查明屬倉本色米石是否足敷撥給應否由司再支折色另行分別

初編卷三五 八

辦理外所有酌籌加給福建省標入營各兵丁米價緣由據署福建布政使周開賜詳請具

奏前來 臣等覆查無異理合恭摺會

奏伏乞

皇太后

皇上聖鑒故部核發施行謹

奏 同治五年 月 日

請將傷發身故之副將從優議卹片

再查花翎留浙補用副將張志玉原係湖南河溪營戰

兵委署外委出師各處軍營調撥前署浙江紹興協副將馬德順軍營充當馬隊哨官屢著勞績歷保花翎副將留浙補用該員因從征數載身經百戰積勞成疾給假回籍調治詎於同治四年十二月二十五日因傷復發在籍身故經該故員之子兵丁張光榮稟由署湖南河溪營都司向雲陞飭查屬實報經兩湖督 臣官文咨請查案

初編卷三五 九

補用副將因積勞成疾給假回籍調治茲因傷發身故例

應請

卹相應請

旨俯准將花翎留浙補用副將張志玉交部從優議卹

以慰忠魂謹附片具

奏伏乞

聖鑒謹

奏 同治五年十月初八日

徵收起運運銷茶稅未能定額情形摺

奏為閩省徵收起運運銷茶稅銀兩未能定額情形恭摺奏祈

聖鑒事竊案准戶部咨閩省徵收起運運銷兩項茶稅節經奏咨行催酌中定額閩省並未遵辦行令迅速將歷年內地起運運銷茶稅酌核奏請定額等因伏查閩省出產茶葉先僅崇安縣屬之武夷山一帶地方故有武夷山茶之名歷任該縣設官徵稅放行之後有再經過各關者仍令照例輸稅嗣因山西之大同直隸之蔚

初編卷三五

十一

州等處盤獲漏稅茶箱案內經前直隸督臣訥爾經額以福建武夷山茶不許引課商人往來販運官私遵辦奏請明定章程嗣後商販赴崇安縣收買武夷茶葉完竣即由崇安請領執照輸稅以便稽查奉部議准咨閩遵辦地方隨經查明閩省產茶不僅崇安一處議將建甯府屬之浦城建陽甌甯建安延平府屬之沙縣邵武府屬之邵武縣崇安縣共七處各商到地販運茶葉議請自咸豐二年為始每茶百斤勅令各該地方官就地先徵起運稅銀一律由司核給印照頒發各縣填給各

商收執販運並明定章程通飭各屬遵辦所徵稅銀解

司報部奏明俟試徵一二年後再行定額此征收起運茶稅之定章也又運銷一項因粵逆竄擾江楚茶販不前奏准暫弛海禁因而商民取巧販茶多由海道運往各處不復由輸稅各關經過以致關稅漸短議在附省扼要處所添設關卡加增稅課請自咸豐五年為始在古田縣屬之水目侯官縣屬之北嶺設關啟征運銷茶稅專款解存司庫留支本省兵餉亦經聲明俟試征一二年後再行定額此徵收運銷茶稅之定章也溯自抽

初編卷三五

十一

收以來已逾試征之期如可酌中定額自應照案辦理惟查閩省產茶多在荒僻之地日久採植菁華勢必日歇而行銷又以外洋商販為大宗每年春間新茶初到省垣洋商昂價收買以廣招徠迨茶船擁至則價值頓減茶箱往往虧折資本加以浙江廣東九江漢口各處洋商茶棧林立輪船信息最速何處便宜即向何處售買故閩茶必專恃洋商而洋商不專恃閩茶此皆茶租盈絀所繫從前請試辦二三年再行定額者蓋未熟籌及此也現查閩省啟運茶稅自咸豐三年儀征起是年

計收八千七百餘兩四年分收一萬五千兩零五年分  
收一萬三千六百餘兩六年分收一萬三千二百餘兩  
七年分收二萬零二百餘兩八年分收一萬二千數百  
餘兩九年分收一萬二千八百餘兩十年分收二萬二  
千六百餘兩十一年分收五千九百餘兩零同治元年  
分收一萬二千九百餘兩二年分收三萬八千三百餘  
兩三年分收一萬八千三百餘兩四年正二兩月收二  
百五十餘兩運銷茶稅自咸豐五年起是年收三萬二  
千一百餘兩六年分收十五萬二千三百餘兩七年分

初編卷三五

七

收十五萬九千六百餘兩八年分收十一萬六百餘兩  
九年分收十七萬九千餘兩十年分收二十三萬八千  
五百餘兩十一年分收二十一萬六千二百餘兩同治  
元年分收二十四萬三千七百餘兩二年分收二十一  
萬三千六百餘兩三年分收二十一萬七千餘兩欲折  
其中而多寡既有參差欲定為額而徵收實無把握理  
財之道首在得人從前地方官承辦間為差胥朦蔽難  
期涓滴歸公今改歸局辦委員征收核實報解計自同  
治四年三月起截至年底止共征起運稅銀三萬七千

三百餘兩運銷稅銀二十一萬三千一百餘兩實已稍  
有起色然產茶之衰旺無常故徵稅之盈絀難定若從  
少定額或後來征收較多恐啟侵蝕之漸若從多定額  
或後來征收較少實無賠墊之方臣等與在省司道悉  
心核議所有前項起運運銷茶稅礙難議設定額即由  
該司道督飭各局委員認真稽察實力抽收儘征儘解  
仍於年終將所收數目據實詳細造冊咨部稽核外永  
以為例似不至有流弊也據稅釐局司道具詳請奏前  
來除咨明戶部外臣等謹合詞恭摺具奏伏乞

初編卷三五

七

皇太后

皇上聖鑒訓示謹

奏 同治五年十月初八日

擬辦軍需支收款目總數章程摺

奏為遵

旨開報同治三年六月以前軍需支收款目總數先將

擬辦章程恭摺仰祈 聖鑒事竊照同治三年八月初五日承准議政王軍機

大臣字寄同治三年七月初十日奉 上諭同治三年六月以前各處辦理軍務未經報銷之

初編卷三五

古

省督撫具有天良務須督飭根查委員核實開報不得  
因有此旨任意影射浮冒並補嚴禁勸捐歸補名目及  
私設釐卡等弊如有不肖委員仍以前項情弊巧為營  
試別經發覺除將承辦各員嚴辦外必將各該統兵大  
臣及各該省督撫從重治罪部中書吏如有在各處招  
搖撞騙朦混包攬者亟着嚴行拿辦以懲奸蠹其自本  
年七月起一應軍需凡有例可循者務當遵例支發力  
求撙節其例所不及有應酌量變通者先須奏咨備案  
事竣之日一體造冊報銷不得以此次特恩妄生希冀

將此通諭中外知之欽此又准戶部咨

欽奉

上諭所有同治三年六月以前各處軍需用款准照新  
章奏報者有統兵大臣實成統兵大臣無統兵大臣省  
分責成該督撫辦理各省鉅萬軍需用該大臣督撫一  
言而定倘有不實不盡之處必唯該大臣督撫是問其  
開單存案者事屬創始其中款目繁多應如何分年分  
起核實開報之處着該大臣督撫等各就實在情形先  
行妥議章程具奏如有吏胥人等在外藉端撞騙者着

初編卷三五

五

漢運前奉諭旨嚴行查拿從重懲辦等因欽此欽遵移  
行遵辦去後時值粵逆竄陷漳龍等郡縣地方軍事旁  
午未暇兼顧將軍需報銷及一切有關例限事件咨部  
展緩辦理迫軍務肅清復經咨明於四年十一月初一  
日一律起辦一面檄飭省局司道上緊釐查開報飭據  
署藩司周開錫暨軍需局司道詳請派令已革藩司張  
餘慶會督局員核實查辦去後嗣據會同議詳閩省自  
咸豐二年起先後徵調官兵赴援各省並本省會匪連  
年滋事加以粵逆屢次竄擾閩疆十年以後與援剿浙

省署逆計截至同治三年六月止十餘年中無歲不有軍務所有動用軍需內由司局核發者均係隨時詳明開支其由統兵大員隨營支用併各府州縣辦理防剿供應過境夫糧等項已據造冊送局者亦經隨時核實查銷稍有浮開即嚴行刪減均有前後局司道核銷案據可稽惟歷時既久款目紛繁且帶兵及辦防各員多有陣亡事故未據冊報以及地方失守案卷無存無可追查者清釐非易閩省著名瘠區自前升任藩司慶端咸豐六年交代以後司庫歷有長用並無存銀遇有急

初編卷三十五

去

需均係隨時設法籌措或以各項印票權宜借用續於捐輸等項搭繳歸還又自六年以後司庫日形支絀不能分起開支款目更爲糾糾前經奏請將截至九年二月止內地動用軍需及臺灣初次剿匪分作五案造銷仍以軍務類仍未克造報茲於上年十一月起督飭局員調集檔冊逐起釐查內咸豐三年起至六年二月止又自六年三月起至九年底止剿辦粵匪土匪各案各屬均係歸併開報省局亦係一併核銷難以細爲分晰應請將歷年赴外省及本省防剿粵匪土匪各案自咸

豐三年起至六年二月止作爲第一案六年三月至九年底止爲第二案十年至十一年年底止爲第三案同治元年至三年六月底止爲第四案又咸豐十年起至同治二年止援浙爲一案咸豐三年初次剿辦匪林供等爲一案以上六案均截清年月將分起支應總數核實開報尚有同治元年二次剿匪辦臺匪戴萬生一案臺屬支用軍需款目尙未造冊呈送所有內地支給援臺官弁鹽糧及沿海各屬辦理防堵供應過境官軍等項應請附入內地四次剿匪案內彙銷仍先將同治元年

初編卷三十五

七

二年內地撥解剿辦臺匪軍餉銀兩附報又查捐輸局軍餉案內經前撫督臣奏明提撥三成爲各屬地方團練經費各屬勸辦此案捐輸均係按捐數以二成扣撥所屬紳董承辦該紳董支用辦團款目現雖未據造冊呈送所給二成銀數應與支發上游延平府屬護商經費銀兩先行彙報又奉部奏撥各省協餉司道係歸於剿匪款內動支並請照案一併開報所有六案軍需支用款目於咸豐九年以前係照前辦臺匪張丙及防夷軍需辦理十年以後係照浙省移抄章程酌辦於咸豐

十年列款

奏明有案尙有事所必需前奏未及之款誠如部奏變  
通因時又不能悉遵之處閩省通營向無公費等項名  
目堪以撥用向來均係據實開報於造銷時照例辦理  
現蒙

恩施逾格免其按例造報應將一切實用款數據實開  
呈其各案內有帶兵辦防陣亡人員未據造報者雖各  
該員支用無非兵餉夫糧等項現既未據分款冊報未  
便虛懸開造應核明司庫屬庫撥用銀兩確有報案可

初編卷三十五

太

稽者各歸各案據實開列以歸核實其各案收款自司  
庫以至屬庫前後相雜委難逐案劃清應請統行開報  
屬庫動用款目已據指款造報者均照屬冊一體查開  
其統報交代各款及未據指報款目者均列於墊用項  
下俟飭屬查明原挪係三年六月以前款項准其支抵  
另行造冊咨部並於原挪各員結報交代案內歸案咨  
銷概不准請抵三年七月以後收款此外如尙有長餘  
亦毋庸再行給領以上收支款目擬彙開四柱簡明清  
單並收支款目另造清冊分送軍機處戶部備查並據

聲明此案分年分起辦理章程實因閩省庫款糾紛非

通盤清釐難以憑空擬議以致請奏稽查等情前來臣

等覆查該司道所核歷年軍需支用情形委皆屬實據

請將六案軍需支款總數截清年月分起開報並將撥

解協餉等項附報之處尙屬妥協至閩省以著名瘠苦

之區徵兵籌餉十有餘年支應餉需之浩繁與歷來庫

款之短絀均經前督撫臣暨臣等縷晰

奏陳早在

聖明洞鑒之中計自軍興以後司庫屬庫正雜各款以

初編卷三十五

元

及捐需釐稅等項除年例動支之外無不盡歸軍需動  
用遇有急需尙藉各項印票通融濟應庫款並無餘剩  
今將已用款目據實開報其各屬挪動交代庫款報明  
確有案據現未指款開報者唯三年六月以前款目准  
其查明支抵則以後庫款亦無虞影射牽混即不致有  
浮銷之弊至於勸捐歸補閩省歷辦軍需並無此等名  
目亦無私設釐卡及書吏招搖等弊仍嚴行訪察查出  
即從重懲辦斷不敢稍事姑容並予嚴謹除督飭該司  
道繕具清單另行奏咨外謹將擬辦章程先合詞恭摺

奏陳伏乞

皇太后

皇上聖鑒訓示謹

奏 同治五年十月初八日

初編卷三五

字

保獎克復鎮平嘉應潯平髮逆出力員弁摺  
奏為遵將閩軍越境克復廣東鎮平縣城及嘉應塔子  
輿大捷殲除首逆收復州城賊匪髮逆全股疊平  
出力員弁彙案保獎恭摺  
奏祈

聖鑒事竊 臣 欽奉同治四年九月十五日

上諭左宗棠等奏官軍克復鎮平追剿賊匪大獲勝仗  
一摺此次出力各員弁着左宗棠等彙案擇尤保獎以  
示鼓勵欽此又奉五年正月十五日

初編卷三五

三

上諭左宗棠等奏官軍進追嘉應東路痛剿撲毆賊匪  
大獲勝仗首逆伏誅一摺其餘在事出力員弁着准由  
左宗棠存記彙案保獎候旨施恩欽此又奉五年正月  
二十三日

上諭劉坤一奏江西各軍剿賊大勝嘉應餘匪棄城宵  
遁本日復據左宗棠瑞麟郭嵩焘奏截剿賊匪連獲大  
捷餘匪盪平各一摺其餘在事出力各員弁着左宗棠  
查明擇尤彙案保獎候旨施恩欽此伏查閩省各軍自  
克復漳龍各城分道截剿追至武平連獲大捷聞鎮一

律肅清汪逆竄踞廣東鎮平縣城高連陞黃少春劉清亮王德榜康國器等越境馳剿汪逆圍犯閩邊各處賊越江西另謀生路閩軍堅扼其東北迭次截剿獲勝賊屢被創憚不敢前高連陞黃少春等進紮分水坳攻克白泥湖賊壘康國器等督隊分攻石古排對門營白果山各賊壘遂克鎮平沿途追剿賊之由西南竄者一蹙之於東石再蹙之於大柘賊畏官軍迫急復改趨興甯又折北向長甯奔突閩軍先駐江境之王開琳所部復蹙之於小山墟賊由長甯橫出龍南定南邊界圍犯南安

初編卷三五 三

江軍擊之遂由定南敗竄廣東連平所轄上下坪一帶分擾龍南始與其狡謀詭計仍思奔竄江西湖南邊界由湖南廣西入蜀尋石逆覆轍也劉典一軍駐汀州以援江西旋出隊至武平助剿比恐賊由興甯和平竄南雄為江西湖南邊患令劉典所部出江西安遠信豐急趨南安進紮廣東南雄為攔截之師力過其前突之路高連陞劉清亮扼其內犯廣東之路黃少春繼劉典進發駐紮信豐扼其旁竄江西之路賊見去路悉斷由連平翻山狂竄和平興甯繞越康國器等壘突陷嘉應

計汪逆一股自鎮平竄逸者尚十萬人雖迭被截殺而遷軍叛勇及惠潮嘉土匪又附益之眾約十餘萬勢且復張閩軍先後出境者將三萬人臣僅帶親兵八百駐漳奏命節制三省軍務入粵督剿調總兵楊和貴一營隨行出屯瑄溪由平和出廣東大埔劉典黃少春王德榜先後率隊來會定合圍之計高連陞康國器等亦馳抵嘉應東北賊偵知官軍將合長圍亟欲遁去而兵來神速東北面均已壓境乃於鳳寨決一死戰既不得逞官軍層

初編卷三五 三

遞進迫汪逆遂傾巢出撲塔子嶺新營屢戰竟日殲厥渠魁賊膽益落閩軍待鮑超至西北粵軍延紮西南遂日夜滾營壓城而壘譚逆胡逆亟謀突圍由南路銜走乘虛竄犯閩疆復入江皖潮匪又相與勾引因衝過粵軍營壘徑奔黃砂嶂官軍黃夜邀截四路兜擒未及三日而剿殺受降髮逆遂無遺種十餘年通誅巨寇無一漏網計自鎮平之役閩軍窮追六晝夜足不停趾自是而逆頭攔截銜尾躡追倍道回攻各軍馳驟嶺嶠往復二千餘里抵嘉應後將士一心戮力圍剿兩月之間將



汪逆大股悍賊悉數掃除仰賴

皇上天威得以速戡軍事東南數省一體解嚴而其中  
奔馳之勞瘁搏鬪之堅苦轉運之奇艱尤為久處行間  
者所罕覩在事文武實屬奮勉異常未可掩抑臣奏奉  
恩旨獎勵恭錄行知各營茲據開摺彙案請獎前來臣  
逐加覆核雖所保人數稍多然實係克復鎮平及嘉應  
塔子壘大捷殲除首逆收復州城遺孽盪平並節次打  
仗獲勝在事尤為出力水陸馬步共七十營出境後大  
小數十戰三次欽奉

初編卷三五

奏

恩旨准保並謹併歸一案彙獎未便過予核減至此次  
合三省兵力殲除髮逆闔軍戰事最多所保文員其隨  
營打仗者勞烈固倍於往常卽辦理轉運各員亦非尋  
常勞績可比間有從優保獎與部定章程不符者實係  
軍中必不可少之人員合無仰懇  
天恩敕部免于核駁庶勵志功名者感而益奮矣除記  
保以藍翎千總把總外委拔補者咨部註冊外其文職  
各員亦分別填註考語一併開列清單恭呈  
御覽伏乞

皇太后

皇上恩准獎勵以示激勸再此案所保均係微臣所部  
越境隨剿員弁故未會同廣東督撫臣福建巡撫臣具  
奏合併聲明謹

奏 同治五年 月 日

請將出力洋弁優加守備銜片

再藍翎六品軍功洋弁華阿哩隨營帶隊打仗出力並  
製造洋礮以資攻剿奮勉異常該洋弁久遵中國服色  
熟習官話應請

初編卷三五

謹

賞加守備銜以示優異而昭鼓勵謹附片具

奏伏乞

聖鑒施行謹

奏

保獎霆字全軍出力員弁摺

奏為遵辦浙江提督 霆字全軍進剿嘉應平成舖大獲  
勝仗及收復州城追剿賊餘雖邊平出力員弁彙案  
保獎恭摺

奏祈

聖鑒事竊照浙江提督 鮑超一軍由江西會剿嘉應踞  
逆於四年十二月十七日馳抵嘉應州西北之相公亭  
十九日進紮平成舖首逆譚體元胡瞎子等正因汪逆  
伏誅驚惶失措後經鮑超督隊痛剿大獲勝仗二十二

初編卷三十五

奏

夜賊由水南竄前峙嶂聞軍躡蹤緊追沿途截剿鮑超  
繼至與高連陞等合力掩捕髮逆全數邊平欽奉

恩旨獎勵當即恭錄咨行茲據鮑超咨送清單請獎前  
來 臣於是役與鮑超會師未及一月所部各員戰功未  
能深悉除文職各員鮑超原單概未出具考語 臣更無  
從註考未便率行保獎外所有武職員弁逐加覆核雖  
人數較多究係行陣出力之員當此巨寇悉平東南一  
律肅清合無仰懇  
天恩俯准照單給獎以示激勸出自

皇上逾格鴻施除記保以慰爾千總把總外委拔補者  
咨部註冊外謹將提 鮑超所部武職員弁開列清單

恭呈

御覽伏乞

皇太后

皇上聖鑒施行謹

奏

初編卷三十五

奏

查辦齊教餘匪搜捕事竣地方安謐摺

奏為查辦崇安齊教餘匪搜緝事竣地方安謐恭摺會  
奏仰祈

聖鑒事竊本年二月間江西齊匪勾結崇安北鄉齊匪  
突陷縣城竄擾建陽經臣等檄飭留浙知府張樹葵由  
建平進剿咨署浙江提臣黃少春由邵武迎截浹辰之  
間兩城收復黃少春所部追至江西鉛山縣屬石塘地  
方將匪匪悉數撲滅張樹葵留駐崇安搜剿餘匪除捕  
斬匪首陳奴奴等七犯業經專摺

初編卷三五 三

奏報外續獲逆戡官匪首安坎孫及匪犯張龍闕芳  
秋彭普孫余學永林保孫表舍弟衷坤陳削削林老仔  
萬正但左進寶彭寶林林連壽林盛仔孟袁倪細弟汪  
貴貴趙星彭弟寶劉弟仔黃鳳仔黃敬孫彭德光李小  
胖黃老盛王初仔安三弟彭五仔童角仔毛大弟彭惠  
孫吳占標余錦春吳弟驃馬留興周流流楊錫清彭妹  
仔王婢婢衷寶孫周懶沈彭紹弟張春茂毛金孫等四  
十五犯並獲造作謠言乘機搶掠之游勇陳文魁陳得  
勝吳弟等三名又會同分駐崇安之署建甯左營游擊

朱光斗查拿通逆內應之革兵彭元標吳占標衷占與  
衷元標范占榮周海亮章鳳高等七名並派游擊賀定  
貴守備陳維高帶隊越境搜捕至江西封禁山九井地  
方拿獲偽護將曾寶寶一犯均經訊明就地正法分別  
臬示以昭炯戒將口圍董拿獲偽先鋒徐雪孫一犯前  
代理建甯府知府周星貽督飭建陽縣營頭巡檢黃永  
錫緝獲焚搶燼局之黃奶波劉光奴二犯當飭訊明誅  
治閩境一律肅清伏查此股齊匪先在封禁山潛聚灌  
入閩邊勾結滋事據黃少春張樹葵擒獲逆匪僉供首

初編卷三五 完

匪胡老大胡老三江西南昌府人家距府城四十里在  
家為匪不法房屋被焚逃至鉛山石溪空口排樓前破  
屋內居住大渾石塘諸戰該逆兄弟曾否殲斃無從查  
悉比即飛咨江西撫臣派隊搜山關軍隨時會緝近聞  
鉛山茅排有土匪戡官之事難保非餘孽潛萌昨接江  
西撫臣劉坤一緘稱該處土匪已為練勇所殲漏網無  
幾並親入封禁山履勘情形餘屬編查戶口田土等語  
當可一清淵藪上慰

宸厯闡省崇安一帶茲已搜剔無遺其餘各屬間有持

一五... 頁 14 版反內

齋之輩並無匪蹟自未便株連究治操之過嚴現飭留防各營將弁於捕治土匪之次細加偵察總期無擾無縱久可化莠為良庶仰副我

皇上仁育義正之至意擬保道銜留浙知府張樹菱前聞崇安警信不俟齊隊即率三百人冒雨馳抵建甯郡城人心賴以安戢收復建陽崇安實有勞績且久駐延平捕治上府土匪深為得力應請優獎以示鼓勵該員於克復浙江湖州等城案內以剿賊出力經臣宗棠奏保以知府留浙不論繁簡遇缺即補部議駁令另核

初編卷三五  
手  
請獎香核該員以刑部員外郎奉

旨引  
旨特發浙江交臣宗棠差遣京員在外出力既不能保升京秩以升階留於

特旨發往之省又即在該省出力似與尋常保免補留省者不同且該員隨同剿賊實屬勞績異常應請勅部准照原保以知府留浙不論繁簡遇缺即補並賞戴花翎所部尤為出力之花翎將銜儘先游擊賀定貴請以參將儘先補用並

賞加副將銜藍翎都司周鏡清請以游擊儘先補用並請

賞換花翎花翎游擊銜都司栗龍山請以游擊補用並賞加參將銜藍翎守備張德勝請以都司留浙遇缺即補並

賞換花翎花翎守備陳締高鄔連政藍翎守備劉三元均請以都司儘先補用陳締高鄔連政並賞加游擊銜劉三元並請

賞換花翎其餘在事出力員弁暨黃少春所部各員弁容俟彙入治匪案內保獎謹合詞恭摺具奏伏乞

皇太后

皇上聖鑒訓示施行謹  
奏 同治五年十月初十日

初編卷三五

三

格靖奏稿初編卷三十六目錄

陳明籌撥鹽課銀兩批解京餉摺

鹽商欠款設措賠完請開復原資摺

鹽務各貽課銀兩分別請豁摺

民欠坵折普育吸引各款懇一體豁免摺

閩省吏事需才請飭署藩司久任經理摺

陳請停止閩省武職捐例片

調回親兵隨征并分辦各土匪大欵就緒摺

停止勸捐運本陳報收捐銀數摺

初編卷三十六目錄

陳明籌撥鹽課銀兩批解京餉摺

奏為籌撥鹽課銀兩批解京餉恭祈

聖鑒事竊准戶部咨奉

上諭戶部奏請飭催各省趕解京餉一摺上年戶部

奏撥本年京餉銀兩福建鹽課銀六萬兩著該督撫等

按照該部指撥數目務於年內如數解到毋得飾詞延

久致誤要需等因欽此茲據鹽法道吳大廷詳稱閩省

鹽務改行票運課釐並抽初屆所收票課銀兩

奏銷冊報除解給奉部指撥本省兵餉及解司武職養

初編卷三十六

十一

廉道庫額支俸廉役食等項支用外僅餘課銀一萬四

千兩零不敷支解惟查奉文指撥鹽課撥充京餉銀六

萬兩京餉攸關自應設法籌解以濟要需茲經籌動徵

存各年分正課銀二萬兩作為奉撥同治五年分京餉

委令廈防同知馬珍承領解送仍由西商滙兌進京支

取赴部投納其餘銀四萬兩容再籌款另行委員解送

具文謹請

奏明循案分咨辦理併請核給咨文發道以便發交該

委員馬珍領解飭取起程日期詳咨至此項京餉係奉

文指撥鹽課向無隨徵加平飯食等銀合併聲明等情前來除核給咨文發交承領起程並嚴飭該道再將餘銀續籌報解外臣謹會同福建撫臣徐宗幹合詞恭摺具

奏伏乞

皇太后

皇上聖鑒謹

奏同治五年十月初十日

初編卷三十六

二

鹽商久款設折賠完請開復原資摺

奏為鹽商久款現據設措賠完請

旨開復原資恭摺奏祈

聖鑒事竊查永德田南幫原商林康成並其子舉人林炳珪林炳垣相繼接充因欠課停運於咸豐七年間經前督臣王懿德奏咨將該舉人等斥革提追押辦奉到硃批均著一併斥革欽此欽遵轉行追繳在案因該商幫地處邊匪擾辦運無資自同治元年為始由道委員領本代商辦理計截至咸豐十一年底止永春一州德

初編卷三十六

三

化大田南安三縣年額共應完正溢課雜等銀一千二百八十一兩六錢三分三釐除已人十年正課九年溢課案內核數造完外該商各下計其欠完正溢課及帶輸等銀四千七百三十九兩七錢四分七釐又未完各年府稅銀九百七十八兩六錢一分共計積欠課雜銀五千七百一十八兩三錢五分七釐節飭催追未據完繳歷年委員代商辦運亦無起色迨同治四年改行票運始著成效是該舉人林炳珪林炳垣辦充疲敝幫地致呈吏議情殊可憫現經鹽法道吳大廷催據該商竭

力措貸賒繳課銀二千三百四十二兩八錢四釐已撥完各項正溢課帶輸項下造報外計尙欠完正溢課銀二千三百九十六兩九錢四分三釐府稅銀九百七十八兩六錢一分據稱家實寒微力難再行賒繳該商名下尙有積存未運存引稟請抵繳到道經吳大廷細加訪察委屬實情並查該商久未辦運既尙有未運存引五萬一千五百七十九担除之多合計成本尙值銀七千七百三十餘兩是此項欠課實與官幫缺銷悉賠無異既據竭力設措現銀賒繳並有存引可以抵銷可否

初編卷三十六

四

將其原革舉人謹請奏咨開復前來 臣等復查該商林康成自舉充承德田南幫鹽商歷年賠累已至傾家後因幫地遭匪停運積欠課雜等欸坐視兩子

奏革功名實屬因公賠累現據林炳珪等將應完課欸勉措賠完餘欠僅剩銀三千二百餘兩由該道查明確有存引五萬一千百餘担可以抵繳情實可原合無仰

懇

天恩俯准將原革道光庚子科舉人林炳珪道光癸卯科舉人林炳垣一併開復免其追賠以示矜全之處出

自

聖慈除將未運陳引悉數繳還歸於繳殘案內報部核銷並咨吏戶禮三部查照外 臣等謹合詞恭摺具陳

伏乞

皇太后

皇上聖鑒敕部查照施行

奏 同治五年十月初十日

初編卷三十六

五

鹽務各員賠課銀兩分別請豁摺

奏為閩省官辦鹽務各員欠完缺銷賠課銀兩分別已故參革等項人員彙繕清單恭摺

奏祈

聖鑒事竊准部咨咸豐十一年十月初九日欽奉

恩詔內開一各旗籍內務府並五旗色衣人等凡侵貪挪移一切賠罰應追銀兩實係本人家產盡絕查明准予豁免其分賠代賠以及牽連著賠者一概豁免一凡官員因公罰賠等項而其孫子又代祖父著賠者查明

初編卷三十六

六

豁免一其營官兵有因出征及被災借支俸餉者免其扣還欽此經部 臣題覆奉

旨准行並查部咨以次恭逢

恩詔有應本人家產盡絕取結准豁者有應查因公賠罰並牽連著賠一概准免者凡定案在本年十月初九日

頒詔以前者均應查明一律辦理再道光三十年豁免案內尚有已奏未結已辦未奏之款應歸入此次豁免案內一併辦理嗣後接准部議條款一缺銷賠前短徵

鹽課按任分賠者其現在有官之員查明實係家產盡絕方准豁免無官之員即予豁免等因 臣查閩省官辦鹽務各廳縣場多處下游非地濱海島即迫近場窳以致私梟充斥官引滯銷承辦之員無不駭賠課款致積欠甚鉅無可追繳其缺銷賠項既欽奉

恩詔准部 臣 臣行查辦應即釐查核實造報茲查閩省欠完缺銷鹽課各員除現在閩省有官有缺並丁憂告病告假及改省等項均係有官之員仍應按員查追不准請免外其已經病故並參革未經開復者共計一百

初編卷三十六

七

零六員又已故參革已經離闕其四員截至已入奏銷照咸豐九年正課止欠完課雜各款核與豁免條款相符查明數目分造清冊又道光三十年欽奉

恩詔案內前經造報請免飭查聲覆未奉准免茲查日經病故併參革未經開復兩項計共一百零一員又已故參革已經離闕計共五員所有欠完課雜各款相應一併開報請豁以廣

皇仁據署福建布政司周開錫鹽法道吳大廷分造各員欠完銀款數冊並開具清摺謹請



奏咨前來除將各員欠完年款銀數清冊咨送戶部查覆外臣謹會同福建撫臣徐宗幹合詞恭摺具奏並繕簡明清單恭

御覽伏乞

皇太后

皇上聖鑒敕部覈復施行謹

奏 同治五年十月初十日

初編卷三十六

八

民欠坵折普賧引各款懇一體豁免摺  
奏為閩省下游各屬欠完坵折並隨徵普賧及賧引價銀查明確數彙繕清單恭摺

奏祈

聖鑒事竊准部咨同治元年六月十八日議政王軍機大臣奉

上諭戶部奏遵議直隸河南民欠漕項請予豁免一摺直隸河南尚成豐九年以前民欠漕糧雜項前經文煜鄭元善先後奏請豁免當交戶部議奏茲據奏稱核與

初編卷三十六

九

辦過成案相符所有成豐九年以前直隸等省民欠出借倉糧材種口糧牛具漕項葦課學租雜稅等項准其隨同錢糧一律豁免即著文煜鄭元善查明實在民欠之項查照辦理毋任稍有弊混其因災緩徵九年以前漕糧並民欠未完常漕倉穀著一併豁免以紓民力該督撫卽刊刻謄黃通行曉諭務使實惠均霑毋任吏胥舞弊用副朝廷軫念民依至意餘依議欽此欽遵轉行到閩當經敬謹騰黃宣宗並頒發各府州縣一體欽遵徧行曉諭在案茲查閩省濱海產鹽之區類年應需坵

課鹽折二項與地丁一體徵收由各縣場批解鹽法道庫歸於正課

奏銷間有民欠未完即於

奏銷冊內據實開列造報又普育一款係隨同坵折正項徵輸撥充本省普濟養育兩堂經費與地丁之耗羨相似又興化府屬之莆田縣年額應徵賦引價一款原係附海窰戶應辦鹽斤交商支配嗣因辦納鹽斤不前折價交商聽自行買鹽配運於雍正元年裁商停引此項賦引銀兩亦即豁免除至雍正五年復據莆田場附

初編卷三十六

十

海各窰戶具呈仍行照納賦引價銀由莆田縣撥解道庫歸入長價項下遞年彙同雜項造冊

奏銷係屬鹽務中之雜款錢糧道光十五年二十五年及咸豐元年三次欽奉

恩旨豁免積年民欠均經各前督<sub>臣</sub>將道光二十九年以前各縣場民窰積欠坵課鹽折並隨徵普育及賦引價各銀兩奏蒙

聖恩全行豁免此次欽奉

恩旨蠲免積逋所有道光二十九年以後民窰積欠坵

課鹽折並隨徵普育及賦引價各銀兩自應一體查辦

飭據署福建布政周開錫鹽法道吳大廷就存道案冊按年按款詳細確查計自前道光三十年起至咸豐九年止實在民窰積欠未完坵課鹽折銀一十萬七百一十三兩四錢二分一釐七毫八絲又隨徵普育銀一千一百一十二兩九錢七分七釐八毫八絲又賦引價銀五千三百七十一兩一錢九分造具細冊謹請覈奏前來<sub>臣</sub>查坵折普育賦引各款均係徵自民間與地丁錢糧耗羨雜稅無異倘蒙

初編卷三十六

七

恩准一體豁免<sub>臣</sub>仍當嚴飭該管道府澈底詳查如在

奉旨以後文到以前已據各花戶輸納在官者即查明已輸銀數照例作為次年正額其未奉

恩旨以前徵存屬庫未經解道之項仍按數提解報繳以杜胥役侵欺之弊除開省積年民欠正雜錢糧業經查明

奏報並將各縣場民窰積欠數目分別年款彙場另行造冊咨送戶部查核外所有開省積欠坵折普育及賦

引價等欵銀數臣謹會同福建撫臣徐宗幹會詞恭摺具

奏並繕冊明清單敬呈

御覽伏乞

皇太后

皇上聖鑒訓示謹

奏 同治五年十月初十日

謹將福建省各縣場民自道光三十年起至咸豐九年止積欠坵折膏育及賦引價等欵銀數繕具清單恭

初編卷三十六

三

呈

御覽

一道光三十年分坵折銀七千三百五十六兩六錢七分六釐六毫

隨徵膏育銀一百三兩九分三釐

賦引價銀五百三十七兩一錢一分九釐

一咸豐元年分坵折銀八千三百八十二兩七錢八分

六釐八毫

隨徵膏育銀一百六兩八錢六分五釐七毫賦引價銀

五百三十七兩一錢一分九釐

一咸豐二年分坵折銀一萬二千四百八十三兩五錢

九分七釐八毫

隨徵膏育銀一百二十六兩三錢七分一釐提上賦引

價銀五百三十七兩一錢一分九釐

一咸豐三年分坵折銀一萬三千二百三十兩五錢七

分三釐八毫

隨徵膏育銀一百二十九兩三錢一分九釐八毫

賦引價銀五百三十七兩一錢一分九釐

初編卷三十六

三

一咸豐四年分坵折銀一萬六百二兩六錢三分一釐

四毫

隨徵膏育銀一百一十三兩八錢一分二釐五毫

賦引價銀五百三十七兩一錢一分九釐

一咸豐五年分坵折銀九千一百七十七兩五錢六分

九釐四毫八絲

隨徵膏育銀九十八兩三錢八毫八絲

賦引價銀五百三十七兩一錢一分九釐

一咸豐六年分坵折銀一萬四百四十七兩九錢九分

三釐八毫

隨徵曾育銀一百一十三兩八錢五分五釐

賊引價銀五百三十七兩一錢一分九釐

一咸豐七年分坵折銀九千四百八十九兩一錢九分

五釐五毫

隨徵曾育銀一百六十兩四錢一分八釐

賊引價銀五百三十七兩一錢一分九釐

一咸豐八年分坵折銀九千七百五十三兩七錢八分

九釐八毫

初編卷三十六

十四

隨徵曾育銀一百四兩七錢八分六釐

賊引價銀五百三十七兩一錢一分九釐

一咸豐九年分坵折銀九千七百八十八兩六錢六釐

八毫

隨徵曾育銀一百一十兩一錢五分六釐

賊引價銀五百三十七兩一錢一分九釐

以上統共積欠坵折隨徵曾育及賊引價銀一十萬七

千一百九十七兩五錢八分九釐六毫六絲

閩省吏事需才請飭署藩司久在經理摺

奏為閩省治事需才請

飭署藩司久於署任一手經理以重地方事竊閩省吏

治軍政頽廢已久所有困敝情形業經臣於同治四年

正月延平行營應陳

聖鑒嗣奏請浙江督糧道周開錫及道員吳大廷來閩

辦理蒙

恩允行吳大廷旋奉

恩旨補授福建鹽道任事一年成效大著鹽務徵辦實

初編卷三十六

七

銀四十餘萬鹽釐牙帖尚二十萬兩不但遠過從前報

解虛收虛抵之數並較歷來定額徵收之數亦且多至

一倍有餘疊經據實陳明亮蒙

聖鑒茲查周開錫自同治四年三月來閩辦理釐務新

章八月底奏委署理藩篆截至本年八月初八日止一

年期滿分欸比較同治三年徵收數目周開錫任事後

徵收數目謹逐一據實按欸詳陳仰祈

聖慈鑒察一司庫進欸除攤指各欸並搭收司印等票

不計外周開錫任內實收地丁耗羨耗米稅契驛站等

欵其實銀六十二萬五千四百二十三兩零比較同治三年九月起至四年八月二十八日一年止收銀三十三萬九千七百八兩零計長收銀二十八萬五千七百一十四兩有奇稅釐一欵自同治四年三月釐定新章周開錫接辦起至十二月止連閏計十一個月其收銀二百二十二萬五千二百二十兩零比較同治三年分收銀一百二十九萬二千九百五十四兩零計長收銀九十三萬二千二百六十六兩有奇又自本年正月一起至七月底止計七個月共收各項稅釐銀一百六十

初編卷三十六 夫

二萬九千四百八十六兩零比較三年分征收數目已長收銀三十三萬六千五百三十二兩零通計自周開錫接辦稅釐署理藩篆以來比較已革藩司張銓慶任內共長收銀一百九十一萬五千二百七十兩有奇一細一贏事理昭著始時閩人或疑其取民已悉近見商安於市而農安於疇無異議也始聞閩官或疑其操之太急近見其家無私蓄而庫有餘財無異議也該道周開錫廿餘年前從<sub>臣</sub>讀<sub>臣</sub>書湘中頗能刻苦立志為有用之學自咸豐二年粵寇犯湖南<sub>臣</sub>先後入撫<sub>臣</sub>張<sub>臣</sub>其

諭秉章幕襄理軍務周開錫時以兵事餉事來相啓告胡林翼言聞其才調之入鄂積功保知縣試治沔陽州有能聲旋以軍功保擢知府李續宜會國藩亟共賞之<sub>臣</sub>入浙閩辦軍務周開錫以誼不避難辭曾國藩入浙從<sub>臣</sub>衢州<sub>臣</sub>奏署温州府事兼署溫處道蒙恩補授温州知府旋<sub>臣</sub>入閩督辦軍務奏調赴閩差遣<sub>臣</sub>茲蒙恩旨開其浙江糧道缺調補福建延建邵道<sub>臣</sub>維該員

初編卷三十六 七

守潔才長實為濟時之選不獨循例一事為所優長即更事兵事亦頗能見其大<sub>臣</sub>前與撫<sub>臣</sub>徐宗幹熟商現在福建時政以裁餉規停攤捐籌津貼定兵制為恤民恤吏恤兵之要造船兼造師船為緝海盜之要栽種桑棉廣布帛之利為民生之要已飭該道次第經理兩有端緒接替殊難其人新接布政使鄧廷枏人本廉謹惟才識實欠開展已據該司於臬司任內稟請病假兩月縱令病能速痊亦斷不勝藩司重任此固英桂徐宗幹所檢知者道員中如吳大廷又因臺灣海疆要缺

才

奏請調補先赴署任此外司道各員或甫經外任或未  
習吏事不敢冒昧擬委臣現定本月十七日交卸督篆  
回顧閩事成效難期心殊惘惘合無仰懇

天恩仍令周開錫署理福建藩司俾得盡其設施庶於  
閩事大有裨益如蒙

俞允鄧廷枏可否請  
旨飭令病痊後赴部引

見出自

初編卷二十六

末

聖裁再留周開錫仍署藩司撫臣與臣意見相同惟撫

臣自前月二十八日起忽患脾泄等症日間增劇未及  
會銜合併聲明伏乞

皇太后

皇上聖鑒訓示施行謹

奏 同治五年十月十二日

陳請停止閩省武職捐例片

再閩省營務積弊甚於他省推原其故由武營捐班太  
多流品混雜勢豪策名右職藉為護符劣弁巧擬升階

專為牟利一旦資緣得缺竟敢靡惡不為現在稍示區  
別報捐者亦漸少於前即此可知從前報捐之多實為  
軍政之害所有閩省捐納武職各員弁應一律送部引  
見其未引

見者概不准收標委者至捐例原為籌餉起見武職官  
階捐納例銀本屬無多除福建一省外各直省報捐武  
職者甚屬寥寥實亦得不償失應請

旨勅部將報捐武職一條永遠停止以杜貪競而肅軍  
政臣愚昧之見是否有當謹附片具

初編卷三十六

末

奏伏乞

聖鑒施行謹

奏 同治五年十月十二日

調回親兵隨征並分辦各土匪大致就緒摺

奏為捕治興化土匪事竣調回親兵隨同西征並各軍分辦各屬土匪大致就緒恭摺奏祈

聖鑒事竊 臣宗棠前派幫辦營務留浙同知虞紹南督

帶親兵駐紮興化會同總兵簡桂林副將楊在元等勘

辦土匪業經兩次彙報在案竊紹南簡桂林等捕治九

里洋土匪後虞紹南移駐仙遊沙園鄉楊在元移辦莆

田泗洋鄉布政使王德榜亦分營搜捕莆田之前范仙

遊之楓亭各村土匪陸續捕獲講尾村匪首陳鳳榮十

初編卷三十六

三

即陳添八營溪匪首羅十八即羅彥蓋尾村匪首蕭日

坂頭村匪首陳粗壘西遊村匪首林清即林拐脚寶樹

村匪首王五下窟村匪首郭漲郭染東蔡村匪首蕭光

演蕭安泗洋匪首官廿六即官濼官六一即官濼官八

七即官塘前范匪首王必林開裕九里洋匪首蔡得金

五又捕獲巨匪謝郭下問姝關虎秋李狗砂楊大妹

三黃青旨即黃在林俊即楊袋郭盛陳挺陳進芳余春

生吳九妹黃劉鑽黃拐脚烏劉嵌頭十二蔡阿四即光

弁四蔡訪謝珍生徐春蔡回頭牛劉成發歐江口仔許

青旨即許嘉戴陽春戴紅鼻砂王記戴旺孫李由生李

老池鄭裕張客烏林陳鳳十九吳占陳青旨即陳地王

狗冬季尼黃拐脚六四黃烏擊方錯歐謝即陳尾即陳

日高黃狗砂黃細鏞鼠許四哥陳發謝梓蘇彩鄭粗壘

鄭三砂蔡全黃哥三蔡針慶陳六妹砂王楚泛歐臭頭

尾即李叶黃松李世尾鄭眉李樹即湯隴即湯二十一

何雞三黃後門五林滿十丁煖一黃世羅許光蔡路四

蔡開王了頭詹土興李雅即劉南平黃慶眉黃樹即姚

矮古裕黃眉吳玟琳鄭進鄭吟即鄭殿李新即陳尙楊

初編卷三十六

三

謂黃漢李金陳狗齊李詠林元五官地生官二十九即

官用官寒叶官堂官特官五三即官滔黃秋九方大頭

即方幅李瑞鳳林眼林烏獅林四黃元文李武秀蕭元

梓林殺清陳永標陳雲秀鄭地黃墩陳兵翁山蔡波黃

紅九連淑林東平黃烏鴉兵嚴粗燕烏李葉陳齊李振

侯薛薛善振程秋潘立陳溪要柯恭劉欄花王湧薛

傳蘇粗洪巡生張廣朱旺即李旺陳幅鍵朱添益即朱

王爺還朱湘朱伯猴朱阿痞蔡三鄭稻蔡阿口黃慢黃

懷謝眉黃滿即黃怨李珠林好柯潭等一百四十六名

均供認搶劫械鬪擄禁重情兇惡昭著內並有從逆擄掠拒捕戍勇入署劫犯掘家強姦等重犯當飭訊明分別斬梟以伸

國法莆田縣知縣黃道傳捕獲迭次擄禁男婦多名之著匪林粗洪刑書匿案庇縱當經該縣稟請將該書吏翁發從重懲辦訊明林粗洪所犯罪狀即批飭就地正法其餘情罪較輕之趙遮郎等一百廿餘名分別監禁鎖礮刑責保釋與化所屬著匪漏網者百無一二一郡肅清此興化治匪事竣情形也簡桂林移師而北會同

初編卷三十六

三

署福建府知府丁嘉璋等按治閩縣尙幹墩土匪楊在元繼至捕獲匪首林五二林正剪材道如林道對即白乃林國亮等五名著匪林紅妹林道鹹林呢弟林道鑑林番薯粿林雁二林嫩林長謀林發舒施尾時林二二材日照等十二名均訊明正法並獲林道鞏等十六名分別擬辦王德榜續獲惠安著匪何闊何扶生蕭三妹高權何庵即何廢連沅興何二九柯魁柯屈吳青棍陳添水何崎吳亨吳番庸吳二方張山張熾何獻何榮莊園黃板何產慈遠先王九葉等二十四名均訊明斬之

其餘莊匪等三十名發縣研訊定擬委員候補縣丞秦維榕獲晉江縣轄著匪陳挪即陳坦署同安縣知縣白冠玉捕獲拒捕傷勇之著名匪首蘇縣並獲從賊攻城之髮逆偽前營丞相洪甜安溪縣知縣羅運端獲五里舖著匪王井李針二名署德化縣知縣獲迭次搶劫之張五署漳州鎮總兵楊和貴獲從逆攻城之漳浦逆匪陳梓及著匪林做道員朱明亮獲詔安著匪胡浩然暨永定著匪盧貴離盧昭喜廖肇周曾元亨曾友幅等五名留浙知府張樹葵獲安嵐角著匪彭鴻高署建甯

初編卷三十六

三

左營遊擊朱光斗獲著匪章魁署南平縣知縣馬騰獲劫殺事主巨匪周土元順昌縣知縣陳星聚獲拒捕著匪林春黃河五二名均訊明誅治分別梟示以昭炯戒汀州寧化一帶經總兵張福齊分軍按治餘匪有逃避江西石城縣境者張福齊已派隊越境搜緝尙未續接稟報其前在淮土水東捕獲尙未訊辦之劉賢在劉成斌劉成雍羅家連羅家春廖開顯黃日成黃洋寶黃良伐李興順等十名及清流會匪葉淦淙曾太養吳貴沅等三名現飭該縣知縣確審分別擬辦此各屬治匪



情形也伏查閩省山海交錯盜賊充斥由來已久自經此次勘辦著名首要匪犯擒戮殆盡而後強暴稍知畏法良懦得以相安除福寧寧漳二府未暇一時併辦現飭地方文武認真整理兼分駐勁勇以資鎮壓外所有上下游各屬辦理均已就緒 臣宗棠十七日交卸督篆後尅期啓程當飭虞紹南帶親兵回省嚴裝啓行並仍酌留楚軍勇丁數千人分布各郡縣為建威銷萌之計庶可無虞伏莽永靖澆風擬保知府銜花翎留浙補用同知虞紹南治軍嚴整決獄廉明迭次督隊剿匪躬冒

初編卷三十六

書

矢石錄四五百人苦心分明無枉無縱與化士民爭歌頌之其治匪之功實為各軍之冠合無懇恩破格優獎將該員虞紹南免補同知以知府仍留浙江遇缺儘先補用以示鼓勵其餘尤為出力各員弁容即查明彙案遵保 臣等謹合詞恭摺馳

奏伏乞

皇太后

皇上聖鑒訓示施行謹

奏 同治五年十月十六日

停止勸捐運本陳報收捐銀數摺  
奏為停止勸捐運本所有收捐銀數恭摺  
奏報仰祈

聖鑒事竊閩省從前商幫辦運額經前督 臣慶端奏明招舉殷商接充並勸捐運本設籌辦理奉准部覆行令援照前辦運本成案勸捐按照籌餉常例分別請獎等因當經行據前司道會議請將所捐銀兩接照籌餉新例及常例所職實銀以七二折核算請獎札飭委員馳赴各屬會同府縣查訪殷戶勸導認捐陸續解繳

初編卷三十六

書

緣官運委員辦額已多經前督 臣慶端督同前護鹽法道劉翊宸議令殷實現商領本加額認辦一面另招販戶接認所領運本查照前章三年後分作五年勻還會據現商李玉成吳玉全何桂芳何允升黃晉豐販戶杜春輝高美全李金全魏萬全徐鼎和郭成亨等先後指明幫地具結領本認辦其餘懸額未經招足致未停捐 臣左宗棠抵任查悉閩省鹽務積弊並訪聞勸捐運本一事初尚擇上等殷戶情弊繼則中下之戶亦勸派捐繳甚至營提押追難保別無需索實屬有累商民無

神

國課當飭速予停止並飭將捐戶花名銀數分飭各府縣截數催繳造報去後茲計自咸豐十年開捐起截至停捐止查明共捐銀一十六萬六千七百六十二兩八分內除各戶欠繳銀一萬一千一百三十二兩二錢三分現已截止另行辦理外所有已繳銀共一十五萬五千六百二十九兩八錢五分內已繳道庫並解司庫及由司移抵道庫應解兵餉共銀一十五萬四百四兩二錢八分尚有各屬收繳未經批解銀五千二百二十五

初編卷三十六

奏

兩五錢七分據署福建布政司周開錫監法道吳大廷查開數目謹請

奏咨前來除咨戶部查照並飭該道將各捐戶未繳並各屬已收未解銀兩飭催趕繳歸款並將已繳各戶應得獎叙官職飭開履歷送道移司彙案謹請

奏辦外合將勸捐運本已經截數緣由謹合詞恭摺具奏伏乞

皇太后

皇上聖鑒敕部查照施行謹

奏同治五年十月十六日

初編卷三十六

奏

修靖奏稿初編卷三十七目錄

給兵司票請改動釐收買摺

統擬暫停借給兵丁穀價銀兩片

請將金門鎮總兵改為副將摺

恭報交卸尅期啓行並留軍駐鎮上下游摺

陳明通籌閩省綠營兵額餉項摺

初編卷三十七目錄

一

給兵司票請改動釐收買摺  
奏為閩省搭給兵餉之司印銀票請改動釐金收買停止搭解稅雜等款恭摺奏祈

聖鑒事竊照閩省前因軍用浩繁錢糧登奉蠲緩贖省協餉又多次解常年兵餉積欠甚鉅曾經

奏請將同治四年夏季以前舊欠兵餉全數發給司印票銀款季以後仍照舊以五成銀票搭放所發司票請准搭收稅雜捐輸各款造報嗣准部咨應另設捐輸兵餉司票仍隨時體察如果司庫漸充即改復舊制至從

初編卷三十七

一

前欠餉既經全放司印銀票則從前所撥外省欠協內長餘若干本省地丁鹽課等款欠發內長餘若干部備查等因並先據署藩司周開錫具稟前項餉票近因各屬稅雜捐輸等款搭繳無多頗形壅滯因與各營將領商議照民間時價每百兩折銀四兩提動釐金款項收回截銷前請搭繳稅雜捐輸之處請自本年三月初八日起概行停止等由當查所稟係為慎重庫款起見應准照行批行遵辦在案旋准部咨前因復經轉行遵照去後茲接該署藩司周開錫詳稱查外標各營自咸

豐九年起至同治四年三月止給過兵餉五成司票一百二十三萬九千八百八十七兩四錢同治四年四月止給過舊欠全餉司票二十三萬一千一百四十六兩同治四年秋季以後給過新餉並臺澎各營同治四年餉廉五成司票二十四萬二千二百五十八兩其自咸豐九年池漵至同治五年三月初八日止各屬搭完稅雜及捐輸各款其收回司票一百三十一萬一千三百四十七兩九錢三月初八日起截至八月底止由軍需局提動撥金款項其收回司票二十萬三千三百二十

初編卷三七

二

三兩五錢所有從前收支數目按年均於察盤案內造報有案至所發司票續經請由司庫折收裁角抹銷所有添部議設票捐自可毋庸舉辦至遞年鄰省欠解協餉及本省地丁鹽課等款欠發內尚應長餘各若干容另行查明造報等情等覆查無異餘咨戶部查照外謹合詞恭摺具奏伏乞

皇太后

皇上聖鑒訓示施行謹

奏同治五年十月十六日

統擬暫停借給兵丁穀價銀兩片

再聞省水陸提鎮各營每年青黃不濟之時實每名借給穀價銀或一兩或數錢不等以資零糴食用仍於當年秋冬季餉內均扣歸還例由提督臣衙門代奏歷經循照辦理現因籌定裁兵增餉章程稽核各營欠餉知此項穀價自司庫支絀俸餉愆期率多有借無還營庫早以籌款為累並有借領後出師亡故或開革名糧無可追扣款成無着者亦有因公挪用者現因同治四年

初編卷三七

三

夏季以前欠餉全給司印票銀其無銀可扣者虧短尤多以後務必無款展借查陸路提標六營已據署提臣羅大春會報本年因款已無着並未出借聲請奏明暫停借給其水師提標五營前本在厦防廳庫房租項下動撥因無款改由藩庫籌借查自同治元年以後亦因無款復停借給其汀州鎮於咸豐七年漳州鎮於咸豐三年均因被匪將原存穀價搶失無存雖經攤賠補迄未歸款早經停借即福甯金門海壇南澳建甯各鎮亦與陸提六營情形相同是每年雖有借給之

名在冊員則須多方籌措在各兵實亦獲借無多且借  
僅兩月即須隨餉扣還仍於兵艱無濟茲擬減兵增餉  
計各兵已可無虞缺乏所有此項借給穀價現已分別  
咨行統擬暫停借給一面即按營查明扣回實存銀穀  
若干無可追扣若干已借可扣若干因公動墊應歸司  
庫移還若干分晰造冊清釐俟款歸有着再行循例辦  
理以昭核實除分咨戶兵二部外臣謹據實附片具  
奏伏乞  
聖鑒訓示謹

初編卷三七

四

奏 同治五年十月十六日

請將金門鎮總兵改為副將摺  
奏為請將福建金門鎮總兵改為副將仍駐金門歸水  
師提督專轄恭摺奏祈

聖鑒事竊照閩省海疆重地當臺灣未附之初洋防至  
為喫重故於順治初廈門設水師提督親標五營又於  
同安之金門設總兵一員自南迄北則有南灣鎮左營  
銅山營自北而南則有烽火營福甯左營海壇鎮閩安  
協分駐巡防聲勢聯絡而陸路提督及漳州鎮距廈門  
東北及西面均不過二百里水陸四百里中兩提四鎮

初編卷三七

五

星羅碁布所以控制臺灣設犄角而壯聲勢也臺灣設  
鎮後二百餘年兵制相沿未改情形今昔迥殊有宜因  
時變通未可拘執成例者查臺灣重鎮額兵一萬四千  
餘名北路副將駐漳化水師副將駐安平而澎湖一協  
尤為東南來往咽喉之地臺防本極周密內地沿海各  
鎮除海壇南灣二鎮距廈門稍遠應照舊制分駐巡防  
外其金門一鎮與水師提督同駐同安縣轄地方相距  
最近自應改為副將歸水師提督專轄以一事權現當  
增餉練兵減兵就餉通籌營制之際臣與水陸提臣深

思熟計凡汎地遼濶形勢緊要之處兵額未便過裁減者或酌裁員弁為省官養兵之計水師船汎在在需兵分布如將金門改鎮為協則左營遊擊守備各員缺可一併請裁以所裁廉俸薪乾等銀勻加練兵之餉兵力較厚而事權歸一於兵制實為允當准水師提臣李成謀咨請奏改前來臣查金門鎮雖為巡查外海水師洋汎而水師提督實可就近兼顧提臣李成謀親歷全轄洋面察看情形了然心目議將水提前營游擊移駐銜口金門鎮標右營移駐湄洲現議酌改金門營制可收

初編卷三七

六

因時制宜之效相應請

旨准將金門鎮改設協鎮副將一員中軍都司一員作為專營仍駐金門其前請移駐湄洲之金門右營游擊守備各員缺亦作為專營駐劄湄洲均隸水師提標統轄巡查外海水師洋汎所有金門鎮總兵一員左營游擊一員守備一員均請

勅部議裁裁存廉俸薪乾等銀仍存司庫無庸報撥以充兵餉餘應行裁改之千把外額暨戰兵守丁名數以及月請頒發印信鈐記各事宜俟該營另行查議詳咨

辦理外台州前改金門營制緣由謹會同水師提臣李成謀恭摺具

奏伏乞

皇太后

皇上聖鑒訓示施行謹

奏同治五年十月十六日

初編卷三七

七

恭報交卸剋期啓行並留軍駐鎮上下游摺

奏為微臣交卸督辦參務酌帶員弁勇丁剋期啓行並  
附留水陸各營分駐閩省上下游以資鎮壓仰祈  
聖鑒事竊臣於欽奉

諭旨調督陝甘後即料理一切准備西行因經手未完  
各件均關緊要移交後任一時恐難遽尋端緒臣雖有  
可卸之責捫心實覺難安而所部散布各郡捕治土匪  
正當治效漸著可期一勞永逸之時遽爾調動亦恐後  
此著手不易故不能不稍為留待也自九月初六日欽

初編卷三十七 八

奉

諭旨後晝夜清釐幸已就緒除檄標中軍副將楊在  
元福州知府臣丁嘉瑞恭督督辦兩案於本月十七日  
送交將軍臣英柱兼署臣即日交卸恭疏具

題外臣即入營料理軍事戒備戎裝擬於月之下旬率  
所部三千分起就道由崇安入江西出江西出湖口趨  
鄂由鄂山襄樊取道入關到鄂時會合劉典所募舊部  
點驗成營並宜派弁上口探買馬匹到襄境時應辦車  
馬到西安時宜訓練馬隊車營挑募步隊籌辦軍食均

不能不稍需時日從長集議現在西事緊急既不敢遲

留致帳軍機亦不敢冒昧徑行致貽後悔所有閩省應  
奏各件遇有需借印拜發者仍借用督印拜發沿途  
遇有陳奏事件應即借用各地方印信拜發或用調  
補陝甘總督一等恪靖伯行營木質關防拜發應先陳  
明至閩省地方甫平尚虞未靖應留所部分駐鎮壓計  
省城留駐步隊兩營馬隊一起興化留駐步隊一哨泉  
州留駐步隊一營馬隊一起廈門留駐步隊兩哨永春  
州留駐步隊一哨漳州留駐步隊兩營一哨詔安平和

初編卷三十七 九

永定各留步隊一旂汀州留駐步隊一營光澤留駐步  
隊一旂崇安留駐步隊一哨建甯留駐步隊一營順昌  
留駐步隊一哨洋口留駐步隊一哨福甯留駐步隊一  
營臺灣分駐水師均仍照舊分駐梭巡一俟本省兵制  
大定地方救平隨時酌量裁撤以昭慎重此後

寄諭

批摺懇

救下兵部由直隸河南湖北江西一帶遞下俾有遵循  
不勝感荷之至謹具摺由驛馳

奏伏乞

皇太后

皇上聖鑒訓示施行謹

奏 同治五年十月十六日

初編卷三十七

陳明通籌閩省綠營兵額餉項摺

奏為通籌閩省綠營兵額餉項恭摺具陳仰祈

聖鑒事竊臣前因軍政廢弛擬將閩浙各營裁去不可

練之兵四成有餘挑留可練之兵五成有餘加給餉銀

實力訓練縷晰

奏明在案茲臣與陸路提臣羅大春水師提臣李成謀

細加商議馬兵每名月加餉銀七錢連額餉共二兩七

錢步兵每名月加餉銀一兩五分連額餉共二兩二錢

五分守兵每名月加餉一兩四錢連額餉共銀二兩四

初編卷三十七

上

錢官馬每匹月給草乾一兩之外加給五錢唯閩省兵

餉無間之年額估銀一百三十萬一百六十八兩零內

除旗營俸餉銀穀草紅白事等項並綠旗各營米折銀

二十萬二千六百二十七兩零外綠營官兵俸餉公費

眷口紅白事等款應銀十百九萬七千五百四十四兩零

通省額設馬兵一千九十名步兵二萬七千九百七名

守兵三萬二千三百六名官馬一千九十四匹裁減四成

有餘按照新章辦理裁剩之餉仍不敷加給挑留之兵

現擬無論水陸標營一概挑留五成官亦分別酌量裁





減如有泚地緊要應行的增成數者俟核明通省新餉  
確數另行核辦其應支新餉俟各營陸續議定章程隨  
時起支擬裁員弁署任者即時裁撤實任者暫時應補  
班俟將來水陸各營陸續遷事故缺出分別調補各員應  
支俸薪乾廉暫歸軍需項下核銷以免糾纏至部撥餉  
項除本省地丁外歷年鹽課指撥十萬或十五萬不等  
軍興以來本省地丁除蠲免外只征七分有零鄰省協  
餉向無絲毫解到徒有協濟之名並無協濟之實現右  
地丁一項極力整頓除帶徵舊賦外四年新賦僅徵五

初編卷三十七

三

十餘萬不敷尚鉅查閩省起運運銷兩項茶稅當議辦  
之始即經

奏明專款解司留充本省兵餉在案所有不敷銀兩應  
懇

天恩俯准將本省茶稅照數撥用嗣後毋庸再撥鄰餉  
以免有名無實鹽課一項仍懇

勅部照常指撥以期士卒飽騰是否有當理合恭摺具  
奏伏乞

皇太后

皇上聖鑒訓示謹

奏同治五年十月十日

初編卷 三十七

三